



水經注箋序



水經在楊用修時以為久湮
撥刻方始而去其註近方有
吳歛二刻并注盛行於世惜
其中尚不無訛謬嘗謂古書

一有訛謬便成廢書然在他
書訛者猶可以理測可以意
更且一字之訛未必能累篇
一篇之訛未必能累卷惟水
經有訛非足跡所履非圖籍

所載不敢擅定且出過注入
之異勢也江淮河漢之異名
也一字之訛逕派稍異分合
頓殊此無以通彼無以受譬
之人身脉絡之間一節有碍

即為痿成故是書校刻之難
尤倍他書南州王孫鬱儀氏
專攻此書有年而架帙甚富
腹笥更廣又與四方博雅之
士所得于遐控逖覽者互相

參糾蘄歸于是遂成此書忠
臣李生克家佐有勞勩一日
持以相過余徃讀是書每遇
疑處不能自通輒為寘卷今
得聞所未聞喜而刊之于署

因嘆古人著書立言皆于古
無所沿于人無所倚或窮天
文陰陽之變或索輿地廣濶
之形或藉之名山大川或馮
之耳目手足或闢千古特立

之見或創從來未有之書故
終其身著一家言以成名而
今人載籍滿目勘訂甚易乃
不能為古人保已成之緒則
何古今人之不相及也世界

有四大水居其一然古今至
變者亦莫如水乃有疑是書
與今水不無相迤者不知此
適以明其變耳又有疑棗欽
于史缺其名者夫司馬遷之

傳以史記也至于漢書一傳
不過寫其自序文耳何足重
遷班固之傳以漢書也亦不
以范曄後漢書之一傳重也
欽以水經傳奚必以史重於

經耶又有謂酈注太贅者經
固宜簡注固宜煩經宜據實
以書注宜勿引以證彼疑其
任傳而疑經者不曰郭之注
劉之注裴之注非注也各自

為一書以行也何獨疑于酈
乎况其鈎採羣書弘鋪抒述
新益見聞尚慮是書之易竟
矣今注箋一出而變者可定
缺者可信博者可該疑者可

證是經之功不在禹下而箋
校之功亦不在欽下矣李生
謂是書成當一序之余笑曰
水經無容序也水經而贅之
以序猶序書經而贅其政事

之嘉序詩經而稱其風雅之
致也不幾于爝火而助日月
之光乎古今序水經者皆複
語也可無序也惟序其所以
箋校水經者如此其諸君氏

之姓名則俱載編首之下

萬曆乙卯年夏四月朔一日

西楚李長庚撰



南州後學朱統錚書

水經注叙

郗道元



每頁十一行每行二十字

易稱天以生水故氣微於上方而為物之先也玄
中記曰天下之多者水也得天載地高下無不至萬
物無不潤及其氣流屈石精薄膏寸不崇朝而澤合
靈寓者神莫與並矣豈達者莫能測其淵源而盡
其鴻深也昔大禹記著山濠周而不備地理誌其所
蘊簡而不周尚書本紀與職方俱略都賦所述裁不
宣意水經雖粗綴津緒又割傍通所謂各言其志而
罕能備其宣導者夫舍身圖訪順者極於川域之說
涉土遊方者寧能達其津梁綴髮髯前聞不能不賴

收半卷前

洄滿史浚伏音纏絡枝煩條貫手影十二經通尚或難
言輕流細漾固難辨究正可自亂迷見之心倫陳華
後之託其跡不知蓋闕如也野人撰證三經附其枝
要者庶備忘悞之務求其尋省之易

第二卷

第四行爲字以故闕

水經注箋序

查昔志地者禹貢而下代有撰述迄于齊梁至
百四十四家陸常侍澄任太常昉先後集爲一部
名地理書極稱該博隋唐之際圖史散失陸任所
纂已不可得而別集自行者猶五十餘家乃今所
傳僅山海佛國十洲神異數種而已然而奇編興
記往往散見水經注中造語命詞殊爲彪炳則知
承經一注擷彼二百四十四家菁英居多豈不誠
爲六朝異書哉顧傳寫旣久錯簡譌字交棘口脛

至不可讀余甚病焉間嘗紬繹割正十之六七已
與友人綏安謝耳伯葵源孫無撓商榷校讎十得
八九則懼古今聞見互有異同未敢輕致雌黃也
乃援引載籍以爲左券名曰水經注箋篋而藏之
萬曆甲寅齊安李公分陝江右旣及奏最政教恢
卓風化穆清甘棠之頌洋溢郡國間於退食之暇
延見紳帶表章幽微一日詢古先逸典于太學生
子嗣宗嗣宗偶以不佞水經注箋對公遽索觀之
慨然嘆曰是書脫誤可憾幾欲淪廢乃今箋校精

詳殆還郡氏舊物可無與當世好古之士共觀乎
遂損鍍梓之仍屬嗣宗董校其事極深研幾閱五
月而告成嗟乎水經一書原本山川而作非有道
業名理亦未可非當世博士家言所急也李公
一見輒命梓才上無槩于中哉夫水在天地間猶
乎世之貨財也發源名山流成江河趨爲四海蘊
爲雲氣還雨天下以浸潤萬物未嘗少壅也一有
所壅卽至泛溢昏墊患被四方猶之高府之財瓊
林大盈之藏蓄而不散納而不出理極勢窮潰決

雷駭此則不覩川壅而潰之禍也有國有家者使
能因是水經之理引申觸類以施於政何患不地
平而天成乎然則公之刻此用意蓋深遠矣非規
規小識所能測度矣萬曆乙卯孟夏朔日南州朱
某埜撰

水經序

敘曰水之爲德大矣哉道生天一職統材五發始
西極產母隅也折赴東墟趨子方也濺涌昭化妙
之初質流瀾符於穆之神用厚氣肇之升盛露雨
由之感澤象曜資之光明玄黃本之浮載穹灑倚
之配密雲漢會之紀戒圖書託之興瑞祗軸寄之
融絡是以寓目者歎其渾逝臨淵者頌其靈長且
兆類非此無以胚阜萬里非此無以準平醴養非
此無以烹繕而育年壤墟非此無以灌溉而興穀

法其形勢而樹都廟因其限隔而分州域軸轡輿而窮遐互通堤鑿成而塙瘠咸利鍾匯之區則珠玉以登枯絕之野則林麓不毛函夏泰和則皇波達貫坦乎國紀封原割畫則百川斷裂洋然險防况其精通天步體轄人事海安而知內寧河清而期聖出徙焉卜廢竭以表亡則代運之隆衰而姓庶之災吉亦可觀也但卑赴其常決疏爲順平成之績粲在夏書其宣導也必探夫源首其排入也必極夫歸納以奠以敷號名俱炳厥後九丘不傳

四嶽埋縕周官存數浸之略爾雅開崑崙之端若司馬遷之載河渠庾仲雍之筆江記偏係一方匪兼八表况王澤寢消地象俱廢樂廣闢者湮其溝洫便私謀者壅其湍泉公家醜激巨右改張是以啓塞靡恒陵谷皆變洪鉅者失其包帶微纖者亂其營緯紘紘訥訥莫之質竟也已故漢之桑欽特創此作追法貢體錄爲新經羅併四際總勒一典凡所引天下之水百三十有七苟非經流不在記註之限錯陳舊纂以備參鉤派盡條科以罄脉衍

務討異奇同蔚宗之旨趣嚴標郡縣肖班固之鋪
設是乃曠絕之觚翰也然規綱則舉解節未彰迨
於後魏酈道元因景純之濫觴足君長之簡逸以
博洽之弘襟擅圖輿之顓學隨經抒述掇籍弘鋪
剖說十倍於前文揮述半陟其躬履或衆援以明
訛或極辨而較是或哀述以昭邈或廓無而續有
故凡過歷之皋維夾並之坻岸環間之亭郵跨俯
之城陸鎮被之巖嶺廻注之溪谷瀕枕之鄉聚聳
峻之臺館建樹之碑碣沈淪之基落靡不芻萃曲

收左撫右采豈曰桑欽之詰釋實所以粉飾漏網
銓次疆隅乃相濟而爲編者也省曾又覽古山海
經十八卷亦字中之通撰也一則主於敘山而水
歸詳綴一則專於紀水而山頗寓列蓋山者水之
根底水者山之委枝故談伊洛者必連熊外語漆
沮者遂及荆岐亦自然之偶屬而不可判離者也
故併合以傳庶好古之賢無粹輯之煩勤爾客謂
二經所記於今矛盾矣其將捨旃可乎予解之曰
子何榆枋之安而蟪蛄之拘也其伯益之覽疏猶

之炎農之辨味也柔鄴之活纂猶之姒禹之告成也今卉藥非簠簋之稽案咸賦豈驕華之志掌亦將擯本草以詭誕斥禹貢之遠闊可乎况山殊稱目而盤峙之形不眩焉水異分合而就下之情不惑焉粵遡往牒則遠方圖物夏鼎之鑄象也聶耳雕題湯令之備獻也白民黑齒成王之作會也出受八千管仲之蒐揚也殘遺秦柱蕭何之顯布也獵廣窮長王充之嗜信也以至孔疏據之以釋經漢志錄之而麗史齊澄演之而聚書唐典繫之而

建部守節屢登於正義應麟富戢於地鈔江淹補之而不能吉甫剛之而頓躡古人崇好文獻足徵苟欲指核希怪狀寫物靈暢探荒極理驗遷圯裁量利害差剖離翕鑒度率吟宅定中外作起民緒咨諏帝采則二經者亦寰內不刊之珍典也
嘉靖甲午春三月吳郡黃省曾撰

經注所引書目

尚書

毛詩

韓嬰序詩

春秋三傳

周官

禹本紀

山海經

穆天子傳

春秋說題辭

春秋考異郵

春秋元命包

春秋命曆序

握河記

洛書

輶地圖

河圖視萌編

遁甲開山圖

河圖王板

榮氏開山圖注

汲郡古文

汲冢璣語

禮舍文嘉

孝經援神契

論語摘輔象

論語撰考識

河圖括地象

劉熙釋名

管子

淮南鴻烈解

燕丹子

韓詩外傳

國語

戰國策

桓譚新論

應劭風俗通

白虎通

竹書紀年

爾雅

郭緣生述征記

續述征記

釋氏西域記

郭義恭廣志

康泰扶南傳

法顯傳

十洲記

神異經

列異傳

關駟十三州志

黃義仲十三州記

段國沙州記

魏土地記

晉太康地記

王隱晉書地道記

楊泉物理論

相和雅歌錄

東觀漢記

傅暢晉書

張華博物志

薛瓚註漢書即漢書註稱臣瓚者周處風土記

應劭地理風俗記 袁崧郡國志

辛氏三秦記 車頻秦書

漢晉春秋 于寶按神記

帝王世紀 皇覽

典略 戴延之西征記

晉後略 司馬彪郡國志

桑欽地理志 三齊略記

呂忱字林 漢官儀

武陵先賢傳 陳留風俗傳圈稱著○圈稱東園公後

晏謨齊記 伏琛齊記

袁彥伯竹林七賢傳 盧淋四王起事

郭南中山記 上古聖賢冢地記理書著

王粲英雄記 張顯逸氏傳

陸機洛陽記 潘岳關中記

文士傳 徐廣晉記

晉中州記 華嶠漢書

張璠漢記 漢宮記

劉澄之末初記 常璩華陽國志

春秋後傳 述仙記郭著

玄中記

漢中記

宜都記

從征記

涼土異物記

續述征記

茂陵書

鄒山記

羅浮山記

樂資九州志

卽九州春秋

蔣濟三州論

荊州圖副記

錢塘記

習鑿齒襄陽記

郭仲產襄陽記

應劭十三州記

來敏本蜀論

庾仲雍山水記

袁休明巴蜀志

郭頒世語

嵩山記

鄧德明南康記

裴淵廣州記

范泰古今善言

羅含湘中記

湘州記

王歆始興記

遠公廬山記

劉敬叔異苑

楊氏南裔異物志

王氏交廣春秋

林邑志

竺芝扶南記

劉欣期交州志

交州外域記

南越記

徐幹齊都賦

李尤盟津銘

成公綏大河賦

大夏龍雀銘

張景陽玄武觀賦

劉公幹黎陽山賦

蔡邕述征賦

盧諶征艱賦

孫子荆故臺賦

繁休伯避地賦

袁宏北征賦

伏鞞北征賦

班叔皮遊居賦

魏文帝述征賦

傅逮艱遊賦

庾杲之注揚都賦

崔浩注西征賦

傅毅反都賦

崔琰述初賦

張平子溫泉賦

劉公幹魯都賦

左思齊都賦

楊脩五湖賦

應瑒靈河賦

諸葛亮與兄瑾書

諸葛亮與步騭書

孫暢之述征書

習鑿齒與謝安書

唐勒奏土論

孫暢之述畫

俞益期旅遊南中與韓康伯箋

旌陽先賢畫

英記

孫登玄陽駿與洛中故人書

陸儼山深著傳疑錄其一條云南漳都太僕好古

書籍在京嘗為言水經予因借出抄行近刻之

吳中予覽之有三疑彙欽著書能成一家言後

漢文苑何不為立傳欽之名姓又別無攷見一疑

也水經所具至到源委徧及夷夏非一人一生
所可窮極一疑也所稱酈道元注道元後魏人
其書談洽浩博後來引用者但云出水經注而
已不知經注復何所出又一疑也偶覽通典亦載
水經郭璞注三卷酈道元注四十卷皆不詳
撰者名氏亦不知何代之書但謂是順帝以後
纂序也且云所作詭誕全無憑據疑於吳越
春秋越絕之流亦不知有桑欽君卿博洽之儒其
論當可信漢書孔安國傳載徐毅以毛詩傳悖子
真子真傳河南桑欽君長此當是西漢末人
与水經同乎不

水經注箋目錄

予昔泛吳山書肆買得舊本水經

卷第一

注箋前卷書此一條者不知姓氏或

河水一

云是吳石倉先生筆甲午長夏

卷第二

抄經樓曝書檢出以遺仲魚因詠

河水二

於此本至於以擬水經去國朝若

卷第三

胡東樵問替印法公滿之尤浮予

河水三

其載于尖陽叢筆皆可參可亦

卷第四

不沒贊

卷原志

河水四

卷第五

河水五

潔水

卷第六

汾水

澮水

涑水

文水

原公水

洞渦水

晉水

湛水

卷第七

濟水一

卷第八

濟水二

卷第九

清水

沁水

淇水

蕩水

洄水

卷第十

濁漳水

清漳水

卷第十一

易水

滹水

卷第十二

聖水

巨馬水

卷第十三

濕水

卷第十四

濕餘水

沽水

鮑丘水

濡水

遼水

小遼水

沮水

卷第十五

洛水

卷第十六

穀水

甘水

漆水

滻水

沮水

卷第十七

渭水上

卷第十八

渭水中

卷第十九

渭水下

卷第二十

漾水

丹水

卷第二十一

汝水

卷第二十二

潁水

洧水

澠水

澮水

卷第二十三

陰溝水

汲水

卷第二十四

睢水

瓠子水

汶水

卷第二十五

泗水

沂水

卷第二十六

沐水

巨洋水

淄水

汶水

濰水

膠水

卷第二十七

汚水上

卷第二十八

汚水中

卷第二十九

汚水下

潛水

湍水

均水

粉水

白水

泚水

卷第三十

淮水

卷第三十一

澧水

涓水

灑水

濯水

瀕水

濩水

湏水

卷第三十二

濇水

斲水

決水

泚水

泄水

肥水

施水

沮水

漳水

夏水

羗水

涪水

潼水

潞水

卷第三十三

江水

卷第三十四

江水二

卷第三十五

江水三

卷第三十六

青黍水

桓水

若水

沫水

延江水

沅酉水

存水

温水

卷第三十七

淹水

葉榆水

夷水

油水

澧水

沅水

浪水

卷第三十八

資水

漣水

湘水

灑水

溱水

卷第三十九

匯水

深水

鍾水

耒水

洙水

漉水

瀏水

潁水

贛水

廬水

卷第四十

漸江水

斤江水

水
水
水
水
水
水
水

水經注箋卷第一

漢 桑 欽撰 後魏酈道元 注

明 李長庚訂 孫汝澄

朱謀瑋箋 李克家全校

河水一

崑崙墟在西北

三成爲崑崙丘崑崙說曰崑崙之山三級下曰樊

桐一名板松二曰玄圃一名閼風上曰增城一名

天庭是謂太帝之居廣雅云崑崙虛有二山閼風板桐玄圃淮南子云縣圃涼

風樊桐在崑崙閼闔之中山上有層城九重楚辭云崑崙縣圃其尻安在增城九重其高幾里嵇康

水經注箋

卷一

原書藏於上海圖書館

遊仙詩云結友家板桐但
未聞板松耳疑或字譌

去嵩高五萬里地之中也

禹本紀與此同高誘稱河出崑山伏流地中萬三
千里禹導而通之出積石山按山海經自崑崙至
積石一千七百四十里自積石出隴西郡至洛準
地志可五千餘里又按穆天子傳天子自崑崙山
入于宗周乃里西土之數自宗周灑水以西北至
于河宗之邦陽紆之山三千有四百里自陽紆西
至河首四千里合七千四百里外國圖又云從大
晉國正西七萬里得崑崙之墟諸仙居之數說不

同道岨且長逕記綿褫

疑當作經記綿邈

水陸路殊徑復

不同淺見末聞非所詳究不能不聊述聞見以誌
差違也

其高萬一千里

山海經稱方八百里高萬仞郭景純以為自上二
千五百餘里淮南子稱高萬一千里百一十四步
二尺六寸

河水

春秋說題辭曰河之為言荷也荷精分布懷陰引
度也釋名曰河下也隨地下處而通流也考異郵

曰河者水之氣四瀆之精也所以流化元命苞曰五行始焉萬物之所由生元氣之腴液也管子曰水者地之血氣筋脈之通流者故曰水其具財也而水最爲大水有大小有遠近水出山而流入海者命曰經水引他水入於大水及海者命曰枝水出於地溝流於大水及於海者又命曰川水也莊子曰秋水時至百川灌河經流之大孝經援神契曰河者水之伯上應天漢新論曰四瀆之源河最高而長從高注下水流激峻故其流急徐幹齊都賦曰川瀆則洪河洋洋發源崑崙九流分遊玉海引此

賦作九流分逝北朝滄淵驚波沛厲望沫揚奔風俗通曰江淮河濟爲四瀆瀆通也所以通中國垢濁白虎通曰其德著大故稱瀆釋名曰瀆獨也各獨出其所而入海

出其東北陬

山海經曰崑崙墟在西北河水出其東北隅爾雅曰此下當補河出崑崙墟五字色白所渠并千七百一川色黃

物理論曰河色黃者衆川之流蓋濁之也百里一小曲千里一曲一直矣漢大司馬張仲議曰按

事出桓譚新論而漢書溝洫志議河濁不宜漑田者乃大司馬史長安張戎字仲功今稱大司馬張

仲疑有脫誤河水濁清澄一石水六斗泥而民競引河

溉田今河不通利至三月桃花水至則河決以其

噎不洩也禁民勿復引河是黃河兼濁河之名矣

述征記曰盟津河津恒濁方江為狹比淮濟為闊

寒則冰厚數丈冰始合車馬不敢過要須狐行云

此物善聽冰下無水乃過人見狐行方渡余按風

俗通云里語稱狐欲渡河無如尾何且狐性多疑

故俗有狐疑之說亦未必一如緣生之言也述征記是

郭緣生所撰

屈從其東南流入于渤海

山海經曰南即從極之淵也一曰中極之淵深三

百仞唯馮夷都焉括地圖曰馮夷恒乘雲車駕二

龍河水又出於陽紆凌門之山而注於馮逸之山

穆天子傳曰天子西征至陽紆之山河伯馮夷之

所都居是惟河宗氏天子乃沈珪璧禮焉河伯乃

與天子披圖視典以觀天子之寶器玉果璿珠燭

銀金膏等物皆河圖所載河伯以禮穆王視圖方

乃導以西邁矣粵在伏羲受龍馬圖於河八卦是

也故命歷序曰河圖帝王之階圖載江河小本宋

川州界之分野後堯壇於河受龍圖作握河記

水經注卷之

逮虞舜夏商咸亦受焉李尤盟津銘洋洋河水朝宗于海徑自中州龍圖所在淮南子曰昔禹治洪水具禱陽紆蓋於此也高誘以為陽紆秦藪非也釋氏西域志曰阿耨達太山其上有大淵水宮殿樓觀甚大焉山即崑崙山也穆天子傳曰天子升崑崙封豐隆之葬豐隆雷公也雷電龍雷電龍二字誤即阿耨達宮也其山出六大水山西有大水名新頭河郭義恭廣志曰甘水也在西域之東名曰新陶水山在天竺國西水甘故曰甘水有石鹽白如水精大段大段當作火燬則破而用之康泰曰安息月支天

竺至伽那調御此鹽釋法顯曰度葱嶺已入

北天竺境於此順嶺西南行十五日其道艱阻一作

阻崖岸險絕其山唯石壁立千仞臨之目眩欲進

則投足無所下有水名新頭河昔人有鑿石通路

施傍梯者凡度七百渡梯已躡縣絙過河河兩岸

相去咸八十步九驛所絕法顯傳作九驛所記漢謝朓申云驛當作譯

之張騫甘英皆不至也張騫以通西南夷封博望侯漢書有傳班超遣掾甘

英窮臨西海備其土風傳其珍惟見後漢書西域傳余診諸史傳即所謂罽

賓之境有盤石之磴道狹尺餘行者騎步相持絙

橋相引二十許里方到縣渡阻險危害不可勝言

郭義恭曰烏耗之西有縣渡之國山谿不通引繩而渡故國得其名也其人山居佃于石壁間累石爲室民接手而飲所謂爰飲也有白羊小步馬有驢無牛是其縣渡乎釋法顯又言渡河便到烏菴國烏菴國卽是北天竺佛所到國也佛遺足跡於此其跡長短在人心念至今猶爾及曬衣石尚在新頭河又西南流屈而東南流逕中天竺國兩岸平地有國名毗荼佛法興盛又經蒲蒲法顯傳作捕那河河邊左右有二十僧伽藍此水逕流逕摩頭羅國而下合新頭河自河以西天竺諸國自是以南皆

爲中國人民殷富中國者服食與中國同故名之

爲此下疑脫國也泥洹已來聖衆所行威儀法則

相承不絕自新頭河至南天竺國迄于南海四五

萬里也釋氏西域記曰新頭河經罽賓犍越摩河

刺諸國而入南海是也阿耨達山西南有水名遙

奴山西南小東有水名薩罕小東有水名恒伽此

三水同出一山俱入恒水康泰扶南傳曰恒水之

源乃極西北出崑崙山中有五大源諸水分流皆

由此五大源枝扈黎大江出山西北流東南注大

海枝扈黎卽恒水也故釋氏西域志有恒曲之目

恒北有四國最西頭恒曲中者是也有拘夷那竭國法顯傳曰恒水東南流逕拘夷那竭國南城北

雙樹間有希連禪河觀佛三昧經作熙連河佛國記作希連禪河佛本行經作

尼連禪河法顯傳無禪字謝邊世尊於此北首般

泥涅佛國記作北首般泥涅遠法師不敬王者論云冥神絕境謂之泥涅今作泥涅誤分

舍利處支僧載外國事曰佛泥涅後天人以新白

縹裹佛以香花供養滿七日盛以金棺送出王宮

渡一小水水名醯蘭那去王宮可三里許在宮北

以旗此下脫一檀字中阿舍經云諸樹香以赤旃檀為第一智度論云一切木香中牛頭旃檀

為第一木為薪天人各以火燒薪薪了不然大迦葉

從流沙還不勝悲號感動天地從是之後他薪不

燒而自然也王斂舍利用金作斗量得八斛四斗

諸國王天龍神王各得少許齋還本國以造佛寺

阿育王起浮屠於佛泥涅處雙樹及塔今無復有

也此樹名婆羅樹其樹華名娑羅法也此華色白

如霜雪香無比也竺枝一作芝扶南記曰林楊國去

金陳國步道二千里車馬行無水道舉國事佛有

一道人命過燒葬燒之數千束樵故坐火中乃更

著石室中從來六十餘年尸如故不朽竺枝自見

之夫金剛常住是明未存舍利一作利見畢天不

朽所謂智空罔窮大覺難測者矣其水亂流於恒
 恒水又東逕毗舍離城北釋氏西域志曰毗舍利
 維邪離國也支僧載外國事曰維邪離國去王舍
 城五千由旬城周圍三由旬維詰家在大城裏宮
 之南去宮七里許屋宇壞盡惟見處所爾釋法顯
 云城北有大林重閣佛住於此本菴婆羅女家施
 佛起塔也城之西北三里塔名放弓仗恒水上流
 有一國王王小夫人生肉胎大夫人妬之言汝之
 生不祥之徵卽盛以木函擲恒水中下流有國王
 遊觀見水上木函開看見千小兒端正殊特王取

養之遂長大甚勇健所往征伐無不摧伏次徵仗
 父王本國王太愁憂小夫人問何故愁憂王曰彼
 國王有千子勇健無比欲來伐吾國是以愁爾小
 夫人言勿愁但於城東作高樓賊來時置我樓上
 則我能却之王如是言賊到小夫人於樓上語賊
 云汝是我子何故反作逆事賊曰汝是何人云是
 我母小夫人曰汝等若不信者盡張口仰向小夫
 人卽以兩手將乳佛國記作兩手構乳按大集月
 藏經云牛穀乳時出醇淨乳亦
讀若構互乳作五百道俱墜千子口中賊知是母
 卽放弓仗二父王作是思惟皆得辟支佛今二塔

猶在後世尊成道告諸弟子是吾昔時放弓仗處
 後人得知於此處立塔故以名焉千小兒者即賢
 劫千佛也釋氏西域志曰恒曲中次東有申迦扇
 柰揭城也也字疑當作即佛下三寶階國也法顯傳曰恒
 水東南流逕僧迦施國南佛自忉利天東下三道
 寶階為母說法處寶階既沒阿育王於寶階處作
 塔後作石柱柱上作師子像外道少信師子為吼
 怖懼心伏舊作怖效心誠佛國記云師子乃大鳴吼見證於是外道懼怖心伏而退恒
 水又東逕罽賓饒夷城南南接恒水城之西北六
 七里恒水北岸佛為諸弟子說法處恒水又東南

逕沙祇

法顯傳祇下有太字

國北出沙祇城南門道東佛嚼

楊枝刺土中生長七尺不增不減今猶尚在恒水

又東南逕迦維羅衛城北故曰淨王宮也城東五

十里有王園園有池水夫人入池洗浴出池北岸

二十步東向舉手攀樹生太子太子墮地行七步

二龍吐水浴太子遂成井池眾僧所汲養也太子

與難陀等撲象角力射箭入地今有泉水行旅所

資飲也釋氏西域記曰北

宋本作西

三里恒水上

父王迎佛處作浮圖作佛

疑當作

抱佛像外國事曰

迦維羅越國今無復王也城池荒穢惟有空處有

優婆塞姓釋可三十餘家是昔淨王之苗裔故為

四姓詳見摩登加經住在故城中為優婆塞故尚精進猶

有古風彼日浮圖壞盡條王彌更修治一浮圖私

訶條王逆物助成今有十二道人住其中太子始

生時妙后所攀樹樹名須須字之下原缺一字因果經云樹名無憂

即此樹乎阿育王以青石作后攀生太子像昔樹無復

存後諸沙門取昔樹栽種之展轉相承到今樹枝

如昔尚蔭石像又太子見行七步足跡今日文理

見存阿育王以青石挾足跡兩邊復以一長青石

覆上國人今日恒以香花供養尚見足七形文理

分明今雖有石覆無異或人復以數重古具鈔本

重覆貼著石上逾更明也太子生時以龍王夾太

子左右吐水浴太子見一龍吐水煖一龍吐水冷

遂成二池今尚一冷一煖矣太子未出家前十日

出往王田闔浮樹下坐樹神以七寶奉太子太子

不受於是思惟欲出家也王曰去宮一據據左一

據據右晉言十里也此處字誤當作王田去宮一據據左一

也佛國記云城東北數里有王田太子樹下觀耕處可證太子以三月十五日

夜出家四天王來迎各捧馬足爾時諸神天人側

塞空中散天香花此時以至河南摩强水即於此

水邊作沙門河南摩强水在迦維羅城北相去十
 由旬此水在羅閱祇瓶沙國相去三十由旬菩薩
 於是暫過瓶沙王出見菩薩菩薩於瓶沙隨樓那
 果園中住一日日暮便去半達鉢愁宿半達晉言
 白也鉢愁晉言山也白山此此當去瓶沙國十里
 明旦便去暮宿曇蘭山去白山六由旬於是逕詣
 貝多樹貝多樹在貝多闍低北去曇蘭山二十里
 太子年二十九出家三十五得道此言與經異故
 記所不同按普曜經云菩薩於樹下坐明星出時
 豁然大悟年十九出家三十成道與此
 小竺法維曰迦維羅國佛所生天竺國也三千日月

萬一本二千天地之中央也康泰扶南傳云

旃時有潭楊國人家翔梨嘗從其本國到天竺展

轉流賈至扶南為旃說天竺土俗道法流通金寶

安積安積高山川饒沃恣其所欲左右大國世尊

重之旃問之今去何時可到幾年可迴梨言天竺

去此可三萬餘里往還可三年踰及行四年方返

以為天竺之中也恒水又東逕藍莫塔塔邊有池

池中龍守護之阿育王欲破塔作八萬四千塔悟

龍王所供知非世有遂止此處有脫誤按佛國

作八萬四千塔龍便見身持王入其宮中觀諸供
 養具知非世有於是便還此中荒蕪無人灑掃

荒蕪無人羣象以鼻取水灑地若蒼梧會稽象耕
鳥耘矣恒水又東至五河合口蓋五水所會非所
詳矣阿難從摩竭國向毗舍離欲般泥洹諸天告
阿闍世王王追至河上毗舍離諸梨車聞阿難來
亦復來迎俱到河上阿難思惟前則阿闍世王致
恨卻則梨車復怨即於中河入火光三昧燒身而
般泥洹身二分各在一岸二王各持半舍利還
起二塔渡河南下一由延到摩竭提國巴連佛邑
邑即是阿育王所治之城城中宮殿皆起牆闕雕
文刻鏤累大石作山山下作石室長三丈廣二丈

高丈餘有大乘婆羅門子名羅汰私婆亦名文殊
師利住此城裏爽悟多智事無不達以清淨自居
國王宗敬師事之賴此一人弘宣佛法外不能陵

外下疑脫一道字
當云外道不能陵

凡諸中國惟此城為大民人富

盛競行仁義阿育王壞七塔作八萬四千塔最初

作大塔在城南三一作里餘此塔前有佛跡起精

舍戶北向塔塔南有石柱圍丈四五高三丈餘上

有銘題云阿育王以闍浮提布施四方僧還以錢

贖塔北三四百步阿育王於此作泥犂城

翻苑云
梵稱泥

犂秦言無有言更無
赦處是地獄名也

中有石柱亦高三丈餘上有

師子柱有銘記作泥犁城因緣及年數日月恒水

又東南逕小孤石山山頭有石室石室南向佛昔

坐其中天帝釋以四十二事問佛一一以指畫石

畫跡故在洹疑當作恒水又西逕王舍新城是阿闍世

王所造出城南四里入谷至五山裏五山周圍狀

若城郭即是泝沙王舊城也前云瓶沙此云泝沙不知是一是二東

西五六里南北七八里阿闍世王始欲害佛處其

城空荒又無人徑入谷搏山東南上十五里到耆

闍崛山未至頂三里有石窟南向佛坐禪處西北

三一作四十步復有一石窟阿難坐禪處天魔波旬

化作雕鷲恐阿難佛以神力隔石舒手摩阿難肩

怖即得止鳥跡手孔悉存故曰雕鷲窟也其山峰

秀端嚴是五山之最高也釋氏西域記云耆闍崛

山在阿耨達王舍城東北西望其山舊本此處錯簡不復可讀

誤以梵天來詣佛處以下四百二十二字續此吳本亦然今尋繹文義原說鷲嶺首尾相應而波麗

國即是佛外祖國也血脈亦復易知遂割正之後於謝耳伯處見宋本水經印證無復疑矣有

兩峰雙立相去二三里中道鷲鳥常居其嶺土人

號曰耆闍崛山山名耆闍鷲也又竺法維云胡語

羅閱祇國有靈鷲山胡語云耆闍崛山山是青石

頭似鷲鳥阿育王使人鑿石假安兩翼兩脚鑿治

其身今見存遠望以鷲鳥形故曰靈鷲山也數說不同遠邇亦異今以法顯親宿其山誦首楞嚴香

華供養

按法顯傳云即於石窟前誦首楞嚴

聞見

之宗也又西逕伽耶

耶一作那

城南二十里到佛苦行

六年其

其一作坐

樹處有林木

佛國記作本苦行六年處處有林木

西行

三里到佛入水洗浴天王按樹枝得攀出池處又

北行二里得彌家女奉佛乳糜處從此北行二里

佛於一大樹下石上東向坐食糜處樹石悉在廣

長六尺高減二尺國中寒暑均調樹木或數千歲

乃至萬歲從此東北行二十里到一石窟菩薩入

中西向結跏趺坐心念若我成道當有神驗石壁

上即有佛影現長三尺許今猶明亮時天地大動

諸天在空言此非過去當來諸佛成道處去此西

南行減半由延

古本作減半由旬佛國記作減半由延按毗曇論云四肘為一弓五

百弓為一拘盧舍今之二里也八拘盧舍為一由旬今十六里也又云梵眾天身長半由延梵囑樓

天身長一由延而不言由延之數疑與由舒同義而字殊耳

具多樹下是過去

當來諸佛成道處諸天尊引菩薩起行離樹三十

步天授吉祥草菩薩受之復行十五步五百青雀

飛來繞菩薩三匝而去菩薩前到具多樹下敷吉

祥草東向而坐時魔王遣三玉女從北來試魔王

自從南來試

一本無試字

菩薩以足指按地魔兵卻散

三女變為老姥不自服

佛國記作魔兵退散三女變老自土又不字七疑脫

一莫字當

佛於尼拘律樹下方石上東向坐梵

天來諸

諸疑作請

佛處四天王捧鉢處皆立塔外國事

曰毗婆梨佛在此一樹下六年長者女以金鉢盛

乳糜上佛佛得乳糜住足尼連河浴

按法苑珠林引佛本行經

云佛得乳糜往尼連河浴據此住足尼連當作往尼連禪

浴竟於河邊噉糜

竟擲鉢水中逆流百步鉢投河中迦梨郊龍王接

取在宮供養先三佛鉢亦見佛於河傍坐摩訶菩

提樹摩訶菩提樹去貝多樹二里於此樹下七日

憇惟道成魔兵試佛釋氏西域記曰尼連水南流

恒水水西有佛樹佛於此苦行日食糜六年西去

城五里許樹東河上即佛入水浴處東上岸尼衢

立樹下坐修舍女上糜於此於是西渡水於

於字疑衍

六年樹南貝多樹下坐降魔得佛也佛圖調曰佛

樹中枯其來時更生枝葉竺法維曰六年樹去佛

樹五里書其異也法顯從此東南行還巴連佛邑

還巴連佛邑按佛國記作還向巴連佛邑又云巴連佛邑是阿育王所治城中王宮殿皆使鬼神作

之順恒水西下得一精舍名曠野佛所住處復順

恒水西下到迦尸國波羅柰城竺法維曰波羅柰

國在迦維羅衛國南千二百里中間有恒水東南
 流佛轉法輪處在國北二十里樹名春浮維摩所
 處也法顯曰城之東北十里許即鹿野苑本辟支
 佛住此常有野鹿栖宿故以名焉法顯從此還居
 巴連佛邑又順恒水東行其南岸有瞻婆大國釋
 氏西域記曰恒曲次東有瞻婆國城南有佉下蘭
 池舊本作有十佉下蘭池池水恒在北佛不說戒處也恒水
 又逕波麗國即是佛外祖元本此下接兩峰雙立今移於前國也
 法顯曰恒水又東到多摩梨帝國即是海口也釋
 氏西域記曰大秦一名梨帝康泰扶南傳曰從迦

那調洲西南入大灣可七八百里乃到枝扈黎大
 江口渡江逕西行極大秦也又云發拘利口入大
 灣中正西北入可一年餘得天竺江口名恒水江
 口有國號擔袂屬天竺遣黃門字興為擔袂王釋
 氏西域記曰恒水東流入東海蓋二水所注兩海
 所納自為東西也釋氏論佛圖列山海經曰西海
 之南流沙之濱赤水之後黑水之前有大山名崑
 崙又曰鍾山西六百里有崑崙山所出五水麤以
 佛圖調傳也又近推得康泰扶南傳傳崑崙山正
 與調合如傳自交州至天竺最近泰傳亦知阿耨

達山是崑崙山釋云賴得調傳豁然為解乃宣為西域圖以語法汰法汰以常見怪謂漢來諸名人

不應何何疑作何在敦煌南數千里而不知崑崙所在

也釋云一云下有日字此疑無云復書日日當作日按

穆天子傳穆王於崑崙側瑤池上觴西王母云去

宗周灑澗萬有一千一百里何得不如調言子今

見泰傳非為前人不知也而今以後乃知崑崙山

為無熱丘何云乃胡國外乎余考釋氏之言未為

佳證穆天子竹書及山海經皆埋縑歲久編韋稀

絕書策落次難以緝綴後人假令多差遠意謝兆申云

遠當作違違謂至若若古本訪地脈川不與經符

驗程準途故自無會釋氏不復根其艱歸之鴻致

陳其細趣以辨其非非所安也今按山海經曰崑

崙墟在西北帝之下都崑崙之墟方八百里高萬

仞上有木禾面有九井以玉為檻面有九門門有

開明獸守之百神之所在郭璞曰此自別有小崑

崙也又按淮南之書崑崙之上有木禾珠樹玉樹

瓊樹不死樹沙棠琅玕在其東絳樹在其南碧樹

瑤樹在其北傍有四百四十門門間四里里間九

純純丈五尺傍有元井玉橫維其西北隅北門開

以納不周之風傾宮旋室

舊本作傾宮掖室

縣圃涼風

涼風

古本作閼風淮南子作涼風

樊桐在崑崙閭闔之中是其疏圃

疏圃之池浸之黃水黃水三周復其原

是謂丹水飲之不死河水出其東北陬赤水出其東南陬洋

水出其西北陬凡此四水帝之神泉以和百藥以

潤萬物崑崙之丘或上倍之是謂涼風

古本作之

浪風

山登之而不死或上倍之是謂玄圃之山登之乃

靈能使風雨或上倍之乃維上天登之乃神是謂

太帝之居禹乃以息土填鴻水以為名山掘崑崙

墟以為下地高誘曰地或作池山海經曰不周之

山不周之北門以納不周之風則以髣髴近浮圖

謂之說阿耨達六水葱嶺于闐二水之限與經史

諸書全相乖異又按十三州說崑崙山也

埤按十

方朔所撰崑崙等語具在記中此三字疑衍說字

當作記字也字亦衍當云十洲記崑崙山在西海

之戌地云在西海之戌地東海之亥地去岸十三萬里

有弱水周迴繞匝山東南接積石圃西北接北戶

之室東北臨大活之井西南至承淵之谷此四角

大山寔崑崙之支輔也積石圃南頭昔西王母告

周穆王去咸陽三十六萬里

十六萬里

山高平地三萬六千里上有三角面方廣萬

里形如偃盆上有金臺玉闕亦元氣之所合天帝君所治處也考東方朔之言及經五萬里之文難言浮圖調康泰之是矣六合之內水澤之藏大非為巨小非為細存非為有隱非為無其所苞者廣矣於中同名異域稱謂相亂亦不為寡至如東海方丈亦有崑崙之稱西洲銅柱又有九府之治東方朔十洲記曰方丈在東海中央東西南北岸相去正等方丈面十洲記作方丈方面各五千里上專是羣龍所聚有金玉琉璃之宮三天司命所治處羣仙不欲升天者皆往來也上廣故曰崑崙山有三角其

一角正北于辰星之輝名曰閻風巔其一角正西

名曰玄圃臺其一角正東名曰崑崙宮其處有積

金為天墉城面方千里城上安金臺五所玉樓十

二其北戶出承淵山又有墉城金臺玉樓相似如

一淵精之闕十洲記作流精之闕光碧之堂瓊華之室紫翠

丹房錦雲燭日舊本作景朱霞九光西王母之所

治真宮仙虛之所宗十洲記作真宮上通璿璣元

氣流布五常玉衡理九天而調陰陽品物羣生希

奇特出皆在於此天人濟濟不可具記張華敘東

方朔神異經曰崑崙有銅柱焉其高入天所謂天

柱也圍三千里員司如削下有迴屋仙人九府治
上有大鳥名曰希有南向張左翼覆東王公右翼
覆西王母背土小處無羽一萬九千里西王母歲
登翼上之東王公也故其柱銘曰崑崙銅柱其高
入天員周如削膚體美焉其鳥銘曰有鳥希有綠
赤煌煌不鳴不食東覆東王公西覆西王母王母
欲東登之自通陰陽相須唯會益工遁甲開山圖
曰五龍見教天皇被跡望在無外桂洲崑崙山上
榮氏注云五龍治在五方爲行神五龍降天皇兄
弟十二人分五方爲十二部法五龍之跡行無爲

之化天下仙聖治在桂洲崑崙山上無外之山在

崑崙東南一萬二千里五龍天皇皆出此中爲十

二時神也山經曰李克家云山下脫一海字崑崙之丘實惟帝

之下都其神陸吾是司天之九部及帝之囿時然

六合之內其苞遠矣幽致沖妙難本以情萬像遐

淵渾思絕根埤云渾字疑贅謝兆尋自不疑作非登

兩龍於雲轍騁八駿於龜途等軒轅之訪百靈方

大禹之集會計儒墨之說孰使辨哉

又出海外南至積石山下有石門河水冒以西南流

山海經曰河水出沕海又海水西北入禹所道積

石山山在隴西郡河間縣

孫汝澄曰河間當作河關按漢地理志云金城

郡有河關縣

西南羌中余考羣書咸言河出崑崙重源

潛發淪于蒲昌出于海水故洛書曰河自崑崙出

于重野謂此矣逕積石而為中國河故成公子安

大河賦曰覽百川之弘壯莫尚美於黃河潛崑崙

之峻極出積石之嵯峨釋氏西域傳

李克家云六傳當作記

河自蒲昌潛行地下南出積石而經文在此似如

不比積石宜在蒲昌海下矣

水經注箋卷第一

水經注箋卷第二

漢 桑欽撰

後魏酈道元 注

明 李長庚訂

孫汝澄

朱謀瑋箋

李克家全校

河水二

河水又南入葱嶺山

河水重源有三非為二也一源西出身毒之國葱

嶺之上西去休循二百餘里皆故塞種也南屬葱

嶺高千里西河舊事曰葱嶺在敦煌西八千里其

山高天上生葱故曰葱嶺也河源潛發其嶺分為

二水一水西逕休循國南在葱嶺西郭義恭廣志曰休循國居葱嶺其山多大葱又逕難兜國北北接休循西南去蜀賓國三百四十里

河水又西逕蜀賓國北

月氏之破塞王南君蜀賓治循鮮城土地平和無所不有金銀珍寶異畜奇物踰于中夏大國也山嶽有大頭痛小頭痛之山赤土身熱之阪人畜同然

河水又西逕月氏國南

治監氏城其俗與安息同匈奴冒頓單于破月氏

殺其玉以頭為飲器國遂分遠過大宛西居大夏

為大月氏其餘小眾不能去者共保南山羌中號

小月氏故有大月氏小月氏之名也

前漢西域傳云以其頭為

飲器月氏乃遠去過大宛西擊大夏而臣之

又西逕安息南

城臨媯水地方數千里最大國也有商賈車船行

旁國畫革旁行為書記也

前漢書云安息國臨媯水商賈車船行旁國書

革旁行為書記無也字○元本也字下有空須苦

提置鉢在金枕上至俗與子合同四百三字乃錯

河水與蜺羅歧禘水同注雷翥海

釋氏西域記曰蜺准歧祿出阿耨達山西之北逕于闐國漢書西域傳曰于闐以西水皆西流注于西海

又西逕四大塔北

釋法顯所謂竺刹尸羅國漢言截頭也佛爲菩薩時以頭施人故因名國國東有投身餒餓虎處皆起塔

又西逕陀衛國北

是阿育王子法益所治邑佛爲菩薩時亦於此國以眼施人其處亦起大塔又有佛樓沙國天帝釋

變爲牧牛小兒聚土爲佛塔法王因而成大塔所謂四大塔也法顯傳曰國有佛鉢月氏王大興兵衆來伐此國欲持鉢去置鉢象上象不能進更作四輪車載鉢八象共牽復不進王知鉢一本無鉢字緣

未至於是起塔畱鉢供養鉢容二斗雜色而黑多

四際分明厚可二分甚光澤貧人以少華投中便

滿富人以多華供養正復百千萬斛終亦不滿佛

圖曰佛鉢青玉也受三斗許彼國寶之供養時願

終日香華不滿則如言願一把滿則亦便如言又

按道人竺法維所說佛鉢在大月支國起浮圖高

三十丈七層鉢處第二層金絡絡鑲縣鉢鉢是青
 石或云懸鉢虛元本注虛字止今以前又西逕安
 息注中空須菩提至子合同頂接
 此于空須菩提置鉢在金杙上佛一足跡與鉢共在
 一處國王臣民悉持梵香七寶璧玉供養塔跡佛
 牙袈娑頂相舍利悉在佛樓沙國釋氏西域記曰
 捷陀越王城西北有鉢吐羅越城佛袈娑王城也
 東有寺重復尋川水西北十里有河步羅龍淵佛
 到上浣衣處浣石尚存其水至安息注雷荔海又
 曰捷陀越西西海中有安息國竺枝扶南記曰安
 息國去私訶條國二萬里國土臨海上即漢書天

竺安息國也戶近百萬最大國也漢書西域傳又
 云犁靬條支臨西海長老傳聞條支有弱水西王
 母亦未嘗見自條支乘水西行可百餘日近日所
 入也古本作西行可月餘日
 近可十日日所入也或河水所通西海矣

故涼上異物志曰葱嶺之水分流東西西入大海
 東為河源禹記所云崑崙者焉張騫使大宛而窺
 河源謂極於此而不達於崑崙者也河水自葱嶺
 分源東逕伽舍羅國釋氏西域記曰有國名伽舍
 羅逝此國狹小而總萬國之要道無不由城南有
 水東北流出羅逝匹山山即葱嶺也逕岐沙谷出

谷分爲二水一水東流逕無雷國北治盧城俗與

其西夜當作其俗與西夜子合同又東流逕依耐國北去

無雷五百四十里俗同子合又東流逕蒲犁國北

治蒲犁谷北去疏勒五百五十里俗與子合同按

前漢書云蒲犁及依耐無雷國皆西夜類也後漢書西域傳云西夜國去洛陽萬四千四百里子合

國居呼鞞谷去疏勒千里前漢書傳云西夜與子合土地出玉石蒲犁國王治蒲犁谷

河水又東逕皮山國北

治皮山城西北去莎車三百八十里按宋本下文其一源接此

八十里下

其一源出于闐國南山北流與葱嶺河合東注蒲昌

海河水又東與于闐河合謝兆申云疑其一源以下至與于闐河合三十字是

注埤按玉海引水經其一源以下至蒲昌海皆經文河水又東與于闐河合是注文

南源導于闐南山俗謂之仇摩置自置北流逕于

闐國西治西城西城舊本上多玉石西去皮山三

百八十里東去陽關五千餘里釋法顯自烏帝西

南行自烏帝西南行按佛國記作自烏夷西南行路中無人民沙行艱

難沙行一本所逕之苦人理莫比在道一月五日

得達于闐其國殷庶民篤信多大乘學威儀齊整

器鉢無聲南城一十五里有利刹寺中有石鞞石

上有足跡彼俗言元辟支佛跡法顯所不傳疑非

佛跡也

又西北流注于河

即經所謂北注葱嶺河也

南河又東逕于闐北

釋氏西域記曰河水東流三千里至于闐屈東北

流者也漢書西域傳曰于闐巴東水皆東流

南河又東北逕扞彌國北

治扞彌城西去于闐三百九十里南河又東逕精

絕國北西去扞彌四百六十里

按前漢西域傳扞彌作杆彌注云杆

音烏

南河又東逕且末國北

又東右會阿耨達大水釋氏西域記曰阿耨達山

西北有大水北流注牢蘭海者也其水北流逕且

末南山又北逕且末城西國治且末城西通精絕

二千里東去鄯善七百二十里種五穀民俗略與

漢同又曰且末河東北流逕且末北又流而左會

南河會流東逝通為注濱河注濱河又東逕鄯善

國北治伊循城故樓蘭之地也樓蘭王不恭於漢

元鳳四年霍光遣平樂監傅介子刺殺之更立後

玉漢又立其前王質子尉屠者為玉更名其國為

鄯善百官祖道橫河

據漢西域傳此脫一其字

王自請天子

脫字身在漢久恐為前王子所害國有伊循城土

地肥美願遣將屯田積粟令得依脫字重遂置田

以鎮撫之敦煌索勒字彥義有才略刺史毛奕表

行貳師將軍脫字酒泉敦煌兵千人至樓蘭屯田

起白屋召鄯善焉耆龜茲三國兵各千橫斷注濱

河河斷之日水奮勢激波凌冒隄勒厲聲曰王遵

建節河隄不溢王霸精誠呼沱不流水德明明上脫一

神字當補之耿恭曰漢德神明豈有窮哉勒語本此古今一也勒躬禱祀水

猶未滅乃列陣被杖鼓譟謹叫且刺且射大戰三

日水乃迴滅灌浸沃衍胡人稱神大田二年積粟

百萬威服外國其水東注澤澤在樓蘭國北扞泥

城其俗謂之東故城去陽關千六百里西北去烏

壘千七百八十五里至墨山國千三百六十五里

西北去車師千八百九十里土地沙鹵少田仰穀

傍國國出玉多葭葦檉柳胡桐白草國在東垂當

白龍堆乏水草常主發導負水擔糧迎送漢使故

彼俗謂是海為牢蘭海也釋氏西域記曰南河自

于闐東於北二千里至鄯善入牢蘭海者也北河

自岐沙東分南河而釋氏西域記所謂二支北流

逕屈茨烏夷禪

李克家云禪音作鄣

善入牢蘭海者也

北河又東北流分爲二水枝流出焉北河自疎勒逕流南河之北

漢書釋氏西域傳曰

孫汝澄曰今考漢書西域傳無此文當作釋氏西域記

葱嶺以東南北有山相距千餘里東西六千里河出其中暨于溫宿之南左合枝水上承北河于疎勒之東西北流逕疎勒國南又東北與疎勒北山水合水出北谿東南流逕疎勒城下南去莎車五百六十里有市列西宋本無西字當大月氏大宛康居

逕釋氏西域記曰國有佛浴牀赤真檀木作之方

四尺王於宮中供養漢永平十八年耿恭以戎已

校尉爲匈奴左鹿蠡王所逼恭以此城側澗傍水

後漢書作澗傍有水可固

自金蒲遷居此城匈奴又來攻之壅

絕澗水恭於城中穿井深一十五丈不得水吏士渴乏竿馬糞汁飲之恭乃仰天歎曰昔貳師拔佩

刀刺山飛泉湧出今漢德神明豈有窮哉整衣服

向井再拜爲吏士禱之有頃水泉奔出衆稱萬歲

乃揚水以示之虜以爲神遂卽引去後車師叛與

匈奴攻恭食盡窮困乃煮鎧弩食其筋革恭與士

卒同生死減無二心圍恭不能下關寵上書求救

九經注卷之二
建初元年明帝納可徒鮑昱之言遣兵救之至柳
中以校尉關寵分兵入高昌壁攻交河城車師降
遣恭軍吏范羌將兵二千人迎恭遇大雪丈餘僅
能至城中夜聞兵馬大恐羌逕呼後漢書曰我范
羌也城中皆稱萬歲開門相持涕泣尚有二十六
人衣履穿決形容枯槁相依而還

北河又東逕莎車國南

治莎車城西南去蒲犁七百四十里漢武帝開西
域脫一田於此有鐵山出青玉

北河之東南逕溫宿國

治溫宿城土地物類與鄯善同比至烏孫赤谷六
百一十里東通姑墨二百七十里於此枝河右入

北河

北河又東逕姑墨國南

入姑墨川水注之導姑墨西北赤沙山東南流逕
姑墨國西治南至于闐馬行十五日上出銅鐵及
雌黃其水又東南流右注北波河又東逕龜茲國
南又東左合龜茲川水有二源西源出北大山南
釋氏西域記曰屈茨北二百里有山夜則火光晝
日但燿人取此山石炭冶此山鐵恒充三十六國

用故郭義恭廣志龜茲能鑄冶其水南流逕赤沙
 山釋氏西域記曰國北四十里山上有寺名雀離
 大清淨又出山東南流枝水左派焉又東南水流
 三分右二水俱東南流注此河又東川水龜茲東
 北赤沙積梨南流枝水右出西南入龜茲城音屈
 茨也漢書有龜茲而西域記有屈次鄴君合而詰之謂龜茲即屈茨也故延城矣
 西去姑墨六百七十里川水又東南流逕于輪臺
 之東也昔漢武帝初通西域置校尉屯田于此搜
 粟都尉桑弘羊奏言故輪臺以東地廣饒水草有
 溉田五千頃以上其處溫和田美可益通溝渠種

五穀收穫與中國同時匈奴弱不敢近西域於是
 徙莎車相去千餘里即臺也其水又東南流右
 會西川枝水水有二源俱受西川東流逕龜茲城
 南合為一水水間有故城蓋屯校所守也其水東
 南注東川東川水又東南逕烏壘國南治烏壘城
 西去龜茲三百五十里東去玉門陽關二千七百
 三十八里與渠犂田官相近土地肥饒於西域為
 中故都護治焉漢使持節鄭吉并護北道故號都
 護都護之起自吉置也其水又東南注大河大河
 又東右會敦薨之水其水出焉者之比敦薨之山

在匈奴之西烏孫之東山海經曰敦薨之水出焉而西流注于泐澤出於崑崙之東北隅實惟河源者也二源俱道西源東流分爲二水西南流出於焉耆之西經流焉耆之野屈南疑作東南流注於敦薨之渚右水東南流又分爲二左右焉耆之國城居四水之中在河水之洲治員渠城西去烏壘四百里南會兩水同注敦薨之浦東源東南流分爲二水但澗瀾雙引洪湍濬發俱東南流逕出焉耆之東導于危須城西國治危須城西去焉耆百里又東南流注于敦薨之藪川流所積渾水斯漲

溢流爲海

古本作溢海爲海吳瑄本改作溢流謝兆申據宋鈔本作溢而爲海是也史

記曰焉耆近海多魚鳥東北隔大山與車師接敦

薨之水自西海逕尉犁國國治尉犁城西去都護

治所三百里北去焉耆百里其水又西出沙山鐵

關谷又西南流連城別注裂以爲田桑弘羊曰臣

愚以爲連城以西可遣屯田以威西國卽此處也

前漢西域傳云輪臺渠犁皆有田卒數百人置使者校尉領護其水又屈而南逕

渠犁國西故史記曰西有大河卽斯水也又東南

流逕渠犁國治渠犁城西北去烏壘三百三十里

漢武帝通西域屯渠犁卽此處也南與精絕接東

北與尉犁接又南流注于河山海經曰敦薨之水
 西流注于泐澤蓋亂河流自西南注也河水又東
 逕墨山國南治墨山城西至尉犁二百四十里
 河水又東逕注賓城南又東逕樓蘭城南而東注
 蓋發田土所屯故城禪國名耳

河水又東注于泐澤

即經所謂蒲昌海也水積鄯善之東北龍城之西
 南龍城故姜賴之靈靈當作虛胡之大國也蒲海溢盪
 覆其國城基尚存而至元晨發西門暮達東門澮
 其岸岸餘溜風吹稍成龍形皆西面向海因名龍

城地廣千里皆為鹽而剛堅也

此注譌錯難以意通據御覽所引涼

州異物志云姜賴之虛今稱龍城恒溪無道以感天庭上帝赫怒海溢盪傾剛鹵千里蒺藜之形其下有鹽累基而行人所逕畜產皆布氈臥之掘發

其下有大鹽方如巨桃

謝兆申云宋本作方如巨枕

以次相累

類霧氣雲淨寡見星日少禽多鬼怪西接鄯善東
 連三沙為海之北隘矣故蒲昌亦有鹽澤之稱也
 山海經曰不周之山北望諸毗之山臨彼岳崇之
 山東望泐澤河水之所潛也其源渾渾泡泡者也

東至玉門陽關一千三百里廣袤三百里其水澄
 渟冬夏不減其中洄湍電轉御覽引此作洄湍雷轉為隱淪

之脉當環流之上飛禽奮翮於霄中者無不墜於淵波矣即河水之所潛而出於積石也

又東入塞過敦煌酒泉張掖郡南

河自蒲昌有隱淪之證竝間關入塞之始自此經

當求實致也河水重源又發于西塞之外出於積石之山山海經曰積石之山其下有石門河水冒

以西南流孫汝澄曰山海經云河水冒以西流注云積石山今在金城河門關西南羌中

水行塞外東入塞內是山也萬物無不有焉禹貢所謂導河

自積石也山在西羌之中燒當所居也延熹二年

西羌燒當犯塞護羌校尉段熲討之追出塞至積

石山斬首而還司馬彪曰西羌者自析支以西濱

於河首在右居也河水屈而東北流逕於析支之

地是為河曲矣應劭曰禹貢析支屬雍州在河關

之西東去河關千餘里羌人所居謂之河曲羌也

東北逕歷敦煌酒泉張掖南應劭地理風俗記曰

敦煌酒泉其水甘若酒味故也張掖言張國臂掖

以威羌狄說文曰郡制天子地方千里分為百縣

縣有四郡故春秋傳曰上大夫縣下大夫郡至秦

始置三十六郡以監縣矣從邑君聲釋名曰郡羣

也人所羣聚也黃華仲十三州記曰郡之言君也

水經注卷二 三百七十六
改公侯之封而言君者至尊也郡守專權君臣之
禮彌崇今郡字君在其左邑在其右君爲元首邑
以載民故取名於君謂之郡漢官曰秦用李斯議
分天下爲三十六郡或以列國陳魯齊吳是
也或以舊邑長沙丹陽是也或以山陵太山山陽
是也或以川原西河河東是也或以所出金城城
下得金酒泉泉味如酒豫章樟樹生庭鴈門鴈之
所育是也或以號令禹合諸侯大計東治之山會
計國名會稽是也河逕其南而纏絡遠矣
河水又自東河曲逕西海郡南

漢平帝時王莽秉政欲耀威德以服遠方諷羌
西海之地置西海郡而築五縣焉周海亭燧相望
莽篡政紛亂郡亦棄廢

河水又東逕允川而歷大榆小榆谷北

羌迷唐鍾存所居也永元五年貫友代聶尚爲護
羌校尉攻迷唐斬獲八百餘級收其熟麥數萬斛
於逢留河上築城以盛麥其作大船於河峽作橋
渡兵迷唐遂遠依河曲永元八年迷唐復與鍾存
東寇而還十年謁者王信耿譚西擊迷唐降之詔

聽後漢書云詔聽將其種人還大小榆谷還大小榆谷迷唐種人以

漢造河橋兵來無時故地不可居復叛居河曲與
羌爲讎種人與官兵擊之允川去迷唐數十里營
止遣輕兵挑戰因引還迷唐追之至營因戰迷唐
敗走於是西海及大小榆無復聚落隴糜相曹鳳
上言建武以來西戎數犯法常從燒當種起所以
然者以其居大小榆谷土地肥美又近塞內與諸
種相傍南得鍾存以廣其衆北阻大河因以爲固
又有西海魚鹽之利緣山濱水以廣田畜故能彊
大常雄諸種今黨援壞沮親屬離叛其餘勝兵不
過數百宜及此時建復西海郡縣規固二榆廣設

屯田隔塞羌胡交關之路殖穀富邊省輸轉之役

上拜鳳爲金城西部都尉遂開田二十七部後漢書作

開屯田二十七部列屯夾河夾河與建威相首尾後羌反遂罷

按段國沙州記吐谷渾於河上作橋謂之河厲長

一百五十步兩岸累石作其陛節節相次大木從

橫更鎮壓兩邊俱來相去三丈竝大材以板橫次

之施鉤欄甚嚴飾橋在清水川東也

又東過隴西河關縣北洮水從東南來流注之

河水又逕沙州北段國曰澆河段國沙州記云洮水與墊江水俱出

強臺山而此注說洮水知洮字乃傳寫之誤耳西南一百七十里有黃沙

沙南北一百二十里東西七十里西極大楊川望
黃沙猶若人委千楛於地御覽引段國沙州記都

不生草木蕩然黃沙周迴數百里沙州於是取號

焉地理志曰漢宣帝神爵二年置河關縣蓋取河

之關塞也風俗通曰百里曰同總名為縣縣玄也

首也從系倒首與縣易偏矣言當玄靜徭役也御覽

引作玄靜平徭役釋名又曰縣也縣於郡矣黃義

仲十三州記曰縣弦也弦以貞直言下體之居鄰

民之位不輕其誓施繩用法不曲如弦弦聲近縣

故以取名今縣字在半也漢帝元年令天下縣邑

城按漢書漢高帝六年張晏曰令各自築其城

河水又東北流入西界郡界左合二川南流入河又

東北濟川水注之謝云據後注西

水西南出濫瀆東北流入大谷謂之大谷水北逕

澆河城西南北流注于河

河水東又逕澆河故城北

有二城東西角倚東北去西平二百二十里宋少

帝景平中拜吐谷渾阿豺為安西將軍澆河公即

此城也宋書吐谷渾阿豺表獻方物詔嘉其

河水又東北逕黃川城河水又東逕石城南左合北

谷水

昔段熲擊羌於石城投河墜坑而死者八百餘人
卽於此也

河水又東北逕黃河城南

西北去西平二百一十七里

河水又東北逕廣違城北又合烏頭川水

水發遠川引納支津北逕城東而北流注于河

河水又東逕邯川城南

城之左右歷谷有三水導自北山南逕邯亭注于
河

河水又東臨津谿水注之

水自南山北逕臨津城西而北流注于河

河水又東逕臨津城北白土城南

十三州志曰左南津西六十里白土城城在大河

之北而爲緣河濟渡之處北魏涼州刺史郭淮破

羌遮寒於白土魏志作遮塞卽此處矣

河水又東左會白土川水

水出白土城西北下東南流逕白土城北又東南

注于河

河水又東北會兩川右合二水

參差夾岸連壤

舊本作連壤

負嶮相望河北有層山山

甚靈秀山峯之上立石數百丈亭亭桀竪競勢爭

高遠望參參若攢圖之託霄上其下層巖峭舉壁

岸無階懸巖之中多石室焉室中若有積卷矣而

世士罕有津逮者因謂之積書巖巖堂之內每時

見神人往還矣蓋鴻衣羽裳之士練精餌食之夫

耳俗人不悟其仙者乃謂之神鬼彼羌目鬼曰唐

述復因名爲之唐述山指其堂密之居謂之唐述

窟其懷道宗玄之士皮冠淨髮之徒亦往棲託焉

故秦川記曰河峽崖傍有二窟一曰唐述窟高四

十丈西二里有時亮窟高百丈廣二十丈深三十

丈藏古書五字

五字當作五箇

亮南安人也下封

下封當作崖下

有水導自是山谿水南注河謂之唐述水

河水又東得野亭南

又東北流歷研川謂之研川水又東北注于河謂

之野城口

河水又東歷鳳林北

鳳林山名也五巒俱峙者諺云昔有鳳鳥飛遊五

峯故山有斯目矣秦州記曰枹罕原北名鳳林川

川中則黃河東流也

河水又東與灘水合

水導源塞外羌中故地理志曰其水出西塞外東北流歷野虜中逕消銅城西又東逕河列城東考地說無目蓋出自戎方矣左右列水水出西北谿東北流逕列城北又入灘水城居二水之會也灘水又北逕可石孤城西西戎之名也又東北石疑右合黑城谿水水出西北谿下東南流逕黑城南又東南枝水左出焉又東南入灘水又東北逕榆城東榆城谿水注之水出素和細越西北山下東南流逕于細越川夷俗鄉名也又東南出狄周峽

東南右合黑城谿之枝津津水上承谿水東北逕

黑城東東北注之榆谿又東南逕榆城南東北注

灘水灘水又東北逕石門口山高嶮絕御覽引此作高嶮峻

絕對岸若門故峽得厥名矣疑即臯蘭山門也漢

武帝元狩三年驃騎霍去病出隴西至臯蘭應謂

是山之關塞也漢書音義曰臯蘭應在隴西白石

縣塞外河名也孟康曰山關名也今是山去河不

遠故論者疑目河山之間矣灘水又東北臯蘭山

水自山左右翼注灘水灘水又東白石川水注之

水出縣西北下東南流枝津東注焉白石川水又

南逕白石城西而注灤水水又東逕白石縣故城南王莽更曰順磔闕駟曰白石縣在狄道西北二百八十五里灤水逕其北今灤水逕東南注之而不出其北也灤水又東逕白石山北應劭曰白石山在東羅谿注之水出西南山下東入灤水水又東左合罕开南谿水出罕开西東南流逕罕开南十三州志曰廣大坂在枹罕西北罕开在焉昔慕容吐谷渾自燕歷陰山西馳而創居於此灤水又東逕枹罕縣故城南應劭曰故罕羌侯邑也十三州志曰枹罕縣在郡西二百一十里灤水在城南

門前東過也灤水又東北故城川水注之水有二源南源出西南山下東北流逕金細北嶺北又東北逕一故城南又東北與北水會北源自西南逕故城北右入南水亂流東北注灤水灤水又東北左合白石川之枝津水上承白石川東逕白石城北又東絕罕开谿又東逕枹罕城南又東入灤水灤水又東北出峽北流注于河地理志曰灤水出白石縣西塞外東至枹罕入河

河水又逕左南城南

十三州志曰石城西一百四十里有左南城者也

津亦取名焉

大河又東逕赤岸北

卽河夾岸也秦州記曰枹罕有河夾岸岸廣四十丈義熙中乞佛於此河上作飛橋橋高五十丈三年乃就

按天水北界注菀川有東西二菀城西城卽乞佛所都

河水又東洮水注之

地理志曰水出塞外羌中沙州記曰洮水與墊江水俱出強臺山山南卽墊江源山東則洮水源地海經曰白水出蜀郭景純注云從臨洮之西傾山東南流入漢而至墊江故段國以爲墊江水也洮

水同出一山故知強臺西傾之異名也洮水東北流吐谷渾中吐谷渾者始是東燕慕容之枝庶因氏其字以爲首類之種號也故謂之野虜自洮強南北三百里中地草徧是龍鬚而無樵柴洮水又東北流逕陽會城北沙州記曰強城東北三百里有會城城臨洮水者也建初二年羌攻南部都尉於臨洮上遣行車騎將軍馬防與長水校尉耿恭救之諸羌退聚洮陽卽此城也洮水又東逕共和山南城在四山中洮水又東逕迷和城北羌名也又東逕甘枳亭歷望曲在

疑作右

西南去龍桑一百

里洮水又東逕臨洮縣故城北禹治洪水西至洮水之上見長人受黑玉書於斯水上洮水又東北流屈而逕索西城西建初二年馬防耿恭從五谿祥榼谷祥榼一作榼榼出索西與羌戰破之築索西城徙隴西南部都尉居之赤水城亦曰臨洮東城也沙州記曰從東洮至西洮一百二十里者也洮水又屈而北逕龍桑城西而西北流馬防以建初二年從安故五谿出龍桑開通舊路者也俗名龍城洮水又西北逕步和亭東步和川水注之水出西山李克家云逕下脫一步字和亭北東北注洮

水洮水又北出門峽歷求求一作東厥川葦川水注之

水出桑嵐西谿東流歷桑嵐川又東逕葦川北東

入洮水洮水又北歷峽逕偏橋出夷始梁右合葦

塏川水東南石底嶺下宋本作右底橫下北歷葦塏川西

北注洮水洮水又東北逕桑城東又北會藍川水

水源出來歷川西北谿南流歷川東北流逕藍川

歷水城城北東入洮水洮水又北逕外羌城西又

北逕和博城東城在山內左合和博川川水出城

西南山下東北逕和博城南東北注于洮水洮水

北逕安故縣故城西地理志曰隴西之屬縣也十

三州志曰縣在郡南四十七里蓋延轉擊狄道安故五谿及羌大破之即此也洮水又北逕降狄道故城西關駟曰今日武始也洮水在城西東北下

又北壟

李克家云壟當作隴

水注之即山海經所謂濫水也

水出鳥鼠山西北高城嶺西逕底

謝兆申云據宋本作西逕隴坻

其山岸崩落者聲聞數百里故楊雄稱響若坻頽

是也又西北歷白石山下地理志曰降狄道東有

白石山濫水又西北逕武階城南又西北逕降狄

道故城東百官表曰縣有蠻夷謂之道有公主謂

之邑應劭曰反舌左衽不與華同須有譯言乃通

也漢隴西郡治秦昭王二十八年置應劭曰有隴

坻在其東故曰隴西也神仙傳曰封君達隴西人

服鍊水銀年百歲視之如年三十許騎青牛故號

青牛道士王莽更郡縣之名郡曰厭戎縣曰操虜

也昔馬援為隴西太守六年為狄道開渠引水種

秔稻而郡中樂業即此水也濫水又西北流逕注

于洮水洮水右合二水右會大夏川水水出西山

二源合舍而亂流逕金柳城南十三州志曰大夏

縣西有故金柳城去縣四十里本都尉治又東北

逕大夏縣故城南地理志曰王莽之順夏晉書地

道記曰縣有禹廟禹所出也又東北出山注于洮水洮水又北翼帶三水亂流北入河地理志曰洮水北至枹罕東入河是也

又東過金城允吾縣北

金城郡治也漢昭帝始元六年置王莽之西海也莽又更允吾爲修遠縣河水逕其南不在其北南有湟水出塞外東逕西王母石室石釜西海鹽池北故闕駟曰其西卽湟水之源也地理志曰湟水所出也湟水又東南流逕龍夷城故西零之地也十三州志曰城在臨羌新縣西三百一十里王莽

納西零之獻以爲西海郡治此城湟水又東南逕卑禾羌海北有鹽池闕駟曰縣西有卑禾羌海者也世謂之青海東去西平二百五十里湟水東流

逕湟中城北故小月氏之地也十三州志曰西平張掖之間大月氏之別小月氏之國范曄後漢書曰湟中月氏胡者其王爲匈奴所殺餘種分散西踰葱嶺其弱者南入山從羌居止故受小月氏之名也後漢西羌傳曰羌無弋爰劍者秦厲公時以

奴隸亡入三河羌爲神推以爲豪

按後漢書云羌無弋爰劍秦厲

公時拘爲奴隸後亡歸秦人追之藏於巖穴得免諸羌怪其神其畏事之推以爲豪河湟之

間多禽獸以射獵爲事遂見敬信依者甚衆其曾孫忍因留湟中爲湟中羌也湟水又東右控四水道源四谿東北流注于湟湟水又東逕赤城北而東入經戎峽口右合羌水出西南山下逕護羌城東故護羌校尉治又東北逕臨羌城西東北流于湟湟水又東逕臨羌縣故城北漢武帝元狩元年以封孫都爲侯國王莽之監羌也謂之綏戎城非也湟水又東盧谿水注之水出西南盧川東北流注于湟水湟水又東逕臨羌新縣故城南闕駟曰臨羌新縣在郡西百八十里湟水逕城南也城有

東西門西北隅有子城湟水又東右合溜谿伏溜石杜蠡四川東北流注之左會臨羌谿水水發新縣西北東南流歷縣北東南入湟水湟水又東龍駒川水注之水又出西南山下東北流逕龍駒城北流注于湟水湟水又東長寧川水注之水出松山東南流逕晉昌川晉昌川水注之長寧水又東南養女川水注之水發養女北山有二源皆長湍遠發南總一川逕養女山謂之養女川闕駟曰長寧亭北有養女嶺卽浩疊之西平之北山也亂流出峽南逕長寧亭東城有東西門東北隅有金城

西平西北四十里十三州志曰六十里遠矣長寧水又東南與一水合水出西山東南流水出南山上有風伯祠春秋祭之其水東南逕長寧亭南東入長寧水長寧水又東南流注于湟水湟水又東牛心川水注之水出其南遠山東北流逕牛心川東古本作牛心惟按御覽引湟水注云牛心堆乃湟水源山名也吳本改作牛心川非矣又北逕西平亭西東北入湟水湟水又逕西平城北東城卽故亭也漢景帝六年封隴西太守北地公孫渾亦爲侯國魏黃初中立西平郡憑倚故亭增築南西北三城以爲郡治湟水又東逕土樓南樓

北倚山原峯高三百尺又

當作

若削成樓下有神

祠彫塲故壁存焉闕駟曰西平亭北有土樓神祠者也今在亭東北五里右則五泉注之泉發西平亭北鴈次相綴東北流至土樓南北入湟水湟水又東右合葱谷水水有四源各出一谿亂流注于湟水又東逕東亭北東出漆峽山峽也東流右則漆谷常谿注之左則甘夷川水入焉湟水又東安夷川水注之水發遠山西北逕控衆川北屈逕安夷城西北東入湟水湟水又東逕安夷縣故城城有東西門去西平亭東七十里闕駟曰四十里湟

水又東左合宜春水水出東北宜春谿西南流至于安夷南入湟水湟水又東勒且谿水注之水出縣東南勒且谿北流逕安夷城東而北入湟水湟

水有勒且之名疑卽此號也後漢書耿恭傳恭討西羌未服者勒且燒

何羌等十三種數萬人皆詣恭降注云姐音紫因知此勒且卽勒姐也關駟曰金城

河初與浩疊河合又與勒且河合者也湟水又東

左合承流谷水南入右會達扶東西二谿水參差

北注亂流東出六山名也東流期頓雞谷二水北

流注之吐那疑作那孤長門兩川南流入湟水湟水

又東逕樂都城南東流又合來谷乞斤流二水左

會陽非流谿細谷三水東逕破羌縣故城南應劭

曰漢宣帝神爵二年置城省南門十三州志曰湟

水河在南門前東過六谷水自南破羌川自北左

石翼注湟水又東南逕小晉興城北故都尉治關

駟曰允吾縣西四十里有小晉興城也湟水又東

與閣門河合卽浩疊河也出西北塞外東入塞逕

敦煌酒泉張掖南東南逕西平之鮮谷塞尉故城

南又東南與湛水合水有二源西水出白嶺下東

源發于白岸谷合爲一川東南流至霧山注閣門

河閣門河又東逕養女北山東南左合南流川水

出北山南流入于閤門河河又東逕浩亶縣故城南王莽改曰興武矣闕駟曰浩讀閤也故亦曰閤門水兩兼其稱矣孟康漢志注云浩亶音閤門今俗呼此水為閤門水又東流注于湟水故地理志曰浩亶水東至允吾入湟水又東逕允吾縣北為鄭伯津與潤水合漢志作與潤水合水出縣北令居縣西北塞外南流逕其縣故城西漢武帝元鼎二年置王莽之罕虜也又南逕永登亭西歷黑石谷南流注鄭伯津湟水又東逕允街縣故城南漢宣帝神爵二年置王莽之脩遠亭也縣有龍泉出允街谷泉眼之中水文成蛟龍或

試撓破之尋平成龍畜生將飲者皆畏避而走謂之龍泉下入湟水湟水又東逕枝陽縣逆水注之水出允吾縣之參街谷東南流逕街亭城南又東南逕陽非北亭又東南逕廣武城西故廣武都尉治郭淮破叛羌故無載于此處也據魏志故無載當作治無載乃

羌人城之西南二十許里水西有馬蹄谷漢武帝

聞大宛有天馬遣李廣利伐之始得此馬有角為

奇故漢賦天馬之歌曰天馬來兮歷無阜逕千里

今巡東道漢禮樂志云天馬徠歷無草徑千里循東道胡馬感北風之

思遂頓羈絕絆驤首而馳晨發京城食脫一至敦

煌北塞外長鳴而去因名其處曰候馬亭今晉昌郡南及廣武馬蹄谷盤石上馬跡若踐泥中有自然之形故其俗號曰天馬徑夷人在邊效刻是疑作足有大小之迹體狀不同視之便別逆水又東逕枝陽縣故城南東南入于湟水地理志曰逆水允吾東至枝陽漢地志云逆水出允吾參街谷東至枝陽入湟河又東流注于金城河卽積石之黃河也闕駟曰河至金城縣謂之金城河隨地爲名也釋氏西域記曰牢蘭海東伏流龍沙堆在屯皇東南四百里河步于鮮卑山東流至金城爲大河出崑崙崑崙卽阿耨達

山也

河水又東逕石城南

謂之石城津闕駟曰在金城西北矣河水又東南逕金城縣故城北應劭曰初築城得金故曰金城也漢書集註薛瓚云金者取其堅固也故墨子有金城湯池之言矣王莽之金屏也世本曰鯀作城風俗通曰城盛也從土成聲管子曰內爲之城外之爲郭郭外之土開池高則溝之命之曰金城十三州志曰大河在金城北門東流有梁泉注之出縣之南山按耆舊言梁暉字始娥漢大將軍梁冀

後冀誅入羌後其祖父爲羌所推爲渠帥而居此
城土荒民亂暉將移居枹罕出頓此山爲羣羌圍
迫無水暉以所執榆鞭豎地以青羊祈山神泉湧
出榆木成林其水自縣北流注于河也

又東過榆中縣北

昔蒙恬爲秦北逐戎人開榆中之地按地理志曰
金城郡之屬縣也故徐廣史記音義曰榆中在金
城卽阮嗣宗勸進文所謂榆中以南者也

又東過天水北界

苑川水出勇士縣之子城南山東北流歷此城川

世謂之子城川又北逕牧師苑故漢牧苑之地也

羌豪述吾漢書通典並作述吾等萬餘人到襄武首陽平襄

勇士至抄此苑焉苑馬當作苑馬焚燒亭驛卽此處也又

曰苑川水地爲龍馬之沃土故馬援請與田戶中

分以自給也有東西二苑城相去七里西城卽乞

佛所都也又北入于河也

又北過武威媼圍縣東北

河水逕其界東北流縣西南有泉源東逕其縣南

又東北入河也

又東北過天水勇士縣北

地理志曰蒲福也屬國都尉治

蒲福當作滿福前漢地志勇士縣注

云屬國都尉治滿福

王莽更名之曰紀德水出縣山世謂之

二十八渡水東北流谿澗縈曲途出其中逕二十

八渡行者勤於溯涉故因名焉北逕其縣而下注

河又有赤驛川水南出赤蒿谷北流逕赤驛川又

北逕牛官川又北逕義城西北北流歷三城川而

北流注于河也

又東北過安定北界麥田山河水東北流逕安定祖

厲縣故城西北

漢武帝元鼎五年幸雍遂踰隴登空同西臨祖厲

河而還即於此也王莽更名之曰鄉禮也李斐曰

音賴

漢地志安定郡有祖厲縣本紀李斐注云祖厲音差賴

又東北祖厲川

水注之水出祖厲南山北流逕祖厲縣而西北流

注于河水

河水又東北逕麥田城西又北與麥田泉水合

水出城西北西南流注于河

河水又東北逕麥田山西

謝朓申云宋鈔本西下有谷川二字

在安定西北六百四十里

河水又東北逕于黑城北又東北高平川水注之

即若水也水出高平大壟山若水谷建武八年世

祖征隗囂漢從高平第一城若水谷入卽是谷也
東北流逕高平縣故城東漢武帝元鼎三年安定
郡治也王莽更名其縣曰鋪睦西十里有獨阜阜
上有故臺臺側有風伯壇故世俗呼此阜爲風堆
其水又北龍泉水注之水出縣東北七里龍泉東
北流注高平川水又北出秦城謝兆申云宋本無又字而秦城
字作長城長城在縣北一十五里又西北流逕東西二
太疑太疑婁故城門北合一水水有五源咸出隴山
西東水發源縣西南二十六里湫淵淵在四山中
湫水北流西北出長城北與次水會水出縣西南

四十里長城西山中北流逕魏行宮故殿東又北
次水注之出縣西南四十里山中北流逕行宮故
殿西又北合次水水出縣西南四十八里東北流

又與次水合水出縣西南六十里醜陽山謝兆申云宋本
作酸東北流左會右水總爲一川東逕西婁北東

注若水段頰爲護羌校尉於安定高平若水討先
零斬首八千級於是水之上若水又北與石門水

合水有五源東水導源高平縣西八十里西北流
次水注之水出縣西百二十里如州泉東北流右
入東水亂流左會三川參差相得東北同爲一川

混濤歷峽峽卽隴山之北垂也謂之石門口水曰石門水在縣西北八十餘里石門之水又東北注高平川川水又北自延水注之西出自延谿東流歷峽謂之自延口縣之西北一百里又東北逕延城南東入高平川川水又北逕廉城東按地理志曰北地有廉城縣闕駟言在富平北自昔匈奴侵漢新秦之士率爲狄塲故城舊壁盡從故且地理淪移不可復識當是世人誤證也川水又北若水注之水發縣東北百里山流注高平高平又北逕三水縣西肥水注之水出高平縣西北二百里牽

條山西東北流與若勃谿水合有二源總歸一瀆東北流入肥肥水又東北流違泉水注焉泉流所發導於若勃谿東東北流入肥肥水又東北出峽注于高平川水東有山山東有三水縣故城本屬國都尉治王莽之廣延亭也西南去安定郡三百四十里侍郎張奐爲安定屬國都尉治此羌有獻金馬者奐召主簿張祁入于羌前以酒酹地曰使馬如羊不以入廐使金如粟不以入懷盡還不受威化大行縣東有溫泉溫泉東有鹽池故地理志曰縣有鹽官今於城之東北有故城城北有三泉

疑卽縣之鹽官也高平川水又北入于河宋本一河

字內

河水又東北逕朐卷縣故城西

地理志曰河水別出爲河溝東至富平北入河河水於此有土河之名也

水經注箋卷第三

漢 桑 欽撰 後魏 酈道元 注

明 李長庚訂 孫汝澄

朱謀瑋箋 李克家全校

河水三

河水又北過北地富平縣西

河側有兩山相對水出其間卽上河峽世謂之爲青山河水歷峽北注枝分東出

河水又北逕富平縣故城西

秦置北地都尉治縣城王莽名郡爲威戎縣曰特

武漢地志建武中曹鳳字仲理為北地太守政化

尤異黃龍應於九里谷高岡亭角長三尺大十圍

稍至十餘丈天子嘉之賜帛百匹加秩中二千石

河水又北薄骨律鎮城

城在河渚上赫連果城也桑果餘林仍列洲上但

語出戎方不究城名訪諸耆舊咸言故老宿彥言

赫連之世有駿馬死此取馬色以為邑號故目城

為白口騮韻之謬韻字下當有轉字謂白遂仍今

稱所未詳也

河水又逕典農城東

世謂之胡城又北逕上河城東世謂之漢城薛瓊

曰上河在西河富平縣即此也馮參為上河典農

都尉所治也

河水又北逕典農城東

俗名之為呂城皆參所屯以事農宋本農下

河水又東北逕廉縣故城東

王莽之西河亭地理志曰卑移山在西北

河水又與北枝津宋本津下

水受大河東北逕富平城所在分裂以溉田圃北

流入河今無水爾雅曰滙反入言河決復入者也

水經注卷

河之有滄若漢之有潛也

河水又東北逕渾懷鄣西

地理志曰渾懷都尉治塞外者也太和初三齊平
徒歷下民居此遂有歷地之名矣南去地城三百

里漢志渾懷都尉治在北平此北城誤當作北平

河水又東北歷石崖山西

去北城城亦當五百里山石之上自然有文畫若

戰馬之狀粲然成著類似圖焉當作頗似圖畫故亦謂之

畫石山也

又北過朔方臨戎縣西

河水東北逕三封縣故城東漢武帝元狩三年置

十三州志曰在臨戎縣西一百三十里

河水又北逕臨戎縣故城西

元朔五年立舊朔方郡治王莽之所謂推武也

河水又北有枝渠東出謂之銅口東逕沃野故城南

漢武帝元狩三年立王莽之綏武也枝渠東注以

溉田所謂智通在我矣

河水又北屈而為南河出焉河水又北迤西溢於窳

渾縣故城東

漢武帝元朔二年開朔方郡治又有西部都尉治

有道自縣西北出雞鹿塞王莽更郡曰溝搜縣曰極武其水積而為屠申澤澤東西一百二十里故地理志曰屠申澤在縣東即是澤也闕駟謂之渾澤矣屈從縣北流

河水又屈而東流為北河東逕高闕南

史記趙武靈王既襲胡服自代並陰山下至高闕為塞山下有長城長城之際連山刺天其山中斷

兩岸雙闕善能雲舉望若闕焉節狀表目大事記注引此

作峩然雲舉望若闕焉即狀表目故有高闕之名也自闕北出荒

中闕口有城跨山結局謂之高闕戍上古迄今大事

記引此作自古及今常置重捍以防塞道漢元朔四年衛青

將十萬人敗右賢王於高闕即此處也河水又東

逕臨河縣故城北漢武帝元朔三年封代恭王子

劉賢為侯國王莽之監河也漢武帝元朔二年大

將軍衛青絕梓嶺梁北河是也至河目縣西前漢地志

二云河目縣屬五原郡

河水自臨河縣東逕陽山南

漢書注曰陽山在河北指此山也東流逕石跡阜

西是阜破石之文悉有鹿馬之跡故斯阜納稱焉

南屈逕河目縣左北假地名也自高闕以東夾山

帶河陽山以去謝元申云宋本皆北假也史記曰

秦使蒙恬將十萬人北擊胡度河取高闕據陽山

北假中是也北河又南合南河上承西河東逕臨

戎縣故城北又東逕臨河縣南又東逕廣牧縣故

城北有東部都尉治王莽之鹽官也逕流二百許

里東會于河

河水又南逕馬陰山西

漢書音義曰陽山在河北陰山在河南謂是山也

而卽實不在河南史記音義曰五原安陽縣北有

馬陰山今山在縣北言陰山在河南又傳疑之非

也余按南河北河及安陽縣以南悉沙阜耳無他

異山故廣志曰朔方郡北移沙七所而無山以擬

之是議誌之僻也陰山在河東南則可矣

河水又東南逕朔方縣故城東北

詩所謂城彼朔方也漢元朔二年大將軍衛青取

河南地爲朔方郡使校尉蘇建築朔方城卽此城

也王莽以爲武符者也按地理志云今連鹽澤青

鹽澤並在縣南矣

前漢地志朔方縣有金連鹽澤青鹽澤皆在南

又按魏

土地記曰縣有大鹽池其鹽大而青白名曰青鹽

又名戎鹽入藥分美置典官鹽池去平地

平地疑作平城

宮千二百里在新秦之中服虔曰新秦地名在北
方千里如淳曰長安以北朔方以南也薛瓚曰秦
逐匈奴收河南地徙民以實之謂新秦也屈南過
五原西安陽縣南

河水自朔方東轉逕渠搜縣故城北

地理志曰朔方有渠搜縣中部都尉治王莽之溝
搜亭也禮三朝記曰北發渠搜南撫交阯此與北
對南禹貢之所云析支渠搜矣河水又逕西安陽
故城王莽更之曰鄣安矣河水東逕田辟城南地
理志曰故西部都尉治也屈東過九原縣南

河水又東逕成宜縣故城南

王莽更曰艾虜也

河水又東逕原亭城南

關駟十二州志曰中部都尉治

河水又東逕宜梁縣之故城南

關駟曰五原西南六十里今世謂之石崖城

河水又東逕穉陽城南

穉陽舊本作副陽

東部都尉治逕河陰縣故城北又東逕九原縣故
城南秦始皇置九原郡治此漢武帝元朔二年更
名五原也王莽之獲降郡成平縣矣西北接對一

城蓋五原縣之故城也王莽之填河亭也竹書紀年云魏襄王十七年邯鄲命吏大夫奴遷于九原

又命將軍大夫適子伐吏皆貂服矣今竹書紀年作適子代史

皆貂服趙策武靈王曰吾國自常山以至代上黨東有燕東胡西有樓煩秦韓之邊而無騎射之備故寡人變服騎射以備邊其城南面長河北背連山秦始皇逐

匈奴並河以東屬之陶山築亭鄣為河上塞徐廣

史記音義曰陶山在五原北即此山也始皇二十

四年起自臨洮東暨遼海西並陰山築長城及南

越地晝警夜作民勞怨苦故楊泉物理論曰秦始皇

皇使蒙恬築長城死者相屬民歌曰生男慎勿舉

生女哺用餽不見長城下尸骸相支柱其寃痛

此矣蒙恬臨死曰夫起臨洮屬遼東城塹萬餘里

不能不絕地脉此固當死也

又東過臨沃縣南

王莽之振武也

河水又東枝津出焉河水又東流石門水南注之

水出石門山地理志曰北出石門鄣即此山也西

北趣光祿城甘露三年呼韓邪單于還詔遣長樂

衛尉高昌侯董忠車騎都尉韓昌等將萬六千騎

送單于居幕南堡光祿徐自為所築城也故城得

其各矣城東北卽懷朔鎮城也其水自鄆東南流逕臨沃城東東南注于河

河水又東逕稠陽縣故城南

王莽之固陰也地理志曰自縣北出石門鄆前漢地志

云稠陽縣北出石門鄆得光祿城河水決其西南隅又東南枝津

注焉水上承大河於臨沃縣東流七十里北溉田

南北二十里注于河

河水又東逕塞泉城南而東注又東過雲中楨陵縣

南又東過沙南縣北從縣東屈南過沙陵縣西

大河東逕咸陽縣故城南王莽之賁武也

河水屈而流白渠水注之

水出塞外西逕定襄武進縣故城北西部都尉治

王莽更名伐蠻世祖建武中封趙慮為侯國也白

渠水西北逕成樂北郡國志曰成樂故屬定襄也

魏土地記曰雲中城東八十里有成樂城今雲中

郡治一名石盧城也白渠水又西逕魏雲中宮南

魏土地記曰雲中宮在雲中故城東四十里白渠

水又西南逕雲中故城南故趙地虞氏記云趙侯

自五原河曲築長城東至陰山又於河西造大城

一箱崩不就乃改卜陰山河曲而禱焉晝見羣鵠

遊於雲中徘徊經口見大一作光在其下武侯曰
 此為我乎乃即於其處築城今雲中城是也秦始皇
 皇十三年立雲中郡縣曰遠服矣白渠水又西北
 逕沙陵縣故城南王莽之希恩縣也其水西注沙
 陵湖又有芒于水出塞外南逕鍾山山即陰山故
 郎中侯應言於漢曰陰山東西千餘里單于之苑
 囿也自孝武出師攘之於漠北匈奴失陰山過之
 未嘗不哭謂此山也其水西南逕武臯縣王莽之
 永武也又南逕原陽縣故城西又西南與武泉水
 合其水東出武泉縣之故城西南縣即王莽之所

謂順泉者也水南流又西屈逕北輿縣故城
 地理志曰五原有南輿縣王莽之南利也故此
 北舊中部都尉治十三州志曰廣陵有輿故此
 北疑太疎遠也其水又西南入芒于水西南逕白
 道南谷口有長城在右側帶長城背山面澤謂之
 白道南谷口有城自城北出有高阪謂之白道
 崕崕穴出泉挹之不窮余每讀琴操見琴
 相和琴錄云飲馬長城窟及其拔陟斯途遠
 古事始知信矣非虛言也顧瞻左右山樹謝北山
云宋本
 椒作山之上椒有垣若頽基焉沿谿巨嶺東西無極

趙武靈王之所築也。芒于水又南西逕雲中城北。白道中谿水注之。水發源武川北塞中。其水南流逕武川鎮城。以景明中築。以禦北狄矣。其水西南流歷谷逕魏帝行宮。東世謂之阿計頭殿。宮城在白道嶺北阜上。其城員角而不方。四門列觀。城內唯臺殿而已。其水又西南歷中谿。出山西南流於雲中城北。於雲中城北南注芒于水。芒于又西塞水出懷朔鎮東北。芒中南流逕廣德殿。西山下余以太和十八年從高祖北巡。屆於陰山之講武臺。臺之東有高祖講武碑。碑文是中書郎高聰之辭。

也。自臺西出南上山。山無樹木。唯童阜耳。卽廣德殿所在也。其殿四柱兩厦。堂宇綺栱。圖畫奇禽異獸之象。殿之西北便得焜煌堂。雕楹鏤桷。取狀古之温室也。其時帝幸龍荒。遊鸞朔北。南秦王仇池楊難當捨蕃委誠。重譯拜闕。陛見之所也。故殿以廣德爲名。魏太平真君三年刻石。樹碑勒宣時事。碑頌云：肅清帝道。振攝四荒。有蠻有戎。自彼氐羌。無思不服。重譯稽顙。恂恂南秦。歛歛推亡。峨峨廣德。奕奕焜煌。侍中司徒東郡公崔浩。崔浩字誤。當作崔浩。之辭也。碑陰題宣城公李孝伯尚書盧遐等從臣姓。

各若新鏤焉其水歷谷南出陰山西南入芒于水
芒于水又西南注沙陵湖湖水西南入于河
河水南入楨陵縣西北

緣胡山歷沙南縣東北兩山二縣之間而一作出南
余以太和中爲尚書郎從高祖北巡親所逕涉縣
在山南王莽之楨陸也北去雲中城一百二十里
縣南六十許里有東西大山山西枕河河水南流
脉水尋經殊乖川去之次似非關究也

又南過赤城東又南過定襄桐過縣西
定襄郡漢高六年置王莽之得降也桐過縣王莽

更名椅桐者也

河水於二縣之間濟有君子之名

昔漢桓帝十三年西幸榆中東行代地洛陽大賈
齋金貨隨帝後行夜迷失道往投津長曰子封御覽

引此無曰子封三字埤疑當作田子封是津長姓名送之渡河賈人卒死津

長埋之其子尋求父喪發冢舉尸資費一無所損
其子悉以金與之津長不受事聞于帝御覽有兩帝字曰

君子也卽名其津爲君子濟濟在雲中城西南二
百餘里

河水又東南左合一水

水出契吳東山西逕故里南而北俗謂之契吳亭
其水又西流注于河
河水又南樹頽水注之

水出東山西南流右合中陵川水水出中陵縣

黃本缺一字吳本補作東南山下北俗謂之大浴

山其水亦取名焉東北流逕中陵縣故城東北俗

謂之北右突城王莽之遮害也十三州志曰善無

縣南七十五里有中陵縣世祖建武二十五年置

其水又西北右合一水水自東山北俗謂之貸敢

山水又受名焉其水自西北流注于中陵水又西

北流逕善無縣故城西王莽之陰館也十三州志

曰舊定襄郡治地理志曰鴈門郡治其水又西北

流又會一水水出東山下北俗謂之吐文水山又

取名焉北流逕鍾亭南西流土壁亭南西出峽左

入中陵水水又北分爲二水一水東北流謂之流

水又東逕沃陽縣坎城南

李克家云坎城當作故城

北俗謂之

可不湓城王莽之敬陽也又東北逕沃陽城東又

東合可不湓水出東南六十里山下西北流注沃

水又會東逕叅合縣南魏因叅合陁以卽名也北

俗謂之倉鶴陁道出其中亦謂之叅合口徑左縣

之西北卽燕書所謂太子寶自河還師參合三軍
 奔潰卽是處也魏立縣以隸涼城郡也西去沃陽
 縣故城二十里縣北十里有都尉城地理志曰沃
 陽縣西部都尉治者也北俗謂之阿養城其水又
 東合一水水出縣東南六十里山下北俗謂之災
 豆渾水西北流注于沃水又東北流注鹽池地理
 志曰鹽澤在東北者也今鹽池西南去沃陽故城
 六十五里池水激渟淵而不流東西三十里南北
 二十里池北十里卽涼城郡注注疑池西有舊城
 俗謂之涼城也郡取名焉地理志曰澤有長丞漢地

地理志沃陽注一鹽澤 此城卽長丞所治也城西三

里有小阜阜下有泉東南流注池北俗謂之大谷

此佳此佳二字疑誤水亦受目焉中陵川水自枝津西北

流右合一水於連嶺北出沃陽縣東北山下北俗

名之烏伏真山水曰誥升袁河袁河當作綠河西南流逕

沃陽縣左合中陵川亂流西南與一水合北俗謂

之樹頽水水出東山下西南流右合誥升袁水亂

流西南注分爲二水左水枝分南出北俗謂之太

河羅孫云太河羅當作太羅河右水西逕故城南北俗名之昆

新城其水自城西南流注于河

河水又南太羅水注之

水源上承樹顏河南流西轉逕武縣故城南十三
州志曰武縣在善無西百五十里北俗謂之太羅
城水亦藉稱焉其水西南流右水注之水導故城
西北五十里南流逕城西北名之曰故槃迴城又
南流注太羅河太羅河又西南流注于河

河水又左得滴水

水出西河郡美稷縣東南流東觀記曰郭伋細侯
郭伋下當作字細侯為并州牧前在州素有恩德老小相攜
道路行部到西河美稷數百小兒各騎竹馬迎拜

伋問兒曹何自遠來曰聞使君到喜故迎伋謝而
發去諸兒復送郭外問使君何日還伋計日告之
及還先期一日念小兒即止野亭須期至乃往其

水又東南流羌人因水以氏之漢沖帝時羌滴狐
奴歸化蓋其渠師師當作神也其水俗亦謂之為過波

水東南流入長城東鹹水出長城西鹹谷東入滴
水又東南渾波水出西北窮谷東南流注于滴水

滴水又東逕西河富昌縣故城南王莽之富成也
滴水又東流入于滴水左合一水出善無縣故城

西南八十里其水西流歷于呂梁之山而為呂梁

洪其巖層岫行古今作巖層岫行澗出崖深巨石

崇竦壁立千仞河流激盪濤湧波襄雷濟雲一作

洩震天動地曰日當呂梁未闢河出孟門之上蓋

大禹所闢以通河也司馬彪曰呂梁在離石縣西

今於縣西歷山尋河乃無過岨過岨字為至是乃

為巨嶮即古古當梁矣在離石北以東可二百有

餘里

又南過西河園音陽縣東

西河郡漢武帝元朔四年置王莽改曰歸新園水

出上郡白土縣園谷東逕其縣南地理志曰園水

出西東入河前漢志上郡有白土縣園水出其西

園水王莽更曰黃土也東至長城與神御古本作

水合水出縣南御山峽山東出至長城入于園園

水又東逕鴻門縣縣故鴻門亭地理風俗記曰園

陰縣西五十里有鴻門亭天封宛火井廟火從地

中出漢地志云鴻門縣有天封苑火井祠火從園

水又東梁水注之水出西北梁谷東南流注園水

又東逕園陰縣北漢惠帝五年立王莽改曰方陰

矣又東桑谷水注之水出西北桑谿東北桑谿東

北流入于園園水又東逕園陰南東流注于河

河水又東端水入焉

水西出號山山海經曰其山木多漆櫟其草多芎

窮是多冷石

按西山經云諸次山北百八十里曰號山其木多漆櫟其草多葍藟芎窮

是多冷石郭注端水出焉而東流注于河

河水又南諸次之水入焉

水出上郡諸次山山海經曰諸次之山諸次水出

孫云按山海經諸次之山諸次之水出焉是山多木無草鳥獸莫居是

多衆蛇其水東逕榆林塞世又謂之榆林山即漢

書所謂榆谿舊塞者也自谿西去悉榆林之藪矣

緣歷沙陵屈龜茲縣西出故謂廣長榆也王恢云

樹榆為塞謂此矣蘇林以為榆中在上郡非也按

始皇本紀西北逐匈奴自榆中並河以東屬之陰

山然榆中在金城東五十許里陰山在朔方東以

此推之不得在上郡漢書音義蘇林為是失也其

水東入長城小榆林水合焉歷源西北古本作歷

窮谷其源也又東合首積水西出首積谿谿東注

諸次水又東入于河山海經曰諸次之水東流注

于河即此水也

河水又南湯水注之

山海經曰水出上甲之山上無草木而多礫石下

多榛楛湯水出焉果流注于河也

又南離石縣西奢延水注之

水西出奢延縣西南赤沙阜東北流山海經曰所謂生水出孟山者也郭景純曰孟或作明漢破羌將軍段熲破羌於奢延澤虜走洛川洛川在南俗因縣土謂之奢延水又謂之朔水矣東北流逕其縣故城南王莽之奢節也赫連龍昇七年於是水之北黑水之南遣將作大匠梁公叱于阿梨改築大城名曰統萬城蒸土加功雉堞雖久崇墉若新并造五兵器銳精利乃咸百鍊為龍雀大鑲號曰

大夏龍雀銘其背曰古之利器吳楚湛盧大夏龍雀名冠神都可以懷遠可以柔逋如風靡草威服九區世甚珍之又鑄銅為大鼓及飛廉翁仲銅駝龍虎皆以黃金飾之列於宮殿之前則今夏州治也奢延水又東北與溫泉合源西北出沙磧而東南流注奢延水奢延水又東黑水入焉出奢延縣

黑澗

堦云當作奢延水又東與黑水合黑水出奢延縣黑澗謝冰申云按宋本黑水入焉水出

奢延縣黑澗宋刻本無焉水二字

東南歷沙陵注奢延水奢延水

又東合交蘭水出龜茲交蘭谷東南流注奢延水奢延水又東北流與鏡波水合水源出南邪山南

谷東北流注于奢延水奢延水又東逕膚施縣帝
 原水西北出龜茲縣東南流縣因處龜茲降胡著
 稱又東南注奢延水又逕膚施縣南秦昭王三年
 置上郡治漢高祖并三秦復以為郡王莽以漢馬
 員為增山連率歸世祖以為上郡太守司馬彪曰
 增山者上郡之别名也東入五龍山地理志曰縣
 有五龍山也帝原水自下亦為通稱也按漢地志
縣有五龍山帝原水陽周縣橋山歷長城東出于
有黃帝塚而西河自有增山縣
 赤翟白翟之中又有年水謝兆冲云年水出西北
宋本作平水
 平谿東南入奢延水又東走馬水注之水止謝云

誤當作西南長城北陽周縣故城南橋山昔二世賜

蒙恬死於此王莽更名上陵時山上有黃帝塚故

也帝崩惟弓劍存焉故世稱黃帝仙矣其水東流

昔段熲追羌出橋門至走馬水聞羌在奢延澤即

此處也後漢書段熲追羌出橋門至走馬水上尋

二百餘里門即橋山之長城門也始皇今太子扶蘇與

蒙恬築長城起自臨洮至于碣石即是城也其水

東北流入長城又東北注奢延水又東與白羊水

合其水出于西南白羊谿逕谿東北注于奢延水

奢延水又東入于河山海經曰生水東流注于河

河水又南陵水注之

水出陵川北谿南逕其川西轉入河

河水又南得離石水口

離石北山南流逕離石縣故城西史記云秦昭王伐趙取離石者也漢武帝元朔三年封代共王子劉綰為侯國後漢西河郡治也其水又南出西轉逕隰城縣故城南漢武帝元朔三年封代共王子劉忠為侯國王莽之慈平亭也胡俗語訛尚有千城之稱其水西流注于河也

又南過中陽縣西

中南縣故城在東東翼汾水隔越重山不瀆于河

也

孫云中南疑作中陽

又南過土軍縣西

吐京郡治故城即土軍縣之故城也胡漢譯言皆訛偽變矣其城員長而不方漢高帝十一年以封武侯宣義為侯國縣有龍泉出城東南道左山下牧馬川上多產名駒駿同滇池元河元下脫一馬字其水西北流至其城東南土軍水出道左高山西南注之龍泉水又北屈逕其城東西北入于河

河水又南合契水

傍谿東入窮谷其源也又南至祿谷水口水源東窮此谿也

河水又南得大蛇水

發源谿首西流入河

河水又南又納辱水

舊本作河水又右納辱水

山海經曰辱水出于鳥山其上多桑其下多楮陰多鐵陽多玉其水東流注于河俗謂之秀延水東流得沅水口傍谿西轉窮谿便即沅水之源也延水又東會于根水西南谿下根水所發而東北注延水東南露跳水西出露谿東流又東北入延水

亂流注于河河水又南左合信支水水發源東露西流入于河河水又南左會石羊水巡谿東入道源窮谷西流注入河

又南過上郡高奴縣東

域谷水東啓荒源西歷長谿西南入于河水又南

合谿口水出北山南歷谿西流注于河孔山之上

有穴如車輪二所東西相當相去各二丈許南北

直通故謂之孔山也山在蒲城

孫云蒲城當作蒲城

西南三

十餘里河水又右會區水山海經曰次四經之首

曰陰山西北百七十里曰申山其上多穀柞其下

多柎榘多金玉區亦出焉而東流注于河世謂之
清水上郡東流入于長城逕老人山下又東北流
至老人谷傍水北出極谿便得水源清水又東得
龍尾水口水出北地神泉鄯北山龍尾谿東北流
注清水又東會三湖水水出南山三湖谷東北流
入清水清水又東逕高奴縣合豐林水地理志謂
之洧水也故言高奴縣有洧水肥可難難古
燃字水上
有肥可接取用之博物志稱酒泉延壽縣南山出
泉水大如筮注地爲溝水有肥如肉汁取著器中
始黃後黑如凝膏然極明與膏無異膏車及水碓

缸甚佳彼方人謂之石漆水肥亦所在有之非止
高奴縣洧水也項羽以封董翳爲翟王居之三秦
此其一也漢高祖破以縣之王莽之利平矣民俗
語訛謂之高樓城也豐林川長津瀉注北流會洧
洧水又有谿谷水注之水西出奚川東南流入洧
水又東注于河

河水又南蒲川石樓山南逕蒲城東

卽重耳所奔之處也又南歷蒲子縣故城西今大
魏之汾州治徐廣晉紀稱劉淵自離石南移蒲子
者也闕駟曰蒲城在西北谿武置

谿舊作溪宋本
作漢武下脫一

帝字漢志蒲子縣屬河東應劭云即蒲坂舊邑世天武帝置其水南出得黃盧水

口東出歷蒲子城南東北入谷極谿使水之源也

又南合紫川水水出東北出紫川谷西南合江水

江水出江谷西北入紫水紫水又西北入蒲水蒲

水又西南入于河水河水入南黑水水出定陽縣

西山二源奇發同瀉一壑東南流逕其縣北又東

南流右合定水俗謂之白水也水西出其縣南山

定水谷更逕定陽縣故城南應劭曰縣在定水之

陽也定水又東注于黑水亂流東南入于河

水經注箋卷第三

水經注箋卷第四

漢 桑 欽撰 後魏 酈道元 注

明 李長庚訂 孫汝澄

朱謀埠箋 李克家全校

河水四

河水又南過河東北屈縣西

河水南逕北屈縣故城西十里有風山上有穴如

輪風氣蕭瑟習常不止當其衝飄也而略無生草

事類賦引此作當蓋不定御覽引此作衆風之門

故也風山西四十里河南孟門山山海經曰孟門

之山其上多金玉其下多黃堊涅石淮南子曰龍門未闢呂梁未鑿河出孟門之上大溢逾流無有丘陵高阜滅之名曰洪水大禹疏通謂之孟門故穆天子傳曰北登孟門九河之蹬孟門卽龍門之上口也實謂黃河之巨阨兼孟津之名矣此石經始禹鑿河中漱廣夾岸崇深傾崖返捍巨石臨危若墜復倚古之人有言水非石鑿而能入石信哉其中水流交衝素氣雲浮往來遙觀者常若霧露沾人窺深悸魂其水尚崩浪萬尋縣流千丈渾洪轟怒鼓若山騰濤波頽疊迄于下口方知慎子下

龍門流浮竹非駟馬之追也

慎子云河下龍門其流駛竹箭駟馬追之

不又有燕完水注之異源合舍西流注河

河水又南得鯉魚

歷澗東入窮溪首便其源也爾雅曰鱣鮪也出鞏穴三月則上渡龍門得渡為龍矣否則點額而還非夫往還之會何能便有茲稱乎

河水又南羊求水入焉

東出羊求川西逕北屈縣故城南城卽夷吾所奔邑也王莽之朕北也汲郡古文曰翟章救鄭次于南屈應劭曰有南故加北國語曰二五言於獻公

曰左傳云晉獻公疥嬖梁五與東關嬖五晉人謂之二五耦蒲與二屈君之疆

也其水西流注于河

河水又南為採桑津

春秋僖公八年晉里克敗狄于採桑是也

又南過皮氏縣西

赤水出西北罷谷川東謂之赤石川東入于河

河水又南合蒲水

西則兩源並發俱導一山出西河陰山縣王莽之

山寧也陰山東麓南水東北與長松水合水出西

三陽山東東北流左入蒲水蒲水又東北與北溪

會同為一川東北注河

河水又南逕丹水西南

丹陽山東北逕冶東俗謂之丹陽城城之左右猶

有遺銅矣漢書食貨志注云金有三品丹陽銅為赤金神異經云丹陽銅似金可鍛以作

錯塗之器其水東北會白水口水出丹山東而西北注

之丹水又東東北入河

河水又南黑水注之宋本鈔本俱無注之二字

西出丹山東而東北入于河

河水又南至嶧谷傍

東北窳源所導也西南流注于河

河水又南洛水自獵山枝分東派東南注于河一作大河
昔魏文侯築館洛陰指謂是水也皮氏縣王莽之
延平也故城在龍門東南不得延逕皮氏方屈龍
門也

又南出龍門口汾水從東來注之

昔者大禹導河積石疏決梁山謂斯處也即經所
謂龍門矣魏土地記曰梁山北有龍門山大禹所
鑿通孟津河口廣八十步巖際鑿跡遺功尚存岸
上并有廟祠祠前有石碑三所二碑文字紊滅不
可復識一碑是太和中立竹書紀年晉昭公元年

河赤于龍門三里

謝兆申云宋本作河水赤于龍門

梁惠成王四

年河水赤于龍門三日京房易妖占曰河水赤下
民恨

河水又南右合暢谷水

水自溪東南流逕夏陽縣西北東南注于河

孫云史記

秦紀惠文君十一年更名曰梁曰夏陽

河水又南逕梁山原東

自原山東南出至河晉之望也在馮翊夏陽縣之

西臨于河上山崩壅河三日不流晉侯以此問伯

宗即處也春秋穀梁傳曰成五年梁山崩遏河

水三日不流召伯尊遇輦者不避使車右鞭之輦者曰所以鞭我者其取道遠矣伯尊因問之輦者曰君親縞素率羣臣哭之斯流矣如其言而河流

李克家云伯尊卽

伯宗聲相轉也

河水又南岨谷水注之

水出縣西北梁山東南流橫溪注之水出于三累山其山層密三成故俗以三累名山按爾雅山三成爲崑丘斯山豈亦崑丘乎山水際有二石室蓋隱者之故居矣細水東流注于岨谷側溪山南有石室面西有兩石室北面有二石室皆因阿結

牖連肩接闕所謂石室相距也東廂石上猶傳杵臼之跡庭中亦有舊宇處尚髣髴前基北坎室上有微涓石溜豐周瓢飲似是栖遊隱學之所昔子夏教西河疑卽此也而無辨之溪水又東南逕夏陽縣故城北故少梁也秦惠文王十一年更從今名矣王莽之冀亭也其水東南流

李克家云此下疑脫一注字

于河昔韓信之襲魏王豹也以木罾自此渡

河水又南右合陶渠水

水出西北梁山東南流逕漢陽太守殷濟精廬南

舊本作精廬尚謝光申云宋本作尚在此俗謂之

脫一在字也吳本改爲精廬南似誤矣

子夏廟河水又南逕高門南蓋層阜墮缺故流東門之稱矣又東南逕華池南池方三百六十步在夏陽城西北四里許故司馬遷碑文云高門華池在茲夏陽西城北漢陽太守殷濟精舍四里所今高門東去華池三里溪水又東南逕夏陽縣故城南服虔曰夏陽虢邑也在太陽東三十里城南春秋僖公二年虞帥晉師滅下陽杜元凱云下陽虢邑在河東大陽縣孫按漢志弘農陝縣注故虢城在大陽東馮翊夏陽縣注故少梁龍門在北則下陽夏陽兩地也公羊傳下陽作夏陽服因誤矣又歷高陽宮北又東南逕司馬子長墓北墓前有廟廟前有碑永嘉四年漢陽太守殷濟瞻仰遺文大

其功德遂建石室立碑樹桓太史公自叙曰遷生於龍門是其墳墟所在矣溪水東南流入河昔魏文侯與吳起浮河而下美河山之固即於此也河水又西徐水注之

水出西北梁山東南流逕漢武帝登仙宮東東南流絕疆梁石逕劉仲城北是漢祖兄劉仲之封邑也故徐廣史記音義曰邵陽國名也高祖八年侯劉仲是也孫云邵陽當作邵陽按史記高祖紀代王劉仲棄國亡自歸雒陽廢以為合陽侯索隱曰合陽屬馮翊正義曰在邵水之陽也其水東南逕子夏陵北東入河

河入又南逕子夏石室

東南北有二石室臨側河崖卽子夏廟室也

又南過汾陰縣西

河水東際汾陰睢縣故城在睢側漢高帝六年封周昌爲侯國魏土地記曰河東郡北八十里有汾陰城北去汾水三里城西北隅曰睢丘上有后土祠封禪書曰元鼎四年始立后土祠於汾陰睢丘是也又有萬歲宮漢宣帝神爵元年幸萬歲宮東濟大河而神魚舞水矣昔趙簡子沈樂激於此曰吾好聲色而是子致之吾好士六年不進一人是

過而黜吾善君子以爲能譴矣

呂氏春秋
云是長吾過而

吾善也

河水又逕郃陽城東

周威烈王之十七年魏文侯伐秦至鄭還築汾陰郃縣卽此城也故有莘邑矣爲大姒之國詩云在郃之陽在渭之涘又曰纘女維莘長子維行謂此也城北在北澆水南去二水各數里其水東逕其城內東入于河又於城南側中有澆水東南出城注于河城南又有澆水東流東注于河水南猶有文母廟前有碑去城一十五里水卽郃水也縣取

名焉故應劭曰在郃水之陽也河水又南漢水入焉木出汾陰縣南四十里西去河三里平地開源

潰當作泉上湧大幾如輪深則不測俗呼之為漢

魁郭璞爾雅注云汾陰有水口如車輪許潰沸涌出其深無限名之為漢古人壅其

流以為陂水種稻東西二百步南北一百餘步與

郃陽漢水夾河中渚上又有一漢水皆相潛通故

呂忱曰爾雅異出同流為漢水其水西南流歷朔

坂西西流注于河孫云朔坂當作蒲坂

河水又南逕陶城西

舜陶河濱皇甫士安以為定陶不在此也然陶城

在蒲坂城北城即舜所都也南去歷山不遠或耕

或陶所在則可何必定陶方得為陶也舜之陶也

斯或一焉孟津有陶河之稱蓋從此始之南對蒲

津關汲冢竹書紀年魏襄王七年秦王來見于蒲

坂關四月越王使公師隅來獻乘舟始罍及舟三

百箭五百萬犀角象齒焉竹書紀年作越王使公師來獻舟三百箭五百

萬及犀角象齒

又南過蒲坂縣西

地理志曰縣故蒲也王莽更名蒲城應劭曰秦始

皇東巡見有長坂故加坂也孟康曰晉文公以賂

秦秦人還蒲於魏魏人喜曰蒲反矣故曰蒲反也
薛瓚注漢書曰秦世家以垣爲蒲反然則本非蒲
也皇甫謐曰舜所都也或言蒲坂或言平陽及漢
者也今城中有舜廟魏秦州刺史治太平遷都罷
州置河東郡郡多流離謂之徙民民有姓劉名墮
者宿擅工釀採挹河流醞成芳酎懸食同枯枝之
年排於桑落之辰故酒得其名矣懸食二語字有
譌脫按洛陽伽
藍記云河東人劉白墮善釀酒六月中以罌貯酒
曝日中經旬酒味不動飲之香美朝貴千里相餉
命曰鶴觴齊民要術云十月桑落初凍則收水然
釀者爲上時春酒正月晦日收水爲中時春酒然
香醕之色清白若滌漿焉別調氛氲不與侘同蘭

薰麝越自成馨逸方土之貢選最佳酌矣自王公
庶友牽拂相招者每云索郎有顧思同旅語索郎
反語爲桑落也更爲籍徵之雋句中書之英談郡
南有歷山也謂之歷觀舜所耕處也有舜井媯汭
二水出焉南曰媯水北曰汭水迺歷山下上有
舜廟周處風土記曰舊說舜葬上虞又記云耕於
歷山而始寧剡二縣界上舜所耕田於山下多柞
樹吳越之間名柞爲樗故曰歷山余按周處此志
爲不近情傳疑則可證實非矣安可假木異各附
山殊稱彊引大舜卽比寧懷

寧字誤當作卽比寧
懷括地志云河內郡

獲嘉縣有甯城而懷縣亦屬河內又媯州懷戎縣
西有舜井路史國名記云陽處父聘衛過甯一作
寧則寧懷
並地名也
更爲失誌記之本體差實錄之常經矣

歷山媯汭言是則安於彼乖矣尚書所謂釐降二
女於媯汭也孔安國曰居媯水之內王肅曰媯汭
虞地各皇甫謐曰納二女於媯水之汭馬季長曰
水所出曰汭然則汭似非水名而今見有二水異
源同歸渾流西注入于河

河水又南逕雷首山西

山臨大河北去蒲坂三十里尚書所謂壺口雷首
者俗亦謂之堯山山上有故城世又曰堯城闕駟

曰蒲坂堯都按地理志曰縣有堯山有祠雷首山
在南事有似而非非而是千載眇藐當作邈非所詳
耳

又南涑水注之

水出河北縣雷首山縣北與蒲坂分山有夷齊廟

闕駟十三州志曰山一名獨頭山夷齊所隱也山

南有古冢陵栢蔚然攢茂丘阜俗謂之夷齊墓其

水也西南流亦曰雷水穆天子傳曰壬戌天子至

于雷首犬戎胡觴天子於雷首之阿乃獻良馬四

六天子使孔牙受之于雷水之干是也穆天子傳
良馬作食

馬受之于昔趙盾田首山食祁彌明左傳作提彌明翳桑

雷水之平之下即於此也涑水又西南流注于河春秋左傳

謂之涑川者也俗謂之陽安澗水

又南至華陰潼關渭水從西來注之

汲冢舊本作汲都乃汲郡之訛吳改作汲冢竹書紀年曰晉惠公十

五年秦穆公帥師送公子重耳涉自河曲春秋左

氏僖公二十四年秦伯納之及河子犯以璧授公

子曰臣負羈繼從君巡於天下臣之罪多矣臣猶

知之而况君乎請由此亡公子曰所不與舅氏同

心者有如白水授璧於此孫云按左傳有如子推

焉

哭曰天開公子子犯以為功吾不忍與同位遂逃

焉

河水歷船司空與渭水會前漢地志船司空縣名屬京兆尹莽改曰船利

漢書地理志曰舊京兆郡之屬縣也左丘明國語

云華嶽本一山當河河水過而曲行河神巨靈手

盪脚蹋開而為兩今掌足之跡仍存華巖按巨靈事在薛

綜西京賦注引古語云云非左氏國語也此誤記耳開山圖曰有巨靈胡者

偏得神元之道能造山川出河所謂巨靈鬮鬮首

冠靈山者也常有好事之人故升華嶽而觀厥跡

焉自下廟歷列栢南行十一里東迴三里至中祠

水經注卷四

又西南出五里至南祠謂之北君祠諸欲升山者
 至此皆祈請焉從北南入谷七里又屈一祠謂之
 石養父母石龕木主存焉入南克家云入南疑作又南出一
 里至天井井栽容人穴空迂迴傾曲而上可高六
 丈餘山上又有微涓細水流入井中亦不甚沾人
 上者皆所由涉更無別路欲出井望空視明如在
 室窺窓也出井東南行二里峻坂斗上斗下降此
 坂二里許又復東上百丈崖升降皆須扳繩挽葛
 而行矣南上四里路到石壁緣傍稍進逕一百餘
 步自此西南出六里又至一神名曰胡趨寺郭緣生述

征記云西南出六里又神像有童子之容從祠南

歷夾嶺廣裁三尺餘兩箱宋本兩箱下有懸字崖數萬仞窺

不見底祀祠有感則雲與之平也宋本無然後敢

度猶須騎嶺抽身漸以就進故世謂斯嶺為搦嶺

矣度此二里復屈山頂上方七里靈泉二所一名

蒲池西流注于澗一名太上泉東注澗下上宮神

廟近東北隅其中塞實雜物事難詳載自上宮東

北出四百五十步有屈嶺東南望巨靈手跡唯見

洪崖赤壁而已都無山下上觀之分均矣分均字有譌誤

蓋言山下上觀似有掌足之跡及至上宮而均望掌足處但見洪崖赤壁而已無復分均之跡也唐文

粹載王涯仙掌辨曰華岳首峯有五崖比壑破巖巖而列自下遠而望之偶為掌形舊俗謂是巨靈之跡余征觀焉誕哉此說乎河在關內南流潼激關山因謂之潼

關灌水注之水出松果之上北流逕通谷世亦謂之通谷水東北注于河述征記所謂潼谷水者也

或說因水以名地也河水自潼關東北流水側有長坂謂之黃巷坂傍絕澗涉此坂以升潼關所謂

沂黃巷以濟潼關矣潘岳西征賦云沂黃巷以濟潼歷北出東嶠通謂之函谷關也西都賦云左據函谷二峻之阻則此當作東峻遂岸天

高空谷幽深澗道之峽車不方軌號曰天嶮故西京賦曰巖嶮周固矜帶易守所謂秦得百二并吞

諸侯也秦得百二兩語是張載劔閣銘是以王元說隗囂曰請以

一丸泥東封函谷關圖王不成其弊足霸矣郭緣生記曰漢末之亂魏武征韓遂馬超連兵此地今

際河之西有曹公壘道來原上云李典營義熙十三年王師會據此壘西征記曰汭路逶迤入函道

六里舊城城周百餘步北臨大河南對高山姚氏置關以守峽宋武王入長安檀道濟王鎮惡或據

山為營或平城結壘為大小七營濱帶河嶮姚氏亦保據山原阜之上尚傳故跡矣關之直北隔河

有層阜巍然獨秀孤峙河陽世謂之風陵戴延之

所謂風埴者也

風埴御覽引此作風埴又引戴延之西征記云伏羲女媧風姓也此

當是女媧之墓九域志云女媧墓在今潼關口河灘上屹然介河有木數株雖暴漲不漂沒也蒙宇

記云河東縣三里風陵是女媧之墓秦漢以來俱係祀典南則河濱姚氏之營

與晉對岸

河水又東北玉澗水注之

水南出玉溪北流逕皇天原西周固記開山東首

上平博方可里餘三面壁立高千許仍漢世祭天

於其上名之為皇天原上有漢武帝思子臺又北

逕閼鄉城西郡國志曰弘農湖縣有閼鄉後漢郡國志弘

農郡湖縣有閼鄉世謂之閼鄉水也魏尚書僕射閼鄉侯

河東衛伯儒之故邑

魏志云衛覬字伯儒官尚書封陽吉亭侯

位進封閼鄉侯三百戶閼音聞其水北流注于河

河水又東逕閼鄉侯河東與全鳩澗水合孫云侯河當作城南

水北南山北逕皇天原東述征記曰全節地名也

圖經云全節即漢書全鳩里戾太子死處在閼鄉縣東十里鳩澗西其西名桃原古

之桃林周武王克殷休牛之地矣西征賦曰咸徵

名於桃園者也晉太康地記曰桃林在閼鄉南谷

中其水入北河注于河孫云北河疑作河北蓋謂河北縣也

又東過河北縣南

縣與湖縣分河蓼水出襄山蓼谷西南流于河

河水又東末樂澗水注之

水北出于薄山南流逕河北縣故城西故魏國也

晉獻公滅魏以封畢萬卜偃曰魏大名也萬後其

昌乎後乃縣之在河之北故曰河北縣也今城南

西二面竝去大河可二十餘里北去首山一十許

里處河山之間土地迫隘故魏風著十畝之詩也

城內有龍泉南流出城又南斷而不流永樂溪水

又南入于河余按中經卽渠豬之水也太史公封

禪書稱華山以西名山七薄山有其一焉薄山卽

襄山也徐廣曰蒲坂縣有襄山山海經曰蒲山之

首曰其桑之山

今山海經作其棗之山括地志一

一名歷山亦名首陽山亦名蒲山一名中條山

一名襄山亦名其棗山亦名豬山其水出焉而西

流注于河東則渠豬之山渠豬之水出焉而南流

注于河如準封禪書二水無西南流河之理今診

蓼水川流所趣與其水相扶永樂溪水導源注于

河又與渠豬勢合蒲山統目總稱亦與襄山不殊

故楊雄河東賦曰河靈攬跼掌華蹈襄注云襄山

在潼關北十餘里以是推之知襄山在蒲坂蓼水

卽渠豬之水也
河水自河北城南東逕芮城

二城之中有段干木塚干木晉之賢人也魏文侯
 過其門軾其廬所謂德尊萬古芳越來今矣汲冢
 竹書紀年曰晉武功功當作公元年尚一軍芮人乘京
 荀人董伯皆叛匪直大荔故芮也此亦有焉紀年
 又云晉武公七年芮伯萬之母芮姜逐萬萬出奔
 魏八年周師虢師圖魏今竹書作團魏取芮伯萬而東之
 九年戎人逾芮伯萬于邲斯城亦或伯萬之故畫
 也畫字誤疑是疆字

河水又會槃澗

水出湖縣夸父山北逕漢武帝思子宮歸來望子

臺東又北流入于河

河水又東逕湖縣故城北

昔范叔入關遇穰侯於此矣湖水出桃林塞之夸

父山廣員三百仞武王伐紂天下既定王及嶽濱

王及嶽濱字誤當作王巡嶽濱周頌時邁所謂及河喬嶽是也放馬華陽散牛桃

林卽此處也其中多野馬造父於此得驂騮綠耳

盜驪之乘以獻周穆王使之馭以見西王母湖水

又北逕湖縣東而北流入于河魏土地記曰弘農

湖縣有軒轅黃帝登仙處黃帝採首山之銅鑄鼎

於荆山之下有龍垂胡於鼎黃帝登龍從登者七

十人遂昇於天故名其地爲鼎湖荆山在馮翊首
山在蒲坂與湖縣相連晉書地道記太康記並言
胡縣也漢武帝改作湖俗云黃帝自此乘龍上天
也地理志曰京兆湖縣有周天子祠二所故曰湖
不言黃帝升龍也山海經曰西九十里夸父之山
其木多椶櫚多竹箭其陽多玉其陰多鐵其北有
林焉名曰桃林其中多馬湖水出焉北流注于河
故三秦記曰桃林塞在長安東四百里若有軍馬
經過好行則牧華山休息林下惡行則決河漫延
人馬不得過矣

河水又東合柏谷水

水出弘農縣兩石隄山山下有石隄祠銘云魏其
露四年散騎常侍征南將軍豫州刺史領弘農太
守南平公之所經建也其水北流逕其亭下昔公
子重耳出亡及柏谷卜適齊楚狐偃曰不如之翟
漢武帝嘗微行此亭見饋亭長妻故潘岳西征賦
曰長徵客於柏谷今西征賦作長
傲賓於柏谷妻靚貌而獻餐
謂此亭也谷水又北流入于河

河水又東右合門水

門水卽洛水之支流者也洛水自上洛縣東北於

拒城之西北分爲二水枝渠東北出爲門水也門水又東北歷陽華之山卽華陽山海經所謂陽華之山門水出焉者也又東北歷峽謂之鴻關水東有城卽關亭也水西有堡謂之鴻關島世亦謂之劉項裂地處非也余按上洛有鴻臚園池是水津渠泂注故謂斯川爲鴻臚澗鴻關之名乃起是矣門水又東北歷邑川燭水注之左水出于陽華之陽東北流逕盛墻亭西東北流與右水合右水出陽華之陰東北流逕盛墻亭東北與左水合卽山海經所謂緒茹之水出于陽華之陰東北流注于

門水者也又東北燭水注之水有二源左水南出于衡嶺世謂之石城山其水東北流逕石城西東北合右水右水出石城山東北逕石城東東北入左水地理志曰燭水出衡嶺下谷開山圖曰衡山在函谷山西南是水亂流東注于緒茹之水二水悉得通稱矣歷澗東北出謂之開方口水側有阜名之方伯堆宋奮武將軍魯方平建威將軍薛安都等與建威將軍柳元景北入軍次方伯堆者也

堆上有城卽方伯所築也宋書元嘉二十七年大舉北侵柳元景東馬懸

車引軍上百丈崖出温谷以入盧氏進次方伯堆去弘農城五里元景引軍度熊耳山安都頓軍弘

農龐法起

又東北逕入川城南

謝兆申云宋本即

漢封竇門之故邑川受其名亦曰竇門城在函谷

關南七里又東北田渠川水注之出衡山之白石

谷東北流逕故丘亭東是薛安都軍所從城也其

水又逕鹿蹄山西山石之上有鹿蹄自然成者非

人功所刊歷田渠川謂之田渠水西北流注于燭

水燭水又北入門水水之左右即函谷山也門水

又北逕弘農縣故城東城即故函谷關校尉舊治

處也終軍棄繻於此燕丹孟嘗亦義動雞鳴於其

下

燕丹子曰丹去秦夜到關關門未開丹為雞鳴眾雞皆鳴遂得逃歸

可謂深心有

感志誠難奪矣昔老子西入關尹喜望氣於此也

故趙至與嵇茂齊書曰李叟入秦及關而歎亦言

與嵇叔夜書及關尹望氣之所異說紛綸並未知

所定矣漢武帝元鼎四年徙關於新安縣以故關

為弘農縣弘農郡治王莽更名右隊劉桓公為郡

虎相隨渡河光武聞而善之其水側城北流而注

于河河水於此有洹津

詳下文當作洹津

之名說者咸云

漢武微行柏谷遇辱竇門又感其妻深識之饋既

返玉階厚賞賚焉賜以河津令其鬻渡今竇津者

是也故潘岳西征賦酬匹婦其已秦胡厥夫之謬

官袁豹之徒並以爲然余按河之南畔夾側水濱
 有澗一作澗謂之涇津河北縣有涇水涇津其水
 南入于河河水故有涇津之名不從門始蓋事類
 名同故作者是之竹書穆天子傳曰天子自寘軫
 乃次于涇水之陽丁亥入于南鄭考其泂歷所鍾
 路直斯津以是推之知非因門矣俗或謂之偃鄉
 澗水也河水又有左右一水其水三源疏引俱導
 薄水南流會成一川其三水之內世謂之閑原言
 虞芮所爭之田所未詳矣又南注于河河水右會
 水注之水出南山北逕曹陽亭西陳涉遣周章入

秦少符

史記秦少符章邯

章邯斬之於此魏氏以爲好陽

晉書地道記曰亭在弘農縣東十三里其水西北
 流入于河河水又東蓄水注之水出常烝之山西
 北逕曲沃城南又屈逕其城西西北入河諸注述
 者咸言曲沃在北此非也魏司徒崔浩以爲曲沃
 地名也余按春秋文公十三年晉侯使詹嘉守桃
 林之塞處此以備秦時以曲沃之官守之故曲沃
 之名遂爲積古之傳矣河水又東得七里澗澗在
 陝西孫云陝西陝縣之西也七里故因名焉谷水自南山通
 河亦謂之曹陽坑是以潘岳西征賦曰行於漫瀆

之口憩於曹陽之墟袁豹崔浩亦不非其地矣余按漢書昔獻帝東遷逼以寇難李傕郭汜追戰于弘農澗天子遂露次曹陽楊奉董承外與傕和內引白波李樂等破傕乘輿於是得進復來戰奉等大敗兵相連綴四十餘里方得達陝以是推之似非曹陽然以山海經曰求之菑曹字相類是或有曹陽之名也河水東合譙譙水導源常烝之山俗謂之爲于山蓋先後之異名也山在陝城南八十里其川流也二源雙導同注一壑而西北流注于

又東過陝縣北

橐水出橐山西北流又有于水出南山北合逕崖峽北流與于山之水會出于山東谷兩川合注于崖水又東北注橐水北流出谷謂之漫澗矣與安陽溪水合水出石嶠南西逕安陽城南漢武帝封上官桀爲侯國也潘岳所謂我祖安陽也東合漫澗水北有逆旅亭謂之漫口客舍也

又西逕陝縣故城南

又合一水謂之瀆谷水南出近溪北流注橐其水又西北逕陝城西西北入于河河北對茅城故茅

亭茅戎邑也公羊曰晉敗入大陽者也津亦取名焉春秋文公三年秦伯伐晉自茅津濟封峭尸而還是也東則咸陽澗水注之水出北虞山南至陝津注河河南卽陝城也昔周邵分伯以此城爲東西之別東城卽虢邑之上陽也虢仲之所都爲南虢三虢此其一焉其大城中有小城故焦國也武王以封神農之後於此王莽更名黃眉矣戴延之云城南倚山原北臨黃河縣水百餘仞臨之者咸悚惕焉西北帶河水湧起丈數十丈有物居水中父老云銅翁仲所投處又云石虎載經於此沈沒

二物並存水所以湧所未詳也或云翁仲頭髻常出水之漲減恒與水齊晉軍當至髻不復出今唯見水異耳嗟嗟有聲聲聞數里按秦始皇二十一年長狄十二見於臨洮長五丈餘以爲善祥鑄金人十二以象之各重二十四萬斤坐之宮門之前謂之金狄髻銘其胸云皇帝二十六年初兼天下以爲郡縣正法律同度量大人來見臨洮身長五丈足六尺李斯書也故衛恒敘篆曰秦之李斯號爲工篆諸山及銅山山當作人銘皆斯書也漢自防防當阿作房徙之未央前俗謂之翁仲矣地皇二年王莽

夢銅人泣惡之念銅人銘有皇帝初兼天下文使
尚方工鑄滅所夢銅人膺文後董卓毀其九為錢
其在者三魏明帝欲徙之洛陽重不可勝至霸水
西停之漢晉春秋曰或言金狄泣故留之石虎取
置鄴宮付舊本是符字吳本作付誤堅又徙之長安毀二為錢
其一未至而付堅亂百姓推置陝北河中於是金
狄滅除一作余以為鴻河巨瀆故應不為細梗躓湍
流宋本無流字長津碩浪無宜以微物屯流斯水之所
以濤波者蓋史記所云魏文侯二十六年虢山崩
壅河所致耳獻帝東遷自夕潛渡墜坑爭舟舟指

可掬亦是處矣

後漢書曰李傕郭汜遷獻帝至陝董承承楊奉等以人有離心夜乃潛

過河使李樂先度具舟船舉火為應帝步出營臨
河岸高千餘丈乃絹縋而下餘人或匍匐岸側或
從上自投死亡傷殘爭赴船者不可禁制董承以
戈擊披之斷手指於舟中者可掬既到大陽止於
家人

又東過太陽縣南

交澗水出吳山東南流入河河水又東路澗水亦
出吳山東逕大陽城西西南流注疑有水入于河脫落
河水又東逕大陽縣故城南

竹書紀年曰晉獻公十有九年獻公會虞師伐虢
滅下陽虢公醜奔衛獻公命瑕父呂甥邑于虢都

地理志曰北虢也有天子廟

漢志河東郡大陽虞所封邑有天子廟

王莽更名勤田應劭地理風俗記城南大河之陽也

河水又東沙澗水注之

北出虞山東南逕傳巖歷傳說隱室前俗名之為

聖人窟

十三州記云大陽縣屬河東郡傳巖在其界今住穴尚存

孔安國傳傳

說隱於虞虢之間即此處也傳巖東北十餘里即

巖幹坂也春秋左傳所謂入自巖幹者也有東西

絕澗左右幽空窮深地壑中則築以成道指南北

之路謂之為幹橋也

穆天子傳已丑天子南登薄山真幹之澗乃宿于虞郭璞

注云今幹橋西南懸絕中央有兩道

傳說傭隱止息於此高宗求夢

得之是矣橋之東北有虞原上道東有虞城堯妻

舜以嬪于虞者也周武王以封太伯弟虞仲於此

是為虞公太原地記所謂北虞也城東有山世謂

之五家家冢上有虞公廟春秋穀梁傳曰晉獻公

將伐虢荀息曰君何不以屈產之乘垂棘之璧假

道於虞公曰此晉國之寶也曰是取中府置外府

也公從之及取虢滅虞乃牽馬操壁璧則猶故馬

齒長矣即宮之奇所以謂虞虢其猶輔車相依唇

亡則齒寒虢亡虞亦亡矣其城北對長坂二十許

里謂之虞坂戴延之曰自上及下七山相重戰國策曰昔騏驥駕鹽車上於虞坂遷延負轅而不能進此蓋其困處也橋水東北山溪中有小水西南流沙澗亂流逕大陽城東河北郡治也澗水南流逕注于河河水又東右右一作南左右積石土柱二溪並北發大陽之山南流入于河是山也亦通謂之爲薄山矣故穆天子傳曰天子自鹽舊本作臨已丑南登于薄寘軫之際乃宿于虞是也

又東過砥柱間

砥柱山名也昔禹治洪水山陵當水者鑿之故破

山以通河河水分流包山而過山見水中若柱然故曰砥柱也三穿旣決水流疎分指狀表目亦謂之三門矣山在虢城東北大陽城東也搜神記稱齊景公渡于江沈之河龜銜左驂沒之衆皆駭

惕古冶子於是拔劍從之邪行五里逾行三里至于砥柱之下乃龜也左手持龜頭右手挾左驂燕躍鵠踴而出仰天大呼水爲逆流三百步觀者皆以爲河伯也亦或作江沅字者也若因地而爲名則宜在蜀及長沙按春秋此二土並景公之所不至古冶子亦無因而騁其勇矣劉向敘晏子春秋

稱古冶子曰吾嘗濟于河龜銜左騮以入砥柱之
流當是時也從而殺之視之乃龜也不言江沅矣
又考史遷記云景公十二年公見晉平公十八年
復見晉昭公旌軒所指路直斯津從龜砥柱事或
在茲又云觀者以爲河伯賢於江沅之證河伯本
非江神又河可知也舊本作又何可知也何字亦衍
河之右則嶠水注之

出河南盤嶠山西北流水上有梁俗謂之鴨橋也
歷澗水東北流與石嶠水合水出石嶠山山有二
陵南陵夏后臯之墓也北陵文王所避風雨矣言

山徑秀深峯阜交蔭故可以避風雨也秦將襲鄭
蹇叔致諫而公辭焉蹇叔哭子曰吾見其出不見
其入晉人禦師必於嶠矣余收爾骨焉孟明果覆
秦師於此嶠水又北左右合西水亂流注于河
河水又東千嶠之水注焉

水南導於千嶠之山其水北流纏絡二道漢建安
中曹公西討巴漢惡南路之嶮故更開北道自後
行旅率多從之今山側附路有石銘云晉太康三
年弘農太守梁柳元和郡縣志引此作梁柳按玄晏春秋云梁柳是皇甫士安從

姑之子也官城陽太守修復舊道太嶠以東西嶠以西明非

一峭也西有二石又南五六十步臨溪有恬漠先生翼神碑蓋隱斯山也其水北流注于河河水翼岸夾山巍峯岐舉羣山疊秀重嶺干霄鄭玄按地說河水東流貫砥柱觸闕流今世所謂砥柱者蓋乃闕流也砥柱當在西河未詳也余按鄭玄所說非自西河當無山以礙之自砥柱以下五戶已上其間一百二十里河水竦石桀出勢連襄陸蓋亦禹鑿以通河疑此闕流也其山雖闢尚梗湍流激石雲洄濼波怒溢合有一十九灘水流迅急勢同三峽破害舟船自古所患漢鴻嘉四年楊焉言從

河上下患砥柱隘可鑿廣之上乃令焉鑿之裁沒

水中不能復去而令水益湍怒害甚平日魏景初

二年二月帝遣都督沙兵謝兆申云沙兵一作沙丘部監運諫

議大夫寇茲帥脫一工字五千人歲常修治平河咀晉

秦始皇三年當作晉泰始三年五月武帝遣監運太中

大夫趙國都匠中郎將河東樂世帥衆五千餘人修

治河灘事見五戶祠銘雖世代加功水流漸澆濤

波尚屯及其商舟是次鮮不踟躕難濟故有衆峽

諸灘之言五戶灘名也有神祠通謂之五戶將軍

亦不知所以也

又東過平陰縣北又東至鄧清水從西北來注之

清水出清廉山之西嶺世亦謂清營山其水東南流出峽峽左有城蓋古關防也清水歷其南東流

逕臯落城北服虔曰赤翟之都也世謂之倚毫城蓋讀聲近傳因失實也春秋左傳所謂晉侯使大

子申生伐東山臯落氏者也與倚毫川水合水出北山礦谷東南流注于清清水又東逕清廉城南

又東南流又會南溪溪水出南山而東注清水又東合棗澗水水出左人嶺下南流俗謂之扶蘇水

又南歷奸苗北馬頭山赤疑作赤曰宋本無白水原

西南逕垣縣故城北史記魏武侯二年城安邑至垣卽是縣也其水西南入清水色白濁初會清流

流注宋本無流注二字乃有玄素之異也清水又東南逕陽壺城東卽垣縣之壺城東卽垣縣之壺丘亭晉

遷宋五大夫所居也清水又東南流注于河河水又東與教水合

出垣縣北教山南逕輔山高三十許里上有泉不測其深山頂周員五六里少草木山海經曰孟門

東南有平山水出于其上潛于其下又是王屋之次疑卽平山也其水南流歷鼓鍾上峽懸洪五丈

飛流注壑夾岸深高壁立直上經崖秀舉百有餘丈峯次青松巖懸瀨石於中歷落有翠柏生焉丹青綺分望若圖繡矣水廣一十許步南流歷鼓鍾川分爲二澗一澗西北出一百六十許里山岫迴咀纔通馬步今聞喜縣東北谷口猶有乾河里故溝存焉今無復有水一水歷冶官西世人謂之鼓鍾城城之左右猶有遺銅及銅錢也城西阜下有泉西流注澗與教水合伏入石下南至下峽山海經曰鼓鍾之山帝臺之所以觴百神卽是山也其水重源雙發南至西馬頭山東載謝兆申云載疑作截坡

下又伏流南十餘里復出又謂之伏流水南入于河山海經曰教山教水出焉又南流注于河今出
作西流注于河是水冬乾夏流實惟乾河也今世人猶謂之爲乾澗矣

河水又與畛水合

水出新安縣青要山今謂之疆山山海經曰河長澗水北流入于河山海經曰青要之山畛水出焉

卽是水也

此處錯誤當云山海經曰青要之山畛水出焉北流注于河卽是水也

河

水又東正回之水入焉水出驪山疆山東阜也東流俗謂之疆川水與石等瓜川合出西北石澗中

東南流注于彊水彊水又東逕彊冶鐵官東東北流注于河

河水又東合庸庸之水山海經作瀟瀟之水

水出河南垣縣宜蘇山俗謂之長泉水山海經曰水多黃貝伊洛門也其水北流分為二水一水北入河一水又東北流注于河

河水又東逕平陰縣北

地理風俗記曰河南平陰縣故晉陰地陰戎之所居又曰在平城之南故曰平陰也三老董公說高祖處陸機所謂皤皤董叟謨我平陰者也漢高祖功臣頌

魏文帝改曰河陰矣

水西會濬水一作右會

水出垣縣王屋西山濬溪夾山東南流逕故城東卽濬關也漢光武建武二年遣司空王梁北守濬關天井關擊赤眉別校皆降之獻帝自陝北渡安邑東出濬關卽是關也濬水西屈逕關城南歷軹關南逕苗亭西亭故周之苗邑也又東流注于河經書清水井宋本作非也是乃濬水耳

水經注箋卷第五

漢 桑 欽撰 後魏 酈道元 注

明 李長庚訂 孫汝澄

朱謀埜箋 李克家全校

河水五 漂水

河水又東過平陰縣北湛水從北來注之河水又東
逕河陽縣故城南

春秋經書天王狩于河陽壬申公朝于王所晉侯
執衛侯而歸于京師春秋左傳僖公二十八年冬
會于温執衛侯是會也晉侯召襄王以諸侯見且

使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽温也班固漢書地理志司馬彪袁崧郡國志晉太康地道記十三州志河陽別縣非温邑也漢高帝六年封陳涓爲侯國王莽之河亭也十三州志曰治河上河孟津河也孫按漢志師古曰孟津在洛陽之北都道所湊故號孟津郭緣生述征記曰踐土今治坂城是名異春秋焉非今河北見者河陽城故縣也在治坂西北蓋晉之温地故羣儒有温之論矣魏土地記曰治坂城舊名漢祖渡城嶮固南臨孟津河洛陽西北四十二里故

鄧鄉矣

河水又逕臨平亭北

帝王世紀曰光武葬臨平亭南西望平陰者也

河水又東逕洛陽縣北

河之南岸有二

宋本作一

碑北面題云洛陽北界水二

渚分爲之也上舊有河平侯祠祠前有碑今不知所在郭頒世語曰晉文王之世大魚見孟津長數百步高五丈頭在南岸尾在中渚河平侯祠卽斯祠也

河水又東逕平縣故城北

漢武帝元朔三年封濟北貞王子劉遂為侯國漢王

子侯表云平侯遂者濟北式王子孫云按史記建安以來年表平侯劉遂濟北貞王子孫云按史記建

元朔三年十月封王莽之所謂治平矣俗謂之小

平也有高祖講武場河北側岸有二城相對置北

中郎府徙諸從隸府戶并羽林虎賁領隊防之鄭

通志云四中郎將並後漢置江左彌重或領刺史

或持節為之銀印青綬服同將軍後魏靈太后時

任城王澄奏宜以東中郎帶滎陽郡南中郎帶魯

陽郡西中郎帶弘農郡北中郎帶河南郡選一品

二品親賢居之配以疆河水南對首陽山春秋所

謂首戴也夷齊之歌所矣曰登彼西山謝兆申云

齊之歌所以曰上有夷齊之廟前有二碑並是後

登彼西山矣

漢河南尹廣陵陳導洛陽令徐循與處士平

南陽何進等立事見其碑又有周公廟魏氏起玄

武觀於芒垂張景陽玄武觀賦所謂高樓特起竦

峙岩嶷直亭脫一亭字以孤立延千里之清飈也朝廷

有當作置冰室於斯阜室內有冰井春秋左傳曰

日在北陸而藏冰常以十二月採冰於河津之隘

峽石之阿北陰之中即邠詩二之日鑿冰冲冲矣

而內於井室所謂納於凌陰者也河南有鉤陳壘

世傳武王伐紂八百諸侯所會處尚書所謂不期

取之法以所攻神與勾陳并氣下制所臨之辰則

秩疑禽敵是以壘資其名矣河水至謝作由斯有

盟津之日論衡曰武王伐紂升舟陽侯波起疾風

疾當作逆流武王操黃鉞而麾之風波畢除中流白

魚入於舟燬以告天與八百諸侯咸同此盟尚書

所謂不謀同辭也故曰孟津亦曰盟津尚書所謂

東至于孟津者也又曰富平津晉陽秋曰杜預造

橋於富平津所謂造舟為梁也又謂之曰陶河魏

尚書僕射杜畿以帝將許魏志云帝將幸許試樓船覆於

陶河謂此也昔禹治洪水觀於河見白面長人魚

身出曰吾河精也授禹河圖而還於淵及子朝

位與敬王戰乃取周之寶玉沈河以祈福後二日

津人得之於河上將賣之則變而為石及敬王位

定得玉者獻之復為玉也

河水又東沮水入焉

山海經曰和山上無草木而多瑤碧實惟河之九

都是山也五典山海經作五曲九水出焉合而北流注于

河其陽多蒼玉吉神秦逢司之是於黃山之陽山

經作是好居出入有光呂氏春秋曰夏后氏孔甲

田於東陽黃山遇六風雨迷惑入于民室皇甫謐

帝王世紀以為即東首陽山也蓋是山之殊目矣
今於首陽東山無水以應之當是今古世懸川域
改狀矣一作或山昔帝堯修壇河洛擇良議沈率

舜等升於首山而導河渚有五老遊焉相謂河圖
將來告帝以期知我者重瞳也五老乃翻為流星
而升於昴即於此也論語比考識曰堯與舜等遊

老曰河圖將來告帝期河圖將浮龍銜玉苞刻版
題命可卷金泥玉檢書成知我者重瞳黃姚歌訖
五老飛入於昴

又東沛水注焉又東過鞏縣北孫云沛水當作沛水
沛與濟同此後濟水
中凡有沛水
者並誤矣

河水於此有五社渡為五社津建武元年朱鮪遣
持節使者賈彊討難將軍蘇茂將三萬人從五社

津渡攻溫馮異遣校尉與寇恂合擊之大敗追至
河上生擒萬餘人投河而死者數千人縣北有山

臨城謂之荃崖丘其下有穴謂之鞏穴言潛通瀆
北達於河直穴有渚謂之鮪渚後漢書注引水經
注云鞏縣北有五

社津一名土社津有山臨河其下
有穴潛通淮浦有渚謂之鮪渚成公子安大河

賦曰鱣鯉王鮪暮來遊周禮春薦鮪然非時及侘
處則無故河自鮪穴已上又兼鮪稱呂氏春秋稱

武王伐紂至鮪水紂使膠鬲候脫周師
二字即是呂覽
云武

王伐殷至鮪水殷使膠鬲侯周師日竭至武王日將以甲子至殷郊

洛水從縣西北流注之

洛水於鞏縣而東洛汭北對琅邪渚入于河謂之

洛口矣自縣西來而北流注洛清濁異流皦焉殊

別應場虛當作靈河賦曰資虛當作靈川之遐源出崑

崑之神丘涉津洛之峻泉播九道於中州者也初學

記載靈河賦云資靈川之遐源涉津洛之阪泉

又東過成臯縣北濟水從北來注之

河水自洛口又東左逕平高縣南又東逕懷縣南

濟水故道之所入與成臯分河水

河水又逕黃馬坂北

謂之黃馬關孫登之去楊駿作書與洛中故人處

也晉書云武帝崩楊駿輔政百官總已公室怨望天下憤然駿自知素無美望乃徵高士孫登遺

以布被登截被於門大呼曰斫斫刺刺旬日託疾詐死後駿果敗死于馬廐

河水又東逕旋門坂北

今成臯西大坂者也昇陟此坂而東趣成臯也曹

大家東征賦曰望河洛之交流看成臯之旋門者

也

河水東逕成臯大伾山下

孫云按史記括地志云大伾山今名黎陽東山在衛

州黎陽南張揖云今成臯非也

爾雅曰山一成謂之伾許慎呂忱等並以爲丘一成也孔安國以爲再成曰伾亦或以爲地名非也

尚書禹貢曰過洛汭至大伾者也鄭康成曰地喉

也流宋本出伾際矣然則大伾在河內修武武德

之界濟沆之水與熒克家云熒當作熒播澤出入自此然

則大伾卽是山矣伾北卽經所謂濟水從北來注

之者也今沛水自温縣入河不於此也所入者奉

濟舊本水耳卽溝舊本沆之故瀆矣成臯縣之故

伾上縈帶伾臯絕岸峻周高四十許丈城張翕嶮

崎而不平春秋傳曰制巖邑也虢叔死焉卽東虢

也魯襄公二年七月晉成公與諸侯會于咸孫云會于咸

咸左傳作會于咸遂城虎牢以逼鄭求平也蓋脩故耳穆

天子傳曰天子射鳥獵獸於鄭圃命虞人掠林有

虎在乎舊本葭中天子將至七萃之士高奔戎生

擒虎而獻之天子命之爲柙畜之東虞是曰虎牢

矣然則虎牢之名自此始也秦以爲關漢乃縣之

城西北隅有小城周三里北面列觀臨河茗茗當作

茗茗孤上景明中言之壽春路直茲邑昇眺清遠勢

盡川陸羈途遊至有傷深情

河水南對玉門

昔漢祖與滕公潛出濟於是處也門東對臨河側
 岸有土穴魏攻此宋本同州刺史毛德祖於虎牢
 戰經二百日不尅城唯一井井深四十丈山勢峻
 峭不容防捍潛作地道取井余頃因公至彼故往
 尋之其穴處猶存

河水又東合汜水

孫云按史記正義曰汜音似汜水在成臯故城東

水南出浮戲山世謂之曰方山也北流車關水出
 于嵩渚之山也泉發於層阜之上二源兩枝分流
 瀉注世謂之石泉水也東流為索水西注為車關
 西北流楊蘭水注之水出非山西北流注為車關

水又西北蒲水入焉水自東浦西流與車關水合
 而亂流注于汜汜水又北右合石城水水出石城
 山其山複澗重嶺欹疊若城山頂泉流瀑布懸瀉
 下有濫泉東流洩注邊有數十石畦畦有聲宋本

作數

野蔬巖側石窟數口隱跡存焉而不知誰所經始
 也又東北流注入于汜水汜水下北合鄆水水西
 出婁山至冬則煖故世謂之溫泉東北流逕田鄆

谷謂之田鄆溪水東流注于汜水汜水又北逕虎

牢城東溪

當作漢

破司馬欣曹咎於是水之上汜水

又北流注于河征難賦

盧諶有征難賦

所謂步汜口之芳

草弔周襄之鄙館者也余按

疑脫一先字

儒之論周襄

所居在潁川襄城縣是乃城名非為水目原夫致

謬之由俱以汜鄭為名故也是為爽矣又按郭緣

生述征記劉澄之末初記並言高祖即帝位於是

水陽今不復知舊壇所在盧諶崔雲亦言是矣余

按高皇帝受天命于定陶汜水又不在此也於是

求壇故為髣髴矣

孫云定陶汜水汜音泛史記正義曰敷劍反取其汜愛而潤下

河水又東逕板城北

有津謂之板城渚口

河水又東逕五龍塢北

臨長河塢有五龍祠應劭云崑崙山廟在河東滎

陽縣疑即此祠所未詳

又東過滎陽縣浪蕩渠出焉

大禹塞滎澤開之以通淮泗即經所謂浪蕩渠也

漢平帝之世河汴決壞未及得修汴渠東侵日月

彌廣水門故處皆在水中

後漢書王景傳云水門故處皆在河中御覽引

水經注作門閭故處

漢明帝永平十二年議治汴渠上乃引

樂浪人王景問理水形便景陳利害應對敏捷帝

甚善之乃賜山海經河渠書禹貢圖及以錢帛後

作堤發卒數十萬認景與將作謁者王昊共防築

堤修竭

後漢書及王海皆作王吳御覽引此云詔景與將作謁者王吳治渠築堤防修竭起

自滎陽

起自滎陽東至千乘海口千有餘里景乃商

度地勢鑿出開澗防遏衝要䟽決壅積十里一水

門更相洄注無復潰漏之患明年渠成帝親巡行

詔濱河郡國置河堤員吏如西京舊制景由是顯

名王昊

脫

一諸從事者皆增秩一等順帝陽嘉中

又自汴口

以東緣

宋本作緣河

積石為堰河

宋本無河字

通

淮古

疑作古淮

口咸曰金堤靈帝建寧中又增修石門

以遏淮口水盛則通注津耗則輟流

御覽載水經注云又自汴

河口以東緣河積石為堰通淮曰金堤靈帝建寧中又增修石門以遏渠口

河水又東北逕卷之扈亭北

春秋左傳曰文公七年晉趙盾與諸侯盟于扈竹

書紀年晉出公二十二年河絕於扈即於是也

河水又東逕八激堤北

漢安帝永初七年令謁者太山于岑於石門東積

石八所皆如小山以捍衝波謂之八激堤

河水又東逕卷縣北

晉楚之戰晉軍爭濟舟中之指可掬楚莊祀河告

成而還即處也

河水又東北逕赤岸因北而東北注之又東北過武

德縣東沁水從之

河水自武德縣漢獻帝延康元年封曹叡為國即魏明帝也

東至酸棗縣西濮水東出焉

漢興三十有九年孝文時河決酸棗東潰金堤大發卒塞之故班固云文堙棗野武作瓠歌謂斷此口也今無水

河水又東北通謂之延津

石勒之襲劉曜途出于此以河水泮為神靈之助號是處為靈昌津昔澹臺子羽齋千金之璧渡河

陽侯波起兩蛟挾舟子羽曰吾可以義求不可以

威却

當作切

操劍斬蛟蛟死波休乃投璧於河三投

而輒躍出乃毀壁而去示無恡意趙建武中造浮橋於津上採石為中濟石無大小下輒流去用功

百萬經年不就石虎親閱作工沈璧于河明日璧

流渚上波蕩上岸遂斬匠而還

事見十六國春秋後趙錄建武十年

河水又東燕縣故城北則有濟水自北來注之

河水於是有棘津之名亦謂之濟津故南津也春

秋僖公二十一年晉將伐曹曹在縣東假道于衛

衛人不許還自南河即此濟也

宋本作濟即此也孫云按左傳僖公

二十八年春晉侯將伐曹假道于衛衛人弗許還自南河濟注云曹在衛東故從衛借道河水

於是亦有棘津之名晉伐陸渾亦於此渡宋元嘉

年遣輔國將軍蕭斌率寧朔將軍王玄謨北入宣

威將軍桓護之以水軍守石濟卽此處也

河水又東淇水入焉又東逕遮害亭南

漢書溝洫志曰在淇水口東十八里有金隄隄高

一丈自淇口東地稍下隄稍高至遮害亭四五丈

又有宿胥口舊河水北入也

河水又東右逕滑臺城

有三重中小城謂之滑臺城舊傳滑臺人自修築

此城因以冬無城卽故鄭廩延邑也下有延津春

秋傳曰孔悝爲蒯瞶所逐載伯姬于平陽行于延

津是也廩延南故城卽衛之平陽亭也今時人謂

此津爲延壽津宋元嘉中右軍到彥之留建威將

軍朱修之守此城魏軍南伐修之執節不下其母

悲憂一旦乳汁驚出母乃號踴告家人曰我年老

非有乳時今忽如此吾兒必沒矣修之絕援果以

其日陷沒城故東郡治續漢書曰延熹九年濟陰

東郡濟北平源河水清襄楷上疏曰孫云平源當

詳後春秋注記未有之易乾鑿度曰作平原襄楷

漢書

上天將降嘉應河水先清京房易傳曰河水清天下平天垂翼地吐妖民厲疾三者並作而有河清春秋麟不當見而見孔子書以爲異河者諸侯之相宋本作諸侯之象清者陽明之徵豈獨諸侯有窺京師也明年宮車晏駕徵解瀆侯爲漢嗣是爲靈帝建寧四年二月河水又清也

又東北過黎陽縣南

黎侯國也詩式微黎侯寓于衛是也晉灼曰黎山在其南河水逕其東其山上碑云縣取山之名取水之陽以爲名也王莽之魏丞也今黎山之東北

故城蓋黎陽縣之故城也山在城西城憑山爲基東岨爲河故劉楨黎陽山賦曰南蔭黃河左覆金城青壇承祀高碑頌靈昔慕容玄明自鄴率衆南徙滑臺旣無舟楫將保黎陽昏而流澌冰合於夜中濟訖旦而冰泮燕民謂是處爲天橋津東岸有故城嶮帶長河戴延之謂之逮明壘周二十里言逮明石勒十八騎中城因名焉郭緣生曰城袁紹時築皆非也余按竹書紀年梁惠成王十三年鄭釐侯使許息來致地平丘戶牖首垣諸邑及鄭馳地我取枳道與鄭鹿鄭鹿卽是城也今城內有故

臺尚謂之鹿鳴臺又謂之鹿鳴城王玄謨自滑臺走鹿鳴者也濟取名焉故亦曰鹿鳴津又曰白馬濟津之東南有白馬城衛文公東徙渡河都之故濟取名焉袁紹遣顏良攻東郡太守劉延於白馬關羽為曹公斬良以報効即此處是也白馬有韋鄉韋城故津亦有韋津之稱史記所謂脩武下武渡韋津者也河水舊於白馬縣南決當作通濮濟黃溝故蘇代說燕曰決白馬之口魏無黃濟陽竹書紀年梁惠成王十二年楚師山河水謝兆申云宋本作楚以水長垣之外者也金堤既建故渠水斷尚

辭決河水

謂之白馬瀆故濟東逕鹿鳴城南又東北逕白馬縣之涼城北者舊傳云者舊二字疑衍東郡白馬縣之神馬亭實中層峙南北二百步東西五十許步狀丘斬城也自外耕耘墾斫削落平盡正南有陟躔陞上方軌是由西南側城有神馬寺樹木脩整西去白馬津可二十許里東南距白馬縣故城可五十里疑即開山圖之所謂白馬山也山下常有白馬羣行悲鳴則河決馳走則山崩注云山在鄭故此鄭也所未詳劉澄之云有白馬塞孟達登之長歎可謂於川土踈矣亭上舊曰置源城縣治此

白馬瀆又東南逕濮陽縣散入濮水所在決會更相通注以戒往復也

河水自津東北逕涼城縣

河北有般祠孟氏記云祠宋本有河中積石為基

河水漲盛恒與水齊戴氏西征記曰今見祠在東

岸臨河累石為壁其屋宇容身而已殊似無靈不

如孟氏所記將恐言之過也

河水又東北逕伍子胥廟南

祠在北岸頓丘郡界臨側長河廟前有碑魏青龍

三年立

河水又東北為長壽津

述征記曰涼城到長壽津六十里河之故瀆出焉

漢書溝洫志曰河之為中國害尤甚故導河自積

石歷龍門渠以引河一則漯川今則宋本作所

流也一則北瀆王莽時空一作塞故世俗名是瀆為

王莽河也

故瀆東北逕戚城西

春秋哀公二年晉趙鞅率師納衛太子蒯聩于戚

宵迷陽虎曰右河而南必至焉今須立須立當衛

國縣西戚亭是也為衛之河上邑漢高帝十二年

封將軍李必為侯國矣

故瀆又逕繁陽縣故城東

史記趙將廉頗伐魏繁陽者也

北逕陰安縣故城西

漢武帝元朔五年封衛不疑為侯國

故瀆又東北逕昌樂縣故城東

地理志東郡之屬縣也漢宣帝封王稚君為侯國

故瀆又東北逕平邑郭西

竹書紀年晉烈公四年趙城平邑五年田公子居

思伐趙鄙圍平邑十年齊田汾及邯鄲韓舉戰于

平邑邯鄲之帥敗遂獲韓舉取平邑新城

今竹書紀年烈

公八年趙城平邑十一年田公子居思伐邯鄲圍平邑十六年齊田盼及邯鄲韓舉戰于平邑邯鄲

之師敗逋

又東北逕元城縣故縣西北而至沙丘堰

史記曰魏武侯公子元食邑於此故縣氏焉

元公子

邑於此出漢地志應劭注非史記也疑字誤

郭東有五鹿墟墟之在左

右多陷城公羊曰襲邑也說曰襲陷矣郡國志曰

五鹿墟故沙鹿有沙亭周穆王喪盛姬東征舍於

五鹿其女叔姪屈此思哭是曰女姪之丘為沙鹿

之異名也春秋左傳僖公十四年沙鹿崩晉史卜

之曰陰為陽雄土火相乘故有沙鹿崩後六百四十五年宜有聖女興其齊田乎後王翁孺自齊徙元城正直其地日月當之王氏為舜後土也漢火也王禁生政君其母夢見月入懷年十八詔入太子宮生成帝為元后漢祚道沿道沿字誤當作中微謝云按宋本作道四世稱制故曰火土相乘而為雄也及崩大夫楊雄作誄曰太陰之精沙鹿之靈作合於漢配元生成者也漢獻帝建安中袁紹與曹操相襲於官渡紹逼大司農鄭玄載病隨軍屈此而卒郡守已下受業者衰經赴者千餘人玄注五經識緯候歷

天文經通於世故范曄贊曰孔書遂明漢章中輒當作矣縣北有沙丘堰者不遵其道曰降亦曰潰堰障水也

至于大陸北播于九河

風俗通曰河播也播為九河自此始也禹貢兗州九河既道矣謂徒駭太史馬頰覆釜胡蘇簡潔勾盤鬲津也同為逆河鄭玄曰下尾合曰逆河言相承受矣蓋所潤下之勢以通河海及齊桓霸世塞

廣田居同為一河

左傳疏云大陸以北播為九河以次而東尚書中候云齊桓之

霸逼入流以自廣

故自堰以北館陶瘦陶貝丘鬲般廣光

信都東光河間樂成以東城地並存川瀆多亡漢世河決金堤南北離其害議者常欲束九河故迹而川之未知其所是以班固云自茲距漢北三入枝者也

河之故瀆自沙丘堰南分屯氏河出焉河水故瀆東北逕發干縣北城西又屈逕其北

王莽之所謂戢楯矣漢武帝以大將軍衛青破左

賢王功封其子登為侯國漢書曰大將軍青獲匈奴王十有餘人乃封青

子伉為宜春侯子不疑為陰安侯登為發干侯

大河故瀆又東逕貝丘縣故城南

應劭曰左氏齊襄公曰于貝丘是也余按京相璠

杜預並言在博昌即馬彪郡國志所謂貝中聚

者也應注於此事近違矣

大河故瀆又東逕甘陵縣故城南埤云甘陵屬清河郡

地理志之所謂厝也王莽改曰厝治者也漢安帝

父孝德皇以太子被廢為王薨於此乃葬其地尊

陵曰甘陵按後漢書安帝者肅宗孫也父清河孝王慶母左姬年十歲入為殤帝嗣建光

元年追尊皇考清河孝王曰孝德皇皇妣左氏曰孝德皇后號孝德所葬之地曰甘陵桓帝

建和元年改曰甘陵縣亦取名焉是周之甘泉而

地也陵在瀆北丘墳高巨雖中經發壞猶若層陵

矣世謂之唐侯家當作冢城曰邑城皆非也昔南陽

文叔良以建安中為甘陵丞夜宿水側趙人蘭襄

夢求改葬叔良明循水求棺果於水側得棺半許

落水叔良顧親舊曰若聞人傳此吾必以為不然

遂為移殯醮而去之大河故瀆又東逕艾亭城南

又東逕平晉城南金當作今城中有浮圖五層上有

金露盤題云趙建武八年比釋道龍和上竺浮圖

澄樹德勸化與立神廟浮圖以當作巴壞露盤尚存

燁燁有光明大河故瀆又東北逕靈縣故城南王

莽之播亭也河瀆於縣別出為鳴犢河河水故瀆

又東逕郟縣故城東呂后四年以父嬰功封王

龍為侯國孫云史記子屯襲功用太中大夫侯王莽更名之曰善陸

大河故瀆又東逕平原縣故城西而北絕屯氏三瀆

北逕繹幕縣故城東北西流逕平原鬲縣故城西

地理志曰鬲津也王莽名之曰河平亭故有窮后

國也應劭曰鬲偃姓名當作咎繇後光武建武十三

年封建議將軍朱祐為侯國

大河故瀆又北逕脩縣故城東又北逕安陵縣西

本脩之安陵鄉也地理志風俗記曰脩縣東四十

里有安陵縣故縣也又東北至東光縣故城西而

北與漳水合一水分

大河故瀆北出為屯氏河逕館陶縣東北出

漢書溝洫志曰自塞宣防河復北決於館陶縣分

為屯氏河廣深與大河河衍一等成帝之世河決

館陶及東郡金堤上使河堤謁者王延世塞之二

十日堤成前漢志作三十日詔以建始五年為河平

元年以延世為光祿大夫是水亦斷屯氏故瀆水

之又東北屯氏別河出焉屯氏別河故瀆又東北

逕信城縣張甲出焉地理志曰張甲河及瀆首受

屯氏別河於信城縣者也張甲河及瀆北絕一本絕下

有清字河於廣宗縣清分為二瀆左瀆逕廣宗縣故

城西又北逕建始縣故城東田融云趙武帝三字有誤

二十二年立建興治廣宗置建始興德五縣隸焉

左瀆又北逕經城東繚城西又逕南宮縣西北注絳

瀆右瀆又東北逕廣宗縣故城南又東北逕界城亭

北又東北逕長樂郡武彊縣故城東

長樂故信都也晉太康五年改從今名

又東北逕廣川縣與水故道合又東北逕廣川縣故

城西又東逕棘津亭南

徐廣曰棘津在廣川司馬彪曰縣北有棘津城呂

尚賣食之困疑在此也劉澄之云譙郡鄆縣東北有棘津亭故邑也呂尚所困處也余按春秋左傳伐巢克棘入州來無津字杜預春秋釋地又言棘亭在鄆縣東北亦不云有津字矣而竟不知澄之於何而得是說然天下以棘爲名者多未可咸謂之棘津也又春秋昭公十四年晉侯使荀息帥師涉自棘津用牲于洛遂滅陸渾杜預釋地闕而不書服虔曰棘津猶孟津也徐廣晉紀又言石勒自葛陂寇河北襲汲入向水於方頭濟自棘棘津在東郡河內之間田融以爲卽石濟南津也雖千古

茫昧理世玄遠遺文逸句容或可尋泐途隱顯方土可驗司馬遷云呂望東海上人也老而無遇以

釣于

當作干

周文王又

脫一云字

呂望行年五十賣食棘

津七十則屠牛朝歌行年九十身爲帝師皇甫士安云欲隱東海之濱聞文王善養老故入釣于周今汲水城亦言有呂望隱居處起自東海迄于鄆雍緣其逕趣趙魏爲密厝之譙宋事爲疏矣

張甲故瀆又東北至脩縣東會清河

十三州志曰張甲河東北至脩縣入清漳者也

屯氏別河東枝津出焉東逕信成城南又東逕信陽

縣故城南清河郡北

魏自清陽徙置也

又東北逕陵鄉南又東北逕東武城縣故城南又東北逕東陽縣故城南

地理志曰王莽更之曰胥陵矣俗人謂之高黎郭非也應劭曰東武城東北三十里有陽鄉故縣也又東散絕無復津逕

屯氏別瀆又東北逕清河郡南又東北逕清河故城西

漢高六年封王吸為侯國地理風俗志曰甘陵郡

東南十七年

宋本作十七里

有清河故城者世謂之鵲城

也又東北經繹幕縣南分為二瀆

屯氏別河北瀆東逕繹幕縣故城南東邑大河故瀆又東北逕平原縣枝津北出至安陵縣遂絕

屯氏別河北瀆又東北逕重平縣故城南

應劭曰重合縣西南八十里有重平鄉故縣也又東北逕重合縣故城南又東北逕定縣故城南漢武帝元朔四年封齊孝王子劉成為侯國地理風俗記曰饒安縣東南三十里有定鄉城故縣也

屯氏別河北瀆又東入信陽縣今無水又東為咸河

東北流逕陽信縣故城北

地理志渤海之屬縣也東注于海

屯氏別河南瀆自平原東絕大河故瀆又逕平原縣故城北東北枝津又出東北至安德縣界東會商河屯氏別河

南瀆又東北于平原界又有枝渠右出至安德縣遂

絕

孫云按上下文屯氏別河南瀆當相續

屯氏別河南瀆自平原城北首受大河故瀆東出亦通謂之篤馬河

卽地理志所謂平原縣有篤馬河東北入海五百

六十里者也

東北逕安德縣故城西又東北逕臨齊城南始

是注

東齊未賓大魏築城以臨之故城得其名也

又屈逕其城東故瀆廣四十步又東北逕重丘縣故城西

春秋襄公二十五年秋同盟重丘伐齊故也應劭

曰安德縣北五十里有重丘鄉故縣也

又東北逕西平昌縣故城北

北海有平昌縣故加西漢宣帝元康元年封王長君為侯國故渠川派東入般縣為般河蓋亦九河

之一道也漢書稱公孫瓚破黃巾于般河卽此瀆也又東爲白鹿淵水南北三百步東西千餘步深三丈餘其水冬清而夏濁渟而不流若夏水洪泛水深五丈方乃通注般瀆

又逕般縣故城北

王莽更之曰分明也

東逕樂陵縣故城北

地理志曰故都尉治伏琛晏謨言平原邑今分爲郡

又東北逕陽信縣故城南東北入海

屯氏河故瀆自別河束逕其陵之信鄉縣故城南

地理志曰順帝更名安平應劭曰其陵西北十七里有信鄉故縣也

屯氏故瀆又東逕其陵縣故城北逕靈縣北又東北逕鄒縣與鳴犢河故瀆合上承大河故瀆於靈縣南地理志曰河水自靈縣別出爲鳴犢河者也

東北逕靈縣東東入鄒縣而北合屯氏瀆

屯氏瀆兼鳴犢之稱也又東逕鄒縣城北東北合大河故瀆謂之口十三州志曰鳴犢河東北至修入屯氏考瀆則不至也

又東北右過衛國縣南又東北過濮陽縣北瓠子河出焉河水東逕鐵丘南

春秋左氏傳哀公二年鄭罕達帥師郵無恤御簡子衛太子爲右登鐵丘望見鄭師衛太子自投車下卽此處也京相璠曰鐵丘名也杜預曰在戚南河之北岸有目城後漢志目城作聶城戚邑也有子路冢河北有竿城舊本在河之有竿城按宋本作河北非郡國志曰衛縣有竿城者也河南有龍淵宮武帝元光中河決濮陽汜郡十六發卒十萬人塞決河起龍淵宮蓋武帝起宮於決河之傍龍淵之側故曰龍

淵宮也

河水東北流而逕濮陽縣北爲濮陽津

故城在南與衛縣分水城北十里有瓠河口有金隄宣房堰粵在漢世河決金隄涿郡王遵自益州刺史遷東郡太守河水盛溢泛浸瓠子金隄決壞遵躬率民吏投沈白馬祈水神河伯親執圭璧請身填隄廬居其上吏民皆走遵立不動而水波齊足而止公私壯其勇節

河水又東北逕衛國縣南東爲郭口津河水又東逕

鄆城縣北

一作國名

故城在河南一十八里王莽之鄆良也沅州舊治魏武創業始自於此河上之邑最爲峻固晉八王故事曰東海王越治鄆城城無故自壞七十餘丈越惡之移治濮陽城南有魏使持節征西將軍太尉方城侯鄒艾廟廟南有艾碑秦建元十二年廣武將軍沅州刺史關內侯安定彭超立河之南岸有新城宋寧朔將軍王玄謨前鋒入河所築也北岸有新臺鴻基層廣高數丈衛宣公所築新臺矣詩齊姜所賦也爲廬關津臺東有小城崎嶇頽側臺枕河俗謂之底閣城疑故關津都尉治也所未

詳矣

河水又東北逕范縣之秦亭西

春秋經書築臺于秦者也

河水又東北逕委粟津

大河之北卽東武陽縣也

左會浮水故瀆

故瀆上承大河於頓丘縣而北出東逕繁陽故城南故應劭曰縣在繁水之陽張晏曰縣有繁淵春秋襄公二十年經書公與晉侯齊侯盟于澶淵杜預曰在頓丘縣南今名繁淵澶淵卽繁淵也亦謂

之浮水焉昔魏徙大梁趙以中牟易魏故志曰趙南至浮水繁陽卽是瀆也

故瀆東絕大河故瀆東逕五鹿之野

晉文公受塊於野人卽此處矣京相璠曰今衛國縣西北三十里有五鹿地今屬頓丘縣

浮水故瀆又東南逕國邑

城北故衛公國也漢光武以封周後也

又東逕衛國縣故城南古斟觀

應劭曰夏有觀扈卽此城也竹書紀年梁惠成王

二年齊田壽率師伐趙圍觀觀降左傳曰夏有觀

扈也竹書云啓十一年放王季子武觀于西河國語云啓有五觀竹書注云觀國今頓丘衛縣浮水故瀆又東逕河牧城而東北出

郡國志曰衛說故觀國姚姓有河牧城

又東北入東武陽縣東入河又有漯水出焉

戴延之謂之武陽也地理志曰漯水出東郡武陽

縣今漯水上承河水於武陽縣東南西北逕武陽

新城東曹操爲東郡所治也引水自東門石竇北

注于堂池池南故基尚存中城內又十立石甚大

城西門名冰井門門內曲中冰井猶存門外有故

臺號武陽臺亦臺亦有隅雉遺迹

河水又東逕武陽縣東范縣西而東北流也又東北過東阿縣北河水於范縣東北流為倉亭津

述征記曰倉亭津在范縣界去東阿六十里魏土地記曰津在武陽縣東北七十里津河濟名也

河水又歷柯澤

春秋左傳襄公十四年衛孫文子敗公徒於柯澤

者也今左傳作阿澤杜預云東阿西南有大澤

逕東阿縣故城西而東北出流注孫云此下疑有鄧里渠三字

河水發津東出謂之鄧里渠也

又東北過在平縣西河自鄧里渠東北逕昌鄉亭北

逕碣磈城西

述征記曰碣磈克家云碣磈當作碣磈津名也自黃河泛舟

而渡者皆為津也其城臨水西南崩于河宋元嘉

二十七年以王玄謨為寧朔將軍前鋒入河平碣

磈守之都督劉義恭以沙城不堪脫一守召玄謨令

毀城而還後登城之魏立濟州治此也王海引此作後雙城

之魏置鎮守名濟州關河水衝其西南隅又崩于河即故在

平縣也應劭曰在平山名也縣在平陸故曰在

平也王莽之功崇矣經曰大河在其西鄧里渠歷

其東即斯邑也昔石勒之隸師權屯耕於在平聞

鼓角鞞鐸之聲於是縣也

十六國春秋云石勒年二十餘為并州刺史司

馬騰所執枷送冀州賣充軍賞東至平原賣與在

平人師懼為奴每屯耕於野常聞鞞鐸音勒以告

諸奴諸奴亦聞之而與柳城分河

河水又與鄧里渠水上承大河於東阿縣西東逕東

阿縣故城北

故衛邑也應仲瑗曰有西故稱東魏封曹雄為侯

國按魏志曹植自雍丘王徙封東阿大城北門內

西側阜上有大井其巨若輪深六七丈歲嘗煮膠

以貢天府本草所謂阿膠也故世俗有阿井之名

縣出佳繒縑故史記云秦昭王服太阿之劍阿縞

之衣也

又東北逕臨邑縣與將渠合又北逕茌平縣東臨邑

縣故城西北流入於河河水又東北流逕四瀆津

津西側岸臨河有四瀆祠東對四瀆口河水東分

濟亦曰沛水孫云沛水當作沛水受河也然滎口水右斷門

不通始自是出東北流逕九里與清水合放沛瀆

也自河入濟自沛入淮自淮達江水徑周通故有

四瀆之名也昔趙殺鳴犢仲尼臨河而歎自是而

返曰丘之不濟命也夫史記孔子去衛將西見趙

華之死也臨河而歎索隱曰家語云聞趙簡子琴

操以爲孔子臨狄水而歌云狄水衍兮風揚波船
楫顛倒更相加余按臨濟故狄也是濟所逕也得
其通稱河水又逕楊墟縣之故城東俗猶謂是城
曰陽城矣河水又逕在平城東城內有故臺世謂
之時平城非也蓋在時音相近耳

又東北過高唐縣界

河水於縣漯水注之水自城東北逕東武陽縣故
城南應劭曰縣在武水之陽王莽之武昌也然則
漯水亦或武水也臧洪爲東郡太守治此曹操圍
張超於雍丘洪以情義請袁紹救之不許洪與紹

絕紹圍洪城中無食洪呼吏士曰洪於大義不得
不死諸君無事空受此禍衆泣曰何忍捨明府也
男女八千餘人相枕而死洪不屈紹殺洪邑人陳
容爲丞謂曰寧與臧洪同日死不與將軍同日生
紹又殺之士爲傷歎今城四周紹圍郭尚存水匝
隍塹於城東北合爲一瀆東北出郭逕陽平縣故
岡城西郡國志曰陽平縣有岡城亭逕陽平縣故
城東漢昭帝元平元年封丞相蔡義爲侯國漯水
又北絕莘道城之西北有莘亭春秋桓公十年衛
宣公使伋使諸齊令盜待於莘伋壽繼殞於此亭

京相璠曰今平陽陽平縣北一十里有故莘亭道
阨限蹊要自衛適齊之道也望新臺於河上感二

子於宿齡當作風齡詩人乘舟誠可悲矣今縣東有二

子廟猶謂之孝祠矣漯水又東北逕樂平縣故城

東縣故清也漢高帝八年封空中於清史記年表云清簡侯

空中漢功臣表作室中徐廣云一作室中索隱云室中姓也宣帝封許廣少弟

翁孫于樂平並為侯國王莽之清治矣漢章帝建

始中更從今名也漯水又北逕聊城縣故城西城

內有金城周匝有水南門有馳道絕水南出自外

泛舟而行矣東門側有層臺秀出魯仲連所謂還

高唐之邑鄒聊城之衆者也

漯水又東北逕清河縣故城北

地理風俗記曰其陵故清河清河在南一十七里

今於其陵縣故城東南無城以擬之直東二十里

有艾亭城東南四十里有此城擬即清河城也後

蠻居之故世稱蠻城

漯水又東北逕文鄉城東南又東北逕博平縣

故城南有層臺秀上王莽改之曰加睦也

右與黃溝同注川澤

黃溝承聊城郭水水泛則津注水耗則輟流自城

東北出逕清河城南又東北逕攝城北春秋所謂
聊攝以東也俗稱郭城非也城東西三里南北二
里東西隅有金城城卑下墟郭尚存左右多墳壠
京相璠曰聊城縣東北三十里有故攝城今此城
西去聊城二十五六里許卽攝城者也
又東逕文鄉城又東南逕王城北

魏太常七年安平王鎮平原所築世謂之工城太
和二十三年罷鎮立平原郡治此城也

黃溝又東北逕左與漯水隱覆勢鎮河陸東出於高
唐縣大河右迤東注漯水矣

桑欽地理志曰漯水出高唐余按竹書穆天子傳
稱丁卯天子自五鹿東征釣於漯水以祭淑人是
曰祭丘巳巳天子東征食馬於漯水之上尋其泐
歷逕趣不得近出高唐也桑氏所言蓋津流出次
于所間也俗以是水上承於河亦謂之源河矣
漯水又東北逕援縣故城西

王莽之東順亭也杜預釋地曰濟南祝阿縣西北
有援城

漯水又逕高唐縣故城東

昔齊威王使盼子守高唐趙人不敢漁於河卽魯

仲連子謂田巴曰今楚軍南陽趙伐高唐者也春秋左傳哀公十年趙鞅帥師伐齊取黎及轅毀高唐之郭杜預曰轅卽援也祝阿縣西北有高唐城
潁水又東北逕潁陰縣故城北

縣故黎邑也漢武帝元光三年封匈奴降王王莽更名翼城歷北潁陰城南伏琛謂之潁陽城南有魏沈州刺史劉岱碑地理風俗記曰平原潁陰縣今巨潁亭是也

潁水又東北逕著縣故城南又東北逕崔氏城北春秋左傳襄公二十七年崔成請老崔氏者也杜

預釋地曰濟南東朝陽縣西北有崔氏城

潁水東南逕東朝陽縣故城南

漢高帝六年封都尉華寄爲侯國地理風俗記曰南陽有朝陽縣故加東地理志曰王莽之修治也
潁水又東逕漢徵君伏生墓南

碑碣尚存以明經爲秦博士秦坑儒士伏生隱焉漢興教于齊魯之間文帝撰五經尚書大傳安車徵之年老不行乃使掌故歐陽生等受尚書於徵君號曰伏生者也

潁水又東逕鄒平縣故城北

有鄒侯國舜後姚姓也

又東北逕界東鄒城北

地理志曰千乘郡有東鄒縣

漯水又東北逕建信縣故城北

漢高帝七年封婁敬為侯國應劭曰臨沛縣西北

五十里有建信侯城都尉治故城者也

孫云臨沛當作臨沛

漯水又東北逕千乘縣二城間

漢高帝六年以為千乘郡王莽之建信也章帝建

初四年為王國和帝永元七年改為樂安郡故齊

也伏琛曰千乘城齊城西北一百五十里隔會水

即漯水之別名也

又東北為馬常坑

玉篇有坑字而勇切云地名也按此注里數則坑是數澤之名

坑東西八十里南北三十里亂河支流而入于海

河海之饒茲焉為最地理風俗記曰漯水東北至

千乘入海河盛則通津委海水耗則微涓絕流書

浮于濟漯亦是水者也

又東北過楊墟縣東商河出焉

地理志曰楊墟平原之隸縣也漢景帝四年以封

齊悼惠王子將廬為侯國也城在高唐城之西南

經次于此是不比也商河首受河亦漯水及澤水

所潭水也淵而不流世謂之清水自此雖沙漲填塞厥迹尚存歷澤而北俗謂之落里坑逕張公城西又北重源潛發世謂之落里坑亦曰小漳河商漳聲相近故字與讀移耳

商河又北逕平原縣東又逕安德縣故城南又東北逕昌平縣故城南又東逕般縣故城南又東逕樂陵縣故城南

漢宣帝地節四年封侍中史子長爲侯國

商河又東逕初鄉縣故城南

高后八年封齊悼惠王子劉辟光爲侯國也王莽

更之曰張鄉也應劭曰般縣東南六十里有初鄉城故縣也

沙溝水注之

水南出大河之陽泉源之不合河者二百步其水北流注商河

商河又東北流逕馬嶺城西北而流屈而東注南轉逕城東

城在河曲之中東海王越斬汲桑於是城十六國春秋云

永嘉元年冬并州人田蘭等起兵斬汲桑于樂陵晉載記云石勒奔樂平東海王越追斬汲桑于平原

商河又東北逕富平縣故城北

地理志曰侯國也王莽曰安樂亭應劭曰明帝更名闕駟曰厭次縣本富平矣車騎將軍張安世之封邑非也按漢書昭帝元鳳六年封右將軍張安世爲富平侯薨子延壽嗣國在陳留別邑魏郡陳留風俗傳曰陳留尉氏縣安陵鄉故富平縣也是乃安世所食矣歲入租千餘萬延壽自以身無功德何堪久居先人大國上書減戶天子以爲有讓徙封平原并食一邑戶口如故而稅減半十三州志曰明帝永平五年改曰厭次矣按史記高祖功臣侯者年表高帝六年封元頃爲侯國徐廣音義曰漢書作侯爰類舊本有是知厭次舊名非始明帝蓋復故耳縣西有東方朔冢側有祠祠有神驗水側有雲城漢武帝元封四年封齊孝王子劉信爲侯國也

商河又分爲二水南水謂之長聚溝

東流傾注爲海溝南海側有蒲臺臺高八丈方二百步三齊略記曰鬲城東南有蒲臺秦始皇東遊海上於臺上蟠蒲繫馬至今歲蒲生縈委若有繫狀似水楊可以爲箭今東去海三十里

北水世又謂之白薄瀆

東北流注于海水矣

大河又東北逕高唐縣故城西

春秋左傳襄公十九年齊靈公廢太子光而立公子牙以夙沙衛為少傅齊侯卒崔杼逆光光立殺公子牙於句瀆之丘衛奔高唐以叛京相璠曰本平原縣也魏謝云魏當作齊之西鄙也大河逕其西而不出其東經言出東誤耳

大河又北逕張公城臨側河湄

魏青州刺史張治此故世謂之張公城水有津焉

名之曰張公渡

河水又北逕平原縣故城東

地理風俗記曰原博平也故曰平原矣縣故平原郡治矣漢高帝六年置王莽改曰河平也晉灼曰齊西有平原河河水北過高唐縣即平原也故經言河水逕高唐縣東非也按地理志曰高唐平原也高唐漯水所出平原則篤馬河導焉明平原非高唐大河不得出其東審矣

大河右溢世謂之甘棗溝

水側多棗故俗取名焉河盛則委泛水耗則輟流

故瀆又東北歷長隄逕温陰縣北温陰宋本 作漂陰

東逕著城北東為陂淀淵潭相接世謂之穢野薄

河水又東北逕陽阿縣故城西

漢高帝六年封郎中萬訴為侯國應劭曰温陰宋本

作漂陰縣東南五十里有陽阿鄉故縣也

又東北過漂陰縣北河水自平原左逕安德城東而

北為鹿角津東北逕般縣樂陵初鄉厭次縣故南厭

次河

漢安帝永初二年劇賊畢毫等數百乘船寇平原

縣令劉雄門下小吏所輔浮舟追至厭次津與賊

合戰並為賊擒求代雄毫縱雄於此津所輔曰

孝盡愛敬義極君臣矣

河水又逕漂陰縣故城北一作右逕

王莽之臣武縣也

河水又東北漂沃津孫云漂沃誤漢志 千乘郡有溼沃縣

漂沃縣故城南王莽之延亭者也地理風俗記曰

千乘縣西北五十里有大河河北有漂沃城故縣

也魏改為後部亭今俗遂名之曰右輔城

河水又東逕千乘城北

伏琛之所謂千乘北城者也

又東北過黎城縣北又東北過甲下邑濟水從西來注之又東北入于海

河水又東分爲二水枝津東逕甲下城南東南歷常

沈注濟

孫云按上文有馬常坑此沈字疑當作坑

經言濟水注河水自枝津東北流逕甲下邑北世謂之倉子城非也又東北流入于海淮南子曰九折注爲海而流不絕者崑崙之輸也尚書禹貢曰夾石碣石入于河山海經曰碣石之山繩水出焉東流注于河河之入海舊在碣石今川流可導非爲瀆也周定王五年河徙故瀆故班固曰商碣周

移也又以漢武帝元光二年河又徙東郡更注渤海是以漢司空掾王璜言曰往昔天嘗連北風海水溢西南出侵數百里故張君云碣石在海中蓋淪於海水也昔燕齊遼曠分置營州今城屆海濱海水北侵城垂淪半謝兆申云宋本作城垂淪者半王璜之言信而有徵碣石入海非無證矣

水經注箋卷第六

漢 桑欽撰

後魏 酈道元 注

明 李長庚訂

孫汝澄

朱謀埠箋

李克家全校

汾水

澮水

涑水

文水

廩公水

洞渦水

晉水

湛水

汾水出太原汾陽縣北管涔山

山海經曰北次二經之首在河之東其東首枕汾

其名曰管涔之山其上無草木而下多玉汾水出

焉而流注于河

孫云按山海經其山無木而多草其下多玉汾水出焉而西流注于

河十三州志曰出武州之燕京山亦管涔之異名也其山重阜修巖舊本作修層有草無木泉源道於南麓之下蓋稚水濛流耳又西南夾岸連山聳峯接勢劉淵族子曜嘗隱居於管涔之山夜中忽有二童子入跪曰管涔王使小臣奉謁趙皇帝獻劔一口置前再拜而去以燭視之劔長二尺光澤非常背有銘曰神劔服御除衆毒曜遂服之劔隨時變爲五色也後曜遂爲胡王矣汾水又南與東西溫谿合水出右近谿聲流翼注水上雜樹交蔭雲垂煙接自是水流潭漲又南逕一城東憑

塘積石側枕汾水俗謂之代城城又南出二城其城角倚翼枕汾流世謂之侯莫干城蓋語出戎方傳呼失實也汾水又南逕汾陽縣故城東川土寬平峘山夷水故地理志汾水出汾陽縣北山西南流者也漢高帝十一年封斬彊爲侯國後立屯農積粟在斯謂之羊腸倉山有羊腸坂在晉陽西北石磴縈委若羊腸焉故倉坂取名矣漢永平中治呼沱石曰河按司馬彪後漢郡國志常山南行唐縣有石曰谷蓋容乘據御覽作資承呼沱之水轉山東之費克家云費疑作漕自都盧至羊腸倉將憑汾水以漕

太原用實秦晉苦役連年轉運所經凡三百八十

九隘死者無算拜鄧訓為謁者監護水功訓隱括

知其難立後漢書鄧訓傳云訓考具言肅宗肅宗

從之全活數千人和熹鄧后之立叔父以為訓積

善所致也羊腸即此倉也魏土地記曰秀容胡人

徙居之立秀容護軍治東去泚水六十里南與酸

水合水源西出少陽之山東南流注于汾水孫云

經曰少陽之山酸水出汾水又南出山東南流洛

陰水注之水出新興郡西流逕洛陰城北又西逕

孟縣故城南春秋左傳昭公二十八年分祈氏七

縣為大夫之邑以孟丙為孟大夫左傳昭二十八年

為政分祈氏之田以為七縣分羊舌氏之田水又

以為三縣韓固為馬首大夫孟丙為孟大夫西逕狼孟縣故城南王莽之狼調也左右夾澗幽

深南面大壑俗謂之狼馬澗舊斷澗為城有南北

門門闔謝云宋本故壁尚在洛陰水又西南逕陽

曲城北魏土地記曰陽曲胡寄居太原界置陽曲

護軍治其水西南流注于汾水汾水又南逕陽曲

城西南注也

東南過晉陽縣東晉水從縣東南流注之

太原郡治晉陽城秦昭襄王三年立尚書所謂既

脩太原者也春秋說題辭曰高平曰太原原端也

平而有度廣延曰廣延當作廣大鹵太原也釋名

曰地不生物曰鹵盧釋名曰鹵盧也穀梁傳曰中

國曰太原夷狄曰太鹵尚書大傳曰東原底平大

而高平者謂之太原郡取稱焉魏土地記曰城東

有汾水南流水東有晉使持節都督并州諸軍事

鎮北將軍太原成王之碑水上舊有梁清泝殞於

梁下豫讓死於津側亦襄子解衣之所在也呂氏春秋

云趙襄子游於囿中至於梁馬却不進使毒視則豫讓佯為死人叱青荇曰吾且有事毒荇退

而自殺史記索隱引古本趙策云襄子使持衣與豫讓讓拔劍三躍而擊之衣盡出血汾水

西逕晉陽城南舊有介子推祠前有碑廟宇傾頽

唯單碑獨存矣今文字剝落無可尋也

又南洞渦水從東來注之

汾水又南逕梗陽縣故城東故榆次之梗陽縣也

魏獻子以邑大夫魏戊也京相璠曰梗陽晉邑也

今太原晉陽縣南六十里榆次界有梗陽地汾水

又南即洞渦水會者也

又南過大陵縣東

昔趙武靈王遊大陵夢處女鼓琴而歌想見其人

史記載其歌曰美人煢煢兮顏吳廣進孟姚焉即

若茗之榮命乎命乎曾無我羸

於此縣也王莽改曰大寧矣汾水於縣左迤爲鄔澤廣雅曰水自汾出爲汾陂其陂東西四里南北一十餘里陂南接鄔地理志曰九澤在北并州藪也呂氏春秋謂之大陸又名之曰溫當作澗俗謂之鄔城呂氏春秋九藪吳之具區楚之雲夢秦之陽華晉之大陸梁之囿田孟諸齊之海隅趙之鉅鹿燕之大昭周禮云正北并州其川虜池嘔夷注云嘔夷祁夷也許慎說文曰馮水出西河中陽縣之西南入河卽此水也馮水又會嬰侯之水山海經稱謁戾之山嬰侯之水出于其陰北流注于汜水右出汜山其水殊源其合注于嬰侯之水亂流逕中都縣南俗又謂之

中都水侯甲水注之水發原平縣

孫按漢地理志太原郡有原平

縣胡甲山有長坂謂之胡甲領卽劉歆遂初賦所

謂越侯甲而長驅者也蔡邕曰侯甲亦邑名也在

祁縣侯甲水又西北歷宜歲郊逕太谷謂之太谷

水出谷西北流逕祁縣故城南自縣連延西接鄔

澤是爲祁藪也卽爾雅所爲昭餘所矣賈辛邑也

辛貌醜妻不爲言與之如臯射雉雙中之則笑也

按左傳昭二十八年賈辛爲祁大夫將適其縣見魏獻子魏子舉叔向適鄭因驪蔑收器一言而善

下執其手曰昔賈大夫娶妻而美三年不言不笑御以如臯射雉獲之其妻始笑云云今女有力於

王室吾是以舉女行乎敬之哉仲尼聞其命賈辛也以爲忠詳此則貌醜者自是賈大夫非賈辛也

王莽之示縣也又西逕京陵縣故城北王莽更名曰致城矣於春秋爲九原之地也故國語曰趙文子與叔向遊於九原曰死者若可作也吾誰與歸叔向曰其陽子乎文子曰夫陽子行廉直於晉國不免其身智不足稱吾其隨會乎納諫不忘其師矣故其京尚存漢興增陵於其下故曰京陵焉甲

水

克家云當作侯甲水

又西北逕中都縣故城南臨城際水

渭春秋昭公二年晉侯執陳無宇於中都者也漢文帝爲代王都此武帝元封四年上幸中都宮殿上見光赦中都死罪以下甲水又西合爲嬰侯之

水逕鄆縣故城南晉大夫司馬彌牟之邑也謂之

鄆水也俗亦曰慮水慮馮

孫云馮當作鄆

聲相近故因變

焉又西北入鄆陂而歸于汾流矣

又南過平陶縣東文水從西來流注之

汾水又南與石桐水合卽綿水也水出界休縣之

綿山北流逕石桐寺西卽介子推之祀也

克家云祀當作

祠昔子推逃晉文公之賞而隱於綿上之山也晉

文公求之不得乃封綿爲介子推田曰以志吾過

且旌善人因名斯山爲介山故袁崧郡國志曰界

休縣有介山有綿上聚子推廟王肅喪服要記曰

隋經籍志云王肅 喪服要記一卷 昔魯哀公祖載其父孔子曰寧

設桂樹乎哀公曰不也桂樹者起於介子推子推

晉之人也文公有內難出國之狄子推隨其行割

肉以饋軍糧後文公復國忽忘子推子推奉唱而

歌文公始悟當受爵祿子推奔介山抱木而燒死

國人葬之恐其神魂賈於地 賈字脫誤當作賈賈 檀弓蒙袂緝履賈賈

然來注云賈 賈目不明貌故作桂樹焉吾父生於宮殿死於枕

席何用桂樹為余案夫子尚非璵璠送葬安能問

桂樹為禮乎王肅此證近於誣矣石桐水又西流

注于汾水又西南逕介休縣故城西王莽更名之

曰介美矣城東有徵士郭林宗宋子浚二碑宋汗

以有道司徒徵林宗縣 脫一也 蔡中郎郭有道碑 人字 云先生諱泰字林

宗太原界 休人也辟司徒舉太尉以疾辭其碑文之 疑字 疑衍

云將蹈洪崖之遐迹紹巢由之逸軌翔區外以舒

翼起 一作超天路以高峙稟命不融享年四十有三

建寧四年正月丁亥卒凡我四方同好之人永懷

哀痛乃樹碑表墓昭銘景行云陳留蔡伯喈范陽

盧子幹扶風馬日磾等遠來奔喪朋友服心喪暮

當作墓年者如韓子助宋子浚等二十四人其餘門

人著錫衰者千數其碑文故蔡伯喈謂盧子幹馬

日碑曰吾為天下碑文多矣皆有慙容唯郭有道無愧於色矣汾水之右有左部城側臨汾水蓋劉淵為晉都尉所築也

又南過寇爵津一作寇御覽引此作寇爵津

汾津名也在介休縣之西南俗謂之雀鼠谷數十

里間道隘水左右悉結偏梁閣道纍石就路縈帶

巖側或去一丈或高六丈御覽引此云其間道隘水左右悉結編梁閣道

云云或去水一尺或高五六尺上戴山阜下臨絕澗俗謂之為暮

當作般橋蓋通古之津隘又一作亦在今之地嶮

也

又南入河東界又南過永安縣西

故彘縣也周厲王流于彘即此城也王莽更名黃

城漢順帝陽嘉三年改曰永安縣霍伯之都也歷

唐城東瓚注漢書云堯所都也東去彘十里汾水

又東與彘水合水出東北太岳山禹貢所謂岳陽

也即霍太山矣上有飛廉此下脫墓飛廉三字以善走事紂

惡來疑脫一字多力見知周王伐紂兼殺惡來飛廉

先為紂使北方還無所報乃壇於霍太山而致命

焉得石棺銘曰帝令處父不與殷亂賜汝石棺以

葬死遂以葬於疑作霍太山有岳廟廟甚靈鳥雀

不棲其林猛虎常守其庭又有靈泉以供祭事鼓動則泉流聲絕則水竭湘東陰山縣有侯曇山有

上當作靈壇壇前有石井深數尺居常無水及臨

祈禱則甘泉湧出周用則已亦其比也彘水又西

流逕觀阜北故有宋本有作百詳邑也原過之從

襄子也受竹書於王澤以告襄子襄子齋三月舊本

作親自剖竹有朱書曰余霍太山山陽侯天使也

宋本作天使史記同三月丙戌余將使汝反滅智氏女亦立

我於百邑也史記云襄子齋三日親自剖竹有朱書趙母郵余霍泰山山陽侯天使也

三月丙戌余將使汝反滅知氏女亦立我百邑襄余將賜女林胡之地至于後世且有仇王云云襄

子拜受三神之命遂滅智氏祠三神於百邑使原

過主之世謂其處為觀阜也彘水又西流逕永安

縣故城南西南流注于汾水汾水又南逕霍城東

故霍國也昔晉獻公滅霍趙夙為御霍求公求公當作

哀公下同不手卜之曰霍太山為崇使趙夙

召霍君奉祀俄也蓋霍求公之故居也汾水

又逕趙城西南穆王以封造父趙氏自此始也汾

水又南霍水入焉水出霍太山發源成潭漲七十

步而不測其深西南逕趙城南西流注于汾水

又南過楊縣東

水經注卷之六

東出穀遠縣

前漢地志云上黨郡有穀遠縣縣有羊頭

出世靡谷沁水所出

間水克家云疑

西山西南逕楊縣霍山南又

西逕故城北晉大夫僚公去安之邑也

郡國志云河東郡楊

縣有高梁亭晉羊舌大夫叔向

邑也此云僚公去安誠所未詳應劭曰故楊侯國

王莽更名有年亭也其水西流入于汾水汾水逕

楊城西不於東矣魏土地記曰平楊

孫云當郡治

楊縣郡西有汾水南流者是也

西南過高梁邑西

黑水出黑山西逕楊城南又西與巢山水會山海

經曰牛首之山勞水出焉西流注于滴水疑是水

也滴水即巢山之水也水源東南出巢山東谷北

逕浮山東又西北流與勞水合亂流西北逕高梁

城北西流入于汾水又南逕高梁故城西故高梁

之墟也春秋僖公二十四年秦穆公納公子重耳

於晉害懷公於此竹書紀年晉出公三十年

今竹書作

二十智伯瑤城高梁漢高帝十二年以為侯國封

恭侯酈介於斯邑也

又南過平陽縣東

汾水又南逕白馬城西魏刑白馬而築之故世謂

之白馬城今平陽郡治汾水又南逕平陽縣故城

東晉大夫趙鼂之故邑也

左傳昭二十八年晉分祁氏羊舌氏之田趙朝

為平陽大夫

應劭曰縣在平河之陽堯舜竝都之也竹

書紀年晉烈公元年韓武子都平陽漢昭帝封度

遼將軍范明友為侯國王莽之香平也晉立平陽

郡治此矣水側有堯廟前有碑魏土地記曰平陽

城東十里汾水東原上有小臺臺上有堯神屋石

碑永嘉三年劉淵徙平陽於汾水得白玉印方四

寸高二寸二分龍紐其文曰有新寶之印王莽所

造也淵以為天授改永鳳二年為河瑞元年汾水

南與平陽合水出平陽西壺口山尚書所謂壺口

治梁及岐也其水東逕狐谷亭北春秋時狄侵晉

取狐厨者也又東逕平陽城南東入汾俗以為晉

水非也汾水又南歷襄陵縣故城西晉大夫卻犢

之邑也故其地有犢氏鄉亭矣縣蓋即陵以名世

也王莽改名曰幹昌也

又南過臨汾縣東

天井水出東陘山西南北有長嶺嶺上東西有通

道即鉞蹻也穆天子傳曰乙酉天子西絕鉞蹻西

南至鹽是也

穆天子傳蹻字作蹻鉞字音邢郭注云即井鉞之山

其水三泉

奇發西北流總成一川西逕堯城南又西南入汾

又屈從縣南西流

汾水又經絳縣故城北竹書紀年梁武王

梁武王字誤當

作梁惠成王

二十五年絳中地埽西絕於汾汾水西逕

虓祁宮北橫水有故梁截汾水中凡有三十柱柱

徑五尺裁與水平蓋晉平公之故梁也物在水故

能持久而不敗也又西逕魏正平郡南故東州治

大和中皇都徙洛罷州立郡矣又西逕正

一作橋

澮水入焉

又西過長修縣南

汾水又西與古水合出臨汾縣故城西黃阜下其

大若輪西南流故橫溝出焉東注于汾今無水又

西南逕魏正平郡北又西逕荀城東古荀國也汲

郡古文晉武公滅荀以賜大夫原氏也古水又西

南入于汾汾水又西南逕長修縣故城南漢高帝

十一年以為侯國封莊恬也有修水出縣南而西

南流入汾汾水又西逕清原城北故清陽亭也城

北有清原晉侯蒐清原作三軍處也汾水又逕冀

亭南昔曰季使過冀野見郤缺耨其妻饁之相敬

如賓言之文公文公命之為卿復與之冀京相璠

曰今河東皮氏縣有冀亭古之冀國所都也杜預

釋地曰平陽皮氏縣東北有冀亭即此亭也汾水又西與華水合水出北山華谷西南流逕一作于

故城西俗謂之梗陽城非也梗陽在榆次在此非

宋本作非在此案故漢上谷長史侯相碑云侯氏出自倉

頡之後踰殷立周克家云疑各以氏分或著楚魏

或顯齊秦晉卿士薦斯其裔一作也食于宋本華

陽今蒲坂北亭也當作地即是城也其水西南流注

于汾汾水又逕稷山北在水南四十許里山東西

二十里南北三十里高十三里西去介山一十五

里山上有稷祠山下稷亭春秋宣公十五年秦桓

公治兵于稷以略狄土是也孫云按左傳秦桓公伐晉晉侯治兵于稷

以略狄土

又西過皮氏縣南

汾水西逕鄧丘北故漢氏之方澤也賈逵云漢法

三年祭地汾陰方澤澤中有方丘故謂之方澤丘

即鄧丘也許慎說文稱從邑發當作登聲河東臨汾

地名矣在介山北山即汾山也其山特立周七十

里高三十里脫一字穎言在皮氏縣東南側可三十

里乃非也今準此山可高十餘里山上有神廟廟

側有靈泉祈祭之日周而不耗世亦謂之子推祠

楊雄河東賦曰靈輿安步周流容與以覽于介山
嗟文公而愍推兮勤大禹於龍門晉太康記及地
道記與永初記竝言子推所逃隱於是山卽實非
也余按介推所隱者綿山也文公環而封之爲介
推田號其山爲介山杜預曰在西河介休縣者是
也汾水又西逕耿鄉城北故殷都也帝祖乙自相
徙此爲河所毀故書敘曰祖乙圮于耿杜預曰平
陽皮氏縣東南耿鄉是也盤庚以耿在河北迫近
山川乃自耿遷亳後晉獻公滅之以封趙夙後襄
子與韓魏分晉韓康子居平陽魏桓子都安邑號

爲三晉此其一也漢武帝行幸河東濟汾河作秋
風辭於斯水之上汾水又西逕皮氏縣南竹書紀
年魏襄王十二年秦公孫爰率師伐我圍皮氏翟
章率師救皮氏圍疾西風十三年城皮氏者也漢
河東太守潘舊本作番係穿渠引汾水以溉皮氏縣故
渠尚存今無水

又西至汾陰縣北西注于河

水南有長阜背汾帶河阜長四五里廣二里餘高
十丈汾水歷其陰西入河漢書謂之汾陰睢應劭

曰睢丘類也

漢武本紀云元鼎四年立后土祠于汾陰睢上蘇林云睢音誰如淳云睢

者河之東岸特堆掘長四五里廣二里餘高十餘丈汾陰縣治睢之上后土祠在縣西汾在睢之北汾陰男子公孫祥望氣寶物之精上見祥言之於武帝武帝於水獲寶鼎焉遷於甘泉宮改其年曰元鼎卽此處

澮水出河東絳縣東澮交東高山

澮水東山詳高山亦曰河南山又曰澮山西逕翼

城南按詩譜言晉穆侯遷都于絳翼舊本作冀宋本作暨孫

孝侯改絳爲翼翼爲晉之舊都也後獻公又北廣其城方二里又命之爲絳故司馬遷史記年表稱獻公九年始城絳都左傳莊公二十六年晉士蔿

城絳以深其宮是也其水又西南合黑水嶺水導源東北黑水谷西南流逕翼城北右引北川水出平川南流注之亂流西南入澮水澮水又西南與諸水合謂之澮交竹書紀年曰莊伯十二年翼侯焚曲沃之禾而還作爲文公也又有賀水東出近川西南至澮交入澮又有高泉水出東南近川西北趣澮交注澮又南紫谷水東出白馬山白馬川遁甲開山圖曰絳山東距白馬山謂是山也西逕榮庭城南而西出紫谷與乾河合卽教水之枝川也史記白起傳稱涉河取韓安邑東至乾河是也

其水西與田川水合水出東谿西北至澮交入澮
又有女家水出于家谷竹書紀年曰莊伯以曲沃
叛伐翼公子萬救翼若當作荀叔軫追之至于家谷
有范壁水出于壁下竝西北流至翼廣城昔晉軍
北入翼廣以築之因卽其姓以名之二水合而爲
西北流至澮交入澮澮水又西南與絳水合俗謂
之白水也一無也字非也水出絳山東至寒泉奮湧揚
波北注縣流奔壑十一許丈青崖若點黛素湍如
委練望之極爲奇觀矣其水西北流注于澮應劭
曰絳水出絳縣西南蓋以故絳爲言也史記稱智

伯率韓魏引水灌晉陽不沒者三版智氏曰吾始
不知水可以亡人國今乃知之汾水可以浸平陽
絳水可以浸安邑時韓居平陽魏居安邑魏桓子
肘韓康子韓康子履魏桓子肘足接於足上孫云按史記肘足接於車上而智氏以亡魯定公問一言可以喪邦
有諸孔子以爲幾乎余覩智氏之譚矣汾水灌平
陽或亦有之絳水澆當作浸安邑未識所由也

西過其縣南

春秋成公元年晉悼公謀去故絳欲居郇瑕魏獻
子曰土薄水淺不如新田有汾澮以流其惡遂居

新田又謂之絳卽絳陽也蓋在絳澮之陽漢高帝六年封越騎將軍華無害爲侯國縣南對絳山面背二水古文瑣語曰晉平公與齊景公乘至于澮上見乘白驂八駟以來有犬狸身而狐尾隨平公之車公問師曠對首陽之神有犬狸身狐尾其名曰名曰一作逢君者飲酒得福則徼之蓋於是水之上也

太平廣記引汲冢瑣語云晉平公至澮上見人乘白驂八駟以來有狸身而狐尾去其車而墮公之車公問師曠師曠曰狸身而狐尾其名曰首陽之神飲酒于霍太山而歸其逢君于澮乎君其有喜

又西南過虎祈宮南孫云虎祈左傳作虎祈宮在新田絳縣故城西四十里晉平公之所構也

時有石言於魏榆晉侯以問師曠曠曰石不能言或憑焉臣聞之作事不時怨讟動于民則有非言之物言也今宮室崇侈民力彫盡石言不亦宜乎叔向以爲予野之言君子矣其宮地背汾面澮西則兩川之交會也竹書紀年曰晉出公五年澮絕于梁卽是水也

又西至王橋注于汾水

晉智伯瑤攻趙襄子襄子奔保晉陽原過後至遇三人於此澤自帶以下不見持竹二節與原過曰爲我遺無卹原過受之於是澤所謂王澤也

九經注疏 卷六 十一
涑水出河東聞喜縣東山黍葭谷

涑水所出俗謂之華谷至周陽與洮水合水源東
出清野山世人以爲清襄山也其水東大嶺下西
流出謂之哈口又西合涑水鄭使子產問晉平公
疾平公曰卜云臺台爲祟史官莫知敢問子產曰
高辛氏有二子長曰閼伯季曰實沈不能相容帝
遷閼伯于商丘遷實沈于大夏臺台實沈之後能
業其官帝用嘉之國汾川由是觀之臺台台左傳作哈
汾洮之神也賈逵曰汾洮二水名司馬彪曰洮水
出聞喜縣故王莽以縣爲洮亭也然則涑水殆亦

洮水之兼稱乎

又西過周陽邑南

其城南臨涑水北倚山原竹書紀年晉獻公二十
五年正月翟人伐晉周有白兔舞于市卽是邑也
漢景帝以封田勝爲侯國也涑水西逕董澤陂南
卽古池東西四里南北三里春秋文公六年蒐于
董澤卽斯澤也涑水又與景水合水出景山北谷
山海經曰景山南望鹽販之澤北望少澤其草多
諸與秦椒其陰多赭其陽多玉郭景純曰鹽販之
澤卽解縣鹽池也按經不言有水今有水焉西北

流注于涑水也

又西南過其縣南

涑水又西逕仲邨郭北又西逕桐鄉城北竹書紀

年曰翼侯伐曲沃大捷武公請城于翼至洞一作讀

庭當作乃返者也今竹書云武公請城于翼至洞而還漢書曰漢武

帝元鼎六年將幸緱氏至左邑桐鄉聞南越破以

為聞喜縣者也涑水又西與沙渠水合水出東南

近川西北流注于涑水涑水又西南逕左邑縣故

南城當作故城南故曲沃也晉武公自晉陽徙自當作徙此

秦改為左邑縣詩所謂從子于鵠者也春秋傳曰

下國有宗廟謂之國在絳曰下國矣即新城也王

莽之洮亭也涑水自城西注水流急濬輕津無緩

故詩人以為激揚之水言不能流移束薪耳水側

即狐突遇申生處也春秋傳曰秋狐突適下國遇

太子太子登僕使齊本作使登僕曰夷吾無禮吾請帝以

畀秦對曰神不歆非類君其圖之君曰諾請七日

見我於新城西偏及期爾往見於此處故傳曰鬼

神所憑有時而信矣涑水又西逕王官城北在南

原上春秋左傳成公十三年四月晉侯使呂相絕

秦曰康猶不悛入我河曲伐我涑川俘我王官故

有河曲之戰是矣今世人猶謂其城曰王城也

又西南過安邑縣西

安邑禹都也禹娶塗山氏女思戀本國築臺以望

之今城南門臺基猶存余案禮天子諸侯臺門隅

阿相降而已未必一如書傳也故晉邑矣春秋時

魏絳自魏徙此前漢地志云魏絳自魏徙安邑至惠王徙大梁昔文侯縣

師經之琴於其門以為言戒也劉向說苑云師經鼓琴魏文侯起舞

日使我言而無見違師經援琴而撞文侯中旒潰

之文侯將烹經經曰堯舜唯恐言之而人不違桀

糾唯恐言而人違之臣撞桀紂非童吾君也文侯令懸琴于城門以為寡人戒武侯二年

又城安邑蓋增廣之秦始皇使左更白起取安邑

置河東郡王莽改名洮陽縣曰河東也有項寧都

學道昇仙忽復還此河東號曰升仙王充論衡作項曼都號曰

仙漢世又有閔仲叔隱遁市邑罕有知者後以識

瞻而去皇甫謐高士傳云閔貢字仲叔太原人客居安邑老病家貧不能得肉日買豬肝一

片其令聞之勅吏常給焉仲叔知而歎曰我豈以口腹累安邑邪遂去涑水又西南

逕監疑作鹽縣故城城南有鹽池水承脫一鹽水

出東南薄山西北流逕巫咸山北地理志曰山在

安邑縣東海外西經曰巫咸在女丑北右手操青

蛇左手操赤蛇在登葆山羣巫所從上下也大荒

西經云大荒之中有靈山巫咸脫一字即巫盼巫彭

巫姑巫貞巫孔巫抵巫謝巫羅今山海經作巫咸

姑巫真坐禮巫十巫從此升降百藥爰在郭景純

曰言羣巫上下靈山採藥往來也蓋神巫所遊故

山得其名矣谷曰孫云谷曰嶺上有巫咸祠其水

又逕安邑故城南又西流注于鹽池地理志曰鹽

池在安邑西南許慎謂之鹽監長五十一里廣六

里周一百一十四里從鹽古聲今許慎說文解鹽

河東表五十一里廣七里呂宿曰沈沙煮海謂之

鹽河東鹽池謂之解鹽今池水東西七十里南北

十七里紫色澄渟渾而不流水出石鹽自然印成

朝取夕復終無減損唯水暴雨澍甘潦奔洑則鹽

池用耗故公私共竭水徑防其淫濫故謂之鹽水

亦為竭水也故山海經謂之鹽販之澤也澤南面

層山天巖雲秀池一作谷泉深左右壁立間不容

軌當作謂之石門路出其中名之曰徑南通上陽

北暨鹽澤池西又有一池謂之女鹽澤東西二十

五里南北二十里在猗氏故城南春秋成公六年

晉謀去故絳大夫曰郇瑕地沃饒近鹽左傳作沃

服虔曰土平有漑曰沃鹽鹽也土人鄉俗引水裂

疑沃麻分灌川野畦水耗竭土自成鹽即所謂鹽

鹽也而味苦號曰鹽田鹽鹽之名始資是矣本司
鹽都尉治領兵一千餘人守之周穆王漢章帝竝
幸安邑而觀鹽池故杜預曰猗氏有鹽池後罷尉
司分猗氏安邑置縣以守之

又南過解縣東又西南注于張陽池

涑水又西逕猗氏縣故城北春秋文公七年晉敗
秦于令狐至于剗首先蔑奔秦士會從之闕駟曰
令狐即猗氏也剗首在西三十里縣南對澤即猗
頓之故居也孔叢曰猗頓魯之窟士也耕則常饑
桑則常寒聞朱公富往謂猗頓焉朱公告之曰子

欲速富當畜五特

特當作特齊民要術曰五特者
牛馬豬羊驢五畜之特畜特則

速富之術也字
林云特牝牛也

於是乃適西河大畜牛羊于猗氏

之南十年之間其息不可計貲擬王公馳名天下

以興富於猗氏故曰猗頓也涑水又西逕郇城詩

云郇伯勞之蓋其故國也杜元凱春秋釋地云今

解縣西北有郇城服虔曰郇國在解縣東郇瑕氏

之墟也余按竹書紀年云晉惠公十有五年秦穆

公率師送公子重耳圍令狐桑泉曰衰皆降焉秦

師狐毛與先軫禦秦至于廬柳乃謂

宋本無乃秦
謂二字

穆公使公子繫來與師言退舍次于郇盟于軍京

相璠曰春秋土地名桑泉曰衰並在解東南不言
 解明不至解可知春秋之文與竹書不殊今解故
 城東北二十四里有故城在猗氏故城西北鄉俗
 名之為郇城考服虔之說又與俗符賢於杜氏單
 文孤證矣涑水又西南逕解縣故城南春秋晉惠
 公因秦返國許秦以河外王城王城當作五城左傳云許貽秦以河
外列城五內及解梁即斯城也涑川當作水又西南逕瑕
 城晉大夫詹嘉之故邑也春秋僖公三十年秦晉
 圍鄭鄭伯使燭之武謂秦公曰晉許君焦瑕朝濟
 而夕設版者也京相璠曰今河東解縣西南五里

有故瑕城涑川一作水又西南逕張陽城東竹書紀

年齊師逐鄭太子齒奔城張陽今竹書無陽字南鄭者也

漢書之所謂東張矣高祖二年曹參假左丞相別

與韓信東攻魏將孫林遼軍東張大破之史記但云東攻

魏將軍孫遼軍東張無林字蘇林曰屬河東即斯城也涑水又

西南屬于陂陂分為二城南面兩陂左右澤渚東

陂世謂之晉興澤東西二十五里南北八里南對

鹽道山其西則石壁千尋東則磻谿萬仞方嶺雲

迴奇峯霞舉孤標秀出罩絡羣山之表翠柏蔭峯

清泉灌頂郭景純云世所謂鶩漿也發于上而潛

于下矣厥頂方平有良藥神農本草曰地有固活
女疎銅芸紫苑之族也是以緇服思玄之士鹿裘
念一之夫代往遊焉路出北巘勢多懸絕來去者
咸援蘿騰峯疑作巘尋葛降深於東則連木乃陟百
梯方降巖側縻鎖之跡仍今存焉故亦曰百梯山
也水泉山北流五里而伏云潛通澤渚所未詳也
西陂卽張澤也西北去蒲坂一十五里東西二十
里南北四五里冬夏積水亦時有盈耗也
文水出大陵縣西山文谷東到其縣屈南到平陶縣
東北東入于汾

文水逕大陵縣故城西而南流有沁水注之縣西
南山下武氏穿井給養井至幽深後一朝水溢平
流東南注文水又南逕平陶縣之故城東西逕其
城內南流出郭王莽更曰多穰也文水又南逕縣
右會隱泉口水謁泉山之上頂謝兆申云出謁泉山之頂上俗

云賜雨愆時是謁是禱故山得其名非所詳也其

山石岸地險御覽引此作石崖絕險

壁立天固崖平

當作半

有

一石室去地可五十餘丈爰有層松飾巖列柏綺
望唯西側一處得歷級升陟頂上平地一十許頃
沙門釋僧光表建二刹泉發於兩寺之間東流瀝

石汾注山下又

一作入

東津渠隱沒而不恒流故有

隱泉之名矣雨澤豐澍則通入文水又南逕茲氏

縣故城東爲文湖東西一十五里南北三十里世

謂之西河在縣直東一十里湖之西側臨湖又有

一城謂之豬

豬當作豬下同

城水澤所聚謂之都亦曰豬

蓋卽水以名城也文湖又東逕中陽縣故城東案

晉書地道記太康地記西河有中陽縣舊縣也文

水又東南流與勝水合水出西狐岐之山東逕六

壁城南魏朝舊置六壁於其下防離石諸胡因爲

大鎮太和中罷鎮仍置西河郡焉勝水又東合陽

泉水出西山陽谿東逕六壁城北又東南流

勝水勝水又東逕中陽故城南又東合文水文水

又東南入于汾水也

原公水出茲氏縣西羊頭山東過其縣北

縣故秦置也漢高帝更封沂陽侯嬰爲侯國王莽

之茲同也魏黃初二年西河恭王司馬子盛廟碑

文云西河舊處山林漢末擾攘百姓失所魏興更

開疆宇分割太原四縣以爲邦邑其郡帶山側塞

矣王以咸寧四年改命爵土其年十二月喪國臣

太農閻崇離石令宗羣等二百三十四人刊石立

九經注疏 卷六 三十一
碑以述勳德碑北廟基尚存也

又東入于汾

水注文湖不至汾也

洞渦水出沾縣北山

其水西流與南谿水合水出南山西北流注洞渦

水又西北黑水西出山三合源舍同歸一川謝云宋本

一作合三源同歸一川無舍字東流南屈受陽縣故城東按晉太

康地記樂平郡有受陽縣盧諶征艱賦所謂歷受

陽而總轡者也其水西南入洞渦水又西蒲水南

出蒲谷北流注之于洞渦又西與原過水合逕舊本

作北便水流也水西阜上有原過祠史記趙世家北

有代遂祠三神於百邑使原過主霍泰山祠蓋懷

祀括地志云三神祠今名原過祠在霍山側道協靈受書天使憂結宿情傳芳後日棟宇雖淪

攢木猶茂故層瑟水取名焉其水南流注于洞渦

水也

西過榆次縣南又西到晉陽縣南

榆次縣故塗水鄉晉大夫智徐吾之邑也春秋昭

公八年晉侯築虎祁之宮有石言晉之魏榆服虔

曰魏晉也宋本作魏晉邑榆州里名也漢書曰榆次十三

州志以為塗陽縣矣王莽之太原亭也縣南側水

有鑿臺韓魏殺智伯瑤於其下刳腹絕腸折頭楷
頤處也其水又西南流逕武觀城西北盧諶征艱
賦曰逕武館之故鄆問厥墮之遠近洞渦水又西
南爲淳湖謂之洞渦津澤而涂水注之出陽邑東
北大嶮山涂谷西南逕蘿磬亭謝云一本蘿磬亭南與蔣
谷水合水出縣東南蔣谿魏土地記曰晉陽城東
南一百一十里至山有蔣谷大道度軒車嶺通于
武鄉水自蔣谿西北流西逕箕城北春秋僖公三
十三年晉人敗狄于箕杜預釋地曰城在陽邑南
水北卽陽邑縣故城也竹書紀年曰梁惠成王九

年與邯鄲榆次陽邑者也王莽之繁穰矣蔣谿又
西合涂水亂流西北入洞渦澤也

西入于汾出晉水下口者也

劉琨之爲并州也劉淵引兵邀擊之合戰于洞渦
卽是水也

晉水出晉陽縣西縣

舊本作懸

壅山

孫云壅山海經作雍注云音甕

縣故唐國也春秋左傳稱唐叔未生其母邑姜夢
帝謂已曰余名而子曰虞將與之唐屬之參及生
名之曰虞呂氏春秋曰叔虞與成王居王援桐葉
爲珪以授之曰吾以此封汝虞以告周公周公請

曰天子封虞乎王曰余戲耳公曰天子無戲言時唐滅乃封之於唐縣有晉水後改名為晉故子夏敘詩稱此晉也而謂之唐儉而用禮有堯之遺風

也晉書地道記及十三州志並言晉水出龍山一宋本一下水結紉山在縣西北非也山海經曰縣有云字

壅一作之山晉水出焉北山經云縣壅之山其上多玉其下多銅晉水出焉

郭云今在晉陽縣西名曰汲甕今在縣之西南昔智伯之遏晉以

水宋本作灌晉陽其川上源上源當後人踵其遺

蹟蓄以為沼沼西際山枕水有唐叔虞祠水側有

涼堂御覽作涼臺結飛梁於水上左右雜樹交蔭希見

曦景至有淫朋密友羈遊宦子莫不尋梁契集用

相娛慰於晉川之中最為勝處

又東過其縣南又東入于汾水

汾水舊本作湖為之流北瀆智氏故渠也昔在

戰國襄子保晉陽智氏防山以水之城不沒者三

版與韓魏望歎於此故智氏用亡其瀆乘高東北

注入晉陽城以周圍溉漢末赤眉之難郡椽劉茂

真真舊本太守孫福之於城門西下謝云之於宋

空穴中其夜奔孟卽是處也東南出城流注于汾

水也其南瀆於石塘之下伏流逕舊谿東南出逕

晉陽城南城在晉水之陽曰晉陽矣經書晉荀吳帥師敗狄於大鹵杜預曰大鹵晉陽縣也爲晉之舊都春秋定公十三年趙鞅以晉陽叛後乃爲趙矣其水又東南流入于汾
湛水出河內軹縣西北山

湛水出枳縣南源湛谿俗謂之湛水也是蓋聲盡鄰故字讀俱變同乎三豕之誤耳其水自谿之南流

東過其縣北又東過皮縣之北

湛水南逕向城東而南注

又東過母辟邑南

源經所注斯乃汨川

舊本作汨川

之所由非湛水之間

關也是經之誤證耳湛水自向城東南逕湛城東時人謂之湛城亦或謂之隰城矣谿曰隰澗隰城在東言此非矣後漢郡國志曰河陽縣有湛城是也

又東南當平陰縣之東北南入于河

湛水又東南逕鄧南流注于河故河濟有鄧津之名矣

水經注箋卷第七

漢 桑 欽撰 後魏酈道元 注

明 李長庚訂 孫汝澄

朱謀埠箋 李克家全校

濟水一

濟水出河東垣縣東王屋山為沔水

山海經曰聯水出焉西北流注于秦澤郭景純云

聯沔聲相近即沔水也孫云秦澤當作秦澤按山

馬而西北流注于秦澤注云聯音輦史記潛行地

下至共山南復出于東丘今原城東北有東丘城

孔安國曰泉源為沔流去為濟春秋說題辭曰濟
 齊也齊度也員一作也風俗通曰濟出常山房子
 縣贊皇山廟在東郡臨邑縣濟齊其度量也余按
 二濟同名也所出不同鄉源亦別斯乃應氏之非
 矣今濟水重源出溫城西北平地水有二源東源
 出原城城東北昔晉文公伐原以信而原降即此
 城也俗以濟水重源所發因復謂之濟源城其水
 南逕其城東故縣之原鄉杜預曰沔水縣西北有
 原城者也是南流與西源合而源出原城西東沔
 水注之水出西南東北流注于濟濟水又東逕原

城南東合北水亂流東南注分為二水一水東
 流俗謂之為衍水即沔水也衍沔聲相近傳呼失
 實也濟水又東南逕郟城北而出於溫矣其一水
 枝津南流注于湨孫云湨音鴟水出原城西北原山勳
 掌谷俗謂之為白澗水南逕原城西春秋會于湨
 梁謂是水之墳梁也爾雅曰梁莫大于湨梁梁水
 堤也湨水又東南逕陽城東與南源合水出陽城
 南溪陽亦樊也一曰陽樊國語曰王以陽樊賜晉
 陽人不服文公圍之倉葛曰陽有夏商之祠典樊
 仲之官守焉君而殘之無乃不可乎公乃出陽人

春秋樊氏叛惠王使虢公伐樊執仲皮歸于京師
 卽此城也其水東北流與漫流水合水出軹關南
 東北流又北注于漫謂之漫流口湨水又東合北
 水亂流東南左會濟水枝渠湨水又東逕鍾繇塢
 北世謂之鍾公壘又東南塗溝水注之水出軹縣
 西南山下北流不轉入軹縣故城中又屈而北流
 出軹郭漢文帝元年封薄昭爲侯國也又東北流
 注于湨湨水又東北逕波縣故城北漢高帝封公
 上不害爲侯國孫云波縣當作汲縣按史記年表高帝十一年封公上不害爲汲侯
索隱曰汲縣名屬河內湨水又東南流天漿水澗水注之水

出軹南畢

宋本作畢

向城北在畢上俗謂之韓王城非

也京相璠曰或云今河內軹西有地名向今無杜

元凱春秋釋地亦言是矣蓋相襲之向故不得以

地名而無城也闕駟十三州志曰軹縣南山西曲

有故向城卽周向國也傳曰向姜不安于莒而歸

者矣汲郡竹書紀年曰鄭侯使韓辰歸晉陽

宋本陽下

有及向二月城陽向更名陽爲河雍向爲高平卽

是城也其水有二源俱導各出一溪東北流合爲

一川名曰天漿溪又東北逕一故城俗謂之治城

亦曰治水又東流注于湨湨水又東南流右會同

水水出南源下東北流逕白騎塢南塢在原上為

二谿之會北帶深隍三面咀噉唯西被宋本作版築而

已東北流逕安國城西又東北注渙水渙水東南

逕安國城東又南逕無當作母辟邑西世謂之無北

城謝云宋本亦曰馬髀城皆非也朝廷以居廢太

子謂之河陽庶人也渙水又南注於河也

又東至溫縣西北為濟水又東過其縣北

濟水於溫城西北與故瀆分南逕溫縣故城西周

畿內國司寇蘇忿生之邑也春秋僖公十年秋宋本

狄作滅溫溫子奔衛周襄王以賜晉文公濟水南歷

號公臺西皇覽曰溫城南有號公臺基趾尚存濟

水南流注于河郭緣生述征記曰濟河內溫縣注

于河蓋汭歷之實證非為謬說也濟水故瀆於溫

城西北東南出逕溫城北又東逕號公冢北皇覽

曰號公冢堆謝云宋本溫縣郭東濟水南大冢是也

濟水當王莽之世川瀆枯竭其後水流逕通津渠

勢改尋梁脉水不與昔同

屈從縣東南流過墳城西又南當鞏縣北南入于河

濟水故瀆東南合奉溝水水上承朱溝於野王城

西東南逕陽鄉城北又東南流逕陽鄉城北又東

南逕李城西秦攻趙邯鄲且降傅舍吏子李同說平原君勝分家財饗士得敢死者三千人李同與赴秦軍秦軍退李同死封其父爲李侯故徐廣曰河內平臯縣有李城卽此城也於城西南爲陂水淹地百許頃蕪葭萑葦生焉號曰李陂又逕墳城西屈而東北流逕其城北又東逕平臯城南應劭曰那侯自襄國徙此當齊桓公時衛人伐那那遷于夷儀其地屬晉號曰那丘以其在河之臯處勢平夷故曰平臯瓚注漢書云春秋狄人伐那那遷夷儀不至此今襄國西有夷儀城去襄國一百餘

里那是丘名

舊本那是丘名作平臯是那丘

非國也余案春秋宣

公六年赤狄伐晉圍那丘昔晉侯送女於楚送之那丘卽是此處也非無城之言竹書紀年曰梁惠成王二年鄭城那丘司馬彪後漢郡國志云縣有那丘故那國周公子所封矣漢高帝六年封碭郡長項伯爲侯國賜姓劉氏武帝以爲縣其水又南注于河也

與河合流又東過成臯縣北又東過滎陽縣北又東至北礫礫南東出過滎陽北

釋名曰濟濟也源出河北濟河而南也晉地道志

曰濟自大伾入河與河水鬪南決為滎澤尚書曰滎波既瀦孔安國曰滎波水以成瀦闞駟曰滎波

嶠孫云嶠音波

澤名也故呂忱云嶠水在滎陽也

也字衍

謂是水也昔大禹塞其淫水而於滎陽下引河東南以通淮泗濟水分河東南流漢明帝之世司空伏恭薦樂浪人王景字仲通好學多藝善能治水顯宗詔與謁者王昊始作浚儀渠昊用景法水乃不害此即景作所修故瀆也渠流東注浚儀故復謂之浚儀渠也明帝永平十五年東巡至無鹽帝嘉景功拜河隄謁者漢靈帝建寧四年於敖城西

北壘石為門以遏渠口謂之石門故世亦謂之石門水門廣十餘丈西去河三里石銘云建寧四年十一月黃場石也而主吏姓名磨滅不可復識

二十一卷內引水經注云浚儀縣竹書紀年梁惠成王三十一年三月為大溝於北郭以行圃田之水

陳留風俗傳曰縣北有浚水像而儀之故曰浚儀續述征記曰汴河到浚儀而分汴東注河南流

建寧四年於敖城西北壘石為門以遏渠口謂之石門故世亦謂之石門水門廣十餘丈西去河三

里石銘云建寧四年十一月黃場石魏太和中又更修之撤故增新

石字淪落無復在者水北有石門亭戴延之所云新築城周城三百步滎陽太守所鎮者也水南帶

三山即皇室山

一作三皇山

亦謂之為三室山也

郡國志注

引西征記云滎陽有廣武城在三皇山上或謂之
三室山上有二城曰東廣武西廣武各在山一頭
相去二
百餘步

濟水又東逕西廣武城北

郡國志滎陽縣有廣武城城在山上漢所城也高
祖與項羽臨絕澗對語責羽十罪羽射漢祖中臂
處也山下有水北流入濟世謂之柳泉也

濟水又東逕東廣武城北

楚項脫一羽字城之漢破曹咎羽還廣武為高祖宋本
置太公其上曰漢不下吾烹之高祖不聽將害之
項伯曰為天下者不顧家但益怨耳羽從之今名

其壇曰項羽堆亦當作城之間有絕澗斷山謂之

廣武澗項羽叱婁煩於其上婁煩精魄喪歸矣史記

楚與漢臨廣武而軍項王令壯士出挑戰漢有善
騎射者樓煩輒射殺之項王大怒乃自披甲持戟
挑戰樓煩欲射之項王瞋目叱之樓
煩目不敢視走還入壁不敢復出

濟水又東逕敖山北

詩所謂薄狩于敖者也其山上有城卽殷帝仲丁
之所遷也皇甫謐帝王世紀曰仲丁自亳徙囂于
河上者也或曰敖矣秦置倉於其中故亦曰敖倉

城也史記酈食其說漢高帝曰足下急進兵收取
滎陽據敖倉之粟塞成臯之險杜大行之道

距蜚狐之口守白馬之津以示諸侯効實形
制之勢則天下知所歸矣上乃復守敖倉

濟水又東合滎澤

瀆水受河水有石門謂之為滎口石門也而地形

殊卑蓋故滎播

孫云書作滎

所道自此始也門南際河

有故碑云惟陽嘉三年二月丁丑使河堤謁者王

誨疏達河川述

疑作遂

荒庶土云大河衝塞侵齧金

堤以竹籠石葺葺土而為邊壞墮無已功消億萬

請以瀆河郡徒疏山采石壘以為鄣功業既就徭

役用息未詳

玉海二十一卷內引此文無未詳二字疑衍

詔書許誨立

功府鄉規基經始詔滎

疑作策

加命遷在沅州乃簡

示軒授使司馬登令績茂前緒稱遂休功登以伊

洛合注大河南則緣山東過大伾回流北岸其勢

鬱悒濤怒湍急激疾一有決溢彌原淹野蟻孔之

變害起不測蓋自姬氏之所常感昔崇鮫所不能

治我二宗之所劬勞於是乃跋涉躬親經之營之

比率百姓議之于臣伐石三谷水匠致治立激岸

側以捍鴻波隨時慶賜說以勸之川無滯越水土

通演役未踰年而功程有畢斯乃元勲之嘉課上

德之弘表也昔禹修九道書錄其功后稷躬稼詩

列于雅夫不憚勞謙之勤夙興厥職充國惠民亦

當作安

得湮沒而不章焉故遂刊石記功垂示于後

其辭云云使河堤謁者山陽東昏司馬登字伯志
代東萊典城王誨字孟堅河內太守守城向豺字
伯尹丞汝南鄧方字德山懷令劉丞字季意河堤
掾匠等造陳留浚儀邊韶字孝先頌石銘歲遠字
多淪缺其所滅蓋闕如也滎瀆又東南流注于浦
今無水次東得宿須水口水受大河渠側有扈城
水自亭東南流注于濟水今無水宿須在河之北
不在此也蓋名同耳自西緣帶山隰秦漢以來亦
有通否濟水與河渾濤東注晉太和中桓溫北伐
將通之不果而還義熙十三年劉公西征又命寧

將軍劉遵考仍此渠而漕之始有激湍東注而
終山崩壅塞劉公於北十里更鑿故渠通之合則
南瀆通津川澗是導耳濟水於此又兼邲目春秋
宣公十三年晉楚之戰楚軍於邲卽是水也昔卞
京相璠曰在敖北

濟水又東逕滎陽縣北

曹太祖與徐榮戰不利曹洪授馬於此處也魏志云太

祖起義兵討董卓至滎陽爲卓將徐榮所敗太祖
失馬賊追甚急曹洪下以馬授太祖渡汴水奔譙

濟水又東南礫石溪水注之

水出滎陽城西南李澤澤中有水卽古馮池也地

理志曰滎陽縣馮池在西南是也東北流歷敖山
南春秋晉楚之戰設伏于敖前謂是也逕號亭北
池水又東北逕滎陽縣北斷山東北注于濟世謂
之礫石澗卽經所謂礫溪矣經云濟出其南非也
濟水又東索水注之

水出京縣西南嵩渚山與東關分水卽古旃水也

其水東北流器難之水注之山海經曰小陘之山

器難之水出焉而北流注于侵脫一水字卽此水也孫

山海經曰少陘之山器難之水出焉而北流注于役水注云一作侵其水北流逕金

亭又北逕京縣故城西入于梅當作然之水左傳

八年楚伐鄭次于魚陵右師城上棘遂涉潁城故

次于旃然後漢郡國志云成臯有旃然水鄭邑也莊公以居弟段號京城大叔祭仲曰京城

過百雉國之害也城北有壇山置趙世家成侯二

十年魏獻滎陽因以爲壇臺置也其水亂流北逕

小索亭西京相璠曰京有小索亭世語以爲本索

氏兄弟居此故號小索者也又爲索水索水又北

逕大柵城東晉滎陽民張卓董邁等遭荒鳩聚流

離堡固名爲大柵塢至太平真君年潁州刺史崔

白自虎牢移州治此又東開廣舊城創制改築焉

太和十七年遷都洛邑省州置郡索水又屈而西

流與梧桐澗水合水出西南梧桐谷東北流注于
索斯水亦時有通塞而不常流也索水又北屈東
逕大索城南春秋傳曰鄭子皮勞叔向於索水卽
此城也晉地道志所謂京有大索小索亭漢書京
索之間也索水又東逕號亭南應劭曰滎陽故號
脫一之國也今號亭是矣故馬淵郡國志曰縣有
公字號亭俗謂之平眺城城內有大家名管叔冢或亦
謂之爲號眺城非也蓋號號字相類字轉失實也
風俗通曰俗說高祖與項羽戰於京索遁於薄中
羽追求之時鳩止鳴其上追之者以爲必無人遂

得脫及卽位異此鳩故作鳩杖以扶老案廣志楚
鳩一名嗶啁號眺之名蓋因鳩以起目焉所未詳
也索水又東北流須水右入焉水近出京城東北
二里榆子溝亦曰柰榆溝也又亦或謂之爲小索
水東北流木蓼溝水注之水上承京城南淵世謂
之車輪淵淵水東北流謂之木蓼溝又東北入于
須水須水又東北流於滎陽城西南北注索索水

水逕滎陽縣故城南漢王之困滎陽也紀信曰
臣詐降楚王宜間出信乃乘王車出東門稱漢降
楚楚軍稱萬歲震動天地王與數十騎出西門得

免楚羽見信大怒遂烹之信冢在城西北三里故
蔡伯喈述征賦過漢祖之所隘子當作紀信於滎

陽其城跨倚岡原居山之陽王莽立為新隊備周

六隊之制魏正始三年歲在甲子被癸丑詔書割

河南郡鞏自闕以東創建滎陽郡并戶二萬五千

以南鄉築滎陽城鄉亭侯李勝字公照為郡守顧原

武典農校尉政有遺惠民為立祠於城北五里號

曰李君祠廟前有石蹠蹠上有石的謝兆申云石的疑當作石

獨碑按會稽記縣東有射的山山有石壁石的銘

具有其略曰百族欣戴咸推厥誠今猶祀禱焉索

水又東逕周苛冢北漢祖之出滎陽也令御史大

夫周苛守之項羽拔滎陽獲苛曰吾以公為上將

軍封三萬戶侯能盡節乎苛瞋目罵羽羽怒烹之

索水又東流北屈西轉北逕滎陽城東而北流注

濟水杜預曰旃然水出滎陽成臯縣東入汴春秋

襄公十八年楚伐鄭石當作師涉潁次于旃然即

是水也濟渠水斷汴溝唯承此始故云吸受旃然

矣亦謂之鴻溝水蓋因漢楚分王指水為斷故也

郡國志曰滎陽有鴻溝水是也蓋因城地而變名

為川流之異目濟水又東逕滎陽澤北故滎水所

都疑作也京相璠曰滎澤在滎陽縣東南與濟隧

合濟隧上承河水於卷縣北河南逕卷縣故城東

又南逕衡雍城西左傳晉文公敗楚師于城濮甲午至于衡雍作王宮于踐土杜

注云衡雍鄭地今滎陽卷縣春秋左傳襄公十一年諸侯伐鄭

西濟於濟隧杜預闕其地而名之水也京相璠曰

鄭地也言濟水滎澤中北流至恒當作雍西與出

河之濟濟水伏流自河而出故謂之出河之濟會南去新鄭百里斯

蓋滎播孫云漢志作波河濟往復逕通矣出河之濟即陰

溝之上源也濟隧絕焉故世亦或謂其故道為十

字溝自于岑造入當作激堤於河陰水脉徑斷故

瀆難尋又南會于滎澤然水既斷民謂其處為滎

澤春秋衛侯及翟人戰於滎澤而屠懿公弘演報

命納肝處也呂氏春秋云狄人殺衛懿公食之遺其肝弘演使返報命肝下自剖其腹

納懿公之肝有垂隴城濟瀆出其北春秋文公三年孫

按左傳文公二年晉士穀盟于垂隴者也京相璠曰垂隴

鄭地今滎陽東二十里有故隴城即此是也世謂

之都尉城蓋滎陽典農都尉治故變垂隴之名矣

澤際又有沙城城左佩濟瀆竹書紀年梁惠成王

九年王會鄭釐侯于巫沙者瀆際有故城世謂水

城非也史記秦昭王四十二年魏冉攻魏走芒卯

入北宅竹書宅即故宅陽城也竹書紀年曰惠王

十三年王及鄭釐侯盟于巫沙今竹書巫沙之盟是顯王十一年事

以釋宅陽之圍歸釐于鄭者也竹書紀年晉出公

六年濟當作齊鄭伐衛荀瑤城宅陽俗言水城非矣

濟水自澤東出即是始矣王隱曰河決為滎濟水

受焉故有濟堤矣為北濟也濟水又東南逕釐城

東春秋經書公會鄭伯于時來左傳所謂釐也京

相璠曰今滎陽縣東四十里有故釐城也濟水又

合黃水黃水發源京縣黃淮止止一作山東南流宋本作上

名祝龍泉泉勢沸湧狀若巨鼎湯湯西南流謂之

龍項口世謂之京水也又屈而北注魚子溝水入

焉謝云宋本作北注于濟魚水入焉水出石暗澗東北流又北與

漑漑水合水出西谿東流水上有連理樹其脫一樹字

柞櫟也南北對生凌空交合谿水歷二樹之間東

注當作流注于魚水魚水又屈而西北注黃水黃水

又北逕高陽亭東又北至故市縣重泉水注之水

出京城西南小宋本作少陸山東北流又北流逕高陽

亭西東北流注于黃水又東北逕故市縣故城南

谿高帝六年封閻澤母赤為侯國屬縣也孫云按史記年

表高帝六年故市侯閻澤赤封三年薨九年母害嗣侯是父子二人也此母字衍黃水又

東北至滎澤南分爲二水一水北入滎澤下爲船塘俗謂之邾城陂東西四十里南北二十里竹書穆天子傳曰甲辰天子浮于滎水乃奏廣樂是也一水東北流卽黃雀溝矣穆天子傳曰壬寅天子東至于雀梁者也又東北與靖水枝津合二水之合爲黃泉北流注于濟水

又東過陽武縣北
濟水又東南流入陽武縣歷長城東南流蕩蕩渠出焉

濟水又東北流南濟也逕陽武縣故城南

王莽更名之曰陽桓矣又東爲白馬淵淵東二里南北一百五十步泉流名爲白溝又東逕房城北穆天子傳曰天子里圃一作甫田之路東至于房疑卽斯城也郭注云以爲趙郡房子也余謂穆王里鄭圃而當作田郭以趙之房邑爲疆更爲非矣

濟水又東逕封丘縣南

又東逕大梁城北東左謝云宋本作南一作又逕倉垣城又

東逕小黃縣之故城北縣有黃亭說濟孫云疑作臨溝又

謂之曰黃溝縣故陽武之東黃鄉也故克家云故下疑脫因

字水以名縣沛公起兵野戰喪皇妣于黃鄉天下

平定乃使使者以脫一梓宮招魂幽野於是丹旄自

水濯洗入于梓宮丹旄當作丹蛇陳留風俗傳云有丹蛇在水自洒濯之入于梓

宮其浴處有遺髮焉故諡曰昭靈夫人因作寢以

寧神也

濟水又東逕東昏縣故城北

武陽縣之戶牖鄉矣漢丞相陳平家焉平少為社

宰以善均肉稱今民祠其社平有功於高祖封戶

牖侯是後置東昏縣也王莽改曰東明矣

濟水又東逕濟陽縣故城南

故武父城也城在濟水之陽故以為名王莽改之

曰濟前者也光武生濟陽宮光明照室即其處也

東觀漢記曰光武以建平元年生於濟陽縣是歲

有嘉禾生一莖九穗大於凡禾縣界大熟因名曰

秀

又東過封丘縣北北濟也

自滎澤東逕滎陽卷縣之武修亭南春秋左傳成

公十五年孫云按左傳成公十年鄭子然盟于修澤者也鄭

地矣杜預曰卷東有武修亭

濟水又東逕原武縣故城南

春秋之原圃也穆天子傳曰祭父自圃鄭來謁天

子夏庚午天子飲于洧一作浦上乃遣祭父如圃鄭

是也王莽之原桓矣濟瀆又東逕陽武縣故城北

又東絕長城築也案竹書紀年梁惠成王十二年

龍賈率師築長城于西邊自亥谷以南鄭所城矣

竹書云是梁惠王十五年築也郡國志曰長城自

卷逕陽武到密者是矣

濟瀆又東逕酸棗縣之烏巢澤北

澤有故亭晉太康地記曰澤棗之東南謝云宋本作澤在酸

棗昔曹太祖納許攸之策破袁紹軍處也濟瀆又

東逕封丘縣南燕縣之延鄉也其在春秋為長丘

焉應劭曰左傳宋敗狄于長丘獲長狄緣斯是也

漢高帝封翟盱濮水出焉濟瀆又東逕大梁城之

赤亭北而東注

又東過平丘縣南北濟也

縣故衛地也春秋魯昭公十三年諸侯盟于平丘

是也縣有臨濟亭田儋死處也又有曲濟亭比自臨側

濟水者又東過濟陽縣北濟也

自武父城北圜稱曰圜稱曰三字衍按隋經籍志闕駟撰十三洲志十卷漢

陽縣故城北圜稱陳留風俗傳曰縣故宋地也竹

陽縣故城北圜稱陳留風俗傳曰縣故宋地也竹

書紀年梁惠成王三十年城濟陽漢景帝中元六年封梁孝王子明爲濟川王應劭曰濟川今陳濟陽縣是也

又東過冤胸縣南又東過定陶縣南南濟也

濟瀆自濟陽縣故城南東逕戎城北春秋隱公二年公會戎于潛杜預曰陳留濟陽縣東南有戎城是也

濟水又東北荷水東出焉

克家云荷當作荷

濟水又東北逕冤胸縣故城南呂后元年封楚元王子劉執爲侯國王莽之濟平亭也孫按漢表景帝封執死胸

濟水又東逕秦相魏冉冢

謝云宋本冢下有一南字

冉秦宣太后弟也代客卿壽燭爲相封於穰益封于陶號曰穰侯富於王室范曄說秦秦王悟其擅權免相就封出關輜車千乘卒于陶而因葬焉世謂之安平陵墓南崩碑尚存

濟水又東北逕定陶恭王陵南

漢哀帝父也帝卽位母丁太后建平二年崩上曰宜起陵于恭皇之園送葬定陶貴震山東王莽秉政貶號丁姬開其槨尸火出炎四五丈吏卒以水沃滅乃得入燒燔槨中器物公卿遣子弟及諸生

四夷十餘萬人操持作具助將作掘平其王母傳
太后墳及丁姬冢二旬皆平莽又周棘其處以為
世戒云時有羣鸞數千銜土投于丁姬窀中今其
墳冢巍然尚秀隅阿相承列郭數周而開重門南
門內夾道有崩碑二所世尚謂之丁昭儀墓又謂
之長隧陵蓋所毀者傳太后陵耳丁姬墳墓事與
書違不甚過毀未必一如史說也瀆南魏郡治也
世謂之左城亦名之曰葬城蓋恭王之陵寢也
濟水又東北逕定陶縣故城南

側城東注也

也字似譌疑當作此

縣故三駸國也湯追篡伐

三駸卽此周武王封弟叔振鐸之邑也故曹國

謝云

宋本作叔振鐸之邑故曹國也

漢宣帝甘露二年更濟陰為定陶

國王莽之濟平也戰國之世范蠡既雪會稽之恥
乃變姓名寓之於陶為朱公以陶天下之中諸侯
四通貨物之所交易也治產致千金富好行德子
孫修業遂致巨萬故言富者皆曰陶朱公也
又屈從縣東北流南濟也

又東北右合河水水瀆上承濟水於濟陽縣東世
謂之五丈溝又東逕陶丘北地理志曰禹貢定陶
西南有陶丘陶丘亭在南墨子以為釜丘也竹書

紀年魏襄王十九年薛侯來會王于釜丘者也尚
書所謂導河水自陶丘北謂此也河水東北出於
定陶縣北屈左合汜水汜水西分濟瀆東北逕濟
陰郡南爾雅曰濟別為濇呂忱曰水決復入為汜
廣異名也汜水又東合于河瀆昔漢祖既定天下
卽帝位於定陶汜水之陽張晏曰汜水在濟陰界
取其汜愛弘大而潤下也汜水名於是乎在矣汜
水又東北逕定陶縣南又東北右合黃水枝渠渠
上承黃溝東北合河而北注濟瀆也

水經注箋卷第七

水經注箋卷第八

漢 桑 欽撰 後魏 酈道元 注

明 李長庚訂 孫汝澄

朱謀埠箋 李克家全校

濟水二

濟水又東至乘氏縣西分為二

春秋左傳僖公二十四年孫云按左傳僖公三十一年分曹地

東傳於濟濟水自是北東流出巨澤其一水謝云宋本

水下有南流其一水從縣東北流入鉅野澤

南為荷水北為濟瀆克家云荷當作荷

逕乘氏縣與濟渠濮溝

克家云濮溝當作濮渠

合北濟自濟

陽縣北東北逕煮棗城南郡國志曰冤胸縣有煮

棗城卽此也漢高祖十二年封革朱爲侯國

孫云按史

記年表煮棗靖侯亦索隱曰漢表作革朱革音棘棘姓也棘子成之後

北濟又東北逕冤胸縣故城北

又東北逕呂都縣故城南王莽更名之曰祁都也

又東北逕定陶縣故城北漢景帝以濟水出其北

東注

宋本作流

中元六年分梁於定陶置濟陰郡指爲

濟而定名也

又東北與濮水

謝兆申云濮水下疑有合字或會字

上承濟水於封丘縣卽地理志所謂濮渠

濟者也闕駟曰首受別濟卽北濟也其故瀆自濟

東北流左迤爲高粱陂方三里濮水又東逕匡城

北孔子去衛適陳遇難於匡者也又東北左會別

濮水受河於酸棗縣故杜預云濮水出酸棗縣首

受河竹書紀年曰魏襄王十年十月大霖雨疾風

河水溢酸棗郭漢世塞之故班固云大堙酸棗也

今無水其故瀆東北逕南北二棣城間左傳襄公

五年楚子囊伐陳公會于城棣以救之者也濮渠

又東北逕酸棗縣故城南韓國矣圈稱曰昔天子

建國名都或以姓名或以山林

古本作或以合名或以山林吳本改

作姓名玉海十五卷內引此文亦作合名

故豫章以樹氏都酸棗以棘

名邦故曰酸棗也漢官儀曰舊河堤謁者居之城

西有韓王望氣臺孫子荆故臺賦叙曰酸棗寺門

外夾道左右有兩故臺訪之國老云韓王聽訟觀

臺高一十五仞雖樓泯滅

謝云樓之下然廣基似當有一榭字

於山嶽召公大賢猶舍甘棠區區小國而臺觀隆

崇驕盈於世以鑒來今故作賦曰蕞丘陵之邈迤

亞五嶽之嵯峨言壯觀也城北韓之市地也聶政

為濮陽嚴仲子刺韓相俠累遂披面而死其姊哭

之於此城內有後漢酸棗令劉子孟陽碑濮水北稱

成陂陂方五里號曰同池陂又東逕胙亭東注故

胙國也富辰所謂邢茅胙祭周公之胤也濮渠又

東北逕燕城內故南燕媯姓之國也有北燕故以

南氏縣東為陽清湖陂南北五里東西三十里亦

曰燕城湖逕桃城南即戰國策所謂酸棗桃虛也

古本作虛桃者埤按秦策客說秦王曰王又舉甲兵攻魏社大梁之門舉河內拔燕酸棗虛桃人楚

燕之兵雲翔而不敢校漢高帝十二年封劉襄為侯國

按史記年表高帝十二年封劉襄為桃侯索隱曰縣名屬信都而東注于濮俗謂之

朝平溝濮渠又東北又與酸水故瀆會酸瀆首受

河於酸棗縣東逕酸棗城北延津南謂之酸水竹
書紀年曰秦蘇胡率師伐鄭韓襄敗秦蘇胡于酸
水者也酸瀆水又東北逕燕城北又東逕滑臺城
南又東南逕瓦亭南春秋定公八年公會晉師於
瓦魯尚執羔自是會始也又東南會于濮世謂之
百尺溝濮渠之側有漆城竹書紀年梁惠成王十
六年邯鄲伐衛取漆富兵城之者也謝云富兵或
亦謂之濮苑亭春秋甯武子與衛人盟于苑濮杜
預曰長垣而南近濮水也京相璠曰衛地也似非
關苑而不知其所竹書紀年梁惠成王五年公子

景贛率師伐鄭韓明戰于陽

謝云陽一作韓

我師敗逋澤

北壇陵亭亦或謂之大陵城非所究也又有桂城
竹書紀年梁惠成王十七年齊田期伐我東鄙戰
于桂陽我師敗逋亦曰桂陵案史記齊威王使田
忌擊魏敗之桂陵齊於是彊自稱爲王以令天下
濮渠又東逕蒲城北故衛之蒲邑孔子將之衛子
路出於蒲者也韓子曰魯以仲夏起長溝子路爲
蒲宰以私粟饋衆孔子使子貢毀其器焉余案家
語言仲由爲蒲宰脩溝瀆與之簞食瓢飲夫子令
賜止之無魯字又入其境三稱其善身爲大夫終

死衛難濮渠又東逕韋城南卽白馬縣之韋鄉也
 史遷記曰夏伯豕韋之故國矣城西出而不方城
 中有六大井皆隧道下俗謂之江井也有馳道自
 城屬于長垣濮渠東絕東馳道逕長垣縣故城北
 衛地也故首垣矣秦更從今名王莽改爲長固縣
 陳留風俗傳曰縣有防垣故縣氏之孝安帝以建
 光元年封元舅來一作宋俊爲侯國縣有祭城濮渠
 逕其北鄭大夫祭仲之邑也杜預曰陳留長垣縣
 東北有祭城者也圈稱又言長垣縣有羅亭故長
 羅縣也漢封後將軍常惠爲侯國地理志曰王莽

夏長羅爲惠澤後漢省并長垣有長羅澤卽吳李

英牧猪處也

埤按後漢書吳祐字季英年二十喪父居無擔石常牧豕長垣澤中後舉

孝廉官河間相

又有長羅置遠伯玉置陳留風俗傳曰長

垣縣有遠伯鄉一名新鄉有遠亭伯玉祠伯玉冢

曹大家東征賦曰到長垣之境界兮察農野之居

民覩蒲城之丘墟兮生荆棘之萋萋遠氏在城之

東南兮民亦饗其丘墳唯令德之不朽兮身旣沒

而名存昔吳季札聘上國至衛觀與府賓亭父疇

以衛多君子也

左傳云延陵季子去鄭適衛說遠伯玉史狗史鱒公子荆公子發公

子朝曰衛多君子未有患也此觀曲府賓亭父疇愚所未詳

濮渠又東分爲二

瀆北濮出焉濮渠又東逕須城北衛詩云思須與曹也毛云須衛邑矣鄭云自衛而東逕邑故思濮

渠又北逕襄丘亭南竹書紀年曰襄王七年韓明

率師伐襄丘十一作九年楚庶章率師來會我次于

襄丘者也濮水東逕濮陽縣故城南昔師延為紂

作靡靡之樂武王伐紂師延東走自投濮水而死

矣後衛靈公將之晉而設舍於濮水之上夜聞新

聲召師洎受之於是水也師洎於濮水為衛靈公高師延清商之聲事見

韓非子濮水又東逕沛陰孫云沛陰當作濟陰離狐縣故城南

王莽之所謂狐瑞也吳本作離狐郡國志曰故屬東郡

濮水又東逕葭密縣故城北竹書紀年幽王舊本作幽

公十宋本無三年魯季孫會晉文公一作幽公於楚丘

即葭密遂城之濮水又東北逕鹿城南郡國志曰

濟陰乘氏縣有鹿乘鄉春秋僖公二十一年盟于

鹿上京杜並謂此亭也濮水又東與句瀆首受濮

水枝渠於句陽縣東南逕句故城南春秋之

穀丘也左傳以為句瀆之丘其陽故縣氏

焉又東入乘氏縣左會濮同入鉅野故地

理志曰濮水自濮陽南入經所謂濟水自

乘氏縣兩分東北入於鉅野

濟水故瀆又北右合洪水

上承鉅野薛訓渚歷澤西北渚又北逕闕鄉城西
春秋桓公十有一年經書公會宋公于闕郡國志
曰東平陸有闕亭皇覽曰蚩尤冢在東郡壽張縣
闕鄉城中冢高七尺常十月祠之有赤氣出如絳
眠名為蚩尤旗十三州志曰壽張有蚩尤祠又北
瀆瀆合自渚迄于北口一百二十里名曰洪水桓
溫以太和四年率衆北入掘渠通濟至義熙十三
年劉武帝西入長安又廣其功宋書義熙十三年八月沈田子大破姚泓於藍田王鎮惡克長安姚泓九月奔公至長安自洪口已上又謂之

桓公瀆濟自是北注也春秋莊公十八年經書夏
公追戎於濟西京相璠曰濟水自鉅野至濟北是
也

又東北過壽張縣西界安民亭南汶水從東北來注
之

濟水又北汶水注之戴延之所謂清口也郭緣生
述征記曰清河首受洪水北流濟或謂清則濟也
禹貢濟東北會于汶今枯渠注巨澤巨澤北則清
水清水與汶會也李欽曰汶水出太山萊蕪縣西
南入濟是也濟水又北逕梁山東袁宏北征賦曰

昔梁山截汶波卽此處也劉澄之引是山以證梁

父爲不近情矣山之西南有呂仲悌墓晉陽秋曰呂安字仲

悌東平人志量開曠有拔俗風氣與嵇康爲友每一相思千里命駕河東岸有石橋

橋本當河河移故側岸也古老言此橋東海呂母

起兵所造也山北三里有呂母宅宅東三里卽濟

水東觀漢記海曲呂母之子爲縣令所殺母破產結諸少年得數百人入海自稱將軍遂破海曲

執縣宰斬之以其首祭子冢

濟水又北逕須胸城西

城臨側濟水故須國風姓也春秋僖公二十一年

子魚曰住宿須胸顓臾風姓也實司太皞與有濟

之祀

按左傳僖二十一年秋楚執宋公以伐宋冬會于薄以釋之子魚曰禍猶未也未足以懲

君則子魚之語已卒于此其住宿須胸等語別自更端爲邾人滅須句張本此子魚曰三字宜刪

杜預曰須胸在須昌縣西北非也地理志曰壽張

西北有胸城者是也濟水西有安民亭亭北對安

民山東臨濟水水東卽無鹽縣界也山西有冀州

刺史王紛碑漢甲平四年立

濟水又逕微鄉東

春秋莊公二十八年經書冬築郟京相璠曰公羊

傳謂之微在東平壽張縣西北三十里有故微鄉

魯邑也杜預曰有微子冢濟水又北分爲二水其

枝津西北出焉謂之馬頰水者也

又北過須昌縣西

京相璠曰須胸一國二城兩名蓋遷都須昌胸是

其本秦以為縣公羊春秋僖二十二年伐邾婁取須胸左傳作須句漢高帝

十一年趙衍為侯國濟水於縣趙溝水注之

濟水又北逕漁山東左合馬頰水克家云漁山作魚山者是

水首受濟西北流歷安民山北又西流趙溝出焉

東北注于濟馬頰水又逕桃城東春秋桓公十年

經書公會衛侯于桃丘衛地也杜預曰濟北東阿

縣東南有桃即桃丘矣馬頰水又東北流逕山南

山即吾山也漢武帝瓠子歌所謂吾山平者也山

上有柝舒城魏東阿王曹子建每登之有終焉之

志及其終也葬山西西宋本無西字去東阿水四十里

其水又東注于清濟謂之馬頰口也

濟水自魚山北逕清亭東

春秋隱公四年公及宋公遇于清者也京相璠曰

今濟北東阿東北四十里有故清亭即春秋所謂

清者也是濟水通得清之目焉亦水色清深用兼

厥稱矣是故燕王曰吾聞齊有清濟濟河以為固

即此水也

又北過穀城縣西

濟水側岸有尹卯壘南去漁山四十餘里是穀城縣界故春秋之小穀城也齊桓公以魯莊公二十三年城之邑管仲焉城內有夷吾井魏土地記曰縣有穀城山山出文石陽穀之地春秋齊侯宋公會于陽穀者也穀有黃山臺黃石公與張子房期處也又有狼水出東南大檻山狼溪酒狼溪西北逕穀城西又北有西流泉出城東近山西北逕穀城北西注狼水以其流西故即名焉又西北入清水城西北三里有項王羽之冢半許毀壞石碣尚存

存題云項王之墓皇覽云冢去縣十五里謬也今

彭城穀陽城西南又有項羽冢非也余按史遷記

魯為楚守漢王示羽首魯乃降遂以魯公禮葬羽

於穀城寧得言彼也

濟水又北逕周首亭西

春秋文公十有二年左丘明云襄公二年王子成

父獲長狄僑如弟榮如埋其首於周首之北門即

是邑也孫云按左傳文公十一年晉之滅潞也獲僑如之弟榮如齊襄之二年鄭瞞伐齊齊

王子城父獲其弟榮如埋其首於周首之北門今世謂之盧子城濟北郡

治也京相璠曰今濟北所治盧子城故齊周首邑

也

又北過臨邑縣東

地理志曰縣有濟水祠也王莽之穀城亭也水有

石門以石爲之故濟水之門也春秋隱公五年齊

鄭會于石門鄭車憤濟卽於此也埤按左傳隱公三年齊鄭盟于

石門鄭伯之車憤于濟京相璠曰石門齊地今濟北盧縣故

城西南六十里有故石門去水三百步蓋水瀆流

移故側岸也

濟水又北逕平陰城西

春秋襄公十八年晉侯沈玉濟河會于魯濟尋泲

渠之盟同伐齊

泲渠當作泲梁埤按左傳晉侯伐齊將濟河中行獻子以朱絲係玉

二穀而禱焉沈玉而濟冬十月會于魯濟尋泲梁之言同伐齊齊侯禦諸平陰者

也杜預曰城在盧縣故城東北非也京相璠曰平

陰齊地也在濟北盧縣故城西南十里平陰城南

有長城東至海西至濟河道所由名防門去平陰

三里齊侯塹防門卽此也其水引濟故瀆尚存今

防門北有光里齊人言廣音與光同卽春秋所謂

守之廣里者也又云巫山在平陰東北昔齊侯登

望晉軍畏衆而歸師曠邢伯聞烏鳥之聲知齊師

潛遯人物咸淪地理昭著賢於杜氏東北之證矣

今巫山之上有石室世謂之孝子堂濟水右迤過
爲涓湖方四十餘里

濟水又東北至垣苗城西

故洛當城也伏韜北征記曰濟水又與清河合流
至洛當者也宋武帝西征長安令桓遵鎮此故俗
人有垣苗之稱河水自泗瀆口東北流而爲蒲魏
土地記曰盟津河別流十里與清水合亂流而東
逕洛當城北黑白異流涇渭殊別而東南流注也
又東北過盧縣北

濟水東北與涓溝合水上承涓湖北流注濟爾雅

曰水草交曰涓通谷者微捷爲舍人曰水草木交

合也水下疑脫中有二字按爾雅疏李巡云水中草木交會口涓郭景純曰微

水邊通谷也釋名曰涓眉也臨水如眉臨目也

濟水又逕盧縣故城北

濟北郡治也漢和帝永元二年分泰山置蓋以濟
水在北故也濟水又逕什城北城際水涓故邸閣
也祝阿人孫什將家居之以避時難因謂之什城
焉

濟水又東北與中川水合

水東南出山在縣之分水縣謝云宋本溪一源兩

分泉流半解亦謂之分流交半水南出太山入汶
 半水出山在縣西北流東逕太原郡南郡治山爐
 固北孫云太原劉宋僑郡山爐當作與漢賓谷水
 合水出南格馬山漢賓溪北逕盧縣故城北陳敦
 戍南西北流與中川合謂之格馬口其水又北逕
 盧縣故城東而北流入濟俗謂之為沙溝水
 濟水又東北右會玉水

導源太山朗公谷谷舊名琨瑞溪有沙門竺僧朗
 少事佛圖澄碩學淵通允明氣緯隱于此谷因謂
 之朗公谷故車頻秦書云苻堅時沙門竺僧朗嘗

從隱士張巨和遊巨和嘗穴居而朗居琨瑞山太
 起殿舍連樓疊閣雖素飾不同並以靜外致禱即
 此谷也水亦謂之琨瑞水也其水西北流逕玉符
 山又曰玉水又西北逕獵山東又西北枕祝阿縣
 故城東野井亭西春秋昭公二十五年經書齊侯
 唁公于野井是也春秋襄公十九年諸侯盟于祝
 阿孫云按春秋盟于祝阿左傳所謂督陽者也漢興改之曰
 阿矣漢高帝十一年封高邑為侯國王莽之安成

者也故俗謂是水為祝阿澗水北流注于濟建武
 五年耿弇東擊張步從朝陽橋濟渡兵即是處也

濟水又東北灤水出焉

灤水出歷縣故城西南泉源上舊水涌若輪謝云上舊

疑作上舊一本無舊水二字春秋桓公十八年公會齊侯于灤

是也俗謂之為娥姜一作娥英水也以泉源有舜妃娥

英廟故也城南對山山上有舜祠山下有大穴謂

之舜井抑亦茅山禹井之比矣書舜耕歷山亦云

在此所未詳也其水北為大明湖西即大明寺

東北兩面側湖此水便成淨池也池上有客亭

右楸桐負日俯仰目對魚鳥極極下脫一字水

明瑟可謂濠梁之性物我無違矣湖水引瀆東入

西郭東至歷城西而側城北注湖水上承東城歷

祀克家云祀疑作祠下泉源競發其水北流逕歷城東又

北引水為流杯池州僚賓燕公私多萃其上分為

二水右水北出左水西逕歷城北西北為陂謂之

歷水與灤水會自水枝津合水首受歷水於歷城

東東北逕東城西而北出郭又北注灤水又北聽

水出焉灤水又北流注于濟謂之灤口也

濟水又東北脫一逕字華不注山

華不注山在歷城東北

刺天青崖翠發望同點黛山下有華泉故京相璠

曰春秋土地名也華泉華不注山下泉水也春秋左傳成公二年齊頃公與晉郤克戰于鞏齊師敗績逐之三周華不注逢丑父與公易位將及華泉驂絙於木而止丑父使公下如華泉取飲齊侯以免韓厥獻丑父郤子將戮之呼曰自今無有代其君任患者有一於此將爲戮矣郤子曰人不難以死免其君我戮之不祥赦之以勸事君者乃免之卽華水也北絕聽瀆二十里注于濟又東北過臺縣北

巨合水南出雞山西北北逕巨合故城西耿弇之討張步也守巨里卽此城也三面有城西有深坑坑西卽弇所營也與費邑戰斬邑於此巨合水又北合關盧水關盧水導源馬耳山北逕博亭城西西北流至平陸城與武原水合水出譚城南平澤中世謂之武原泉北逕譚城東俗謂之有城也又北逕東平陵縣故城西故陵城也後乃加平譚國也齊桓之出過譚譚不禮焉魯莊公九年卽位又不朝十年滅之城東門外有樂安任照先碑濟南治也漢文帝十六年置爲王國景帝二年爲郡王莽更名樂安郡其水又北逕巨合城東漢武帝以

封城陽頃王子劉發于爲侯國

孫云按史記鉅合侯劉發

其水

合關盧水而出注巨合水西北逕臺縣故城南漢

高帝六年封東郡尉戴野爲侯國王莽之臺治也

其水西北流白野泉水注之水出臺城西南白野

泉北逕留山西北留

古本作流

而右注巨合水又北聽

水注之水上承灤水東流北屈又東北流注于巨

合水亂流又北入于濟

濟水又東北合芹溝水

水出臺縣故城東南西北流逕臺城東又西北入

于濟水

又東北過管縣南

濟水東逕縣故城南漢景帝二年封齊悼惠王子

罷軍爲侯國右納百脉水百脉水出土穀縣故城

西水源方百步百泉俱出故謂之百脉水其水西

北流逕楊丘縣故城中漢孝景帝四年以封齊悼

惠王子劉安爲楊丘侯世謂之章丘城非也城南

有女郎山山上有神祠俗謂之女郎祠左右民祀

焉其水西北出城北逕黃中

謝云黃中當作黃巾

固蓋賊所

屯故固得名焉百脉水又東北流注于濟濟水東

又有楊渚溝水逕於陵故城西南西北逕土鼓城

東又西北逕章丘城東又北逕甯西而北流注于濟水也

又東過梁鄒縣北

隴水孫云當作瀧水 隴有籠雙二音南出長城中北流至般陽縣

故城西南與般水會水出縣東南龍山俗亦謂之

為左阜水西北逕其城南王莽之濟南亭也應劭

曰縣在般水之陽縣資名焉其水又南屈西入瀧

水北逕其縣西北流至萌水口萌水出西南甲山

孫云甲山當作萌山東北逕萌山西東北入于瀧瀧水又西

北至梁鄒東南與魚子溝水合水南出長白山東

柳泉口山即陳仲子夫妻之所隱也孟子曰仲子

齊國之世家兄戴祿萬鍾仲子非而不食避兄難

母家于於陵即此處也其水又逕於陵縣故城西

王莽之於陸也世祖建武十五年更封則鄉侯侯

霸為侯國其水北流注于瀧水瀧水即古素水也

故京相璠曰濟南梁鄒縣有素水者也瀧水又西

北逕梁鄒縣故城南又北屬逕其城西漢高祖六

年封武虎為侯國史記作武 漢書作水北注濟其城

之東北又有時水西北

又東北過臨濟縣南

縣故狄邑也王莽更名利居漢記安帝永初二年改從今名以臨濟故地理風俗記云有樂安太守

治晏謨齊記曰有南北二城隔濟南水一本作城

即被陽縣之故城也北枕濟水地理志曰侯國也

如淳曰音減罷軍之罷也漢志注如淳曰被一作疲音罷軍之罷滅守疑

衍史記建元以來王子侯者年表曰漢武帝元朔

四年封齊孝王子敬侯劉燕之國也今渤海僑郡

治孫云按史記劉燕封掖陽侯索隱曰掖音皮劉氏音皮彼友

濟水又東北迤為淵渚謂之平州

溼沃側有平安縣故城溼沃縣各屬下乘郡俗謂而平安縣在其次

之會城非也案地理志千乘郡有平安縣侯國也

王莽曰鴻睦也應劭曰博昌縣西南三十里有安

平亭故縣也世尚存平州之名矣濟水又東北逕

高昌縣故城西案地理志曰千乘郡有高昌縣漢

宣帝地節四年封董忠為侯國世謂之馬昌城此

也此也舊本作北也

濟水又東北逕樂安縣故城南

伏琛齊記曰博昌城西北五十里有南北二城相

去三十里隔時濟二水指此為博昌北城非也樂

安與博昌薄姑分水俱同西北薄姑去齊城六十

里樂安越水差遠驗非尤明班固曰千乘郡有樂安縣應劭曰取休令之名矣漢武帝元朔五年封李蔡爲侯國城西三里有任光等冢先是縣人不得爲博昌明矣濟水又經薄姑城北後漢郡國志曰博昌縣有薄姑城地理書曰呂尚封於齊郡薄姑薄姑故城在臨菑縣西北五十里近濟水史遷曰胡公徙薄姑城內有高臺春秋昭公二十二年

孫云按左傳昭公二十年

齊景公飲于臺上曰古而不死何樂

如之晏平仲對曰昔爽鳩氏始居之季荝因之有逢伯陵因之薄姑氏又因之而後太公又因之臣以爲古若不死爽鳩氏之樂非君之樂卽於是臺也濟水又東北逕狼牙固西而東北流也

又東北過利縣西

地理志曰齊郡有利縣王莽之利治也晏謨曰縣在濟城北五十里

又東北過甲下邑入于河

濟水東北至甲下邑南東歷琅槐縣故城北地理風俗記曰博昌東北八十里有琅槐鄉故縣也山海經曰濟水絕鉅野注渤海入濟琅槐東北者也又東北河水枝津注之水經以爲入河非也斯乃

九經注全 卷八 三十一
河水注濟非濟入河

又東北入海

郭景純曰濟自滎陽至樂安博昌入海今河竭濟水仍流不絕經言入河二說並失然河水於濟潔之北別流注海今所輟流者惟潔水耳郭或以為濟注之事實非也尋經脉水不如山經之為密矣其一水東流者過乘氏縣

河水分濟於定陶東北東南右合黃汲

克家云疑作黃溝

枝流俗謂之界溝也北逕元氏縣

孫云與常山別故城西

又北逕景山東衛詩所謂景山與京者也毛公曰

景山大山也又北逕楚丘城西郡國志曰成武縣

有楚丘亭杜預云楚丘在成武縣西南衛懿公為

狄所滅衛文公東徙渡河野處漕邑齊桓公城楚

丘以遷之故春秋稱邢遷如歸衛國志云

志云當作志亡

即詩所謂升彼墟矣以望楚矣望楚與堂景山與

京故鄭玄言觀其傍邑及山川也又東北逕成武

城西又東北逕郟城東疑郟徙也所未詳矣又東

北逕梁山城西地理志曰昌邑縣有梁丘鄉春秋

莊公三十二年宋人齊人會于梁丘者也

孫云按春秋宋

公齊侯侯遇于梁丘

杜預曰高平昌邑縣西南有梁丘鄉又

東北於乘氏縣西而北注河水河水又東南逕乘氏縣故城南縣卽春秋之乘丘也故地理志風俗記曰濟陰乘氏縣故宋乘丘邑也漢孝景中元五年封梁孝王子買爲侯國也地理志曰乘氏縣泗水東南至睢陵入淮郡國志曰乘氏有泗水此乃河濟也尚書有導河濟之說自陶丘北東至於菏水無泗水之文又曰道菏澤被孟豬孟豬在睢陽縣之東北闕駟十三州記曰不言入而言被者明不常入也水盛方乃覆被矣澤水森漫俱鍾睢泗故誌有睢陵入淮之言以通苞泗名矣然諸水注泗者多不止此可以終歸泗水便得擅通稱也或更有泗水亦可是水之兼其目所未詳也

又東過昌邑縣北

菏水又東逕昌邑縣故城北地理志曰縣故梁也漢景帝中元六年分梁爲山陽國漢武帝天漢四年更爲昌邑國以封昌邑王賀賀廢國除以爲山陽郡王莽之鉅野郡也後更爲高平郡後漢沈州縣令王密懷金謁東萊太守楊震震不受是其慎四知處也大城東北有金城城內有沈州刺史河東薛棠像碑以郎中拜剡令甘露降園熹平四年

遷州明年甘露復降殿前樹從事馮巡主簿華操等相與褒樹表勒棠政次西有沅州刺史茂陽楊叔恭碑從事孫光等以建寧四年立西北有東太山成人班孟堅碑建和十年尚書右丞拜沅州刺史從事秦闔闔字似誤當作闔等刊石頌德政碑咸列焉又東過金鄉縣南

郡國志曰山陽有金鄉縣河水逕其故城南世謂之故縣城北有金鄉山也

又東過東緡縣北濟水又東逕漢平狄將軍扶溝侯淮陽朱鮪冢

墓北有石廟濟水又東逕東緡縣故城北故宋地春秋僖公二十三年齊侯伐宋圍緡十三州記曰山陽有東緡縣鄒衍曰余登緡城以望宋都者也後漢世祖建武十一年封馮異長子璋為侯國也又東過方與縣北為菏水濟水東逕重鄉城南

左傳所謂臧文仲宿於重館者也河當作水又東

逕武棠亭北公羊以為濟上邑也城有高臺二丈許其下臨水昔魯侯觀魚於棠謂此也在方與縣故城北十里經所謂菏水也水又東逕泥母亭北春秋左傳僖公七年秋盟于甯母謀伐鄭也河當作

水又東與鉅野黃水合菏濟別名也黃水上承

鉅澤諸陂澤有濠澱育謝云育一作昔陂黃湖水東流謂

之黃水又有薛訓渚水自渚歷薛村前分為二流

一水東注黃水一水西北入澤即洪水也黃水東

南流水南有漢荊州刺史李剛墓剛字叔毅山陽

高車人按郡國志山陽郡有高平縣此作高車誤熹平元年卒見其碑

有石闕祠堂石室三間椽架高丈餘鏤石作椽瓦

屋施平天造方井側荷梁柱四壁隱起雕刻為君

臣官屬龜龍鳳之文飛禽走獸之像作制工麗不

甚傷毀黃水又東逕鉅野縣北何承天曰鉅野湖

澤廣大南通洙泗北連清濟舊縣故城正在澤中

故欲置戍於此城城之所在則鉅野澤也衍東北

出為大野矣昔西狩獲麟於是處也皇覽曰山陽

鉅澤縣有肩髀冢重聚大小輿闕冢等史記注引皇覽作闕

冢傳言蚩尤與黃帝戰剋之於涿鹿之野身體異

處故別葬焉黃水又東逕咸亭北春秋桓公七年

經書焚咸塗者也水南有金鄉縣之東界也金鄉

數山皆空中穴口謂之隧也戴延之西征記曰焦

氏山北數山有漢司隸校尉魯恭穿山得白蛇白

兔不葬更葬山南鑿而得金故曰金鄉山山形峻

峭冢前有看祠石廟四壁皆青石隱起自書契以
來忠臣孝子貞婦孔子及弟子七十二人形像像
邊皆刻石記之文字分明又有石牀長八尺磨瑩
鮮明叩之聲聞遠近時太尉從事中郎傅珍之諮
議參軍周安穆折敗石牀各取去爲魯氏之後所
訟二人並免官焦氏山東卽金鄉山也有冢謂之
秦王陵山上二百步得冢口塹深十丈兩壁峻峭
廣二丈入行七十步得埏門門外左右皆有空可
容五六丈謂之白馬空埏門內二丈得外堂外
堂之後又得內堂觀者皆執燭而行雖無他雕鏤

水經注卷八 三十九十三

然治石甚精或云是漢昌邑哀王冢所未詳也東

南有范巨卿冢石柱猶存巨卿名式山陽之金鄉

人漢荊州刺史與汝南張劭長沙陳平子石交號

爲死友矣後漢書張劭字元伯與范式巨卿爲友元伯卒式忽夢見呼巨卿曰吾以某日

死當以某時葬于未我忘豈能相及式恍然覺悟馳往赴之則元伯之柩已至壙而柩不進式乃號

哭執引黃水又東逕任城郡之亢父縣故城西夏

后氏之任國也漢章帝元和元年別爲任城在北

王莽之延就亭也縣有詩亭春秋之詩國也後漢郡國

志亢父縣有都亭王莽更之曰順父矣地理志東平屬縣

也世祖建武二年封劉隆爲侯國其中謂之桓公

水經注卷八 三十九 化

溝南至方與縣入于菏水菏水又東逕秦梁夾岸積石一旦謝云宋本作一里高二丈言秦始皇東巡所造因以名焉

菏水又東過湖陸縣南東入於泗水

澤水所鍾也尚書曰浮于淮泗達于河是也東觀

漢記曰蘇茂殺淮陽太守得其郡營廣樂大司馬

吳漢圍茂茂將其精兵突至湖陸與劉永相會濟

陰山陽濟兵於此處也孫云按史記索隱曰胡陵縣屬山陽章帝改曰胡陸

又東南過沛縣東北

濟與泗亂故沛納于稱矣東觀漢記安平侯蓋延

傳曰延為虎牙大將軍與戰水軍水軍一作水等即劉永也反

走溺水者半後與戰連破之遂平沛楚臨淮悉降

延令沛修高祖廟置嗇夫祝宰樂人因齋戒祠高

廟也

又東南過留縣北

留縣故城翼佩泗濟宋邑也春秋左傳所謂侵宋

呂留也故繁休伯避地賦曰朝余發乎泗洲夕余

宿于留鄉者也張良委身漢祖始自此矣終亦取

封焉城內有張良廟也

又東過彭城縣北睢水從西來注之

濟水又南逕彭城縣之故城東北隅不東過也睢水自西注之城北枕水湄

濟水又南逕彭城縣故城東

不逕其縣北也蓋經誤證

又東南過徐縣北

地理志曰臨淮郡漢武帝元狩五年置治徐縣王莽更之曰淮平縣曰徐調國也春秋昭公三十年吳子執鍾吾子遂伐徐防山以水之遂滅徐徐子奔楚楚救徐弗及遂城夷以處之張華博物志錄著作令史茅溫所為送劉成國徐州地理志曰徐

偃王之異言徐君宮人娠而生卵以為不祥棄之於水濱狐獨母有犬名曰鵠倉獵於水側得棄卵銜以來歸獨母以為異覆煖之遂成兒生時偃故以為名徐君宮中聞之乃更錄取長而仁智襲君徐國後鵠倉臨死生角而九尾實黃龍也偃王昔之徐中

昔字誤謝云疑作厝埤云當作葬并按博物志云偃王葬之徐梁界內是也

今見

有狗壟焉偃王治國仁義著聞欲舟行上國乃導溝陳蔡之間得朱弓矢以得天瑞遂因名為號自稱徐偃王江淮諸侯服從者三十六國周王聞之遣使至楚令伐之偃王愛民不鬪遂為楚敗北走

彭城武原縣東山下百姓隨者萬數因名其山為徐山山上立石室廟有神靈民人請禱焉依文即事似有符驗但世代綿遠難以詳矣今徐城外有徐君墓昔延陵季子解劍於此所謂不違心許也

季子解劍事見劉向新序

又東至下邳睢陵縣南入于淮

濟水與泗水澤宋本作渾淘東南流至角城同入淮經

書睢陵誤耳

水經注箋卷第八

水經注箋卷第九

漢 桑欽撰 後魏 酈道元 注

明 李長庚訂 孫汝澄

朱謀埠箋 李克家全校

清水 沁水 淇水

蕩水 洹水

清水出河內修武縣之北黑山

黑山在縣地謝云宋本地作此一作境白鹿山東清水所出也

上承諸陂散泉積以成川南流西南屈埠按御覽引此作南

瀑布垂巖懸河注壑二十餘丈雷杼之聲震

動山谷左右

疑脫一石字

壁層深獸跡不交隍中散水

霧合視不見底南峰北嶺多結禪栖之士東巖西

谷又是利靈之圖竹栢之懷與神心妙達仁智之

性共山水効深更為勝處也其水歷澗流飛清洞

觀

御覽引此作清冷洞觀

謂之清水矣谿曰瑤谿又曰瑤澗

水又南與小瑤水合水近出西谿北窮谿東南流

注之清水清水又東南流吳澤陂水注之水上承

吳陂於修武縣故城西北修武故甯也亦曰朝陽

矣馬季長曰晉地自朝歌以北至中山為東陽朝

歌以南至軹為南陽故應劭地理風俗記云河內

殷國也周名之為南陽又曰晉始啓南陽今南陽

城是也秦始皇改曰修武徐廣王隱並言始皇改

瓚注漢書云案韓非書秦昭王越長平西伐修武

時秦未兼天下修武之名久矣余案韓詩外傳言

武王伐紂勒兵於甯更名甯曰修武矣魏獻子田

大陸還卒於甯是也漢高帝八年封都尉魏邀為

侯國亦曰大修武有小故稱大小修武在東漢祖

與滕公濟自玉門津而宿小修武者也大陸即吳

澤矣魏土地記曰修武城西北二十里有吳溝水

陂南北二十許里東則三十里西則蔡溝入焉水

有二源北水上承河內野王縣東北界溝為長明
溝分枝津東逕雍城南寒泉水注之水出雍城西
北泉流南注逕雍城西春秋僖公二十四年王將
以狄伐鄭富辰諫曰雍文之昭也京相璠曰今河
內出山陽西有故雍城又東南注長明溝溝水又
東逕射犬城北漢大司馬張陽為將楊醜所害睢
固殺醜屯此魏志作張揚駐固駐音申隨反欲北合袁紹典略曰
睢固字白菟或戒固曰將軍字菟而此邑名犬菟
見犬其勢必驚宜急去菟不從漢興平四年魏太
祖斬之於此以魏种為河內太守守之兗州叛太

祖曰唯种不棄狐及走太祖怒曰种不南走越北

走胡不置汝也謝云一作不汝置也射犬平禽之公曰難其

才也釋而用之魏志云既下射犬生禽种公曰唯其才也釋其縛而用之故長

明溝水東入石澗東流蔡溝水入焉水上承州縣

北孫按漢志河內郡有州縣白馬溝東分為之蔡溝東會長明

溝水又東逕修武縣之具亭宋本作吳亭北東入吳陂

又次北有苟泉水入焉水出山陽縣故修武城西

南同源分派裂為二水南為苟泉北則吳瀆二瀆

雙導俱東入陂山陽縣東北二十五里有陸真阜

南有皇母馬鳴二泉東南合注于吳陂也次陸真

阜之東北得覆釜堆堆南有三泉相去四五里參差合次南注于陂泉在濁鹿城西建安二十五年

魏封漢獻帝為山陽公濁鹿城即公所居也陂

水之北陂澤側有隕地疑作城也春秋隱公十一年

王以攢茅隕十二邑與司寇蘇忿生者也京相璠

曰河內修武縣北有故隕城實中今世俗謂之皮

塏宋本作皮垣方四百步實中高八丈際陂北隔水一

十五里俗所謂蘭丘也方二百步西一十里又有

一丘際陂陂舊本作三宋本作山或疑作之世謂之勅丘方五百

步形狀相類疑即古攢茅也杜預曰二邑在修武

縣北所未詳也又東長泉水注之源出白鹿山東

南伏流逕一十三里重源濬發於鄧城西北東南

伏流世亦謂之重泉水也又逕七賢祠東左右筠

篁列植冬夏不變貞萋魏步兵校尉陳留阮籍中

散大夫譙國嵇康晉司徒河內山濤司徒琅邪王

戎黃門郎河內向秀建威參軍沛國劉伶始平太

守阮咸等同居山陽結自得之遊時人號之為竹林七賢也向子期所謂山陽舊居也後人立廟於

其處廟南又有一泉東南流注于長泉水郭緣生

述征記所云白鹿山東南二十五里有嵇公故居

以居時有遺竹焉蓋謂此也其水又南逕鄧城東名之為鄧瀆又謂之為白屋水也昔司馬懿征公

孫淵還達白屋即於此也其水又東南流逕遺當作

隕城北又東南歷澤注于陂泉水東流謂之八光

溝而東流注于清水謂之長清河而東周末豐城

有丁公泉發于焦泉之右次東又得焦泉泉發于

天門之左天井固石天門山石自空狀若門焉廣

三丈高兩匹深丈餘更無所出世謂之天門也東

五百餘步中有石穴西向裁得容人平得二字疑

或作東南入徑至天井直上三匹有餘板躡而昇誤孫云

至上東平一作西二百步南北七百步四面峻絕

無由昇陟矣上有比丘釋僧訓精舍寺十有餘僧

給養難周多出下平有志者居之寺左右雜樹踈

挺有一石泉方丈餘清水湛然常無增減山居者

資以給飲北有石室二間古本作二間舊是隱者

念一之所今無人矣泉發於北阜南流成漢宋本

溪也世謂焦泉也次東得魚鮑泉次東得宋本無

張波泉次東得三淵泉梗柯叅連女宿相屬古本

河叅連女宿相屬吳本改作梗柯誤矣埤按隋天文志梗河三星在大角北而女宿或是須女矣李東家云梗河三星女宿即須女四星此蓋謂魚鮑張波三淵之三泉如梗河之叅連并焦泉為四似

女宿之相屬也是四川在重門城西並單川南注也重門

城昔齊王芳為司馬師廢之宮於此即魏志所謂

送齊王于河內重門者也城在其縣故城西北二

十里城南有安陽陂次東又得卓水陂穴東有北

門陂陂方五百步在其縣故城西漢高帝八年封

旅罷師為共嚴侯國韓按史記年表云八年封盧罷師為共侯諡曰莊此旅字

當作旅即盧字古通用嚴避明帝諱即共和之故國也共伯既歸帝

政逍遙于共山之上山在國北所謂共北山也呂氏

春秋云共伯和修其行好賢仁而海內皆以來為稽矣周厲之難天子曠絕天下皆來謂矣莊子云

共伯得乎共首司馬彪注云厲王之難共伯即于王位十四年大旱屋焚召公卜之曰厲王為祟乃

立宣王共伯復歸于宗逍遙得意共山之首仙者孫登之所處袁彥伯

竹林七賢傳嵇叔夜嘗採藥山澤遇之於山冬以

被髮自覆夏則編草為裳彈一絃琴而五聲和其

水三川南合謂之清川又南逕凡城東司馬彪袁

崧郡國志曰共縣有汎亭周凡伯國春秋隱公七

年經書王使凡伯來聘是也杜預曰汲郡共縣東

南有凡城今在西南其水又西南與前四水總為

一瀆又謂之陶水南流注于清水清水又東周新

豐塢又東注也

東北過獲嘉縣北

水經注卷之九

卷九

六

華

漢書稱越相呂嘉及當作武帝元鼎六年巡行於

汲郡中鄉得呂嘉首因以為獲嘉縣本紀云元鼎

五年四月南越王相呂嘉反殺漢使者及其王六年幸緱氏至左邑桐鄉聞南越破以為聞喜縣春

至汲新中鄉得呂嘉首以為獲嘉縣後漢封侍中馮石為侯國縣故

城西有漢桂陽太守趙越墓冢北有碑越字彥善

縣人也累遷桂陽郡五官將尚書僕射遭憂服闋

守河南尹建寧中卒碑東又有一碑碑北有石柱

石牛羊虎俱碎淪毀莫記清水又東周新樂城城

在獲嘉縣故城東北即汲水新中鄉也孫云汲水當作汲郡

又東過汲縣北

縣故汲郡治晉太康中立城西北有石夾水湍

湍急也人亦謂之磻溪言太公常釣於此也城東

門北側有太公廟廟前有碑碑云太公望君宋本作者

河內汲人也縣民故會稽太守杜宣白令崔瑗曰

太公甫生於汲舊居猶存君與高國同宗太公載

在經傳今臨此國宜正其位以明尊祖之義於是

國老王喜廷掾鄭篤功曹邵舊本作勤等咸曰宜之

遂立壇祀為之位主城北三十里有太公泉泉上

又有太公廟廟側高林秀木翹楚競茂相傳云太

公之故居也晉太康中范陽盧當作盧無忌為汲令

立碑於其上太公避紂之亂屠隱市朝遯釣魚水
 何必渭濱然後磻溪苟愜神心曲渚則可磻溪之
 名斯無嫌矣清水又東逕故石梁下梁跨水上橋
 石崩褫餘基尚存清水又東與倉水合水出西北
 方上山西倉谷谷有倉玉珉石故名焉其水東南
 流潛行地下又東南復出俗謂之雹水東南歷姆
 野謝云竹書作姆野一作牧野自朝歌以南南暨清水土地平
 衍據臯跨澤悉姆野矣郡國志曰朝歌縣南有牧
 野竹書紀年曰周武王率西矣當作西夷諸侯伐殷敗
 之于姆野今紀年作西夷牧誓所謂逖矣西土詩
之人庸蜀羌髳微盧彭濮人是也

所謂姆野洋洋檀車煌煌者也有殷大夫比干冢
 前有石銘題隸云殷大夫比干之墓所記唯此今
 已中折不知誰所誌也太和中高祖孝文皇帝南
 巡親幸其墳而加弔焉刊石樹碑列于墓隧矣雹
 水又東南入于清水又東南逕合城南故三會亭
 也以淇清合河故受名焉清水又屈而南逕屬皇
 臺東北南注之也

又東入于河

謂之清河卽淇河口也蓋互受其名耳地理志曰
 清河水出內黃縣南無清水可來所有者唯鍾是

水耳蓋河徙南注清水瀆移唯流逕絕餘日故東川有清河之稱相嗣不斷目尚存故東川曹公開白溝過水北注方復故瀆矣

沁水出上黨沮

沮當作涅宋本作垣

縣謁戾山

後漢郡國志上黨郡涅縣注引

山海經云謁戾之山沁水出焉南流注于河郭云在涅

沁水即洎水也或言出穀遠縣羊頭山世靡谷三源奇注逕瀉一隍又南會三水歷洛出左右近溪參差翼注之也

南過穀遠縣東又南過猗氏縣東

穀遠縣王莽之穀近也沁水又南逕猗氏縣故城

東劉聰以詹事魯繇為冀州治此也沁水又南歷

猗氏關又南與羈羈水合水出東北巨峻山

御覽引此

作巨駿山

乘高瀉浪觸石流響世人因聲以納稱西南

流注于沁沁水又南與秦川水合水出巨峻山東

帶引眾溪積以成川又西南逕端氏縣故城東昔

韓趙魏分晉遷晉君於端氏縣即此是也

按史記趙成

侯十六年與韓魏分晉封晉君以端氏徐廣云端氏在平陽正義云端氏澤州縣名也

其水

南流入于沁水

又南過陽阿縣東

沁水南逕陽阿縣故城西魏土地記曰建興郡治

陽阿縣郡西四十里有沁水南流沁水又南與濩澤水合水出澤城西白澗嶺下東逕濩澤墨子曰舜漁濩澤應劭曰澤在縣西北又東逕濩澤縣故城南蓋以澤氏縣也竹書紀年梁惠成王十九年晉取玄武濩澤者也其水際城東注又東合清澗水水出其城北東南經澤城東又南入于澤水澤水又東得陽衆水謝云宋本作陽衆水口出鹿臺山山上有水澗而不流其水東逕陽陵城南即陽阿縣之故城也漢高帝七年封下訴為侯國埤按謝本作下訴考之史記漢表並無其人唯琴操云卞和獻玉于楚王封為陵陽侯辭不受退而作歌水歷焦宋作焦

燒山東下與黑嶺水合水出西北黑嶺下即開蹊也其水東南流逕北鄉亭下又東南逕陽陵城東南逕陽泉水陽泉水又南注濩澤水又東南又有上澗水注之水導源西北輔山東逕銅于崖南歷析城山北山在濩澤南禹貢所謂砥柱析城至于王屋也山甚高峻上平坦下有二泉東濁西清左右不生草木數十步外多細竹其水自山陰東入濩澤水濩澤水又東南注于沁水沁水又東南陽阿水左入焉水北出陽阿川南流逕建興郡而其水又東南流逕午壁亭東而南入山沿波漱石瀨

澗八丈環濤轂轉西南流入于沁水又南五十餘

里汾宋本作洽上下步逕裁通小竹細筍被于山渚蒙

籠拔宋本作茂密奇宋本作最為翳薈也

又南出山過沁水縣北

沁水南逕石門也謂之沁口魏土地記曰河內郡

野王縣西七十里有沁水左逕舊本作在沁水城西

附城東南流也石門是晉安平獻王司馬孚之為

魏野王典農中郎將之所造也案其表云臣孚言

臣被明詔興河內水利臣既到檢行沁水源出銅

堤山屈曲周迴水道九百御覽引此作九百里自太行以西

王屋以東層巖高峻天時霖雨衆谷走水小口漂

迸宋本作小木門朽敗稻田汎濫歲功不成臣輒

按行去堰五里以外方石可得數萬餘枚臣以為

方石為門若天亢旱增堰進水若天霖雨陂澤充

溢則閉石斷水御覽引此注作閉防斷水空渠衍澇足以成河

雲雨由人經國之謀暫勞未逸聖王所許願陛下

特出臣表勅大司農府給人工勿使稽延以贊時

要臣孚言詔書聽許於是夾岸累石結以為門用

伐木門御覽引此注作用代木門枋故石門舊有枋口之稱矣

溉田頃畝之數門二玉海引此亦作間二歲月之似壘一字當作間關

功事見門側石銘矣水西有孔山山上石穴洞開
穴內石上有車轍牛跡者舊傳云自然成者非人
功所就也其水南分爲二水一水南出爲朱溝水
沁水又逕沁縣故城北蓋藉水以名縣矣春秋之
少水也京相璠曰晉地矣又云少水今沁水也沁
水又東逕沁水亭北世謂之小沁城沁水東右合
小沁水水出北山臺渟淵南流爲臺渟水南東入
沁水沁水又東倍澗水注之水北出五行之山南
流注于沁水

又東過野王縣北

沁水又東邗水注之出太行之阜山則宋本五行

之異名也淮南子曰武王欲築宮於五行之山周

公曰五行嶮固德能覆也內貢迴矣使吾暴亂則

伐我難矣君子以爲能持滿高誘云今太行山也

在河內野王縣西北上黨關也詩所謂徒矧野王

道傾蓋上黨關卽此山矣其水南流逕邗城西故

邗關宋本作邗國也城南有邗臺春秋僖公二十四年

王將伐鄭富辰諫曰邗武之穆也左傳云邗晉應

音于邗水邗城京相璠曰今野王西北三十里有

故邗城邗臺是也今故城當太行南路道出其中

漢武帝封李壽為侯國邗水又東南逕孔子廟東
廟庭有碑魏太和元年孔靈度等以舊字一作毀

落上求修復野王令范衆愛河中宋本作河內太守元

真刺史咸陽公高允表聞立碑於廟治中劉明駕

宋本作別駕呂次父主簿向班虎荀靈龜以宣尼大聖

非碑頌所稱宜立記焉云仲尼傷道不行欲北從

趙鞅聞殺鳴犢遂旋車而反及其後也晉人思之

於太行嶺南為之立廟蓋往時迴轅處也余按諸

子書及史籍之文並言仲尼臨河而歎曰丘之不

濟命也夫是非太行迴轅之言也碑云魯國孔氏

宥於洛陽因屠廟下以奉蒸嘗斯言至矣蓋孔氏

遷山下洛陽聖祖故立廟存饗耳其猶劉累遷

立堯祠於陶矣非謂迴轅於此也邗水東南逕

亭西京相璠曰又有亭在橋一作臺西南三十里今

是亭在邗城東南七八里蓋京氏之所謬耳或更

有之余所不詳其水又南流注于沁沁水東逕

王縣故城北秦昭王四十四年白起攻太行道絕

而韓之野王降始皇拔魏東地置東郡衛元君自

漢當作漢陽徙野王即此縣也漢高帝元年為殷國

二年為河內王莽之後隊前漢地理志云河內郡縣高帝置莽曰後隊

曰平野矣魏懷州刺史治皇都遷治省州復郡水
此有華嶽廟廟側有積栢數百根對郭臨川負岡
陰渚青青彌望奇可說也懷州刺史頓立李洪之
之所經構也廟有碑焉是河內郡功曹山陽荀靈
龜以和平四年造天安元年立沁水又東朱溝枝
津入焉又東與丹水合水出上黨高都縣故城東
北阜下俗謂之源源水山海經曰沁水之東有林
焉名曰丹林丹水出焉卽斯水矣丹水自源東北
流又屈而東注左會絕水地理志曰高都縣有莞
谷丹水所出東南入絕水是也絕水出泫氏縣西

北陽谷故地理志曰楊谷絕水所出東南流左會

左下舊本無會字

長平水水出長平縣西北小山東南流

逕其縣故城泫氏之長平亭也史記曰秦使左庶
長王齮攻韓取上黨上黨民走趙趙軍長平使廉

頗爲將後遣馬服君

克家云舊本無君字有之字吳本以之字改作君字似當

作馬服君子之子爲是

于趙括代之秦密使武安君白起攻之

括四十萬衆降起起坑之於此上黨記曰長平城
在郡之南秦壘在城西二軍共食流水澗相去五
里秦坑趙衆收頭顱築臺於壘中因山爲臺崔嵬
築起今仍號曰白起臺城之左右泂山亘隰南北

五十許里東西二十餘里悉秦趙故壘遺壁舊家

云疑存焉漢武帝元朔二年以封將軍衛青為侯

其東南流注絕水絕水又東南流逕泫氏縣故城

北竹書紀年曰晉烈公元年趙獻于城泫氏絕水

東南與泫水會水導源縣西北玄谷東流逕一故

城南俗謂之都鄉城又東南逕泫氏故城南世祖

建武六年封萬普為侯國而東會絕水亂流東南

入高都縣右入丹水上黨記曰長平城在郡南山

中丹水出長平北山南流秦坑趙眾流血丹山舊本

作丹由是俗名為丹水斯為不經矣丹水又東南

流注于丹谷即劉越石扶風歌所謂丹水者也晉

書地道記曰縣有太行關丹溪為關之東谷途自

此去不復由關夫宋本丹水又逕二石入北而各

在一山角倚相望南為河內北曰上黨三宋本都

以之分境丹水又東南歷西巖下巖下有大泉湧

發洪源巨輪謝兆申云宋本作洪流巨輪淵深不測

蘋藻冬疑誤芹竟川含綠雖巖辰肅月燕麥暄萋

丹水又南白水注之水出高都縣故城西所謂長

平白水也東南流歷天井關地理志曰高都縣有

天井關蔡邕曰太行山上有天井關在井北遂因

名焉故劉歆遂初賦曰馳太行之嶮峻入天井之高關太元十五年晉征虜將軍朱序破慕容末於太行遣軍至白水去長子一百六十里白水又東天井溪水會焉水出天井關北流注白水世謂之北流泉白水又東南流入丹水謂之白水交丹水又東南出山逕郟城西城在山際俗謂之期城非也司馬彪郡國志曰山陽有郟城京相璠曰河內山陽西北六十里有郟城竹書紀年曰梁惠成王元年趙成侯偃韓懿侯若伐我葵卽此城也丹水又南屈而西轉光溝水出焉丹水又西逕苑鄉城

北南屈東轉逕其城南東南流注于沁謂之丹水竹書紀年曰晉出公五年丹水三日絕不流幽公九年丹水出相反擊卽此水也沁水又東光溝水注之也水首受丹水東南流界溝水出焉又南入沁水又東南流逕成鄉城北又東逕中都亭南又合界溝水水上承光溝東南流長明溝水出焉又南逕中都亭西而南流注于沁水也

又東過周縣北

縣故周也春秋左傳隱公十有一年周以賜鄭公孫段六國時韓宣子徙居之有白馬溝水注之亦

首受白馬湖湖一名朱管陂陂上承長明溝湖水
東南流逕金亭西分爲二水一水東出爲蔡溝一
水南流于沁也

又東過邢丘

一曰懷縣之北

韓詩外傳曰武王伐紂到邢丘更名邢丘曰懷

韓詩作懷甯

春秋時赤翟伐晉圍懷是也王莽以爲河

內故河內郡治也舊三河之地矣韋昭曰河南河
東河內爲三河也縣北有沁陽城沁水逕其南而
東注也

又東過武德縣南又東南至滎陽縣北東入于河

沁水於縣南水積爲陂通結數湖有朱溝水注之
其水上承沁水於沁水縣西北自方口東南流奉
溝水右出焉又東南流右泄爲沙溝水也其水又
東南於野王城西枝渠左水焉以周城漑東逕野
王城南又屈逕其城東而北注沁水朱溝自枝渠
東南逕州城南又東逕懷城南又東逕殷城北郭
緣生述征記曰河之北岸河內懷縣有殷城或謂
楚漢之際殷王卬治之非也余按竹書紀年云秦
師伐鄭次于懷城殷卬卽是城也然殷之爲名久
矣知非從卬始昔劉聰以郭默爲殷州刺史都督

緣河諸軍事治此朱溝又東南注于湖湖水又右
納沙溝水水分朱溝南派東南逕安昌城西漢成
帝河平四年封丞相張禹為侯國今城之東南有
古冢時人謂之張禹墓余按漢書禹河內軹人徙
家蓮芍鴻嘉元年禹以老乞骸自治冢塋起祠堂
於平陵平之肥牛亭近延陵奏請之詔為徒當作
亭哀帝建平二年薨遂葬於彼此則非也沙溝又
東逕隰城北春秋僖公二十五年取大叔於溫殺
之於隰城是也京相璠曰在懷縣西南又逕殷城
西東南流入於陂陂水又值東南流入於河先儒

亦咸謂是溝為沛渠故班固及闕駟並言沛水至
武德入河蓋沛水枝瀆條分所在布稱亦兼丹水
之目矣孫云沛渠沛水沛並當作沛

淇水出河內隆慮縣西大號山

山海經曰淇水出沮如山水出山側頽波瀕注衝
激橫山山上合下開可減六七十步巨石礫砢交

積隍澗傾澗渰盪

御覽引此作傾澗渰盪

勢同雷轉激水散

氛暖若霧合又東北活水注之水出壺關縣東玷

臺下石壁崇高昂藏隱天泉流發于西北隅與金

谷水合金谷即玷臺之西溪也東北會水又東流

注淇水又逕南羅川又歷之羅城北東北與女臺水會合水發西北三女臺下東北流注于淇淇水

又東北逕其淇一作陽川逕石城西北城在原上帶

澗枕淇淇水又東北西流水注之水出東大嶺下

西流逕石樓南在北陵石上練垂桀立亭亭極峻

其水西流水也又東逕馮都壘南世謂之淇陽城

在西北三十里淇水又東出山分為二水會立石

堰遏水以沃白溝左為宛舊本作苑水右則淇水自元

甫城東南逕朝歌縣北竹書紀年晉定公二十八

年淇絕于舊衛即此也淇水又東屈而西轉逕頓

丘北故闕駟云頓丘在淇水南又屈逕頓丘西爾

雅曰山一成謂之頓丘釋名謂一頓而成丘無高

下小大之殺也釋名曰丘一成曰頓丘一頓而成無上下大小之殺也詩所

謂送子涉淇至于頓丘者也魏徙九原西河出軍

諸胡置五軍於丘側故其名亦曰五軍也太和泉

源水此下自水有二源至更相通注河清止九百一十五字吳本誤入于十三卷濕水注中是

洛陽八風谷之繼水有二源一水出朝歌城西北

東南老人晨將渡水而沈吟難濟紂問其故左右

曰老者髓不實故暑寒也謝云宋本作晨寒焯謂當作畏寒轉寫之譌耳

紂乃於此斫脛而視髓也其水南流東屈逕朝歌

城南晉書地道記曰本涿邑也詩云爰采唐矣沫之鄉矣殷王武丁始遷居之為殷都也禹貢紂都在冀州大陸之野即此矣有糟丘酒池之事焉有新聲靡樂號邑朝歌晉灼曰史記樂書紂為朝歌之音朝歌者歌不時也故墨子聞之惡而避車不逕其邑論撰考識曰邑名朝歌顏淵不舍七十弟子掩目宰予獨顧由魘墮車宋均曰子路患宰予顧視凶地故以足魘之使墮車也今城內有殷鹿臺紂昔自投於火處也竹書紀年曰武王親禽帝受卒

卒當作辛舊本無此字肆按書秦誓稱商王受則呼其名也史記云名辛是為帝辛天下

謂之紂竹書亦名受而沈約注一曰受辛呂氏春秋云紂名受德孟子墨子尸子皆稱紂諡法殘義損善曰紂蓋死後人諡之也于南單之臺遂分天之明南單之

臺蓋鹿臺之異名也武王以殷之遺民封紂子武庚於茲邑分其地為三曰邶鄘衛使管叔蔡叔霍叔輔之為三監叛周討平以封康叔為衛箕子佯狂自悲故琴操有箕子操逕其墟父母之邦也不勝悲作麥秀歌地居河淇之間戰國時皆屬於趙男女淫縱有紂之遺風後乃屬晉山嶮宋本作晉多寇漢以虞詡

作晉王嶮肆謂晉字屬上句若言土嶮不成文理或是山字乃通

別利器乎又東與左水合謂之馬溝水水出朝歌
 城北東流南屈至其城東又東流與美溝合水出
 朝歌西北夫嶺下更出逕駱駝谷於中逶迤九十
 曲故俗有美溝之目矣歷十二嶧嶧流相承泉響
 不斷返水捍注倦後倦後二字譌誤未詳深隍隍間積石下
 通水穴為變古本作積石千通宋本作水穴似誤觀者
 若思疑作苦思不周賞情之疑作乏圖狀矣其水更逕朝
 歌城北又東南流注馬溝水又東南注淇水為肥
 泉也故衛詩曰我思肥泉茲之未嘆毛注云同出
 異歸為肥泉爾雅曰歸異出同曰肥釋名曰本同

更相通注河清水盛北入故渠自此始矣一水東
 流逕枋城南東與宛口合宛水上承淇水於元甫
 城西北自石堰東注宛城西屈逕其城南又東南
 流歷五軍東北得舊石沮故五水分流世號五穴
 口今惟通井謝云宋本作并為二一水西注淇水謂之天
 井溝一水逕五軍東分為蓼溝東入白祠陂宋本作白
杞舊本作白又南分東入同山陂溉田七十餘頃
祀未詳孰是二陂所結即臺陰野矣宛水東南入淇水淇水右
 合宿胥故瀆瀆受河於頓丘縣遮害亭東黎山西
 北會淇水處立石堰過水今更東北注魏武開白

溝因宿胥故瀆而加其功也故蘇代曰決宿胥之口魏無虛頓丘蘇代語見燕策即指是瀆也淇水又東北

流謂之白溝逕雍榆城南春秋襄公二十三年叔

孫豹救晉次于雍榆城者也淇水逕其城東北

逕同山東又北逕其城東北逕帝學冢西世謂

之頓丘臺非也皇覽曰帝學冢在東郡濮陽頓丘

城南臺陰野中者也又北逕白祠山東歷廣陽里

逕顓頊冢西俗謂之殷王陵非也帝王世紀曰顓

頊葬東郡頓丘城南廣陽里大冢者是也淇水又

北逕頓丘縣故城西古文尚書以為觀地矣蓋太

出時所浸濶少所歸各枝散而多似肥者也犍為

舍人曰水異出流行合同曰肥今是水異出同歸

矣博物志謂之澳水詩云瞻彼淇澳棗竹猗猗毛

云棗王芻也竹編竹也毛傳作篇竹爾雅作篇蓄漢武帝塞決

河斬淇園之竹木以為用寇恂為河內伐竹淇川

治矢百餘萬以溢軍資溢當作益御覽引此作以輸軍資後漢書寇恂傳作

以給今通望淇川無復此物唯王芻編草不異毛

興謝云宋本作不異毛注又言澳隈也鄭亦不以為津源而

張司空專以為水流入於淇非所究也然斯水即

詩所謂源泉之水也故衛詩云泉源在左淇水在

右衛女思歸指以為喻淇水左右蓋舉水所入為左右也淇水又南歷枋堰舊淇水南東流逕黎陽縣界南入河地理志曰淇水出共東至黎陽入河溝洫志曰在遮害亭西一十八里至淇水口是漢建安九年魏武王於水口下大枋木以成堰遏淇水東入白溝以通漕運故時人號其處為枋頭是以盧諶征艱賦曰後背洪枋巨堰深渠高隄者也自後遂廢魏熙平中復通之故渠歷楊城北東出今瀆破故堰其堰悉鐵柱木石參用其故瀆南逕枋城西又南分為二水一水南注清水水流上下

庚

大庚字誤當作太康國語士壘曰啓有五觀弟湯有太甲韋昭注云五觀啓子太康昆弟也

五君之號曰五觀者也竹書紀年晉定公三十一年城頓丘皇覽曰頓丘者城門名頓丘道世謂之殷皆非也蓋因丘而為名故曰頓丘矣淇水東北逕柱人山東

柱當作在隋圖經曰柱人山谷名山陽三山或云紂殺比干於此山因得名古凡伯國地也隋書地志云

汲郡黎陽有大伾山在八山

牽城西春秋左傳

定公十三年公會齊侯衛侯于牽者也杜預曰黎陽東北有牽城即此城矣淇水又東北逕石柱岡東北注矣

孫云按春秋定十四年公會齊侯衛侯于牽左傳會于脾上梁之間注即牽地

又東過內黃縣南為白溝

九經通考 卷九
三見五
洪水又東北逕并陽城西世謂之辟陽城非也卽郡國志所謂內黃縣有并陽聚者也白溝又北左合陽水又東北流逕內黃縣故城南縣右對黃澤郡國志曰縣有黃澤者地理風俗記曰陳留有外黃故加內史記曰趙廉頗伐魏取黃卽此縣屈從縣東北與洹水合

白溝自縣北逕戲陽城東世謂之義陽郭春秋公十年晉荀盈如齊逆女還卒戲陽是也白溝又北逕高城亭東又洹水從西南來注之又北逕問亭東卽魏界也應劭曰縣故城魏武侯之別都也

城內有武侯臺王莽之魏城亭也左與新河合洹水枝流也白溝又東北逕銅馬城西蓋光武征銅馬所築也故城得其名矣白溝又東北逕羅勒城東又東北漳水注之謂之利漕口自下清漳白溝淇河咸得通稱也

又東北過館陶縣北又東北過清淵縣西

白溝水又東北逕趙城西又北阿難河出焉蓋魏將阿難所導以利衡瀆首有阿難之稱矣白溝又東北逕空陵城西又北逕喬亭城西東去館陶縣故城十五里縣卽春秋所謂冠氏也魏陽平郡治

也其水又屈逕其縣北又東北逕平恩縣故城東
 地理風俗記曰縣故館陶之別鄉也漢宣帝元康
 三年置以封后父許伯為侯國地理志王莽之延
 平縣矣淇水又東過清淵縣故城西又歷縣之西
 北為清淵故縣有清淵之名矣世謂之魚池城非
 也淇水之宋本東北逕榆陽城北漢昭帝封太常
 江德為侯國文穎曰邑在魏郡清淵世謂之清淵
 城非也

又東北過廣宗縣東為清河

清河東北逕廣宗縣故城南順帝永元五年封皇

太子萬年為王國田融言趙立建興郡於城內置
 臨清縣於水東自趙石始也清河之右有李雲墓
 雲字行祖甘陵人好學善陰陽舉孝廉遷白馬令
 中常侍單超等立掖庭民女亳氏為后瑋云脫家
 封者四人賞賜巨萬雲上書移列三府曰孔子云
 帝者諦也今尺一拜用不逕御者是帝欲不諦乎

瑋按後漢書作移副三府曰今尺一拜用不逕御者是帝欲不諦乎帝怒下獄殺之

後冀州刺史賈瑤後漢書使行部過祠雲墓刻石

表之今石柱尚存俗猶謂之李氏石柱清河又東

北逕界城亭東水上有大梁謂之界城橋英雄記

曰公孫瓚擊青州黃巾賊大破之還屯廣宗袁本
 初自往征瓚合戰于界橋南二十里紹將鞠義破
 瓚於界城橋斬瓚冀州刺史嚴綱後漢書作斬其綱
 又破瓚殿兵於橋上卽此梁也世謂之鬲城橋
 蓋傳呼失實矣清河又東北逕信鄉西地理風俗
 記曰甘陵西北十七里有信鄉故縣也清河又北
 逕信成縣故城西應劭曰甘陵西北五十里有信
 成亭故縣也趙置水東縣於此城故亦曰水東城
 清河又東北逕清陽縣故城西漢高祖置清河郡
 治此中元二年景帝封皇子乘爲王國王莽之河

平也漢光武建武二年西河鮮于冀爲清河太守
 作公廨未就而亡後守趙高計功周二百萬五官
 董秉功曹劉適言四百萬錢於是冀乃懸梟白日
 道從入府與高及秉等對共計校定爲適秉所割
 匿冀乃書表自理其略言高貴不尚節略適之夫
 而箕踞遺類研密失機婢妾其性媚世求顯偷竊
 銀艾鄙辱天官易譏負乘誠高之謂臣不勝鬼言
 謹因千里驛聞待宋本作付高上之便西北去三十里
 車馬皆滅不復見秉等皆伏地物故高以狀聞詔
 下還冀西河田宅妻子焉兼爲差代以旌幽中之

漢桓帝延和元年改清河爲甘陵王國以王妖
言徙其年立甘陵郡治此焉

又東北過東武城縣西

清河又東北逕陵鄉西應劭曰東武城西南七十
里有陵鄉故縣也後漢封太僕梁松爲侯國故世
謂之梁侯城遂立侯城縣治也清河又東北逕東
武城故縣城西史記趙公子勝號平原君以解邯
鄲之功受封於此定襄有武城故加東矣清河又
東北逕復陽縣故城西漢高祖七年封右司馬陳
胥爲侯國王莽更名之曰樂歲地理風俗記曰東

武城西北三十里有復陽亭故縣也世名之曰檻

城非也清河水又東北流逕棗彊縣故城西史記

建元以來王子侯者年表云漢武帝元朔二年封

廣川惠王子晏爲侯國也應劭地理風俗記曰東

武孫云此下當有城字西北五十里有彊城宋本作棗彊城故縣也

又北過廣川縣東

清水北逕廣川縣故城南闕駟曰縣有長河爲流

故曰廣川也水側有羌壘姚氏之故居也今廣川

縣治清河又東北逕歷縣故城南地理志信都之

屬縣也王莽更名曰歷寧也應劭曰廣川縣西北

三十里有歷城亭故縣也今亭在縣東如當作此水濟尚謂之為歷口渡也

又東過修縣南又東北過東光縣西

清河又東北左與張甲屯絳故瀆合阻深堤高鄣

無復有水矣又逕修縣故城南屈逕其城東修音

條王莽更名之曰治修郡國志曰故屬信都清河

又東北左與黃漳板津宋本作枝津故瀆合又東北逕

修國故城東漢文帝封周亞夫為侯國故世謂之

北修城也清河又東北逕邸閣城東城臨側清河

晉修縣治城內有縣長魯國孔明碑清河又東至

東光縣西南逕胡蘇亭者是世謂之羌城非也又

東北右會大河故瀆又逕東光縣故城西後漢封

耿純為侯國初平二年黃巾三十萬人入北海據後

漢書當作渤海公孫瓚破之於東光界追奔是水斬首三

萬流血丹水即是水也後漢書曰青徐黃巾三十萬衆入渤海界公孫瓚率

步騎一萬人逆擊于東光南大破之斬首三萬餘級

又東北過南皮縣西

清河又東北無棣溝出焉東逕南皮縣故城南又

東逕樂亭北地理志之疑作云臨樂縣故城也王莽

更名樂亭晉書地道志太康地記樂陵國有新樂

縣卽此城矣又東逕新鄉城北卽地理志高樂故
城也王莽更之曰爲鄉矣無棣溝又東分爲二瀆
無棣溝又東逕於樂陵郡北又東屈而北出又東
轉逕宛鄉故城南又東南逕高城縣故城南與枝
瀆合溝上承無棣溝南逕樂陵郡西又東南逕千
童縣故城東漢地理志千童縣屬勃海郡靈帝改曰饒安史記建元以
來王子侯者年表曰故重也一作千鍾漢武帝元
朔四年封河間獻王舊本作靖王子劉陰爲侯國應劭
曰漢靈帝改曰饒安也滄州治枝瀆又南東屈東
北注無棣溝無棣溝又東北逕一故城北世謂之

功城也又東北逕鹽山東北入海春秋僖公齊楚
之盟於邵陵也管仲曰昔召康公錫命先君太公
履北至於無棣蓋四履之所也京相璠曰舊說無
棣在遼西孤竹縣二說參差未知所定然管仲以
責楚無棣在此方之爲近旣世傳以文以文字誤當作已久

且以聞見書之清河又東北逕南皮縣故城西十
三州志曰章武有北皮亭故此曰南皮也王莽之
逆河亭史記惠景侯者年表云漢文帝後元年中
封孝文后兄子彭祖爲侯國漢建安中魏武擒袁
譚於此城也清河又北逕皮城東左會譚地宋本作池

別瀆謂之合故謂之合城也地理風俗記曰南皮城北五十里有北皮城也

又東北逕浮陽縣西

河東北浮水故瀆出焉按史記趙之南界有浮水焉浮水在南而此有浮陽之稱者蓋浮水出入津流同逆混拜清漳二瀆河之舊道浮水故迹又自斯別是縣有浮水之名也首受清河於縣界東北逕高城縣之宛鄉城北又東逕章武縣之故城漢文帝後元中封孝文后弟竇廣國為侯國王莽更名桓章地理志章武縣屬渤海郡莽曰桓章晉太始中立章武郡治

此浮水故瀆又東逕篋山北魏氏土地記曰高城東北五十里有篋山長七里浮瀆又東北逕柳縣故城南漢脫一武字帝元朔四年封齊孝王子劉陽為侯國地理風俗記曰高城縣東北五十里有柳亭故縣也世謂之辟亭非也浮瀆又東北逕漢武帝望海臺又東注于海應劭曰浮縣浮水所出入海潮汐往來日再今溝無復有水也清河又北分為二瀆枝分東出又謂之浮瀆清河又北逕浮陽故城西王莽之浮城也建武十五年更封騎將軍平鄉侯劉歆為侯國浮陽郡治又東北澤施別瀆注

焉謂之合河也

又東北過濊邑北

濊水出焉

又東北過鄉邑南

清河又東分為二水枝津右出焉東逕漢武帝故臺北魏氏土地記曰章武縣東一百里有武帝臺南北有二臺相去六十里基高六十丈俗云漢武帝東巡海上所築又東注于海清河又東北逕紵姑邑南俗謂之新城非也

又東北逕窮河邑南

清河又東北逕窮河邑南俗謂之三女城非也

北至泉周縣北入溥洳水經曰當作白笥溝疑作溝泉

周縣東南與清河合者目下為清河下邑也又東

泉周泉當作縣出焉

又東北過漂榆邑入于海

清河又東逕漂榆邑故城南俗謂之角飛城趙記

云石勒使王述煮鹽於角飛即城異名矣魏土地

記曰高城縣東北一百里北盡漂榆東臨巨海民

咸煮海水藉鹽為業即此城也清河自是入于海

蕩水出河內蕩陰縣西山東

水經注卷之九
蕩水出縣西石尚山泉流逕其縣故城南縣因水以取名也晉伐成都王穎敗帝于吳水之南廬林四王起事曰惠帝征成都王穎戰於時舉輦司馬八人輦猶在肩土軍人競就殺舉輦者乘輿頓地帝傷三夫知一作百僚奔散唯侍中嵇紹扶帝上將兵之帝曰吾吏也勿害之衆曰受太弟命唯不犯陛下一人耳遂斬之血汙帝袂將洗之帝曰嵇侍中血勿洗也此則嵇延祖殞命之所

又東北至內黃縣入于黃澤

美水出蕩陰西北韓太牛泉地理志曰縣之西山

美水所出也美水又東逕韓附壁北又東流逕美城北故美里也史記音義曰牖里在蕩陰縣廣雅稱獄犴也夏曰夏臺殷曰美里周曰囹圄皆圜土昔殷紂納崇侯虎之言囚西伯於此散宜生南宮括見文王乃演易用明否泰始終之義焉美城北水積成淵方一十餘步深一丈餘東至內黃與防水會水出西山馬頭澗東逕防城北盧諶征艱賦所為當作越防者也其水東南流注于美水又東歷黃澤入蕩水地理志曰美水至內黃入蕩者也蕩水又東與長沙溝水合其水導源里山北谷東

流逕晉鄙故壘北謂之晉鄙城名之為魏將城昔
魏公子無忌矯奪晉鄙軍於是處故班叔皮遊居
賦曰過蕩陰而弔晉鄙責公子之不臣者也淇水
又東謂之宜師溝又東逕蕩陰縣南又東逕柱人
山柱當作在隋圖經云東北至內黃澤右入蕩水
亦謂之黃雀溝是水秋夏則泛春冬則耗水又逕
內黃城南陳留有外黃故稱內也東注白溝

洹水出上黨泫氏縣

水出洹山山在長子縣也

東過隆慮縣北

縣北有隆慮山昔帛仲理之所遊神也縣因山以

取名漢高帝六年封周竈為侯國應劭曰殤帝曰

隆故改從林也縣有黃水出于神囷之山黃華谷

地宋本作北崖山高十七里水出木門帶帶即山之第

三級也去地七里縣水東南注壑直瀉巖下狀若

雞翹史游急就章曰春草雞翹鳥翹顏師古注

云雞翹雞尾之曲垂也又漢輿服志云鸞旗故謂之雞翹洪蓋亦天台赤城

流也其水東流至谷口潛入地下東北一十里復

出名柳渚渚周四五里是黃水重源再發也東流

葦泉水注之出林慮川北澤中東南流與雙泉合

水魯般門謝云宋本作水出魯般門東下流入葦泉水葦泉水

又東南流注黃水謂之陵陽水又東入于洹水也

又東北出山逕鄴縣南

洹水出山連逕殷墟北竹書紀年曰盤庚卽位自

奄遷于此遂曰殷昔者項羽與章邯盟於此地矣

洹水又東枝津出焉東北流逕鄴城南謂之新河

又東分爲二水北逕東明觀下者當作昔慕容雋夢

石虎齧其臂寤而惡之購求其尸而莫知之後宮

嬖妾言虎葬東明觀下於是掘焉下度三泉得其

棺剖棺出尸尸僵不腐雋罵之曰死胡安敢夢生

天子也使御史中尉楊約數其罪而鞭之此蓋虎

始葬處也又北逕建春門石梁不高大治石工密

舊橋首夾建兩石柱螭短謝云宋本作矩趺勒甚佳乘輿

南幸以其作制華妙致之平城東側西屈宋本作闕北

對射堂津宋本作淥水平潭碧林浦側可遊意矣其水

際其西逕魏武玄武故苑苑舊有玄武池以肄舞

楫有魚梁釣臺竹木灌叢今池林絕滅略無遺跡

矣其水西流注于漳南水東北逕女亭城北又東

北逕高陵城南東合垆溝又東逕鷓鴣陂北與台

陂水合陂東西三十里南北注白溝河溝上承洹

水北絕新河北逕高陵城東又北逕斥丘縣故城

舊本作赤丘

蓋因丘以爲縣故乾侯

矣春秋經書昭公二十八年始之始之當作公如晉次于

乾侯也漢高帝六年封唐廣爲侯國孫云按史記斥丘侯唐厲

王莽之利丘矣又屈逕其北城東北流注于白溝

洹水自鄴東逕安陽縣故城北徐廣晉紀曰石遵

自孚城北入斬張豹於安陽是也魏土地記曰鄴

城南四十里有安陽城城北有洹水東流者也洹

水又東至長樂縣左側則溝出焉洹水又東逕長

樂縣故城南按晉書地理志曰魏郡有長樂縣也

又東過內黃縣北東入于白溝

洹水逕內黃縣北東流注于白溝世謂之洹水也

許慎說文呂忱字林並云洹水出晉魯之間昔聲

伯夢涉洹水或與其瓊瓌而食之泣而又與瓊瓌

盈其懷矣從而歌曰濟洹之水贈我以瓊瓌歸乎

歸乎瓊瓌盈吾懷後言之暮而卒脫一是水也左傳

曰公孫聲伯夢涉洹或與已瓊瓌食之泣而爲瓊

瑰盈其懷從而歌之云云懼不敢占也還自伐鄭

至于狸脈而占之曰余恐死也故不敢占言之之暮而卒

水經注箋卷第十

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

濁漳水 清漳水

濁漳水出上黨長子縣西發鳩山之漳水焉

出麓谷與發鳩連麓而在南御覽引此注云漳水出麓谷山與發鳩連

麓而淮南子謂之發苞山故異名互見也左則陽

泉水注之右則散蓋水入焉三源同出一山但以

南北為別耳

東過其縣南

又東堯水自西山東北流逕堯廟北又東逕長子

縣故城南周史辛甲所封邑也

左傳魏莊子曰辛甲為周太史命百

官官箴王闕劉向別錄云辛甲事紂七十五諫而不聽去之周文王以為公卿封之長子漢志注云

長讀作長短之長

春秋襄公十八年晉人執衛行人石買

於長子卽是縣也秦置上黨郡治此也其水東北

流入漳水漳水東會于梁水梁水出南梁山北流

至長子縣故城南竹書紀年曰梁惠成王十二年

鄭取屯留尚子沮

一作沮疑作則

尚子卽長子之異名也

梁水又北入漳水

屬從縣東北流注

陶水南出南陶北流至長子城東西轉逕其城北

東注于漳水

又東過壺關縣北

漳水東逕屯留縣南又屈逕其城東東北流有絳

水注之絳水西出穀遠縣東發鳩之谷謂之絳水

西出穀遠縣為濫水屯

謝云宋本屯作也

東逕屯留縣故

城南故留子國也潞氏之屬春秋襄公十八年晉

人執孫蒯於純

孫云左傳注純音屯

留是也其水東北流入

于漳故桑欽云絳水

孫云水下當有逕字

屯留西南東入漳

漳水又東陳水注之水出西發鳩山東逕余吾縣故城南漢光武建武六年封景丹尚子為侯國陳水又東逕屯留縣故城北竹書紀年梁惠成王元年韓共侯趙成侯遷晉桓子宋本作桓公于屯留史記趙肅侯奪晉君端氏而徙居之此矣其水又東流注于漳故許慎曰水出發鳩山入關從水章聲也漳水逕壺關縣故城西又屈逕其城北故黎國也有黎亭縣有壺口關故曰壺關矣呂后元年立孝惠後宮子武為侯國漢有壺關三老公乘輿上書訟衛太子即邑人也縣在屯留東不得先壺關而後

屯留也漳水歷鹿臺山與鞮水合水出銅鞮縣西

北石磴山東流與專池水合出八持山八持當作八持

潘尼西道賦云羊羹八持成臯黃馬是也東北流入銅鞮水銅鞮水又

東南逕女諫水西北好松山東南流北則葦池水

與公主水合而右注之南則榆交水與皇后水合

而左入焉亂流東南注于銅鞮銅鞮水宋本水下有東逕二

字李熹墓前有碑碑石破碎故李氏以太和元年

立之晉諸公讚曰李熹字季和上黨人少有高行為樸射年老遜位拜光祿大夫羊叔子所謂

光祿大夫李熹秉節高亮正身在朝者也其水又東逕故城北城在山

阜之上下臨岫壑東西北三面咀衰二里世謂之

斷梁城即故縣之上虎亭也銅鞮水又東逕銅鞮縣故城北城在水南山中晉大夫羊舌赤銅鞮伯華之邑也漢高祖破韓王信於此縣也銅鞮水又

東南流逕項一作城西即縣之下虎聚也地理志

曰縣有上虎亭下虎聚者也後魏地形志長子有應城傾城幸城而前

漢地志銅鞮縣有上虎亭下虎聚則後魏之傾城即漢之銅鞮也銅鞮又南逕胡

邑西又東屈逕其城南又東逕襄垣縣入于漳漳

水又東北流逕襄垣縣故城南王莽之上黨亭

又東北過屯留縣潞縣北謝兆申云宋本無屯留縣三字據按屯留與潞縣俱

屬上黨郡

縣故赤翟潞子國也其相豐舒有雋才而不以茂德晉伯宗數其五罪使荀林父滅之闞駟曰有潞

水為冀州浸即漳水也余按燕書王猛與慕容評

相遇於潞川也鄆固山泉鬻水與軍入宋本絹匹

水二石十六國春秋云王猛入晉陽慕容評畏猛不敢進屯於潞川評為人貪鄙鄆固山泉

鬻水與軍入絹一匹得水二石積佗大川可以為

侵宋本所有巨浪長湍唯潭宋本水耳故世人亦

謂濁漳為潞水矣縣北對故壁臺漳水逕其南本

潞子所立也世名之為臺壁也慕容垂伐慕容永

於長子軍次潞川永率精兵拒戰阻河自固垂陣

壁臺一戰破之卽是處也漳水於是左右黃須水

口水出壁臺西張譚謝云詳下巖下世傳巖赤則

土離宋本兵害故惡其變化無常恒以石粉汗之

令白是以俗目之爲張諱巖其水南流逕臺壁西

又南入于漳漳水又東北歷望夫山山之南有石

人竚於山上狀有懷於雲表因以名焉有洹水西

出覆甌山而東流與西湯溪水合出涅縣西山湯

谷五泉俱會謂之五會之泉交東南南流謂之西湯

水又東南流注涅水又東逕涅氏縣漢志有故城

南縣氏涅水也東與白鷄水出縣之西山東逕其

縣北東南流入涅水涅水又東南與武鄉水會焉

水源出武山西南逕武鄉縣故城西而南出得清

谷口水源出東北長山清谷西南與鞞鞞白壁三

水合南入武鄉水又南得黃水口黃水三源同注

一壑東南流與隱室水合水流西北出隱室山東

南注潢水克家云疑又東入武鄉水武鄉水又東

南注于涅水涅水又東南流注于漳水漳水又東

逕碯陽城北倉石水入焉水出林慮縣之倉石溪

東北逕魯班門西闕昂藏碑云昂藏是軒露後大

以昂志天下昂藏故曹故名石壁霞舉左右結石

修坊宋本崇基仍存北逕偏橋東卽林慮之嶠嶺

抱犢固也石磴西陞陟踵脩上五里餘崿路中斷

四五丈中以木爲偏橋劣得道宋本行亦言故有

偏橋之名矣自上猶須攀蘿捫葛方乃自津山頂

卽庚眩墜處也埤云庚眩未詳或當是爰眩倉石

溪水又北合白水溪溪水出壺關縣東白木川東

逕百畝城北蓋同仇池百頃之稱矣後漢書云白

月貪貨死利居於河池一名仇池方百頃四面斗

絕仇池記云仇池百頃周圍九千四百步天形四

方壁立千仞凡二十又東逕林慮縣之石門谷又

注于蒼溪水蒼溪水又北逕礪陽城東而北流注

于漳水漳水

公亭北而東去矣

又東過武安縣

漳水謝云宋本漳於縣東清水自涉縣東南來注

流之世謂決入之所謂交漳口也

又東出山過鄴縣西

漳水又東逕三戶峽爲三戶津張晏曰三戶地名

也在梁期西南孟康曰津峽名也在鄴西四十里

又東汗宋本水注之水出武安縣山東南流逕于

城北昔項羽與蒲將軍英布濟自三戶破章邯于

是水汗水東注于漳水漳水又東逕武城南世謂

之梁期城梁期在鄴北俗亦謂之兩期城皆為非也司馬彪郡國志曰鄴縣有武城武城即期城矣漳水又東北逕西門豹祠前祠東側有碑隱起為字祠堂東頭石柱勒銘曰趙達當作武中所修也魏文帝述征賦曰羨西門之嘉迹忽逕宋本作遙睇其靈宇漳水右與枝水合其水上承漳水於邺會西而東別與邯水合水發源邯山東北逕邺會縣故城西北注漳水故曰邯會也張晏曰漳水之別自城西南與邯山之水會今城旁猶有溝渠存焉漢武帝元朔二年封趙敬肅王子劉仁為侯國其水

又東北入于漳昔魏文侯以西門豹為鄴令也引漳以溉鄴民賴其用其後至魏襄王以史起為鄴令又堰漳水以灌鄴田咸成沃壤百姓歌之魏武王又竭漳水迴流東注號天井堰里中作十二燈燈相去三百步令互相灌注一源分為十二流皆懸水門陸氏鄴中記云水所溉之處各曰晏陂澤故左思之賦魏都也謂燈流十二同源異名者也魏武之攻鄴也引漳水以圍之獻帝春秋曰司空鄴城圍周四十里初淺而狹如或可越審配不出爭利望而笑之司空一夜增修廣深二丈引漳水

以注之遂拔鄴

後漢書曰曹操進攻鄴鑿堦圍城周四十里初令淺示若可越配望

見笑而不出爭利操一夜濬之廣深二丈引漳水以灌之自五月至八月城中餓死者過半

齊桓公所置也故管子曰築五鹿中牟鄴以衛諸

夏也後屬晉魏文侯七年始封垓地

謝云宋本作始封此地

故曰魏也漢高帝十二年置魏郡治鄴縣王莽更

名魏城後分魏郡置東西都

宋本作部

都尉故曰三魏

魏武又以郡國之舊引漳流自城西東入逕銅雀

臺下伏流入城東注謂之長明溝也渠水又南逕

止車門下魏武封於鄴為北宮宮有文昌殿溝水

南北夾道枝流引灌所在通漑東出石竇下注之

湟水故魏武登臺賦曰引長明灌街里謂此渠也

石氏於文昌故殿處造東西太武二殿於濟北殿

城之山採文石為基

十六國春秋云石虎造東西太武二殿採穀城

一基下五百武直宿衛屈柱

屈柱似是屋柱之譌

瓦悉鑄銅為之金漆圖飾焉又徙長安洛陽銅人

置諸宮前以華國也城之西北有三臺皆因城之

為基

當作城為之基

巍然崇舉其高若山建安十五年魏

武所起平坦略盡春秋古地云葵丘地名今鄴西

臺是也謂臺已平或更有見意所未詳其中曰銅

臺高十丈有屋百餘間臺成命諸子登

之並使爲賦陳思王下筆成章美捷當時亦魏武
望奉常王叔治之處也昔嚴才與其屬攻掖門脩
闕變車馬未至便將官屬步至宮門太祖在銅雀
臺望見之曰彼來者必王叔治也相國鍾繇曰舊
京城有變九卿各居其府卿何來也脩曰食其祿
焉避其難居府雖舊非赴難之義時人以爲美談
矣石虎更增二丈立一屋連棟接檐宋本本彌覆其
上盤迴隔之名曰命子窟又於屋上起五層樓高
十五丈去地二十七丈又作銅雀於樓巔舒翼若
飛南則金雀臺高八丈有屋一百九間北曰冰井

臺亦高八丈有屋一百四十間上有冰室室有數
井井深十五丈藏冰及石墨焉石墨可書又然之
難盡亦謂之石炭又有粟窖及監監疑以備不虞
今窖上猶有石銘存焉左思魏都賦曰三臺列峙
而崢嶸者也城有七門南曰鳳陽門中曰中陽門
次曰廣陽門東曰達春一作建春門北曰廣德門次曰
廐門西曰金明門一曰白門鳳陽門三臺洞開高
三十五丈石氏作層觀架其上置銅鳳頭高一丈
六尺東城上石氏立東明觀觀上加金博山謂之
鏘天北城上有齊午宋本樓超出羣榭孤高特立

其城東西七里南北五里飾表以塼百步一樓凡

諸宮殿門臺隅雉皆加觀榭層甍及當作宇飛檐

拂雲西京賦云及宇業業飛檐轆轤十圖以丹青

色以輕素當其全盛之時去鄴六七十里遠望若

亭巍若仙居魏因漢祚復都洛陽以譙之先人本

國謝云宋本作譙為先人本國許昌為漢之所居長安為西京

之遺迹鄴為王業之本基故號五都也今相州刺

史及魏郡治漳水自西門豹祠北逕趙閱馬臺西

基高五丈列觀其上石虎每講武於其下升觀以

望之虎自於臺上放鳴鏑之矢以為軍騎出入之

節矣漳水又北逕祭陌西戰國之世俗巫為河伯

取婦祭於此陌魏文侯時西門豹為鄴令約諸三

老曰為河伯娶婦卒來告知史記作幸吾欲送女

皆曰諾至時三老廷掾賦歛百姓取錢百萬巫覡

行里中有好女者覡當為河伯婦覡字誤史記作云是當為河伯

婦以錢三萬聘女沐浴脂粉如嫁狀豹往會之三

老巫掾與民咸集赴觀巫嫗年七十從十女弟子

豹呼婦視之以為非妙令巫嫗入報河伯投巫於

河中有頃曰何久也又令三弟子及三老入白並

投於河豹聲當作折曰三老不來柰何復欲使廷

大經注卷一
三頁七
掾豪長趣之皆叩頭流血乞不爲河伯取婦淫祀
雖斷地留祭陌之稱焉又慕容儁投石虎尸處也
田融以爲紫陌也趙建武十一年造紫陌浮橋於
水上爲佛圖澄先造生墓於紫陌建武十五年卒
十二月葬焉卽此處也漳水又對趙氏臨漳宮宮
在桑梓苑多桑木故苑有其名三月三日及始蠶
之月虎帥皇后及夫人採桑於此今地有遺桑壙
無尺雉矣漳水又北溢水入焉漳水又東逕梁期
城南地理風俗記曰鄴北五十里有梁期城故縣
也漢武帝元鼎五年封任破胡爲侯國晉惠帝永

興元年驃騎王浚遣烏丸渴末逕至梁期候騎到
鄴成都王穎遣將軍石超討末爲末所敗於此又
逕平陽城北竹書紀年曰梁惠成王元年鄴師邯
鄲師於平陽者也司馬彪郡國志曰鄴有平陽城
卽此地也

又東過列人縣南

漳水又東右逕斥丘縣北卽裴縣故城南王莽更
名之曰卽是也地理風俗記曰列人縣西南六十
里有卽裴城故縣也漳水又東北逕列人縣故城
南王莽更名之爲列治也竹書紀年曰梁惠成王

八年惠成王伐邯鄲取列人者也於縣右合白渠故瀆白渠水出魏郡武安縣欽口山東南流逕邯鄲縣南又東與拘潤水合水道源武始東山白渠北俗猶謂是水爲拘河也白渠水又東又有牛首水入焉水出邯鄲縣西堵山東流分爲二水洪湍雙逝澄映兩川漢景帝時六國悖逆命曲周侯酈寄攻趙圍邯鄲相捍七日引牛首拘水灌城城壞王自殺其水東入邯鄲城逕温明尉宋本作殿南漢世祖擒王郎幸邯鄲晝卧處也其水又東逕叢臺南六國時趙王之臺也郡國志曰邯鄲有叢臺故

劉劭趙郡

當作邯鄲

賦曰結雲閣於南宇立叢臺於少

陽者也今遺基舊墉尚在其水又東歷邯鄲阜張

晏所謂邯山在東城下者也曰單盡也城郭從邑

故加邑邯鄲之名蓋指此以立稱矣故趙郡治也

長沙

脫一耆字

舊傳稱桓楷爲趙郡太守嘗有遺囊粟

於路者行人掛囊粟於樹莫敢取之卽於是處也

其水又東流出城又合成一川也又東澄而爲渚

沁水東南涓

宋本作流

注拘潤水又東入白渠又東故

瀆出焉一水東爲澤渚曲梁縣之雞澤也國語所

謂雞丘矣東北通登

宋本作澄

湖白渠故瀆南出所在

枝分右出即邳溝也歷邳溝縣故城東蓋因溝以名宋本縣也地理風俗記曰即裴城西北二十里

有邳溝城故縣也又東逕肥鄉縣故城北竹書紀

年曰梁惠王宋本作梁惠成王八年伐邳宋本有邳字取肥者

也晉書地道記曰太康中立以隸廣平也渠道交

徑互相纏縻與白渠同歸逕列人右會漳津今無

水地理志曰白渠東至列人入漳是也

又東北過斥漳縣南

應劭曰其國斥鹵故曰斥漳漢獻帝建安十八年

魏太祖鑿渠引漳水東入清洹以通河漕名曰利

漕渠漳津故瀆水舊斷溪東北出涓流濬玉篇濬滯莫歷

切淺水也注而已尚書所謂覃懷底績至于衡漳者也

孔安國曰衡橫也言覃漳水橫流也又東北逕平

恩縣故城西應劭曰縣故館陶之別鄉漢元帝元

康三年置以封后父許伯為侯國王莽更曰延平

也

又東北過曲周縣東又東北過鉅鹿縣東

衡漳故瀆東北逕南曲縣故城西地理志廣平有

曲周縣應劭曰平恩縣北四十里有南曲亭故縣

也又逕曲周縣故城東地理志曰漢武帝建元四

年置王莽更名直周余按史記大將軍鄼商以高祖六年封曲周縣為侯國又考史記孫公史記二字疑誤同是知曲周舊縣非始孝武蓋商冀州人在縣市補履數年人奇其不老求其術而不能得也衡漳又北逕巨橋祗閣西舊有大梁橫水故有巨橋之稱昔武王伐紂發巨橋之粟以賑殷之饑民服虔曰巨橋倉名鉅鹿水之大橋也今臨側水清左右方一二里中狀若丘墟蓋遺囑故害處也衡水又北逕鉅鹿縣故城東應劭曰鹿者林之大者也尚書曰堯將禪舜納之大麓之野烈風雷雨不迷致之

以昭華之玉而縣取目焉路温舒縣之東里人

宋本為里監門使温舒牧羊澤中取蒲牒用寫書

作父即此澤也鉅鹿郡治秦始皇二十五年滅趙以為

鉅鹿郡漢景帝中元元年為廣平郡武帝征和三

年以封趙敬肅王子為廣平侯國世祖中興更為

鉅鹿也鄭玄注尚書引地說云大河東北流過絳

水千里至大陸為地腹如志之言大陸在鉅鹿地

理志曰水在安平信都鉅鹿與信都相去不容此

數也水土之名變易世失其處見降水則以為絳

水故依而廢讀或作絳字非也今河内北共山淇

水共水出焉東至魏郡黎陽入河近所謂降水也
降讀當如城降于齊師之降蓋周時國於地者惡
言降故改之共耳又今河所從去大陸遠矣館陶
北屯氏河其故道與余按鄭玄據尚書有東過洛
汭至于大伾北過降水至于大陸推次言之故以
淇水爲降水共城爲降城所未詳也稽之羣書共
縣故本共和之故國是有其名不惡降而更稱禹
著山經淇出沮洳淇澳衛詩列目又遠當非改絳
革爲今號但是水導源共出宋本作山北玄欲因成降
議故以淇水爲降水耳卽如玄引地說黎陽鉅鹿

非千里之逕直信都於大陸者也唯屯氏北出館
陶亭近之矣按地理志云絳水發源屯留下亂章
津是乃與章俱得通稱故水流間關所在著目信
都復見絳名而東入于海尋其川脉無他殊瀆而
衡漳舊道與屯相亂乃書有過降之地說與千里
之誌卽之途致與書相鄰河之過降當應此矣下
至大陸不異經說自甯迄于鉅鹿出于東北皆爲
大陸語之纏絡厥勢眇矣九河旣播八牧代絕遺
迹故稱往往時存故鬲般列於東北徒駭瀆聯漳
絳同逆之狀粗分陂障之會猶在案經考瀆自安

故曰矣漳水又歷經縣故城西水有故津謂之薄
落津昔袁本初還自易京上巳屆此率其賓從禊
飲於斯津矣衡漳又逕沙丘臺東紂所成也在鉅
鹿故城東北七十里趙武靈王與秦始皇並死於
此矣又逕銅馬祠東漢光武廟更始三年秋光武
追銅馬於館陶大破之遂降之賊不自安世祖令
其歸營乃輕騎行其壘賊乃相謂曰蕭王推赤心
置人腹中安得不投死乎遂將降人分配諸將衆
數十萬人故關西號世祖曰銅馬帝也祠取名焉
廟側有碑述河內脩武縣張導字景明以建和三

年爲鉅鹿太守漳津汎濫土不稼穡導披按地圖
與丞彭叅掾馬道嵩等原其逆順揆其表裏脩防
排通正水路謝云宋本作以正水路功績有成民用嘉賴題

云漳河神壇碑而俗老者儒猶謁當作謂斯廟爲銅

馬劉神寺是碑頃因震裂餘半不可復識矣又逕
南宮縣故城西漢惠帝九年以封張越人子買爲
侯國王莽之序中也其水與隅醴通爲衡津又有
長蘆淫水之名絳水之稱矣今漳水旣斷絳水非
復纏絡矣又北絳瀆出焉今無水故瀆東南逕九
門城南又東南逕南宮城北又東南逕繚城縣故

城北十三州志曰經縣東五十里有繚城故縣也
左逕安城南故信都之安城鄉也更始二年和城
太守邳彤與上會信都南安城鄉上大悅卽此處
也故瀆又東北逕辟陽亭漢高帝六年封審食其
爲侯國王莽之樂信也地理風俗記曰廣川西南
六十里有辟陽亭故縣也絳瀆又北逕信都城東
散入澤渚西至于信都城東連于廣川縣之張甲
故瀆同歸于海故地理志曰禹貢絳水在信都東
入于海也

又北過堂陽縣西

衡水自堰分爲二水其一水北出逕縣故城西世
祖自信都以四千人先攻堂陽降水者也水上有
梁謂之旅津渡商旅所濟故也其右水東北注出
石門門石崩禡餘基殆在謂之長蘆水蓋變引葭
之名也長蘆水東逕堂陽縣故城南應劭曰縣在
堂水之陽穀梁傳曰水北爲陽也今於故縣城南
更無別水唯是水東出可以當之斯水蓋句堂水

之兼稱矣長蘆水又東逕九門波謝云宋本作坡一作城故

縣也又東逕扶都縣故城南世祖建武三十年封
寇恂子楫爲侯國又東屈北逕信都縣故城西信

都郡治也漢高帝六年置景帝二年為廣川惠王
 越國王莽更為新博舊本作傳下同縣曰新博亭光武自
 薊至信都是也明帝永平十五年更名樂成安帝
 延光中改曰安平城內有漢冀州從事安平趙徽
 碑又有魏冀州刺史陳留丁紹碑青龍三年立城
 南有獻帝南巡碑其水側城北注又北逕安陽城
 東又北逕武陽城東十三州志曰扶柳縣東北有
 武陽城故縣也又北為博廣池池多名蟹佳蝦歲
 貢王朝以充膳府又北逕下博縣故城東而北流
 注于衡水也

又東北過扶柳縣北又東北過信都縣西

扶柳縣故城在信都城西衡水逕其西縣有扶澤

澤中多柳故曰扶柳也衡水又北逕昌成縣故城

西地理志曰信都有昌成縣舊本作昌城縣漢武帝以封

城陽頃王子劉差舊本作元為侯國孫云史記城陽頃王子劉差封昌侯

闕駟曰昌成本名阜成矣應劭曰堂陽縣北三十

里有昌城故縣也世祖之下堂陽昌城人劉植率

宗親子弟據邑以奉世祖是也又逕西梁縣故城

東地理風俗記曰扶柳縣西北五十里有梁城故

縣也世以為五梁城蓋字狀致謬耳衡漳又東北

逕桃縣故城北漢高祖十二年封劉襄爲侯國王
莽改之曰桓分也合斯浚故瀆斯浚水首受大白
渠大白渠首受綿蔓水綿蔓水上承桃水水出樂
平郡之上艾縣東流世謂之曰桃水東逕靖陽亭
南故關城也及北流至宋本井陘關下注澤發水
亂流東北逕常山蒲吾縣西而桃水出焉南逕蒲
吾縣故城西又東南流逕桑中縣故城北世謂之
石勒城蓋趙氏增成之故擅其目又謂之高功城
也地理志曰侯國也桃水又東南流逕綿蔓縣故
城北王莽之綿延也世祖建武二年封郭况爲侯

國自下通謂之綿蔓水綿蔓水又東流逕樂陽縣
故城西右合井陘山水水出井陘山世謂之鹿泉
水也東北流屈逕陳餘壘而俗謂之故壁城昔在
楚漢韓信東入餘拒之於此不納左車之計悉衆
西戰信遣奇兵自間道出立幟於其壘師奔失據
遂死泚上其水又屈逕其壘南又南逕城西東注
綿蔓水綿蔓水又屈從城南俗名曰臨清城非也
地理志曰侯國矣王莽更之曰申苗者也東觀漢
書曰光武侯宋本作使鄧禹發房子兵二千人以鉞期
爲偏將軍別攻真定宋子餘賊援樂陽稟肥壘者

也

韓拔漢書光武自薊至信都使禹發奔命得數千人令自將之別攻拔樂陽則援字亦誤當作

拔

綿蔓水又東逕烏子堰枝津出焉又東為當作

之大白渠地理志所謂首受綿蔓水者也白渠水

又東南逕開縣故城北地理志曰常山之屬縣也

又東為成郎河水上有大梁謂之成郎橋又東逕

耿鄉南世祖封前將軍耿純為侯國世謂之宜安

城又東逕來宋本子縣故城北又謂之宋子河漢

高帝八年封許瘞為侯國王莽更名宜子昔漸離

擊筑傳工自此入秦史記高漸離擊筑而歌宋子傳客之聞于秦始皇帝又

東逕敬武縣故城北按地理志曰鉅鹿之屬縣也

漢元帝封女敬武公主為湯沐邑闕駟十三州記

曰楊氏縣北四十里有武亭故縣也今其城實中

小邑耳故俗名之曰敬武壘即古邑也白渠又東

謂之斯浚水地理志曰大白渠東至曲陽入浚河

者也東分為二水枝津右出焉東南流謂之百尺

溝又東南逕和城北世謂之初丘城非也漢高帝

十一年封郎中公孫耳為侯國孫云按史記公孫耳封水成侯又

東南逕育城西漢高帝六年封呂博為侯國孫云

記年表有貫侯呂漢表貫侯合博功封同此呂博互異未詳地志鉅鹿有貫縣無貫縣百尺

溝東南散流逕歷鄉東而南入泚湖東注衡水也

斯浚水自枝津東逕育城北又東積而為陂謂之陽縻淵淵水左納白渠枝水俗謂之祗水疑家云疑作泚

水承白渠於藁縣之烏子堰又東逕肥蠡縣之

故城南又東逕陳臺南臺甚寬廣今上陽臺屯居之又東逕新豐城北按地理志云鉅鹿有新市縣

侯國也王莽更之曰樂市而無新豐之目所未詳矣其水又東逕昔陽城南世謂之曰直陽城非也

本鼓聚矣春秋左傳昭公十五年晉荀吳帥師伐鮮虞圍鼓三月鼓人請降穆子曰猶有食邑當作色

不許軍吏曰獲城而弗取勤民而頓兵何以事君

穆子曰獲一邑而教民怠將焉用邑邑以賈怠不

如完舊賈怠無卒棄舊不祥鼓人能事其君我亦

能事吾君率義不爽好惡不愆城可獲而民知義

所有死義而無二心左傳作所有死命而無二心不亦可乎鼓

人告食竭力盡而後取之克鼓而返不戮一人以

鼓子為鞮歸既獻而返之鼓子又叛荀吳略東陽

使師偽糴負甲急當作息於門襲而滅之以鼓子為

鞮歸使沙當作涉佗守之者也左傳昭二十二年鼓子又叛於鮮虞六月

荀吳略東陽使師偽糴者負甲以息於昔陽之十門外遂襲鼓滅之以鼓子為鞮歸使涉佗守之

三州志曰今其城昔陽亭是矣京相璠曰白狄之

別也下曲陽有鼓聚故鼓子國也白渠泝水又東逕曲陽城北又逕安鄉縣故城南地理志曰侯國也又東逕育縣入斯浚水斯浚水又東逕西梁城南又東北逕樂信縣故城南地理志曰鉅鹿屬縣侯國也又東入衡水衡水又北為素譚渡蓋譚自鄴往還所由故濟得厥名

又東北過下博縣之西

衡水又北逕鄆縣故城東竹書紀年梁惠成王三十年秦封衛按當作于鄆改名曰商即此是也故王莽改曰秦聚也地理風俗記曰縣北有鄆阜蓋

縣氏之又右逕下博縣故城西王莽改曰閏舊本作潤

博應劭曰太山有博故此加下漢光武自呼沱一作沱南出至此失道不知所以遇白衣老父曰信都

為長安守去此八十里世祖赴之任光開門納為當作馬漢氏中興始基之矣尋求父老不得議者以

為神衡漳又東北歷下博城西逶迤東北注謂之九爭西逕樂鄉縣故城南王莽更之曰樂丘也又

東列葭水注也

又東北過阜城縣北又東北至昌亭與葦池一作葦池河

會

經叙阜城於下博之下昌亭之上考地非比於事
爲同勃海阜城又在東昌之東故知非也漳水又
東北逕武邑郡南魏所置也又東逕武強縣北又
東北逕武隧縣故城南按史記秦破趙將扈輒於
武隧斬首十萬卽於此處也王莽更名桓隧矣白
馬河注之水上承雩池一作滹沱東逕樂鄉縣北饒陽
縣南又東南逕武邑郡北而東入衡水謂之交津
口衡漳又東逕武邑縣故城北王莽之順桓也晉
武帝封子於縣以爲王國後分武邑武隧觀津爲
武邑郡治此衡漳又東北右合張平口故溝上承

武強淵淵之西南之側水有武強縣故治故淵得
其名焉東觀漢記曰光武拜王梁爲大司空以爲
侯國者宿云邑人有行於途者見一小蛇疑其有
靈持而養之名曰擔生長而吞噬人里中患之遂
捕繫獄擔生負而奔邑淪爲湖縣長及吏咸爲魚
矣今縣治東北半許謝云宋本
作半里許落水淵水又東南

結而爲湖又謂之郎君淵者宿又言縣淪之日其
子東奔又陷於此故淵得郎君之目矣淵水北通
謂之石虎口又東北爲張平澤澤水所泛北決堤
口謂之張刀溝北注衡河謂之張平口亦曰張平

溝水溢

溝水溢三字古本宋本俱無今吳本增之

則南注水耗則輟流

衡漳又逕東昌縣故城北經所謂昌亭也王莽之

田昌也俗名之東相蓋相昌聲韻合故致茲誤矣

西有昌城故目是城為東昌矣衡漳又東北左會

雩池

一作滹

故瀆謂之合口衡漳又東北分為二川

當其水決

謝兆申云舊本作決吳本作決水蕩決也

處名之曰李聰渙

又東北至樂成陵縣別出北

衡漳於縣無別出之瀆縣北者乃雩池

一作滹泥下同別

水分雩池故瀆之所纏絡也衡漳又東分為二水

左出為向氏口溝水自始

宋本作此

決水也衡漳又東

逕弓高縣故城北漢高帝封韓信兄子韓賁當為

侯國王莽之樂成亭也衡漳又東北右合柏梁澹

水上承李聰渙東北為柏梁澹東逕扶領縣故城

南漢武帝元朔三年封廣川王子劉嘉為侯國

孫

按史記劉嘉封蒲領侯

地理風俗記云脩縣西北八十里有

蒲領鄉故縣也又東北會桑杜

宋本作桑社

枝津又東

北逕弓高城北又東注衡漳謂之柏梁口衡漳又

東北右會桑杜溝溝上承從陂世盧達

宋本作世稱盧達

從薄亦謂之訶摩河東南通清河西北達衡水春

秋兩泛

兩泛字誤當作兩泛

漳澤津津渚今觀津城北方二十

里盡為澤藪蓋水所鍾也其瀆逕觀津縣故城北
樂毅自燕降趙封之於此邑號望諸君王莽之朝

定亭也又南屈東逕竇氏青山南側隄東出青山

即漢文帝竇后父少翁冢也即是縣人謝兆申云宋本作少

冢也清即是縣人境謂宋本譌當作少翁是遭秦之亂魚釣隱身墜淵

而死景帝立后遣使者填以葬父起大墳於觀津

城東南故名舊本作民號曰青山也又東逕董仲舒廟

南仲舒廣川人也世猶謂之董府君祠春秋禱祭

不輟舊溝又東逕脩市縣故城北謝兆申云宋本作循市縣按

漢地理志云脩市縣屬勃海郡應劭注云脩音條則宋本自誤耳漢宣帝本始四

年封清河綱王子劉寅為侯國漢書王子侯表云封清河綱王子寅

為脩市侯而諸侯王表作清河綱王王莽更之曰居寧也俗謂之溫

城非也地理風俗記曰循縣西北二十里有脩市

城故縣也又東會從陂陂水南北十里東西六十

步子午潭漲淵而不流亦謂之桑杜淵從陂南出

夾堤東派逕循縣故城北東合清漳漳泛則北注

澤盛則南播津流上下互相逕道從陂陂埭云前有陂南

出此則陂北出北出東北分為二川北逕弓高城

西而北注柏梁澹一川東逕弓高城南又東北陽

津清宋本作溝水出焉左瀆北入衡漳謂之陽決口衡

水東逕阜城縣故城北樂成縣故城南河間郡治
地理志曰故趙也漢文帝別爲國應劭曰在兩河
之間也景帝九年封子德爲河間王是爲獻王王
莽更名郡曰朔定縣曰陸信褚先生曰漢宣帝地
節三年封大將軍霍光兄子山爲侯國也漢宣帝
封子開於此漢桓帝追尊祖父孝王開爲孝穆王
以其邑奉山陵故加陵曰樂陵也今城中有故池
方八十步舊引衡水北入城注池池北對層臺基
隍荒蕪示存古意也

又東北過成平縣南合清河

吳瑄本增此合清河三字

衡水又東逕建成縣故城南按地理志故屬勃海
郡褚先生曰漢昭帝元鳳三年封丞相黃霸爲侯

國也

孫云按史記功臣年表宣帝五年鳳三年黃霸封建成侯

成平縣故城在

北漢武帝元朔三年封河間獻王子劉禮爲侯國
王莽之澤亭也城南北相直衡漳又東右會楊津
溝水自澤水東逕阜城南地理志勃海有阜城縣
王莽更名吾城者非經所謂阜成也建武十五年
世祖更封大司馬王梁爲侯國陽津溝水又東北
逕建成縣左入衡水謂之陽津口衡漳又東左會
雩池一作滹池別河故瀆又東北入清河謂之合口又

逕南皮縣之北皮亭而東北逕浮陽縣西東北注之

又東北過章武縣西又東北過平舒縣南東入海

清漳自章武縣故城西故濺邑也枝瀆出焉謂之濺水東北逕叅后亭分爲二瀆應劭曰平舒縣西南五十里有叅后亭故縣也世謂之平虜城枝水又東注謂之蔡伏溝又東積而爲淀一水逕亭北又逕東平舒縣故城南代郡有平舒城故加東地理志曰勃海之屬縣也魏土地記曰章武郡治故世以爲章武故城非也又東北分爲二水一疑脫

字右出爲澱一水北注呼池一作濺謂之濺口清漳

亂流而東注于海

清漳水出上黨沾縣西北少山大黽谷南過縣西又從縣南屈

淮南子曰清漳出揭戾山高誘云山在沾縣今清

漳出沾縣故城東北俗謂之漳山漢分沾縣爲樂

平郡治沾縣水出樂平郡沾縣界故晉太康地記

曰樂平縣舊名清漳縣漢之故矣謝云宋本作其漢之故名

山亦曰鹿谷山水出大要谷南流逕沾縣故城東

不歷其西也又南逕昔陽城左傳昭公十二年晉

荀吳偽會齊師者假道於鮮虞遂入昔陽杜預曰
樂平沾縣東有昔陽城者是也其水又南得梁榆
水口水出梁榆城西大嶮山水有二源北水東南
流逕其城東南注南水南水亦出西山東逕文當
城北又東北逕梁榆城南即闕與故城也秦伐韓
闕與惠文王使趙奢敵宋本作救或作攻之奢納許歷之
說破秦於闕與謂此也司馬彪袁松郡國志並言
涅縣有闕與聚盧諶征艱賦曰訪梁榆之虛郭謝
宋本作弔闕與之舊平桓亦云堦按桓字誤似是
虛郭闕與今梁榆城是也漢高帝八年封馮解散宋本
作敢

為闕氏侯國其水右合此謝云宋本作右合北水
北水又東南入于清漳清漳又東南與轅水相得
轅水出轅河縣西北轅山南流逕轅河縣故城西
南東流至粟城注于清漳也

東過沙縣西屈從縣南
按地理志云魏郡之屬縣也漳水於此有涉之稱
名因地變也

東至武安縣南忝容邑入于濁漳謝云此下疑脫
注宋本亦無注

水經注箋卷第十一



漢 桑欽撰

後魏酈道元

注

明 李長庚訂

孫汝澄

朱謀埜箋

李克家全校

易水 涖水

易水出涿郡故安縣閭鄉西山

孫云涿郡今京師涿州故安今保定易州

易水出西山寬中谷東逕五大夫城南昔北平侯

王譚不同王莽之政子興生五子並避時亂隱居

此山故其舊居世以為五大夫城即此岳讚云五

王在中麗葛建績者也

謝兆申云宋本作麗葛連續

易水東左

與子莊溪水合水北出子莊關南流逕五公城西
屈逕其城南五公猶王興之五子也光武即帝位
封為五侯元才北平侯益才安喜侯顯才蒲陰侯
仲才新市侯季才為唐侯所謂中山之五王也俗
又以五公名居矣二館之城二館謂樊於期館澗
荆軻館並有一城
曲泉清山高林茂風煙披薄觸目怡情方外之士
尚憑依舊居取暢林木一作水其水東南入于易水
易水又右會女思谷水水出西南女思澗東北流
注于易謂之三會口易水又東屈關門城西南即
燕之長城門也與樊石山水合水源西出廣昌鄉

縣之樊石山東流逕覆金山下東流注于易水
水又東歷燕之長城又東逕漸離城南蓋太子丹
館高漸離處也易水又東逕武陽南蓋易自寬中
歷武夫關東出是兼武水之稱故燕之下都擅武
陽之名左得濡水枝津故瀆武陽大城東南小城
即故安縣之故城也漢文帝封丞相申屠嘉為侯
國城東西二里南北一里半高誘云易水逕故安
城南外東流即斯水也誘是涿人事明經證今水
破城東南隅世又謂易水為故安河武陽蓋燕昭
王之所城也東西二十里南北十七里故傳逮述

遊賦曰出北薊歷良鄉登金臺觀武陽兩城遼郭
宋本作舊迹冥芒蓋謂是處也易水東流而出於
遼廓
范陽

東過范陽縣南又東過容城縣南

易水逕出范陽縣故城秦末張耳陳餘為陳勝略

地燕命趙埠按史記當作略蒯通說之范陽先下

是也漢景帝中元三年封匈奴降王代為侯國王

莽之通順也易水又東與濡水合出故安縣西北

窮獨山南谷東流與源泉水合水發北溪東西北

注濡水濡水又東南逕樊於期館西是其授首於

荆軻處也濡水又東南流逕荆軻館北昔燕丹新

田生宋本之言尊軻上卿館之於此二城並廣一

里許俱在當作阜之上上邪而下方濡水又東

逕孫云逕下疑陽城西北舊竭濡水枝流南入城

逕相冢西冢巨城側耶水塘也宋本作即四周塋

城宋本深廣有若城焉其水側有數陵墳高壯望

若青丘詢之古老訪之史籍並無文證以私情求

之當是燕都之前故墳也或言燕之墳塋斯不然

矣其水之故瀆南出屈而東轉又分為二瀆一水

東注金臺陂一水逕故安城西側城南注易水夾

塘崇峻邃岸高深左右百步一釣臺參差交峙宋本

作時迢遞相望更為佳觀矣其一水東出金臺陂東

西六七十步南有金有金二字疑衍北五十步側陂西北

有釣臺高丈餘埤按太平御覽引水經注云金臺陂東西六七里南北五十步陂側

西北有釣臺高十丈方可四十步陂北十餘步有金臺臺上

東西八十許步南北如減高十餘丈昔慕容垂之

為范陽也成之即此臺北有蘭馬臺並悉高數丈

秀峙相對翼臺左右水流經通長廡廣宇周施浦

清埤按御覽作周旋陂棟堵咸淪柱礎尚存是其

未構可得而尋意欲圖還上京阻於行旅造次不

獲遂心訪諸耆舊咸言昭王禮賓廣延方士至如

郭隗樂毅之徒鄒衍劇辛之儔宦遊歷說之民自

遠而屈者多矣不欲令諸侯之客伺隙燕邦故修

連下都御覽作修建下都宋本同館之南垂言燕昭創之於前

子丹踵之於後故雕牆敗館尚傳鐫刻之名雖無

紀可憑察其古跡似符傳矣御覽作雖無經記可憑察其古跡似符宿

傳矣濡水自堰又東逕紫池堡西屈而北流又有渾

塘溝水注之水出遼縣西遼舊本作西漢地志作遼屬涿郡注云遼古遼

字白馬山南溪中東南流入濡水濡水又東至塞

口古纍石堰水處也濡水舊枝分南入城東大陂

陂方四里今無水陂內有泉淵而不流際池北側俗謂聖女泉濡水又東得白楊水口孫云疑出迺

縣之西山白楊嶺下東南流入濡水時人謂之虎

眼泉也濡水東合檀山水水道縣西北宋本作水出迺縣西

北檀山西南南流與石泉水會水出石泉回東南

隅水廣二十許步深三丈固在衆山之內平川之

中四周絕澗阻水八丈有餘石高五丈石上赤土

又高一丈四壁直立上廣四十五步水之不周者

路不容軌僅通人馬謂之石泉固固上宿有白楊

寺是白楊山神也寺側林木交蔭叢柯隱景沙門

釋法澄建刹於其上更為思亥當作玄之勝處也其

水南流注于檀水故俗有并溝之稱矣其水又東

南流歷故安縣北而南注濡水又東南流於容城

縣西北大利亭東南合易水而注巨馬水也故地

理志曰故安縣閭鄉易水所出至范陽入濡水關

關亦言是矣又曰濡水合渠許慎曰濡水入深深

渠許氏說文云濡水出涿郡故安東入涿涑二號即巨馬之異名然二

易俱出一鄉同入濡水南濡北易至涿郡范陽縣

會北濡水並亂流入涑古本作亂流入涑疑此未字當作涑字說文可據吳

本改作是則易水與諸水互攝通稱東逕容成縣

故城北渾濤東注至勃海平舒縣與易水合闕駟

曰涿郡西界代之易水而是水出代郡廣昌縣東

南郎山東北燕王仙臺東臺有三峰甚為崇峻騰

雲冠峰高霞翼嶺岫壑冲深合煙罩霧宋本作合

耆舊言燕昭王求仙處其東謂之石虎罡當作范

曄漢書云中 山簡王之寔也後其葬採涿郡山石

以樹墳塋堦云後字誤當作厚按後漢書中山簡

夷吏人家墓以下數作者萬餘人發常山鉅鹿涿

郡柏黃腸雜木三郡不能備復調餘州郡工徒及

送致者數千人陵隧碑獸並出此山謂之石虎山

山有所遺二石虎後人因以各置當作之東麓即

泉源所導也經所謂閻鄉曲詳經文當作其水東

流有苾水南會渾波同注俗謂之為雹河司馬彪

郡國志曰雹水出故安縣世祖令耿況擊故安西

山賊吳耐蠡符雹上十餘營皆破之即是水者也

易水又東逕孔山北山下有鍾乳穴穴出佳乳探

者熇火尋路古本作熇火尋妙謝云一作沙汝澄

言也出穴而去土入穴里許渡一水潛通流注其

深可涉於中衆穴奇分令出入者疑迷不知所趣

每於疑路必有歷記返者乃尋孔以自達矣上又

有大孔壑達洞開故以孔山為名也其水又東逕

西故安城其所謝云其所宋本閭鄉城也歷逕荆陘

北耆舊云燕丹餞荆軻於此因而名焉世代已遠

非所詳也遺名舊傳不容不詮庶廣後人傳聞之

聽易水又東流屈逕長城西又東流南過武遂縣

南新城縣北史記曰趙將李牧伐燕取武遂方城

是也俗又謂水為武遂津津北對長城門謂之分

門史記趙世家云孝成十九年趙與燕易以龍兌

汾門與燕燕以葛城武陽與趙卽此也亦曰分門

門埤云此分門門字疑有脫誤據郡國志又謂之

梁門矣易水東分為梁門陂易水又東梁門陂水

注之水上承易水於梁門東入長城東北入陂陂

水北接范陽陂陂在范陽城西十里方一十五里

俗亦謂之為鹽臺陂陂水南通梁門淀方三里淀

水東南流出長注易宋本作謂之范水易水自下

有范水通目又東逕范陽縣故城南卽應劭所謂

范水之陽也易水又逕樊輿縣故城北漢武帝元

朔五年封中山靖王子劉條為侯國王莽更名握

符矣地理風俗記曰北新城縣東二十里有有克

二云有字樊輿亭故縣也易水東逕容城縣故城南

漢高帝六年封趙將夕一作於深澤景帝中元三

年以封匈奴降王攜徐盧於容城皆為侯國

史記按

二云趙將夜封深澤侯匈奴降王唯徐盧封容城侯漢書作趙將夕攜徐盧酈注據史記而吳瑄依漢書改王莽更名深澤易水又東渥水注之其水上

承二陂於容城縣東南謂之大渥澱小渥澱水南

流注易水謂之渥同口水側有渾渥城易水逕其

南東合涖水故桑欽曰易水出北新城城北東入

涖自下涖易五受通稱矣

宋本作互受通稱

易水又東逕

易京南漢末公孫瓚害劉虞於薊下時童謠云燕

南垂趙北際唯有此中可避世瓚以易地當之故

自薊徙臨易水謂之易京城在易城西四五里趙

建武四年石虎自遼西南達易京以京鄣至固令

二萬人廢壞之今者地壁夷平其樓基尚存猶高

一匹餘

小爾雅云二丈為兩倍兩為匹是四丈為一匹也

基上有井世名

易京樓即瓚所堡也故瓚所與子書云袁氏之攻

狀若鬼神衝梯舞于樓上鼓角鳴于地中即此樓

也易水又東逕易縣故城南昔燕文公徙易即此

城也闕駟稱太子子丹遣荆軻刺秦王與賓客知

謀者祖道于易水上燕太子稱荆入秦太子與知

謀者

謝兆申云宋本無燕太子稱以下十三字當刪之

皆素衣冠送之於

易水之上荆歌

宋本作軻

起為壽歌曰風蕭蕭兮易水

寒壯士一去兮不復還漸離擊筑宋本作高漸離宋如意

知之燕策史記俱無宋意事唯陶淵明詠荆軻為詩云漸離擊悲筑宋意唱高聲與此有之

壯聲士髮皆衝冠為哀聲士皆流涕疑於此也余

按遺傳舊跡多在武陽似不餞此也漢景帝中元

三年封匈奴降王僕隳為侯國也僕隳舊本作僕隳按漢功臣

表注云黠音怛今吳本改作僕隳誤

又東過安次縣南海郡孫云安次今東安縣

易水逕縣南鄭縣故城北謝云鄭縣宋本作鄭縣孫云鄭在今任丘縣北

東至文安縣與雩池一作滹池合史記蘇秦曰燕長城

以北易水以南正謂此水也是以班固闕駟之徒

咸以斯水謂之南易

又東過束州縣南東入于海埤按漢地理志束州亦屬勃海郡古本作泉州

誤也孫云束州縣在今河間縣境內

經書水之所歷泂次注海也

涖水出代郡靈丘縣高氏山孫云高氏山海經作高是

卽温夷之水也出縣西北高氏山埤云温夷字誤當作嘔夷周禮

并州之川曰虘池嘔夷前漢地理志云代郡靈丘縣涖水河東至文安入大河過郡五行九百四十

里并州川也鄭司農曰嘔夷卽所夷水出平舒縣平舒亦屬代郡山海經曰高氏

之山涖水出焉東流經宋本于河者也其水東南

流山上有石銘題言冀州北界故世謂之石銘陁

也其水又南逕曰候候塘川名也

埤謂當作又南逕候塘候塘川

名也又東合溫泉水水出西北暄谷其水溫熱若湯

能愈百疾故世謂之溫泉焉東南流逕與豆亭北

亭在南原上欹傾而不正故世以欹城目之東流

注于涇水又東泉水注之水導源莎泉南流水側

有莎泉亭東南入于涇水又東逕靈丘縣故城南

水中自源南注涇水應劭曰趙武靈王葬其東南

二十里故縣氏之縣古屬代漢靈帝光和元年中

山相滅杲

舊本作滅吳

上請別屬也地理志曰靈丘之

號在武靈王之前矣又按司馬遷趙敬侯二年敗

齊於靈丘

史記六國表云趙敬侯九年伐齊至靈丘

則名不因靈王

如漢注涇水自縣南流入峽謂之隘門設隘於峽

以譏禁行旅歷南山高峰隱天深溪埒谷其水沿

澗西轉逕御射臺南臺在北阜上臺南有御射石

碑南則秀鄣分霄層崖刺天積石之峻壁立直上

車駕泂葦

泂葦字未詳蓋言習射之事

每出所遊藝焉涇水西

流又南轉東屈逕北海王祥之石碣南

詳舊本作詳後魏書

北海王名詳獻文皇帝之子也吳本改爲王祥誤

御所屈石柱北而南流

者也

南過廣昌縣南

宋本作東南過廣昌縣南一作又南

水經注卷之九 卷二 四百五
涇水東逕嘉牙川川有一水南來注之水出恒山
北麓雖川三合逕嘉牙亭東而北流注于涇水水
之北山行即廣昌縣界涇水又東逕倒馬關關山
險隘是為深峭勢均詩人高岡之病良馬傳嶮之
行軒故關受其名焉關水出西南長溪下東北歷
關注涇涇水南山上起御坐於松園建祇洹於東
園東北二面古本云起御坐於松園建祇洹東園
北二面岫鄣高深謝北中云宋本無
東字疑當作建祇洹岫鄣高深霞峰隱日水望澄
園東北二面云云
明淵無潛甲行李所逕鮮不徘徊忘返矣
又東南過中山上曲陽縣北恒水從西來注之

涇水自倒馬關南流與大嶺水合水出山西南大
嶺下東北流出峽峽右山則有祇洹精廬飛陸陵

山丹盤虹梁克家云疑作
丹虹盤梁長津泛瀾縈帶其下東

北流注于涇涇水又屈而東合兩嶺溪水水出恒

山北阜東北流歷兩嶺間北嶺雖層陵雲舉猶不

若南巒峭秀自水南步遠峯石磴逶迤公途九曲

歷睇諸山咸為劣矣抑亦羊腸邛來之類者也按

高誘曰羊腸注云羊腸山盤紆如羊腸在太原晉陽
北又注淮南子云羊腸坂是太行孟門之限也華
陽國志曰邛嶽山本名邛笮其巖阻峻迴
曲九折乃至山上凝冰夏結冬則劇寒齊宋通
和路出其間其水東北流注于涇水又東左合懸

水水出山原岫盤谷輕湍濬下分石飛懸水一匹
有餘直灌山際白波奮流自成潭渚其水東南流
揚湍注于滌滌水又東流歷山世謂是處爲鴻頭
疑卽晉書地道記所謂鴻上關者也關尉治北平
而畫塞於望都東北云謝云宋本作去北平不遠兼縣上
所拯也滌水於是左納鴻上水水出西北近溪東
南流注于滌水也

又東過唐縣南

滌水又東逕左人城南應劭曰中人城西北四十
里亦或謂之爲唐水也水出中山城之西如謝云宋本

無如字

北城內有小山在城西側水銳山若委粟焉

疑卽地道記所云望都縣有委粟關也俗以山在

邑中故亦謂之中山城以城中有山之木

當作目因

復謂之爲廣唐城也故中山記以爲中人城又以

爲許聚殊爲乖謬矣言城中有山故曰中人山也

中山郡治京相璠曰今中山望都里二十里有故

中人城

堦云堦都里當作望都西北按杜預左傳注云望都縣西北有中人城

望都

城東有一城名堯始城本無中山之傳璠或以爲

中人所未詳也中山記所言中人者城東去望都

故城一十餘里二十里則減但苦其不東觀矣謝云

其不矣三字 異說咸為爽矣今此城於盧奴城北

疑有脫誤 如西六十里城之西北泉源所導西逕根山孫云當作

狼山北郎唐音讀近實兼唐水之稱西流歷左人亭

注澠水又東左會一水水出中山城北郎中阜下

亦謂之唐水也然於城非西在疑作北又名之為雹

水又兼二名焉西南流入澠並所未詳蓋傳疑耳

澠水又東恒水從西來注之自下澠水兼納恒川

之通稱焉即禹貢所謂恒衛既從也澠水又東右

苞馬溺水水出上曲陽城東北馬溺水東北流逕

伏亭晉書地道記曰望都縣有馬溺關中山記曰

入渡馬溺是山世要害之地一一關勢帶接疑斯

城即是關尉宿治異日之來非所詳矣馬溺水又

東流注于澠澠水又東逕中人亭南春秋左傳昭

公十三年晉荀吳率師侵鮮虞及中人大獲而歸

者也澠水又東逕京丘北世謂之京南對漢頃王

陵澠水北對君子岸岸上有哀王子憲王陵坎下

有泉源積水亦曰泉上岸澠水又東逕白土北南

即靖王子康王陵三墳並列者是矣墳按漢諸侯王表中山頃

王名輔是中山哀王之孫而中山憲王福是中山頃王之

靖王之澠水又東逕樂羊城北史記稱魏文侯脫

使樂羊滅中山蓋其故城中山所道謝云宋本作造也故

城得其名涖水又東逕唐縣故城南北二城俱在

涖水之陽故曰涖水逕其東城西又有一水導源

盧奴縣之西北是城西平城之地泉湧而出俗亦

謂之為唐水也東流至唐城西北隅竭而為湖俗

謂之唐池蓮荷被水勝遊多萃其上信為嬉處也

其水南入小溝下注涖水自上歷下通禪唐川之

兼稱焉應劭地理風俗記曰唐縣西四十里得中

人亭今於此城取中人鄉則四十也郡國志唐縣有中人亭注

引博物記云唐關在中人西唐水在西北入涖與

北百里中人在縣西四十里

應符合又言堯山者在南則無山以擬之為非也

闕駟十三州志曰山治盧奴唐縣故城當作城在國

北七十五里駟所說此則非也史記曰帝嚳氏沒

帝堯氏作始封於唐望都縣在南今此城南對盧

奴故城自外無城以應之考古今知謝云疑作知今事義

全違俗名望都故城則八十許里距中山城則七

十里驗途推邑宜為唐城城北去山五里與七十

五里之說相符然則俗謂之都香山即堯山在

唐東北望都界皇甫謐曰堯山一名豆山堯按皇甫謐帝

王世紀曰堯封唐堯山在北唐水西入河南有望都山即堯母慶都所居相去五十里都山一名豆

都山即堯母慶都所居相去五十里都山一名豆

山今山於城北而如東嶄絕孤峙唐牙桀立

唐牙當作

虎牙嶄按鮑照河清頌曰輔車鼎足磐石虎牙

山南有堯廟是卽堯所登

之山者也地理志曰堯山在南今考此城之南又

無山以應之是故先後論者咸以地理之說爲失

又卽俗說以唐城爲望都城者自北無城以擬之

假復有之途程紆

疑脫一遠字

山河之狀全乖古證傳

爲疎罔是城西北豆山西足有一泉源東北流逕

豆山下合蘇水亂流轉注東入滄是豈唐水乎所

未詳也又於是城之南如東一十餘里有一城俗

謂之高昌縣城或望都之故城也故縣目曰望都

縣在唐南昌

當作高昌南

皇甫謐曰相去五十里稽諸

城地猶十五里蓋書誤耳此城之東有山孤峙世

以山不連陵名之曰孤山孤都聲相近疑卽所謂

都山也帝王世紀曰堯母慶都所居張晏曰堯山

在北堯母慶都山在南登堯山見都山故望都縣

以爲名也唐亦中山城也爲武公之國周同姓其

後桓公不恤國政周王問太史餘曰今之諸侯孰

先亡乎對曰天生民而令有別所以異禽獸也今

中山淫昏康樂逞慾無度其先亡矣後二年果滅

魏文侯以封太子擊也漢高祖立中山郡景帝三

年為侯國王莽之常山也魏皇始二年破中山立安州天興三年改曰定州治水南脫一奴縣之故

城周之衰也國有赤狄之難齊桓霸諸侯疆理邑

土遣管仲攘戎狄築城以固之地理志曰盧水出

北平疑為疎闊駟應劭之徒咸亦謂是矣余按

盧奴城內西北隅有水淵而不流南北一百步東

西百餘步水色正黑俗名曰黑水池或云黑水口

當作曰盧不流曰奴後漢書注引此注云故城北

藉水以取名矣池水東北際水有漢王故宮處臺

殿觀榭皆上國之制簡王尊貴壯麗有加始築兩

宮開四門穿城北一作北城累石竇通涿唐水流于城

中造魚池釣臺戲馬之觀歲久頽毀遺基尚存今

悉加上疑作為刹利靈圖池之四周民居駢比填

徧穢陋而泉源不絕暨趙石建武七年遣北中郎

將始築小城興起北榭立宮造殿後燕因其故宮

建都中山小城之南更築隔城興復宮觀今府榭

猶傳故制昔耿昭伯歸世祖於此處也碑按後漢書耿弇字

伯昭扶風茂陵人聞光武在盧奴乃馳北上謁滾水之右憲謝云宋本水

注之上承城內憲水池自漠及燕涿滾水逕石竇

石竇既毀池道亦絕水潛流出城潭積微一作漲

渭

埤云渭字誤宋本作涓以
其潛流故涓涓然細也

水東北注于涇涇水

又東逕漢哀王陵北冢有二墳故世謂之兩女陵

非也哀王是靖王之孫康王之子也涇水又東右

會長星溝溝在上曲陽縣西北長星渚渚水東流

又合洛光水水出洛光涓東入長星水亂流東逕

恒山下廟北漢末喪亂山道不通此舊有下階神

殿中世以來歲書法族焉晉魏改有東西二廟廟

前有碑闕壇場相列焉其水東逕上曲陽縣故城

北本岳牧朝宿之邑也古者天子巡狩常以歲十

一月至于北岳侯伯皆有湯沐邑以自齋潔周昭

王南征不遷巡狩禮廢邑郭仍存秦罷井田因以

立縣縣在山曲之陽是曰曲陽有下故此為上矣

王莽之常山亭也又東南流胡泉水注之受胡泉

逕上曲陽縣南又東逕平樂亭北左會長星川東

南逕盧奴城南又東北川渠之左有張氏墓冢有

漢上谷太守議郎張平仲碑光和中立川渠又東

北合涇水水有窮通不常津注

又東逕安喜縣南

縣故安險也其地臨嶮有井塗之難漢武帝元朔

五年封中山靖王子劉應為侯國王莽更名寧嶮

漢章帝改曰安嶮中山記曰縣在唐水之西山高岸嶮故曰安嶮邑豐民安改曰安喜秦氏建元中唐水汎長宋本作漲高岸崩頽城角之下有大積木交橫如梁柱焉後燕之初此木尚在未知所從余考記稽疑蓋城池當初山水洿盪漂淪巨椽阜積於斯沙息壤加以城池謝云宋本作加以成地板築既興物固能久耳滄水又東逕鄉城北有舊盧奴之鄉也中山記曰盧奴有三鄉斯其一焉後隸安喜城郭南有漢朝時孝子王立碑

又東過安國縣北

滄水歷縣東分爲二水一水枝分東南流逕解瀆亭南漢順帝陽嘉元年封河間孝王子淑於解瀆亭爲侯國孫宏卽靈帝也又東南逕任丘城南又東南逕安郭亭南漢武帝元朔五年封中山靖王子劉傳富爲侯國漢書王子侯表安郭于侯傳富中山靖王子也古本作劉傳字誤其水又東南流入于平池宋本作滄池滄水又東北流逕解瀆亭北而東北注之矣

又東過博陵縣南

滄水東北逕蠡吾縣故城南地理風俗志曰縣故饒陽之下鄉者也自河間分屬博陵漢安帝末初

七年封河間王開子翼為都鄉侯順帝永建五年
更為侯國也又逕博陵縣故城南即古陸城漢武
帝元朔二年封中山靖王子劉貞為侯國者也地
理風俗記曰博陵縣史記蠡吾故縣矣漢質帝本
初元年繼孝冲為帝追尊父翼陵曰博陵因以為
縣又置郡焉漢末罷還安平晉太始年復為郡今
謂是城為野城滋水又東北逕侯世縣故南城謝
疑作故城南又東北逕陵陽亭東又北左會博水水出
望都縣東南流逕其縣故城南王莽更名曰順調
矣又東南潛入地下博水又東南於瀆重源湧發

東南逕三梁亭南疑即古勺梁也竹書紀年曰燕

人伐趙圍濁鹿趙靈王及代人救濁鹿敗燕師于

勺梁者也古本作敗燕師于勺梁是也今

廣昌東嶺之東有山俗名之曰濁鹿羅地韓云

地字有脫誤未詳不遠土勢相隣以此推之或近是矣所

未詳也博水又東南逕穀梁亭南又東逕陽城縣

散為澤渚渚水潒漲謝云宋本作渚水潒張方數里匪直蒲

荀是豐實亦偏饒菱藕至若變童卍角古本作變童卍及當

是非少之譌吳改作卍角弱年女子一作憇子音宰或單舟採菱或疊

舸折艾當作艾長歌陽春愛深淥水掇拾者不言疲

九經注疏卷之二十一
謠誄者自白下疑脫于時行旅過矚亦有慰於羈

望矣世謂之為陽城澱也陽城縣故城近在西北

故陂得其名焉郡國志曰蒲陰縣有陽城者也今

城在縣東南三十里其水又伏流循濱屆清梁亭

西北重源又發博水又東逕自隄亭南又東逕廣

望縣故城北漢武帝元朔二年封中山靖王子劉

忠為侯國漢書王子侯表中山靖王子忠封廣望侯又東合嶠古本嶠溝

溝上承清梁陂又北逕清源城東即將梁也漢武

帝元朔二年封中山靖王子劉朝平為侯國王子侯表

云中山靖王子朝平封將梁侯其水東北入博水博水又東北左

則濡水注之水出蒲陰縣西昌安郭南中山記曰

郭東有舜氏甘泉有舜及二妃祠稽諸子傳記無

聞此處世代又謝云宋本又疑作久遠異說之來於是乎

在矣其水自源東逕其縣故城南在渚迴湍率多

曲復亦謂之為曲逆水也張晏曰湍水於城北曲

而西流是受此名故縣亦因水名而氏曲逆矣春

秋左傳哀公四年齊國夏伐晉取曲逆是也漢高

帝擊韓王信自代過曲逆上其城望室宇甚多曰

壯哉吾行天下唯雒陽與是耳詔以封陳平為曲

逆侯上莽更名順平濡水又東與蘇水合水出縣

西南近山東北流逕堯始亭南又東逕其縣入湍
湍水又東得蒲水口水出西北蒲陽山西南流積
水成淵東西一百步南北百餘步深而不測其水
又東南流水側有古神祠世謂之爲百祠亦曰蒲
上祠所未詳也又南逕安陽亭東晉書地道記曰
蒲陰縣有安陽關蓋安陽關都尉治世俗名斯川
爲安陽壙蒲水又東南歷壙逕安陽關下名關壙
爲唐頭坂出關北流又東流逕夏屋故城實中嶮
絕竹書紀年曰魏殷臣趙公孫哀伐燕還取夏屋
城曲逆者也其城東側因河仍墉築一城世謂之

寡婦城賈復從光武追銅馬五幡於北平所傳也
世俗音轉故有是名矣其水又東南流逕蒲陰縣
故城北地理志曰城在蒲水之陰漢章帝章和二
年行巡北岳以曲逆名不善因山水之名改曰蒲
陰焉水右合魚水水出北平縣西南魚山山石善
巨焉水發其下魚山以下疑有譌誤故世俗以物色名川又

東流注于蒲水又東入濡水

漢地理志中山國曲逆縣注云蒲水出蒲陽山東入濡又有蘇

水亦東入濡

又東北逕樂城南又東入博水自下博水

亦兼濡水通稱矣春秋昭公七年齊與燕會于濡

水杜預曰濡水出高陽當作縣東北至河間鄭縣

謝云宋本作鄭縣按郡國志河間郡有鄭縣故屬涿此鄭字誤入易水是濡水

與雩池當作滄易互舉通稱矣地理志曰博水東

至高陽入河博水又東北徐水注之水西出廣昌

縣東南大嶺下世謂之廣昌嶺嶺高四十餘里二

十里中委折五迴方得達其上嶺故嶺有五迴之

名下望層山盛若蟻蛭謝云宋本作實兼孤山之

稱亦峻嶮也謝云峻嶮疑作峻嶮徐水三源奇發齊瀉一澗

東流北轉逕東山下水西有御射碑徐水又北流

西屈逕南巖下水陰又有一碑徐水又隨山南轉

逕東巖下水際又有一碑凡此三銘皆翼對層巖

巖郭深高壁立霞時宋本石文云皇帝以太延元

年十二月車駕東巡逕五迴之嶮途覽崇岸之竦

峙乃停駕路側援弓而射之飛矢踰于巖山刊石

用讚元功夾碑竝有層臺二所即御射處也碑陰

皆列樹碑官名徐水屈東北逕郎山又屈逕其山

南岑山岑競舉若豎鳥翅立石嶄巖亦如劔杪極

地嶮之崇峭漢武之世戾太子以巫蠱出奔其子

遠遁斯山故世有郎山之名山內有郎山碑事具

文一作事徐水又逕郎山君子中觸鋒將軍廣南

具于文

廟前有碑晉惠帝永康元年八月十四日壬寅發
詔錫君父子法祠其碑劉曜光初七年前頴丘太
守郎宣北平太守陽平邑振等共修舊碑刻石樹

頌焉徐水又逕北平縣縣界有漢熹平四年幽冀
二州以代子 以代子語有譌晚蓋是二州爭境事
聞于朝故詔書命之立石標界耳

詔書遣冀州從事王球幽州從事張眼郡縣分境
立石標界具揭石文矣徐州 當作水 又東南流歷石

門中世俗謂之龍門也其山上合下開開處高六
丈飛水歷其間南出乘 疑作壘 崖傾瀾泄 克家云
疑作瀉 注

七丈有餘濟盪之音奇為壯猛觸石成井水深不

測素波白激濤襄四陸瞰之者驚神臨之者感
矣東南出山逕其城中有故碑是太白君碑郎山

君之元子也其水又東流漢光武追銅馬五幡於
北平破之順水北乘勝追北為其所敗短兵相接

光武自投崖下遇突騎王豐於是授馬進保范陽
順水蓋徐州之別名也徐水又東逕蒲城北又東

逕清苑城又東南與沈水出蒲西俗謂之泉頭水
也地理志曰北平縣有沈水東入河即是水也東

逕其城又東南左入徐水地理志曰東至高陽入
河今不能也徐水又東左合會曹水出西北水也

寧縣謝云據宋本作水曹河澤東南流左合岐山

之水水出岐山東逕邢安城北又東入南曹河孫云

當作又東曹水又東南逕北新城縣故城南河南

又逕北新城故城北此王莽之朔寧縣也曹水又

東入于徐水水又東南逕一故城北俗謂之祭過

城所未詳也徐水又東流入博水地理志曰徐水

出北平東至高陽入于博古本作河又東入滹地理志

曰博水自望都東至高陽入于河孫云今曹河徐河唐河諸水並

合易水經雄縣達直沽入于海

又東北入于易

滹水又東北逕依城北世謂之依城河他說無依

城之名即古葛城也郡國志曰高陽有葛城燕以

與趙者也滹水又東北逕阿陵縣故城東王莽之

阿陸也建武二年更封岸將軍任光為侯國岸宋本作

左埤按後漢書任光為左大將軍封滹水東北至

長城注于易水者也

水經注箋卷第十二

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

聖水 巨馬水

聖水出上谷

孫云聖水今琉璃河

故燕也秦始皇二十三年置上谷郡王隱晉書地道志曰郡在谷之頭故因以上谷名焉王莽改名朔調也水出郡之西南聖水谷東南流逕大防嶺之東首山下有石穴東北洞開高廣四五丈入穴

轉更崇深穴中有水耆舊傳言昔有沙門釋惠彌者好精物隱嘗熇火尋之傍水入穴三里有餘穴分爲二穴殊小謝云宋本作穴分爲二穴殊小西北出不知趣詣一穴西南出入水逕五六日方還又不測窮深其水夏冷冬溫春秋有白魚出穴數日而返人有採捕食者美珍常味蓋亦丙穴嘉魚之流類也是水東北流入聖水聖水又東逕玉石山謂之玉石口山多珉玉燕石故以玉石名之其水伏流里餘潛源東出又東頽波瀉澗一丈有餘屈而流也

東過良鄉縣南

聖水南流歷縣西轉又南逕良鄉縣故城西王莽之廣陽也有防水注之水出縣西北大防山南而東南流逕羊頭阜下俗爲之羊頭溪其水又東南流至縣東入聖水聖水又南與樂水合水出縣西北大防南山東南流歷縣西而東南流注聖水又東過其縣故城南又東逕聚聖南蓋藉水而懷稱也又東與挾宋本作俠河合水出良鄉縣西甘泉原東谷東逕西鄉縣故城北王莽之移風也世謂之都鄉城按地理志涿郡有西鄉縣而無都鄉城蓋世傳之非也又東逕良鄉城南又東北注聖水世謂

之扶活河宋本作扶活河又名之曰非潔一作之溝也

又東過長鄉縣北

聖水自涿縣東與桃水合首受涑水於徐城東南

良鄉西分洹水世謂之南涉溝即杭水也東逕迺

縣北汝澄曰洹水當作垣水下同杭水疑作范水涑之為范陽郡蓋亦取於此迺即迺字又

東逕涿縣故城下與涑水合世以謂涑水又亦謂

之桃水出涿縣故城西南奇溝東八里大坎下數

泉同發東逕桃仁墟北或曰因水以名墟則是桃

水也或曰終仁之故居非桃水也余按地理志桃

水上承涑水此水所發不與志同謂終為是又東

北與樂堆泉合水出堆東東南流注于涑水涑水

又東北逕涿縣故城西流注于桃應劭曰涑郡故

燕漢高帝六年置其南有涑水蓋氏焉闕駟亦言

是矣今於涑城南無水以應之所有唯西南有是

水矣應劭又云涑水出上谷涑鹿縣余按涑水自

涑鹿東注濕水濕水東南逕廣陽郡與涑郡分水

漢高祖六年分燕置涑郡涑之為名當受涑水通

稱矣故郡縣氏之但物理潛通所在分發故在山

谷為涑耶水按十三卷注云涑水枝分入匈奴者謂之涑耶水山川阻闊

並無公注之理所在受名者皆是經隱顯相關遙

情受用以此推之事或近矣而非所安也桃水又東逕涿縣故城北王莽更名垣翰晉大始元年改曰范陽郡今郡理涿縣故城城內東北角有晉康王碑城東有汜陽王司寇尫廟碑桃水又東北與洹水會水上分涑水於良鄉縣之桃水世謂之北涉溝故應劭曰垣水出良鄉東逕垣縣故城北史記音義曰河間有武垣縣涿有垣縣漢景帝中元三年封匈奴降王賜古本作勝為侯國王莽之垣翰亭矣世謂之頃城非也又東逕頃亦地名也故有頃上言世名之頃前河又東洛水注之水上承鳴澤

渚渚方一十五里漢武帝元封四年行幸鳴澤者也服虔曰澤名在迺縣北界卽此澤矣西則獨樹水注之水出迺縣北山東入渚北有甘泉水注之出良鄉西山東南逕西鄉城西而南注澤渚水又東逕西鄉城南又東逕垣縣而南入垣水垣水又東逕涿縣北東流注于桃故應劭曰垣水東入桃闕駟曰至陽鄉注之今按經脉而不能屆也桃水東入陽鄉東注聖水聖水又東廣陽水注之水出小廣陽西山東逕廣陽縣故城北又東福祿水注焉水出西山東南逕廣陽縣故城南東入廣陽水

亂流東南至陽鄉縣右注聖水聖水又東南逕陽鄉城西不逕其北矣縣故涿之陽亭也地理風俗志曰涿縣東五十里有陽鄉亭後分爲縣王莽時更名章武卽長鄉縣也按太康地記涿有長鄉而無陽鄉矣聖水又東逕長興城南又東逕方城縣故城孫云方城今固安縣李牧伐燕取方城是也魏封劉放爲侯國聖水又東左會白祀溝溝水出廣陽縣之婁城東東南流左合婁城水水出平地導泉東南流右注白祀水亂流東南逕常道城西故鄉亭也西去長鄉城四十里魏少帝璜甘露三年所封也

又東南入聖水聖水又東南逕韓城東詩韓奕章曰溥彼韓城燕師所完王錫韓侯其追其貊奄受北國鄭玄曰周封韓侯居韓城爲侯伯言爲獫狁所逼稍稍東遷也王肅曰今涿郡方城縣有韓侯城世謂寒號非也聖水又東南流右會清淀水水發西淀東流注聖水謂之劉公口也

又東過安次縣南東入于海

聖水又東逕勃海安次縣故城南漢桓帝中平二年封荊州刺史王敏爲侯國又東南流注于巨馬河而不達于海也

巨馬河出代郡廣昌縣涑山

即涑水也有二源俱發涑山東逕廣昌縣故城南
王莽之廣屏魏封樂進為侯國矣涑水又東北逕
西射魚城東南而東北流又逕東射魚城南又屈
逕其城東竹書紀年曰荀瑤伐中山取窮魚之丘
窮魚字相類疑即此城也所未詳矣涑水又逕三
女亭西又逕樓亭北左屬白澗溪水有二源合注
一川川石皓然望同積雪故以物色受名其水又
東北流謂之石曹水伏流地下溺克家云溺疑作溢則通
津委注謂之白澗口涑水又東北桑谷水注之水

南發溪北注涑水涑水又北逕小鬢東又東逕大

鬢南蓋霍原隱教授處也徐廣云原隱居廣陽山

教授數千人為王浚所召雖千古世懸猶表二鬢

之稱既無碑頌竟不知定誰居也璋按晉書霍原字休明燕國廣

陽人山居積年門徒百數元康年徵賢良不到後

王浚稱制謀僭使人問之原不荅時有謠曰天子

在何許近在豆田中浚涑水又東北歷紫石溪口

以豆為藿收原斬之與紫水合水北出聖人城北

謝云東北下一作又大亘下東南流左會壘砢溪水蓋山崩委澗積石

淪隍故溪澗受其名矣水出東北西南流注紫石
溪水紫石溪水又逕聖人城東又東南右會檐車

水水出檐石礪東南流逕聖人東南城謝云宋本作逕聖人

城東南南流南流注紫石水又南注于涑水涑水又東

南逕榆城南又屈逕其城東謂之榆城河涑水又

南逕藏刀山下層巖壁立直長于霄宋本作直遠

望崖側有若積刀鏤鏤相比咸悉西首涑水東逕

徐城北出焉世謂之沙溝水又東督亢溝出焉宋本

作又東合一水東南流即督亢溝也一水西南出

即涑之故瀆矣水盛則長津弘注水耗則逼波潛

伏重源顯於迺縣舊則川矣

迺迺縣北

涑水上承故瀆於縣北垂重源再發結為長潭潭

廣百許步長數百步左右翼帶涓流控引疑脫一其字

水自成淵渚長川漫下十一許步東南流逕縣故

城東漢景帝中元三年以封匈奴降王隆疆為侯

國王莽更名迺屏也謂之巨馬河亦曰渠水也又

東南流袁本初遣別將崔臣業魚豢典略作崔巨業攻固安

宋本作攻退還公孫瓚追擊之於巨馬水死者

六七千人即此水也又東南逕范陽縣故城北易

水注之

又東南過容城縣北

巨馬水又東酈亭溝水注之水上承督亢溝水於
 迺縣東東南流歷紫淵東余六世祖樂浪府君自
 涿之先賢鄉爰宅其陰西帶巨川東翼茲水枝流
 津通纏絡墟圃匪直田漁之贍可懷信為遊神之
 勝處也其水東南流又名之為酈亭溝其水又西
 南轉歷大利亭南入巨馬水又東逕容城縣故城
 北又東督亢溝水注之水上承涑水於涑谷引之
 則長津委注過宋本之則微川輟流水德舍和變
 通在我東南流逕迺縣北又東逕涿縣酈亭樓桑
 里南即劉備之舊里也璋按蜀志云先主少孤姬
 懷織席為業舍東南角

上有桑樹生高五丈遙見童童如小車蓋或謂當
 出貴人先主戲言吾必當乘此羽葆蓋車孫云樓

桑里在今涿
 州南十五里又東逕督亢澤澤苞方城縣故屬

廣陽後隸於涿郡國志曰縣有督亢亭孫暢之述
 畫有督亢地圖言燕太子丹使荆軻齎入秦秦王
 殺軻圖亦絕滅地理書上古聖賢冢地記曰督亢
 地在涿郡今故安縣南有督亢陌幽州南界也風
 俗通曰沆漭也言乎淫淫漭漭無崖際也沆澤之
 無水斥鹵之謂也其水自澤枝分東逕涿縣故城
 南又東逕漢侍中盧植墓南又東散為澤渚督亢
 澤也北屈滙宋本于挑水督亢水又南謂之白溝

水南逕廣陽亭西余而南枝溝湖云宋本作而合南枝溝無余字

溝水西受巨馬河東出為枝溝又東注白溝白溝

又南入于巨馬河巨馬河又東南逕益昌縣濩澱

水右注之孫公白溝今在新城縣南巨馬河之下流也水上承護陂於

臨鄉縣故城西東南逕臨鄉南漢封廣陽王子須

為侯國地理記曰方城南十里有臨鄉城故縣也

城南十里淀水又東南逕益昌縣故城西南入巨

馬水巨馬水東逕益昌縣故城南漢封廣陽項王

子嬰為侯國王莽之有秩也地理風俗記曰方城

縣東八十里有益昌城故縣也又東八丈溝水注

之水出安次縣東北平地泉泉南逕安次城東東

南逕東州縣故城西又南右合寧池一作河枯溝

溝自安次西北東逕常道城東安次縣故城西晉

司空劉琨所守以拒石勒也又東南至泉州縣西

南東入八丈溝又南入巨馬河亂流東注也原本以又

東南至又南十六字作經文以入巨馬河亂流東注也作注文謝耳伯云宋本又東南至注也二十

五字接石勒也俱作注文

又東過勃海東平舒縣北東入于海

地理志曰涑水東南至容城入于海河即濡水也

蓋升以明會矣謝云宋本作互以明會矣巨馬水於平舒北南

入于雩池一作潭而同歸于海也

水經注箋卷第十三

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

濕水

濕水出鴈門陰館縣東北過代郡桑乾縣南

濕水出于累頭山一曰治水泉發于山側沿坡歷

澗東北流出山逕陰館縣故城西縣故樓煩鄉也

埤按漢地理志鴈門郡陰館縣注云累頭山治水所出東至泉州入海師古曰累音力追反 漢

景帝後元三年置王莽更名富臧矣魏天安三年

齊平徙其民於縣立平齊郡濕水又東北流左會
 桑乾水縣西北上平洪源七輪謂之桑乾泉即潦
 涪水者也耆老云其水潛承太原汾陽縣北燕京
 山之大池池在山原之上世謂之天池方里餘其
 水澄渟鏡淨而不流埤按御覽引此作其水若安
 定朝那之湫淵也清水流潭皎焉冲照池中嘗無
 斥草及其風澤御覽引此作池中曾有淪輒有小
 鳥翠色投淵銜出若會稽之私鳥也松鳥當作耘
詳見四其水陽焊不耗克家云焊陰霖不濫無能
十卷測其淵深也古老相傳言嘗有人乘車於池側忽

過當作大風飄之於水有人獲其輪於

知二水潛流通注矣池東隔阜又有一石池

五六十步清深鏡潔不異大宋本池桑乾水自源

東南流右會馬邑川水水出馬邑西川俗謂之磨

川矣蓋狄語言譌馬磨聲相近故爾其水東逕馬

邑縣故城南于寶搜神記曰昔秦人築城於武周

塞內以備胡城將成而崩數矣有馬走一地周旋

反覆父老異之因依以築城城乃不崩遂名馬邑

或以為代之馬城也諸記紛競未識所是漢以斯

邑封韓王信後為匈奴所圍信遂降之王莽更名

之曰章昭其水東流

克家云流下當有注字

桑乾水桑乾水

又東南流水南有故城南

宋本作東

北臨河又東南右

合濕水亂流枝之

當作津

南分桑乾水又東左合武

周塞水

孫云地理志作武州

水出故城東南流出山逕日没

城南蓋夕陽西頽戎車所薄之故城

舊本作城故

也榮

當作東

有日中城城東又有早起城亦曰食時城在

黃瓜阜北曲中其水又東流右注桑乾水桑乾水

又東南逕黃瓜阜曲西又屈逕其堆南徐廣曰猗

盧廢嫡子曰利孫于黃瓜堆者也又東右合枝津

枝津上承桑乾河東南流逕桑郡北

孫云桑郡當作桑乾郡

大魏因水以立郡受厥稱焉又東北左合夏屋山

水水南出夏屋山之東谿西北流逕故城北所未

詳也又西北入桑乾枝水桑乾枝水又東流津委

浪通結兩湖東湖西浦淵潭相接水至清深晨鳧

夕鴈泛濫其上黛甲素鱗潛躍其下俯仰池潭意

深魚鳥所寡唯良木耳俗謂之南池池北對涅陶

縣之故城南故曰南池也池水又東北注桑乾水

為濕水並受通稱矣濕水又東北逕魏亭西蓋皇

魏天賜三年之所經建也濕水又東北逕白狼堆

南魏烈祖道武皇帝於是遇白狼之瑞故斯阜納

稱焉阜上村基雉尚崇每至鷹隼之

秋羽獵之日肆閱清野為昇眺之逸地矣濕水又

東流四十九里東逕巨魏亭北又東崞川注之水

南出崞山縣故城南王莽之崞張也縣南面玄岳

右背崞山處三山之中故以崞張為名矣其水又

西出山謂之崞口北流逕繁峙故城東王莽之當

要也又北逕巨魏亭又北逕劇陽縣故城西王莽

之善陽也孫云善陽一作鄆陽按十三州志曰在陰館縣東

北一百三里其水又東注于濕水濕水又東逕班

氏縣南如渾水注之水出涼城旋鴻縣後魏地形志恒州梁

城郡有祗鴻縣一本作祗鴻縣西南五十餘里東流逕故城南北

俗謂之獨谷孤城水亦即名焉東合旋鴻池水孫云

後魏書曰代都有旋鴻池水出旋鴻縣東山下水即成池北引

魚水水出魚谿南流注池池水吐納川流以成巨

沼東西二里南北四里北對涼州池之南池池方

五十里俗名乞伏袁河雖隔越山阜鳥道不遠雲

霞之間常有崞云常有之西南流逕旋鴻縣南又

宋本合如渾水是總二水之名矣如渾水又東南

流逕水固縣縣以太和中因山堂之目以氏縣也

水固疑是未固文譌崞考右會年水孫云年水當作羊水水

出平城縣之西苑外武周塞北出東轉逕燕昌城
 南按燕書建興十年慕容寶自河而還軍敗於叅
 合死者六萬人十一年垂衆北至叅合見積骸如
 山設策弔之十六國春秋云死者父兄皆號泣哀
 慟垂慙憤嘔血因而寢疾焉輦過平城北四十里
 疾篤築燕昌城而還卽此城也故北俗謂之老公
 城也羊水又東注于如渾水亂流逕方嶺上有文
 明太皇太后陵陵之東北有高祖陵二陵之南有
 水固堂堂之四周隅雉列榭階欄檻及扉戶梁壁
 椽瓦悉文石也檐前四柱採洛陽之八風谷黑石

爲之雕鏤隱起以金銀間雲雉有若錦焉堂之內

外四側結兩石扶

疑作

帳

孫云疑

青石屏風以文

石爲緣並隱起忠孝之容題刻貞順之名廟前鑄

石爲碑獸碑石在冢

宋本作碑石至佳

左右列柏四周迷

禽闢日院外西側有思遠靈圖圖之西有齋堂南

門表二石闕闕下斬山累結御路下望靈泉宮池

皎若圓鏡矣羊水又東注如渾水又南至靈泉池

枝津東南注池池東西一百步南北二百步池渚

舊名白楊泉泉上出白楊樹因以名焉其猶長楊

五柞之流稱矣南面舊京北背方嶺左右山源亭

觀繡峙方湖及景若三山之倒水下如渾水又南
逕北宮下舊宮人作薄所在如渾水又南分爲二

水一水西出南屈入北苑中歷諸池沼又南逕虎

園東魏太平真君五年成之以牢虎也季秋之月

聖上觀宋本親御圈上勅虎士効力於其下事同奔

戎生制猛獸按穆天子傳云有虎在乎葭中七萃之士高奔戎請生捕虎必全之

即詩所謂袒裼暴虎獻于公所也故魏有捍虎圖

也又逕平城西郭內魏太當當作平七年所成也城

周西郭外有郊天壇壇之東側有郊天碑建興四

年立其水南又屈逕平城縣故城南史記曰高帝

先至平城史記音義曰在鴈門即此縣矣王莽之
平順也魏天興二年遷都於此太和十六年破太

華安昌諸殿造太極殿東西堂及朝堂夾建象魏

乾先當作元中陽端門東西二掖門雲龍神虎中華

諸門皆飾以觀閣東堂東接太和殿殿之東階下

有一碑太和中立古本有石字是洛陽八風谷之石古本

無此石字緇此下石也殿之東北至蓋天九百一十三

石字緇字諸本錯入九卷淇水注中今據宋本改

正于石也殿之東北接紫宮寺南對承賢門門南

即皇信堂堂之四周圖古聖忠臣烈士之容刊題

其側是辯章郎彭城張僧達樂安蔣少遊于堂南

對白臺臺甚高廣臺基四周列壁閣路自內而升
 國之圖錄秘籍悉積其下臺西即朱明閣直侍之
 官出入所由其水夾御路南流逕蓬臺西魏神瑞
 三年又毀建白樓樓甚高竦加觀榭於其上表裏
 飾以石粉皜曜建素赭白綺分宋本作粉故世謂之白
 樓也後置大鼓於其上晨昏伐以千椎為城里諸
 門啓閉之候謂之戒晨鼓也又南逕皇舅寺西是
 太師黎昌憑晉國所造黎昌憑晉國當作昌黎馮
 晉國文明太后兄也官定州刺史進爵昌黎王在
 諸州鎮建佛圖精舍合七十二處孝文即位為侍
 中太師有五層浮圖其神圖像皆合青石為之加以

金銀火齊衆綵之上焯焯有精光又南逕水當作水

寧七級浮圖西制甚妙宋本作其制甚妙工在寡雙又南

遠一作遠出郊郭弱柳蔭街絲楊被浦公私引裂用

周圍挽謝云宋本作圍繞長塘曲池所在布濩故不可得

而論也一水南逕白登山西服虔曰白登臺名也

去平城七里如淳曰平城傍之高城若丘陵矣今

平城東十七里有臺即白登臺也臺南對罌阜即

白登山也故漢書稱上遂至平城上白登者也為

匈奴所圍處孫暢之述畫曰漢高祖被圍七日陳

平使能畫作美女送與冒頓闕氏克家云冒頓闕氏讀如墨特烟

文 恐冒頓勝漢其寵必衰說冒頓解圍於此矣其
 水又逕寧先宮東獻文帝之為太上皇也所居故
 宮矣宮之東次下有兩石柱是石虎鄴城東門石
 橋柱也按柱勒趙建武中造以其石作工妙徙之
 於此余為尚書祠部與宜都王穆罷同拜北郊親
 所逕見 罷當作罷逕當作經埠按後魏書穆 柱側
罷襲兄爵為宜都王尚新平長公主
 悉鏤雲炬 古本作悉鏤雲矩 上作蟠螭甚有形勢
字誤當作雲罔
 信為工巧去子丹碑側遠矣其水又南逕平城縣
 故城東司州代尹治皇都洛陽以為恒州水左有
 大道壇廟始光二年少室道士寇謙之所議建也

兼諸嶽廟碑亦多所署立其廟階五成 三成

周欄檻上階之上以木為員基令干相枝梧以板

切 宋本 其上欄陛承阿上員制如明堂而專室四

戶室內有神坐坐右列玉磬皇輿親降受錄靈壇

號曰天師宣揚道式暫重當時壇之東北舊有靜

輪宮魏神麿四年造抑亦栢梁之流也 漢書武帝

秦越栢梁臺服皮注云 臺高廣超出雲間欲令上

延霄客下絕囂浮太平真君十一年又毀之物不

停固白登亦繼禡矣水右有三層浮圖真容鷲架

悉結石也裝制麗質亦盡美善也東郭外太和中

闍人宕昌公鉗耳處時立祗洹舍於東罽椽瓦梁棟臺壁櫺陛尊容聖像及牀坐軒帳悉青石也圖制可觀所恨唯列壁合石踈而不密庭中有祗洹碑碑題大篆非佳耳然京邑帝里佛法豐盛神圖妙塔築時當作相望法輪東轉茲爲上矣其水自北苑南出歷京城內河于兩湄太和十年累石結岸夾塘之上雜樹交蔭郭南結兩石橋橫水爲梁又南逕藉田及藥圃西明堂東明堂上圓下方四周十二戶九堂而不爲重隅也室外柱內綺井之下施機輪飾縹仰象天狀畫北通之宿鳥蓋天也

此處錯簡已正尚有訛誤當云畫北辰列宿象蓋天也

每月隨斗所建之辰

轉應天道此之異古也加靈臺於其上下則引水爲辟雍水側結石爲塘事準古制是太和中之所經建也如渾水又南與武周川水會水出縣西南山下二源翼導俱發一山東北流合成一川北流

逕武周縣故城西王莽之桓周也

孫云武周桓周字漢志皆作州

又東北右合黃山水西出黃阜下重

孫云疑作東

北流

聖山之水注焉水出西山東流注于黃水黃水又東注武周川又東歷故亭北右合火山山西谿水水導源火山西北流山上有火井南北六十七步廣

減尺許源深不見底炎勢上升常若微雷發響以草爨之則煙騰火發東方朔神異傳云南方有火山焉長四十里廣四五里其中皆生不燼之木晝

夜火然鼠雨猛風不滅古本作得雨猛風不滅考之神異經云得暴風不猛

猛雨不滅吳本改作鼠雨誤矣火中有鼠重百斤毛長二尺餘細

如絲色白時時出火神異經作時時出外以水逐而沃之則

死取其毛績以為布謂之火浣布是山亦其類也

但卉物則不能然其山以火從地中出故亦名榮

臺矣榮當作熒郡國志云連渾渾府遙火山山西有火井炎氣上升常若微電以草爨之烟騰火發

故名火井東五六尺又東有湯井廣輪與火井相

狀勢熱又同以草內之則不然皆沾濡露結故俗

以湯井為目井東有文井祠以時祀祭焉謝云文井祠當

作火井祠孫云三卷固陽縣注中鴻門縣亦有火井祠井北百餘步有東西

谷廣十許步南岸下有風穴厥大容人其深不測

而穴中蕭蕭常有微風雖三伏盛暑猶須襲裘寒

吹凌人不可暫停而其山出雛鳥形類雅鳥純黑

而姣好音與之同績采緝發蓄若丹砂性馴良而

易附非童幼子捕而執之曰赤紫鳥亦曰阿雛鳥

按爾雅純黑反哺謂之慈鳥小而腹下白不反哺

者謂之雅鳥白頭而羣飛者謂之燕鳥大而白頭

者謂之蒼烏爾雅曰鸞斯卑居也孫爻當作炎曰卑

居楚烏捷為當作捷舍人以為壁屋壁屋字誤說文

謂之雅雅楚烏莊子曰雅賈矣馬融亦曰賈烏者

宋本無也又按瑞應圖有三足烏赤烏白烏之名

而無記於此烏故書其異耳自恒山以北並有此

矣其水又東北流注武周川水武周川水又東南

流水側有石祗洹舍并諸窟室比丘尼所居也其

水又東轉逕靈巖南鑿石開山因崖結構其容宋本

作真巨壯世法所締山堂水殿煙寺相望林淵錦

鏡綴目新眺川水又東南流出山魏土地記曰平

城宮西二十里武周塞口者也自山口枝渠東出

入苑漑諸園池苑圍洛陽殿宋本作苑殿北有宮

館一水自枝渠南流東南出火山水注之水發火

山東谿東北流出山山有石炭火之熱間樵炭也

謝云宋本作又東注武周川逕平城縣東南流注

如渾水又南流逕班氏縣故城東王莽之班副也

闕駟十三州志曰班氏縣在郡西南百里北俗謂

之去留城也如渾水又東南流注于濕水濕水又

東逕北平邑縣故城南趙獻侯十三年城平邑地

理志曰屬代王莽所謂平胡也十三州志曰城在

高柳南八十里北俗謂之醜寅城濕水又東逕沙陵南魏金田之地也事同曹武鄴中定矣濕水東逕猓氏縣故城北

漢書孟康注云猓氏字音權精

王莽更名之曰

猓聚也十三州志曰縣在高柳南百三十里俗爲之苦力于城矣濕水又東逕道人縣故城南地理志曰王莽之道仁也地理風俗記曰初築此城有仙人遊其地故因以爲城名矣今城北有淵潭而不注故俗謂之爲平湖也十三州志曰道人城在高柳東北八十里所未詳也濕水又東逕陽原縣故城南地理志曰代郡之屬縣也北俗謂之北邠

州城濕水又東流又東

宋本無流又東三字

陽水注之

縣東北澤中北俗謂之太拔迴水水自源東南流注于濕水又東逕東安陽縣故城北趙惠文王三年封長子章爲代安陽君此卽章封邑王莽之競安也地理風俗記曰五原有西安陽故此加東也濕水東逕昌平縣溫水注之水出南墳下三源俱導合而南流東北逕濕水濕水又東逕昌平縣故城北王莽之長昌也昔牽招爲魏鮮卑校尉屯此濕水又東北逕桑乾縣故城西又屈逕其城北王莽更名之曰安德也魏土地記曰代城北九十里

有桑乾城城西渡桑乾水去城十里有溫湯療疾有驗經言出南非也蓋誤證矣魏任城王彰以建

安二十三年伐烏丸入涿郡遂北遂至據宋本當作遂北遂

至桑乾止於此也水入宋本作又東流祁夷水注之禮

嘔夷之川鄭注云嘔夷即祁夷而躡注潞水云即嘔夷水出平舒縣東逕平

舒縣之故城南澤中史記趙孝成王十九年以汾

門予燕易平舒徐廣曰平舒在代王莽更名之曰

平葆後漢世祖建武七年封陽武將軍馬成爲侯

國其水控引衆泉以成一川魏土地記曰代城西

九十里有平舒城舊本作有城平舒西南五里代水所出

東北流言代水非也祁夷水又東北逕蘭亭南又

東北逕石門關北舊道出中山故關也又東北流

水側有故池按魏土地記曰代城西南三十里有

代王魚池池西北有代王臺東去代城四十里祁

夷水又東北得飛狐谷即廣野君所謂杜飛狐之

口也蘇林據酈公之說言在上黨即實非也如淳

言在代是矣晉建興中劉琨自代出飛狐口奔於

安次即於此道也魏土地記曰代城南四十里有

飛狐門門二門字宋本俱作關水西北流逕南舍亭西又逕

句瓌亭西西北注祁夷水祁夷水又東北流逕代

城西盧植言初築此城板榦一夜自移于此故代
西南五十里大澤中營城自護結葦爲九門於是
就以爲治城圓匝而不方周四十七里開九門更
名其故城曰東城搜神記云其城周圍三十五丈
爲九門故城處呼之以爲東城
趙滅代漢封孝文爲代王梅福上事曰代谷者恒
山在其南北塞在其北谷中之地上谷在東代郡
在西是其地也王莽更之曰厭狄亭魏土地記曰
城內有二泉一源流出城西門一源流出城北門
二源皆北注代水祁夷水又東北熱水注之水出
綾羅澤澤際有熱水亭其水東北流注祁夷水

東北谷水注之出昌平縣故城南又東北入祁夷
祁夷右會逆水水導源將城東西北流逕將城北
在代城東北一十五里疑卽東代矣而尚傳將城
之名盧植曰此城方軌而板榦自移應劭曰城徙
西南去故代五十里故名代曰東城或傳書倒錯
情用疑焉而無以辨之逆水又西注于祁夷之水
逆之爲名以西流故也祁夷水東北逕青牛淵水
自淵東注之者諺云有潛龍出於茲浦形類青牛
焉故淵潭受名矣潭深不測而水周多蓮藕生焉
祁夷水又北逕一故城西西去代城五十里又疑

是代之東城而非所詳也又逕昌平郡東魏太和中置西南去故城六十里又北連水入焉水出碓磬縣東西北流逕碓磬縣故城南又西逕廣昌城南魏土地記曰代南二百里有廣昌城南通大嶺卽此非也十三州記曰平舒城東九十里有廣平城疑是城也尋其名狀忖理爲非又西逕王莽城南又西到刺山水注之水出到刺山西山甚層峻未有升其嶺者魏土地記曰代城東五十里有到刺山山上有佳大黃也其水北流逕一故亭東城北有石人故世謂之石人城西北注連水又北逕

當城縣故城西高祖十二年周勃定代斬陳豨於當城卽此處也應劭曰當桓都山作城故曰當城也又逕故代東而西北流注祁夷水祁夷水西有隨山山上有神廟謂之女郎祠方俗所祠也祁夷水又北逕桑乾故城東而北流注于濕水地理志曰祁夷水出平舒縣北至桑乾入濕是也濕水又東北逕石山水口水出南山北流逕空侯城東魏土地記曰代城東北九十里有空侯城也其水又東北流注濕水濕水又東逕潘城縣北東合協陽關水水出協溪魏土地記曰下洛城西南九十里

有協陽關關道西通代郡其水東北流歷笄頭山
 關駟曰笄頭山在潘城南卽是山也又北逕潘縣
 故城左會潘泉故瀆瀆舊上承潘泉於潘城中或
 云舜所都也魏土地記曰下洛城西南四十里有
 潘城城西北三里有歷山山上有虞舜廟十三州
 記曰廣平城東北一百一十里有潘縣地理志曰
 王莽更名樹武其泉從廣十數步東出城注協陽
 關水雨盛則通注陽旱則不流唯泝泉而已泝音扶經
及莊子所謂泝澗統是也關水又東北流注于濕水又東逕雍
 洛城南魏土地記曰下洛城西西當作西二十里有

雍洛城桑乾水在城南東流者也濕水又東逕下
 洛縣故城南王莽之下忠也魏燕州廣甯縣廣甯
 郡治魏土地記曰去平城五十里城南二百步有
 堯廟濕水又東逕三臺北濕水又東逕無鄉城北
 地理風俗記曰燕語呼亡爲無今改宜鄉也濕水
 又東逕溫泉水注之水上承溫泉於橋山下魏土
 地記曰下洛城東南四十里有橋山下有溫泉泉
 上有祭堂雕簷華宇被于浦上石池吐泉湯湯其
 下炎涼代序是水灼焉無改能治百疾是使越者
 若流池水北流入于濕水濕水又東左得于延水

九經注 卷十三
口水出塞外子玄鎮西長川城南小山山海經曰
梁渠之山無草木多金玉脩水出焉東南流逕且
如縣故城南應劭曰當城西北四十里有且如城
故縣也代稱不拘名號變改校其城郭相去遠矣
地理志曰中部都尉治于延水出縣北塞外即脩
水也脩水又東南逕馬城縣故城北地理志曰東
部都尉治十三州志曰馬城在高柳東二百四十
里俗謂是水為河頭河頭出戎方土俗變名耳又
東逕零丁城南右合延鄉水水出縣西山東逕延
陵縣故城北地理風俗記曰當城西北有延陵鄉

故縣也俗指謂之琦城川又東逕羅亭又東逕馬
城北又東注脩水又東南於宋本大甯郡北右注

鴈門山海經曰鴈門之水出于鴈門之山鴈出

其間在高柳北高柳在代中其山重巒疊巘霞舉

雲高連山隱隱東出遼塞其水東南流逕高柳縣

故城北舊代郡治秦始皇二十三年虜趙王遷國

以為郡當作以王莽之所謂厭狄也建武十九年

世祖封代相堪為侯國昔牽招斬韓忠於此處魏志

牽招字子經太祖辟為從事遣詣柳城在峭王大
會坐上以韓忠為公孫康使者擅拜峭王為單于
捉忠頭頓築拔刀欲斬之峭王
驚怖抱招救請跪伏受勅教城在平城東南六

七十里於代為西北也鴈門水又東南流屈逕一
 故城背山面澤北俗謂之叱嶮城鴈門水又東南
 流屈而東北積而為潭其陂斜長而不方東北可
 二十餘里廣一十五里蒹葭蘭謝云一作叢生焉敦水
 注之導當作其水導源西北少咸之山南麓東流逕
 叅合縣故城南地理風俗記曰道人城北五十里
 有叅合鄉故縣也敦水東又澁水注之出東阜下
 西北流逕故城北俗謂之和堆城又北合敦水亂
 流東北注鴈門水故山海經曰少咸之山敦水出
 焉東流注于鴈門之水郭景純曰水出鴈門山謂

斯水也鴈門水又東北入陽門山謂之陽門水其
 神泉水出葦壁北水有靈焉及其密雲不用陽旱
 愆期多禱請焉水有二流世謂之比連泉一水東
 北逕一故城東世謂之石虎城而東北流注陽門
 水又東逕三會亭北又東逕西伺道城北又東託
 台谷水注之水上承神泉於葦壁北東逕陽門山
 南託台谷謂之託台水汲引泉谿澤澤濤東注行
 者間一十餘渡東逕三會城南又東逕託台亭北
 又東北逕馬頭亭北東北注鴈門水鴈門水又東
 逕大甯郡北魏太和中置有脩水注之即山海經

所謂脩水東流注于鴈門水也地理志曰衍有于

延水而無鴈門脩水之名山海經有鴈門之目而

燕當作無說于延河自下亦通謂之于延水矣水側

有桑林故時人亦謂是水為蓼桑河也斯乃北土

寡桑至此見之因以名焉于延水又東逕罌城南

按史記蔡澤燕人也謝病歸相秦號罌成君疑卽

澤所邑也世名武罌城疑脫一于字延水又東左與寧

川水合水出西北東南流逕小甯縣故城南地理

志寧縣也西部都尉治王莽之博康也魏土地記

曰大甯城西二十里有小甯城昔邑人班丘仲居

水側賣藥於甯百餘年人以為壽後地動宅壞

與里中數十家皆死民人取仲尸棄于延水中收

其藥賣之仲被裘從而詰之北疑作此人失怖叩頭

求哀仲曰不恨汝故使人知我耳去矣後為大餘

王謝云一作夫餘王驛使求甯埤云未當作來北方人謂之謫仙

也于延水又東黑城川水注之水有三源出黑土

城西北奇源合注總為一川東南逕黑土城西又

東南流逕大甯縣西而南入延河延河又東逕大

甯縣故城南地理志云廣寧也王莽曰廣康矣魏

土地記曰下洛西北百三十里有大甯城于延水

又東南逕茹縣故城北王莽之殺武也世謂之如口城魏土地記曰城在鳴鷄山西十里南通大道西達寧川于延水又東南逕鳴鷄山西魏土地記曰下洛城東北三十里有延河東流北有鳴鷄山史記曰趙襄子殺代王于夏屋而并其土襄子迎其姊於代其姊代之夫人也至此曰代已亡矣吾將何歸乎遂磨笄於山而自殺代人憐之為立祠焉因名其疑脫一為磨笄山史記云其姊泣而呼天磨笄自殺代人憐之之所死地名之為磨笄之山孫云磨笄山在今保安州漢涿鹿縣秦上谷郡治每夜有野鷄羣鳴於祠屋上故亦謂之為鳴鷄山魏土地記

六代城東南二十五里有馬頭山其側有鍾乳穴趙襄子既害代王迎姊姊代夫人夫人曰以弟慢夫非仁也以夫怨弟非義也磨笄自刺而死使者自殺民憐之為立神屋於山側因名之為磨笄之山未詳孰是于延水又南逕且居縣故城南王莽之久居也舊本作王莽之所謂文居也其水東南流注于濕水地理志曰于延水東至廣寧入治非矣

又東過涿鹿縣北

涿水出涿鹿山世謂之張公泉東北流逕涿鹿縣故城南王莽所謂禡陸也黃帝與蚩尤戰於涿鹿

之野留其民於涿鹿之河卽於是處也其水又東

北與陂一作阪泉合其水導源縣之東泉魏土地

記曰下洛城東南六十里有涿鹿城城東一里有

陂泉泉上有黃帝祠晉太康地理記曰陂泉亦地

名也泉水東北流與蚩尤泉會水出蚩尤城城無

南古本面魏土地記稱涿鹿城東南六里有蚩尤

城泉水淵而不流霖雨併則流注陂泉亂流東北

入涿水涿水又東逕平原郡南魏徙平原之民置

此故立僑郡以統流離涿水又東北逕祚亭北而

東北入濕水亦云涿水枝分入匈奴者謂之涿耶

地理潛顯難以究昭非所知也濕水又東南左會

清夷水亦謂之滄河也水出長亭南西逕北城村

故城北又西北平鄉川水注之水出平鄉亭西西

北流注清夷水清夷水又西北逕陰莫亭在居庸

縣南十里清夷水又西會牧牛山魏土地記曰沮

陽城東八十里有牧牛山下有九十九泉卽滄河

之上源也山在縣東北三十里山上有道武皇帝

廟耆舊云山下亦有百泉競發有一神牛駁身自

山而降下飲泉竭故山得其名今山下導九十九

泉積以成川西南流國宋本水與浮圖溝水注之

出夷輿縣故城西南王莽以爲朔調亭也其水俱西南注于滄水又西南右合地裂溝古老云晉世地裂分此界間成溝壑有小水俗謂之分界水南流入滄河又西逕居庸縣故城南魏上谷郡治昔劉虞攻公孫瓚不尅北保此城爲瓚所擒有粟水入焉水出縣下城西枕水又屈逕其縣南南注滄河又西與右陽溝水合水出縣東北西南流逕居庸縣城北西逕大翻小翻山南高巒截雲層陵斷霧雙阜共秀競舉羣峯之上郡人王次仲少有異志年及弱冠變蒼頡舊文爲今隸書秦始皇時官

務煩多以次仲所易文簡便於事要奇而召之三徵而輒不至次仲履真懷道窮數術之美始皇怒其不恭令檻車送之次仲首發於道古本作首發於邁化

爲大鳥

御覽引作大鳥

出在車外翻飛而去落二翻於斯

山故其峯巒有大翻小翻之名矣魏土地記曰沮陽城東北六十里有大翻小翻山山上神名大翻神山屋東有溫湯水口其山在縣西北二十里峯舉四十里上廟則次仲廟也右出溫湯療治萬病泉所發之麓俗謂之土亭山此水炎熱倍甚諸湯下足便爛人體療疾者要須別引消息用之耳不

得言

謝云不得言三字似衍孫云不得言者謂不得聲言其熱耳言之則更灼熱矣

次翻

山

宋本作大翻山

東其水東南流左會陽溝水亂流南注

滄河滄河又左得清夷水口魏土地記曰牧牛泉

西流與清夷水合者也自下一水互受通稱矣清夷

水又西靈亭城水注之水出馬蘭西澤中衆泉瀉

流

宋本作衆泉瀉溜

歸于澤澤水所鍾以成溝瀆瀆水又

左與馬蘭谿水會水導馬蘭城城北負山勢因阿

仍谿民居所給唯仗此水水南流出城東南入澤

水澤水又南逕靈亭北又屈逕靈亭東落次仲鳥

翻於此故是亭有靈亭之稱矣其水又南流注于

清水平水

二清水平並當作清夷水

又西得泉溝水會水導源

川南平地北注清夷水清夷水又西南得桓公泉

蓋齊桓公霸世北伐山戎過孤竹西征東馬縣車

上卑耳之

極故水受斯名也

管子封禪篇桓公曰寡人北伐山戎

過孤竹西伐大夏涉流沙東馬懸車上卑耳之山

水源出沮陽縣東西而

謝云常作而西

北流入清夷水清夷水又西逕沮陽縣故

城北秦始皇上谷郡治此王莽敗郡曰朔調縣曰

沮陰闕駟曰涿鹿東北至

克家云此疑脫一上字

谷城六十

里魏土地記曰城北有清夷水西流也其水又屈

逕其城西南流注于濕水濕水南至馬陘山謂之

落馬河

又東南出山

濕水又南入山瀑布飛梁縣河注壑淵滿十許丈謂之落馬洪抑亦孟門之流也濕水自南出山謂之清泉河俗亦謂之曰干水非也濕水又東南逕良鄉縣之北界歷梁山南高粱水出焉

過廣陽薊縣北

孫云廣陽今京師薊縣今大興

濕水又東逕廣陽縣故城北謝承漢書曰世祖與魏朗出薊至廣陽欲南行卽此城也謂之小廣陽濕水又東北逕薊縣故城南魏氏土地記曰薊城

南七里有清泉河而不逕其北蓋經誤謬矣武王封堯後於薊今城內西北隅有薊丘因丘以名邑也猶魯之曲阜齊之營丘矣武王封召公之故國也秦始皇二十三年滅燕以爲廣陽郡漢高帝以封盧綰爲燕王更燕國城有萬載宮光明殿王莽改曰廣公縣曰代成東掖門下舊慕容雋立銅馬像處昔慕容廆有駿馬赭白有奇相逸力至雋光壽元年四十九矣而駿逸不虧雋奇之比鮑氏驄命鑄銅以圖其像親爲銘讚鑄頌其傍像成而馬死矣大城東門內道左有魏征南將軍建城

鄉景侯劉靖碑晉司隸故尉當作校尉王密表功加於

民宜在祀典以元嘉四年九月二十日刊石建碑

揚于後葉矣濕水又東與洗馬溝水合水上承薊

水西注大湖湖有二源水俱出縣西北平地道泉

流結西湖湖東西二里南北三里蓋燕之舊池也

淶水澄澹川亭望遠亦為遊矚之勝所也湖水東

流為洗馬溝側城南東門注昔銚期啓戟處也後漢

書銚期從光武狗薊時薊中起兵應王郎之檄光武趣駕出百姓聚觀滿道不得行期騎馬奮戟噴

目大呼曰趣衆皆披靡及至城門已閉攻之得出謝云啓戟當作啓戟其水又東入

濕水濕水又東逕燕王陵南陵有伏道西北出薊

城中景明中造浮圖建利當作利窮泉掘得此道王

府所禁莫有尋者通城西北大陵而是二基趾盤

疑作盤固猶自高壯竟不知何王陵濕水又東南高

梁之水注焉水出薊城西北平地泉東注逕燕王

陵北又東逕薊城北又東南流魏氏土地記曰薊

東一十里有高粱之水者其水又東南入濕水也

又東至漁陽雍奴縣西入筈溝

漢光武建武二年封潁川太守寇恂為雍奴侯魏

遣張郃樂進圍雍奴即此城矣筈溝水之別名也

魏氏土地記曰清泉河上承桑乾河東流與潞河

合濕水東入漁陽所在枝分故俗諺云高粱無上源清泉無下尾蓋以高粱微洧淺薄裁足津通憑藉洧流方成川畎清泉至潞所在枝分更為微津散漫難尋故也

水經注箋卷第十四

漢 桑 欽撰

後魏 酈道元 注

明 李長庚訂

孫汝澄

朱謀壻箋

李克家全校

濕餘水

沽水

鮑丘水

濡水

遼水

小遼水

沮水

濕餘水出上谷居庸關東

關在沮陽城東南六十里居庸界故關名矣使者

入上谷耿沈

當作沈

迎之於居庸關卽是關也

袁宏漢紀

云更始初立遣使者徇諸國口先降者復爵位上谷太守耿況出迎使者上印綬其水導

源關山南流歷故關下谿之東岸有石室三層其

戶牖扇扉悉石也蓋古關之候臺矣南則絕谷累

石為關址崇墉峻壁非輕功可舉山岫層深側道

褊峽林鄣據嶮古本作林鄣遠嶮蓋遠險路才容

軌曉禽暮獸寒鳴相和羈官遊子聆之者莫不傷

思矣其水歷山南逕軍都縣界又謂之軍都關續

漢書曰尚書盧植隱上谷軍都山也其水南流出

關謂之下口水流潛伏十許里是也

又東流過軍都縣南又東流過薊縣北

濕餘水故瀆東逕軍都縣故城南又東重源潛發

積而為潭謂之濕餘潭又東流易荆水注之其水

導源西北逕于蓼泉亦曰丁蓼水東南流逕郁山

西謂之易荆水公孫瓚之敗于鮑丘也走保易荆

疑岨此水也范曄漢書魏義攷公孫瓚破之於鮑丘瓚遂保易京開置屯田續漢志云

瓚所居易京故城在今幽州歸義縣南十八里魏志瓚傳亦云瓚軍數敗乃走還易京固守此云易

荆正同但易荆水又東左合虎眼泉水出平川東

南流入易荆水又東南與孤山之水合水發川左

導源孤山東南流入易荆水謂之塔界水又東逕

薊城又東逕平昌縣故城南又謂之昌平水魏氏

土地記曰薊城東北一百四十里有昌平城城西
有昌平河又東北注濕餘水濕餘水又東南流左
右芹城水謝云宋本正作水出北山南逕芹城又
古本東南流注濕餘水濕餘水又東南流逕安樂
故城西更始使謁者韓鴻北狗承制拜吳漢爲安
樂令卽此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣
濕餘水於縣西南東入沽河故地理志曰濕餘水
自軍都縣東至潞南入沽是也

沽河從塞外來

沽河出禦夷鎮西北九十里丹花嶺下東南流大
谷水注之水發鎮北大谷谿西南流逕獨石北界
石孤生不因河而自峙又南九泉水注之水導北
川左右翼注入川共成一水故有九源之稱其水
南流至獨石注大谷水大谷水又南逕獨石西又
南逕禦夷鎮城西魏太和中置以捍北狄也又東
南尖谷水注之水源出鎮城東北尖谿西南流逕
鎮城東西南流注大谷水亂流南注沽水又南出
峽岍有二城世謂之獨固門以其藉嶮憑固易爲

依居

宋本作依據

兼壁昇聳疎通若門故得是名

也沽水又南左合乾谿水引北川西南逕一故亭

東又西南注沽水沽水又西南逕赤城東趙建武

年并州刺史王霸為燕所敗退保此城城在山阜

之上下抗深隍谿水之名藉以變稱故河有赤地

之號矣

赤地當作赤城

沽水又東南與鵲谷水合有二源

南即陽樂水也出且居縣

孫云漢志且居縣有樂陽水

地理志

曰水出縣東北流逕大融山小融山

宋本作大北

歷女祁縣故城南地理志曰東部都尉治王莽之

祁縣也世謂之橫水又謂之陽曲河又東南逕一

故亭又東左與舊鹵水合水之

疑

出西北山東南

流逕舊鹵城北城在居庸縣西北二百里故名云

侯鹵

孫云侯鹵當作侯鹵

太和中更名禦夷鎮又東南流注

陽樂水陽樂水又東南逕傍狼山南山石

一作色

特上亭亭孤立超出羣山之表又東南逕溫泉東

泉在山曲之中又逕赤城西屈逕其城南東南入

赤城河河水又東南右合高峰水水出高峰戍東

南城在山上其水西南流又屈而東南入沽水沽

水又西南流出山逕漁陽縣故城西而南合七度

水水出北山黃頌谷故亦謂之黃頌水東南流注

于沽水沽水又南漁水注之水出縣東南平地泉流西逕漁陽縣故城南考諸地說則無聞所識釋

謝云識釋疑誤考地尋川則有應氏謝云疑有脫誤自今城在斯

水之陽有符應說漁陽之名當屬此秦發閭左戍

漁陽卽是城也漁陽又西南入沽水又南與螺山

之水合水出漁陽城南小山魏氏土地記曰城南

五里有螺山其水西南入沽水沽水又南逕安樂

縣故城東晉書地道記曰晉封劉禪爲公國俗謂

之西潞水也

南過漁陽狐奴縣北西南與濕餘水合爲沽河

沽水西南流逕狐奴山西又南逕狐奴縣故城西

漁陽太守張堪於縣開稻田教民植種當作種植百姓

得以殷富童謠歌曰桑無附枝麥秀兩岐張君爲

政樂不可支視事八年匈奴不敢犯塞沽水又南

陽重溝水注之出狐奴山南轉逕狐奴城南王莽

之所謂舉符也側城南注右會沽水沽水又南濕

餘水注之沽水又南左會鮑丘水世所謂東潞也

沽水又南逕潞縣爲有潞名潞河也魏氏土地記

曰城西三十里有潞河也

又東南至雍奴縣西筍溝

濕水入焉俗謂之合口也又東鮑丘水於縣西北而東出焉

又東南至泉州縣與清河合東入于海清河者派河尾也

沽河又東南逕泉州縣故城東王莽之泉調也沽水又東南合清河也今無水清湛漳洹漚易涑濡沽虓池當作漚同歸于海故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之大榆河又南逕鎮東南九十里西密雲戍西又南

左合道人谿水水北川南流逕孔山西又歷密雲

戍東左合孟廣喇水水出喇下喇甚增峻孫云增峻當作

峻峨峨冠衆山之表其水西逕孔山南上有洞穴

開明故土俗以孔山流稱喇水又西南至密雲戍東西注通當作道人水亂流逕密雲戍城南右會大

榆河有東密雲故是城言西矣大榆河又東南流白楊泉水注之北發白楊谿望疑右注大榆河

又東南龍芻谿水自決注之大榆河又東南峽逕

安州舊漁陽郡之滑鹽縣南左合縣之北谿水水

出縣北廣長塹南太和中掘此以防北狄其水南

流逕滑鹽縣故城東王莽更名匡德也漢明帝改曰鹽田右承治世謂之斛鹽城西北去禦夷鎮二

百里南注鮑丘水又南逕僂溪縣故城東古本作南逕虎

縣故城按漢書地理志漁陽郡有辟王莽更之曰敦

德也鮑丘水又西南逕獮平縣故城東王莽之所

謂平獮也又南合三城水水出四里山西逕三城

獮四里山古本作日里山此處誤謂之三城水又

逕香陘山上悉生橐本香世故名焉又西逕石窟

南窟內寬廣行者依焉窟內有水淵而不流栖薄

者取給焉又西北逕伏凌山南與石門水合水出

伏凌山山高峻巖鄣寒深陰崖積雪凝冰夏結事

同離騷峨峨之詠故世人因以名山也水西南流

注之是水有桑谷之名蓋汭出桑谿故也又西南

逕獮平城東南而右注鮑丘水鮑丘水東南逕漁

陽郡治也秦始皇二十二年置王莽更名通路縣

曰得漁地理志王莽各漁陽縣曰鮑丘水又西南

流公孫瓚既害劉虞烏丸思劉氏之德迎其子和

合衆十萬破瓚於是水之上斬首一萬鮑丘水又

西南歷狐奴城東又西南流注之于沽河亂流而

南

又南過潞縣西

鮑丘水入潞通得鮑丘之稱矣高粱水注又當作

首受濕水於戾陵堰水北有梁山山有燕刺王旦

之陵故以戾陵名堰水自堰枝分東逕梁山南又

東北逕劉靖碑北碑云碑云宋本魏使持節都督

河北道諸軍事征北將軍建城鄉侯沛國劉靖字

文恭登梁山以觀源流相際相際疑作以度形勢

嘉武安之通渠美秦民之殷富乃使帳下督丁鴻

軍士千人以嘉平二年立遏遏當作堰下同洛陽

水積石於水道高粱河造戾陵遏開車箱渠其遏為堰也

表云高粱河水者出自并州黃河之別源時長岍

峻固直截中流積石籠以為主遏高一丈東西長

三十丈南北廣七十餘步依北岍立水門門廣四

丈立水水下脫堰十丈山川宋本作暴戾則乘遏

東下平流守常則自門地宋本作入灌田歲二千

頃凡所封地百餘萬畝至景元三年辛酉詔書以

民食轉廣陸廢不贍遣謁者樊晨更制水門限田

千頃刻地四千三百一十六頃出給潞縣改定田

五千九百三十頃水流乘車箱渠自薊西北逕昌

平東盡漁陽潞縣凡所潤舍宋本四五百里所灌

田萬有餘頃高下孔濟原隰底平疏之斯溉決之
 斯散導渠口以為濤門灑灑池以為其澤施加於
 當時敷被于後世晉元康四年君少子驍騎將軍
 平鄉侯弘受命使持節監幽州諸軍事領護烏丸
 校尉寧朔將軍遏立積三十六載至五年夏六月
 洪水暴出毀損四分之三乘謝云乘宋本作刺孫
 云疑作割書曰湯湯北岍七十餘丈上渠車箱所在漫溢追
 惟前立遏之勳親臨山川指授規畧命司馬關內
 侯逢暉內外將士二千人起長岸立石渠修立遏
 治水門門廣四丈立水疑脫一
 喝字五尺與復載利通

塞之宜準遵舊制凡用功四萬有餘焉諸部王侯
 不召而自至繼負而疑脫一
 趨字事者蓋數千人詩載
 經始勿亟易稱民忘其勞斯之謂乎於是二府文
 武之士感秦國思鄭渠之績魏人置豹祀之義乃
 遐慕仁政追述成功元康五年十月十一日刊石
 立表以紀勳烈并記遏制度永為後式焉事見其
 碑辭又東南流薊縣北又東至潞縣注于鮑丘之
 水又南逕潞縣故城西王莽之通潞亭也漢光武
 遣吳漢耿弇等破銅馬五幡於潞東謂是縣也屈
 而東南流逕潞城南世祖拜彭寵為漁陽太守治

此寵叛光武遣游擊將軍鄧隆伐之軍於是水之南光武策其必敗果為寵所破遺壁故壘存焉鮑丘水又東南入夏澤澤南紆曲渚一十餘里北佩

謙澤眇望無限也

謝云謙澤一作諫澤無限疑作無限

又南至雍奴縣北屈東入于海

鮑丘水自雍奴縣故城西北舊分笥溝水東出合笥溝斷衆川東注混同一瀆東逕其縣北又東與洵河合水出右北平無終縣西山白楊谷西北流逕平谷縣屈西南流獨樂水入焉水出北抱犢固南逕平谷縣故城東後漢建武元年光武遣十二

將追大槍五幡及平谷大破之於是縣也

袁宏後漢紀云

光武遣吳漢率耿弇陳俊馬武等十二將軍追戰於潞東及平谷大破之其水南流入

于洵洵水又東

舊本無東字

左合盤山水水出山上其

山峻嶮人跡罕交去山三十許里望山上水可高二十餘里素湍皓然頽波歷谿汭流而下自西北轉注于洵水洵水又東南逕平谷縣故城東南與洵河會水出北山山在僂奚縣

古本作虎溪縣乃號奚之譌故

城東南東南流逕博陸故城北又屈逕其城東世

謂之平陸城非也漢武帝封

宋本無封字

重書封大司

馬霍光為侯國文穎曰博大陸平取其嘉名而無

其縣食邑北海河東薛瓚曰按漁陽有博陸城謂此也今其宋本居山之陽處平陸之上匝帶川流

面據四水文氏所謂無縣目宋本嘉美名也洳水

又東南流逕平谷縣故城西而東南流注于渠洵

河洵河又南逕絳城東而南合五百溝水水出七

山北東逕平谷縣之絳城南東入于洵河洵河又

東南逕臨河城北屈而歷其城東側城南出竹書

紀年梁惠成王十六年齊師及燕戰于洵水齊師

遯卽是水也洵水又南入鮑丘水又東合泉州渠

口故瀆上承宰池水於泉州縣故以泉州爲名北

逕泉州縣東又北逕雍奴縣東西去雍奴故城一

百二十里自虜池一作滹沱北入其下歷水澤一百八

十里入鮑丘河謂之泉州口陳壽魏志曰曹太祖

以蹋頓擾邊公將征之從洵口鑿渠逕雍奴泉州

以通河海者也合當作今無水鮑丘水又東廋水注

之水出右北平徐無縣北塞中而南流歷徐無山

得黑牛谷水又得沙谷水並西出山東流注廋水

昔田于秦避難居之衆至五千家于秦當作于秦

字于秦北平無終人避公孫瓚之難遂入徐無山中營深險平敞地而居百姓歸之數年間至五千

餘開山圖曰山出不炭當作之木生火之石案江

當作注云其木色黑似炭而無葉有石赤色如丹以

一石相磨則火發以然無火可以終身謝云宋本

以終身今則無之其水又逕徐無縣故城東王

莽之北順亭魏氏土地記曰右北平城東北一百

一十里有徐無城其水又西南與周盧溪水合水

出徐無山東南流注度水度疑脫一水字又西南流灑

水注之水出右北平俊靡縣王莽之俊麻也世謂

之車輦水又東南流與溫泉水合水出北山溪即

溫源也養疾者不能澡其炎漂以其過灼故魏氏

土地記曰徐無城東有溫湯即此也其水南流百

步便伏流入于地下水盛則通注灑水又東南逕

石門峽山之高斬絕壁立洞開俗謂之石門口漢

中平四年漁陽張純反殺右北平太守劉政遼東

太守陽紘中平五年與中郎將孟溢率公孫純討

宋本作率公孫瓚討純戰于石門大破之灑水又東南流謂

之北黃水又屈而為南黃水又西南逕無終山即

帛仲理所合神丹處也又於是山作金五千斤以

救百姓山有陽翁伯玉田在縣西北有陽公壇社

即陽公之故居也搜神記曰雍伯雒陽人至性篤

孝父母終沒葬之於無終山山高八十里而上無

水雍伯置飲焉有人就飲與石一斗令種之玉生其田北平徐氏有女雍伯求之要以白璧一雙媒者致命伯至玉田求得五雙徐氏妻之遂卽嫁焉

孫云嫁疑作家蓋娶徐女卽家于此

陽氏譜叙言翁伯是周景王之

孫食采陽樊春秋之末爰宅無終因陽樊而易氏

焉愛仁

宋本

博施天祚玉田其碑文云居于縣北

六十里翁同之山後路徙於西山之下陽公又遷焉而受玉田之賜情不好寶玉田自去今猶謂之爲玉田陽于寶曰於種石處四角作大石柱各一丈中央一頃之地名曰玉田至今相傳云田玉當作

田之指定于此矣而今不知所在同之譜叙自去

文矣蓋水注之水出北山東屈而南流逕無終縣

故城東故城無終子國也春秋襄公十四年無終

子嘉父使孟樂如晉因魏絳納虎豹之皮請和諸

戎是也故燕地矣秦始皇二十二年滅燕置右北

平郡治此玉莽之所謂北順也漢世李廣爲郡出

遇伏石謂虎也射之飲羽卽此處矣魏氏土地記

曰右北平城西北百三十里有無終城其水又南

入灑

此下脫

灑水又西南入于庚水地理志曰灑

水出俊靡縣南至無終東入庚

一作庚

水庚水世

亦謂之為柘水也南逕燕山上懸巖之側有石鼓
去地百餘丈望若數百石困有石梁貫之鼓之東

南有石疑脫一援桴狀同擊勢者舊言燕山石鼓

鳴則土有兵庚水又南逕北平城西而南入鮑丘
水謂之柘日鮑丘水又東逕右北平郡故城南魏

氏土地記曰薊城東北三百里有石北平城鮑丘
水又東巨梁水注之水出土垠縣北陳宮山西南

流逕觀雞山謂之觀雞水水東有觀雞寺寺內有
大堂甚高廣可容千僧下悉結石為之上加塗

暨當作壁書梓材云若作室
家既勤垣墉惟其塗暨茨基內疎通枝經脉散

基側室外四出爨火炎勢內流一堂盡温蓋以此
土寒嚴霜氣肅猛出家沙門率皆貧薄施主慮闕

道業故崇斯構是以志道者多栖託焉其水又西
南流又宋本合區落水出縣北山東南流入巨梁

水巨梁水又西逕土垠縣故城西左會寒渡水水
出縣東北西南流至縣右注梁河梁河又南澗于

水注之水出東北山西南流逕土垠縣故城東西
南流入巨梁水又東南右合五里水水發北平城

東北五里山故世以五里名溝一名田繼泉西流
南屈逕北平城東東南流注巨梁河亂流入于鮑

水逕土垠

丘水巨梁自是水之南極虜池

當作滹沱

西至泉州雍

奴東極於海謂之雍奴藪其澤野有九十九澱校

流條右

校流條右當作枝流條谷

往往逕通非唯

脫一梁字

河鮑丘

歸海者也

濡水從塞外來東南過遼西今支縣北

濡水出禦夷鎮東南其水二源雙引夾山西北流

出山合成一川又西北逕禦夷故城東鎮北百四

十里北流左道則連泉水注之出故城東西北流

逕故城南又西北逕淶水池南其水淵而不流其

水又西屈而北流又東逕故城北連結兩池沼謂

之連泉浦又東北注難河難河右則汗水入焉水

出東塢南西北流逕沙野南北人名之曰沙鎮東

北二百三十里西北入難河濡難聲相近狄俗語

譌耳濡水又北逕沙野西又北逕箕安山東屈而

東北流逕沙野北東北流逕林山北水北有池潭

而不流濡水又東北流逕孤山南東北流呂泉水

注之水出呂泉塢西東南流屈而東逕塢南東北

流三泉水注之其源三泉鴈次合為一水鎮東北

四百里東南注呂泉水呂泉水又東逕孤山北又

東北逆流水注之水出東南導泉西流右屈而東

北注木林山水會之水出山南東注逆水亂流東
北注濡河濡河又東盤泉入焉水自西北東南流
注濡河濡河又東南水流迴曲謂之曲河鎮東北
三百里又東出峽入安州界東南流逕漁陽白檀
縣故城地理志曰濡水出縣北蠻中漢景帝詔李
廣曰將軍其帥師東轅弭節白檀者也又東南流
右與要水合水出塞外三川並導謂之大要水也
東南流逕要陽縣故城東本都尉治王莽更之曰
要術矣要水又東南流逕白檀縣而東南流入于
濡濡水又東而南索頭水注之水北流南逕廣陽

僑郡西魏分右北平置今安州治又南流注于濡
水濡水又東南流武列水入焉其水山川

宋本作三川

派合西源右爲谿水亦曰西藏水東南流出谿與
蟠泉水合泉發州東十五里東流九十里東注西
藏水西藏水又西南流東藏水注之水出東谿一
曰東藏水西南流出谷與中藏水合水導中谿南
流出谷南注東藏水故目其川曰三藏川水曰三
藏水東藏水又南右入西藏水亂流右會龍泉水
水出東山下淵深不測其水西南流注于三藏水
三藏水又西南流與龍芻水合而出于龍芻之谿

東流入藏水又東南流逕列谿謂之武列水東南
歷石襍謝云襍一作擬下左層巒之上有孤石雲舉臨崖

危峻可高百餘仞牧守所逕命選練之士彎弧矢

無能屆其崇標者其水東合流入濡濡水又東南

五渡水注之水北出安樂縣丁原山南流逕其縣

故城西本三會城也其水南入五渡塘於其川也

流紆曲溯涉者頻濟故川塘取名矣又南流注于

濡濡水又與高石水合水東出安樂縣東山西流

歷川宋本無川字三會城南西入五渡川下注濡水濡

水又東南逕盧龍塞塞道自無終縣東出渡濡水

向林蘭陁東至清陁盧龍之嶮峻坂縈折故有九

崢之名矣燕景昭元璽二年遣將軍步渾治盧龍

其道宋本作治盧龍塞其道其字亦衍其塞字之誤也焚山刊石令通方

軌刻石嶺上以記宋本其銘尚存而庾泉之宋本

果注楊都賦言盧龍山在平罌城北殊為孟浪遠

失事實余按盧龍東越青克家云青當作清陁至凡城二

百許里自凡城東北出趣平罌故城可百八十里

向黃龍則五百里故陳壽魏志田疇引軍出盧龍

塞塹山堙谷五百餘里逕白檀歷平罌登白狼望

柳城平罌在盧龍東北遠矣而仲初言在南非也

濡水又東南逕盧龍故城東漢建安十二年魏武征蹋頓所築也濡水又南黃洛水注之水北出盧

龍山南流入于濡濡水又東南水又合焉水又舊本作水

各宋本作洛水合焉水出盧龍塞西南流注濡水又合屈而

注得去潤水又會敖水二水並自盧龍西注濡水

又東南流逕令支縣故城東王莽之令氏亭也秦

始皇二十二年分燕置遼西郡令支縣焉宋本作令支隸

焉魏氏土地記曰肥如城西十里有濡水南流注

逕孤竹城西右合玄水也謂之小濡水非也水出

肥如東北玄溪西南流逕其縣東東屈南轉西迴

逕肥如縣故城南俗又謂肥如水非也故城肥子

國應劭曰晉滅肥肥子奔燕燕封於此故曰肥如

也漢高帝六年封蔡寅為侯國西南流右合盧水

水出縣東北沮溪南流謂之大沮水又南左合陽

樂水水出東北陽樂縣地理風俗記曰陽樂故燕

也遼西郡治秦始皇二十二年置魏氏土地記曰

海陽城西南有陽樂城其水又西南入于沮水謂

之陽口沮水又西南小沮水注之水發冷溪世謂

之冷池又南得溫泉水口注之出東北溫溪自溪

西南流入于小沮水小沮水又南流與大沮水合

而爲盧水也桑欽說盧子之書言晉旣滅肥遷其族於盧水盧水有二渠號小沮大沮合而入于玄

脫一水字

盧水又南與溫水合水出肥如城北西流注

于玄水地理志曰盧水又南入玄水玄水又西南逕孤竹城北西入濡水故地理志曰玄水東入濡蓋自東而注也地理志曰令支有孤竹故城孤竹國也史記曰孤竹君之二子伯夷叔齊讓國於此而餓死于首陽漢靈帝時遼西太守廉翻夢人謂已曰余孤竹君之子伯夷之弟遼海漂吾棺榔聞君仁善願見藏覆明日視之水上有浮棺矣

宋本作吏

噲笑者皆無疾而死於是改葬之晉書地道志曰遼西人見遼水有浮棺欲破之語曰我孤竹君也汝破我何爲因爲立祠焉祠在山上城在山側肥如縣南十二里水之會也

又東南過海陽縣西南入于海

濡水自孤竹城東南逕主鄉北瓠溝水注之出城東南東流注濡水濡水又逕牧城南分爲二水北水枝出世謂之小濡水也東逕樂安亭北東南入海濡水東南流逕樂安亭南東與新河故瀆合自雍奴縣承鮑丘水東出謂之鹽關口魏太祖征蹋

頓與洶口俱導也世謂新河矣陳壽魏志以通河

海也魏志曹公將征遼西單于鑿渠自呼沱入派水名平虜渠又從洶河口鑿入路河名泉州

渠以新河又東北絕廋水又東北出逕右北平絕

洶渠之水又東北逕昌城縣故城北至至宋本作故俱疑衍

王莽之淑武也新河又東為二水枝瀆東南入海

新河自板宋本作枝渠東出合封大水謂之交流合水

出新平縣西南流逕新平縣故城西地理志遼西

之屬縣也又東南流龍鮮水注之水出縣西北世

謂之馬頭山二源俱導南合一川東流注大水地

理志曰龍鮮水東入封大水者也亂流南會新河

南流于海地理志曰封大水於海陽縣南入海

河又東出海陽縣與緩靈水會水出新平縣東北

世謂之大籠山東南流逕令支城西西南流與新

河合南流于海地理志曰緩靈水與封大水皆南

入海新河又東與素河會謂之白水口出令支縣

之藍山南合新河又東南入海新河又東至九過

口枝分南注海新河又東逕海陽縣故城南漢高

祖六年封搖母餘為侯國魏土地記曰令支城南

六十里有海陽城者也新河又東與清水會水出

海陽縣東南流逕海陽城東又南合新河又南流

逕

逕

逕

逕

一十許里西入九過一作過注海新河東絕清水又

東木究水出焉南入海新河又東左迤為孔陽孤

淀名宋本無名字右絕新河南海注當作注海新河又東會

于濡濡水又東南至繁縣碣石山文穎曰碣石在

遼西繁縣王莽之選武也繁縣并屬臨渝王莽更

臨渝為憑德地理志曰大碣石山在右北平驪成

縣西南王莽改曰碣石也漢武帝亦嘗登之以望

巨海而勒其石於此今枕海有石如壩宋本道數

十里當山頂有大石如柱形往往而見立於巨海

之中潮水大至及潮波退不動不沒不知深淺世

名之天橋柱也狀若人造要亦非人力所就韋昭

亦指此以為碣石也三齊畧記曰始皇於海中作

石橋海神為之豎柱始皇求為為當相見神曰我

形醜莫圖我形當與帝相見乃入海四十里見海

神左右莫動手工入潛以脚畫其狀神怒曰帝負

約速去始皇轉馬還前脚猶立後脚隨崩僅得登

岸畫者溺死於海衆山之石皆傾注今猶岌岌東

趨疑卽是也濡水於此南入海而不逕海陽縣西

也蓋經誤證耳又按管子齊桓公二十年征孤竹

來至卑耳之谿十里闞然止瞠然視授弓將射引

來至卑耳之谿十里闞然止瞠然視授弓將射引

來至卑耳之谿十里闞然止瞠然視授弓將射引

而末發管子作未至甲耳之豁十里謂左右曰見

前乎左右對曰不見公曰寡人見長尺而人物具

焉寇右祛衣走馬前豈有人若此乎管仲對曰臣

聞豈山之神有偷兒長尺人物具管子作登山之

導也祛衣示前有水右祛衣示從右方涉也至卑

耳之豁有贊水者從左方涉其深及寇右方涉其

深至膝已涉陸古本作大濟桓公拜曰仲父之聖此

寡人之私罪也又矣管子作寡人之

自孤竹南出則巨海矣而滄海之中山望多矣然

卑耳之川若贊溪者亦不知所在也昔在漢世海

水波襄吞食地廣當同碣石苞淪淇波也

大遼水出塞外衛白平山東南入塞過遼東襄平縣

西埠按西字當是經文舊本作注誤今改正

遼水亦言出砭石山自塞外東流

直遼東之望平縣西王莽之長說也屈而西南流

逕襄平縣故城西秦始皇二十二年滅燕置遼東

郡治此漢高帝八年封紀通為侯國王莽之昌平

也故平州治又東逕舊本無又東逕三字吳本增之遼隧縣故城

西王莽更名之曰順陸也公孫淵遣將軍畢衍拒

大

卷一四

西

司馬懿於遼隧卽是處也遼水又南歷縣有小遼水其流注之也

又東南過房縣西

地理志曰房故遼東之屬縣遼水又右會白狼水水出右北平白狼縣東南

謝云南下當有逕字

廣成縣北流

西北屈逕廣成縣故城南王莽之平虜也俗謂之廣都城又西北石城川水注之水出西南石城山東流逕石城縣故城南地理志曰右北平有石城縣北屈逕白鹿山西卽白狼山也魏書國志曰遼西單于蹋頓尤強爲袁氏所厚故袁尚歸之數入

爲害公出盧龍塹山堙谷五百餘里未至柳城二

百里尚與蹋頓將數萬騎逆戰公登白狼山望柳

城卒與虜遇乘其不整縱兵擊之虜衆大崩斬蹋

頓胡漢降者二十萬口英雄記曰曹操於是繫

當作

擊馬鞍於馬山

古本作上

作十片卽於此也博物志曰

魏武於馬上使格之殺傷其衆王乃統

宋本作自

率常

從健兒數百人擊之獅子哮呼奮越左右咸驚王

忽見一物從林中出如狸超上王車輓上獅子將

至此獸便跳上獅子頭上獅子卽伏不敢起於是

遂殺之得獅子而還未至洛陽四十里洛陽雞狗

皆無鳴吠者也其水又東北入廣成縣東注白狼水白狼水北逕白狼縣城東王莽更名伏狄白狼

水又古本作入東方城川水注之水發川西南山下流

北屈逕一故城西世謂之雀目城東屈逕方城北東入白狼水白狼水又東北逕昌黎縣故城西地

理志曰交黎也東部都尉治王莽之禽虜也應劭

曰今昌黎也高平川水注之水出西北平川東流

逕倭城北蓋委也人從之埤云蓋委以下六字有譌脫又東南

逕乳樓城北蓋逕戎鄉邑兼夷稱之又東南注白

狼水白狼水又東北自魯水注之導西北遠山東

南注白狼水白狼水又東北逕龍山西燕慕容皝

克家云皝別本作號以柳城之北龍山之南福地也使陽裕

築龍城改柳城為龍城縣十二年黑龍白龍見於

龍山見親觀龍去二百步祭以太牢二龍交首嬉

翔解角而去見悅大赦號新宮曰和龍宮立龍翔

祠于山上白狼水又北逕黃龍城東十三州志曰

遼東屬國都尉治昌黎道有黃龍亭者也魏營州

刺史治魏氏土地記曰黃龍城西南有白狼河東

北流附城東北下即是也又東北濫真水出西北

塞外東南歷重山東南入白狼水白狼水又東北

出東流爲二水右水疑卽渝水也地理志曰渝水首受白狼水西南巡山逕一故城以爲河連城疑是臨渝縣之故城王莽曰憑德者矣渝水南流東屈與一水會世名之曰檻倫水蓋戎方之變名耳疑卽地理志當脫一所謂侯水北入渝者也十三州志曰侯水南入渝地理志言蓋自北而南也又西南流注于渝渝水又東南逕一故城東俗曰女羅城又南逕營丘城西營丘在齊而名之於遼燕之間者蓋燕齊遼迴宋本作遠舊本作迴僑分所在其水東南入海地理志曰渝水自塞南入海一水東北出塞

爲白狼水又東南流至房縣至當作于遼魏氏土

地記曰疑脫一狼水下入遼也

又東過安市縣西南入于海

十三州志大遼水自塞西南至安市入于海

又玄菟高句麗縣有遼山小遼水所出西南至遼隧縣入于大遼水也

縣故高句麗相之國也漢武帝元封二年平右渠

置玄菟郡於此王莽之下句麗水出遼山西南流

逕遼陽縣與大渠水會

孫云大渠水當作大梁水水出北塞外

西南流逕至遼水故地理志曰大梁水西南至遼

陽入遼郡國志曰縣故屬遼東後入玄菟其水西南流故謂之爲梁水也小遼水又西南逕襄平縣爲淡淵晉乘嘉三年涸小遼水又逕襄平縣入大梁水司馬宣王之平遼東也斬公孫淵於斯水之上者也

沮水出樂浪鏤方縣東南過於臨沮縣東入于海

許慎云沮水出鏤方東入海一曰出沮水縣十三

州志曰沮水縣在樂浪東北鏤方縣在郡東蓋出

其縣而逕鏤方也謝云鏤方也之下昔燕人衛蒲

自沮水而至朝鮮史記云漢興以朝鮮屬遼東外

王盧維反入匈奴燕人衛蒲亡命聚黨千餘人東走出塞渡沮水屬秦故空地上下障稍役屬真番朝鮮蠻夷及故燕齊亡命者王之都王險所服屬方數千里傳于至孫右渠武帝遣楊僕荀彘出遼東討右渠不能下朝鮮相參使人殺右渠來降遂定朝鮮爲四郡朝鮮故箕子國

也箕子教民以義田織信厚約以八法而下知禁

遂成禮俗戰國時蒲乃王之都王險城地方數千

里至其孫右渠漢武帝元封二年遣樓船將軍楊

僕左將軍荀彘討右渠破渠于沮水遂滅之若沮

水東流無渡沮之理其地今高句麗之國治余訪

蕃使言城在沮水之陽其水西流逕故樂浪朝鮮

縣卽樂浪郡治漢武帝置而西北流故地理志曰

水西至增地縣入海又漢興以朝鮮為遠循遠
水為界考之今古於事差謬蓋經誤

水經注箋卷第十五

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

洛水

洛水出京兆上洛縣謹舉山

地理志曰洛出冢嶺山山海經曰出上洛西山又

曰謹舉之山洛水出焉東與丹水合水出西北竹

山東南流注于洛

洛水又東戶水注之謝云戶一作尸下同

水北出發戶山南流入洛

謝兆申云戶一作尸據按山海經云尸水出尸

山南流注于洛水其中多美玉是知尸字譌也

洛水又東得乳水

孫云按山海經良餘之山乳水出于其陽而東南流注于洛

水北出良餘山南南注于洛

洛水又東會于龍餘之水

水出蟲尾之山東流入洛水

山海經云蠱尾之山龍餘之水出焉東南

流注于洛此蟲字似譌

又東至陽虛山合

宋本有

玄扈之水

是也又曰自鹿蹄之山以至玄扈之山凡九山玄

扈亦山名也而遙與謹舉為九山之次焉故山海

經曰此二山者洛間也是知玄扈之水出于玄扈

之山蓋山水兼受其目矣其水逕于陽虛之下山

海經曰又陽虛之山臨于玄扈之水是為洛汭也

河圖玉板曰倉頡為帝南巡

宋本作隨帝南巡山海經注引河圖但作

為帝蓋為黃帝代巡也

登陽虛之山臨于玄扈洛汭之水靈

龜負書丹甲青文以授之即於此水也

宋本也下有洛水二

字又東歷清池山傍東合武里水水南出武里山

東北流注于洛

洛水又東門水出焉

爾雅所謂洛別為波也洛水又東要水入焉水南

出三要山東北逕拒陽城西而東北流入于洛洛

水又東與獲水合水南出獲興山俗謂之備水也
東北逕獲興川世名之為郟川東北流注于洛
洛水又東逕熊耳山北

禹貢所謂導洛自熊耳博物志曰洛出熊耳蓋開
其源者是也

東北過盧氏縣南洛水逕陽渠關北

陽翻云一作陽下同渠水出南陽渠山即荀渠山也其水

一源兩分川流半解一水西北流屈而東北入於
洛山海經曰熊耳之山浮豪之水出焉西北流注
于洛疑即建水也宋本作即荀渠蓋熊耳之殊稱

若太行之歸山也故地說口熊耳之山地門也

括地象云熊耳為地門其精上為壁附耳星也洛水出其間是亦總名矣

其一水東北逕陽渠城西故關城也其水東北流
注于洛

洛水又東逕盧氏縣故城南

竹書紀年晉出公十九年晉韓龍氏城今竹書云

盧氏城王莽之昌富也有盧氏川水注之水北出盧

氏山東南流逕盧氏城東而流注于洛水又東龍

翼合三川並出縣之南山東北注洛開山圖曰盧

氏山宜五穀可避水災亦通謂之石城山山在宜

陽山西南千名之山咸處其內陵阜原險易以度
身者也又有葛蔓谷水自南山流注洛水洛水又
東逕高門城南卽宋書所謂後軍外兵龐季明入
盧氏進達高門木城者也

洛水東與高門水合

水出北山東南流合洛水枝津水上承洛水東北
流逕石勒城北又東逕高門城北東入高門水亂
流南注洛

洛水又東松楊溪水注之

水出松楊山北流注于洛洛水又東逕黃亭南又

東合黃城溪水水出鵜鵠山有二峰峻極于天高

崖雲峰當作亢石無階後徒喪其捷巧鼉族窮宋本

謝其輕工及其長霄冒顛一作層霞冠峰方乃宋本

可就辨優劣耳故有大小鵜鵠之名矣谿水東

南流歷亭下謂之黃亭谿水而宋本東南入于洛

水洛水又東得荀公漢口孫云漢口水出南山荀

澗卽龐季明所入荀公谷者也其水歷谷東北流

注于洛水洛水又東逕檀山南其山四絕孤峙山

上有塢聚俗謂之檀山塢義熙中劉公西入長安

舟師所屆次于洛陽命叅將戴延之與府舍人虞

道元卽舟溯流窮覽洛川欲知水軍可至之處延
之屈此而返竟不達其源也

洛水又東庫谷水注之

水自宜陽山南三川並發合爲一谿東北流注于
洛洛水又東得鶉鵠水口水發北鶉鵠澗東南流
入于洛洛水又逕僕谷亭北左合北水水出北山
東南流注于洛洛水又東侯谷水出南山北流入
于洛洛水又東逕龍驤城北龍驤將軍王鎮惡從
劉公西入長安陸徑所由故城得其名洛水又東
左合宜陽北山水水自北谿南流注洛洛水又東

廣由澗水注之水出南山由谿北谿

宋本

逕龍驤

城東而北流入于洛洛水又東右得直谷水水出
南山北逕屯城西北流注于洛水也

又東北過蠡城邑之南

城西塢水出北四里山上原高二十五丈故黽池
縣治南對金門塢水南五里舊宜陽縣治也洛水
右會金門谿水水南出金門山北逕金門塢西北
流入于洛洛水又東合款水有二源並發而川

宋本

作兩

逕引謂之大款水也合而東南入于洛洛水

又東黍良谷水入焉南出金門山開山圖曰山出

多重固在韓建武二年強弩偏將軍陳俊轉聲當

擊手金門白馬皆破之即此也而東北流注于洛洛

水又東左合北谿南流入于洛也

又東過陽市邑南又東北過于父邑之南

太陰谷水南出太陰谿北流注于洛洛水又東合

白馬谿水出宜陽山澗有大石厥狀似馬故谿澗

以物色受名也谿水東又克家云疑北流注于洛

洛水又東有昌澗水注之水出西北宜陽山而東

南流逕宜陽故郡南舊陽市邑也故洛陽都典農

治此後改為郡其水又東舊本作南注于洛洛水又東

逕一合塢南城在川北原上高二十丈南北東三

箱天嶮峭絕唯築西面即為合固一合之名起於

是矣劉曜之將攻河南也晉將軍魏該奔於此故

于父邑也洛水又東合杜楊澗水脫一出西北杜

楊谿東南逕一合塢東與槃谷水合亂流東南入

洛

洛水又東渠谷謝云渠谷上下疑有闕

水出宜陽縣南文几山東北流逕雲中塢在上迢

迢層峻流煙半垂纓帶山阜故塢受其名水又東

北入洛水臧榮緒晉書稱孫登嘗經宜陽山作炭

人見之與語登不應作炭者覺其精神非常咸共
傳說太祖聞之使阮藉往觀與語亦不應籍因大
嘯登笑曰復作向聲又爲嘯求與俱出登不肯籍
因別去登上峰行且嘯如簫韶笙簧之音聲振山
谷籍怪而問作炭人作炭人曰故是向人聲籍更
求之不知所止推問久之乃知姓名余按孫綽之
敘高士傳言在蘇門山又別作登傳孫盛魏春秋
亦言在蘇門山又不列姓名阮嗣宗感之著大人
先生論言吾不知其人卽謝云一作阮神遊自得不與
物交阮氏尚不能動其英操復不識何人而能得

其姓名

又東北過宜陽縣南

洛水之北有熊耳山雙巒競舉狀同熊耳此自別
山不與禹貢導洛自熊耳同也昔漢光武破赤眉
樊崇積甲仗與熊耳平卽是山也山際有池池水
東南流水側有一池世謂之鼃池矣又東南逕宜
陽縣故城西謂之西度水又東南流入于洛
洛水又東逕宜陽縣故城南

秦武王以甘茂爲左丞相曰寡人欲通三川窺周
室死不朽矣茂請約魏以攻韓斬首六萬遂拔宜

陽城故韓地也後乃縣之漢哀帝封息夫躬為侯
國城之西門赤眉樊崇與盆子及大將等奉璽綬
劔壁處世祖不即見明日陳兵於洛水見盆子等
謂盆子丞相徐宣曰不悔乎宣曰不悔上嘆曰卿
庸中皁皁鐵中錚錚也洛水又東與厭梁之水合
水出縣北傳一作傳山大陂山無草木其水自陂北
流屈而東南注世謂之五延水又東南流逕宜陽
縣故城東東南流注于洛洛水又東南黃中澗水
出北阜二源奇發總成一川東流注于洛洛水又
東祿泉注之其水近出北谿洛水又東共水入焉

水北出長石之山山無草木其西有谷焉厥名共
谷共水出焉南流得尹谿口水出西北尹谷東南
注之其水右與西南左澗水會水東出近川西流
注于共水共水又南與李谷水出西西北謝云宋本作與

李谷水合水出西北

李谿東南注秦水秦水發源秦谷西南

流與李谷水合而西南流入共水共水世謂石頭
泉而南流注于洛洛水又東黑澗水南出陸渾西

山歷于黑澗西北入洛洛水又東臨亭川水注之
水出西北近谿東南與湖長澗水會水出北山南
入臨亭水又東南歷九曲西而南入洛水也

又東北出散關南

洛水東逕九曲南其地十里有坂九曲穆天子傳所謂天子西征升于九阿此是也洛水又東與豪水會水出新安縣密山南流歷九曲東而南流入于洛洛水之側有石墨山山石盡黑可以書疏故以石墨名山矣

洛水又東枝瀆左出焉

東出關絕惠水又逕清女冢南冢在北山上耆舊傳云斯女清貞秀古跡表來今矣故瀆又東逕周山上有周靈王家皇覽曰周靈王葬於河南城西

南周山上蓋以土生而神故諡曰靈其冢人禱之

不絕又東北逕柏亭南皇覽曰周山在柏亭西柏謂斯亭也又東北逕三王陵東北出焉三王或言

周景王悼王定王也魏司徒公崔浩注西經賦云

西經當作西征潘岳西征賦云咨景悼以迄句政凌遲而彌季崔時所傳或作定悼故云定當作景傳寫者又誤以景作敬耳敬王名旬安得豐言之理乎定當為敬子朝作難

西周政弱人荒悼敬二王與景王俱葬於此故世

以三王名陵帝王世紀曰景王葬于瞿泉一作瞿泉今

洛陽太倉中冢是也而復傳言在此所未詳矣

又悼敬二王稽諸史傳復無葬處今陵東有石碑

錄赧王以上世王名號考之碑記周墓明矣故瀆東北歷制鄉逕河南縣王城西歷邲鄆陌杜預釋地曰縣西有邲鄆陌謂此也故瀆又北入穀蓋經始周啓瀆久廢不修矣洛水自枝瀆又東出關惠水右注之世謂之八關水戴延之西征記謂之八關澤即經所謂散關鄆自南山橫洛水北屬於河皆關塞也即楊僕家僮所築矣惠水出白石山之陽東南流與瞻水合水東出婁涿之山而南流入惠水惠水又東南謝水孫云山海經作謝水注云音謝北出瞻諸之山東南流又有交觸之水北出嵬山南流俱合

惠水惠水又南流逕關北城二十里者也其城西

岨塞垣東抗惠水靈帝中平元年以河南尹何進

為大將軍五營士屯都亭置函谷關廣城伊關大

谷轅轅挺門當作旋門平津孟津等八關都尉官治此

後漢書曰以河南尹何進為大將軍將兵屯都亭置八關都尉官注云八關謂函谷廣城伊關大谷轅轅旋門小平津孟津也函谷為之首在八關之限故世人物

其統目有八關之名矣其水又南流入于洛水山

海經曰白石之山惠水出其陽而南流注于洛謂

是水也洛水又與虢水會水出林楮宋本云之山

山海經曰扶楮之山虢水出焉北流注于洛水其南則鹿蹄之山

也世謂之非也宋本作非山其山陰則峻絕百仞陽則原阜隆平甘水發于東麓北流注于洛水也

又東北過河南縣南

周書稱周公將致政乃作大邑城當作周于中土

南繫于洛水北因于邾山以為天下之大湊孝經

援神契曰八方之廣周洛為中謂之洛邑竹書紀

年晉定公二十年洛絕于周魏襄王九年洛入成

周山水大出南有甘洛城郡國志曰所謂甘城也

地記曰洛水東北過五零陪舊本尾北與澗瀍合

是二水東入千金渠故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦

惟洛良其城方七百二十丈南繫于洛水北因于

邾山以為天下之湊方六百里因西為千里春秋

昭公二十三年晉令宋本諸侯大夫成成周之城

故亦曰成周也遷自序云太史公留滯周南摯仲

治曰古之周南今之洛陽漢高祖始欲都之感婁

敬之言不日而駕行矣屬光武中興宸一本居洛

邑逮於魏晉咸兩宅焉故魏略曰漢大行當作忌

水故去其水而加佳魏為土德土水之母孫云當

也水得土而流土得水而柔除佳加木長少
傳云祝良字石卿為洛陽令歲時亢旱天子祈雨
不得良乃曝身階庭告誠引罪自晨至午紫雲沓
起甘雨登降人為歌曰天久不雨烝人失所天王
自出祝令特苦精符感應滂沱下雨則縣司及河
南尹治司隸周官也漢武帝使領徒隸董督京畿
因名司州焉地記曰洛水東入于中提山間東流
會于伊是也昔黃帝之時天大霧三日帝遊洛水
之上見大魚煞五牲以醮之天乃甚雨七日七夜
魚流始得圖書今河圖視萌篇是也
黃帝得圖書事見帝王世

紀昔王子晉好吹鳳笙招延與道士浮丘同遊伊

洛之浦王子晉浮丘事見列仙傳舍始又受玉雞之儒瑞於此

水合始當作舍始儒字譌衍當刪帝王世紀曰漢高帝母曰舍始遊于洛池有玉雞銜赤珠出列

曰玉英吞此者王舍始吞之而生帝也亦洛神宓妃之所在也洛水

又東合水南出半石之山北逕今水塢孫云今水疑合水

而東北流注于公路澗但世俗音譌號之曰光祿

澗非也上有袁術固四周絕澗迢遞百仞廣四五

里有一水淵而不流故谿澗即其名也後漢書云袁術字公

路少以俠氣聞數與諸公子飛鷹走狗舉孝廉累遷至河南尹虎賁中郎將合水北與

劉水合水出半石東山西北流于劉聚三面臨澗

在緱氏西南周畿內劉子國故謂之劉澗其水西北流注于合水合水又北流注于洛水也

又東過偃師縣南

洛水東逕計素渚中朝時百國貢計所頓故渚得其名又東偃師故縣南與緱氏分水又東休水自南注之其水導源少室山西流逕穴山南而北與少室山合宋本作少室山水合水出少室北溪西南流注休水休水又左會南谿水發大穴南山北流入休水休水又西南北屈潛流地下其故瀆北屈出峽謂之大穴口北歷覆釜堆東蓋以物象受名矣又東

屈零星塢水流

謝云流字似衍

潛通重源又發側緱氏原

開山圖謂之緱氏山也亦云仙者昇焉言王子晉

控鶴斯阜靈王望而不得近舉手謝而去其家得

遺屣俗亦謂之為撫父堆堆上有子晉祠或言在

九山非此世代已遠矣莫能辨之劉向

疑脫一列字

仙

傳云世有簫管之聲焉休水又逕延壽城南緱氏

縣治故滑費春秋滑國郡

宋本作所

都也王莽更名中

亭即緱氏城也城有仙人祠謂之仙人觀休水又

西轉北屈逕其城西水之西南有司空密陵光侯

鄭廟碑文缺不可復識又有晉城門校尉昌原恭

侯鄭仲林碑晉皇始六年立休水又北流注于洛水洛水又東逕百谷塢北戴延之西征記曰塢在川南因而宋本作高為塢高一十餘丈劉武王西入長安舟師所堡也

洛水又北陽渠水注之

竹書紀年晉襄公六年洛絕于洵即此處也洛水又北逕偃師城東東北歷鄆中水南謂之南鄆中水之南鄆亦曰上鄆也逕訾城西司馬彪所謂訾繁也而鄆水注之水出北山鄆谿其水南流世謂之溫水泉水側有重一作童人穴穴中有僵尸戴延

之從劉武王西征記曰有此尸尸今猶在夫物無不化之理竟無不遷之道而此尸無神識事同木

偶之狀喻其推移未若正形之連遷矣宋本作速

所謂死欲速朽之意鄆水又東南於訾城西北東入洛水故

京相璠曰今鞏洛渡北有鄆谷水東入洛謂之下鄆故有上鄆下鄆之名亦謂之北鄆於是有南鄆北鄆之稱矣又有鄆城蓋周大夫鄆盼之舊邑左傳

昭公二十二年王室亂王如平時次于皇鄆胙伐皇大敗

洛水又東逕訾城北又東羅水注之

出方山羅川西北流蒲池水注之疑脫一水字出南浦

坡西北流合羅水謂之長川羅亦曰羅中也蓋盼

子鄠羅之宥居故川得其名耳盼當作盼左傳昭二十三年王子朝

入于王朝鄠羅納諸莊宮杜預云鄠羅周大夫鄠解之子也羅水又西北白馬

谿水注之水出崧山北麓逕白馬塢東而北入羅

水西北流白相澗水注之水出嵩麓桐谿北流逕

九山東又北九山東谿水入焉水出百稱山東谷

其山孤峰秀出巉嶢分立仲長統曰昔密有十城

者身遊九山之上放心不拘之境謂是山也山際

有九山廟廟前有碑云九顯靈宋本有君者太華一府字

之元子陽九列名號曰九山府君也南據崧岳北

帶洛溼晉元康二年九月太歲庚午帝遣殿中謝

一作太歲在戊皇帝遣云云埤按世譜晉元康二年太歲在壬子而用歷經推之是年九月乙亥朔

無庚午日也中郎將關内侯樊廣緱氏令王與傳演宋本

作緱氏令王與主簿傳演奉宣詔命興立廟殿焉又有百蟲將

軍顯靈碑碑云將軍姓伊氏諱益字隤斨帝高陽

之第二子伯益者也史記秦本紀云顓頊之裔孫大業生大費佐舜調馴鳥獸

是為伯翳索隱云伯翳即尚書之伯益列女傳云皐子五歲而贊禹曹大家注云皐子者皐陶之子

伯益也此碑謂益字隤斨帝高陽之第二子與史記異左傳所記隤斨庭堅並高陽氏之子杜元凱

左傳注又云皐陶字庭堅則父子同在八體之中不應並時而舉也晉元康五年七

月七日順人吳義等建立堂廟永平元年二月二

十日刻石立頌贊示後賢矣其水東北流入白相
澗又北逕袁公塢東蓋公路始固有此也故有袁
公之名矣北流注于羅水羅水又西北逕袁公塢
北又西北逕潘岳子父墓前有碑岳父茆瑯瑯太
守碑石破落文字缺敗岳碑題云給事黃門侍郎
潘君之碑碑云君遇孫秀之難闔門受禍故門生
感覆醢以增慟乃樹碑以記事太常潘尼之辭也
晉書云孫秀為小史給潘岳岳惡其狡黠數撻辱
之及趙王倫輔政秀為中書令遂誣岳及石崇歐
陽建謀奉淮南王允齊羅水又於訾城東北入于
玉河為亂誅之夷三族

洛水也

又東北過鞏縣東又北入于河

洛水又東明樂泉注之水出南原下三泉並導故
世謂之五道泉即古明谿泉也春秋昭公二十二
年師次于明谿者也洛水又東逕鞏縣故城南東
周所居也本周之畿內鞏伯國也春秋左傳所謂
尹文父一作公涉於鞏即於此也洛水又東濁水注
之即古湟水也水出南原京相璠曰訾城北三里
有黃亭陌宋本作即此亭也春秋所謂次于黃者也洛
水又東北洞水發南谿石泉世亦名之為石泉也
京相璠曰鞏東地名坎飲在洞水東疑即此水也

又逕盤谷塢東世又名之曰鹽谷水司馬彪郡國志鞏有坎飲聚春秋僖公二十四年王出及坎飲亦以為鞏東邑名也今考厥文若狀焉而不能精辨耳晉太康地記晉書地道脫一並言在鞏西非也其水又北入洛

洛水又東北流入于河

山海經曰洛水成臯西入河是也謂之洛汭即什

谷也故張儀說秦曰下兵三川塞什谷之口謂此

川也史記晉音義曰鞏縣有郛谷水者也史記張儀

傳云司馬錯欲伐蜀張儀曰不如伐韓親魏善楚下兵三川塞斜谷之口當屯留之道魏絕南陽楚

臨南鄭秦攻新城宜陽以臨二周之郊徐廣音義曰斜一作尋成臯鞏縣有尋口黃帝東

巡河過洛修壇沈璧受龍圖于河龜書于洛赤文

篆字堯帝又循壇河洛擇良議沈榮光出河休氣

四塞白雲起迴風逝赤文綠色廣袤九尺負理平

上有列星之分什政之度帝王錄記興亡之數以

授之又東沈書於日稷赤光起玄龜負書背甲赤

文成字遂禪於舜御覽引尚書中候云黃帝東巡河過洛修壇沈璧受龍圖於河

龜書於洛赤文綠色廣袤九尺負理平上有列星之分七政之度帝王錄記興亡之數以授之堯帝

又修壇河洛昧爽禮備榮光出河休氣四塞白雲起迴風搖又東沈璧於洛日稷赤光起玄龜負書

背甲赤文成舜又習堯祀沈書於日稷赤光起玄

龜負位

疑係云負位疑作負書

至于稷下榮光休至黃龍卷甲

書

宋本作舒

圖壇畔赤文綠錯以授舜舜以禪禹殷湯

東觀於洛習禮堯壇降璧三沈榮光不起黃魚雙

躍出濟於壇黑鳥以浴隨魚亦上

尚書中候作降三分沈璧退立

榮光不起黃魚雙躍出濟於壇黑鳥以雄隨魚亦止

化為黑玉赤勒之書黑

龜赤文之題也湯以伐桀故春秋說題辭曰河以

道坤出天苞洛以流川吐地符王者沈禮焉竹書

紀年曰洛伯用與河伯馮夷鬪蓋洛水之神也昔

夏太康失政為羿所逐其昆弟五人須於洛汭作

五子之歌於是地矣

伊水出南陽縣西蔓渠山

山海經曰蔓渠之山伊水出焉淮南子曰伊水出

上魏山地理志曰出熊耳山即麓大同陵巒互別

耳水自熊耳東北逕鸞川亭北姦水出姦山北流

際其城東而北入伊水世人謂伊水為鸞水姦水

為交水故名斯川為鸞川也又東為淵潭潭渾若

沸亦不測其深淺也伊水又東北逕東亭城南又

屈逕其亭東東流者也

宋本作東北流

東北過郭落山

陽水出陽山陽谿世人謂之太陽谷水亦取名焉

東流孫云山海經作北流入伊水伊水又東北鮮水入焉水

出鮮山北流注于伊尹水克家云尹當作伊又與蠻水合

水出盧氏縣之蠻谷東流入于伊

又東北過陸渾縣南

山海經曰瀟瀟之水出於釐山南流注于伊水今

水出陸渾縣之西南王母澗澗北山上有王母祠

故世因以名谿東流注于伊水即瀟瀟之水也伊

水歷岨口山峽也翼岨深高壁立若闕岨上有塢

伊水逕其下歷峽北流即古三塗山也杜預釋地

曰山在縣南闕駟十三州志云山在東南今是山

在陸渾故城東南八十許里春秋昭公四年司馬

侯曰四嶽三塗陽城太室荆山中南九州之險也

服虔曰三塗大行轅轅嶠龜非南望也京相璠之

著春秋地名亦云山名也以服氏之言云塗道也

準周書南望之文服言宜為轅轅大道伊闕皆為

非也春秋晉伐陸渾請有事於三塗知是山明矣

有七谷水注之水西出女桃山宋本作女机山之南七谿

山上有西王母祠東南流注于伊水又北蚤谷水

注之水出女杭山宋本作女机山之東谷東逕故亭南東

流入于伊水伊水又東北逕伏流嶺東嶺上有崑

崙祠民猶祈焉劉澄之末初記稱陸渾縣西有伏
流坂者也今山在縣南崖口北三十里許西則非
也北與溫泉水合水出新城縣之狼罽山之西南
阜下西南流會于伊水伊水又東北逕伏睹嶺左
納焦澗水水西出鹿臍山東流狐山宋本作南其
山分一作介立豐上單秀孤峙故世謂之方山即劉
中書澄之所謂縣有孤山者也東歷伏睹嶺南東
流注于伊伊水又東北涓水注之水出陸渾西山
即陸渾山者也尋郭文之故居訪胡昭之遺像世
去不停莫識所在晉書郭文字文舉河內軹人也少愛山水尚嘉遯父母服畢辭

家游名山洛陽陷乃步擔入吳興餘姚大辟山中而為魏志云胡昭字孔明潁川人居陸渾山中躬耕樂道以經籍自娛閭里敬而愛之寇賊到陸渾南長樂亭自相約誓言胡居士賢者也一不得犯其部落一川賴昭咸無怵惕其水有二源俱導而東注號當作
略在陸渾縣西九十里也司馬彪郡國志曰縣西號當作略池春秋所謂東盡於號當作略者也北
水東流合侯澗水澗出侯谿東南流注于涓水涓
水又東逕陸渾縣故城北平王東遷辛有適伊川
見有被髮而祭於野脫一曰不及百年此其戎乎
魯僖公二十二年春晉遷陸渾之戎于伊川故縣
氏之也涓水東南流左合南水水出西山七谷亦

謂之七谷水祖澗東逝歷其縣南又東南左會北水亂流左合禪渚渚水上承陸渾縣東禪渚渚左

原上陂方十里佳饒魚藪一作藪即山海經所謂南

望禪渚禹父之所化郭景純注云一禪音暖山海經云

青要之山北望河曲南望墀渚禹父之所化郭景純云墀音真鯀化羽淵而復在

此然已變怪亦無往而不化矣世謂此澤為慎望

陂陂水南流注于涓陽水涓陽水又東南注于伊

水昔有莘氏女采桑於伊川得嬰兒於空桑中言

其母孕於伊水之濱夢神告之曰白水出而東走

母明視而見白水出焉告其鄰居而走顧望其邑

咸為水矣其母化為空桑子在其中矣莘女汲而

獻之命養於庖而長有賢德殷以為尹曰伊尹也

伊尹母化為空桑事見呂氏春秋

又東北過新城縣南孫云史記高帝至維陽新城三老董公遮說漢王

馬懷橋長水出新城西山東逕晉使持節征南將

軍宋均碑南均字文平縣人也其碑太始三年十

二月立其水又東流入于伊又有明水出梁縣西

狼羆山俗謂之石澗水也西北流逕楊亮壘南西

北合康水亦宋本亦下狼羆山東北流逕范塢北

與明水合北汶孫云汶字疑誤西南流入于伊山海經曰

放臯之山

舊本作放臯郭景純注山海經放臯山云放或作効又作牧

明水出

焉南流注于伊水是也伊水又與大戟水會出渠

一作梁縣西水有二源北水出廣城西南西南逕楊

志塢北與南水合水源南出廣城澤西流陸渾河

南十二縣簿曰廣城澤在新城縣界黃臯西北流

屈而東逕楊塢南又北屈逕其塢東又逕塢北伺

注老倒澗俗謂之老倒澗水西流入于伊伊水又

北逕新城東與吳澗水會水出縣之西山東流南

屈逕其縣故城西又東轉逕其縣南故蠻子國也

縣有鄂聚今名蠻中是也漢惠帝四年置縣其水

又東北流注于伊水伊水又逕西北當階脫一西

大狂水入焉水東出陽城縣之大苦口當作大山

海經曰大誓之山多璵璠之玉其陽狂水出焉西

南流其中多三足龜人食之者無大疾可以已腫

狂水又西逼當作逕綸氏縣故城南竹書紀年曰楚

吾得帥師及秦伐鄭圍綸氏者也左與倚薄山水

合水北出倚薄之山南逕黃城舊本作城黃西又南逕

綸氏故城東而南流注于狂水狂水又東入宋本作西

八風谿本注之水北出八風山南流逕綸氏城西

西南流入于狂水狂水又西得三交水口水有二

西南流入于狂水狂水又西得三交水口水有二

源各導一谿並出山南流合舍宋本作並出山南合流衍一舍字

故世有二交之名也其水西南流注于狂水狂水

又西逕缶高山北西南與湮水合水出東北湮谷

西南流逕武林亭東北又屈逕其亭南其水又西

南逕湮陽亭東蓋藉水以名亭也又東南流入于

狂狂水又西逕湮陽城南又西逕當階城南而西

流注于伊伊水又北上溝水古本上溝一作土溝出玄望西

山一作山西東逕玄望山南又東逕新城縣故城北東

流注于伊水伊水又北板橋水入焉水出西山東

流入于伊水伊水又北會厭澗水水出西山東流

逕邲垂孫云邲音審亭南春秋左傳文公十七年秋周

甘斂敗戎於邲垂者也服虔曰邲垂在高都南杜

預釋地曰河南新城縣北有邲垂亭司馬彪郡國

志曰新城有高都城今亭在城南七里遺基猶在

謝云在字下京相璠曰舊說言邲垂在高都南今

上黨有高都縣余謂京論踈遠未足以證無知羣

說之旨密矣埤云知羣字譌當作無如處說之旨密矣其水又東注于

伊水伊水又北逕高都城東徐廣史記音義曰今

河南新城縣有高都城竹書紀年梁惠成王十七

年東周與鄭高都利者也又來需之水舊本作來需

水 作來需 出于半石之山西南流逕斌輪城北西歷

芟澗一作艾澗水以其西流又謂之小狂水也其水又

西南逕大石嶺南開山圖所謂大石山也山下有

大石嶺碑河南隱士通明以漢靈帝中平六年八

月戊辰於山堂立碑文字淺鄙殆不可尋魏文帝

獵於此山虎超乘輿孫禮拔劍投虎於是山山在

洛陽南而劉澄之言在洛東北非也山阿有魏明

帝高平陵王隱晉書曰惠帝使校尉陳總仲元詣

洛陽山請雨總盡除小祀唯存大石而祈之七日

大雨卽是山也來需之水又西南逕赤眉城南又

西至高都城東西入伊水謂之曲水也

又東北過伊關中

伊水逕前亭西左傳昭公三十二年晉箕遺樂微

右行跪濟師取前城者也孫云按左傳昭公二十二年晉箕遺樂微右行

詭濟師取前城注云濟師渡伊洛京相璠曰今洛陽西南五十里

伊闕外前亭矣服虔曰前瀆宋本作瀆為泉周地也伊

水又北入伊闕昔大禹疏以通水兩山相對望之

若闕伊水歷其間北流故謂之伊闕矣春秋之闕

塞焉昭公二十六年趙鞅使女寬守闕塞是也陸

機云洛有四闕斯其一焉東巖西嶺並鐫石開軒

高薨架峰西側靈巖下泉流東注入于伊水傅毅
反都賦曰因龍門以暢化開伊闕以達聰也闕左
壁有石銘云黃初四年六月二十四日辛巳大出
水舉高四丈五尺齊此已下蓋記水之漲滅也石
壁又有石銘云末康五年河南府君循大禹之軌
部督郵辛曜新城令王琨部監作掾董猗李褒斬
岸開石平通伊闕石文尚存也

又東北至洛陽縣南北入于洛

伊水自闕東北流之

克家云之當作枝

津右出焉東北引

漑東會合水同注公路澗入于洛

宋本無水戰

國策曰東周欲為田西周不下水蘇子見西周君
曰今不下水所以富東周也民皆種他種欲食之
不如下水以病之東周不必復種稻種稻而復奪
之是東周受於君矣

戰國策云今不下水所以富東周也民皆種麥若欲害之不如下水以病之東周必復種稻種稻而復奪之是東周受命於君矣 西周遂下水

即是水之故渠也伊水又東北枝渠左出焉水積

成湖北流注于洛今當作合伊水伊水又東北至洛

陽縣南逕員丘東大魏郊天之所準漢故事建之

漢書郊祀志曰建武二年初制郊兆於洛陽城南

七里為園壇八陛中又為重壇天地位其上皆南

向其外壇土為五帝位其外為壇重營皆紫以像

宮宮上脫一紫字史天宮按禮天子大裘而冕祭

昊天一作上帝於此今衮冕也壇壇無復紫矣伊

水又東北流注于洛水廣志曰謝云廣志以疑有脫落鯢魚

聲如小兒有四足形如鱧可以治牛出伊水也司

馬遷謂之人魚故著其一作其著史記曰始皇帝之葬

也以人魚膏為燭徐廣曰人魚似鮎而四足即鯢

魚也按山海經伊水出蔓渠山東流注于洛又云

人魚不云伊水豈古今相

浴并厥染之水名伊水乎

灑水出河南穀城縣北山

縣北有潛亭灑水出其北梓澤中梓澤地名也澤

北對原阜即裴氏墓塋所在碑闕存焉其水歷澤

東南南水西有一原其上平敞古舊亭之處也即

潘安仁西征賦所謂越街郵者也

東與千金渠合

周書曰我下灑水西謂斯水也東南流水西南有

帛仲理墓墓前有碑題云真人帛君之表仲理名

護益州巴郡人晉末寧二年十一月立灑水又東

南流注于穀穀水自千金竭東注謂之千金渠也

又東過洛陽縣南又東過偃師縣又東入于洛

澗水出新安縣南白石山

山海經曰白石之山惠水出于其陽東南注于洛

澗水出于其陰北流注于穀孫云山海經曰白石之山惠水出于其陽

南流注于洛澗水出于其陰西北流注于穀世謂是山曰廣陽山水曰

赤岸水亦曰石子澗地理志曰澗水出新安縣東

南東入洛是為密矣東北流歷田谷東坂東謂之

八特坂山海經曰北流注于穀摯仲治三輔決錄

注云馬氏兄弟五人共居穀澗二水之交古本作其居澗

穀二水之交御覽引此作五門客因舍以為名今

在河南西四十里以山海經推校里數不殊仲治

所記水會尚有故居處斯則澗水也即周書所謂

我上澗水東言水者是也御覽引此無言水二字

東南入於洛

孔安國曰澗水出澗池山今新安縣西北有一水

北出澗池界東南流逕新安縣而東南流入于穀

水安國所言當斯水也然穀水出澗池下合澗水

得其通稱或亦指之為澗水也並未詳之耳今孝

水東十里有水世謂之慈澗又謂之澗水按山海

經則少水也而非澗水蓋習俗之誤耳又按河南

有離山水謂之為澗水水西北出離山東南流注

于離山澗水也又東南流歷邾山於穀城東而南

流注于穀舊與穀水亂流流同一作南入于洛今

穀水東入于金渠于當作千楊佺期洛陽記云于

上有穀水塢朱超石澗水與之俱東入洛矣或以

云于金堤舊堰穀水是水並為周公之所相卜也說文曰今河南使水

疑其是即此水也然意所未詳故並書存之耳

水經注箋卷第十六



漢 桑欽撰

後魏酈道元 注

明 李長庚訂

孫汝澄

朱謀埠箋

李克家全校

穀水

甘水

漆水

滄水

沮水

穀水出弘農黽池縣南潘塚林穀陽谷

山海經曰傅山之西有林焉曰潘冢穀水出焉東

流注于洛其中多珉玉

今山海經云其中多珉玉御覽引水經注作珉玉

今穀水出于嶠東馬頭山穀陽谷東北流歷黽池

川本中鄉地也漢景帝三年初徙萬戶爲因嶠黽
之池以目縣焉亦或謂之彭池故徐廣史記音義
曰黽或作彭穀水處也穀水又東逕秦趙二城南
司馬彪續漢書曰赤眉從黽池自利陽南欲赴宜
陽者也世謂之俱利城者嘑曰昔秦趙之會各據
一城秦王使趙王鼓瑟藺相如今秦王擊缶處也
馮異又破赤眉於是川矣故光武璽書曰始雖垂
翅回溪終能奮翼澠池可謂失之東隅收之桑榆
矣穀水又東逕土嶠北孫云土嶠土字疑誤蓋有
東西二嶠此或作西嶠也
所謂二嶠也穀水又東左會北溪溪水北出黽池

山東西流注于穀疑卽孔安國所謂澗水也穀水
又東逕新安縣故城南北夾流而西接嶠黽昔項
羽西入秦坑降卒二十萬於此國滅身亡宜矣穀
水又東逕千秋亭南其亭纍石爲垣世謂之城也
潘岳西征賦曰亭有千秋之號子無七旬之期謂
是亭也又東逕于雍谷溪回岫縈紆石路阻峽故
亦有峽石之稱矣晉水歷側左與北川水合水有
二源竝導北山東南流合成一水自茲注巽入于
穀穀水又東逕缺門山山阜之不接者里餘故得
是名矣二壁爭高斗聳相亂西瞻雙

始低

謝云一本作穀水自疑脫一缺字門而東廣陽川

水注之水出廣陽北山東南流注于穀南望微山

雲峯相亂穀水又逕白超壘南白超字誤俱戴延

之西征記云次至白超壘去函谷十五里築壘當

大道左右有山夾至謝云宋本作浹至相去百餘

步從中出北乃故關城非所謂白超壘也是壘在

缺門東一十五里壘側舊有塢故治宮所在魏晉

之日引穀水為水治以經國用遺跡尚有當作穀

水又東石默溪水出微山東麓石默溪東北流入

于穀穀水又東宋水北流注于穀穀水又東逕魏

將作大匠母丘與盛墓南二碑存焉儉父也管輅

別傳曰輅嘗隨軍西征過其墓而歎謂士友曰玄

武藏頭青龍無足白虎衝尸魏志作白朱雀悲哭

四危已備法應滅族果如其言穀水又東逕函谷

關南東北流阜澗水注之水出新安縣東南流經

母丘與盛墓東又南逕函谷關西關高嶮峽路出

厘郭漢元鼎三年樓船將軍楊僕數有大功恥居

關外請以家僮七百人築塞徙關於新安即此處

也昔郭丹西入關感慨於其下曰不乘駟馬高車

終不出此關也去家十二年果如志焉東觀漢記云郭丹初

之長安從宛人陳兆買入關符以入函谷關既入封符乞人曰不乘使者車不出關因不歸家十二年後奉使

函谷關城東右合桑爽之水山海經曰白石山西

五十里曰穀山其上多穀其下多桑爽之水出焉

嶂按山海經有爽水而多桑爽水蓋後人誤讀穀山其上多穀其下多桑爽水之句耳世謂

之紆麻澗北流注于穀山海經曰其中多碧穀水

又東澗水注之山海經曰婁涿山西四十里曰白

石之山澗水出焉北流注于穀自下通謂之澗水

為穀水之兼稱焉孫云山海經婁涿之山西四十里曰白石之山澗水出于其陰

西北流注于穀水又西五十里曰穀山其上多穀其下多桑爽水出焉而西北流注于穀水其中多

碧綠注云世謂之紆麻澗本為爽水曰桑爽者誤矣故尚書曰伊洛瀍澗既

入于河而無穀水之目是名亦通稱矣劉澄之云

新安有澗水源出北縣又有澗水未知其源余考

諸地記竝無澗水但澗澗字相似時有字錯為澗

也故闕駟地理志曰禹貢之澗水是以知傳寫書

誤字繆舛真證之當作澄之不思所致耳既無斯水何

源之可求乎穀水又東波水注之山海經曰瞻諸

山西三十里婁涿之山無草木多金玉波水山海經作

水出于其陰也疑作世謂之百答水北流注于穀山

海經曰其中多菑石文石穀水又東少水注之山

海經曰虜山西三十里曰瞻諸之山其陽多金其陰多文石少水出于其陰控引衆溪積以成川東流注于穀世謂之慈澗也穀水又東俞隨之水注之山海經曰平蓬山西十里虜山其陽多璵璠之玉俞隨之水出于其陰北流謝云當作北流注于穀世謂之孝水也孫云山海經平蓬之山西十里縞羝之山又西十里曰虜山其陰多璵璠之玉其西有谷焉名曰蕃谷俞隨之水出于其陰而北流注于穀水潘岳西征賦曰澡孝水以濯纓嘉美名之在茲是水在河南城西十餘里故呂忱曰孝水在河南而戴延之言在函谷關西劉澄之又云出擅山擅山在宜陽縣西在穀

水南無南入之理考尋茲說當承緣生述征謬誌耳緣生從戍行旅征途訊訪既非舊土故無所究今川瀾北注澄映泥濘得言枯涸也宋本作何皆得言枯涸皆爲疏僻矣

東北過穀城縣北

城西臨穀水故縣取名焉穀水又東逕穀城南不歷其北又東逕洛水枝流入焉今無水也

又東過河南縣北東南入于洛

河南城西北穀水之右有石磧磧南出爲死穀北出爲湖溝魏太和七年暴水流高三丈此地下停

流以成湖渚造溝以通水東西十里洪謝云洪湖當作決

以注瀝水穀水又逕河南王城北所謂成周矣公

羊曰成周者何東周也何休曰名爲成周者周道

始成王所都也地理志曰河南河南縣故邾鄆地

也京相璠曰邾山名鄆地邑也十年定鼎爲王之

東都謂之新邑是爲王城其城東南名曰鼎門蓋

九鼎所從入也故謂是地爲鼎中楚子伐陸渾之

戎問鼎於此述征記曰穀洛二水本於王城東北

合流所謂穀洛鬪也今城之東南缺千步世又謂

之穀洛鬪處俱爲非也余按史傳周靈王之時穀

洛二水鬪毀王宮王將竭之太子晉諫王不聽遺

堰三堤尚存國語周靈王二十二年穀洛鬪將毀

卒雍左傳襄公二十五年齊人城邾穆叔如周賀

韋昭曰洛水在王城南穀水在王城北東入于瀝

至靈王時穀水盛出於王城西而南流合於洛兩

水相格有似於鬪而毀王城西南也穎客之著春

秋條例客當作容隋經籍志云漢公車言西城梁

門枯水處世謂之死穀是也始知緣生行中造次

入關經究故事與實違矣考王封周桓公於是爲

西周及其孫惠公封少子於鞏爲東周故有東西

之名矣秦滅周以爲三川郡項羽封申陽爲河南
王漢以爲河南郡王莽又名之曰保忠信鄉光武
都洛陽以爲尹尹正也所以董正京畿率先百郡
也穀水又東流逕乾一作祭門北子朝之亂晉所
開也東至千金塢河南十二里當作境簿曰河南
縣城東十五里有千金塢洛陽記曰千金塢舊堰
穀水魏時更修此堰謂之千金塢積石爲塢而開
溝渠五所謂之五龍渠渠上立塢塢之東首立一
石人石人腹上刻勒云太和五年二月八日庚戌
造築此塢更開溝渠此水衡渠上其水此有誤當

渠止助其堅也必經年歷世是故部立石人以記

之二云爾蓋魏文帝修王張故績也塢是郡當作水

使者陳協所造也語林曰陳協數進阮步兵酒後

晉文王欲修九龍堰阮舉協文王用之掘地得古

承水銅龍六枚堰遂成水歷塢東注謂之千金渠

逮于晉世大水暴注溝瀆泄壞又廣功焉石人東

脇下文云太始七年六月二十三日大水并瀑出

常流上三丈蕩壞二塢五龍泄水南注瀉下加歲

久漱齧每澇卽壞歷載消棄大功今故爲今本

作捐棄大功更於西開泄名曰代龍渠地形正平

誠得為宋作瀉泄至理千金不與水勢激爭無緣當

壞由其卑下水得輸宋作踰上激蓄故也今增高千

金於舊一丈四尺五龍自然必歷世無患若五龍

歲久復壞可轉於西更開二塢二渠合用二十三

萬五千六百九十八功以其年十月二十三日起

作功重人少到八年四月二十日畢代龍渠即九

龍渠也後張方入洛破千金塢公私賴之水積年

渠塌頽毀石砌殆盡遺基見存朝廷太和中修復

故塌按千金塢石人西脇下文云若溝渠久疏深

引水者當於河南城北石磧西更開渠北出使首

孤立宋本作役首孤丘亦所未解或俱有譌誤當云使首孤丘謂北引渠東合舊瀆孤死首丘

之意故溝東下因故易就磧堅便時事業已訖然

後見之加邊方多事人力苦少又渠塌新成未患

於水是以不敢預修通之若於後當復興功者宜

就西磧故書之於石以遺後賢矣雖石磧淪敗故

跡可憑準之於文北引渠東合舊瀆舊瀆又東晉

惠帝造石渠於水上按橋西門之南頰文稱晉元

康二年十一月二十日改治石巷水門除堅宋本作堅

枋更為函枋立作覆枋屋前後辟級續石障使南

北入岸築治激處破石以為殺矣到三年三月十

五日畢記并紀列門廣長深淺于左右巷東西長
七尺南北龍尾廣十二丈巷瀆口高三丈謂之罍
門橋又潘岳西征賦曰秣馬罍門卽此處也穀水
又東又結石梁跨水制城西梁也穀水又東左會
金谷水水出大白原東南流歷金谷謂之金水東
南流逕晉衛尉卿石崇之故居也石季倫金谷詩
集敘曰余以元康七年從太僕出爲征虜將軍有
別廬在河南界金谷澗中有清泉茂樹衆果竹栢
藥草蔽翳埤按此藥草蔽翳以下是金谷詩集敘
文而宋本至今俱脫錯以第十七卷渭
水又東過上邽縣注中渭水又東得歷泉水至卽
洋水也北三百二十二字入此彼注自具當刪去

之今按世說注載金谷詩敘曰余以元康六年從
太僕卿出爲使持節監青徐諸軍事征虜將軍有
別廬在河南縣界金谷澗中或高或下有清泉茂
林衆果竹栢藥草之屬莫不畢備又有水碓魚池
土窟其爲娛目歡心之物備矣時征西大將軍祭
酒王詡當還長安余與衆賢共送往澗中晝夜遊
宴屢遷共坐或登高臨下或列坐水濱時琴瑟笙
箛合載其中道路並作及任令與鼓吹遞奏遂各
賦詩以敘中懷或不能者罰酒三斗感性命之不
永懼凋落之無期故具列時人官號姓名年紀又
寫詩箸後後之好事者其覽之哉凡三十人吳王
師議郎關中侯始平武功蘇紹字世嗣年五十爲
首西北角築之謂之金墉城魏文帝起層樓於東
北隅晉宮閣名曰金墉有崇天堂卽此地上架木
爲榭故曰樓矣皇居創徙宮極未就止蹕於此構
宵榭於故臺所謂臺以停停也南曰乾光門夾建

兩觀觀下列朱桁於塹以爲御路東曰含春門北有退門城土西面列觀五十步一睥睨屋臺置一鍾以和漏鼓函北連廡蔭墉北廣榭炎夏之日高視高視字誤當作高歡卽神武也按北史神武以天平元年舉兵至河北七月己酉入洛停于承寧寺魏帝卽日遜于長安常以避暑爲淶水池一所在金墉者也穀水逕洛陽小城北因阿舊城憑結金墉故向地也永嘉亂結以爲壘號曰洛陽壘故洛陽記曰陵雲臺西有金市金市北對洛陽壘者也又東歷大夏門下故夏門也陸機與弟書云門有三層高百尺魏明帝造門內東側際城有魏文帝所起景

陽山餘基尚存孫盛魏春秋曰黃初元年文帝愈崇宮殿雕飾觀閣取白石英及紫石英及五色大石於太行穀城之山起景陽山於芳林園樹松竹草木捕禽獸以充其中于是百役繁興帝躬自掘土率羣臣三公已下莫不展力山之東舊有九江

陸機洛陽記曰九江直作負水水中作負壇三破之夾水得相逕通賦曰濯龍芳林九谷八溪芙蓉

覆水秋蘭被崖今也山則塊阜獨立江謝云詳上文當作九

江或作溪谷無復髣髴矣東京賦注引洛陽圖經云濯龍池名芳林苑名九谷八溪

養魚池也渠水又東枝分南入華林園歷疏圃南圃中

有古玉井井悉以珉玉為之以錙石為口工作精
 密猶不變吉璨焉如新又瑤華宮南歷景陽山北
 山在都亭墜上結方湖湖中起御坐石也御坐前
 建蓬萊山曲池接筵飛沼拂席南面射侯夾席武
 峙背山堂上則石路崎嶇巖嶂峻嶮雲臺風觀纓
 巒帶阜遊觀者升降耶閣孫云耶閣疑作阿閣出入虹陞望
 之狀鳧沒古本作鳥沒吳本改作鳧沒鸞舉矣其中
 引水飛翠傾瀾瀑布或枉渚聲溜潺潺不斷竹柏
 蔭於層石繡薄叢於泉側微飈暫拂則芳溢於六
 空入為神居矣其水東生當作注天淵池池中有魏

文帝九花叢

九花叢當作九華殿洛陽宮殿薄有

志云青龍二年洛陽宮復崇華殿改名九龍殿

殿基悉是洛中故碑累

之今造釣臺於其上池南置魏文帝茅茨堂前有
 茅茨碑是黃初中所立也其水自天淵池東出華

林園逕聽訟觀南故平望觀也魏明帝常言獄天
 下之命也每斷大獄恒幸觀聽之以太和三年更

從今名

唐六典云都官者本漢置司隸校尉屬官掌諸奴男女男子人於罪隸女子入於春

館之事都官郎中掌配沒隸簿錄俘囚以給衣糧藥療以理訴競雪冤

觀西北接華

林隸簿昔劉楨磨石處也文士傳曰文帝之在東

宮也宴諸文學酒酣命甄后拜坐坐者成伏

孫云舊本

伏作威唯劉楨平仰觀之太祖以為不敬送徒隸簿

後太祖乘步牽車乘城降關當作降觀簿作諸徒咸敬

而楨掘坐一作坐磨石不動太祖曰此非劉楨也當作

邪石如何性楨曰石出荆山之巖之下外炳五色

之章內秉賢當作堅貞之志雕之不增文磨之不加

瑩稟氣貞正稟性自然世說注引文士傳云石出荆山懸巖之顛外有五色

之章內合卞氏之珍磨之不加瑩雕之不增文稟氣堅貞受之自然太祖曰名豈虛

哉復為文學池水又東流于洛陽縣之南池池即

故狄泉也南北百一十步東西七十步皇甫謐曰

悼王葬景王於翟泉今洛陽太倉中大家是也春

秋定公元年晉魏獻子合諸侯之大夫于翟泉始

盟城周孫云按左傳晉魏舒合諸侯之大夫于狄泉將以城成周班固服虔皇

甫謐咸言翟泉在洛陽東北周之墓地今按周威

烈王葬洛陽城內東北隅景王塚在洛陽太倉中

翟泉在兩塚之間側廣墓舊本門道東建春門路作莫

北路即東宮街也於洛陽為東北後秦封呂不韋

為洛陽十萬戶侯大其城并得景王冢矣是其墓

地也及晉永嘉元年洛陽東北步廣里地陷有二

鵝出蒼色者飛翔冲天白色者止焉陳留孝廉董

養曰步廣周之狄泉盟會之地今色蒼胡象矣其

可盡言乎後五年劉曜王彌入洛帝居平陽陸機

洛陽字

記步廣里在洛陽城內宮東是狄泉所在

不得於太倉西南也京相璠與裴司空彥季脩晉

輿地圖作春秋地名亦言今太倉西南地水名狄

泉又曰舊說言狄泉本自在洛陽北長弘成周當

莨周

乃繞之杜預因其一證必是狄泉而即實非

也後遂為東宮池晉中州記曰惠帝為太子出聞

蝦蟇聲問人為是官蝦蟇私蝦蟇侍臣賈胤對曰

在官地為官蝦蟇在私地為私蝦蟇今曰若官蝦

蟇可給廩先是有讖云蝦蟇當貴昔晉朝收愍懷

太子於後池即是池也其一水自大夏門東逕宣

武觀憑城結構不更層墉左右夾列步廊參差翼

跂南望天淵池北矚宣武場竹林七賢論曰王戎

幼而清秀魏明帝於宣武場上為欄苞虎阱使力

士袒裼迭與之搏縱百姓觀之戎年七歲亦往觀

焉虎乘間薄欄而吼其聲震地觀者無不辟易顛

仆戎亭然不動帝於門上見之使問姓名而異之

場西故賈充宅地穀水又東逕廣莫門北漢之穀

門也比對芒阜

當作邱阜即北邱山也

連嶺脩垣苞惣衆山

始自洛口西踰平陰悉芒龍也

芒龍當作邱壘

魏志曰明

帝欲平北芒當作邙今登臺見孟津侍中辛毗諫曰

若九河溢涌洪水為害丘陵皆夷河以禦之帝乃

止穀水又東出屋南逕建春門謝云宋本作又東

石橋下即上東門也阮嗣宗詠懷詩曰步出上東

門者也一曰上升門晉曰建陽門百官志曰洛陽

十一門候一人六百石後漢志雒陽十二門每門

皆有亭東觀漢記曰郅憚為上東門候光武嘗出夜

還詔開門欲入憚不內上令從門間識面憚曰火

明遼遠遂拒不開由是上益重之亦袁本初挂節

處也橋首建兩石柱橋之右柱銘云陽嘉四年乙

酉壬申詔書以成宋本作城下漕渠東通河濟南引江

淮方貢委輸所由而至使中謁者魏郡清淵馬憲

監作石橋梁柱敦敕工匠盡要妙之巧攢立重石

累高周距橋工路博流通萬里云云河南尹邳崇

隗承當作承渤海重合雙福水曹掾中牟任防史王

蔭史趙興將作吏睢陽申翔道橋掾成畢卑國洛

陽令江雙丞平陽降監椽王騰之主石作左北平

山仲三月起作八月畢成其水依柱文自樂里道

屈而東出陽渠昔陸機為成都王穎入洛敗此而

返水南即馬市也舊洛陽有三市斯其一也陸機洛陽

記云洛陽舊有二市一曰金市在宮西大嵇叔夜
城內二曰馬市在城東三曰羊市在城南

為司馬昭所害處也北則白社故里也昔孫子荆

會董威輦於白社謂此矣以同載為榮故有威輦

圖晉書董京字威輦初與隴西計吏俱至洛陽被
髮行吟常宿白社中時乞於市得殘碎繒絮結

以自覆孫楚時為著作郎數就社中
與語勸之仕京以詩答之遂遁去又東逕馬市

石橋橋南有二石柱竝無文刻也漢司空漁陽王

梁之為河南也將引穀水以溉京都渠成而水不

流故以坐免後張純堰洛而通漕洛中公私懷瞻

是渠今引穀水蓋純之創也按陸機洛陽記劉澄

之永初記言城之西面有場渠宋本作
陽渠周公制之

也昔周遷殷氏當作
民于洛邑城隍偏狹卑陋之所

耳晉故城成周以居敬王秦又廣之以封不韋以

是推之非專周公可知矣亦謂之九曲瀆故河南

十二縣簿云九曲瀆在河南鞏縣西西至洛陽又

按傳暢晉書云都水使者陳良舊本
作狼鑿運渠從洛

口入注九曲至東陽門是以阮嗣宗詠懷詩所謂

朝出上東門遙望首陽基當作
岑又言遙遙九曲間

裴徊欲何之者也陽渠南水南陽渠之下衍一南
字當作陽渠水南

暨閭當作
閭闔門漢之上西門者也漢官記當作
宮記

曰上西門所以不純白者漢家厄於成故以丹雘

之太和遷都徙門南側其水北乘高渠枝分上下
歷故石橋東入城逕望先寺中有碑碑側法子丹
碑作龍矩龍矩疑當作龍距猶龜跌也勢於今作則佳方古猶

劣渠水又東歷故金市南直千秋門右宮門也又
枝流入石逗伏流注靈芝九龍池魏太和中皇都
遷洛陽經構宮極脩理街渠務窮窮下疑有脫字當作務窮

幽發石視之嘗無毀壞又石工細密非今之所擬
亦奇為精至也遂因用之其一水自千秋門南流
逕神虎門下東對雲龍門二水疑作二門衡楸之上皆

列初學記引此列字作刻雲龍風虎之狀以火齊薄之及其

晨光初起夕景斜輝霜文翠照陸離眩目又南逕

通門掖門西又南流東轉逕闔闔門南案禮王有

五門謂臯門庫門雉門應門路門路門一曰畢門

亦曰虎門也魏明帝上法太極於洛陽南宮起太

極殿于漢崇德殿之故處改雉門為闔闔門昔在

漢世洛陽宮殿門題多是大篆言是蔡邕諸子自

董卓焚宮殿魏太祖平荊州漢吏部尚書安定梁

孟皇蓋當作善師宜官八分體求以贖死太祖善其

法常仰繫帳中愛翫之以為勝宜官北宮榜題咸

是鵠筆南宮既建明帝令侍中京兆韋誕以古篆

書之

書斷云師宜官南陽人靈帝徵天下工書於

徑丈小則

寸千言梁鵠字孟皇安定烏氏人受

善題署尤精

皇都遷洛始令中書舍人沈舍馨

沈舍馨

以隸書書之景明正始之年又敕符節令江

式以大篆易之今諸桁榜題皆是式書周官太宰

以正月懸治法於象魏廣雅曰闕謂之象魏風俗

通曰魯昭公設兩觀於門是謂之闕從門厥聲爾

雅曰觀謂之闕說文曰闕門觀也漢官典職曰偃

師去洛四十五里望朱雀闕其上鬱然與天連是

明峻極矣洛陽故宮名有朱雀闕白虎闕蒼龍闕

北闕南宮闕也東觀漢記曰更始發洛陽李松奉

引車馬奔

當作奔

觸北闕鐵柱門三馬皆死即斯闕

也白虎通曰門必有闕者何闕者所以飾門別尊

卑也今閭闔門外夾建巨闕以應天宿雖不如禮

猶象而魏之上加復思以易觀矣

孫云此當作猶象魏之上而加

復思以易觀矣

廣雅曰復思謂之屏釋名曰屏自障屏也

學思在門外學復也臣將入言事

釋名作將入請事

於此

復重思之也漢末兵起壞園陵學思曰無使民復

思漢也故鹽鐵論曰垣闕學思言樹屏隅角所架

也穎容

當作穎容

又曰闕者上有所失下得書之於闕

所以求論譽於人故謂之闕矣今闕前水南道右
 置登聞鼓以納諫也昔黃帝立明堂之議堯有衢
 室之間舜有告善之旌禹有立鼓之訊湯有總街
 之誹武王有靈臺之復皆所以廣設過誤之備也
 渠水又枝分夾路南逕出太尉司徒兩坊間謂之
 銅駝街舊魏明帝置銅駝諸獸於閭闔南街古本
作銅
駝諸獵吳本
改作諸獸陸機云駝高九尺即出太尉坊者也
 水西有永寧寺熙平中始創也作九層浮圖浮圖
 下基方一十四丈自金露枰下至地四十九丈取
 法代都七級而又高廣之洛陽伽藍記云永寧寺
熙平元年靈太后胡氏

所立也中有九層浮圖一所架木為之舉高九十
 丈有利復高十丈合去地一千尺去京師百里遙
 已見之初掘基至黃泉下得金像三十軀太后以
 為法信之徵利上有金寶瓶容二十五石寶瓶下
 有承露金盤二十重周匝皆垂金鐸雖二京之盛五都之富利利靈
 圖未有若斯之構按釋法顯行傳西國有爵一作
鬱鬱

離浮圖其高與此相狀東都西域俱為莊妙矣其
 地是曹爽故宅經始之日於寺院西南隅得爽窟
 室下入地可丈許地壁悉纍方石砌之石作細密
 都無所毀其石悉入法用自非曹爽庸匠亦難復

制此桓氏有言曹子丹生此豚犢信矣魏志曰曹
爽專政作
 威飲食車服擬於乘輿尚方珍玩充物其家妻妾
 盈後庭作窟室綺疏四周數與何晏等會其中縱

酒作樂魏氏春秋曰曹爽既罷兵曰我不失作富家翁桓範哭曰曹子丹佳人生汝兄弟犢耳何圖今日坐汝渠左是魏晉故廟地今悉民居無復遺等滅族矣

壙也渠水又西歷廟社之間南注南渠廟社各以

物色辯方周禮廟及路寢皆如明堂而有燕寢焉

唯祧廟別無後代通為一廟列正室於下無復燕

寢之制禮天子建國左廟右社以石為主祭則希

冕今多王公攝事王者不親拜焉咸陵元年洛陽

大風帝社樹折青氣屬天元王一作皇東渡魏一作晉

社代昌矣王隱晉書曰武帝咸寧元年八月大風折太社樹有青氣出焉占曰東莞當有

帝者明年元帝生此渠水自銅駝街東逕司馬門晉室中典之表也

南魏明帝始築闕崩壓殺數百人遂不復築故無

闕門南屏中舊有置銅翁仲處金狄既淪故處亦

褫墮壞石存焉自此南直宣陽門經緯通達皆列

馳道往來之禁一同兩漢曹子建嘗行御街犯門

禁以此見薄渠水又東逕杜元凱所謂狄泉北今

無水坎方九丈六尺深二丈餘似是人工而不類

於泉陂是驗非之一證也又皇甫謐帝王世紀云

王室定遂徙居成周小不受王都故壞翟泉而廣

之泉源既塞明無故處是驗非之二證也杜預言

翟泉在太倉西南既言西南於雒陽不得為東北

是驗非之三證也稽之地說事幾明矣不得爲狄
泉也渠水歷司空府前逕太倉南東出陽門石橋
下注陽渠穀水逕閭闔而南土山東水西三里有
坂坂上有土山漢大將軍梁冀所成築土爲山植
林成苑張璠漢記曰山多峭坂以象二嶠積金玉
採捕禽獸以充其中有人殺苑兔者迭相尋逐死
者十三人南出逕西陽門舊漢氏之西明門也亦
曰雍門矣舊門在南太和中以故門卯出故徙是
門東對東陽門穀水又南逕白馬寺東是漢明帝
夢見大人金色項佩白光以問羣臣或對曰西方

有神名曰佛形如陛下所夢得無是乎於是發使

天竺寫致經像始以榆欐盛經白馬負圖表之中

夏故以白馬爲寺名此榆欐榆欐未詳考之袁宏漢紀及牟子俱不言

其事唯吳越春秋嘗有甘密九欐文筭七枚之文解者以爲欐與寔通而齊民要術云榆十五年後中爲車轂及蒲葡萄寔知以榆木爲寔遠致蒲葡萄也寔寔欐二字互通則榆欐乃以榆木爲經函耳

後移在城內愍懷太子浮圖中近世復遷此寺然

金光流照法輪東轉創自此矣穀水又南逕平樂

觀東李尤平樂觀賦曰乃設平樂之顯觀章祕偉

之奇珍華嶠漢書曰靈帝於平樂觀下起大壇上

建十二重五采華蓋高十丈壇東北爲小壇復建

九重華蓋高九丈列奇兵騎士數萬人天子住大
蓋下禮畢天子躬擐甲稱無上將軍行陣三匝而
還設祕戲以示遠人故東京賦曰苑古本作其西則有
平樂都場示遠之觀龍雀蟠蜿天馬半漢應劭曰
飛廉神禽能致風氣古人以良金鑄其形明帝永
平五年長安迎取飛廉并銅馬置上西門外平樂
觀今於上西門外無他基觀惟西明門外獨有此
臺巍然廣秀疑卽平樂觀也又言皇女雅當作殤
埋於臺側故復名之曰皇女臺晉灼曰飛廉鹿身
頭如雀有角而蛇尾豹文董卓銷爲金用銅馬徒

於建始殿東階下胡軍喪亂此象遂淪穀水又南
逕西門門故廣陽門也門左枝渠東派入城逕木
一作社前又東逕太廟南又東於青陽門右下注

陽渠穀水又南東屈逕津陽門南故津陽門也昔
洛水泛汎漂落害者衆津陽城門校將築以遏水
諫議大夫陳宜止之曰王遵臣也水絕其足朝廷
中興必不入矣水乃造門而遏穀水又東逕宣陽
門南故苑門也皇都遷洛移置於此對閭闔門南
直洛水浮桁故東京賦曰沂洛背河左伊右灑者
也夫洛陽考之中土下當作惟洛食寔爲神也門

左即洛陽池處也池東舊平城門所在矣今塞北

對南陽南宮故蔡邕曰平城門正陽之門與宮連

屬郊祀法駕所由從出門之最尊者洛陽諸宮名

曰南宮有謏臺臨照臺東京賦曰其南則有謏門

曲榭依阻城洫東京賦作邪阻城洫注云謏門冰室門也阻

依脫字洫城下池也皆屈曲耶當作邪行依城池為

道故說文曰隍城洫也有水曰池無水曰隍矣謏

門即宣陽門也門內有宣陽水當作冰室周禮有冰

人日在北陸而藏之西陸朝覲而出之冰室舊在

宣陽門內故得是名門既擁塞冰室又罷穀水又

逕靈臺北望雲物也漢光武所築高六丈方二十

步世祖嘗宴於此臺得走鼠於臺上走鼠當作鼠竇氏家傳

云竇攸治爾雅舉孝廉為郎世祖與百寮遊於靈

臺得鼠身如豹文熒有光輝羣臣莫有知者唯攸

對口此名馳鼠事見爾雅乃賜絹百匹亦諫議大夫第五子陵之所

居淪當作倫少子也以清正此下疑脫為郡功曹四

字子陵以清洛陽無主人鄉里無田宅寄止靈臺

或十日不炊司隸校尉南陽左雄尚書廬江朱孟

興等故孝廉功曹各致禮餉竝辭不受永建中卒

穀水又東逕平昌門南故平門也又逕明堂北漢

光武中元元年立尋其基構上圓下方九室重隅

十二堂蔡邕月令章句同之故引水於其下為壁

雍也穀水又東逕開陽門南晉宮閣名曰故建陽

門也漢官本有曰開陽門始成未有名宿昔有

一柱來在樓上琅琊開陽縣上言南城門一柱飛

去光武皇帝使來識視良是遂堅當作傳之刻記

年月日以名焉脫一湯仲弓嘗為門候謝承漢書

仲弓豫章南昌人受學於桓榮為高弟上微行夜

還湯閉門不內朝廷嘉之又東逕國子太學石經

北周禮有國學教成均之法學記曰古者家有塾

黨有庠遂有序國有學亦有虞氏之上庠下庠夏

后氏之東序西序殷人之左學周人之東膠虞庠

王制云養國老於上庠養庶老於下庠故有太學

小學教國之子弟焉謂之國子漢魏以來置太學

於國子堂東漢靈帝光和六年刻石鏤碑載五經

立於太學講堂前悉在東側蔡邕以嘉平四年與

五官中郎將堂谿典光祿大夫彈議郎張訓漢書

大夫馬日禪韓說太史令單颺等奏求正定六經

文字靈帝許之邕乃自書丹於碑使工鐫刻立於

太學門外於是後儒晚學咸取正焉及碑始立其

觀視及筆寫者車乘日千餘兩填塞街陌矣今碑

上悉銘刻蔡邕等名魏正始中又立古篆隸三字
 石經古文出於黃帝之世倉頡本鳥跡為字取其
 孳乳相生故文字有六義焉自秦用篆書焚燒先
 典古文絕矣魯恭王得孔子宅書不知有古文謂
 之科斗書蓋因科斗之名遂效其形耳言大篆出
 於周宣之時史籀創著平王東遷文字乖錯秦之
 李斯及胡毋敬有當作改籀書謂之小篆故有大
 篆小篆焉然許氏字說專釋於篆而不本古文言
 古隸之書起於秦代而篆字文繁蕪會劇者宋本
 故用隸人之省謂之隸書或云即程邈於雲陽

增損者是言隸者篆捷也孫暢之嘗見青州刺史

傅弘什初學記引此說臨淄人發古塚得銅棺前

和外隱脫一為隸字言齊太公脫一世孫胡公之

棺也唯三字是古隸初學記同今書證知隸自一作

字出古非始於秦魏初傳古文出邯鄲淳石經古

文轉失淳法樹之於堂西石長八尺廣四尺列石

於其下碑石四十八枚廣三十丈魏文帝又刊典

論六碑附于其次陸機言太學贊別一碑在講堂

西下列石龜碑載蔡邕韓說高堂谿等名太學弟

子贊復一碑在外門中今二碑竝無石經東有一

碑是漢順帝陽嘉八年立碑文云建武二十七年
造太學年積毀壞永建六年九月詔書修太學刻
石記年用工作徒十一萬二千人陽嘉九年八月
作畢碑南面刻頌表裏鏤字猶存不破漢石經北
有晉辟雍行禮碑是太始二年立其碑中折但世
代不同物不停故石經淪缺存半毀幾當作存駕
言永久諒用憮焉考古有三雍之文今靈臺太學
竝無辟雍處晉永嘉中王彌劉曜入洛焚毀二學
尚髣髴前基矣穀水於城東南隅枝分北注逕清
陽門東故清明門也亦曰稅門也亦曰芒門又北

逕東陽門東故中東門也又北逕故太倉西洛陽
地記曰大城東有大倉倉下運船常有千計卽是
處也又北入洛陽溝穀水又東左迤爲池又東右
出爲方湖東西一百九十步南北七十步故水衡
署之所在也穀水又東南轉屈而東注謂之阮曲
云阮嗣宗之故居也穀水又東注鴻池陂百官志
曰鴻池池名也在洛陽東二十里丞一八二百石
池東西千步南北千一百步四周有塘池中又有
東西橫塘水溜逕通故李尤鴻池陂銘曰鴻澤之
陂聖王所規開水東注出自城池也

開水東注舊
本作開又東

注玉海引此亦作開又其誤久矣按藝文類聚張載鴻池陂銘曰開原東注出自城池蓋本李尤語也其水又東左合七里澗晉後略曰成都王宋本作王

穎使吳人陸機為前鋒都督伐京師輕進為治軍

所處大敗於鹿苑人相登躡死於塹中及七里澗

澗為之滿即是澗也澗有石梁即旅人橋也昔孫

登不欲久居洛陽知楊氏榮不保終思欲遯跡林

鄉隱淪安死宋本作忘死楊駿埋之於此橋之東駿後

尋亾矣搜神記曰太康末京洛始為折楊之歌有

兵革辛苦之辭駿後被誅太后幽死折楊為之應

也凡是數橋皆繫石為之亦高壯矣制作甚佳雖

以時往損功而不廢行旅朱超石與兄書云橋去

洛陽宮六七里悉用大石下員以通水可受大舫

過也奇制作奇制作未詳玉海引此注無此三字題其上云太康三

年十一月初就功日用七萬五千人至四月末止

此橋經破落復更修補今無復文字陽渠水又東

流逕當作漢廣野君酈食其廟南廟在北山上成

公綏所謂偃師西山也山上舊基尚存廟宇東面

門有兩石人對倚北石人胸前銘云門亭長石人

西有二石闕雖經頽毀猶高丈餘闕西即廟故基

也基前有碑文字剝缺不復可識子安仰澄芬於

萬古讚清徽於廟像文字厥集矣

文字下有脫誤當是載字謂成

公子安集中有

陽渠又東逕亳殷南昔盤庚所遷

改商曰殷此始也班固曰尸鄉故殷湯所都者也

故亦曰湯亭薛瓚漢書注皇甫謐帝王世紀竝以

為非以為帝嚳都矣晉太康地理記竝言田橫死

於是亭故改曰尸鄉非也余按司馬彪郡國志以

為春秋之尸氏也其澤野負原夾郭多墳隴焉即

陸士衡會王輔嗣處也袁氏王陸詩敘機初入洛

次河南之偃師時忽結陰望道左右民居者

異苑作左

右若有民居無者字

因往退

宋本作逗異苑作投

宿見一少年姿神端

遠與機言玄機服其能而無以酬折

異苑作抗前至一

辯文機

異苑有乃字

題緯古今綜檢名實此少年不甚

欣解將曉去稅駕嫗曰君何宿而來自東數十里

無村落上有山陽王家墓機乃怪悵還睇昨路空

野昏

異苑行昏字

霾雲攢

異苑有小字

蔽日知所遇者審王

彌也

異苑無前一辯文機六字餘文竝同其譌脫者依異苑補之

此山即祝雞

翁之故居也搜神曰雞翁者

當作搜神記曰祝雞翁者

洛陽人

也居尸鄉北山下養雞百年餘雞至千餘頭皆有

名字欲取呼之名則種別而至後之吳山莫知所

去矣穀水又東逕偃師城南皇甫謐曰帝嚳作都

於亳偃師是也王莽之所謂師氏者也穀水又東流注于洛水矣

甘水出弘農宜陽縣鹿蹄山

山在河南陸渾縣故城西北俗謂之縱山水之所導發于山曲之中故世人目其所為甘棠焉

東北至河南縣南北入洛

甘水發源東北流北屈逕一故城東在非山上世

謂之石城也京相璠曰或云甘水西山上夢汁而

平孫云夢汁疑作廣闊有故甘城在河南城西二十五里指

謂是城也余按甘水東一十許里洛城南有故甘

城焉北對河南故城世謂之鑿謝云鑿一作鑿下同洛城鑿

甘聲相近即故甘城也為王子帶之故邑矣是以

昭叔有甘公之稱焉甘水又與非山水會水出非

山東谷東流入于甘水甘水又於河南城西北入

洛經言縣南非也故京相璠曰今河南河南縣有

甘水北入洛斯得之矣

漆水出扶風杜陽縣俞山東北入于渭

山海經曰踰次之山漆水出焉北流注于渭蓋自

北而南矣尚書禹貢太史公禹本紀云導渭水東

北至涇又東逕漆沮入于洛克家云東逕史記作東過孔安國

曰漆沮一名矣

當作漆沮二水各衍矣字

亦曰洛水也出馮翊

北周太王去邠度渠

當作漆

踰梁上止岐下故詩云

民之初生自土漆沮又曰率西水澣至于岐下是

符禹貢本紀之說許慎說文稱漆水出右扶風杜

陵縣

孫云杜陵當作杜陽

岐山東入渭從水黍聲又云一曰

漆城池也潘岳關中記曰關中有涇渭灞澹鄠鄠

漆沮之水鄠鄠漆沮四水在長安西有柰縣

宋本

長安西

皆注鄠鄠水北注渭開山圖曰麗山西北

有溫池

古本作溫地吳本改作溫池然三秦記及漢武故事並云驪山湯泉又稱溫泉不言

溫池

溫池西南八十里岐川在杜陵埤

宋本

西有渠謂之柰

當作漆下同

渠班固地理志云灃水出

漆縣西闕駟十三州志又云漆水出漆縣西北岐

山東入渭今有水出杜陽縣岐山北柰溪謂之柰

渠西南流注岐水但川土奇異今說互

舊本作牙

出考

之經史各有所據識淺見浮無以辯之矣

澆水出京兆藍田谷北入于灞

地理志曰澆水出南陵縣之藍田谷西北流與一

水合水出西南莽谷東北流注澆水澆水又北歷

藍田川北流注于灞水地理志曰澆水北至灞陵

入灞水

沮水出北地直路縣東過馮翊殺鞏縣北東入于洛
地理志曰沮出畿縣西東入洛今水自直路縣東
南逕燹石山東南流歷檀臺川俗謂之檀臺水屈
而夾山西流又西南逕宜君川世又謂之宜君水
又得黃嶽水口水西北出雲陽縣石門山黃嶽谷
東南流注宜君水又東南流逕殺鞏縣故城西縣
以宋本以字下漢景帝二年置其水南合銅官水
水出東北而西南逕銅官川謂之銅官水又西南
流逕殺鞏縣東西南流逕其城南原下而西南注
宜君水宜君水又南出土門山西又謂之沮水又

東南歷土門南原下東逕懷德城南城在北原上
又東逕漢太上皇陵北陵在南原上沮水東注
渠昔韓欲令秦無東伐使水工鄭國間秦鑿涇引
水謂之鄭渠渠首上承涇水於中山西瓠口所謂
瓠中也爾雅以為周焦誤宋本作瓠矣渠竝北山東注
洛三百餘里欲以溉田中作覺欲殺鄭國曰史記
以溉田中作而覺秦始臣為間然渠成亦秦之利
卒使就渠渠成而用注填闕之水溉澤鹵史記索

鹵一作曷鹵或作斥鹵貨殖傳云營四萬餘頃史
丘地瀉鹵徐廣注云瀉鹵鹹地也收皆畝一鍾關中沃野無復凶年秦以富彊卒并

諸侯命曰鄭渠渠瀆東逕宜秋城北又東逕中山南河渠書曰鑿涇水自中山而封禪書漢武帝獲寶鼎於汾陰將薦之甘泉鼎至中山氤氳有黃雲蓋焉徐廣史記音義曰關中有中山非冀州者也指證此山俗謂之仲山非也鄭渠又東逕捨車宮南紀當作絕涪谷水鄭渠故瀆又東逕巖薛山南池陽縣故城北又東絕清水又東逕北原下濁水注焉自濁水以上無濁水上承雲陽縣東大黑泉東南流謂之濁谷水又東南出原注鄭渠又東歷原逕曲梁城北又東逕太上陵南原下北屈逕原東

與沮水合分為二水一水東南出即濁水也至白渠與澤泉合俗謂之柒水當作漆水下同又謂之為柒沮水絕白渠東逕萬年縣故城北為櫟陽渠城即櫟陽宮也漢高帝葬皇考於是縣起墳陵署邑號改曰萬年也地理志曰馮翊萬年縣高帝置王莽曰異赤也故徐廣史記音義曰櫟陽今萬年矣闕駟曰縣西有澤澗北有小河渭此一作渭水也其水又南屈更名石川水又西南逕郭穰城西與白渠枝渠合又南逕于澗水也其一水東出即沮水也東與澤泉合水出沮東澤中與沮水隔原相去十五

里俗謂是水為渠水也東流逕薄昭墓南塚在北原上又逕懷德城北東南注鄭渠合沮水又自沮

直絕注濁水至白渠合焉故濁水得渠沮當作漆沮之

名也沮循鄭渠東逕當道城南城在潁陽縣故城

南潁陽宮也秦厲公置古本脫秦厲二字吳本增入城北有潁

山山有漢武帝殿以石架之縣在山南故曰潁陽

也古本俱作潁陽誤應劭曰縣在潁水之陽今縣之左右

無水以應之所可當者惟鄭渠與沮水又東逕蓮

芍縣故城北十三州志曰縣以草受名也沮水又

東逕漢光武故城北又東逕粟邑縣故城北脫一字

莽更名粟城也後漢封騎都尉耿夔為侯國其水

又東北流注于洛水矣

水經注箋卷第十七

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

渭水上

渭水出隴西首陽縣渭谷亭南鳥鼠山

渭水出首陽縣首陽山渭首亭南谷山在鳥鼠山

西北此縣有高城嶺嶺上有城號渭源城渭水出

焉三川宋本作三源合注東北流逕首陽縣西與別源

合水出南鳥鼠山渭水出谷尚書禹貢所謂渭出

鳥鼠者也他說曰鳥鼠山同穴之枝幹也渭水出其中東北過疑作流過同穴枝間既言其過明非一

水也又東北流而會于殊源也渭水東南流逕首

陽縣南右得封浹水次南得廣相溪水次東得共

谷水左則天馬溪水次南則伯陽谷水並參差翼

注亂流東南出矣

又北過襄武縣北

廣陽水出西山二源合注成一川東北流注于渭

渭水又東南逕襄武縣東北荆頭川水入焉水出

襄武西南鳥鼠山荆谷東北逕襄武縣故城北王

莽更名相桓漢護羌校尉溫序行部為隗囂部將

荀宇所拘銜鬚自刎處也

後漢書溫序字次房太原祁人建武六年拜謁

者遷護羌校尉行部至襄武為隗囂別將荀宇所拘劫序大怒以箭撻殺之乃銜鬚於口伏劍而死

其水東北流注于渭渭水常若東南不東北也又

東泉注之水出西南雀富谷東北逕襄武縣南

東北流入于渭魏志稱咸熙二年襄武上言太人

見身長三丈餘跡長三尺一寸白髮著黃單衣巾

拄杖呼民王始語云今當太平十二月天祿未終

曆數在晉遂遷魏而事晉

又東過獮道縣南

右則岑溪水次則同水俱左則過水右注之源一作

渭水東南逕獮道故城西昔秦孝公西斬戎之獮

王宋本作斬戎之獮王於此秦本紀注云獮音桓應劭曰獮戎邑也漢靈

帝五年別為南安郡赤亭水出東山赤谷西流逕

城北南入渭水渭水又逕城南得粟水水出西南

安都谷東北流注于渭渭水又東新興川水出西

南鳥鼠山二源合舍宋本作注東北流與彰川合水出

西南溪下東北至彰縣南後魏地形志渭州廣寧郡有彰縣新興縣後漢

郡國志作鄠縣屬隴西郡本屬故道侯尉治漢地理志晉地志武都郡有故道縣

後漢縣之末元元年帝封耿秉為侯國也按後漢書耿秉

以章和二年為征西將軍擊北匈奴大破之封美陽侯萬年川水出南山東

北流注之又東北注新興川又東北逕新興縣北

晉書地道記南安之屬縣也其水又東北與南川

水合出西南山下東北合北水又東北注于渭水

渭水又東逕武城縣西武城川水入焉津源所道

出鹿部西山兩源合注東北流逕鹿部南亦謂之

鹿部水又東北昌丘水出西南丘下東北注武城

水亂流東北注渭水渭水又東入武陽川又有關

城川水出南安城谷水出北丘川參差注渭水渭

水又東與落門西山東流三府谷水注之三川統

水經注卷十七

一東北流注于渭水有落門聚昔馮異攻落門未拔而薨建武十年來歙又攻之擒隗囂子純隴右平渭水自落門東至黑水峽左右六水夾注左則武陽溪水東門得土門谷水俱出北山南流入渭左宋本則有溫谷次東有故城溪水次東有閭里溪水亦名習溪水次東有黑水並出南山北流入渭水又東出黑水歷冀川

又東過冀縣北

渭水至黑水峽至岑峽南北一十水注之北則溫谷水注之其水道平襄縣南山溫溪東北流逕平

襄縣南城故襄戎邑也王莽之

當作

謂平襄縣矣

其水東南流歷三堆南又東流而南屈入黃槐川梗津渠冬則輟流春夏水盛則通川注渭次則午谷水南入渭水南有長塹谷水次東有安蒲溪水次東有衣谷水並南出朱圉山山在梧中聚有石鼓不擊自鳴鳴則兵起漢成帝鴻嘉三年天水冀南山有大石自鳴聲隱隱如雷有頃止聞于平襄二百四十里野雞自鳴石長丈三尺廣厚略等在崖脇去地百餘丈

前漢五行志作旁著岸脅去地二百餘丈

民俗名曰

石鼓石鼓鳴則有兵是歲廣漢黜

當作

子攻死囚

盜庫兵略吏民衣繡衣自號為仙君黨與漫廣前漢

五行志云廣漢鉗子自號山君黨與浸廣明年冬伏誅自歸者三千餘

人信而有徵其水北逕冀縣城北秦武公十年伐

冀戎縣之故天水郡治王莽更名鎮戎縣曰冀治

漢明帝永平十七年改曰漢陽郡城即隗囂稱西

伯所居也後馬超之圍冀也涼州別駕閻伯儉潛

出水中將告急夏侯淵為超所擒令告城無救伯

儉曰大軍方至咸稱萬歲超怒數之伯儉曰卿欲

令長者出不利之言乎遂殺之渭水又東合冀水

水出冀谷次東濁谷水次東有當里溪水次東有

託里水次東有渠谷水次東黃土川水俱出南山

北逕冀城東而北流于渭渭水又東出崆峒古本作峽

吳改作峽入新陽川逕新陽下城南溪谷赤蒿二水

並出南山東北入渭水渭水又東與新陽崖水合

即隴水也東北出隴山其水西流隴右逕瓦亭南

隗囂聞略陽陷使牛邯守瓦亭即此亭也其水亦

出隴山東南流歷瓦亭北又西南合為一水謂之

瓦亭川西南流逕清賓溪北又西南與黑水合水

出黑城北西南逕黑城西西南流莫吾南川水注

之水東北出隴垂西南流歷黑城南注黑水黑水

九經注箋 卷一 七
三十九三
西南出懸鏡峽又西南入瓦亭川又有澁水自西
東會世謂之鹿角口又南逕阿陽縣故城東中平
元年北地羌胡與邊章侵隴右漢陽長吏蓋勳屯
阿陽以拒賊卽此城也其水又南與燕無水合水
源延發東山西注瓦亭水又南左會方城
川西注瓦亭水又南逕成紀縣東歷長離
川謂之長離水右與成紀水合源導西北當亭川
東流出破石峽津流遂斷故瀆東逕成紀縣故帝
太皞庖犧所生之處也漢氏以爲天水縣王莽之
阿陽郡治也又東潛源隱發通之成紀水東南入

瓦亭川川水又東南與受渠水相會水東出大隴
山西逕受渠亭北又西南入瓦亭川水又西南
流歷僵人峽路側巖上有死人僵尸巒穴故岫壑
取名焉釋鞍就穴直上可百餘仞石路逶迤劣通
單步僵尸倚窟枯骨尚全唯無膚髮而已訪其川
居之士云其鄉中父老作兒童時已聞其長舊傳
此當是數百年骸矣其水又西南與略陽川水合
水出隴山香谷西西流右則單溪西注左則閣水
入焉其水又西歷蒲池郊石魯水出東南石魯溪
西北注之其水又西歷略陽川西得破社谷水次

西得平相谷水又西得金里谷水又西得南室水
又西得蹄谷水並出南山北流於略陽城東揚波
北注川水又西逕略陽道故城北渥渠水出南山
北逕湓峽北入城建武八年中郎將來歙與祭遵
所部護軍王忠右輔將軍朱寵將二千人皆持鹵
刀斧自安民縣之楊城未始二年成帝罷安定呼
他苑以爲安民縣起官寺市里從審領回中伐樹
木開山道至略陽里下脫來歙二字審領當作番須
回中伐樹木開山道至略陽夜襲擊囂拒守將軍金梁城等皆
殺之因保其城隗囂聞略陽陷悉衆以攻歙激水

灌城光武親將囂走西城世祖與來歙會于此其
水自城北注川一水二川蓋囂所竭以灌略陽也
川水西得白楊泉又西得蒲谷水西得蒲谷西川
又西得龍尾溪水與渭谷水合俱出南山飛清北
入川水水又西南得水洛口水源東導隴山西逕
水洛亭西南流又得犢奴水口水出隴山西逕犢
奴川又西逕水洛亭南西北注之亂流西南逕石
門峽謂之石門水西南注略陽川略陽川水又西
北流入瓦亭水瓦亭水又西南出顯親峽石巖水
注之水出北山山上有女媧祠庖羲之後有帝女

媯焉與神農爲三皇矣其水南流注瓦亭水瓦亭
水又西南逕顯親縣故城東南漢封大鴻臚竇固
爲侯國自石宕次得蝦蟆溪水得金黑水又得宜
都溪水咸出左右參差相入瓦亭水又東南合安
夷川口水源東出更胡谷西北流歷夷水川與東
陽川水會謂之取陽交又西得何宕川水又西得
羅漢水並自東北西南注夷水夷水又西逕顯親
縣南西注瓦亭水瓦亭水又東南得大華谷水又
東南得折里溪水又東得六合水皆出近溪湍峽
注瓦亭水又東南出新陽峽岨岫壁立水出其間

謂之新陽岨水又東南流于渭是也

又東過上邽縣

渭水東歷縣北封山孫云封山當作邽山流宋本無之陰逕

固嶺北東一本無東南流蘭渠川水出自北山帶

佩衆溪南流注于渭渭水東南與神澗水合開山

圖所謂靈泉池也俗名之爲石萬當作萬石灣淵深不

測實爲靈異先後漫遊者多離宋本離作罹其斃渭水又

東南得歷泉水北歷泉溪東南流注于渭渭水又

東南出橋西亭西又南得藉水口水出西山百澗

聲流當作羣流總成一川東歷當亭川卽當亭縣治也

左則當亭水注之右則曾席水又東與大弁州水

出西山謝兆申云此有脫誤當云又東與大弁州水合水出西山二源合注東

歷大弁川東南又當作流注于藉水藉水又東南流

與竹領水合水出南山竹嶺二源同瀉東北入藉

水藉水又次東北入上邽縣左佩五水東會占溪

水次東有大魯溪水次東得小魯谷水次東有楊

反谷水咸自北山注離注藉水宋本作咸自北山注藉水無離注二

字藉水又帶五水竹嶺東得亂石溪水次東得水

門谷水次東得羅城溪水次東得山谷水皆導源

南山北流入藉水藉水又東黃瓜水注之其水發

源黃瓜西谷東流逕黃瓜縣北又東清溪白水左

右夾注又東北大旱谷水南出旱溪歷澗北流泉

溪委漾同注黃瓜水黃瓜水又東北歷赤谷咸歸

于藉藉水又東宋本有合字毛泉谷水又東逕上邽城

南又得覈泉水並出南山北流注于藉藉水即洋

水也古本作藉水即洋水也吳本改作洋水也北有濛水注焉水出縣

西北邽山翼帶眾流積以成溪東溪宋本作流南屈逕

上邽縣故城西側城南出上邽故邽戎國也秦武

公十年伐邽縣之舊天水郡治五城相接北城中

有湖水有白龍出是湖風雨隨之故漢武帝元鼎

水經

二年改爲天水郡其鄉居悉以板蓋屋詩所謂西戎板屋也濛水又南注藉水山海經曰邽山濛水出焉而南流注于洋謂是水也藉水又東得其陽谷水又得宕水谷水並自南山北入于藉藉水又東合段溪水出西南馬門溪東北流合藉水藉水又東入于渭渭水又歷橋亭南而入綿諸縣東與東亭水合亦謂之爲橋水也清水又或爲通稱矣水源東發小隴山衆川瀉浪謝云一本作衆川瀉注統成一水西入東亭川爲東亭水與小祇大祇二水合又西北得南神谷水三川並出東南差池瀉注又有

堙蒲水翼帶二川與延水並西南注東亭水東亭水又西右則曠古本作曠溝水次西得麴谷水水側出

東南二溪西北流注東亭川東亭川水右則溫谷水出小隴山又西蒞谷水出南北蒞溪西南注東

亭川水東亭川水又西得清水口清水導源東北隴山一宋本作二源俱發西南出龍谷古本作口合成一水

西南流磨細野峽逕清池谷又逕清水縣故城東王莽之識睦縣矣其水西南合東亭川謂之清水

又逕清水城南又西與秦水合水出東北大隴山秦谷二源雙導歷三泉合成一水而歷秦川川有

育故亭秦仲所封也秦之為號始自是矣秦水西
逕降隴縣故城南又西南自亥松多二水出隴山
合而西南流逕降隴城北又西南注秦水秦水又

西南歷隴川逕六槃口過清水城西南注清宋本

作西南注清上下咸謂之秦川又西羌水注焉水

北出羌谷引納眾流合以成溪澨水星會謂之小

羌水西南流左長谷水西南注之右則東部水東

南入焉羌水南入清水清水又西南得綿諸水口

其道源西北諸溪東南與長思水謝云水下疑有合字北出

思溪南入綿諸水又東南歷綿諸故道北東南入

清水清水東南注渭渭水又東南合涇谷水水出

西南涇谷之山東北流與橫水合水出東南橫谷

西北逕橫水壙入西北涇谷水亂流西北出涇谷

峽又西北軒轅谷水注之水出南山軒轅溪南安

姚瞻以為黃帝生於天水在上邽城東七十里軒

轅谷皇甫謐云生壽丘丘在魯東門北未知孰是

也其水北流注涇涇谷水又西北白城谷溪東北

流白娥泉水出其西東注白城水白城水又東北

入涇谷水谷水又東北歷董亭下穆難當使兒子

保宗鎮董亭即是亭也其水東北流注于渭山海

經曰注谷之山注水出焉東南流注于渭是也孫

山海經作涇谷渭水又東伯陽谷水入焉水出刑

馬之山伯陽谷北流白水出東南白溪水西北注

伯陽水伯陽水又西北歷谷引控羣流北注渭水

又東歷大利又東南流苗谷水注之漢郡國志渭

鼠同穴山地道記云有三水出南刑馬山北

作西北逕苗谷屈而東逕伯陽城南謂之伯陽

蓋李耳西入往逕所由故山原畎谷往往播其

焉渭水東南流衆水瀉浪邊次鳴注左則伯陽東

谿水注之次東得望松水次東得毛六谿水次

得皮周谷水次東得黃杜東溪水出北山南入渭

水其右則胡谷水次東丘谷水次東得丘谷東谿

水次東有銅巖谷水並出南山東北注渭渭水又

東南出石門度小隴山逕南田縣南東與楚水合

世所謂長蛇水水出刑縣之數歷山也南流逕長

蛇戍東魏和平三年築徙諸流民以過隴川謝云

作以過隴寇楚水又南流注于渭闕駟以是水為沂水

言宋本又東沂汗二水入焉余按渭宋本作諸地

志沂水出沂縣西北闕駟十三州志曰與此同復

以沂水為龍魚水蓋以其津流逕通而更攝其通

稱泉

宋本無泉字

矣水東入散關抱朴子神仙傳曰老

子西出關關令尹喜候氣知真人將有西遊者遇

老子疆令之著書耳不得已為著道德二經謂之

老子書也有老子廟于寶搜神記云老子將西入

關關令尹喜好道之士覩真人當西乃要之途也

皇甫士安高士傳云老子為周柱下史及周衰乃

以官隱為周守藏室史積八十餘年好無名接

按高

士傳云老子好養精氣貴接而不施

而世莫知其真人也至周景王

十年孔子年十七遂適周見老聃然幽王失其道

平王東遷關以捍移人以職徙尹喜候氣非此明

矣而往逕所由茲焉或可是

宋本無是字

渭水又東逕

西武功北俗以散關城

宋本作各

非也褚先生乃曰武

功扶風西界小邑也蜀口棧道近山無他豪易高

者是也渭水又與其捍水合水

疑脫一

周道谷北

逕武都故道縣之故城西王莽更名曰善治也故

道縣有怒特祠列異傳曰武都故道縣有怒特祠

云神本南山大梓也昔秦文公二十七年伐之樹

瘡隨合秦文公乃遣四十人持斧斫之猶不斷疲

士一人傷足不能去臥樹下聞鬼相與言曰勞攻

戰乎其一日足為勞矣又曰秦公必特

一作持

不休

答曰其如我何又曰赤灰跋於子何如乃默無言

臥者以告令士皆赤衣隨所所以灰跋樹斷化為

牛入水故秦為立祠又據錄異傳云秦文公時雍

有大風雨樹生合不斷時有一人病夜往山中聞

鬼語曰秦若使人被髮以朱絲繞樹伐汝得不困

耶樹神無言明日語聞公如言伐樹斷有一青牛

出走入豐水中因立怒特祠即此一事而兩說附

載以廣其水又東北歷大散關而入渭水也渭水

異聞又東而又宋本合南山五谿水諸宋本澗流注之

也又東過陳倉縣西

縣有陳倉山山上有寶雞鳴祠昔秦文公咸當作

伯脫一之言遊獵於陳倉遇之於此坂得若石焉

其道字其色如肝城如城如一寶祠之故曰陳寶其來也

自東南輝煌古本作輝煌聲若雷野雞皆鳴故曰

雞鳴神也按太康地志及列異傳並云秦文公時

童子曰此名蠅在地下食死人腦蠅亦言彼二童

子名陳寶得雄者王得雌者霸陳倉人乃逐二童

于化為雉雌止陳倉北坂為石秦祠之號曰陳寶

漢郊祀志云秦文公獲若石于陳倉北坂祠之其

神來若雄雉其聲殷殷云野雞地理志曰有上公

夜鳴蘇林曰陳寶如石似肝明星黃帝孫舜妻盲家有羽隱宮秦漢志陳倉有

武王起應劭曰縣氏陳山姚睦曰黃帝都陳言在

此營一作氏開山圖注曰伏犧生成起起宋本作

徙治陳倉也

帝王世紀云庖犧生於成紀今天水郡有成紀縣

非陳國所

建也魏明帝遣將軍太原郝昭營

宋本作築

陳倉城成

諸葛亮圍之亮使昭鄉人靳祥說之不下亮以數

萬攻昭千餘人以雲梯衝車地道逼射昭昭以火

射連石拒之亮不利而還今灑水對亮城是與昭

相禦處也陳倉水出于陳倉山下東南流注于渭

水渭水又東與陽谿合其水上承斜水水自斜谷

分注綏陽谿北屆陳倉入渭故諸葛亮與兄瑾書

曰有綏陽小谷雖山崖絕重谿水縱橫難用行軍

者邏候往來要道通人今使前軍斫治此道以向

陳倉足以板連賊勢使不得分兵東行者也渭水

又東逕郁夷縣故城南地理志曰有汧水祠王莽

更之曰郁平也東觀漢書曰隗囂圍來歙於略陽

世祖詔曰桃花水出舩槃皆至郁夷陳倉分部而

進者也汧水入焉水出汧縣之蒲谷鄉弦

舊本作維

谷決為弦

舊本作絃

蒲藪爾雅曰水決之澤為汧汧之

為名寔兼斯舉水有二源一水出縣西山世謂之

小隴山

舊本作小龍山

巖嶂高峻不通軌轍故張衡四愁

詩曰我所思兮在漢陽欲往從之隴坂長其水東

北流歷澗注以成淵潭漲

孫云漲當作深

不測出五色魚

俗以為靈而莫敢操宋本捕因為當作是水為龍

魚水自下亦通謂之龍魚川川水東逕汧縣故城

北史記秦文公東獵汧田因遂都其地是也又東

歷澤亂為一右曰龍泉泉逕五尺源流奮古本通

淪漪四泄東北流注于汧汧水又東會一水發南

山西側俗以此山為吳山三峰霞舉疊秀雲天崩

巒傾返一作山頂相捍望之恒有落勢地理志曰

吳山在縣西古之汧山也國語所謂虞矣山下石

穴廣四尺高七尺水溢石空宋本懸波側注瀟澹

盪發源穴宋本作川北流注于汧自水會上下咸

謂之龍魚川汧水又東南以宋本作逕隃糜縣故

城南王莽之扶亭也昔郭欵恥王莽之徵而遯跡

於斯建武四年先武封耿況為侯國矣後漢書耿

俠游為上谷太守與彭寵同擊汧水東南歷慈山

土郎建武四年進封隃糜侯東南逕郁夷縣逕平陽故城南史記秦寧公二年

徙平陽徐廣曰故郁之平陽亭也城北有漢邠州

刺史趙融碑靈帝建安元年立汧水又東流于渭

水渭水之右磻谿水注之水出南山茲谷乘高激

流注于谿中谿中有泉謂之茲泉泉水潭積自成

淵渚即呂氏春秋所謂太公釣茲泉也今人謂之

淵渚即呂氏春秋所謂太公釣茲泉也今人謂之

几谷石壁深高幽隍邃密林障秀阻人跡罕交東
 南隅有石室蓋太公所居也水流次平石釣處即
 太公垂釣之所也其投竿跽餌兩鄰當從遺跡猶
 存是有磻谿之稱也其水清冷神異北流十二里
 注于渭北去維堆城七十里渭水又東逕石源即
 北原也青龍二年諸葛亮出斜谷與司馬懿屯渭
 南雍州郭淮策亮必爭北原而屯魏志郭淮傳云
亮出斜谷並田于蘭坑是時司馬宣王屯渭南淮
策亮必爭北原宜先據之宣王善之淮遂屯北原
 遂先據之亮至渭水又逕五丈原北魏春秋曰諸
 葛亮據渭水南原司馬懿謂諸將曰亮若出武功

依山險轉者是其勇也若西止五丈原諸君無事
 矣晉書宣帝曰亮若勇者當出武功依山亮果屯
而東若西止五丈原則諸軍無事矣
 此原與懿相禦渭水又東逕郿縣故城南地理志
 曰右輔都尉治魏春秋諸葛亮寇郿司馬懿據郿
 拒亮即此縣也

水經注箋卷第十八

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

渭水中

又東逕武功縣北

渭水於縣斜水自南注之水出縣西南衙嶺山北歷斜谷逕五丈原東諸葛亮與步騭書曰僕前軍在五丈原原在武功西十里餘水出武功縣故亦謂之武功水也是以諸葛亮表云臣遣虎步監孟

琰據武功水東司馬懿因水長攻琰營臣作竹橋
越水射之橋成馳去其水北流注于渭地理志曰
斜水出衙嶺北至郿注渭水又東逕馬冢北諸葛
亮與步騭書曰馬冢在武功東十餘里有高勢攻
之不便是以留耳渭水又逕武功縣故城北王莽
之新光也地理志曰縣有太一山古文以為終南
杜預以為中南也亦曰太白山在武功縣南去長
安二百里不知其高幾何俗云武功太白去天三
百山下軍行不得鼓角鼓角則疾風雨至杜彥達
曰太白山南連武功山於諸山最為秀傑冬夏積

雪望之皓然山上有谷春祠春櫟陽人成帝時病
死而尸不寒後忽出櫟南門及光門上而入太白

山民為立祠於山嶺春秋來祠中山宋本宿馬山作上

下有太白祠民所祀也劉曜之世是山崩長安人

劉終於崩此劉終以下文理不屬蓋脫簡也按十

山崩長安人劉終於崩所得白王方一尺有文字
曰皇亡皇亡敗趙昌井水竭構五梁罅西小袁困
囂喪嗚乎嗚乎赤牛奮鞭其盡乎群臣咸賀以為
石勒滅之徵也曜大悅齋七日而後受之於太廟
大赦境內以終忘也惠公孝公立是穆公之後繼
為奉瑞大夫

世之君矣子孫無由起宮於祖宗之墳陵矣以是
推之知二證之非實也孫云自忘也至此四十一
字文不相續疑有脫誤

而左會左陽水世名之西水北出左陽谿南流逕岐州城西魏置岐州刺史治左陽水又南流注于雍水雍水又與東水合俗名也北出河謝云宋本北水出河桃谷南流右會南源世謂之返眼泉亂流南逕岐州城東而南合雍水州居二水之中南則兩川之交會也世亦名之為涪空水東流鄧公泉注之水出鄧艾祠北故名曰鄧公泉數源俱發於雍縣城南縣故秦德公所居也晉書地道記以為西虢地也漢書地理志以為西虢縣太康記曰虢叔之國矣有虢宮平王東遷叔自此之上陽為南虢

矣雍有五時祠以上祠祀五帝昔秦文公田于沂

渭之間沂渭當作沂渭史記秦之先非子為周孝王主馬于沂渭之間注云沂渭二水之間

在隴州夢黃蛇自天屬地其口止於廊衍以為上

帝之神於是作廊時祠白帝秦宣公作密時於陳

倉北坂祀青帝馬靈公又於吳陽作上時祀炎帝

馬獻公作畦時祠宋本赤帝馬漢高帝問曰天有

五帝今何四也博士莫知其故帝曰我知之矣待

我而五遂立北時祀黑帝焉封禪書秦文公夢黃

實於陳倉北坂城作廊時秦宣公作密時於渭南

祭青帝秦靈公作吳陽上時祭黃帝作下時祭炎帝秦獻公時櫟陽用金自以為得金瑞故作應劭

曰四面積高曰雍闕駟曰宜為神明之隩故立羣祠焉又有鳳臺鳳女祠秦穆公時有蕭史者善吹簫能致白鵠孔雀穆公女弄玉好之公為作鳳臺以居之積數十年一旦隨鳳去云雍宮世有簫管之聲焉今臺傾祠毀不復然矣劉向列仙傳有簫史事 鄧泉東流注于雍自下雖會他津猶得通稱故禹貢有雍沮會同之文矣雍水又東逕郃古本作郃下同南世謂之樹亭川蓋郃樹聲相近誤耳亭被宋本作故郃公之采邑也京相璠曰城宋本作亭在周城南五十里後漢郡志曰郃縣有郃亭謂此也雍水又東南流與

杜水合水出杜陽山其水南流謂之杜陽川東南流左會漆水水出杜陽之縣當作漆谿謂之漆渠故徐廣曰漆水出杜陽之岐山者是也漆水水字疑衍渠水南流大欒水注之出西北大道川東南流入漆即故岐水也淮南子曰岐水出石橋山東南流相如封禪書曰牧龜於岐史記作收龜漢書作放龜文相注云周放畜餘龜於池沼之中至漢得之於岐山之旁 漢書音義曰岐水名也謂斯水矣二川洋逝俱為一水南與杜水合俗謂之小黃水孫云小黃水當作小橫水亦或名之米流川逕岐山而又屈逕周城南城在岐山之陽而近西所謂居岐之

陽也非直因山致名亦指水取稱矣又歷周原下北則中水鄉成周聚故曰有周也水北即岐山矣昔秦盜食穆公馬處也呂氏春秋秦繆公失其乘馬見莖人方將食於岐山之陽公曰食駢馬之肉而不還飲酒者恐傷女也於是徧飲而去岐水又東逕姜氏城南為姜水按世本炎帝姜姓帝王世紀曰炎

帝神農氏姜母安登謝云姜母安登宋本作母曰姜妣堯云謝引宋本亦誤據世紀當作神農氏姜姓母安登遊華陽感神而生炎帝長於姜水

水合而東逕美陽縣之中亭川水也水發杜陽縣大嶺側世謂之赤泥峴汧波歷澗俗名大橫水也疑即杜水矣其水東南流東逕杜陽故城東西三

百步南北二百步世謂之故縣川又故谷縣有杜陽山山北有杜陽谷有地穴北入亦不知所極在

大柱山南故縣取名焉亦指是水而攝目矣前漢地理志右扶風有杜陽縣杜水南入渭注云公劉避狄而來居杜與漆沮之地即王莽之通

杜也故地理志曰縣自杜水東二坑水注之水有二原克家云當作源一水出西北瀆醜水二合而東歷五

將山又合鄉谷水水出鄉谿東南流入杜謂之鄉谷川又南茨水注之水出好時縣梁山

大嶺泉南逕梁山宮西故地理志曰好時有梁山宮秦始皇

起水東有好時縣故城王莽之好邑也世祖建武

二年封建威大將軍耿弇為侯國又南逕美陽縣之中亭川注雍水謂之中亭水又南逕美陽縣西永元二年更封鄣雍侯耿秉為侯國其水又南流注于渭渭水又東逕郿塢南漢獻帝傳曰董卓發卒築郿塢高與長安城等積穀為三十年儲自云事成雄據天下不成守此足以畢老其愚如此渭水之東洛谷之水出其南山洛谷北流逕長城西魏甘露三年蜀遣姜維出洛谷圍長城即斯地也又東芒水從南來流注之

芒水出南芒谷北流逕王女房水側山際有石室世謂之王女房芒水又北逕盩厔縣之竹園中分為二水漢冲帝詔曰翟義作亂於東霍鴻負倚盩厔芒竹即此也其水分為二流一水之東北為枝流一水北流注於渭也

舊本吳本俱缺此注緩安謝耳伯據宋本水經抄補

八十
五字

水經注箋卷第十九

漢 桑 欽撰 後魏酈道元 注

明 李長庚訂 孫汝澄

朱謀埠箋 李克家全校

渭水下

渭水又東過槐里縣南又東澇水從南來注之

渭水逕縣之故城南漢書集註李奇謂之小槐里

之西城也又東與芒水枝流合水受芒水於竹圃

東北流又屈而入于渭謝云宋本作又屈西北入于渭

渭水又東北逕黃山宮南

卽地理志所謂縣有黃山宮惠帝三年起者也東方朔傳曰武帝微行西至黃山宮故世謂之遊城非也

就水注之

水出南山就谷北逕大陵西世謂之老子陵昔李

耳為周柱史孫云柱史當作柱下史以世衰入戎於此有冢

事非經證然莊周著書云老聃死秦失弔之三號

而出是非不死之言人稟五行之精氣陰陽有終

變亦無不化之理以是推之或復如傳古人許以

傳疑故兩存耳就水歷圃北與黑水合孫云圃字疑誤或是

陵字上承三泉疑字之右三泉之疑字奇發言歸一

瀆北流左逕就水就水又北流注于渭

渭水又東合田谿水

水出南山田谷北流長楊宮西又北逕蓋屋縣故

城西又東北其一水合水上承蓋屋南南泉北逕

其縣東又北逕思鄉城西又北注田谿田谿水又

北注流克家云當作流注于渭水也縣苑謝云縣苑當作縣北有蒙

龍源上承渭水於郿縣東逕武功縣為成林源東

逕縣苑亦曰靈軹源河渠以引堵水徐廣曰一作

諸水是也

渭水又東逕槐里縣故城南

縣古大丘邑也周赧王都之秦以為廢丘

帝王世紀及世

本並云懿王自鎬徙都大丘宋衷注云大丘亦曰一名廢丘今槐里是也此作報王字之誤耳

舒丘和平元年桓帝封左中郎將皇甫嵩為侯國

縣南對渭水北背通渠史記秦本紀云秦武王三

年渭水赤三日秦昭王三十四年渭水又大赤三

日洪範五行傳云赤者火色也水盡赤以火沴水

也渭水秦大川也陰陽亂秦用嚴刑敗亂之象後

項羽入秦封司馬欣為塞王都櫟陽董翳為翟王

都高奴章邯為雍王都廢丘居槐里

謝云居槐里三字疑衍

為三秦漢祖北定三秦引水灌城遂滅章邯三年

改曰槐里王莽更名槐治也世謂之為大槐里晉

太康中始平郡治也其城遮帶防陸舊渠尚存即

漢書所謂槐里環隄者也東有涌水

宋本作東有涌水

南山赤谷東北流逕長楊宮東宮有長楊樹因以

為名渭水

宋本作漏水

又北逕葦園西亦謂之仙澤又

北逕望仙宮又東北耿谷水注之水發南山耿谷

北流與柳泉合東北逕五柞

宋本作東北逕五柞宮

相去八

里並以樹名宮亦由陶氏以五柳立稱故張晏曰

宮有五柞樹在蓋屋縣西

一作矣

其水北逕仙澤東

北又逕望仙宮東又北與赤水會又北逕思鄉城
東又北注渭水

渭水又東合甘水

水出南山甘谷北逕秦文王萇陽宮西又北逕五
柞宮東又北逕甘亭西在水東鄠縣昔夏啓伐有
扈作誓於是亭故馬融曰有扈甘南一作西郊地名

也甘水又東得澇水口水出南山澇谷北逕漢宜
春觀又東北逕鄠縣故城西澇水際城北出合漢

古本陂水水出宜春觀北東北流注澇水北流入

于渭卽上赫故地也東方朔稱武帝建元中徵

北至池陽西至黃山南獵長楊東遊宜春夜漏十

刻乃出於外於外宋本中常侍武騎待詔及隴西

北地良家子能騎射者期諸殿下故有期門之號

旦明入山下馳射鹿豕狐兔手格熊羆上大驩樂

之上仍使太中大夫虞丘壽王孫云虞丘卽與待

詔能用竿者舉措漢書作舉籍謂舉計其數而為簿籍也阿城以南

蓋屋以東宜春以西提封頃畝及其賈宜漢書作賈宜

屬之南山以為上林苑東方朔諫秦起阿房而天

下亂因陳泰階六符之事孟康云泰階三台也每

之符驗也應劭曰上階為天子中階為諸侯公卿
大夫下階為士庶人三階平則陰陽和風雨時天

下大安三階不平則五神上乃拜太中大夫給事
之祀冬雷夏霜百姓不寧
中賜黃金百斤卒起上林苑故相如請為天子遊
獵之賦稱烏有先生亡是公而奏上林也

又東豐水從南來注之

他說云渭水又東與豐水會于短陰山內水會無
他高山異巒所有唯原阜石激而已水上舊有便
門橋與便門對直武帝建武三年造張昌曰橋在
長安西北茂陵東如淳曰去長安四十里渭水又
逕太公廟北前有太公碑文字禡缺今無可尋
渭水又東北與鎬水合

水上承鎬池於昆明池北周武王之所都也古詩

云考卜維王宅是鎬京維龜正之武王成之自漢

帝穿昆明池於是地基構淪禡今無可究春秋後

傳曰使者鄭客鄭客宋本水經及搜神記皆作鄭容此容字皆誤入柏谷

關至平舒置見華山有素車白馬問鄭客安之荅

曰之咸陽過鎬池曰吾華山君使願託書致鄙池

君子之咸陽過鎬池見大梓下有文石取以款扣

梓當有應者以書與之勿妄發致之得所欲鄭客

行至鄙池見一梓下果有文石取以款梓應曰諾

鄭客如睡覺而見宮闕若王者之居焉謁者出受

書入又見頃聞語聲言祖龍死神道茫昧理難辨
測故無以精其幽致矣鄠水又北流西北注與處
池合水出鄠池西而北流入于鄠毛詩云漉流浪
也而世傳以為水名矣鄭玄曰豐鎬之間水北流
也鎬水北逕谿靈臺宋本作漢靈臺西又逕磁石門西門
在阿房前悉以磁石為之虜字故專其目合疑作四
夷朝者有隱甲懷刃入門而脅之以示神三輔黃
房宮以磁石為門櫳刃止之故亦曰却胡門也鎬水又北逕于
渭渭水北有杜郵亭去咸陽十七里今名孝里亭
中有白起祠嗟乎有制勝之功慙尹商之仁是地

卽其伏劔處也辛氏三秦記曰畢陌西北
畢陌西有白起墓潘岳西征賦云

李杜郵其馬在云孝里之前號
憫輟駕而容與哀武安以興悼

渭水又東北逕渭城南

文穎以為故咸陽矣秦孝公之所居離宮也獻公
都櫟陽天雨金周太史儋見獻公曰周故與秦國
合而別別五百歲復合合七十歲而霸王出至孝
公作咸陽築冀闕而徙都之故西京賦曰秦里其
霸寔為咸陽西京賦作秦里其朔薛綜注云里居
也朔北也秦地居其北是曰咸陽
太史公曰長安故咸陽也漢高帝更名新城武帝
元鼎三年別為渭城在長安西北渭水之陽王莽

之京城也始隸扶風後并長安

而沈水注之

其水上承皇子陂於樊川其地即杜之樊鄉也漢

祖至櫟陽以將軍樊噲灌廢丘最賜邑於此鄉也

其水西北流注杜縣之杜京西西北流逕杜伯冢

南杜伯與其友左儒仕宣王儒無罪見害杜伯死

之終能報恨於宣王故成公子安五言詩曰誰謂

鬼無知杜伯射宣王國語云周之衰也杜伯射王于鄘墨子云周宣王殺其臣

杜伯而不辜其後三年王合諸侯田於圃田日中杜伯乘白馬朱衣冠射王中心折脊而殪著之周

春秋以為警汲冢瑣語云宣王之妾女鳩欲通杜伯杜伯不可女鳩及訴之王王囚杜伯于焦杜伯

之友左儒九諫而不聽并殺之後三年而杜伯射王沈水又西北逕下杜城

即杜伯國也沈水又西北支合故渠渠有二流上

承交水合於高陽原而北逕河池陂東而北注沈

水沈水又北與昆明故池會又北逕秦通六基東

又北逕塌水陂東又北得陂承其陂東北流入于

沈水沈水又北逕長安城西與昆明池水合水上

承池於昆明臺故王仲都所居也桓譚新論稱元

帝被病廣求方士漢中送道士王仲都詔問所能

對曰能忍寒暑乃以昆明池上環水而馳桓譚新論原有

乃於盛寒日載以駟馬車于昆明池上環水而走御者厚衣狐裘寒戰而

仲都獨無變色卧於池臺上曠然自若夏大暑日使曝坐環以十爐火不言熱又身不汗池水北逕鎬京東秦阿房宮西史記曰秦始皇三十五年以咸陽之人多先王之宮小乃作朝宮於渭南亦曰阿城也始皇先作前殿阿房宋本有上字可坐萬人下可建五丈旗周脫字一為閣道自殿直抵城南山表山巔為闕為複道自阿房度渭屬之咸陽象天極閣道絕漢抵營室也關中記曰阿房殿在長安西南二十里殿東西千步南北三百步庭中受十萬人其水又屈而逕其北東北流注塢水陂陂水北

出逕漢武帝建章宮東於鳳闕南東注沈水又北逕鳳闕東三輔皇圖曰建章宮漢武帝造周二十餘里千門萬戶其東鳳闕高七丈五尺俗言真女樓非也漢武帝故事云闕高二十丈關中記曰建章宮圓闕臨北道有金鳳在闕上高丈餘故號鳳闕也宋本有故字繁欽建章鳳樓闕賦曰秦漢規模廓

然毀泯唯建章鳳闕巋然獨存雖非象魏之制亦一代之巨觀也沈水又北分為二水一水東北流一水北逕神明臺東傳子宮室曰上於建章中作神明臺并榦樓咸高五十餘丈皆作懸閣輦道相

屬焉三輔黃圖曰神明臺在建章宮中上有九室
今人謂之九子臺而實非也沈水又逕漸臺東漢
武故事曰建章宮北有太液池池中有漸臺三十
丈漸浸也為池水所漸一說星名也

星在織女東南
臨水之臺也

南有壁門三層高三十餘丈中殿

克家云晉天
文志漸臺四

十二間階陛咸以玉為之鑄銅鳳五丈飾以黃金
樓

宋本
作樓

屋上椽首薄以玉璧因曰璧玉門也沈水

又北流注渭亦謂是水為滴水也故呂忱曰滴水
出杜陵縣漢書音義曰滴水聲而非水也亦曰高
都水前漢之末五侯王氏大治池沼引宅水

宋本
作引

高都
水

入長安城故百姓歌之曰五侯初起曲陽長

怒壞決高都竟連五杜上山

漢書作
土山

漸臺像西白

虎卽是水也

又東過長安縣北

渭水東分為二水廣雅曰水自渭出為渠其由河

之有雍也此瀆東北流逕魏雍州刺史郭淮碑南

又東南合一水逕兩石人北秦始皇造橋鐵鑿重

不勝故刻石作力士孟賁等像以祭之鑿乃可移

動也又東逕陽侯祠北漲輒祠之此神能為大波

故配食河伯也後人以為鄧艾祠悲哉讒勝道消

專忠受害矣渭水又東注此水水上有梁謂之渭
 橋秦制也亦曰便門橋秦始皇作離宮於渭水南
 北以象天宮故三輔黃圖曰渭水貫都以象天漢
 橫橋南度以法牽牛橋廣六丈南北二百八十步
 六十八間七百五十柱北馮翊立之有謝云宋本
立之有一百二十二梁橋之南北有隄激立石柱
 柱南京兆立之柱北馮翊立之有令丞各領徒一
 千五百人橋之北首壘石水中故謂之石柱橋也
 舊有村留神像此神嘗與魯班語班令其人宋本
作神出村留曰我貌獐醜古本作卿善圖物容我不能

出班於是拱手與言曰出頭見我村留乃出首班
 於是以脚畫地村留覺之便還沒水故置其像於
 水唯背以上立水上後董卓入關遂焚此橋魏武
 帝遂更脩之橋三丈六尺村留之像曹公乘馬見
 之驚又命下之燕丹子曰燕太子丹質於秦秦王
 遇之無禮乃求歸秦王為機發之橋欲以陷丹丹
 過之橋不為發又一說交龍捧舉而機不發但言
謝云疑今不知其故處矣
有脫誤
 渭水又東與沈水枝津合

水上承沈水東北流逕鄧艾祠南又東分為二水

一水東入逍遙園注藕池池中有臺觀蓮荷被浦
秀實可翫其一水北流于渭

渭水又逕長安城北

漢惠帝元年築六年成卽咸陽也秦離宮無城故
城之王莽更名長安十二門東出北頭第一門本
名宣平門王莽更名春王門正月亭亦曰東城門
其郭門亦曰東都門卽逢萌挂冠處也第二門本
名清明門一曰凱門王莽更曰宣德門布恩亭內
有藉田倉亦曰藉田門第三門本名霸城門王莽
更名仁壽門無疆亭民見門色青又名青城門或

曰青綺門亦曰青門門外舊出佳瓜

一作好瓜

昔廣陵

人邵平爲秦東陵侯秦破爲布衣種瓜此門瓜美
故世謂之東陵瓜是以阮藉詠懷詩曰昔聞東陵
瓜近在青門外連畛拒阡陌子母相鈎帶指謂此
門也南出東頭第一門本名覆盎門王莽更名永

清門長茂亭其南有下杜城應劭曰故杜陵之下

聚落也故曰下杜門又曰端門北對長樂宮第二

門本名安門亦曰鼎路門王莽更名光禮門顯樂

亭卽西安亭北對未央宮

宋本有第
三門三字

本名平門王

莽更名信平門城正亭西出南頭第一門本名章

門王莽更名萬秋門億年亭亦曰光畢門也宋本作

光畢又曰便門第二宋本作本名直門王莽更名直

道門端路亭故龍樓門也張晏曰門樓有銅龍三

輔黃圖曰長安西出第二門即此門也第三門本

名西城門亦曰雍門王莽更名章義門著誼亭其

水北入有函里氏名曰函里門又曰光門亦曰突

門北出西頭第一門本名橫門王莽更名霸都門

左幽亭如淳曰音光故曰光門其外郭有都門有

棘門徐廣曰棘門在渭北孟康曰在長安北秦時

宮門也如淳曰三輔黃圖曰棘門在橫門外按漢

書徐厲軍於此備匈奴又有通門亥門也

門本名洛門又曰朝門王莽更名建子門廣世亭

一曰高門蘇林曰高門長安城北門也埤按此間

二門故洛門之後繼以厨門杜一曰厨門其内有

長安厨官在事故城曰厨門也如淳曰今名廣門

也第三門本名杜門亦曰利城門王莽更名進和

門臨水亭其水有客舍故名曰客舍門又曰洛門

也凡此諸門皆通達九達三途洞開隱以金椎周

以林木賈山至言曰秦為馳道於天下東窮燕齊

外隱以金椎左出右入為徒之經一作為往行者

升降有上下之別漢成帝之為太子元帝嘗急召
之太子出龍樓門不敢絕馳道西至直城門方乃
得度上怪遲問其故以狀對上悅乃著令令太子
得絕馳道也渭水東合昆明故渠渠上承昆明池
東口東逕河池北亦曰女觀陂又東合沈水亦曰
漕渠又東逕長安縣南東逕明堂南舊引水為辟
雍處在縣宋本無鼎路門東南七里其制上圓下
方九宮十二室四嚮五色堂北三百步有靈臺是
漢平帝永始四年立渠南有漢故圓丘成帝建始
二年罷雍五畤始祀皇天上帝於長安南郊應劭

曰天郊在長安南即此也故渠之北有白亭博望
苑漢武帝為太子立使通賓客從所好也太子巫
蠱事發斫杜門東出史良娣死葬於苑北宣帝以
為戾園以倡優千人樂思后園廟故亦曰千鄉當作
千鄉故渠又東而北屈逕青門外與沈水枝渠會渠
上承沈水於章門西飛渠引水入城東為倉池池
在未央宮西池中有漸臺漢兵起王莽死於此臺
又東逕未央宮北高祖在關東令蕭何成未央宮
何斬龍首山而營之山長六十餘里頭於渭尾達
樊川三輔黃圖漢營未央宮因龍首山以制頭高
前殿山長六十里頭入渭水尾達樊川

二十丈尾漸下高五六丈土色赤而堅云昔有黑龍從南山出飲渭水其行道因山成跡山即基闕不假築高出長安城北有玄武闕即北闕也東有

蒼龍闕闕內有閭闔公車諸門公車古本作正車玉海引此作止車

門未央殿東有宣室玉堂麒麟含章白虎鳳皇朱

雀鸞鸞昭陽諸殿天祿石渠麒麟三閣未央宮此

玉海作未央宮北即桂宮也周十餘里內有明光殿走狗

臺栢梁臺舊乘複道用相逕通故張衡西京賦曰

鈎陳之外閣有一本作道穹窿玉海有屬字長樂與明光逕

北通于桂宮故渠出二宮之間謂之明渠也又東

歷武庫北舊樛里子葬於此樛里子名疾秦惠帝

當作惠王異母弟也滑稽多智秦人號曰智囊葬於昭

王廟西渭南陰鄉樛里故俗謂之樛里子云我百

歲後是有天子之宮夾我墓穴以昭王七年卒葬

于渭南章臺東至漢長樂宮在其東未央宮在其

西武庫直其墓秦人嘑曰力則任鄙智則樛里子

也子疑作是宋本無子字明渠又東逕漢高祖長樂宮北本

秦之長樂宮也周二十里殿前列銅人殿西有長

信長秋永壽永昌諸殿殿之東北有池池北有層

臺俗謂是池為酒池非也故渠北有樓漢京兆尹

司馬文預碑故渠又東出城分為二渠卽漢書所謂王渠者也蘇林曰王宮家渠也猶今御溝矣晉灼曰渠名也在城東霸門外一水逕楊橋下卽青門橋也側城北逕鄧艾祠西而北注渭今無水其一渠東逕奉明縣廣城鄉之廣明苑南史王孫及王夫人葬於郭北宣帝遷苑南史王孫及王夫人卜以為悼園益園民千六百家立奉明縣以奉二園園在東都門昌邑王賀白霸御法駕郎中令龔遂驂乘至廣明東都門是也故渠東北逕漢太尉夏侯嬰冢西葬日柩馬悲鳴輕車罔進下得

石槨銘云于嗟滕公居此室故遂葬焉冢在城東

八里飲馬橋南四里故時人謂之馬冢

移遂葬焉二十二字續此是矣復誤以霸脫誤吳瑄

又東過鄭縣北

渭水又東逕巒都城北故潘邑

孫云潘邑常作蕃邑殷契之所居世本曰契居蕃闕駟曰蕃鄭西

宋本作蕃然則今巒城是矣俗名之赤城水曰赤水非也苻健

入秦據此城以亢杜洪小赤水卽山海經之灌水

也水出石腕之山北逕蕭加谷於狐相原西東北

流與愚水合出英山北流與招水

孫云山海經曰石腕之山灌水

出焉北流注于禺水英山禺水出相得水亂流西

焉北流注于招水注云招音韶此後皆叙鄭縣事又

北注于灌灌水又北注于渭舊本錯簡今改正

逕觀愚之山北流入于渭孫云觀愚字誤山海經

出焉北流注于渭渭水又東西石橋水南出馬嶺山積石

據其東麗山距其西源西泉一作上通懸流數十丈

舊本無與華岳同體其水北逕鄭城西承宋本上

有橋橋雖崩禡舊跡猶存東去鄭城十里故世以

橋名水也而北流注于渭闕駟謂之新鄭水渭水

又東逕鄭縣故城北史記秦武公十年縣之桓公

宋本作友之故邑也漢書薛瓚注言周自穆公當

鄭桓公

穆王已下都於西鄭不得以封桓公也幽王既敗

儉國語又滅遷居其地國于鄭父之丘是為鄭桓

公無封京兆之文余按遷史記者春秋國語世本

言周宣王二十二年封庶弟友於鄭又春秋國語

並言桓公為周司徒以王室將亂謀於史伯而寄

帑與賄於虢儉之間幽王卒於戲舊本作宮於戲

按史記犬戎鄭桓公死之平王東遷鄭武公輔

王室滅虢儉而兼其土故周桓公言於王曰我周

之東遷晉鄭是依及遷封於彼左傳隱公十一年

鄭伯公孫獲宋本作鄭伯使公曰吾先君新邑於

孫獲使一作謂

水經注卷之九 上 十六

此其能與許爭乎是其指新鄭爲言矣然班固應劭鄭玄皇甫謐裴頠王隱闕駟及諸述作者咸以西鄭爲友之始封也賢於薛瓚之單說也無宜違正經而從逸錄矣赤眉樊崇於鄭北設壇祀城陽景王而尊右校卒史劉俠卿牧牛兒盆子爲帝年十五被髮徒跣爲具絳單衣半頭赤幘直綦履顧見衆人拜恐畏欲啼號年建世後月餘乘白蓋小車與崇及尚書一人相隨向鄭北渡渭水卽此處也城南山北有五部神廟東南向華岳廟前有碑後漢光和四年鄭縣令河東裴畢字君先立蘇林

曰戲邑名在新豐東南

宋本云在鄭東南

三十里孟康曰

乃水名也今戲亭是也昔周幽王悅褒姒姒不笑王乃擊鼓舉烽以徵諸侯至無寇褒姒乃笑王甚悅之及犬戎至王又舉烽以徵諸侯諸侯不至遂敗幽王於戲水之上身死於麗山之北故國語曰幽滅者也漢成帝建始二年造延陵爲初陵以爲非霸曲亭南更營之鴻嘉元年於新豐戲鄉爲昌陵縣以奉初陵永始元年詔以昌陵卑下客土踈惡不可爲萬歲居其罷陵作令吏民反故徙將作大匠解延年燉煌關中記曰昌陵在霸城東二十

里取土東山與粟同價所費巨萬積年無成卽此處也戲水又北分爲二水並注渭水渭水又東泠水入焉水南出肺浮山蓋麗山連麓而異名也北會三川統歸三壑歷新宋本陰槃新豐兩原之間北流注于渭渭水又東首水南倒虎山南一作西總五水單流注逕秦步高宮東世名立市城歷新豐原東而北逕步壽宮西又北入渭三輔黃圖秦有步高宮在新豐步高宮西渭水又東得西陽水又東得東陽水並南出廣鄉原北垂俱北入渭渭水又東宋本作又東與石橋水會故沈水也水南出馬嶺山北流

逕武平城東按地理志左馮翊有武城縣王莽之桓城也石橋水又逕鄭城東水有故石梁迹征記曰鄭城東十四里各有石梁者也又北逕沈城北漢書地理志左馮翊有沈陽縣王莽更之曰制昌也蓋藉水以取稱矣渭水又東敷水注之水南出石山之敷谷北逕告平城東者舊所傳言武王伐紂告太平於此故城得厥名非所詳也敷水又北逕集靈宮西地理志曰華陰縣有集靈宮武帝起故張昶華嶽碑稱漢武慕其靈築宮在其後而北流注于渭渭水又東餘水注之水南出良餘山之

陰北流入于渭俗謂之宣水也渭水又東合黃酸之水世名之為于渠水水南出升山北流注于渭渭水又東逕平舒城北城側枕渭濱半破淪水南面通衢昔秦始皇之將亡也江神素車白馬道華山下返璧於華陰平舒道曰為遺鎬池君使者致之乃二十八年度江所沈璧也即江神返璧處也渭水之陽即懷德縣界也城在渭水之北池宋本苑之南即懷德縣故城也世謂之高陽城非矣地理志曰禹貢北條荆山在南山下有荆渠即夏后鑄九鼎處也王莽更縣曰德驩渭水又東逕長城

北長澗水注之水南出太華之山側長城東而北流注于渭水史記秦孝公元年楚魏與秦接界魏築長城自鄭濱洛者也

又東過華陰縣北

洛水入三關駟以為漆沮之水焉曹瞞傳曰操與馬超隔渭水每渡渭輒為超騎所衝突地多沙不可築城婁子伯說今寒可起沙為城以水灌之一

宿而成操乃多作縑囊以埋水夜汲作城魏志作

作城北立於是水之次也渭水逕縣故城北春秋

之陰晉也秦惠文王五年改曰寧秦漢高帝八年

更名華陰王莽之華疆也縣有華山山海經曰其
高五千仞削成而四方遠而望之又若華狀西南
有小華山也韓子曰秦昭王令工施鈎梯上華山
以節一作松栢之心為博箭長八尺棋長八寸而勒
之曰昭王常與天神博於是神仙傳曰山中當作
衛叔卿嘗乘雲車駕白鹿見漢武帝帝將臣之叔
卿不言而去武帝悔求得其子度世令追其父度
世登華見父與數人博於石上勅度世令還山山
層雲秀故能懷靈抱異耳山上有二泉東西分流
至若山雨滂湃洪津泛灑檉瀾騰虛直瀉山下有

漢魏文帝三

宋本

廟廟有石闕數碑一碑是建安

中立漢鎮遠將軍段熲更修祠堂碑文漢給事黃

門侍郎張景造景自書之元帝又刊其二十餘字

二書存

宋本

重名於海內又刊傳

當作

中司隸校

尉鍾繇

魏志云太祖方有事山東以關右為憂乃表鍾繇以侍中守司隸校尉持節督關中

諸弘農太守毋丘儉姓名廣六行鬱然循平是太

康八年弘農太守河東衛叔始為華陰令河東裴

仲恂役其逸力修立壇廟夾道樹栢迄于山陰事

見永興元年華百石所造碑渭水又東沙渠水注

之水出南山北流西北入長安城城自華山北逕

于河華嶽銘曰秦晉爭其祠立城建其左者也郭
 著述征記指證魏之立長城長城在後不得言在
 斯為非矣渠水又北注入渭渭水又東逕定城北
 西征記曰城因原土述征記曰定城去潼關三十
 里夾道各一城渭水又東泥泉水注之水出南山
 靈谷而泉北流注于渭水也渭水又東合沙溝水
 水即符愚之水也孫云據山海經當作符禺之水南出符石逕新
 豐縣故城北東與魚池水會水出麗山東也水本
 導源東一作北流後秦始皇葬於山北水過而曲行
 東注北轉始皇造陵取土其地汗深水積成池謂

之魚池池在秦皇陵東北五里周圍四里池水西
 北流逕始皇冢北秦始皇大興厚葬營建冢壙於
 麗戎之山一名藍田其陰多金其陽多玉始皇貪
 其美名因而葬焉斬山鑿石下涸三泉以銅為槨
 芴行周迴三十餘里上畫天文星宿之象下以水
 銀為四瀆百川五嶽九州具地理之勢宮觀百官
 奇器珍寶充滿其中令匠作機弩有所穿近輒射
 之以人魚膏為燈燭取其不滅者久之後宮無子
 者皆使殉葬甚眾墳高五丈周迴五里餘作者七
 十萬人積年方成而周章百萬之師已至其下乃

使章邯領作者以禦難弗能禁項羽入關以三十萬人三十日運物不能窮關東盜賊銷擲取銅牧人尋羊燒之火延九十日不能滅北對鴻門十里池水又西北流水之西南有溫泉世以療疾三秦記曰麗山西北有温水祭則得入不祭則爛人肉俗云始皇與神女唾之生瘡始皇謝之神女為出温水後人因以澆洗瘡張衡溫泉賦序曰余出麗山觀溫泉浴神井當作井嘉洪澤之普施乃為之賦云此湯也不使灼人形體矣池水又逕鴻門西又逕新豐縣故城東故麗戎地也高祖王關中太上

皇思東歸故象舊里制茲新邑立城社樹枌榆之街庭若一分置豐民以實茲邑故名之為新豐也漢靈帝建寧三年改為都鄉封段熲當作熲為侯國後立陰槃城其水際北城出一作世謂是水為陰槃水又北絕漕槃溝注于渭渭水又東逕鴻門北舊大道北下坂下坂名也古有鴻寧漢書高祖將見項羽楚漢春秋曰項王在鴻門亞父曰吾使人望沛公其氣衝天五色相繆或似龍或似雲非人臣之相可誅之漢高祖會項羽范增目羽羽不應樊噲杖盾撞人人食豕肩於此羽壯之郡國志曰新

豐縣東有鴻門亭者也郭緣生或云霸城南門曰鴻門也項羽將因會高祖宋本無高祖二字危高祖羽仁而弗斷范增謀而不納項伯終護高祖以獲免既抵霸上遂封漢王按漢書注鴻門在新豐東十七里則霸上應百里按史記項伯夜馳告張良良與俱見高祖仍使夜返考其道里不容得爾今父老傳在霸城南門數十里於理為得按緣生此記雖歷覽史漢述行涂逕宋本作述行涂經見可謂學而不思矣今新豐縣故城東三里有坂長二里餘塹原通道南北洞開有同門狀謂之鴻門孟康言在新城

宋本東十七里無之蓋指縣治而言非謂地也自

新豐故城西至霸城五十里霸城西十里則霸水西二十里則長安城應劭曰霸水上地名在長安東二十里即霸城是也高祖舊停軍處東去新豐既遠何由項伯夜與張良共見高祖乎推此言之知緣生此記乖矣渭水又東石川水南注焉渭水又東戲水注之水出麗山馮公谷東北流又北逕麗戎城東春秋晉獻公五年伐之獲麗姬於是邑麗戎男國也姬姓秦之麗邑矣又北右總三川逕鴻門東又北逕戲亭東應劭曰戲弘農湖縣西界

也地隔諸縣不得為湖湖西如當作北一里即李

夫人冢冢形三成世謂之茨陵一作萊陵夫人兄延年

知音尤善歌舞帝愛之每為新聲變曲聞者莫不

感動常侍上起舞歌曰北方有佳人絕世而獨立

一顧傾人城再顧傾人國寧不知傾城與傾國佳

人難再得上曰世豈有此八乎平陽主曰延年女

弟上召見之妖麗善歌舞得幸早卒上憫念之以

厚禮葬悲思不已賦詩悼傷故渠此故渠篇內不見張本疑有脫

誤又東逕茂陵縣故城南武帝建元二年置地理

志曰宣帝縣焉王莽之宣成也故渠又東逕龍泉

北今人謂之溫泉非也渠北故坂此即龍淵廟如

淳曰三輔黃圖有龍淵宮今長安城西有其處黃

蓋宮之遺也謝云宋本云城西有其廟處蓋宮之遺也故渠又東逕姜

原北渠北有漢昭帝平陵東南去長安七十里又

東逕平陵縣故城南地理志曰昭帝置王莽之廣

利也故渠之南有竇氏泉北有徘徊廟又東逕漢

大將軍魏其侯竇嬰冢南又成帝延陵南陵之東

北五里即平帝康陵坂也故渠又東逕渭陵元帝

永元四年以渭城壽陵亭原上為初陵詔不立縣

邑又東逕哀帝義陵南又逕惠帝安陵南陵北有

安陵縣故城也地理志曰惠帝置王莽之嘉平也
渠側有杜郵亭又東逕渭城北地理志曰縣有蘭
池宮秦始皇微行逢盜於蘭池今不知所在也又
東逕長陵南亦曰長山也三秦記曰長安城北有
平原廣數百里民井汲巢居井深五十丈秦名天
子冢曰山漢曰陵故通曰山陵矣風俗通曰陵者
天生自然者也今王公墳壠稱陵春秋左傳曰南
陵夏后臯之墓也春秋說題辭曰丘者墓也冢者
種也種墓也羅倚於山分卑尊之名者也渭水又
東逕下邳縣故城南秦伐邾置邾戎於此有上邳

故加下也渭水又東與竹水合南出竹山北逕郿
加谷歷廣鄉原東俗謂之大赤水北流注于渭渭
水又東得白渠口大始二年趙國中大夫白公奏
穿渠引涇水口起谷口出於鄭渠南名曰白渠民
歌之曰田於何所池陽谷口鄭國在前白渠在後
卽水所治也東逕宜春城南又東南逕池陽城北
枝瀆出焉東南逕藕原下逕鄠縣故城北東南入
渭今無水白渠又東枝渠出焉東南逕高陵縣故
城北地理志曰左輔都尉治王莽之千春也太康
地記謂之曰高陸也車頻秦書曰符堅建元十二

年高陸縣民穿井得龜大二尺六寸背文負八卦
古字堅以石爲池養之十六年而死取其骨以問
吉凶名爲客龜六卜佐高夢客龜言我將歸江南
不遇死於秦曾宋本作高於夢中自解曰龜三萬六千
歲而終終必亡國之徵也爲謝玄破於淮肥自縊
新城浮圖中秦祚因卽淪矣又東逕櫟陽城北史
記秦獻公二年城櫟陽自雍徙居之十八年兩金
於是處也項羽以封司馬欣爲塞王按漢書高帝
關中始都之王莽之師高也後漢建武二年封驃
騎大將軍景丹爲侯國丹讓世祖曰富貴不還故

鄉如衣錦夜行故以封卿白渠又東逕秦孝公陵
北又東南逕居陵城北蓮芍城南又東注金氏陂
又東南注于渭故漢書溝洫志曰渠首起谷口尾
入櫟陽是也今無水故渠又東逕漢丞相周勃塚

南冢北有弱夫冢

弱夫當作亞夫漢書周勃封絳侯長子坐殺人國絕亞夫復爲

侯故渠東南謂之周氏曲又東南逕漢景帝陵南

又東南注于渭今無水渭水又東逕霸縣北與高

陵分水水南有定陶恭王廟傅太后陵元帝崩傅

昭儀隨王歸國稱定陶太后後十年恭王薨子代

爲王徵爲太子太子卽帝位立恭王寢廟于京師

水經注卷之九 卷十九
比宣帝父悼皇故事元壽元年傳后崩合葬渭陵
潘岳關中記漢帝后同塋則爲合葬不共陵也諸
侯皆如之恭王廟在霸城西北廟西北卽傳太后
陵不與元帝同塋渭陵非謂元帝陵也蓋在渭水
之南故曰渭陵也陵與元帝齊者謂同十二丈也
王莽奏毀傳太后塚塚崩壓殺數百人開棺梟聞
數月公卿在位皆阿莽旨入錢帛遣子弟及諸生
四夷凡十餘萬人操持作具助將作掘傳后塚二
旬皆平周棘其處以爲世戒今其處積土猶高世
謂之增墀又亦謂之增阜俗亦謂之成帝初陵處

所未詳也渭水又逕平阿侯王譚墓北塚次有碑

左則涇水注之渭水又東逕鄠縣西蓋隴西郡之

鄠徒當作也渭水又東得白渠枝口又東與五丈

渠合水出雲陽縣石門山謂之清水東南流逕黃

嶽山西又南入殺柎縣歷原南出謂之清水口東

南流絕鄭渠又東南入高陵縣逕黃白城西本曲

梁宮也南絕白渠屈而東流謂之曲梁水又東南

逕高陵縣故城北東南絕白渠瀆又東南入萬年

縣謂之五丈渠又逕藕原東東南流注于渭水

又東過霸陵縣北霸水從縣西北流注之

霸水者上地名也古曰滋水矣秦穆公霸水宋本作秦

穆公霸世西征賦云弘大順以霸世是也更名滋水為霸水以顯霸功

水出藍田縣藍田谷所謂多王者也西北有銅公

水次東有輕谷脫一水字二水合而西注之又西流入

渥水渥水又西逕嶢關北歷柳嶢城東西有二城

魏置清渥軍於城內世亦謂之清渥城也秦二世

三年漢祖入自武關攻秦趙高遣將距於嶢關者

也土地記曰藍田縣南有嶢關地名嶢柳道通荆

州晉地道記曰關當上洛縣西北渥水又西北流

入霸霸水又北歷藍田川逕藍田縣也竹書紀年

梁惠王三年秦子向命為藍君蓋子向之故邑也

川有漢臨江王榮冢景帝以罪徵之將行祖於江

陵北門車軸折老父泣曰吾王不反矣榮至中尉

郅都急切責王王年少恐而自殺葬於是川有驚

數萬銜土置冢上百姓矜之按史記五宗世家臨

四年為皇太子四歲廢用故太子為臨江王四年

坐侵廟孺垣為宮上徵榮榮行祖於江陵北門既

已上車軸折車廢江陵父老流涕竊言曰吾王不

反矣榮至詰中尉府簿中尉郅都責訊王王恐自

殺葬藍田燕數萬銜土置冢上百姓憐之霸水又左合澹水歷白鹿原

東即霸川之西故芷陽矣史記秦襄王葬芷陽者

出道以瀉水在長安東南三十里故王仲宣賦詩
云南登霸陵岍迴首望長安漢文帝嘗欲從霸西
馳下峻坂素盞攬轡於此處上曰將軍怯也盞曰
臣聞千金之子坐不垂堂百金之子立不倚衡聖
人不乘危今馳不測如馬驚車敗柰高廟何上乃
止霸水又北長水注之水出杜縣白鹿源其水西
北流謂之荆谿谿水又西北左合狗枷川水水有
二源西川上承硯山之斫槃谷次東有苦谷二水
合而東北流逕風涼原西關中圖曰麗山之西川
中有阜名曰風涼原在魏山之陰雍州之福地卽

是原其水傍谿北注原上有漢武帝祠其水右合
東川水出南山之石門谷孟谷次東又大谷次東
有雀谷東有土門谷五水北谷西北歷風涼原東
又北與西川會原爲二水之會亂流北逕宣帝許
后陵東而北去杜陵十里斯川於是有狗枷之名
川東亦曰白虎

克家云當
作白鹿

原也上有狗枷堡三秦

記曰麗山西有白鹿原原上有狗枷堡秦襄公時
有大狗來下有賊則狗吠之故一堡無患故川得
厥目焉川水又北逕杜陵東元帝初元元年葬宣
帝杜陵北去長安五十里陵之西北有杜縣故城

秦武公十一年縣之漢宣帝元康

脫元年二字

以杜東

原上為初陵更名杜縣為杜陵也王莽之饒安也

其水又北注荆谿荆谿水又北入霸縣孫云疑作霸水又

有溫泉入焉水發自原下入荆谿水亂流注于霸

俗謂之瀆水非也史記音義文帝出安門注云在

霸陵縣有故亭即郡國志所謂長門亭也史記云

霸瀆長水也雖不在祠典以近咸陽秦漢都注宋本

作涇渭長水蓋宋本作盡得比大川之禮昔文帝居霸陵

北臨厠指新豐路示慎夫人曰此走邯鄲道也因

使慎夫人鼓瑟上自倚瑟而歌悽愴悲懷顧謂羣

臣曰以北山石為槨用紵絮斲陳漆其間豈可動

哉釋之曰使其中有可欲雖錮南山猶有隙使無

可欲雖無石郭又何戚焉文帝曰善拜廷尉韋昭

曰高岍夾水為厠今斯原夾三水也此後皆叙霸水事舊本錯

誤以厨門續此今據三輔黃圖所記長安十二門移正而以霸水又北會續此霸水又北

會兩川又北故源左出焉霸水又北逕王莽九廟

南王莽地皇元年博徵天下工匠壞撤西苑建章

諸宮館十餘所取材瓦以起九廟竿及吏民以義

入錢穀助成九廟廟殿皆重屋太初祖廟東西南

北各四十丈高十七丈餘廟半之為銅薄櫨飾以

金銀雕文窮極百工之巧瓠高增下功費數百巨萬卒死者萬數霸水又北逕枳道在長安縣東十

三里王莽九廟在其南漢世有白鷺羣飛自東都

門過于枳道呂后被除於霸上還見倉狗戟脅於

斯道也漢五行志曰高后八年三月被霸上還枳道見物如倉狗檝高后被忽不見卜之趙

王如意為祟遂病掖傷而崩注云檝謂狗持之也水上有橋謂之霸橋地

皇三年霸橋木災自東起卒數千以水汎沃救不

滅晨熾夕盡王莽惡之下書曰甲午火橋乙未立

春之日也予以神明三年終冬絕滅霸駁之橋欲

以興成新室統一長存之道其名霸為長存橋霸

水之宋本作又北左納漕渠絕霸右出焉東逕霸城北

又東逕子楚陵北皇甫謐曰秦莊王葬于芒蕩之

麗山京兆東南霸陵山劉向曰莊王大其各立墳

者也戰國策曰莊王字異人更名子楚故世人猶

以子楚名陵又東逕新豐縣右會故渠上承霸水

東北逕霸縣故城南漢文帝之霸陵漢縣也王莽

更之曰水章魏文帝黃初元年徙長安金狄重不

可致因留霸城南人有見薊子訓與父老共摩銅

人曰正見鑄此時計其日似近五百年矣故渠又

東北逕劉更始冢西更始二年為赤眉所殺故謂

宋本無侍中劉恭夜往取一作收而埋之光武使司

徒鄧禹收葬於霸陵縣更始尚書僕射行大將軍

事鮑永持節安集河東聞更始死歸世祖累遷司

隸校尉行縣逕更始墓遂下拜哭盡哀而去帝問

公卿太中大夫張湛曰仁不遺舊忠不忘君行之

高者帝乃釋宋本作釋之又東北逕新豐縣又合漕渠

漢大司農鄭當時所開也以渭難漕命齊水工徐

伯乃發卒穿渠引渭今源自昆明池南傍山原東

至于河且田且漕大以為便按史記河渠書鄭當

時言曰引渭穿渠起

長安竝南山下至河三百餘里徑易漕令齊人水

二徐伯表悉發卒數萬人穿漕渠三歲而通通以

漕大便利其後漕稍多而今霸水又北逕秦虎圈

渠下之民頗得以溉田矣

東列士傳曰秦昭王會魏王魏王不行使朱亥奉

璧一雙秦王大怒置朱亥虎圈中亥瞋目視虎背

裂血出濺舊本作濺虎虎不敢動卽是處也霸水又北

入于渭水渭水又東會成國故渠渠魏尚書左僕

射衛臻征蜀所開也號成國渠引以澆故田其瀆

上承汧水於陳倉東東逕郿及武功槐里縣北渠

左有安定梁嚴冢碑碣尚存逕漢武帝茂陵南故

槐里之茂鄉也應劭曰武帝與宋本無與字自為陵在

長安西北八十餘里漢武帝故事曰帝崩後見形

人經生靈

謂陵令薛平曰吾雖失勢猶爲汝君奈何令吏卒
上吾陵磨刀劔乎自今以後可禁之平頓首謝因
不見推問陵傍果有方石可以爲礪吏卒常盜磨
刀劔霍光欲斬之張安世曰神道茫昧不宜爲法
乃止故阮公詠懷詩曰失勢在須臾帶劔上吾丘
陵之南故渠又北分爲二渠東逕虎圈南而東入
霸一水北合渭今無水

東入于河

春秋之渭汭也左傳閔公三年虢公敗犬戎于渭

隊

孫云按左傳閔公二年虢公敗犬戎於渭汭

服虔曰隊謂汭也杜預

曰水之隈曲曰汭王肅云汭入也呂忱云汭者水
相入也水會卽船司空所在矣地理志曰渭水東
至船司空入河服虔曰縣名都官三輔黃圖有船
庫官後改爲縣王莽之船利者也

水經注箋卷第二十

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

漾水 丹水

漾水出隴西氐道縣嶓冢山東至武都沮縣為漢水
常璩華陽國記曰漢水有二源東源出武都氐道
縣漾山為漾水禹貢導漾東流為漢是也西源出
隴西嶓冢山會泉逕葭萌入漢始源曰沔按沔水
出東狼谷逕沮縣入漢漢中記曰嶓冢以東水皆

東流嶓冢以西水皆西流即其地勢源流所歸故俗以嶓冢為分水嶺即此推沔水無西入之理劉

澄之云有水從沔陽宋本作河陽縣南至梓潼漢壽入

大穴暗通罌山郭景純亦言是矣罌山穴小本不

容水水成大澤而流與漢合庾仲邕又言漢水自

武遂川南入蔓葛谷越野牛逕至開城合西漢水

故諸言漢者多言西漢水至葭萌入漢又曰始源

曰沔是以經云漾水出氐道縣東至沮縣為漢水

東南至廣魏白水廣魏宋本作廣漢按後漢郡屬

出焉而東南入江今在縣診其泂注似與三說相符而未極西

句乃獻良馬九百牛羊七千天子使逢固受之天子乃賜之黃金之鹿戲乃膜拜而受余以太和中從高祖北巡狄人猶有此獻雖古今世殊而所貢不異然川流隱伏卒難詳照地理潛閼變通無方復不可全言闕氏之非也雖津流派別枝渠勢懸原始要終潛流或一故俱受漢漾之名納方士當作土之稱是其有漢川漢陽廣漢漢壽之號或因其始或據其終縱異名互見猶爲漢漾矣川其目殊或亦在斯今西縣嶓冢山西漢水所導也然微涓細注若通羣歷津注而巴西流與馬池水合水出

上邽西南六十餘里謂之龍淵水言神馬出水事

同徐吾來淵之異徐吾當作余吾漢書元狩二年馬生余吾水中元鼎四年馬生

澹注水中應劭注云余吾在朔方故因名焉開山圖曰隴西神馬

山有淵池龍馬所生即是水也其水西流謂之馬

池川又西流入西漢水又西南流左得蘭

渠溪水次西有山黎谷水次西有鐵谷水次西有

石耽谷水次西有南谷水並出南山揚湍北注右

得高望谷水次西得西溪水次西得黃花谷水咸

出北山飛波南入西漢水又西南資水注之水北

出資川導源四壑南至資峽總為一水焉

流注西漢水西漢水又西南得峽石水口水出苑

亭曰草里谷謝云宋本作苑亭西草里谷三溪西南至峽石口

合為一瀆東南流屈而南注西漢水西漢水又西

南合陽廉川水孫云陽廉當作楊廉水出西谷衆川瀉流合

成一川東南流逕南宋本作西縣故城北秦莊公伐西

戎破之周宣王與其大略大丘之地為西垂大夫

亦西垂官也大略大丘當作大駱大丘史記秦紀云蜚廉之後有大駱者生非子以造

父之寵皆蒙趙城姓趙氏非子居大丘為周孝王主馬于汧渭之間馬大蕃息孝王封為附庸邑之

秦為秦侯周厲王時西戎反滅大丘大駱之族周宣王即位乃以秦仲為大夫誅西戎殺仲宣

王立其子莊公與兵七千人伐西戎破之於是復予秦仲後及其先大駱地大丘并有之為西垂大

夫居其故王大丘王莽之西治矣建武八年世祖至陽河

寶融等悉會天水震動隗囂將妻子奔西城從楊

廣廣死囂孤舊本作愁窮城守時潁川賊起車駕東歸

留吳漢岑彭圍囂岑等壅西谷水以縑幔盛土為

堤灌城城未沒丈餘水穿壅不行地中數丈涌出

故城不壞請蜀救至漢等退脫一還字上邽但廣廉字

相狀後人因以人名名之故習偽為楊廉也置楊

廉縣焉言本以楊廣命縣因廣字與廉字相似故譌為楊廉遂習其譌而不改也又東

南流右會茅川水水出西南戎溪東北流逕戎丘

城南吳漢之圍西城王捷登城向漢軍曰為隗王

城守者皆必死無二心願諸將亟罷宋本作亟還請自

殺以明之遂刎頸而死又東北流注西谷水亂流

東南入于西漢水西漢水又西南逕始昌峽始昌

縣故城西晉書地道記曰天水始昌縣故城西也

亦曰清崖峽西漢水又西南逕巖備戍宋本作南

左則巖備水自東南西北注之右則鹽官水南入

焉水有鹽官在嶓冢西五十許里相承營者不輟

味與海鹽同故地理志云西縣有鹽官是也其水

東南逕巖備戍西東南入漢水漢水又西南合左

谷水水出南山窮溪北注漢水又西南蘭軍謝兆申云

蘭軍字誤宋本作蘭軍而水出於西北至交谷宋本

下文又有蘭坑疑作蘭坑作五宋本東南歷郊宋本山軍東南入漢水漢水又西

南逕祁山軍南雞水出南雞谷北逕水南縣西北

流注于漢漢水又西建安川水入焉其水導源建

威西北山白石戍東南二源水合注東逕建威城

南又東與蘭坑水會水出西南近溪東北逕蘭坑

城西東北克家云脫注建安水建安水又東逕蘭

坑城北建安城南其地故西縣之歷城也楊定自

隴石徙治歷城卽此處也去仇池一百二十里後

改爲建安城其水又東合錯水水出錯水戍東南

而東北入建安水建安水又東北有雉尾谷水又

東北有太谷水又北有小祁山水並出東溪揚波

西注又北左會胡谷水水西出胡谷東逕金盤歷

城二軍北軍在水南層山上其水又東注建安水

建安水又東北逕塞峽元嘉十九年宋太祖遣龍

驤將軍裴方明伐楊難當將妻子北奔安西叅將

魯尚期追出塞峽卽是峽矣左山側有石穴洞入

當作言潛通下辨所未詳也其水出峽西北流注

漢水漢水北連山秀舉羅峰競峙祁山在番冢之

西七十里宋本作七十山上有城極爲巖固昔

諸葛亮攻祁山即斯城也漢水逕其南城南三里
 有亮故壘壘之左右猶豐茂宿草蓋亮所植也在
 上却西南二百四十里開山圖曰漢陽西南有祁
 山溪徑逶迤山高巖峻九州之名岨天下之奇峻
 今此山於衆阜之中亦非為傑矣漢水又西南與
 申宋本谷水合水出西南申谷東北流注漢水漢
 水又西逕南岸宋本作北中岸之上下有二城相
 對左右墳壠低昂亘山被阜古語一作云南岸北
 岸萬有餘家諸葛亮表言祁山縣出租五百宋本
 有民萬戶矚其丘墟信為殷矣漢水西

山縣去沮

有民萬戶矚其丘墟信為殷矣漢水西

南逕武植茂南武植戎水發北山二源奇發合于
 安民戎南又南逕武植戎西而西南流注于漢水
 漢水又西南逕平夷戎南又西南夷水注之水出
 北山南逕其戎西南入漢水漢水又西逕蘭倉城
 南又南右會兩溪俱出西山東流注于漢水張華
 博物志云溫水出鳥鼠山下注漢水疑是此水而
 非所詳也漢水又南入嘉陵道而為嘉陵水然世
 俗名之為督當作陵水非也漢水又東南右右字
 舊本舊本作名得北谷水東南得城階水疑作武階又
 東南得倉谷水右三水並出西溪東流注漢水漢

當作

陵水非也漢水又東南右右字

舊本作名

得北谷水東南得城階水疑作武階又

水又東南逕瞿堆西又屈逕瞿堆南絕壁峭峙孤
 嶮雲高望之形若覆壺其高二十餘里羊腸蟠道
 三十六迴開山圖謂之仇夷所謂積石嵯峨欽岑
 隱阿者也上有平田百頃煮土成鹽因以百頃為
 號山上豐水泉所謂清泉湧沸潤氣上流者也漢
 武帝元鼎六年開以為武都郡天池大澤在西故
 都為目矣漢地理志武都注云東漢水受氐道水
 一名沔過江夏謂之夏水入江天池大
澤存王莽更名樂平郡縣曰循虜縣常璩范曄云
 郡居河池一名仇池池方百頃即指此也左右悉
 白馬氏矣漢獻帝建安中有天水氐楊勝者世居

隴右為氐太師當作大帥子駒勇健多計北史後魏書
 云建安中有

揚騰者為部落大帥勇健多計略徙居仇池魏拜為百頃氐王漢

水又東合洛谷克家云谷下疑脫一水字谷有二源合同注一

壑於神蛇戍西左右山溪多五色蛇性馴良不為

物毒洛谷水又南逕虎膺戍東又南逕仇池郡西

瞿堆東西南入漢水漢水又東合洛漢水孫云洛漢當作

洛溪水北發洛谷南逕威武戍南又西南與龍門

水合水出西北龍門谷東流與橫水會東北窮溪

即水源也又南逕龍門戍東又東南入洛漢水又

東南逕上祿縣故城西脩源濬導逕引北溪南總

兩川單流納漢漢水又東南逕濁水城南又東南

會平樂水水出武階宋本作水出武源埜按下文數舉武階知武階當作武街

而宋本自誤耳十六國春秋亦作武街東北四十五里更馳南溪導

東北源流宋本作導源東北流山側有甘泉涌波飛流下注

平洛水又逕甘泉戍南又東逕平洛戍南又東入

漢謂之會口漢水東南逕脩城道南與脩水合水

總二源東北合漢漢水又東南於槃頭郡南與濁

水合水出濁城北東流與丁令溪水會其水北出

丁令谷南逕武街城西東南入濁水濁水又東逕

武街城南故下辨縣治也李倉李稚以氏王楊敵

堅妻死葬陰平襲武街為氏所殺於此矣按華陽國志十

六國春秋並云氏王楊茂搜子難敵堅頭為劉曜所破奔晉壽守將李稚受其賂遺不送成都遣難敵兄弟還武都遂即叛稚與兄侍中琿攻難敵由

白水橋進攻下辨而琿弟琿攻陰平難敵遣軍拒

琿而含稚經至下辨武街難敵絕其歸路四面攻

之深入無繼皆為氏眾所殺此云楊敵堅妻死葬陰平所

未詳也今廣業宋本作廣漢郡治濁水又東宏體水宋本

作弘注之水北出溪南逕武街城東而南流注于

濁水濁水又東逕白石縣南續漢書曰虞詡為武

都太守下辨東三十餘里有峽峽中白一作當水生

大石障塞水流春夏輒瀆溢敗壞城郭詡使燒石以水灌之石皆碎裂因鑄去焉碎裂舊本作濟裂後漢書虞詡傳注

引續書云以水灌之遂無泛溢之害濁水即白水
 石皆坼裂因鑄去石
 之異名也濁水又東南渥陽水北出渥谷南逕白
 石縣東而南入濁水濁水又東南與仇鳩水合水
 發鳩溪南逕河池縣故城西王莽之樂平亭也其
 水西南流注濁水濁水又東南與河池水合水出
 河池北谷南逕河池戍東西南入濁水濁水東南
 兩當水注之水出陳倉縣之大散嶺西南流入故
 道川謂之故道水西南逕故道城東魏征仇池築
 以置戍與馬鞍山水合水東出馬鞍山歷谷西流
 至故道城東西入故道水西南流北川水注之水

出北洛櫛山南南流逕唐倉城下南至困冢川入

故道水故道水又西南歷廣香交合廣香川水水

出南田縣利喬山

一作穆 喬山

南流至廣香川謂

宋本作謂

之廣香川水又南注故道水謂之廣香交故道水

又西南入秦岡山尚婆水注之山高入雲遠望增

狀若嶺紆曦軒峰駐月駕矣懸崖之側列壁之上

有神象若圖指狀婦人之容其形上赤下白世名

之曰聖女神至於福應愆違方俗是祈水源北出

利喬山南逕尚婆川謂之尚婆水歷兩當縣之尚

婆城南魏故道郡治也西南至山入故道水故道

水右又合黃盧山水水出西北天水郡黃盧山腹歷谷南流交注故道水故道水南入東益州之廣

業宋本作廣漢郡界與沮水枝津合謂之兩當溪水上

承武都沮縣之沮水瀆西南流注于兩當溪虞詡

為郡漕穀布在沮從沮縣至下辨山道嶮絕水中

多石舟車不通驢馬負運僦五致一詔乃於沮受

僦直約自致之即將吏民按行皆燒石櫛木開漕

船道水運通利歲省萬計以其僦廩與吏士年四

十餘萬也後漢書作燒石櫛木開漕船道以人僦直雇借傭者於是水運通利歲省四十

餘萬又西南注于濁水濁水南逕槃頭郡東而南合

鳳溪水水上承濁水於廣業一作廣漢郡南逕鳳溪中

有二石雙高其形若闕漢世有鳳凰至舊本作鳳凰上疑當

作止吳本作至故謂之鳳凰臺北去郡三里水出臺下東

南流左注濁水濁水又南注漢水漢水又東南歷

漢曲逕挾崖與挾崖水合水西出檐潭交東流入

漢水漢水又東逕武興城南又東南與北谷水合

水出武興東北而西南逕武興城北謂之北谷水

南轉逕其城東而南與一水合水出東溪西流注

北谷水又南流注漢水漢水又西南逕關城北除

水出西北除漢宋本作除溪東南流入于漢漢水又西

南逕通谷通谷水出東北通溪上承漾水西南流
為西漢水漢水又西南寒水注之水東出寒川西
流入漢漢水又西逕石亭戍廣平水西出百頃川
東南流注漢又有平阿水宋本作水出東山西流注漢
水又逕晉壽城西而南合漢壽水水源出東山西
逕東晉壽故城南而西南入于漢水也

又東南至廣魏

宋本作廣漢

白水縣西又東南至葭萌縣

東北與羌水合

白水西北出于臨洮縣西南西傾山水色白濁東
南流與黑水合水出羌中西南逕黑水城西又西

南入白水白水又東逕洛和城南洛和水西南出
和溪東北流逕南黑水城西而北注白水白水又
東南逕鄧至城南又東南與大夷祝水合水出夷
祝城西南而窮溪北注夷水又東北合羊洪水出
東南羊溪西北逕夷祝城東又西北流屈而東北
注于夷水夷水又東北入白水白水又東與安昌
水會水源發衛大西溪東南逕鄧至安昌郡南又
東南合無累水無累水出東北近溪西南入安昌
水安昌水又東南入白水白水又東南入陰平得
東維水水出西北維谷東南逕維城西東南入白

水白水又東南逕陰平故城南王莽更名推虜當

摧虜矣即廣漢之北部也廣漢屬國都尉治漢平帝

永初三年按漢紀平帝有元始後漢安帝有永初分廣漢蠻夷置有

白馬水出長松縣西南而白馬漢一作東北逕長

松縣北而東北注白水白水又東逕陰平大城北

蓋其渠帥自故城徙居也白水又東偃庶孫云當

水出西南偃溪東北流逕偃城西而東北流入白

水白水又東逕偃城北又東北逕橋頭昔姜維之

將還蜀也雍州宋本作刺史諸葛緒邀之於此後

期不及故維得保劔閣而鍾會不能入也白水又

與羌水合自下羌水又得其通稱矣白水又東逕

郭公城南昔郭淮之攻當作化於陰平也築之

故因名焉白水又東雒川水出西南雒漢孫云當

東北注白水白水又東合空冷水傍溪西南窮谷

即川源也白水又東南與南五部水會水有二源

西源出五部溪東南流東源出郎谷西南合南注

白水白水又東南逕建陽郡東而北與一水合二

源同注共成三溪西南流入于白水白水又東南

逕白水縣故城東即白水郡治也經云漢水出其

西非也白水又東南與西谷水相得水出西溪東

流逕白水城南東南入白水白水又南左會東流

水入極溪即水源也孫云當作白水又南逕克

二云逕下疑興城東又東南左得刺稽水曰溪東北

出便水源矣白水又東南清水左注之庾仲雍曰

清水自邠山宋本作來合白水斯為孟浪也水出

於平武郡東北矚累亘下南逕平武城東屈逕其

城南又西歷平洛郡東南屈而南逕南陽僑郡東

北又東北宋本作逕新巴縣東北又東南逕始平

僑郡南又東南逕小劔戎北西去大劔三十里連

山絕嶮飛閣通一作衢故謂之劔閣也張載銘曰

一人守嶮萬夫超起信然故李特至劔閣而嘆曰

劉氏有如此地而面縛於人豈不奴才也小劔水

西南出劔谷東北流逕其戎下入清水清水又東

南注白水白水又東南孫云疑於吐費城南即西

晉壽之東北也東南流注漢水西晉壽即蜀王弟

葭萌所封為苴侯邑故遂城為葭萌矣劉備改曰

漢壽太康中又曰晉壽水有津關段元章善風角

弟子歸元章封筒藥授之曰路有急難開之生到

葭萌從者與津吏諍打傷其破頭者可以此藥裹

之生乃歎服還卒業焉亦廉叔度抱父柩自沈處

也後漢書廉范字叔度京兆杜陵人父丹王莽時為大司馬庸部牧客死于蜀范遂流寓西州後歸鄉里年十五辭母西迎父喪歸葭萌載船觸石破沒范抱持棺柩遂俱沈溺衆傷其義鉤求得之瘞救僅免於死

又東南過巴郡閬中縣

巴西郡治也劉璋之分三巴此其一焉闕駟曰强水出陰平西北强山一曰强川姜維之還也鄧艾遣天水太守王頎敗宋本作于强川卽是也其水東北逕武都陰平梓潼南安入漢水漢水又東南逕津渠戍東又南逕閬中縣東閬水出閬陽縣而東逕其縣南又東注漢水昔劉璋之攻霍峻於葭

萌也自此水上張達范彊害張飛於此縣漢水又

東南得東水口水出巴嶺南歷獠中謂之東遊水

李壽之時獠自牂牁北入所在諸郡布满山谷其

水西南逕宋熙郡後魏地形志益州有宋熙郡領縣二曰興樂元壽與巴州相比

東又東南逕平城東又東南逕巴西郡東又東入

漢水漢水又東與濩溪水合水出獠中世亦謂之

爲清水也東南流注漢水漢水又東南逕宕渠縣

東又東南合宕渠水水西北出鄭縣南巴嶺與槃

余水同源派注南流謂之北水東南流與難水合

水出東北巴山西南注之又東南流逕宕渠縣謂

之宕渠水又東南入漢

又東南入漢州江津縣東南入于江

涪水注之故仲雍謂涪內水者也

丹水出京兆上洛縣西北冢嶺山

名高猪山也丹水東南流與清池水合水源東北

出清池山西南流入于丹水

東南過其縣南

縣故蜀

克家云疑作故屬

京兆晉分為郡地道記曰郡在

洛上故以為名竹書紀年晉烈公三年楚人伐我

南鄙至於上洛楚水注之楚水出上洛縣西南楚

山昔四皓隱於楚山即此山也其水兩源合舍

無舍

於四皓廟東又東逕高車嶺南

御覽高士傳高車山上有

四皓碑及祠皆漢惠帝所立也漢高后使張良詣南山迎四皓之處因名高車山翼帶眾

流北轉入丹嶺宋本作丹水嶺上有四皓廟丹水自倉野

又東歷兔和山即春秋所謂左師軍於兔和右師

軍於倉野者也

見左傳京五年

又東南過商縣南又東南至于丹水縣入于洧

契始封商魯連子曰在太華之陽皇甫謐闕駟並

以為上洛商縣也殷湯之名起於此矣丹水自商

縣東南流注歷少習出武關應劭曰秦之南關也

通南陽郡春秋左傳哀公四年楚左司馬使謂陰地之命大夫士蔑曰晉楚之當作盟好惡同之不

然將通於少習以聽命者也京相璠曰楚通上洛

阮當作道也漢祖下浙酈攻武關浙當作析史記高祖降析酈因

襲攻武關破之文頴曰武關右謝云疑浙縣西一百七十

里弘農界也丹水又東南流入曰口歷其戍下又

東南浙水出浙縣西北弘農盧氏縣大高山南流

逕脩陽縣故城北縣卽浙之北鄉也又東入浙縣

統宋本結成潭謂之龍淵清深神異者舊傳云漢

祖入關逕觀是潭其下若有府舍焉事旣非恒難

以詳矣其水又東逕其縣故城北蓋春秋之白羽

也左傳昭公十八年楚使王子勝遷許於浙是也

按左傳云楚子使王子勝遷許於析實白羽郭仲產云相承言此城漢

高所築非也余按史楚襄王元年秦出武關斬衆

五萬取浙一十五城孫云按史記楚世家取析十五城正義曰鄧州內鄉縣城

本楚析邑漢置析縣漢祖入關亦言下浙酈非無城之言循

之則可矣浙水又歷其縣東王莽更名縣爲古亭

也而南流入丹水縣注于丹水故丹水會洑有浙

口之稱丹水又東南逕一故城南名曰三戶城昔

漢祖入關王陵起兵丹水以歸漢祖此城疑陵所

築也丹水又逕丹水縣故城西南縣有密陽鄉古
 商密之地昔楚申息之師所戍也春秋之三戶矣
 杜預曰縣北有三戶亭竹書紀年曰壬寅孫何侵
 楚入三戶郟者是也水出丹魚先夏至十日夜飼
 之魚水郭側宋本作魚浮水側御覽引此注同赤光上照如火網
 而取之割其血以塗足可以步行水上長居淵中
 丹水東南流至其縣南黃水出北一作北黃
 谷南逕丹水縣南注于丹水黃水北有墨山山石
 悉黑績彩奮發黝焉若墨故謂之墨山今河南新
 安縣有石墨山斯其類也水南有丹崖山山悉

頽壁霞舉若紅雲秀天二岫更為殊觀矣丹水又
 南逕南鄉縣故城東北漢建安中割南陽石壤右壤
 為南鄉郡逮晉封宣帝孫暢為順陽王因為立
 順陽郡而南鄉為縣舊治鄼城永嘉中丹水浸沒
 至永和申徙治南鄉故城城南門外舊有郡社栢
 樹大三十圍蕭欣為郡伐之言有大蛇從樹腹中
 墜下大數圍長三丈羣小蛇數十隨入南山聲如
 風雨伐樹之前見夢於欣欣不以厝意及伐之吏
孫云吏疑作更少日果死丹水又東逕南鄉縣北興寧末
 太守王靡之改築今城城北半據在水中左右夾

溪宋本木作深長及春夏水漲望若孤洲矣或前有

晉順陽太守丁穆碑郡民范甯立之丹水逕流兩

縣之間歷於中之北所謂商於者也故張儀說楚

絕齊許以商於之地六百里謂以此矣呂氏春秋

曰堯有丹水之戰以服南蠻卽此水也又南合洧

水謂之浙水

水經注箋卷第二十一



漢 桑欽撰

後魏酈道元

注

明 李長庚訂

孫汝澄

朱謀埠箋

李克家全校

汝水

汝水出河南梁縣勉鄉西天息山

地理志曰出高陵山即猛山也亦言出南陽魯陽

縣之大孟山

汝州志大孟山在魯山縣西五十里山頂低窪四圍若城

又言出

弘農盧氏縣還歸山博物志曰汝出燕泉山並異

名也余以末平中蒙除魯陽太守會上臺下列山

川圖以方誌參差遂令尋其源流此等既非學徒
難以取悉既在遘見不容不述今汝水西出魯陽

縣之大孟山黃栢谷巖郭深高山岫邃密石徑崎

嶇人蹟裁交西即盧氏界也其水東北流逕太和

城西又東流逕其城北左右深植筠柏交蔭尹公

度之所棲神處也神仙傳云尹軌字公度博學五
經尤明天文星氣河洛讖緯晚

乃學道常服黃精華日三合許年數百歲腰佩漆

竹筒十數枚中皆有藥言可辟兵疫又能銷鉛為

銀銷錫為金後到又東屈堯山西嶺下水流兩分

一水東逕堯山南為湢水也即經所言湢水出堯

山矣一水東北出為汝水歷蒙栢谷孫云按上文
當作黃栢谷

左右岫壑爭深山阜競高夾水層松茂栢傾

渚故世人以名也津流不已北歷長白沙口狐白

谿水注之夾岸沙漲若雪因以取名其水南山宋
本

出作狐白川北流注汝水又東北趣狼臯山者也

東南過其縣北

汝水自狼臯山東出峽謂之汝阨也東歷麻解城

北故鄆鄉城也謂之蠻中左傳所謂單浮餘圍蠻

氏蠻氏潰者也杜預曰城在河南新城縣之東南

伊洛之戎陸渾蠻氏城也俗以為麻解城非也蓋

蠻麻讀聲近故也汝水又逕周平城南京一壻曰

霍陽山在周平城東南者也汝水又東與三屯谷水合水出南山北流逕石碣東柱側刊云河南界又有一碣題言洛陽南界碑柱相對既無年月竟不知何代所表也其水又北流注于汝水汝水又東與廣成澤水合水出狼臯山北澤中安帝末初元年以廣成遊獵地假與貧民元初二年鄧太后臨朝鄧騭兄弟輔政世士以為文德可興武功宜廢寢蒐狩之禮息戰陣之法于時馬融以文武之道聖賢不墜五材之用無或可廢作廣成頌云大漢之初基也揆厥靈圃營于南郊右轡三塗左枕

嵩嶽回據衡陰背箕王屋浸以波澹演以滎洛金山石林殷起乎其中神泉側出丹水涅池怪石浮

磬燿焜于其陂

馬融上廣成頌序云陛下履有虞

恩普勞遣使交錯稀有瞻絕時時寧息又無以自娛樂殆非所以逢迎太和裨助萬福也臣愚以為方涉冬節農事間隙宜幸廣成覽原隰觀宿麥勸收藏因講武校獵使寮庶百姓復觀羽旄之美聞鍾鼓之音桓帝延熹元年校獵廣成遂幸函谷關其水

自澤東南流逕溫泉南與溫泉水合溫水殷一作數

源揚波於川左泉上華宇連蔭芡薨交池石沼錯

落其間順宋本作順道者多歸之其水東南流注廣成

澤水澤水又東南入于汝水汝水又東得魯公水

口水上游陽人城東魯公陂城古梁之陽人聚也
秦滅東周徙其君於此陂水東南流合乎宋本澗

水水出兆山南流注之又亂流注于汝水汝水之

右有霍陽聚汝水逕其北東合霍陽山水水出南

山杜預曰河南梁縣有靈山當作靈山者也其水東北

流逕霍陽聚東世謂之華浮城非也春秋左傳哀

公四年楚侵梁及霍孫云按左傳襲梁及霍服虔曰梁霍周

南鄙也建武二年世祖遣征虜將軍祭遵攻蠻中

山賊張滿時厭新柏率舊本作華餘賊合攻得霍陽聚

此後漢書祭遵攻新城蠻中山賊張滿絕其糧

道滿數挑戰遵堅壁不出而厭新柏華餘賊

復與滿合遂攻得霍陽水又逕梁城西按春秋周

聚遵乃分兵擊破降之小邑也於戰國為南梁矣故經云汝水逕其縣北

俗謂之治城非也以北有注城故也今置治城縣

治霍陽山水又東北流注于汝水汝水又右一作左

合三里水水北出梁縣西北而東南流逕其縣故

城西故單狐聚也單狐當作單狐史記秦取九鼎

云單音憚憚單狐聚在洛陽地理志云秦滅西周從

南百五十里梁新城之間其君於此因乃縣之杜預曰河南縣西南有

梁城即是縣也水又東南逕注城南司馬彪曰河

南梁縣有注城史記魏文侯三十二年敗秦于注

者也又與一水合水發注城東坂下東南流注三里水三甲水又亂流入于汝汝水又東逕成安縣故城北按地理志潁川郡有成安縣侯國也史記建元以來功臣侯者年表曰漢武帝元朔五年校尉韓千秋擊南城當作南越死封其子韓延年為成安侯即此邑矣世謂之白泉城非也俗謬耳汝水又東為周公渡藉承休之徽號而有周公之嘉稱也汝水又東黃水注之水出梁山東南逕周承休縣故城東為承休水縣故子南國也漢武帝元鼎四年幸雒陽巡省豫州觀于周室邈而無祀詢問耆

老乃得孽子嘉封為周子南君以奉周祀

漢書音恩澤表云

武帝元鼎四年封姬嘉為周子南君再傳以罪棄市其弟延年紹封初元五年正月更封為周承休侯

按汲冢古文謂衛將軍文子為子南稱矣

一作稱矣

彌牟據檀弓衛將軍文子名彌牟

其後有子南勁紀年勁期

當作朝

于衛後惠成王如衛命子南為侯秦并六國衛最自按汲冢古文以下

後滅疑嘉是衛後故氏子南而稱君也

至氏子南而稱君也六十字皆史記周子南君臣瓚注中語

休邑地理志曰侯國也元帝置元始二年更曰鄭

公王莽之嘉莢也故汝渡有周公之名蓋藉邑以

納稱也謂之黃城水曰黃水皆非也其水又東南

逕白茅臺東又南逕梁瞿鄉西世謂之期城非也

括地志云周承休城一名梁雀按漢書世祖自潁

川往梁瞿鄉馮魴先詣行所孫云行所當即是邑

也水積為陂世謂之黃陂東轉逕其城南東流右

合汝水

又東南潁川郟縣南

汝水又東與張磨泉合水發北阜春夏水盛則南

注汝水汝水又東分為西長湖湖水南北五十餘

步東西三百步汝水又東扈澗水北出大劉山南

逕水蓼堆東郟城西南流入于汝汝水又右逕為

湖湖水南北八九十步東西四五百步俗謂之東

長湖湖水下入汝古養水也水出魯陽縣北將狐

山北長岡下數泉俱發東歷永仁三堆南又東逕

沙川世謂之沙水歷山符壘北又東逕沙亭南故

養陰里也司馬彪郡國志曰襄城有養陰里京相

璠曰在襄城郟縣西南養水名也俗以是水為沙

水故亦名之為沙城非也又城廢水之陽而以陰

為稱更用惑焉但流襟間居烈既平移一作流襟

頻移宋本作致令川渠異容津途狀改當作故物

裂既互移

望疑焉又右會董溝水宋本作水出沛公壘西六

十許步蓋漢祖入關往征一作是由故地擅斯目

矣其水東北注養養水又東北入東長廸一無湖

亂注汝水縣宋本作汝水也汝水又逕邾縣故城南春

秋昭公十九年楚令尹子瑕之所城也激水注之

水出魯陽縣之將孤山東南流許慎云水出南魯

陽入父城從水敖聲呂忱字林亦言在魯陽激水

東入父城縣與柏水宋本作桓水下同會柏水出魯陽北

山水有二源奇導於賈復城合為一瀆逕賈復城

北復南擊邕所築也後漢書云更始邕王莽會及諸大將在南方未降者皆多

世祖召諸將議曰邕最彊宛為次誰當擊之賈復率然對曰臣請擊邕上笑曰執金吾擊邕吾復

夏 俗語訛謬謂之寡婦城水曰寡婦水北瀆水有

窮通故枯渠之稱焉其水東北流至父城縣北

右注激水流又東北至邾入汝汝水東南左合

藍水水出陽嶺山東南流逕紀氏城西有

增臺記紀氏臺續漢書曰世祖車駕西征盜賊羣

起邾令馮魴為賊延哀所攻力屈上詣紀氏羣賊

自降即是處後漢書云馮魴有方略建武三年拜

起邾賊延褒等衆三千餘人以圍縣舍魴率吏士

七十許人力戰連日弩矢盡城陷魴乃遁去帝馳

詣行在 在邾城東北十餘里其水又東南流逕黃阜東而南入汝水汝水又東南流又與白溝水

合水出亭城西而南逕夏亭城西又南逕龍城西
城西北即摩陂也縱廣可一十五里魏青龍元年

有龍見于郊之摩陂明帝幸陂觀龍於是改摩陂

曰龍陂其城曰龍城其水又南入于汝水宋本豐汝水二

字又東南與龍山水會水出龍山龍谿北流際父

城縣故城東昔楚平王大城城父以居太子建故

杜預曰即襄城之城父也按漢地理志潁川有父

此注自說潁川之父城乃忽引楚平王城父事故

并舉說苑襄城君與黃帝襄城問塗以實杜注豈

父城與城父本為一耶馮異據之以降世祖用報巾車之恩

也後漢書馮異字公孫潁川父城人也漢兵起異以郡掾監五縣與父城長苗萌共城守為王莽

拒漢光武略地潁川攻父城不下屯兵巾車鄉異

間出行屬縣為漢兵所執上召見異異曰異一夫

之用不足為疆弱有老母在城中願其水又東北

流與二水合俱出龍山北流注之又東北入于汝

水汝水又東南逕襄城縣故城南王隱晉書地道

記曰楚靈王築劉向說苑曰襄城君始封之日服

翠衣帶玉佩徙倚於流水之上即是水也楚大夫

莊辛所說處後乃縣之說苑云襄城君衣翠衣帶

上楚大夫莊辛過而說之遂拜謁曰臣願把君之

手其可乎襄城君忿而不言莊辛曰君獨不聞鄂

君子哲有感于越人之歌呂后元年立孝惠後宮

其野

莊子云黃帝將見大隗乎具茨之山至於襄城之野七聖皆迷無所問途適遇牧馬童子

問塗

故嵇叔夜讚曰奇矣難測襄城小童倦遊六

合來憩茲邦也其城南對汜城周襄王出鄭居汜

卽是此城也春秋襄公二十六年楚伐鄭涉汜而

歸杜預曰涉汝水於汜城下也晉襄城郡治京相

璠曰周襄王居之故曰襄城也今置關於其下汝

水又東南流逕西不羹城南春秋左傳昭公十二

年楚靈王曰昔諸侯遠我而畏晉今我大城陳蔡

不羹賦皆千乘諸侯其畏我乎東觀漢記曰車騎

馬防以前參藥勤勞省闔增封侯國襄城羹亭千

二百五十戶卽此亭也汝水又東南逕繁丘城南

而東南出也

又東南過定陵縣北

湛水出犍縣北魚齒山西北東南流歷魚齒山下

爲湛浦方五十餘步春秋襄公十六年晉伐楚報

楊渠之役楚公子格及晉師戰于湛阪楚師敗績

遂侵方城之外今水北悉枕翼山阜於父城東南

湛水之北山有長陂

宋本作阪下同

蓋卽湛水以名陂故

有湛陂之名也湛水又東南逕蒲城北京相璠曰

昆陽縣北有蒲城蒲城北有湛水者是也漢水又

東於汝水九曲北東入汝杜預亦以是水為湛水
 矣周禮荊州其浸潁湛鄭玄云未聞蓋偶有不照
 也今考地則不乖其土言水則有符經文矣汝水
 又東南逕定陵縣故城北漢成帝元延三年封侍
 中衛尉淳于長為侯國王莽更之定城矣東觀漢
 記曰光武擊王莽二公還到汝水上於涯以手飲
 水澡頰塵垢謂傅俊曰今日疲倦諸君寧憊也當作
 邪即是水也水右則澠水左入焉左則百尺溝出
 矣溝水夾岸層崇亦謂之為百尺隄也自定陵城
 北通潁水於襄城縣潁盛則南播汝佚當作則北

注溝之東有澄潭號曰龍淵在汝北四里許南北
 百步東西二百步水至清深嘗不耗竭佳饒魚筍
 湖溢則東注瀟水矣汝水又東南昆水注之水出
 魯陽縣唐山東南流逕昆陽縣故城西更始元年
 王莽徵天下能為兵法選練武衛招募猛士旌旗
 輜重千里不絕又驅諸獷獸虎豹犀象之屬以助
 威武自秦漢出師之盛未嘗有也世祖以數千兵
 激之陽關宋本作邀之後漢書作傲之於陽關諸將見尋邑兵盛反
 走入昆陽世祖乃使成國上公王鳳廷尉大將軍
 王常留守夜與十三騎出城南門收兵於鄧尋邑

圍城數千里

本紀作數十重

雲車十餘丈瞰臨城積弩亂

發矢下如雨城中人負戶而汲王鳳請降不許世

祖帥營部俱進頻破之乘勝以敢死三千人徑衝

尋邑兵敗其中堅於是水之上遂殺王尋城中亦

鼓譟而出中外合勢震呼動天地會大雷風屋瓦

皆飛莽兵大潰昆水又屈逕其城南世祖建武中

封侍中傅俊為侯國故後漢郡國志有昆陽縣蓋

藉水以氏縣也昆水又東逕定陵城南又東注汝

水汝水又東南逕奇維一作頡城西北今南潁川郡

治也瀆水出焉世亦謂之大灑水爾雅曰河有雍

汝有瀆然則瀆者汝別也故其下夾水之邑猶流

汝陽之名是或瀆灑之聲相近矣亦或下合灑潁

兼統厥稱矣

又東南過鄆縣北

汝水逕奇頡城西東南流其城衿帶兩水側背雙

流汝脫一水字又東南流逕鄆縣故城北故魏下邑也

史記楚昭陽伐魏取鄆是也汝水又東得醴口水

水出南陽雉山亦云導源雉衡山即山海經云衡

山也郭景純以為南嶽非也馬融廣成頌曰面據

衡陰指謂是山在雉縣界故世謂之雉衡山依山

海經不言有水焉然醴水東流歷唐山下即高鳳所隱之山也

後漢逸民傳云高鳳字文通南陽葉人教授業於西唐山中年老執志不

倦隱身漁醴水又東南與臯水合水發臯山郭景

鈞終於家純或作章山東流注于醴水醴水又東南逕唐城

北南入城而西流出城城蓋因山以即稱矣醴水

又屈而東南流逕葉縣故城北春秋昭公十五年

許遷于葉者也楚威周衰控霸南土欲爭強中國

多築列城於北方以逼華夏故號此城為萬城或

作方城唐勒奏土論曰我是楚也世霸南土自越

以至葉垂弘境萬里故號曰萬城也余按春秋屈

完之在邵陵對齊侯曰楚國方城以為城杜預曰

方城山名也在葉南未詳孰是楚惠王以封諸梁

子號曰葉公城即子高之故邑也葉公好龍神龍

下之河東王喬之為葉令也每月望常自詣朝堂

後漢書作

帝怪其來數而不見車騎顯宗密令太

史何

當作

望之言其臨至輒有雙鳧從東南飛來

於是候鳧至舉羅張之但得一隻鳥乃詔尚方診

視則四年中所賜尚書官屬履也每當朝時葉門

下鼓不擊自鳴聞於京師後天玉棺於堂前吏

民終不搖動喬曰天帝獨欲召我耶乃沐浴服飾

寢其蓋使當作便立覆宿昔葬於城東土自成墳其

夕縣中牛皆流汗喘乏而人無知者百姓為立廟

號葉君祠牧守每班錄皆先謁拜之吏民祈禱無

不如應若有違犯亦立能為崇帝乃迎取其鼓置

都亭下略無復聲焉或云卽古仙人王喬也是以

于氏書之於神化王喬事具後漢書方術傳本醴

水又逕其城東與燒車水合水西出苦菜山東流

側葉城南而下注澧水舊本作醴水又東逕葉公

廟北廟前有公子高諸梁碑皇覽云葉縣西有諸梁公

近縣祠之舊秦漢之世廟道有雙闕几筵黃

亂殘毀魏一作魏太和景初中令長修飾舊宇

後長汝南陳晞以正始元年立碑碑字破落遺文

殆存事見其碑醴水又東與葉西陂水會縣南有

方城山屈完所謂楚以一作國方城以為城者也山

有湧泉北流畜之以為陂故塘方二里陂水散流

又東逕葉城南而東北注醴水醴水又東注葉陂

陂東西十里南北七里二陂並諸梁之所竭也舊本

地作陂水又東逕漁陽縣故城北又東脫一定陵城

南東與芹溝合其水導源葉縣東逕漁陽城北又

東逕定陵縣南入當作東南流注澧其水逕流昆

醴之間纏絡四縣之中疑卽呂忱所謂澗水也今於定陵更無別水唯是水可當之澧水東逕鄧縣

故城南左入汝山海經曰澧水東流注于澗水也

孫云山海經曰雅山澧水出焉東流注于視水注云或曰視宜爲澗澗水今在南陽也 汝水

又東南流逕鄧城西春秋左傳桓公二年蔡侯鄭

伯會于鄧者也汝水又東南流漁水注之

孫云山海經曰無音武今在南陽舞陽縣

又東南過汝南上蔡縣西

汝南郡楚之別也漢高祖四年置王莽改郡曰汝

濱縣故蔡國周武王剋殷封其弟叔度於蔡世本

曰上蔡也九江有下蔡故稱上竹書紀年曰魏章

率師及鄭師伐楚取上蔡者也建安元年安帝封

鄧騭爲侯國汝水又東逕玄瓠

宋本作懸瓠下同 城北王智深云汝南太守周矜起義於懸瓠者是矣今豫

州刺史汝南郡治城之西北汝水枝別左出西北

流又屈西東轉又西南會汝形若垂瓠者彥云城

北名焉

疑作城 灣中有地數頃上有栗園栗小殊

不並固安之實也

魏都賦云信都之栗故安之栗注云故安屬范陽出御栗 然歲貢三百石以充天府水渚卽栗州也樹木高茂

望若屯雲積氣矣林中有栗堂射埽甚間敞牧宰

及英彥多所遊薄其城上西北隅高祖以太和中幸懸瓠平南王肅起高臺一作齋於小城建層樓於

隅阿下際水場一作涪降粟渚左右列樹四周參差

競時奇為佳觀也

又東南過平輿縣南一作平輿按漢書地志汝南有平輿縣輿音豫

溱水出浮石嶺北青衣山亦謂之表當作衣水也

東南逕朗陵縣故城西應劭曰西南有朗陵山縣

以氏焉世祖建武中封城門校尉成宮當作臧宮為侯

國也溱水又南屈逕其縣南又東北逕北宜春縣

故城北漢地理志汝南郡有宜春縣後漢郡國志作北宜春至疑王莽更名

之為宣孱也豫章有宜春故加北矣永元三年安

帝封后父侍中閻暢為侯國溱水又東北逕馬香

城北又東北入汝汝水又東南逕平輿縣南安成

縣故城北王莽更名至成也漢武帝元光六年封

長沙定王子劉蒼為侯國矣汝水又東南汶水孫

當作陂水水首受慎水於慎陽縣故城南陂陂水兩分

一水自陂北逕宋本慎陽城四固謝兆申云一作四圍城塹

潁川荀淑遇縣人黃叔度於逆旅與語移日曰子

吾師表也范曄論曰黃憲言論風旨無所傳聞然

士君子見之者靡不深服遠後漢書作服深遠去疵吝將

以道周性全無得而稱乎塹水又自瀆東北流注
七陂一水自陂東北流積為同陂陂水又東北又
結而為陂世謂之窖陂陂水上承慎陽縣北陂東
北流積而為土陂陂水又東為窖陂陂水又東南
流注壁陂陂水又東北為太陂陂水又東入汝汝
水又東南逕平陵亭北又東南逕陽遂鄉北汝水
又東逕樂亭北春秋之棘櫟也杜預曰汝陰新蔡
縣東北有櫟亭今城在新蔡故城西北半淪水汝
水城北謝云宋本作故城西北城又東南逕新蔡
縣故城南昔管蔡間王室放蔡叔而遷之其子胡

能率德易行周公舉之為魯宋本無卿士以見于

王三當作命之以蔡中呂地也以奉叔度祀是為

蔡仲矣尚書云蔡仲克庸祇德周公以為卿士叔

而而死其子胡改行率德馴善周公聞之以為魯卿

士魯國治於是周公言於成王復封胡於蔡以奉

蔡叔之祀是為蔡仲郡國志云汝南郡新宋忠曰

故名其地為新蔡王莽所謂新遷者也世祖建武

元年封吳國為侯國汝南先賢傳曰新蔡鄭敬字

次都為郡功曹都尉高懿廳事前有槐樹白露類

甘露者懿問掾屬皆言是甘露敬獨曰明府政未

能致甘露但樹汁耳懿不悅託疾而去汝水又東

南左會潁水水上承汝水別流於奇頷城東東南流為練溝逕邵陂當作陵縣西東南流注至上蔡西

岡北為黃陵陂陂東流於上蔡岡東為蔡塘又東

逕平與縣孫云當作平與下同故城南為潁水縣舊沈國也

有沈亭春秋定公四年蔡滅沈以沈子嘉歸後以

為縣史記曰秦將李信攻平與敗之者也建武三

十年世祖封鈹統為侯國後漢書鈹期傳云期卒

弟統為建平侯似非于宋本于汝南郡治昔費長

房為市吏見王壺公懸壺郡市長房從之因而自

退本同入此壺隱淪仙路骨謝懷靈無會而返

雖能役使鬼神而終同物化城南里餘有神廟世

謂之張明府祠水旱之不節則禱之廟前有石碑

舊本作主碑文字紊碎不可復尋碑側有小石函按桂

陽先賢畫讚張熹乃桂陽郡臨武縣人吳本作信陽誤臨武張熹字季

智為平與今時天下大旱熹禱雩未獲應宋本作熹躬雩

本獲熹乃積柴自焚主簿崇小史宋本作張化從熹

焚焉俟舊本作矣宋本無矣字火既燎天靈感應即澍雨此

熹自焚處也潁水又東南左迤為葛陂陂方數十

里水物舍當作舍靈多所苞育昔費長房投杖於陂

而龍變所在也又効東海君於是陂矣神仙傳云壺公以一

竹杖與費長房騎之到家以杖棄葛陂中視之乃青龍耳後到東海值大旱三年謂請雨者曰東海神君前來淫葛陂夫人吾係之故久陂水東出為旱今當赦之令其行雨即便大雨

鮦水俗謂之三丈陂亦曰三嚴水水逕鮦陽縣故

城南應劭曰縣在鮦水之陽漢明帝永平中封衛

尉陰與子慶為侯國也後漢書陰興率以汝南之鮦陽封與子慶為鮦陽侯

縣有葛陵城建武十五年更名封經侯宋本作鈿

丹為侯國後漢書鈿期傳云期子丹嗣城之東北

有楚武王家民謂之楚王瑟城瑟城當作琴城三

謂家為琴六安縣都陂中有大冢民傳曰公琴即臯陶冢也城北祝社里下土

中得銅鼎銘曰楚武王是知武王遂也銅陂東注

為富水水積之處謂之陂塘津渠交絡枝布川隰

矣澆水自葛陂東南逕新蔡縣故城東而東南流

注于汝水又東南逕下桑里左迤為橫塘陂又東

為北清陂者也當作又東汝水又東南逕壺丘城

北故陳也春秋左傳文公九年楚侵陳剋壺丘以

其服于晉是也汝水又東與溝陂合當作水上承

慎水於慎陽縣之上慎陂右溝北注馬城陂陂西

有黃丘亭陂水於東逕新息亭北又東為網陂一作

陂網陂水又東逕新息縣結為牆陂陂水又東逕遂

鄉南東當作而為壁陂又東為青陂陂東對大呂

亭春秋外傳曰當成周時南有荆蠻申呂姜姓矣

鄭語史伯語鄭桓公曰當成周者南有荆蠻申呂應鄧陳蔡隨唐蔡平侯始封也

西南有小呂亭故此稱大也側陂南有青陂廟廟

前有阪漢靈帝建寧三年新蔡長河南緱氏李言

上請脩復青陂司徒臣訓尚書臣龔奏可洛陽宮

於青陂東宋本作作臣龔奏於洛陽宮青陂塘南樹碑碑稱青陂

在縣坤地源起桐栢淮川別流入于潺湲逕新息

牆坡宋本作阪衍入褰信界灌溉五百餘頃陂水又東

分為二水一水南入淮一水東南逕白亭北又東

逕吳城南史記楚惠王二年子西召太子建之子

勝於吳勝人居之故曰吳城也又東北屈逕壺丘

東而北流注于汝水世謂之薄谿水汝水又東逕

褰信縣故城北而東注矣

又東至原鹿縣

汝水又東南逕縣故城西杜預所釋地曰汝陰有

原鹿縣也

南入于淮

所謂汝口側水有汝口戍淮汝之交會也

水經注箋卷第二十二

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

潁水 洧水 澗水 澮水

潁水出潁川陽城縣西北少室山

秦始皇十七年滅韓以其地為潁川郡蓋因水以著稱者也漢高帝二年以為韓國王莽之左隊也

山海經曰潁水出少室山地理志曰出陽城縣陽乾山今潁水有三源奇發右水出陽乾山之潁谷

春秋潁考叔爲其封人其水東北流中水導源少室通阜東南流逕負黍亭東春秋定公六年鄭伐馮滑負黍者也馮敬通顯志賦曰求善卷之所在遇許由于負黍京相璠曰負黍在潁川陽城縣西南二十七里世謂之黃城也亦或謂是水爲灑水東與右水合左水出少室南谿東合潁水故作者乃宋本舉三三言水所發也呂氏春秋曰卞隨恥受湯讓自投此水而死張顯逸民傳嵇叔夜高士傳並言投洞水而死未知其孰是也呂覽云卞隨而死莊子云自投於澗水而死司馬注本作洞水云桐水在潁陽埽接潁洞古字通用故禮頌衣一

作細是其例也細洞二字皆誤耳

又東南過其縣南

潁水又東五渡水注之其水導源崇一作嵩高縣東

北太室東谿縣漢武帝置以奉太室山俗謂之崧

陽城及春夏雨泛水自山頂而迭相灌澍嶢流相

承爲二十八浦也湯宋本作陽旱輟津而石潭不耗道

路遊憩者唯得飡飲而已無敢澡盥其中苟不如

法必數日不豫是以行者憚之山下大澤周數里

而清深肅潔水中有立石高十餘丈廣二十許步

上甚平整緇素之士多泛舟昇陟取暢山當作情

其水東流南陽城西石溜縈委溯者五涉故亦謂之五渡水東南流入潁水潁水逕其縣故城南昔舜禪禹禹避商均伯益避啓並於此也亦周公以土圭測日景處漢成帝永始元年封趙臨爲侯國也縣南對箕山山上有許由冢堯所封也故太史公曰余登箕山之上有許由墓焉山下有牽牛墟側潁水有犢泉是巢父一作樊父還牛處也石上犢跡存焉高士傳云許由隱于潁水之陽箕山之下堯召爲九州長由洗耳於潁水濱其友巢父牽犢欲飲之見由洗耳問之知其故曰子若處高岸深谷人道不通誰能見子乃浮遊求其名譽汚吾犢口牽犢上流而飲之又有許由廟碑闕尚存是漢潁川太

守朱寔所立潁水逕其北東與龍淵水合其水導源龍淵東南流逕陽城北又東南入于潁潁水又東平洛谿水注之水發王女臺下平洛澗世謂之平洛水呂忱所謂勺水出陽城山蓋斯水也又東南流注于潁潁水又東出陽城關歷亭東南康城魏明帝封尚書右僕射衛臻爲康鄉侯此卽臻封邑也

又東南過陽翟縣北

潁水東南流逕陽關聚聚夾水相對俗謂之東西二土城也潁水又逕上棘城西又屈逕其城南春

秋左傳襄公十八年楚師伐鄭城上棘以涉潁者也縣西有故堰堰石崩禱潁基尚存舊遏潁水支流所出也其故瀆東南逕三封山北今無水渠中又有泉流出焉時人謂之嵎水東逕三封山東東南歷大陵西連山亦曰啓筮亭脫一啓字亭神於大陵之上卽鈞臺也春秋左傳曰夏啓有鈞臺之饗是也杜預曰河南陽翟縣南有鈞臺其水又東南流水積爲陂陂方十里俗謂之臺陂蓋陂舊本無指陂字鈞臺取名也又西南流逕夏亭城西又屈而東南爲郟之靡陂潁水自竭東逕陽翟故城北夏禹始

封於此爲夏國故武王至周曰吾其有夏之居乎遂營洛邑徐廣曰河南陽城陽翟則夏地也春秋經書秋鄭伯突入于櫟左傳曰桓公十五年突殺檀伯而居之服虔曰檀伯鄭守櫟大夫櫟鄭之大都宋忠曰今陽翟也周末韓景侯自新鄭徙都之王隱曰翟本櫟也故潁川郡治也城西有郭奉孝碑側水當作水側有九山祠碑叢柏猶茂北枕川流也又東南過潁陽縣西又東南過潁陰縣西南

應劭曰縣在潁水之陽故邑氏之按東觀漢記漢封車騎將軍馬防爲侯國防城門校尉位在九卿

上絕席

後漢書馬援次子馬防貴寵最盛與九卿絕席封潁陽侯

潁水又南逕

潁鄉城西潁陰縣故城在東北舊許昌輿

當作農

都尉治也後改爲縣魏明帝封侍中辛毗爲侯國

也潁水又東南逕柏祠曲東歷罍臺北陂陂水南

流積爲江陂南逕慎城西側城南流入于潁潁水

又逕慎縣故城南縣故楚邑白公所居以拒吳春

秋左傳哀公十六年吳人伐慎白公敗之王莽之

慎治也世祖建武中封劉賜爲侯國潁水又東南

逕蜩螗郭東俗謂之鄭城矣又東南入于淮春秋

昭公十二年楚子狩于州來次于潁尾蓋潁水之

會淮也

自臺北陂以下原錯在東南臨潁縣注後今據宋本改正

又東南至慎縣東南入于淮

潁水東南流左合上吳百尺二水俱承次塘細陂

南流注于潁潁水又東南江

大崇舊本作滌丘城南故汾丘城也春秋左傳襄公十

八年楚子庚治兵於汾司馬彪曰襄城縣有汾丘

杜預曰在襄城縣之東北也逕繁昌故縣北曲蠡

之繁陽亭也魏書國志曰文帝以漢獻帝延康元

年行至曲蠡登禪于是地改元黃初其年以潁陰

之繁陽亭爲繁昌縣城內有三臺時人謂之繁昌

臺壇前有二碑昔魏文帝禪於此自壇而降曰舜禹之事吾知之矣故其石銘曰遂於繁昌築靈臺也於後其碑六字生金論者以為司馬金行故曹氏六世遷魏而事晉也魏志云繁昌縣授禪石碑中生金表送上群臣盡賀

潁水又東南流逕青陵亭城北北對青陵陂陂縱廣二十里潁水逕其北枝入為陂陂西則漸水注之水出褒城縣之邑城下東流注于陂陂水又東入臨潁縣之狼陂潁水又東南流而歷臨潁縣也

又東南過臨潁縣南又東南宋本有過字汝南潁強縣北洧水從河南密縣東流注之

臨潁舊縣也潁水自縣西小潁水出爾雅曰潁別為沙郭景純曰皆大水溢出別為小水之名也亦猶江別為沱也潁水又東南逕澤城北即古城臯亭矣春秋經書公及諸侯盟于臯馳者也臯澤字相似名與字乖耳潁水又東逕潁陽城南竹書紀年曰孫何取潁陽潁強城在東北潁水不得逕其北也潁水又東南潁水入焉非洧水也

又東過西華縣北

王莽更名之曰華望縣也有東故言西也世祖光武皇帝建武中封鄧晨為侯國漢濟北戴封字平

仲爲西華令遇天旱慨治功無感乃積柴坐其上以自焚火起而大雨暴至遠近歎伏永元十三年徵大常也縣北有習陽城潁水經其南也經所謂洧水流注之也

又南過汝陽縣北

縣故城南有汝水枝流故縣得厥稱矣闕駟曰本汝水別流其後枯竭號曰死汝水故其字無水余按汝女乃方俗之音故字隨讀改未必一如闕氏之說以窮通損字也潁水又東大潁水注之又東南逕博陽縣城東城在南頓縣北四十里漢宣帝

封阿言爲侯國王莽更名樂嘉

又東南過南頓縣北潁水從西來流注之

潁水於樂嘉縣入潁不至于頓頓故頓子國也周之同姓春秋僖公二十五年楚伐陳納頓子于頓是也俗謂之潁陰城非也潁水又東南逕陳縣南又東南左會交口者也

又東南至新陽縣北浪蕩渠水從西北來注之

經云浪蕩渠者百尺溝之別名也南合交口新溝自是東出潁上有堰謂之新陽堰俗謂之山陽塢非也新溝自潁北東出縣在水北故應劭曰縣在

新水之陽今縣故城在東明潁水不出其北蓋經
 誤耳潁水自東堰南流逕項縣故城北春秋僖公
 十七年魯滅項是矣潁水又東右合谷水水上承
 平鄉諸陂東北逕南頓縣故城南側城東注春秋
 左傳所謂頓迫于陳而奔楚自頓徙南故曰南頓
 也今其城在頓南三十餘里又東逕項城中楚襄
 王所郭以為別都都內西南小城項縣故城也舊
 潁州治谷水逕小城北又東逕刺史賈逵祠北王
 隱言祠在城北非也廟在小城東昔王凌為宣王
 司馬懿所執屈廟而嘆曰賈良道當作梁道王凌魏之

忠臣唯汝有靈知之遂仰鴆而死

魏志云王凌遜位太尉假節鉞

謂齊王不任天位欲迎立楚王彪遣將軍楊弘以廢立事告兖州刺史黃華華弘以白司馬宣王宣王將兵討之凌勢窮乘船自縛出迎宣王承認送京都凌至項飲藥死于寶晉紀曰凌到項見賈逵祠呼曰賈梁道王凌固忠於魏之社稷者唯汝有神知之其年八月宣王有疾夢凌達為瘡遂薨

廟前有碑碑石金生于寶曰黃金可採為晉中興

之瑞

王隱晉書云永嘉元年陳國項縣賈逵石碑中生金人盜鑿取賣賣已復生此江東中興

也之瑞谷水又東流出城東注潁潁水東側潁有公

路城袁術所築也故世因以術字名城矣潁水又

東逕臨潁城北城臨水闕南面又東逕雲陽二城

間南北翼水並非所具又東逕丘頭丘頭枕水魏

書郡國志曰宣王軍次丘頭王凌面縛水次故號
 武丘矣潁水又東南於故城北細水注之水上承
 陽都陵宋本陂水枝分東南出為細水東逕新陽
 縣故城北又東南逕宋公縣故城北縣鄴丘者也
 秦伐魏取鄴丘謂是邑矣漢成帝綏和元年詔封
 殷後於沛以存三統平帝元始四年改曰宋公章
 帝建初四年徙邑於此故號新鄴為宋公國也王
 莽之新延矣細水又南逕細陽縣新溝注之新溝
 首受交口東北逕新陽縣故城南漢高帝六年封
 呂清為侯國王莽更名曰新明也故應劭曰縣在

新水之陽今無水故渠舊道而已東入澤渚而散
 流入細細水又東南逕細陽故城南王莽更之曰

樂慶也世祖建武中宋本有岑彭子遵為侯國細

水之宋本東南積而為陂謂之次塘公私列宋本

裂以供田漑又東南流屈而西南入潁地地理志曰

細水出細陽縣東南入潁潁水又東南流逕胡城

故東當作胡子國也春秋定公十五年楚滅胡以

胡子豹歸是也杜預釋地曰汝陰縣西地有胡城

也潁水又東南汝水枝津宋本有之水注字上承汝水

別瀆於奇頌城東三十里世謂之大隱水也東南

逕召陵縣故城南春秋左傳僖公四年齊桓公師于召陵責楚貢不入即此處也城內有大井徑數丈水至清深闕駟曰召者高也其地丘墟井深數丈故以名焉又東南逕征羌縣故邵陵縣之安陵鄉安陵亭也世祖建武十一年以封中郎將來歛歛以征定西羌功故更名征羌也闕駟引戰國策以為秦昭王欲易地謂此也汝水別瀆又東逕公路此下原本錯寫入東南過類陽縣法中今據宋本改正臺臨水方百步袁術所築也汝水別溝又東逕西門城即南利也漢書宣帝封廣陵王厲子劉昌為侯也謝云昌下一有實字一作實埤

按漢書王子侯表云宣帝本始元年七月封廣陵厲王子昌為南利侯克家云當作為侯國也縣北三十里有孰城號曰北利故瀆出於二利之間關女陽之縣世名之死汝縣取水名故宋本有汝陽也又東逕南頓縣故城脫克家云疑又東南逕鄆陽城北又東逕邱鄉城北又東逕固始縣故城北地理志縣故寢也寢丘在南故藉丘名縣矣王莽更名之曰治孫叔敖以土浸薄取而為封故能綿嗣城北猶有叔敖碑建武二年司空李通又慕叔敖受邑故光武以嘉之更名固始別汝又東逕蔡岡北岡上有平陽侯相蔡昭冢昭字叔明周后稷

水經注卷三十三 三頁九十二
之冑冢有石闕闕前有二碑碑字淪碎不可復識
羊虎傾低殆存而已枝汝又東北流逕胡城南而
東歷汝陰縣故城西北東入潁水潁水又東逕汝
陰縣故城北史記高祖功臣侯者年表曰高祖六
年封夏侯嬰為侯國王莽更名之曰汝濱也縣在
汝水之陰故以汝水納稱城西有一城故陶丘縣
也汝陰郡汝城外東北隅有舊臺翼城若丘俗謂
之女郎臺雖經頽毀猶自廣崇上有一井疑故陶
丘鄉所未詳

洧水出河南密縣西南馬領山

水出山下亦言出潁川陽城山山在陽城縣之東
北蓋馬領之統目焉清水東南流逕一故臺南俗
謂之陽子臺又東逕馬領塢北在山上塢下泉流
北注亦謂洧別源也而入于洧水洧水東流綏水
會焉水出方山綏谿卽山海經所謂浮戲之山也
東南流逕漢弘農太守張伯雅墓塋四周壘石為
垣隅阿相降列於綏水之陰庚門表二石闕夾對
石獸於闕下冢前有石廟列植三碑碑云德字伯
雅河內密人也碑側樹兩石人有數石柱及諸石
數矣宋本作諸石獸舊引綏水南入瑩城疑作域而為池沼

沼在丑地皆蟾螭吐水石隍承溜池之南又建石樓石廟前又翼列諸獸但物謝時淪凋毀殆盡矣富而非義比之浮雲况復此乎王孫士安斯為達矣漢書云楊王孫家業千金厚自奉養及病且終令其子以布囊盛尸羸葬親土晉書皇甫謐字士安自為葬送之制氣絕之後以蘆蔭裹尸麻約兩頭穿坑而葬不用棺槨綏水又東南流逕上郭亭南東南注洧洧水又東襄荷水注之水出北山子節谿亦謂之子節水東南流于洧洧水又東會瀝滴水出深谿之側泉流丈餘懸水散注故世士以瀝滴稱南流入洧水也又東南過其縣南

洧水又東流南與承雲二水合俱出承雲山二源雙導東南流注于洧世謂之東西承雲水洧水又東微水注之水出微山東北流入于洧洧水又東逕密縣故城南春秋謂之新城左傳僖公六年會諸侯伐鄭圍新密以鄭不時城也今縣城東門南側有漢密令卓茂祠茂字子康南陽苑人當作宛人溫仁寬雅恭而有禮人有認其馬者茂與之曰若非公馬幸至丞相府歸我遂挽車而去後馬主得馬謝而還之任漢黃門郎遷密令舉善而徵宋本口無惡言教化大行道不拾遺蝗不入境百姓為之

注祠享祀不輟矣洧水又左會瓌泉水水出王亭
 北流注于洧水水又東南與馬關水合水出王
 亭下東北流歷馬關謂之馬關水又東北注于洧
 水又東合武定水水出北武定岡西南流又屈
 而東南流逕零鳥塢西側塢東南流塢側有水懸
 流赴壑一匹有餘直注澗下淪積成淵嬉遊者矚
 望奇為佳觀俗人覩此水挂于塢側遂目之為零
 鳥水東南流入于洧洧水又東與虎牘山水合水
 發南山虎牘谿東北流入洧洧水又東南赤澗水
 注之水出武定岡東南流逕皇臺岡下又歷岡東

東南流注于洧洧水又東南流澗水注之洧水又

東南逕鄆城南世本曰陸終娶于鬼方氏之妹謂

之女清今據世本云陸終娶鬼方氏之妹謂之女

水經注是生六子孕三年啓其左脅三人出焉破

其右脅三人出焉其四曰求言是謂之鄆鄆人者

是也鄭桓公問於史伯曰王室多難子當作安逃

死乎史伯曰號鄆公之民遷之可也鄭氏東遷號

鄆獻十邑焉史記鄭桓公問周太史伯曰王室多

故于安逃死乎伯曰獨雒之東上河
 濟之南可居彼地近號鄆號鄆之君貪而好利百
 姓不附今公為司徒民皆愛公公誠請居之號鄆
 之君見公方用事輕分公地號鄆之民皆公之民
 也桓公卒言王東徙其民雒東而號鄆果獻十邑

劉禎云鄆在豫州外方之北北鄰於虢鄆榮之南
 左濟右洛居陽鄭兩水之間食溱洧焉徐廣曰鄆
 在密縣妘姓矣不得在外方之北也洧水又東逕
 陰坂北水有梁焉俗謂是濟為參辰口左傳襄公
 九年晉伐鄭濟于陰坂次于陰口而還是也杜預
 曰陰坂洧津也服虔曰登南當作曰陰口者水口
 也參陰聲相近蓋傳呼之謬耳又晉居商參孫云當作
 參當作之分實沈之上孫云當作鄭處辰火之野闕伯之
 地軍師所次故濟得其名也

又東過鄭縣南鄆水從西北來注之鄆宋本作洧即鄭詩溱字

洧水又東逕新鄭故城中左傳襄公元年晉韓厥
 荀偃帥諸侯伐鄭入其郛敗其徒兵於洧上是也
 竹書紀年晉文侯二年同惠一無王子多父伐鄆

克之乃居鄭父之丘名之曰鄭是曰桓公皇甫士
 安帝王世紀云或言縣故有熊氏之墟黃帝之所
 也鄭氏徙居之故曰新鄭矣城內有貴祠一作遺祠

乘是也洧水又東為洧淵水春秋傳曰龍

鬪于洧門之外洧淵則此潭也今洧水自鄭城西
 北入而東南流逕鄭城南城之南門內舊外蛇與
 內蛇鬪內蛇死六年大夫傅瑕殺鄭子入厲公自

是徵也

事在左傳莊十四年

水南有鄭莊公望母臺莊姜惡

公寤生與段京居段不弟姜氏無訓莊公居夫人

故

當作於

城潁誓曰不及黃泉無相見也故城

疑作

臺以望母用伸在心之思感考叔之言忻大隧之

賦洩洩之慈有嘉融融之孝得常矣洧水又東與

黃水合經所謂澮水非也黃水出太山南黃泉東

南流逕華城西史伯謂鄭桓公曰華君之土也

史伯謂鄭桓公曰鄆蔽補丹依

韋昭曰華國名矣

史記秦昭王三十三年白起攻魏拔華陽走芒卯

斬首十五萬司馬彪曰華陽亭名在密縣嵇叔夜

常奉樂於山澮登琴於古人卽此亭也

靈異志稱

南去洛數十里有亭名華陽投宿一更中操琴聞

空中稱善中散呼與相見乃出見形以手持其頭

共論音聲因黃水東南流又與上水合水出兩塘

中一源兩分泉流派別東爲七虎澗水西流卽是

水也其水西南流注于黃水黃卽春秋之所謂黃

嶮也故杜預云苑陵

當作宛陵縣西有黃水者也又東

南流水側有二臺也謂之積粟臺臺東卽二水之

會也捕章山水注之水出東捕章山西流注于黃

水黃水又南至鄭城北東轉於城之東北與黃溝

又東南逕龍淵泉東南七里溝水注之水出隙候亭東南平地東注又屈而南流逕升城東又其南歷燭城西即鄭大夫燭之武邑也又南流注于浦

水也

宋本作浦水

又東南過長社縣北

洧水東南流南濮北濮二水入焉洧水又東南與

龍淵水合水出長社縣西北有故溝上承洧水水

盛則通注龍淵水滅

宋本作滅

則律

當作津

渠輟流其瀆

中沸泉南注東轉為淵淥水平潭清潔澄深俯視

游魚類若乘空矣所謂淵無潛鱗也又東逕長社

縣故城北鄭之長葛邑也春秋隱公五年宋人伐

鄭圍長葛是也後社樹暴長故曰長社魏潁川郡

治也余以景明中出宰茲郡於南城西側修立客

館版築既興於上下得一樹根甚壯大疑是故社

怪長暴茂者也

王隱地道記云長葛縣在潁川其社有樹暴長漢時改名長社稽

之故說縣無龍淵水名蓋出近世矣京相璠春秋

土地名曰長社北界有稟水但是水導於隍澗之

中非北界之所謂又按京社地名並云長社縣北

有長葛鄉斯乃縣徙于南矣然則是水即稟水也

其水又東南逕棘城北左傳所謂楚子伐鄭救齊

次于棘澤者也稟水又東左注洧水洧水又東南分爲二水也其枝水東南流注沙一水東逕許昌

縣故許南

克家云當作許男

國也姜姓四岳之後矣穆天子傳所謂天子見許男于洧上者也漢章帝建初

四年更封馬光爲侯國

後漢書建初四年封馬防

潁陽侯馬光爲許昌侯

春秋

脫

助期曰漢以許昌失天下及魏承漢曆

遂改名許昌也城內有景福殿基魏明帝太和中

造準價八百餘萬洧水又東入汶倉城內俗以是

水爲汶水故有汶倉之名非也蓋洧水之邸閣耳

洧水又東逕隱陵縣故城南李奇曰六國爲安陵

也昔秦求易地唐且受使於此

戰國策曰秦王使人謂安陵君曰寡

人欲以五百里之地易安陵安陵君使唐雎使於

秦曰安陵君受地於先王而守之雖千里不敢易

也秦王怒曰公亦嘗聞天子之怒乎伏屍百萬流

血千里睚眦曰大王嘗聞布衣之怒乎夫專諸刺王

僚也彗星襲月聶政之刺韓傀也白虹貫日若士

必怒伏屍二人流血五步天下縞素今日是也挺

劍而起秦玉色撓長跪而謝之漢高帝十二年封都尉諸溲爲侯

國

孫云按史記年表朱溲封鄠陵侯

王莽更名左亭洧水又東隱

陵陂水注之水出隱陵南陂東西南流注于洧水

也

又東南過新汲縣東北

洧水自隱陵東逕桐丘南俗謂之天井陵又曰岡

非也洧水又屈而南流流疑水上有梁謂之桐門

橋脫一藉桐丘以取稱亦言取桐門亭而目焉然

不知亭之所在未之詳也洧水又東南逕桐丘城

春秋左傳莊公二十八年楚伐鄭鄭人將奔桐丘

卽此城也杜預春秋釋地曰潁川許昌城東北京

相璠曰今圖克家云圖疑作國無而城見存西南去許昌

故城可三十五里俗名之曰隄其城南卽長隄因

洧水之北防也西面桐丘其城邪長而不方蓋憑

丘之稱卽城之名矣洧水又東逕新汲縣故城

漢宣帝神雀二年置於許之汲鄉曲洧城以河內

有汲縣故加新也漢宣帝當作章帝建初四年封執金

吾馬光爲侯國城在洧水南隄上又東洧水右迤

爲濩陂洧水又逕匡城南扶溝之匡亭也又東洧

水左迤爲鴨子陂也謂之大穴口也

又東南過茅城邑之東北

洧水自穴口東南逕洧陽城西南逕茅城東北又

南左合廋溝溝水上承洧水於大穴口東北枝分

東逕洧陽故城南俗謂之復陽城非也蓋洧復字

類音讀變漢建安中封司空祭酒郭奉孝爲侯國

其水又東南爲鴨子陂陂廣一十五里餘波克家云當

作南入甲庾溝西注又當作東北瀉沙洧水又南

逕一故城西世謂之思鄉城西去洧十五里洧水

又右合濩陂水上承洧水新波宋本作新汲縣南逕新

汲故城東又南積而為陂陂之西北即長舍城陂

水東翼洧隄西面茅邑自城北門列築昆當作道

迄於此岡世尚謂之茅岡即經所謂茅邑地也陂

水北出東入洧津西納北異流

又東逕習陽城西折入于潁

洧水又東南逕辰亭東俗謂之田城非也蓋田辰

聲相近城亭音韻聯故也經書魯宣公十一年陸

子陳侯鄭伯盟于辰陵也京相璠曰潁川長平有

故辰亭杜預曰長平縣東南有辰亭今此城在長

平城西北長平城在東南或杜氏之謬傳書之誤

耳長平東南淋陂北畔有一阜東西減里南北五

十許步俗謂之新亭臺又疑是杜氏所謂辰亭而

未之詳也洧水又南逕長平縣故城西王莽之長

正也洧水又南分為二水枝水東出謂之五梁溝

逕習陽城北又東逕赭丘南丘上有故城郡國志

曰長平故屬汝南縣有赭丘城即此城也又東逕

長平城南東注澇陂洧水南出謂之雞籠水故水

會有籠口之名矣河水又東逕習陽城西西南折入潁地理志曰洧水東南至長平縣入潁者也

潁水出河南密縣大騮山

大騮卽具茨山也黃帝登具茨之山升于洪堤上

受神芝圖于黃蓋童子卽是山也抱朴子云黃帝東到青丘見紫

府先生受三皇內文以劾召萬神西見中黃子受九加之方北到洪堤上具茨見大騮君黃蓋童子

受神芝圖還陝王溪水疑作出其阿而流爲陂俗

謂之玉女池東逕陘山北史記魏襄王六年敗楚

于陘山者也山上有鄭祭仲冢冢西有子產墓累

石爲方墳墳東有廟並東北向鄭城杜元凱言不

忘本際廟舊有一枯柏樹其塵根故株之上多生雉卽稱字也

柏列秀青青望之奇可嘉矣潁水又

東南逕長社林城西北克家云當作南潁北潁二

水出焉劉澄之著永初記云水經潁水源出大騮

山東北流注泗衛靈聞音于水上殊爲乖矣韓非

衛靈公至潁聞新聲使師涓寫之至晉而奏之余

按水經爲潁水不爲濮也是水首受溪水當作川

渠雙引俱東注有洧與之過沙枝流脉亂牙當作

得通稱是以春秋昭公九年遷城父人於陳以夷

濮西田益之京相璠曰以夷之濮西田益也杜預

化

亦言以夷田在濮水西者與城父人服虔曰濮水名也且字類音同津瀾邈別不得為北濮上源師

氏傳音於其上矣澠水又南逕鍾亭西又南逕皇

帝孫云按下文當作皇臺又東南逕關亭西又東南逕宛亭

西鄭大夫宛射犬之故邑也澠水又南分二水一

水南出逕胡城東故潁陰縣之狐人亭也其水南

結為陂謂之胡城陂澠水自枝渠東逕曲强東皇

陂水注之水出西北皇臺七女岡北皇陂即古長

社縣之濁澤也史記魏惠王元年韓懿侯與趙成

侯合軍伐魏戰于濁澤是也其陂水北對鵝鳴陂

即是社縣之濁城也陂水又南流舊本作陂水東南流吳本改作

又南流逕胡泉城北故潁陰縣之狐宗鄉也又東合

狐城陂水水上承陂水而東南流注于黃水謂之

合作口而東逕曲强城北東流入澠水時人謂之

勅水非也勅澠音相類故字從聲變耳涓當作澠水

又東逕武亭間兩城相對疑是古之岑門史遷所

謂走犀首于岑門者也徐廣曰潁陰有岑亭未知

是否澠水又南逕射犬城東即鄭公孫射犬城也

蓋俗謬耳澠水又南逕潁陰縣故西宋本作魏明

帝封司空陳羣為侯國俱宋本作其水城西又東逕許

昌城南又東南與宣梁陂孫云舊作宣帝陂誤水合陂上承

狼陂於潁陰城西南陂南北二十里東西十里春

秋左傳曰楚子伐鄭師于狼是也其水東南入許

昌縣逕臣陵一作巨陵下同城北鄭地也春秋左氏傳莊

公十四年鄭厲公獲傅瑕於大陵京相璠曰潁川

臨潁縣東北二十五里有故臣陵亭古大陵也其

水又東積而為陂謂之宣梁陂也陂水又東南入

潁水潁水又西南流逕陶城西又東南逕陶陂東

東南入于潁

潁水出鄭縣西北平地

鄆水出鄆城北西謝云當作潁水雞絡塢御覽引此作雞

塢洛下東南流逕賈復城西東南流左右宋本作合澌

水水出賈復城東南流注于潁潁水又南左會承

雲山水水出西北承雲山東南歷渾于江謝云宋本作渾

岡子東注世謂岡峽宋本作峽為五鳴口東南流注于潁

潁水又東南流歷下田川逕鄆城西謂之為柳泉

水也故史伯荅桓公曰君以成周之衆奉辭伐罪

若剋虢鄆君之土也如前莘後河左洛右濟王不

驪而食潁洧鄭語作主若驪而食溱洧韋昭云若驪山名在密縣循典刑以

守之可以少固即謂此矣潁水又南懸流奔壑崩

注丈餘其下積水成潭廣四十許步淵深難測又南注于洧詩所謂溱與洧者也世所謂之爲鄆水也

東過其縣北又東南過其縣東又南入于洧水

自鄆澮東南更無別瀆不得逕新鄭而會洧也鄭城東入洧者黃岨水也蓋經誤證耳

渠出滎陽北河東南過中牟縣之北

風俗通曰渠者水所居也渠水自河與沛亂流東

滎澤舊本作滎澤北東南分沛孫云沛當作沛歷中牟縣之圃

田澤北與陽武分水澤多麻黃草故述征記曰踐

縣境便覩斯卉竊則知踰界今雖不能然諒亦非

謬詩所謂東有圃草也皇武子曰鄭之有原圃猶

秦之有具圃澤在中牟縣西西限長城東極官渡

北佩渠水東西四十許里南北二百許里中有沙

岡上下二十四浦津津流逕通淵潭相接各有名

焉有大斬小斬大灰小灰義魯練秋大白楊小白

楊散嚇禹中羊圈大鵠龍澤鬯罷大哀小哀大長

小長火縮小縮伯丘大蓋牛眠等浦御覽引此注說二十四浦

云有大漸小漸大灰小灰義魯練秋大白楊小白楊散嚇禹中羊圈大鵠小鵠龍澤蜜羅大哀小哀大長小長大縮小縮水盛則北注渠溢則南播故

竹書紀年梁惠成王十年入河水于甫田又為大

溝而引甫水者也又有一瀆自酸棗受河道自漢

瀆歷酸棗逕陽武縣南出世謂之十字溝而屬於

渠或謂是瀆為渠當作梁惠之年所開而不能詳也

斯甫當作甫乃水澤之所鍾為鄭隰之淵數矣渠又

右合五池溝上承澤水中宋本作下流渠謂之五也當作

池口魏嘉平二年司馬懿帥中軍討太尉王凌於

壽春自彼而還帝使侍中韋誕勞軍于五池者也

今其地為五池鄉矣渠又東不家溝宋本作十家溝水注

之出京縣東南梅山北谿春秋襄公十八年蒞子

馮公子格率銳師侵費右迴梅山杜預曰在密東

北即是山也其水自谿東北流逕管城西故管國

也周武以封管叔矣成王幼弱周公攝政管叔流

言曰公將不利於孺子公賦鴟鴞以伐之即東山

之詩是也左傳宣公十二年晉師救鄭楚次管以

待之杜預曰京縣東北有管城者是也俗又謂之

為管水東北分為二水一水東北流注黃雀溝謂

之黃淵淵周一百步其一水東越長城東北流水

積為淵南北二里東西百步謂之百尺水北人當作

入圃田澤分為二水一水東北逕東武強城北漢

書曹參傳斬漢書作稱擊羽嬰於昆陽追至業漢書作葉還

攻武强因至滎陽薛瓚云按武强城左當作陽武

縣即斯城也漢高帝六年封騎將莊不識為侯國

又東北流左注于渠為不宋本家水也一作水東

流又屈而南轉東南注白溝也渠又東清池水注

之清池水出清陽亭西南平地東北流逕清陽亭

南東流即故清人城也詩所謂清人在彭彭為高

克邑也故杜預春秋釋地云中牟縣西有清陽亭

是也清水又屈而北流至清口澤七虎澗水注之

水出畢城南岡一源兩派津川趣別西入黃堙溝

東為七虎谿亦謂之為華水也又東北流紫光澗

水注之水出華陽城東北而東流俗名曰紫光澗

又東北注華水華水又東逕棐城北即北林亭也

春秋文公與鄭伯宴于棐林子家賦鴻鴈者也春

秋宣公元年諸侯會于棐林以伐鄭楚救鄭遇于

伯林舊本作北林服虔曰北林鄭南地也京相璠曰今

滎陽苑當作陵縣有故林鄉在新鄭北故曰伯林

也後漢郡國志河南尹苑陵縣有棐林余按林鄉故城在新鄭北東

如北七十許里苑當作故城謝云城下東南五十

許里不得在新鄭北也考京服之說並為踈矣杜

預云滎陽中牟縣西南有林亭在鄭北今是亭南
 去新鄭故城四十許里蓋以南有林鄉亭故杜預
 據是為北林最為密矣又以林鄉為棊亦或疑焉
 諸侯會棊楚遇于此寧得知不在是而更指他處
 也積古堯家云疑之傳事或不謬矣又東北逕鹿
 臺南岡北出為七虎澗東流期水注之水出期城
 西北平地世號龍淵水東北流又北逕期地當作
 西又北與七虎澗合謂之虎谿水亂流不宋本注
 逕期城北東會清口水司馬彪郡國志曰中牟有
 清口水即是水也清水又東北白溝水注之水有

二源北水出密之梅山東南而東逕靖城南與南
 水合水南出合太山謝云宋本作南西北流至靖
 城南左注北水即承水也山海經曰承水出太山
 之陰東北流注于沒水者也世所謂之靖澗水也
 又東北流太水注之水出太山東平地山海經曰
 太水出于太山之陽而東南流注于沒水世謂之
 澧水也舊本作東北逕武陵城西東北流注于承
 水又東北入黃龕澗北逕中陽城西城內有舊臺
 甚秀臺側有陂池池水清深澗水又東屈逕其城
 北竹書紀年梁惠成王十七年鄭釐侯來朝中陽

者也其水東北流爲白溝又北東逕伯禽城北蓋
伯禽之魯往逕所由也屈而南流東注于清水卽
潘岳都碑所謂自中牟故縣以西西至于清溝指
是水也亂流東逕中牟宰魯恭祠南漢和帝時右
扶風魯恭字仲康以太尉掾遷中牟令政專德化
不任刑罰吏民敬信蝗不入境河南尹袁安疑不
實使部掾肥親按行之恭隨親行阡陌坐桑樹下
雉止其傍有小兒親曰兒何不擊雉曰將雛親起
曰蟲不入境一異化及鳥獸二異豎子懷仁三異
久留非優賢請還是年嘉禾生縣庭安美其治以

狀上之徵博士侍中車駕每出恭常陪乘上顧問
民政無所隱諱故能遺愛自古祠饗來今矣清溝
水又東北逕沈清疑卽博浪亭也服虔曰博浪陽
武二水沙名也今有亭所未詳也歷博浪澤昔張
良爲韓報仇於秦以金椎擊秦始皇不中中其副
車於此又北分於宋本二水枝津東注沒水清水
自枝流北注渠謂之清溝口渠又左逕陽武縣故
城南東爲官渡水又逕曹太祖壘北有高臺謂之
官渡臺渡在中牟故世又謂中牟臺建安五年太
祖營官渡袁紹保陽武紹連營稍前依沙堆爲屯

東西數十里公亦分營相禦合戰不利紹進臨官
 渡起土山地道以逼壘公亦起高臺以捍之即中
 牟臺也今臺北土山猶在山之東悉紹舊營遺臺
 並存水又東逕田豐祠北袁本初慙不納其言害
 之時人嘉其誠謀無辜見戮故立祠於是用表袁
 氏覆滅之宜矣魏志云建安五年太祖東征劉備
 田豐說紹襲其後紹以子疾不許
豐舉杖擊地曰遭難遇之機而以嬰兒之疾失其
 會惜哉紹後進軍黎陽田豐又說紹曰曹公善用
 兵變化無方衆雖少未可輕也不如以久持之紹
 不從以為沮衆械繫之及紹戰敗曰吾不用田豐
 言果為所笑遂殺之又東没水舊本作庄之水出苑陵常作
 苑陵縣西隙候亭東世謂此亭為却城非也蓋隙郤疑

郤聲相近耳中平陂世名之渥泉也即古役水矣
 山海經曰役山役水所出北流注于河疑是水也
 東北流逕苑陵縣故城北東流北逕焦城東陽丘
 亭西也謂之焦溝水竹書紀年梁惠成王十六年
 秦公孫壯率當作伐鄭圍焦城不剋即此城也俗謂
 之驛城非也役水自陽丘亭東流逕山氏城北為
 高榆淵竹書紀年梁惠成王十六年秦公孫壯率
 師城上枳安陵山氏者也又東北為酢溝又東北
 魯溝水出焉役水又東北渥溝水出焉又東北為
 八丈溝又東清水枝津注之水自沈城東派注于

役水又東逕曹公壘南東與沫水合山海經云沫

水所出北流注于役孫云按山海經末山末水出焉北流注于役注云水經作沫

今是水出中牟城西南疑即沫水也東北流逕

中牟縣故城昔趙獻侯自耿都此班固云趙自邯

鄲徙焉趙襄子時佛肸以中牟叛置鼎於庭不與

已者烹之田英將塞裳赴鼎處也說苑云佛肸以中牟畔曰與我

者受邑不與我者烹之城北餘子田基獨後至曰義者軒冕在前非義弗乘袿衣將入鼎佛肸履起

而生之趙簡子屠中牟論有功者用田基為首基曰廉士不取人我如受功則中牟之上終身慚矣

負其母南徙于楚新序作田卑薛瓚注漢書云中牟在春秋之時

之衍為鄭之堰也及三鄭分晉則在魏之邦土趙

自漳北不及此也春秋傳曰衛侯如晉過中牟

衛適晉之次也汲郡古文曰齊師伐趙東鄙圍中

牟此中牟不在趙之東也按中牟當在濕水之上

矣按春秋齊伐晉夷儀晉車千乘在中牟衛侯過

中牟中牟人欲伐之衛褚師固亡在中牟曰衛雖

小其君在未可勝也齊師剋城而驕遇之必敗乃

敗齊師服虔不列中牟所在杜預曰今滎陽有中

牟迴遠疑為非也然地理參差上無常域隨其疆

弱自相吞併疆理留移寧可一也兵車所指逕紆

難知自魏徙大梁趙以中牟易魏故趙之南界極

難知自魏徙大梁趙以中牟易魏故趙之南界極

水經注卷之二十一 二七

于浮水匪直專張

舊本作漳

也趙自西取後止中牟齊

師伐其東鄙於宜無嫌而瓚逕濕水空言中牟所

在非論證也漢高帝十一年封單父聖為侯國沫

水又東北注于役水昔魏太祖之背董卓也間行

出中牟為亭長所錄

魏志云董卓廢帝京都大亂卓表太祖為驍騎校尉太祖

乃變易姓名間行東歸過中牟為亭長所執詣縣邑中或竊識之為請得解

郭長公世

語為縣所拘功曹請釋焉役水又東北逕中牟澤

即鄭太叔攻萑蒲之盜於是澤也

左傳鄭太叔為政不忍猛而寬

鄭多盜取人於萑苻之澤太叔悔之與徒兵以攻萑苻之盜盡殺之

其水東流北徒

注渠水征績記

征當作伍績之有述征記

所謂自醬魁城到

酢溝十里者渠水又東流而左會淵流其水上承

聖女陂陂周二百餘步水無耗竭湛然清滿而南

流注于渠渠水又東南而注大梁也

又東至浚儀縣

水東南逕西赤城北戴延之所謂西北有大梁亭

非也竹書紀年梁惠成王二十八年穰苴

今竹書作穰疵

率師及鄭孔夜戰于梁赫鄭師敗逋即此城也左

則故瀆出焉秦始皇二十年王賁斷故渠引水東

南出以灌大梁謂之梁溝又東逕大梁城南本春

秋之陽武高陽鄉也於戰國為大梁周梁伯之居

也梁伯好土功大其城號曰新里民疲而潰秦遂取焉郡國志注城下引博物記云梁伯好土功今梁多有城後魏惠王自安

邑徙都之故曰梁耳竹書紀年梁惠成王六年四

月甲寅徙都于大梁是也秦滅魏以為縣漢文帝

封孝王於梁孝王以土地下濕東都睢陽又改曰

梁自是置縣以大梁城廣居其東城夷門之東夷

門即侯嬴抱關處也續述征記曰以此城為師曠

城言郭緣生曾遊此邑踐夷門升吹臺終古之跡

緬焉盡在余謂此乃梁氏之臺門魏惠之朝居舊本

作即居疑當作所居非吹臺也當是誤證耳西征記論儀封

人即此縣又非也竹書紀年梁惠成王三十一年

三月為大溝於此一作北郭以行圃田之水陳留風

俗傳曰縣北有浚水像而儀之故曰浚儀余謂故

汴涉當作汴沙陰溝矣浚之故曰治當作浚其猶春秋之

浚洙漢氏之儀水一作春秋之浚洙乎浚儀水又東北逕中牟

縣南又東北逕中牟澤與淵水合水出中牟縣城

北城有層臺按郭公當作郭頎世語及于寶晉紀並言

中牟縣故魏任城王臺下池中有漢時鐵錐長六

尺入地三尺頭西南指不可動止一作月朔自止

以為晉氏中興之瑞而今不知所在或言在中陽

城池臺未知焉是淵水自池西出屈逕其城西而

東南流注于汜汜水又東逕大梁亭南又東逕梁

臺南東注渠渠水又東南流逕開封縣睢渙二水

出焉右則新溝注之其水出逢池左傳宋景公使人告左師曰逢

澤有介麋焉吾與之田若何徐廣云逢澤即逢池也又阮籍詩云徘徊逢池上還顧望大梁池

上承役水于苑當作苑陵縣別為魯溝水東南流逕

開封縣故城北漢高帝十一年封陶舍為侯國也

陳留志稱阮蘭一作阮簡字茂弘為開封令縣側有劫

賊外白甚急數阮一作簡方圍棋長嘯吏云劫急

阮曰局上有劫亦甚急其耽樂如是故語林曰王

中郎以圍碁為坐隱或亦謂之為手談又謂之為

碁聖魯溝南際富城東南入百尺陂即古之逢澤

也徐廣史記音義曰秦孝公會諸侯于逢澤陂陂

衍一云汲郡碁竹書紀年作逢澤斯其處也故應德

璉西征賦曰鸞衡東指弭節逢澤其水東北流為

新溝新溝又東北流逕牛首鄉北謂之牛建城又

東北注梁一作渠即沙水也音蔡許慎正作沙音言

水散石也從水少水沙見矣楚東有沙水謂此水

也無佗也皆變名矣其國多池沼時池中出神劍

到今其民像而作之號大梁氏之劍也渠又北屈

分爲二水續述征記曰汴沙到浚儀而分也汴東注沙南流其水更南流逕梁王吹臺東陳留風俗傳曰縣有蒼頡師曠城上有列僊之吹臺北有牧澤中出蘭蒲上多雋髦今當作帶牧澤方一十五里俗謂之蒲關澤卽謂此矣梁王增築以爲吹臺城隍夷滅略存故跡今層臺孤立於牧澤之右矣其臺方一百許步卽阮嗣宗詠懷詩所謂駕言發魏都南向望吹臺簫管有遺音梁王安在哉晉世喪亂乞活馮居削墮故基遂成二層上基猶方四五十步高一丈餘世謂之乞活臺又謂之

梁水於此有陰溝鴻溝之稱焉項羽與漢高分王指是水以爲東西之別故蘇秦說魏襄王曰太王之地南有鴻溝是也故尉氏縣有波鄉亭波亭鴻溝鄉鴻溝亭皆藉水以立稱也今蕭縣西亦有鴻溝亭梁國睢陽縣東有鴻口亭先後談者亦指此以爲楚漢之分王非也蓋春秋之所謂紅澤者矣渠右與汜水合水上承役水于苑當作陵縣縣故鄭都也王莽之左亭縣也役水枝津東派爲汜水者也而世俗謂之汜溝水也舊本作泥溝水春秋左傳僖公三十年晉侯秦伯圍鄭晉軍函陵秦軍汜南所

謂東汜者也

又屈南至扶溝北

沙水又東南逕牛首鄉東南魯渠水出焉亦謂之宋溝也又逕陳留縣故城南孟康曰留鄭邑也後為陳所并故曰陳留矣魯溝又東南逕圍縣故城北縣苦楚難脩其干戈以圍其患故曰圍也或曰邊陲之號矣歷萬人散王莽之篡也東郡太守翟義與兵討莽莽遣奮威將軍孫建擊之於圍北義師大敗尸積萬數血流溢道號其處為萬人散百姓哀而祠之又歷魯溝亭又東南至陽夏縣故城

西漢高祖六年封陳豨為侯國魯溝又南入渦今無水也沙水又東南逕斗城西左傳襄公三十年子產殯伯有尸其臣葬之於是城也

左傳云鄭伯有者酒為寇

室而夜飲酒子皙以駟氏之甲伐而焚之伯有奔雍梁醒而後知之已而自墓門之潰入因馬師談介于襄庫以伐舊北門駟帶帥國人伐之伯有死於羊肆子產禭之斂而殯諸伯有之臣在而側者既而葬諸斗城沙水又東南逕牛首亭東左傳桓公十四

年宋人與諸侯伐鄭東郊取牛首者也俗謂之車

牛城矣沙水又東南八里溝出焉又東南逕陳留

縣表氏鄉表氏亭西又逕澹臺子羽冢東與八里

溝合按陳留風俗傳曰陳留縣表氏鄉有澹臺子

羽冢又有子羽祠祈禱焉京相璠曰今泰山南武
城縣有澹臺子羽冢縣人也未知孰是因其方誌
所叙就記纏絡焉溝水上承沙河而西南流逕牛
首亭南與百尺陂水合其水自波當作陂南逕開封
城東三里岡左屈而西流南轉注八里溝又南得
野兔水口水上承西南兔氏亭北野兔陂鄭地也
春秋傳云鄭伯勞屈生于兔氏也陂水東北入八
里溝八里溝水又南逕右倉城西又南逕兔氏亭
東又南逕邵亭西東入沙水沙水南逕扶溝縣故
城東縣卽潁川之數宋本平鄉也有扶亭又有洧

水溝故縣有扶溝之名焉建武元年漢光武封平
狄將軍朱鮪爲侯國沙水又東與康溝水合水首
受洧水於長社縣東東北逕向岡西卽鄭之向鄉
也後人遏其上口今水盛則北注水耗則輟流又
有長明溝水注之水出苑作陵陵縣故城西北縣

有二城此則西城也二城以東悉多陂澤卽古制
澤也京相璠曰鄭地杜預曰澤卽滎陽苑陵縣東
卽春秋之制田也故城西北平地山泉謂之龍淵
泉淵水流逕陵丘亭西又西重泉水注之水出西
城北平地泉湧南流逕陵丘亭西西南注龍淵水

龍淵水又東南逕凡陽亭西而南入白鴈陂陂在
 長社東北東西七里南北十里在林鄉之西南司
 馬彪郡國志曰苑陵有林鄉亭白鴈陂又引瀆南
 流謂之長明溝東轉北屈又東逕向城北城側向
 岡左傳襄公十一年諸侯伐鄭師于向者也又東
 右迤為染二陂染二陂疑作染工陂宋本一作染澤謝云一本作染澤而東注
 于蔡澤陂長明溝又東逕尉氏縣故城南園稱云
 尉氏鄭國之東鄙樊獄官名也鄭大夫尉氏之邑
樊獄謂斷獄也見周禮秋官注應劭曰古獄官曰尉氏鄭之別獄也故欒盈曰盈將
 歸死于尉氏也溝瀆自是三分北分為康溝東逕

平陸縣故城北高后元年封楚元王子禮為侯國
 建武元年以戶不滿三千罷為尉氏縣之陵樹鄉
 又有陵樹亭漢建安中封尚書荀攸為陵樹鄉侯
 故陳留風俗傳曰陸樹舊本作陵樹鄉故平陸縣也北
 有天澤宋本作大澤名曰長樂廐康溝又東逕城溝宋本

作扶溝縣之白亭北陳留風俗傳曰扶溝縣有帛鄉
 帛亭各在七鄉十二亭中康溝又東逕少曲亭陳
 留風俗傳曰尉氏縣有少世宋本作曲亭俗謂之為小

城也又東南逕扶溝縣故城東而東南注沙水沙
 水又南會南水其水南流又分為二水一水南合

關亭東又東南流與左水合其水自枝瀆南逕召陵亭西疑卽扶溝之亭也而東南合石水世以是水與隱當作陵陂水雙導亦謂之雙溝又東南入

沙水沙水南與蔡澤陂水合水出隱陵城西北隱陵
當作隱陵前漢地志潁川郡有
偽陵縣後漢郡國志作隱陵 春秋成公十六年

晉楚相遇于鄢陵呂錡射中共王目王召養由基使射殺之亦子反醉酒自斃處也陂東西五里南北十里陂水東逕匡城北城在新汲縣之東北卽

扶溝之巨當作匡當作亭也亭在匡城郭宋本作匡城鄉春秋文

公元年諸侯朝晉衛成公不朝使孔達侵鄭伐縣

訾及匡卽此邑也今陳留長垣縣南有匡城卽平

丘之匡亭也襄邑又有承匡城然匡居陳衛之間

亦往往有異邑矣陂水又東南至扶洛宋本作扶溝城

北又東南入沙水沙水又南逕小扶城西而流也

城卽扶溝縣之平周亭東漢順帝永平一作中封

陳敬王孫子恭爲侯國沙水又東南逕大扶城西

城卽扶鄉故縣也城北二里有袁梁碑云梁陳扶

樂人後漢世祖建武十七年更封劉隆爲扶樂侯

卽此城也渦水於是分焉不得在扶溝北便分爲

二水也

其一者東南過陳縣也

克家云也疑作北

沙水又東南逕東華城西又東西

宋本作南沙水枝瀆

西南達洧謂之甲更溝

宋本作甲庚溝

今無水沙水又南

與廣漕渠合上承龐官陂云鄧艾所開也雖水流

廢興溝瀆尚夥昔賈逵為魏豫州刺史通運渠二

百里餘亦所謂賈侯渠也而川渠逕復交錯畛陌

無以辨之沙水又東逕長平縣故城北又東南逕

陳城北故陳國也伏羲神農並都之城東北三十

許里猶有羲神實中

謝兆申云當作羲城實中

舜後媯滿為周

陶正城王

當作武王

賴其器用妻以元女太姬而封諸

陳以備三恪太姬好祭祀故詩所謂坎其擊鼓宛

丘之下宛丘在陳城南道東王隱云漸欲平今不

知所在矣楚討陳殺夏徵舒於栗門以為夏州後

城之東門內有池池水東西七十步南北八十許

步水至清潔而不耗竭不生魚草水中有故臺處

詩所謂東門之池也城內有漢相王君造四縣邸

碑文字剝落不可悉識其略曰唯茲陳國故曰淮

陽郡云云清惠著聞為百姓畏愛求賢養士千有

餘人賜與田宅更

宋本作吏

舍自損俸錢助之成邸五

官掾西華陳駙等二百五人以延熹二年云云故

其頌曰脩德立功四縣內附舊本作四縣回附疑當作向附吳改作內

矣附今碑之左右遺墉尚存基礎猶在時人不復尋

其碑證云孔子廟學非也後楚襄王為秦所滅徙

都於此文穎曰西楚矣三楚斯其一焉城南郭裏

又有一城名曰淮陽城子產所置也漢高祖十一

年以為淮陽國王莽更名新平縣曰陵陳故豫州

治王隱晉書地道記云城北有故沙名之為死沙

而今水流津通漕運所由矣沙水又東而南屈逕

陳城東謂之百尺溝又南分於宋本作二水沙水出

焉溝水東南流谷水注之水源上承澇陂陂在陳

城西北南暨華城皆為陂矣陂水東流謂之谷水

東逕澇城北王隱曰犖北有谷水是也犖即檉矣

經書公會齊宋于檉者也杜預曰檉檉衍即犖也

在陳縣西北為非檉小城也在陳郡西南谷水又

東流逕陳城南又東流入于沙沙水又東南流注

于潁謂之交口水次有大堰即古百尺堰也魏書

國志曰司馬宣王討太尉王凌大軍至百尺竭即

此竭也今俗呼之為山陽堰非也蓋新水首受潁

於百尺溝王莽名郡為新平故堰兼有新陽之名

也以是推之悟故俗謂之非矣

又東南至汝南新陽縣北

沙水自百尺溝東逕寧平縣之故城南晉陽秋稱

晉太傅東海王越之東奔也石勒追之憤尸朱本作

尸憤卽焚字於此數十萬衆斂手受害勒縱騎圍射尸

積如山王夷甫死焉余謂俊者所以智勝羣情辨

者所以文身祛惑夷甫雖體荷雋令口擅雌黃汗

辱君親獲罪羯勒史官方之舉正一作諒為褒矣

沙水又東積而為陂謂之陽都明水注之水上宋本

有字沙水之津東出逕汝南郡之宜祿縣故城北

王莽之賞都亭也明水又東北流注于陂陂水東

南流謂之細水又東逕新陽縣北又東高陵

出焉沙水又東分為二水卽春秋所謂夷濮之水

也枝津北逕譙縣故城南宋本作西側城入渦沙水東

南逕城父縣西南枝津出焉俗謂之章水也一水

東注卽注水也俗謂之欠水也東逕城父縣之故

城東南流注之

又東南過山桑縣北

山桑故城在渦水北沙水不得逕其北明矣經言

過北誤也

又東南過龍亢縣南

沙水故城北又東南逕白鹿城北而東注也
又東南過義城縣西南入于淮

義城縣故屬沛後隸九江沙水東流注于淮謂水

一作沙汭京相璠曰楚東地也春秋左傳昭公二

謂之十七年楚令尹子常以舟師及沙汭而還杜預曰

沙水名也

水經注箋卷第二十三

漢 桑欽撰 後魏 酈道元 注

明 李長庚訂 孫汝澄

朱謀埠箋 李克家全校

陰溝水 汲水

陰溝水出河南陽武縣浪蕩渠

陰溝首受於大河卷縣故瀆東南逕卷縣故城南

又東逕蒙城北史記秦莊襄王元年蒙騫擊取成

臯滎陽初置三川郡疑卽騫所築也於是宋本未

詳故瀆東分爲二世謂之陰溝水京相璠以爲出

河之濟又非所究俱東絕濟隊右溝東西逕陽池
 城北東南絕長城逕安亭北又東北會左瀆左瀆
 又東絕長城逕垣雍城南昔晉文公戰勝于楚周
 襄王勞之于此故春秋書甲午至於衡雝作王宮
 於踐土呂氏春秋曰尊天子於衡雝者也郡國志
 曰卷縣有垣雝城卽史記所記韓獻秦桓公當作垣雍
 是也又東逕開光亭南又東逕清陽亭南又東合
 右瀆又東南逕封丘縣絕濟瀆東南至大梁合浪
 蕩渠梁溝既開浪蕩渠故瀆實兼陰溝浚儀之稱
 故云出武陽逕大梁城北左屈溝與梁合俱東南

流同受鴻溝也故目

宋本作同受鴻溝沙水之目

其川流之會

左瀆東導者卽汲水也蓋津源之變名矣故經云

陰溝出浪蕩者

一作渠

也

東南至沛爲過水

陰溝始亂浪蕩終別於沙而過水出焉過水受沙

謝云一作受沙水

於扶溝縣爾雅曰過爲洵郭景純曰大

水溢出別爲小水也呂忱曰洵過水也過水逕大

扶城西城之東北悉諸袁舊基

當作墓

碑字傾低羊

虎碎折唯司徒滂蜀郡太守騰博平令光碑字所

存唯此自餘殆不可尋過水又東南逕陽夏縣西

又東逕邈城北城實中而西有瓌郭過水又東逕大棘城南故鄢之大棘鄉也春秋宣公二年宋華元與鄭公子歸生戰于大棘獲華元左傳曰華元殺羊食士其御羊斟不與及戰曰疇昔之羊子爲政今日之事我爲政遂御入鄭故見獲焉後其地爲楚所并故圈稱曰大棘也地有楚太子建之墳及伍員釣臺池沼具存過水又東逕安平縣故城北陳留風俗傳曰大棘鄉故安平縣也士人敦養易以統御過水又東逕鹿邑城北世謂之虎鄉城非也春秋之鳴鹿矣杜預曰陳國武平西南有鹿

邑亭是也城南十里有晉中散大夫胡均碑元康八年立過水之北有漢温令許續碑續字嗣公陳國人也舉賢良拜議郎遷温令延熹中立過水又東逕武平縣故城城之西南七里許有漢尚書虞詡碑碑題云虞君之碑諱詡字定安康一作虞仲後

爲朝歌令武都大守文字多缺不復可尋按范曄漢書詡字升卿陳國武平人祖爲縣獄吏治存寬恕嘗曰于公爲里門子爲丞相吾雖不及于公子

孫不必不爲九卿宋本作亦不故字詡曰升卿定

安蓋其幼字也魏武王初封於此終以武平華夏

矣

魏志建安元年九月車駕自洛陽出轅轅而東以太祖為大將軍封武平侯自天子西遷朝廷

日亂至是宗廟社稷制度始立

過水又東逕廣鄉城北園稱曰襄

邑有蛇丘亭故鄉矣改曰廣世後漢順帝陽嘉四

年封侍中摯填為侯國即廣鄉也過水又東逕苦

縣西南分為二水枝流注于東北賴城入谷謂死

過也過水又南東屈逕苦縣故城南郡國志曰春

秋之相也王莽更名之曰賴陵矣城之四門列築

馳道東起賴鄉南自南門越水直指故臺西面南

門列道徑趣廣鄉道西門馳道西屈武平北門馳

道暨于北臺過水又東而北屈至顙當作賴鄉谷水

注之谷水首受渙水于襄邑縣東東逕承匡城東

春秋經書夏叔彭生會晉卻缺于承匡左傳曰謀

諸侯之從楚也京相璠曰今陳留襄邑西三十里

有故承匡城谷水又東南逕已吾縣故城西陳留

風俗傳曰縣故宋也雜以陳楚之地故梁國寧陵

縣之徙種龍鄉也以成哀之世戶至八九千冠帶

之徒

舊本作徒

求置縣矣永元十一年陳王削地

後漢書陳

王鈞坐殺人專削西華項新陽三縣

以大棘鄉直陽鄉自隱隸之命

以嘉名曰已吾猶有陳楚之俗焉谷水又東逕柘

縣故城東地理志淮陽之屬縣也城內有柘令許

君清德頌石碎字紊唯此文見碑城西南里許有漢陽種令許叔臺碑光和中立又有漢故樂成陵令太尉掾許嬰碑嬰字虞卿司隸校尉之子建寧六年一作元年立餘碑文字碎滅不復可觀當似司隸諸碑也谷水又東逕苦縣故城中水泛則四周隍漑耗則孤津獨逝谷水又東逕賴鄉城南其城實中東北隅有臺偏高俗以是臺在谷水北其城又謂之谷陽臺非也谷水自此東入過水過水又北逕老子廟東廟前有二碑在南門外漢桓帝尼宮宋本作桓帝遣宦臣管霸祠老子命陳相邊韶撰碑北有雙

不闕甚整頓石闕南側魏文帝黃初三年逕譙經所勒闕北東側有孔子廟廟前有一碑西面是

陳相魯國孔疇建和三年立北則老君廟廟東院中有九井焉又北過水之側又有李老母廟克家云舊

本作李老母前廟疑當作李老君母廟廟在老子廟北廟前有李母冢冢東有碑是永興元年譙令長沙王阜所立碑

云老子生於曲過間許慎又云過水首受淮陽扶溝縣蕩蕩渠不得至沛方為過水也過水又屈東

逕相縣故城南其城卑小實中邊韶老子碑又云老子楚相縣人也相縣虛荒今屬苦故城猶存在

賴游鄉之東過水處其陽然即此城也自是無郭以應之過水又東逕譙縣故城北春秋左傳僖公

二十二年楚成得臣帥師伐陳遂取譙城頓而還

是也孫云按左傳僖公二十二年秋楚成得臣帥師伐陳遂取焦夷城頓而還注焦譙城夷城

也父王莽之廼成亭也魏立譙郡沈州治沙水自南

枝分北逕譙城西而北注過過水四周城側城南

有曹嵩冢續漢書云曹嵩字巨高為中常侍曹騰養子官司隸校尉歷大司農大鴻臚太尉黃初元年追尊曰太皇帝冢北有碑碑北有廟堂餘基尚存

柱礎仍在廟北有二石闕雙峙高一丈六尺椽櫨

及柱皆雕鏤雲炬當作雲烟上學魚已碎闕北有圭碑

題云漢故中常侍長樂太僕特進費亭侯曹君之

碑延熹三年立碑陰又刊石第二碑文同夾碑東

西列對兩石馬高八尺五寸石作粗拙不匹光武

隧道所表象馬也有兄騰冢舊本作騰兄冢按司馬彪續漢書曹節四

子長伯興次仲興次叔興騰字季興所謂騰兄則伯仲與叔也騰更無弟吳本作兄騰似誤騰少

除黃門從官自小黃門遷至中常侍大長秋在省闈三十餘年亦未嘗為潁川太守也冢東

有碑題云漢故潁川太守曹君墓延熹九年卒而

不刊樹碑歲月墳北有其元子熾冢冢東有碑題

云漢故長水校尉曹君之碑歷太中大夫司馬長

史引侍中遷長水年三十九卒熹平六年造熾弟

大經上卷 卷之三十三

水經注卷之三十三

胤冢冢東有碑題云漢謁者曹君之碑熹平六年
立城東有曹太祖舊宅所在負郭對廡側隍臨水
魏書曰太祖作議郎告疾歸鄉里築室城外習讀
書傳秋冬射獵以自娛樂文帝以漢中平四年生
於此上有青雲如車蓋終日乃解卽是處也後文
帝以延康元年幸譙大饗父老立壇於故宅壇前
樹碑碑題云大饗之碑碑之東北過水南有譙定
王司馬士會冢冢前有碑晉永嘉三年立碑南二
百許步有兩石柱高丈餘半下爲束竹交文作制
乃士作制乃士字誤石牘云晉故使持節散騎常

侍都督揚州江州諸軍事安東大將軍譙定王河

內溫公司馬墓之神道

當云河內溫司馬公墓晉書譙剛王遜字子恢宣帝

弟魏中郎將進之子也

封涇陽男武帝受禪

又東逕朱龜墓北東南流冢南枕道有碑碑

題云漢故幽州刺史朱君之碑龜字汨靈

當作伯靈

和六年卒官故吏別駕從事史右北平無終年化

中平二年造

郡國志右北平有無終縣年化碑陰

刊故吏姓名悉薊涿及上谷北平等入過水東南

逕層丘北丘阜獨秀巍然介立故壁壘所在也過

水又東南逕城父縣故城沙水枝分注之水上承

沙水於思善縣世謂之漳水故有漳頭之名也東
北流逕城父故城西側城東北流入於過過水又

東逕下父城北克家云當作下城父郡國志曰山桑縣有下

脫一父聚者也過水又屈逕其聚東郎山西又東

南屈逕郎山南山東有垂惠聚世謂之禮成當作禮城

袁崧郡國志曰山桑縣有垂惠聚即此城也過水

又東南逕過陽城北臨側當作側臨過水魏太和中為

州治以蓋表為刺史後罷州立郡舊本作罷州立碑吳本改為立

郡郡衿帶過成過水又東南逕龍亢縣故城南漢建

武十三年世祖封傅昌為侯國故語曰沛國龍亢

至山桑者也過水又屈而南流出石梁梁石崩禡

夾岍積石高二丈水歷其間又東南流逕荆山而

東流注也

又東南至下邳淮陵縣入于淮

過水又東左合北肥水肥水出山桑縣西北澤藪

東南流左右翼佩數源異出同歸蓋微脉涓注耳

東南流逕山桑邑南俗謂之北平城昔文欽之封

山桑侯疑食邑於此城東南有一碑碑文悉破無

驗唯碑背故吏姓名尚存熹平元年義北門生沛

國蕭謝云蕭下疑有縣字劉定興立北肥水又東逕山桑縣

故城南俗謂之都亭城非也今城內東側猶有山亭築立陵阜高峻非洪臺所擬十三州志所謂山生於邑其庭有桑因以氏縣者也郭城東有文穆冢碑三世二千石穆郡戶曹史徵試博士太常丞以明氣候擢拜侍中右中郎將遷九江彭城陳留四部光和中卒故吏涿郡太守彭城呂虔等立北肥水又東積而爲陂謂之瑕陂陂水又東南逕瑕城南春秋左傳成公十六年楚師還及瑕卽此城也故京相璠曰瑕楚地北肥水又東南逕向縣故城南地理志曰故向國也世本曰許州向中

謝云

誤當作許州向中

姜姓也炎帝後京相璠曰向沛國縣今

并屬譙國龍亢也杜預曰龍亢縣東有向城漢世祖建武十三年更封富波侯王霸爲侯國卽此城也俗謂之圓城非又東南逕義城南世謂之楮城非又東入于過過水又東注淮經言下邳淮陵入淮誤矣

汲水出陰溝于浚儀縣北

陰溝卽浪蕩渠也亦言汲受旃然水又云丹泌亂流於武德絕河南入滎陽合汲故汲兼丹水之稱

河沛水新

宋本作水斷

汲承旃然而東自王實灌大梁

王實當作王賁史記秦始皇二十二年王賁攻魏引河溝灌大梁大梁城壞其王請降

縣南而不逕其北夏水洪泛則是瀆津通故渠即

陰溝也於大梁北又曰浚水矣故圈稱著陳留風

俗傳曰浚水逕其北者也又東浚水出焉故經云

浚出陰溝於浚儀縣北也浚水東逕倉垣城南即

大梁縣之倉垣亭也城臨浚水陳留相畢邈治此

征東將軍荀晞之西也邈走歸京晞使司馬東萊

王讚代據倉垣斷留運漕晉書荀晞字道將為征東大將軍威名甚盛時

人擬之韓白進大將軍加黃鉞晞以京邑荒饑寇難交至未請遷都遣船迎帝俄而京師陷晞與王

讚屯倉垣浚水又東逕陳留縣之鉞鄉亭北陳留風俗

傳所謂縣有鉞鄉亭即斯亭也浚水又逕小黃縣

故城南神仙傳稱靈壽光扶風人死於江陵胡罔

家罔殞埋之後百餘日人有見光於此縣寄書於

罔罔發視之唯有履存浚水又東逕鳴鴈亭南春

秋左傳成公十六年衛侯伐鄭至於鳴鴈者也杜

預釋地云在雍丘縣西北今俗人尚謂之為白鴈

亭浚水又東逕雍丘縣故城北逕陽樂城南西征

記曰城在浚北一里周五里雍丘縣界浚水又東

有故渠出焉南通睢水謂之董生決或言董氏作

亂引水南通睢水故斯水受名焉今無水浚水又

東枝津出焉俗名之爲落架口西征記曰落架水
名也續述征記曰在董生決下二里汲水又逕外
黃縣南又東逕莠倉城北續述征記曰莠倉城去
大游墓二十里又東逕大齊城南陳留風俗傳曰
外黃縣有大齊亭又東逕科城北陳留風俗傳曰
縣有科稟亭是則料稟亭也汲水又東逕小齊城
南汲水又南逕利望亭南風俗傳曰故曰謝云曰
字疑衍成安也地理志曰陳留舊名漢武帝以封韓延年
爲侯國汲水又東龍門故瀆出焉瀆舊通雎水故
西征記曰龍門水名也門北有土臺高三丈餘上

方數十步汲水又東逕濟陽考城縣故城南爲舊
獲渠考城縣周之采邑也於春秋爲戴國矣左傳
隱公十年秋宋衛蔡伐戴是也漢高帝十一年秋
封彭祖爲侯國陳留風俗傳曰秦之穀縣也後遭
漢兵起邑多災年故改曰留縣王莽更名嘉穀漢
章帝東巡過縣詔曰陳留縣其名不善高祖鄙柏
人之邑世宗休聞喜而顯獲嘉應亨吉元符嘉皇
靈之故宋本
作顯賜越有先一作
光列考武王其改留縣
曰考城是瀆蓋因縣以獲名矣汲水又東逕寧陵
縣之沙陽亭北故沙隨國矣春秋左傳成公十六

年秋會于沙隨謀伐鄭也杜預釋地曰在梁國寧陵縣北沙陽亭是也世以為堂城非也汜水又東逕黃蒿塢北續述征記曰堂城至黃蒿二十里汜水又東逕斜城下續述征記曰黃蒿到斜城五里陳留風俗傳曰考城縣有斜亭汜水東逕周塢側續述征記曰斜城東三里晉義熙中劉公遣東超之舊本作周超之故有周塢之名吳本作東超之誤矣自彭城緣汜宋本作汜故溝斬樹穿道七百餘里以開水路停薄於此故茲塢流稱矣汜水又東逕葛城北故葛伯之國也孟子曰葛伯不祀湯問曰何為不祀稱無以供祠祭

遺葛伯葛伯又不祀湯又問之曰無以供犧牲湯又遺之又不祀湯又問之曰無以供粢盛湯使亳衆往為之耕老弱饋食葛伯又率民奪之不授者則殺之湯乃伐葛葛於六國屬魏魏襄王以封公子無咎號信陵君史記云魏公子無忌者魏昭王少子而魏安釐王異母弟也昭王

王薨安釐王即位封公子為信陵君此云魏襄王封公子無咎號信陵君恐傳寫之謬又按魏世家襄王立十六年卒子哀王在位二十三年卒昭王嗣位十九年卒而後安釐立距襄王之卒已四十二年矣其地葛鄉即是城也在寧陵縣西西十里

郡國志云梁國寧陵縣故屬陳留有葛鄉故葛伯國也又東逕夏侯長塢續述征記曰夏侯塢至周塢各

相距五里汲水又東逕梁國睢陽縣故城北而東歷襄鄉塢南續述征記曰西去夏侯塢二十里東

一里即襄鄉浮圖也汲水逕其南漢熹平君所立

按熹平是漢靈帝年號此當云熹平某年某君所立今日熹平君知有脫落也宋本亦然其墜天久矣

死因葬之弟刻石樹碑以進厥德宋本作隊前

有師子天鹿博宋本作博作百樹柱八所荒蕪頽毀凋

落略盡矣

又東至梁郡蒙縣為濉水餘波南入淮陽城中

汲水又東逕貫城南俗謂之薄城非也闕駟十三

州志以為貫城也在蒙縣西北春秋僖公二年齊

侯宋公江黃擊之杜預以為貫也云貫貫字相

似貫在齊謂貫澤也是以非此也今於此地更無

他城在蒙西北唯是邑耳考文準地貫邑明矣非

毫可知汲水又東逕違縣故城北俗謂之小蒙城

也西征記城在汲水南十五六里即莊周之本邑

也為蒙之漆園吏郭景純所謂漆園有傲吏者也

悼惠施之沒杜門於此邑矣史記莊子名周蒙人

也嘗為蒙漆園吏莊

子云莊子送葬過惠子之墓謂從者曰自夫

子之死也吾無以為質矣吾無與言之矣汲水

自縣南出今無復有水唯睢陽城南側有小水南

流入于睢城南二里有漢太傅掾橋載墓碑載字

元賓梁國睢陽人也睢陽公子熹平五年立城東

百步有石室刊石宋云作漢鴻臚橋仁祀宋本城

北五里有石虎石柱而無碑誌不知建也宋本云

也汲水又東逕大蒙城北自古不聞有二蒙疑

卽蒙亳也所謂景薄爲此宋本亳矣椒舉云商湯

有景亳之命者也闕駟曰湯都也亳本帝嚳之墟

在禹貢豫州河洛之間今河南偃師城西二十里

尸鄉亭是也皇甫謐以爲考之事實學者失之如

孟子之言湯居亳與葛爲隣是卽亳與葛比也湯

地七十里葛又伯耳封域有限而寧陂去偃師八

百里寧陂據郡國志當作不得童子饋餉而爲之

耕今梁園疑作自有二亳南亳在穀熟北亳在蒙

非偃師也古文仲虺之誥曰葛伯仇餉征自葛始

卽孟子之言是也崔駰曰湯冢在濟陰薄縣北皇

覽曰薄城北郭東三里平地有湯冢冢四方方各

十步高七尺上平也漢哀帝建平元年大司空史

郤長卿按行水災因行湯冢在漢屬扶風今徵之

迴渠亭有湯地宋本作徵陌是也然不經見難得

而詳按秦寧公本紀云二年伐湯三年與亳戰亳

王奔戎遂滅湯然則周穆疑桓王時自有亳王號

湯爲秦所滅乃西戎之國葬于徵者也非殷湯矣
劉向言殷湯無葬處爲疑杜預曰梁國蒙縣北有
薄伐城城中有成湯冢其西有箕子冢今城內有
故冢方墳疑卽杜元凱之所謂湯冢者也而先謂
之孫云當作世謂之王子喬冢冢側有碑題云仙人王子
喬碑曰王子喬者蓋上世之真人聞其仙不知興
何代也博聞道家或言潁川或言產蒙初建此城
則有斯丘傳承先民曰王氏墓暨于永和之元年
冬十二月當臘之時夜上有哭聲其音甚哀附居
者王伯怪之明則祭當作登而察焉時天鴻雪下無

人徑有大鳥跡在祭祀處左右咸以爲神其後有
人著大冠絳單衣杖竹立冢前呼採薪孺子伊永
昌曰我王子喬也勿得取吾墳上樹也忽然不見
時令太山萬喜當作熙稽故老之言感精瑞之應乃

造靈廟以休厥神於是好道之儔自遠方集或絃
琴以歌太一或譚思以歷丹思當作田知至德之脫

宅兆寔眞八之祖先延熹八年秋八月皇帝遣使
者奉犧牲致禮祠濯之敬一作致祀祗懼之敬肅如也國相

東萊王璋字伯義以爲神聖所興必有銘表乃與
長史邊乾遂樹之玄石紀頌遺烈觀其碑文意似

非遠既有經見不能不書存焉蔡中郎集載有此碑今據之改正
獲水出汲水於梁郡蒙縣北

漢書地理志曰獲水也十三州志曰首受留獲渠

亦兼丹水之稱也竹書紀年曰宋殺其大夫皇緩

今紀年宋本于丹水之上又曰宋大夫丹水壅不流

蓋汲水之變名也獲水自蒙東山水南有漢故繹

幕令匡碑漢郡國志清河國有繹幕縣匡字公輔魯府君之少

子也碑字碎落不可尋識竟不知所立歲月也獲

水又東逕長樂固北已氏縣南東南流逕于蒙澤

十三州志曰蒙澤在縣東春秋莊公十二年宋萬

與公爭博殺閔公於斯澤矣汲水又東逕虞縣故

城北古虞國也昔夏少康逃奔有虞為之庖正虞

思於是妻之以二姚者也王莽之陳定亭也城東

有漢司徒盛允墓公字伯世梁國虞人也其先顛

氏至漢中葉避孝元皇帝諱改姓曰盛世濟其美

以迄于公察孝廉除郎累遷司空司徒延熹中立

墓中有石廟廟宇傾頽基構可尋獲水又東南逕

空桐澤北澤在虞城東南春秋哀公二十六年冬

公遊于空澤辛巳卒于連中大尹左師興空澤之

士壬午奉公自空桐入如沃宮者矣壬午當作千甲左傳宋景

公遊于空澤辛巳卒于連中大尹興空澤之士千
甲奉公自空桐入如沃宮杜預注云千甲謂甲士
千人也今吳本改獲水又逕龍譙國又東合黃水
為壬午不知何據

口上承黃陂下注獲水獲水又東入櫟林世謂之

九里祚祚宋本作柞陸機詩疏云秦人謂木蓼為櫟獲水又東

南逕下邑縣故城北楚考烈王滅魯頃公亡遷下

邑又楚漢彭城之戰呂后弟周軍於下邑高祖敗

還從周軍子房肇捐地之策收垓下之師史記項羽本紀

云項王東至彭城大破漢軍漢王遁去是時呂后兄周呂侯為漢將兵居下邑漢王聞往從之稍稍

收其士卒至滎陽又韓信傳曰漢王之困固陵用張良計召齊王信遂將兵會垓下此注中子房謂

良也宋本陸機所謂卽脫下邑者也王莽更名

下洽矣下洽水又東逕碭山縣故城北應劭

曰縣有碭山山在東出文石秦立碭郡蓋取山之

名也王莽之節碭縣也山有梁孝王墓其冢斬山

作郭穿石為藏行一里到藏中有數尺水水有大

鯉魚黎萌謂藏有神不敢犯之凡到藏皆潔齋而

進不齋者至藏輒有獸噬其足獸難得見見者佞

狗所未詳也山上有梁孝王祠獲水又東穀水注

之上承陽陂陂中有香城城在四水之中承諸陂

散流謂零水滾水清水也積而成潭謂之碭水趙

人有琴高者以善鼓琴為康王舍人行彭涓之術

浮遊碭郡間二百餘年後入碭水中取龍子與弟
子期曰皆潔齋待於水傍設屋祠果乘赤鯉魚出
入坐祠中碭中有千萬人觀之留月餘復入水也
破當作水東注謂之穀水東逕安山北即碭北山
也山有陳勝墓秦亂首兵伐秦弗終厥謀死葬於
碭諡曰隱王也穀水又東北注于獲水獲水又東
歷藍田鄉郭又東逕梁國村秋縣故城南王莽之
子秋也獲水又東歷洪溝東注之水南北各一溝
溝首對獲世謂之洪溝非也春秋昭公八年秋蒐
于紅杜預曰沛國蕭縣西有紅亭即地理志之虹

縣高后三年封楚元王子富為侯國漢王子侯表云景帝元年

封楚元王子富為休侯三年楚王戊反免後更封富為紅侯王莽之所謂貢矣

蓋溝名是同非楚漢所分也

又東過蕭縣南

獲水北流注之蕭縣南對山世謂之蕭縣南山也

戴延之謂之同孝山云取漢陽城侯劉德所居里

名目山也劉澄之云縣南有冒山未詳孰是也山

有箕谷谷水北流注獲世謂之西流水言水上承

梧桐陂陂水西流因以為名也余嘗逕蕭邑城右

唯是水北注獲水更無別謝兆申云當作更無別水疑即經所

謂睢水也城東西及南三面臨側克家云當作側臨獲水

故沛郡治縣亦同居矣城南舊有石橋處耗疑積

石為梁高三丈今荒毀殆盡亦不具誰所造也縣

本蕭叔國宋附庸楚滅之春秋宣公十二年楚伐

蕭蕭潰申公巫臣曰師人多寒王巡三軍拊而勉

之三軍之士皆同挾纊蓋恩使之然矣蕭女嫫齊

為頃公之母卻克所謂蕭同叔子也獲水又東歷

龍城不知誰所創築也獲水又東逕同孝山北山

陰有楚元王冢上圓下方累石為之高十餘丈廣

百許步經十餘墳悉結石也獲水又東淨淨溝水

注之

宋本但云淨淨溝無淨淨之文

水上結

宋本作承

梧桐陂西北流

即劉中書澄之所謂白溝水也

謝云白溝當作白瀆

又北入

于獲俗名之曰淨淨溝也

宋本但作名之曰淨溝也

又東至彭城縣北東入于泗

獲水自淨

宋本無此淨字

淨溝東逕阿育王寺北或言楚

王英所造非所詳也蓋遵育王之遺法因以名焉

與安陂水合水上承安陂餘波北逕阿育王寺側

水上有梁謂之玄注橋水傍有石墓宿經開發石

作工奇殊為莊構

宋本作壯構

而不知誰冢疑即澄之

所謂凌冢也水北流注于獲獲水又東逕彌黎城

北劉澄之永初記所謂城之西南有彌黎城者也
獲水於彭城西南迴而北流逕彭城城西北舊有

楚大夫龔勝宅卽楚老哭勝處也漢書王莽遣謁者持安車卽綬

卽拜楚國龔勝爲太子師友祭酒勝不應徵不食而死時年七十九矣存老父來弔哭甚哀曰嗟乎

薰以香自燒膏以明自銷龔生竟天天年非獲水吾徒也勝居彭城廉里後世刻石表其里門

又東轉逕城北而東注泗水北三里有石冢被開

傳言楚元王之孫劉向冢未詳是否城卽殷大夫

彭祖之國也宋本作老於春秋爲宋地楚伐宋并

之以封魚石崔子季珪述初賦曰想黃公於邳圯

勒魚石於彭城卽是縣也孟康曰舊名江陵爲南

楚陳爲東楚彭城爲西楚按史記正義曰淮南

城以東東海吳廣陵爲東楚衡山九江江南豫章長沙爲南楚文潁曰彭城故東

楚也項羽都謂之西楚漢祖定天下以爲楚郡封

弟交爲楚王都之宣帝地節元年更爲彭城郡按孫

史記楚元王世家高祖六年已禽楚王韓信於陳乃以弟交爲楚王都彭城子王戊與吳王合謀反

起兵至昌邑南楚王戊自殺孝景帝欲以元王子禮續楚是時禮爲漢宗正乃拜禮爲楚王奉元王

宗廟地節二年中人上書告楚王謀反王自殺國除入漢爲彭城郡王莽更之曰和

樂郡也徐州治城內有漢司徒袁安魏中郎徐庶

等數碑並列植於街右咸曾爲楚相也大城之內

有金城東北小城劉公更開廣之皆壘石高四丈

小

列塹環之小城西又一城是大司馬琅邪王所修
 因項羽故臺經始卽構宮觀門閣惟新厥制義熙
 十二年霖雨驟澍汴水暴長城遂崩壞冠軍將軍
 彭城劉公之子也登更築之悉以博壘宏壯堅峻
 樓櫓赫奕南北所無宋平北將軍徐州刺史河東
 薛安都舉城歸魏魏違當作遺博陵公尉苟仁城陽
 公孔伯恭援之邑閣如初觀不異昔自後毀撤一
 時俱盡間遺工雕鏤尚存龍雲逞勢奇爲精妙矣
 城之東北角起層樓於其上號曰彭祖樓地理志
 曰彭城縣故彭祖國也世本曰陸終之子其三曰

錢是爲彭祖彭祖城是也下曰彭祖冢彭祖長年
 八百綿壽永世於此有冢蓋亦元極之化矣其樓
 之側汴帶泗東此宋本作北爲二水之會也聳望川原
 極目清野斯爲佳處矣

水經注箋卷第二十四

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

睢水 瓠子水

汶水

睢水出梁郡鄆縣

睢水出陳留縣西浪蕩渠東北流地理志曰睢水首受陳留浚儀浪蕩水也經言出鄆非矣又東逕高陽故亭北俗謂之陳留北城非也蘇林曰高陽者陳留北縣也按在留使鄉聚名也有漢廣野君

廟碑延熹六年十二月雍丘令董生仰餘徽於千載遵茂美於絕代命縣人萇照爲文用章不朽之德其略云輟洗分餐諮謀帝猷陳鄭有涿鹿之功海岱無牧野之戰大康華夏綏靜黎物生民以來功盛莫崇今故字一作無聞而軍碑介立矣陳留風俗傳曰酈氏居於高陽沛公攻陳留縣酈食其有功封高陽侯有酈峻字文山官至公府掾大將軍商有功食邑于涿故自陳留縣有鉞亭鉞鄉建武二年世祖封王常爲侯國也睢水又東逕雍丘縣故城北縣舊杞國也殷湯周武以封夏后

繼禹之嗣楚滅杞秦以爲縣圈稱曰縣有五陵之名故以氏縣矣城內有夏后祠昔在二代享祀不輟秦始皇圖築當作圍築其表爲大城而以縣焉睢水

又東水積成湖俗謂之白羊陂陂方四十里右則姦梁陂水注之其水上承陂水東北逕雍丘城北又東分爲兩瀆謂之雙溝俱入白羊陂陂之東合洛架水口水上承汜水謂之洛架水東南流入于睢水睢水又東逕襄邑縣故城北又東逕雍丘城北睢水又東逕寧陵縣故城南故葛伯國也王莽改曰康善矣歷鄆縣北二城南北相去五十里故

經有出鄆之文城東七里水次有單父令楊彥尚
書郎楊禪字文節兄弟二碑漢光和中立也
又東過睢陽縣南

睢水又東逕橫城北春秋左傳昭公二十一年樂
大心豐愆華恠禦華向於橫杜預曰梁國睢陽縣
南有橫亭今在睢陽縣西南世謂之光城蓋光橫
聲相近習傳之非也睢水又逕新城北即宋之新
城亭也春秋左傳文公十四年公會宋公陳侯衛
侯鄭伯許男曹伯晉趙盾盟于新城者也睢水又
東逕高鄉亭北又東逕亳城北南亳也即湯所都

矣睢水又東逕睢陽縣故城南周武王封微子啓
于宋以嗣殷後爲宋都也昔宋元君夢江使乘輜
車被繡衣而謁於元君元君感衛平之言而求之
于泉陽男子余且獻神龜於此矣秦始皇二十二
年以爲碭郡漢高祖嘗以沛公爲碭郡長天下旣
定五年爲梁國文帝十二年封少子武爲梁王太
后之愛子景帝寵弟也是以警衛貂儀飾同天子
藏珍積寶

漢書云珠玉寶器多於京師

多擬京師招延豪傑士

咸歸之長卿之徒免官來遊廣睢陽城七十里大
治宮觀臺苑屏榭勢並皇居其所經禁也役夫流

唱必曰睢陽創傳曰當作此始也城西門即寇先

鼓琴處也先好釣居睢水傍宋景公問道不告殺

之後十年止此門鼓琴而去宋人家家奉事之南

門曰盧門也春秋華氏居盧門里叛杜預曰盧門

宋城南門也司馬彪郡國志曰睢陽縣有盧門亭

城內有高臺甚秀廣巍然介立超焉獨上謂之蠡

臺亦曰升臺焉當昔全盛之時故與雲霞競遠矣

續述征記曰迴道似蠡故謂之蠡臺非也余按闕

子漢藝文志縱橫家有闕子一篇注所稱宋景公

使工人為弓九年乃成公曰何其遲也對曰臣不

復見君矣臣之精盡於弓矣獻弓而歸三日而死

景公登虎圈之臺援弓東面而射之矢踰于孟霜

之山舊本水經注及御覽所引闕子皆作西霜之

山文選鮑照詩注亦作西霜唯藝文類聚作集于彭梁之東餘勢逸勁猶飲羽于石梁然

則蠡臺即是虎圈臺也蓋宋世牢虎所在矣晉太

和中大司馬桓溫入河命豫州刺史袁真開石門

鮮卑堅戍此臺真頓甲堅城之下不果而還蠡臺

而西又有一臺俗謂之女郎臺臺之西北城中有

涼馬臺臺東有曲池池北列兩釣臺水周六七百

步蠡臺直東又有一臺世謂之雀臺也城內東西

道北有晉梁王妃王氏陵表並列二碑碑云妃諱
粲字女儀東萊曲城人也齊北海府君之孫司空
東武景侯之季女咸熙元年嬪于司馬氏泰始二

年妃于國太康五年薨營陵于新蒙之克家云此
下疑有脫

誤太康九年立碑東即梁王之吹宮也基陛階礎

尚在今建追明寺故宮東即安梁之舊地也廣周

五六百步舊本作齊周吳
本改作廣周水列釣臺池東又有一

臺世謂之清冷臺北城憑隅又結一池臺晉灼曰

或說平臺在城中東北角亦或言兔園在平臺側

如淳曰平臺離宮所在今城東二十里有臺寬廣

而不甚極高俗謂之平臺余按漢書梁孝王傳稱

王以功親為大國築東苑方三百里廣睢陽城七

十里大治宮室為複道自宮連屬於平臺三十餘

里複道自宮東出楊州之門左陽門即睢陽東門

也連屬於平臺側近矣御覽引此
作則近矣屬之城隅則不

能是知平臺不在城中也梁王與鄒枚司馬相如

之徒極遊於其上故齊隨郡王山居序所謂西園

多士平臺盛賓鄒馬之客咸在伐木之歌屢陳是

用追芳昔娛神遊千古故亦一時之盛事謝氏賦

雪亦曰梁王不悅遊於兔園今也歌堂淪宇律管

理音孤墓宋本作孤墓 塊立無復曩日之望矣城北五

六里便得漢大尉喬玄墓舊本作橋玄 冢東有廟即曹

氏孟德親酹處操本微素嘗候於玄玄曰天下將

亂能安之者其在君乎操感知已矣當作後 經玄墓

祭云操以頑質見納君子士死知已懷此無忘又

承約言徂沒之後路有經由不以斗酒隻雞過相

沃酹車過三步腹痛勿怨雖臨時戲言非至親篤

好胡肯為此辭哉悽愴致祭以申宿懷冢列數碑

一是漢朝羣儒英才哲士感喬氏德行之美乃共

刊石立碑以示後世一碑是故吏司徒博陵崔烈

廷尉河南吳整等以為至德在已揚之由人苟不

驕述夫何舍焉蔡中郎集載此碑作苟不敷述夫何考焉 乃共勒嘉石

昭明芳烈一碑是隴西枹罕北次陌陽守長隲為

左尉漢陽獮道趙馮孝高以喬公嘗牧涼州感三

綱之義慕將順之節以為公之勳美宜宣舊邦乃

樹碑頌以昭令德光和元年主記掾李反字仲遼

作碑文宋本作李友字仲僚 碑陰有石疑作右 鼎文建寧三年

拜司空又有中鼎文建寧四年拜司徒又有左鼎

文光和元年拜太尉鼎名文曰故臣門人相與述

公之行咨度體則文德銘于三鼎武功勒于征鉞

書于碑陰以昭光懿又有鉞文稱是用鏤石假象作茲征鉞軍鼓陳之于東階亦以昭公之文武之勳焉廟南列二柱柱東有二石羊羊北有二石虎廟前東北有石駝駝西北有二石馬皆高大亦不甚雕飾惟廟頽構粗傳遺墉石鼓仍存鉞今不知所在睢水於城之陽積而為逢洪陂御覽引水經注作積而為陂之西南有陂又東合明水水上承城南大池池周千步南流會睢謂之明水絕睢注渙睢水又東南流歷千竹圃水次綠竹蔭渚菁菁實望世人言梁王竹園也睢水又東逕穀熟縣故城北睢

水又東斷水出焉睢水又東逕粟縣故城北地理

志曰侯國也王莽曰成富睢水又東逕太丘縣故

城北地理志曰故敬丘也漢武帝元朔三年封魯

恭王子節侯劉政為侯國漢書王子奉魯共王子政封敬丘諡曰節侯按

地志取丘屬山陽郡而敬丘即太丘屬沛郡注似誤引漢明帝更從今名列

仙傳曰仙人文賓邑人賣鞞履為業矣列仙傳云文賓者太

丘鄉人也賣草履為業數取鞞數十年輒棄之後時故嫗年九十餘續見賓年更壯拜賓問道賓令

其至正月朔會鄉亭西社教令服睢水又東逕芒

縣故城北漢高帝六年封酈跖為侯國王莽之傳

治世祖改曰臨睢城西二里水南有豫州從事皇

毓碑殞身州牧陰君之罪時年二十五臨睢長平

與宋本李君二千石承當作輪氏夏文則郡國士

有輪氏縣夏文則蓋其邑人也高其行而悼其殞州國咨嗟旌

表墓昭敘令德式示後人城內有臨睢長左馮

王君碑善有治功累遷廣漢屬國都尉吏民思德

縣人公府掾陳盛孫郎中倪定興劉伯郿等共立

石表政以刊遠績縣北與碭縣分水有碭山芒碭

縣之間山澤深固多懷神智有仙者涓子主柱並

隱碭山得道列仙傳云涓子齊人也餌木芝食

致風雨受伯陽九仙法又云主柱者與道

居山餌丹砂三年得神砂飛雲服之五年

漢高祖隱之呂后望氣知之即於是處也京房易

候曰何以知賢人隱師曰視四方常有六雲五色

具而不雨其下賢人隱矣

又東過相縣南屈從城北東流當蕭縣南入于睢

相縣故宋地也秦始皇二十三年以為泗水郡漢

高帝四年改曰沛郡治此漢武帝元狩六年封南

越桂林監居翁為侯國曰湘成也王莽更名之吾

符縣曰吾符亭也舊本作吾符高亭漢地理志王

莽改沛郡曰吾符改相縣曰吾

符睢水東逕石馬亭亭西有漢故伏波將軍馬援
墓睢水又東逕相縣故城南宋恭公之所都也國

府園中猶有伯姬黃堂基堂夜被火左右曰夫人少避伯姬曰婦人之義保傳不具夜不下堂遂遇火而死斯堂即伯姬憤死處也城西有伯姬冢昔鄭渾為沛郡太守於蕭相二縣與陂堰民賴其利刻石頌之號曰鄭陂睢水又左合白瀆水水上承梧桐陂陂側有梧桐山陂水西南流逕相城東而南流注于睢睢盛則北流入于陂陂溢則西北注于睢出入迴環更相通注故經有入睢之文睢水又東逕彭城郡之靈壁東東南流漢書項羽敗漢王于靈壁東即此處也又云東逼

宋本通穀泗服虔

曰水名也在沛國相界又詳睢水逕穀熟兩分而睢水為蘄水故二水所在枝分通為兼稱穀水之名蓋因地變然則穀水即睢水也又云漢軍之敗也睢水為之不流睢水又東南逕竹縣故城南地理志曰王莽之篤亭也李奇曰今竹邑縣也睢水又東與澤湖水合水上承留丘縣之澤陂南北百餘里東西四十里東至朝解亭西屆彭城留丘縣之故城東王莽更名之曰善丘矣其水自陂南系于睢水睢水又東南八丈故溝水注之水上承蘄水而北會睢水又東逕苻離縣故城北漢武帝元

光四年封路博德為侯國王莽之符合也睢水東
 逕臨淮郡之取慮故城北昔汝南步遊張少失其
 母及為縣令遇母于此乃使良馬踟躕輕軒罔進
 顧訪病姬乃其母也誠願宿憑而冥感昭徵矣睢
 水又東合烏慈水水出縣西南烏慈渚潭漲東北
 流與長直故瀆合溝舊上承蘄水北流八十五里
 注烏慈水烏慈水又東逕取慮縣南又東屈逕其
 城東而北流注于睢睢水又東逕睢陵縣故城北
 漢武帝元朔元年封江都易王子劉楚為侯國

按史記年表江都易王子劉定國封睢陵侯索隱曰在淮陽

王莽之睢陸也睢

水又東與潼水故瀆會舊上承潼縣西南潼陂東
 北流逕潼縣故城北又東北逕睢陵縣下會睢睢
 水又東南流逕下相縣故城南高祖十二年封莊
 侯冷耳為侯國應劭曰下相水出沛國相縣故此
 加下也然則下相又是睢水之別名也東南流入
 于泗謂之睢口經止蕭縣非也所謂得其一而亡
 其二矣

瓠子河出東郡濮陽縣北河

縣北十里即瓠河口也尚書禹貢雷夏既澤雝沮
 會同爾雅曰水自河出為雝許慎曰雝者河雝水

也暨漢元光之年河水南決當作漂害民居武帝

元封二年上使汲仁郭昌發卒數萬人塞瓠子決

河於是上自萬里沙還臨決河沈白馬玉璧令羣

臣將軍以下皆負薪填決河上悼功之不成乃作

歌曰瓠子決兮將柰何殫為河兮地不寧功無已

時兮吾山平吾山平兮巨野溢魚沸鬱兮柏冬日

正道弛兮離常流蛟龍騁兮放遠遊歸舊川兮神

哉沛不封禪兮安知外皇謂河公兮史記作爲我

何不仁泛濫不止兮愁吾人齧桑浮兮淮泗滿久

不返兮水唯緩一曰河湯湯兮激潏爰北渡迴兮

迅流難塞長茭兮湛美玉隕竹林兮捷石蓄宣防

塞兮萬福來辭具史記於是卒塞瓠子口築宮於

其上名曰宣房宮水宋本作故亦謂瓠子堰為宣房堰

而水亦以瓠子受名焉平帝已後未及修理河水

東浸日月彌廣永平十二年顯宗詔樂浪人王景

治渠築隄起自滎陽東至于乘一千餘里景乃防

遏衝要疏決壅積瓠子之水絕而不通唯溝瀆存

焉河水舊東河逕濮陽城東北故衛也帝顓頊之

墟昔顓頊自窮桑徙此號曰商丘或謂之帝丘本

陶唐氏火正閼伯之所居亦夏伯昆吾之都殷之

相又都之故春秋傳曰闕伯居商丘相土因之是也衛成公自楚丘遷此秦始皇徙衛君角於野王置東郡治濮陽縣濮水逕其南故曰濮陽也沛公守濮陽環之以水張晏曰依河水自固春秋僖公十三年夏會于鹹杜預曰東郡濮陽縣有成城者也是瓠子故瀆又東逕桃城南春秋傳曰分曹地自洮盡曹地也今甄城孫云一作郵城西南五十里有桃城或謂之洮也瓠瀆又東南逕清丘北春秋宣公十二年經晝楚滅蕭晉人宋衛曹同盟于清丘京

日番日王今東郡濮陽縣東南三十里魏都尉治

東至濟陰句陽縣為新溝漢地志濟陰郡句陽縣春秋句瀆之丘也音鉤

瓠河故瀆又東逕句陽之成陽城北宋本無此二字城北

側瀆帝王世紀曰堯葬濟陰成陽西北四十里是

為穀墨子以為堯堂高三尺土階三等北教八狄

道死葬蛭山之陰山海經曰堯葬狄山之陽一名

崇山二說各殊以為成陽近是堯冢也余按小成

陽在成陽西南舊本作西北半里許實中俗謬以為因

堯城士安蓋以是為堯冢也郡國志濟陰郡成陽縣有堯冢汲冢遺語

曰舜故堯於平陽續述征記云小成陽在陽城西

南半里許俗云囚堯城括地志引竹書云昔堯末

年德衰為舜所囚故濮州郵瓠子北有都關縣故城縣東北十五里有堯城

城縣有羊里亭瓠河逕其南為羊里水蓋資城地而變名由經有新溝之異稱矣黃初中賈逵為豫

州刺史與諸將征吳於澗浦有功魏封逵為羊里

亭侯邑四百戶即斯亭也魏志云賈逵征吳破呂範於澗浦進封陽里亭

侯俗名之羊子城非也蓋韻近字轉耳又東石會

濮水枝津水上承濮渠東逕鉏丘城南京相璠曰

今濮陽城西南十五里晉書沮丘城六國時沮楚同

以為楚丘非也又東逕浚城南而北去濮陽三十

五里城側有寒泉岡即詩所謂爰有寒泉在浚之

下世謂之高平渠非也京相璠曰濮水故道在濮

陽南者也又東逕句陽縣西句瀆出焉濮水枝渠

又東北逕句陽縣之小成陽縣故東垂亭西而北

入瓠河地理志曰濮水首受沛孫云受沛當作受沛於封丘

縣東北至都關入羊里水者也又按地理志山陽

郡有都關縣今其城在廩丘城西考地志山陽廩

丘俱屬濟陰則都關無隸山陽理又按地理志郟

都亦是山陽之屬縣矣而東杜當作京相考地驗城又

並言在廩丘城南推此而論似地志之誤矣或亦

疆理參差所未詳瓠瀆又東逕垂亭北春秋隱公

八年宋公衛侯遇于大丘左傳作大丘經書垂也京相

璠曰今濟陰句陽縣小城陽

克家云當作成陽

東五里有

故垂亭者也

又東北過廩丘縣為濮水

瓠河又左逕雷澤北其澤藪在大城陽縣故城西
北一十餘里昔華胥履大蹟處也其陂東西二十
餘里南北一十五里即舜所漁也澤之東南即成
陽縣故史記曰武王封弟季載於成應劭曰其後
乃遷于成之陽故曰成陽也地理志曰成陽有堯
冢靈臺今成陽城西二里有堯陵陵南一里有堯
母慶都陵於城為西南稱曰靈都鄉曰崇仁邑號

修義皆立廟四周列水潭而不流水澤通泉泉不

耗竭至豐魚筍不敢採捕前並列數碑枯栢

當作枯栢

數株檀馬

檀馬字譌或謂檀與駮馬也詩疏云駮馬梓榆也諺曰斫檀不諱得繫迷繫迷

尚可得駮馬言三木之相似也

成林二陵南北列馳道逕通皆以

塼砌之尚修整堯陵東城西五十餘步中山夫人

祠堯妃也石壁階墀仍舊南西北三面長櫟聯蔭

扶疎里餘中山夫人祠南有仲山甫冢冢西有石

廟羊虎傾低破碎略盡於城為西南在靈臺之東

北按郭緣生述征記自漢迄晉二千石及丞尉多

刊石述敘堯即位至永嘉三年二千七百二十有

一載記于堯妃見漢建寧四年五月成陽令管遵
 所立碑文云堯陵北山甫墓南二冢間伍員祠晉
 大安中立一碑是未與中建今碑祠並無處所又
 言堯陵在城南九里中山夫人祠在城南二里東
 南六里堯母慶都冢堯陵北二里有仲山甫墓考
 地驗狀咸為疎僻蓋聞疑書疑耳雷澤西南十許
 里有小山孤立峻上亭亭傑峙謂之歷山山北有
 小阜南屬池澤之東北有陶墟緣生言舜耕陶所
 在墟阜聯屬瀆帶宋本作瀆帶瓠河也鄭玄曰歷山在
 河東今有舜井皇甫謐或言今濟陰歷山是也與

雷澤相比余謂鄭玄之言為然故楊雄河水賦曰

登歷觀而遙望兮聊浮遊於河之巖今雷首山西

枕大河校之圖緯於事為允士安又云定陶西南

陶丘舜一作亭也不言在此緣生為失瓠河之北即

廩丘縣也王隱晉書地道記曰廩丘者春秋之所

謂齊邑矣實表東海者也竹書紀年晉烈公十一

年田悼子卒田布殺其大夫公孫公孫以廩丘叛

于趙今竹書作田布殺其大夫公孫公孫以廩丘叛于趙田布圍廩丘翟

角趙孔肩韓師竹書作氏救廩丘及田布戰于龍澤田

布敗遁一作田師敗遁是也瓠河水俱東流經所謂

過廩丘為濮水者也縣南瓠北有羊角城春秋傳
 曰取晉羊角遂襲我高魚天舊本大有大雨自竇入介
 其庫登其城剋而取之者也京相璠曰衛邑也今
 東郡廩丘縣南有羊角城今魯邑也今廩丘東北
 有故高魚城俗謂之交魚城謂羊角為角逐城皆
 非也瓠河又逕陽晉城南史記蘇秦說齊曰過衛
 陽晉之道徑于亢父之險者也今陽晉城在廩丘
 城東南一十餘里與都關為左右也張儀曰秦下
 甲攻衛陽晉大關天下之匈徐廣史記音義云關
 一作開東之亢父則其道矣瓠河之北又有邲都

城春秋隱公三年邲侵衛京相璠曰東郡廩丘縣

南

孫按史記年表金安上封都成侯瑋按漢書三
 地志山陽郡有城都縣而無都成不審何在

十里有故邲都地理志曰山陽鄉也褚先生曰漢

封金安上為侯國王莽更名之曰城穀者也瓠河

又東逕黎縣故城南王莽改曰黎治矣孟康曰今

黎陽也薛瓚言按黎陽在魏郡非此黎陽也世謂

黎侯城昔黎侯陽寓于衛詩所謂胡為乎泥中毛

云泥中邑名疑此城也土地汙下城居小阜魏濮

陽郡治也瓠河又東逕柘縣故城南地理志曰濟

陰之屬縣也褚先生曰漢武帝封金日磾為侯國

王莽之萬歲矣世猶謂之爲萬歲亭也瓠河又東
逕鄆城南春秋左傳成公十六年公自沙隨還待
于鄆京相璠曰公羊作運字今東郡廩丘縣東八
十里有故運城卽此城也

又北過東郡范縣東北爲濟渠與將渠合

瓠河自運城東北逕范縣與濟濮枝渠合故渠上
承濟瀆於乘氏縣北逕范縣左納瓠瀆故經有濟
渠之稱又北與將渠受河於范縣西北東南逕秦
亭南杜預釋地東平范縣西北有秦亭也又東南
逕范縣故城南王莽更名建睦也漢興平中靳允

爲范令曹太祖東征陶謙於徐州張邈迎呂布郡
縣響應程昱說允曰君必固范我守東阿田單之
功卽斯邑也將渠又東會濟渠自下通謂之將渠
北逕范城東俗又謂之趙溝非也

又東北過東阿縣東

瓠河故瀆又東北左合將渠枝渠一承將渠於范

縣東北逕范縣北又東北逕東阿城南而東入瓠
河故瀆又北逕東阿縣故城東春秋經書冬及齊
侯盟于柯左傳曰冬盟于柯始及齊平杜預曰東
阿卽柯邑也按國語曹沫挾匕首劫齊桓公返遂

邑於此矣

又東北過臨邑縣西又東北過在平縣東為鄧里渠
自宣防已下將渠已上無復有水將渠下水首受
河自北為鄧里渠

又東北過祝阿縣為濟渠

河水自泗口出為濟水濟水二瀆合而東注于祝
阿也

又東北至梁鄒縣西分為二

脈水尋梁鄒濟無二流蓋經之誤

其東北者為濟河其東者為時水又東北至濟西濟

河東北入于海時水東至臨淄縣西屈南過太山華

縣東又南至費縣東入于沂

時即彫水也音而春秋襄公三年齊晉盟于彫者

也京相璠曰今臨淄唯有澧水西北入沛孫云沛當作沛

下並即地理志曰如水矣彫如聲相似然則澧水

即彫水也蓋以澧與時合得通稱矣時水自西安

城西南分為二水枝津別出西流德會水注之水

出昌國縣黃山西北流逕昌國縣故城南昔樂毅

攻齊有功燕昭王以是縣封之為昌國君德會水

又西北五里泉水注之水出縣南黃阜北流逕城

西北入德會又西北世謂之滄浪溝又北流注時水地理志曰德會水出昌國西北至西安入洳是也時水又西逕東高苑城中而西注也俗人過令側城南注又屈其城南史記漢文帝十五年分齊爲膠西王國都高邑徐廣音義曰樂安有高苑城故俗謂之東苑也其水又北注故瀆又西蓋野溝水注之源導延鄉城東北平地出泉西北逕延鄉城北地理志曰千乘有延鄉縣世人謂故城爲從城延從字相似讀隨字改所未詳也西北流世謂之蓋野溝又西北流逕高苑縣北注時水時水又

西逕西高苑縣故城南漢高帝六年封丙倩爲侯國王莽之常鄉也其水側城西注京相璠曰今樂安博昌縣南界有時水西通濟其上源出盤陽北至高苑下有死時中無水杜預亦云時水於樂安枝流旱則竭耗爲春秋之乾時也左傳莊公九年齊魯戰地魯師敗處也時水西北至梁鄒城入于沛非沛入時蓋時來注沛若沛分東流明不得以時爲名尋時沛更無別流南延華費之所斯爲謬矣

汶水出太山萊蕪縣原山西南過羸縣南

萊蕪縣在齊城西南原山又在縣西南六十許里
地理志汶水與淄水俱出原山西南入沛故不得
過其縣南也從征記曰汶水出縣西南流又言自
入萊蕪谷夾路連山百數里水隍多行石澗中出
草藥饒松栢林藿綿濛崖壁相望或傾岑阻徑或
迴巖絕谷清風鳴條山壑俱響凌高降深兼喘慄
之懼危蹊脫一絕字徑過懸度之艱未出谷十餘里有
別谷在孤山谷有清泉泉上數丈有石穴二口容
人行入穴丈餘高九尺許廣四五丈言是昔人居
山之處薪爨煙墨猶存谷中林木緻密行人少有

能至矣又有少許山田引灌之蹤尚存出谷有平
丘面山傍水土人悉以種麥云此丘不宜殖稷黍
而宜麥齊人相承以殖之意謂麥丘所栖愚公谷
也何其深沈幽翳可以託業怡生如此也余時逕
此爲之踟躕爲之屢眷矣余按麥丘愚公在齊不
在魯川谷猶傳其名蓋誌者之謬耳汶水又西南
逕羸縣故城南春秋左傳桓公三年公會齊侯于
羸成婚于齊也

又東南過奉高縣北

奉高縣漢武帝元封元年立以奉太山郡治也縣

北有吳季札子墓在汶水南曲中季札之聘上國也喪子於嬴博之間卽此處也從征記曰嬴縣西六十里有季札兒冢冢圓其高可隱也前有石銘一所漢末奉高令所立無所述敘標誌而已自昔恒蠲民戶灑掃之今不能然碑石糜碎靡有遺矣唯趺存焉

屈從縣西南流

汶出牟縣故城西南阜下俗謂之胡盧堆淮
曰汶出弗其高誘曰山名也或斯阜也牟縣在東北古牟國也春秋時牟人朝魯故應劭曰

附庸也俗謂是水爲牟汶也又西南逕奉高縣故城而西南流注于汶汶水又南右合北汶水出分水谿源與中川分水東南流逕太山東右天門下谿水水出太山天門下谷東流古者帝王升封咸憩此水水上往往有石竅存焉蓋古設舍所跨處也馬第伯書云光武封太山第伯從登山去平地二十里南向極望無不覩其爲高也如視浮雲其峻當有也字石壁窅窅仰視巖石松樹鬱鬱蒼蒼如在雲中俯視谿谷碌碌不可丈尺直上七十里天門仰視天門如從穴中視天矣今封禪儀記曰不可丈尺遂至天門之下

伊人門窳遼如從穴中視天直上七里賴其應

羊腹 名曰環道往往有繩索可得而登也

劭漢官儀云太山東南山頂名曰日觀者雞一鳴

時見日始欲出長三丈許故以名焉其水自谿而

東濬波注壑東南流逕龜陰之龜田山在博縣北

一十五里昔夫子傷政道之陵遲故望山而懷操

故琴操有龜山操焉山北即龜陰之田也春秋定

公十年齊人來歸龜陰之田是也又合環水水出

太山南谿南流歷中階兩廟間從征記曰太山有

下中上三廟牆闕嚴整廟中栢樹夾兩階大二十

餘圍蓋漢武所植也赤眉嘗斫一樹見血而止今

斧額猶存門閣三重樓榭四所三層壇一所高丈

餘廣八丈樹前有大井極香冷異於凡水不知何

代所掘不常浚渫而水旱不減庫中有漢時故樂

器及神車木偶皆靡密巧麗又有石勒建武十三

年未貴侯宋本作永貴張余上金馬一匹高二尺餘形

制甚精中廟去下廟五里屋宇又崇麗於下廟廟

東西夾澗上廟在山頂即封禪處也後漢祭祀志云建武三十

年羣臣上言宜封禪泰山詔不許三十二年正月

上讀河圖感動乃求元封時封禪故事是年二月

東巡狩至于岱宗辛卯登封泰山甲午禪 共水克
于梁陰此云十三年乃二十年之誤也 云當作 又屈而東流入于汶水又東南流逕南明

堂下漢武帝元封元年封太山降坐明堂於山之東北吐武帝以古處嶮狹而不顯也欲治明堂於奉高傍而未曉其制濟南人公玉帶上黃帝時明堂圖圖中有一殿四面無壁以茅蓋之通水園宮垣爲複道上有樓從西南入名曰崑崙天子從之入以拜祀上帝焉於是上令奉高作明堂於汶水如帶圖也古引水爲壁雍處基瀆存焉世謂此水爲石汶山海經曰環水出秦山東流注于江孫云郭注日江一作海卽此水也環水又左入於汶水汶水又西南流逕徂徠山西山多松栢詩所謂徂徠之松也

廣雅曰道梓松也抱朴子稱玉策記曰千歲之松中有物或如青牛或如青犬或如人皆壽萬歲又稱天陵有偃蓋之松也所謂樓松也魯連子曰松縱高千仞而無枝非憂王實宋本作王室之無柱也爾

雅曰松葉栢身曰樅鄒山記曰徂嶧山在梁甫奉高博三縣界猶有美松亦曰尢嶧之山也赤眉渠師樊崇所堡也故崇自號尢嶧三老矣山東巢父廟山高十里山下有陂水方百許步三道流注一水東北沿溪而下屈逕縣南西北流入于汶一水北流歷澗西流入于汶一水南流逕陽關亭南春秋

襄公十七年逆臧紇自陽關者也又西流入于汶水也

過博縣西北

汶水南逕博縣故城東春秋哀公十一年會吳伐博者也灌嬰破田橫於城下屈從其城南西流不在西北也汶水又西南逕龍鄉故城南春秋成公二年齊侯圍龍龍囚頃公嬖人盧蒲就孫云左傳作盧蒲就魁殺而膊諸城上齊侯親鼓取龍者也漢高帝八年封謁者陳署為侯國汶水又西南逕亭亭山東黃帝所禪也山有神廟水上有石門舊分水下漑

處也汶水又西南逕陽關故城西本有平縣之陽

關亭矣

有平當作鉅平郡國志云泰山郡鉅平縣有陽關亭

春秋襄公十七

年逆臧紇自陽關者矣陽虎據之

舊本作居之

以叛伐

之虎焚萊門而奔齊者也汶水又南左會淄水水

出太山梁父縣東西南流逕菟裘城北春秋隱公

十一年營之公謂羽父曰吾將歸老焉故郡國志

曰梁父有菟裘聚淄水又逕梁父縣故城南縣北

有梁父山開山圖曰太山在左亢父在右亢父知

生梁甫主死王者封太山禪梁甫故縣取名焉淄

水又西南逕柴縣故城北地理志曰太山之屬縣

也世謂之柴汶矣淄水又逕郕北漢高帝六年封

董渫為侯國孫云按史記董渫封成侯春秋齊師圍郕郕人伐

齊飲馬於斯水也昔孔子行於郕之野遇榮啓期

於是衣鹿裘被髮琴歌三樂之懽夫子善其能寬

矣列子榮啓期曰天生萬物唯人為貴吾得為人

一樂也男女之別男尊女卑吾得為男二樂也

人生有不見日月不免襁褓者吾行年九十矣是三樂也淄水又西逕陽關城

南西流注於汶水汶水又南逕鉅平縣故城東而

西南流城東有魯道詩所謂魯道有蕩齊子由歸

者也今汶上夾水有文姜臺汶水又西南流詩云

汶水滔滔矣淮南子曰貉渡汶則死天地之性猶

伏難尋固不可以情理窮也汶水又西南逕魯國

汶陽縣北王莽之汶亭也縣北有曲水池亭春秋

桓公十二年經書公會祀侯莒子於曲池左傳曰

平杞莒也故杜預曰魯國汶陽縣北有曲水亭漢

章帝元和三年東巡太山立行宮於汶陽執金吾

耿恭恭衍屯城門於汶上基塹存焉世謂之闕陵

城也汶水又西逕汶陽縣故城北而注

又西南過蛇丘縣南

汶水又西洗水出焉謝兆申云洗字誤當作洸二

十五卷有洸水克家云出焉當作又西逕蛇丘縣南縣治鑄鄉故城宋本作春

九經注疏 卷二十四 三五六
秋左傳宣叔娶于鑄是也杜預曰濟北蛇丘縣所治鑄鄉城者也

又西南過岡縣北

地理志鄉故闡也王莽更之曰柔也應劭曰春秋經書齊人取謹及闡亭是也杜預春秋釋地曰闡在岡縣北岡城東有一小亭今岡縣治俗人又謂之闡亭京相璠曰岡縣西四十里有闡亭未知孰是汶水又西蛇水注之水出縣東北太山西南流逕汝陽之田齊所侵也自汶之北平暢極目僖公以賜季友蛇水又西南逕鑄城西左傳所謂蛇淵

圃也故京相璠曰今濟北有蛇丘城城下有水魯圃也俗謂之濁須水非矣蛇水又西南逕夏暉城南經書公會齊侯于下謹是也今俗謂之夏暉城蓋春秋左傳桓公三年公子翬如齊齊侯送姜氏于下謹非禮是也世有夏暉之名矣蛇水又西南入汶汶水又西溝水注之水出東北馬山西南流逕棘亭南春秋成公三年經書秋叔孫僑如帥師圍棘左傳曰取汶陽之田棘不服圍之南去汶水

八十里又西南逕遂城東地理志曰蛇丘隧鄉

作遂春秋經傳俱作遂漢地理志作隧故隧國也春秋莊公十三年

齊滅遂而戍之者也京相璠曰隧在蛇丘東北十里杜預亦以為然然縣東北無城以擬之今城在蛇丘西北蓋杜預傳疑之非也又西逕下謹城西而入汶水汶水又西逕春亭北考古無春名唯平陸縣有崇陽亭然是東去岡城四十里進謝云一作推璠所注則符並所未詳也

又西南過平章縣南

地理志曰東平國故梁也景帝中和六年別為濟東國武帝元鼎元年為大河郡宣帝甘露二年為東平國王莽之有鹽城也章縣按世本任姓之國

也齊人降章者也故在無鹽城東北五十里汶水

又西南有泌水注之水出肥縣東北自源西南流

逕肥城縣故城南樂正子春謂其弟子曰子適齊

過肥肥有君子焉左逕句窳亭北章帝元和二年

鳳凰集肥城句窳亭後其祖當作復而逕太山即

是亭也泌水又西南逕富城縣故城西王莽之成

富也舊本作城富其水又西南流注於汶汶水又西南

逕桃鄉縣故城西王莽之鄣亭也世以此為鄣城

非蓋因巨新之故目耳

又西南過無鹽縣南又西南過壽張縣北又西南至

安民亭入于濟

汶水自桃鄉四分當其派別之處謂之四汶口其

左二水雙流西南至無鹽縣之邱鄉城南魯叔孫

昭伯之故邑也禍及鬪雞矣左傳曰季子邱之雞鬪

之金距平子怒益宮於邱氏且讓之故邱伯亦怨平子春秋左傳定公十二

年叔孫氏墮邱今其城無南面汶水又西南逕東

平陸縣漢志東平國有東平陸縣故城北應劭曰古厥也今有

厥亭汶水又西逕危山南世謂之龍山也漢書五

行志曰哀帝時無鹽危山土自起覆草如馳道狀

又瓠山石轉立晉灼曰漢注作報山山脇石一丈

漢書作一枚轉側起立高九丈衍尺六寸傍行一丈高

漢書作廣四尺東平王雲及后謁自之石所祭治石象

報山立石束倍草并祠之建平三年息夫躬告之

王自殺后謁棄市國除漢書石立宣帝起之象也

舊本作宣帝起之表也吳本改作象汶水又西合為一水西南入茂

都澱澱陂水之異名也澱水西南出謂之巨野溝

又西南逕致密城南郡國志曰須昌縣有致密城

古中都城卽夫子所宰之邑矣制養生送死之節

長幼男女之禮路不拾遺器不彫僞矣巨野溝又

西南入桓公河北水西出澱謂之臣良水一作西

南逕致密城北西南流注洪瀆次一汶西逕邱亭北又西至壽張故城東遂為澤渚初平三年曹公

擊黃巾於壽張東鮑信戰死於此魏志云青州黃中衆百萬入兗

州殺任城相轉入東平劉岱欲擊之鮑信以為不可宜據要害固守岱不從與賊戰果為所殺信乃與州吏至東郡迎太祖領兗州牧進兵擊黃巾于壽張東信力戰死僅而破之其右一汶

西流逕無鹽縣之故城南舊宿國也齊宣后之故

邑所謂無鹽醜女也漢武帝元朔四年封城陽共

王子劉慶為東平侯即此邑也王莽更名之曰有

鹽亭汶水又西逕洽鄉城南地理志曰所謂無鹽

有洽鄉者也汶水西南流逕壽張縣故城北春秋

之良縣也縣有壽聚漢曰壽良應劭曰世祖叔母

名良故光武改曰壽張也建武十五年世祖封樊

宏為侯國汶水又西南長直溝水注之水出須昌

城東北穀陽山南逕須昌城東又南漆溝水注焉

水出無鹽城東北五里阜山下西逕無鹽縣故城

北水側有東平憲王倉冢碑闕存焉元和三年章

帝幸東平祀以太牢親拜祠坐賜御劔於陵前其

水又西流注長直溝溝水奇分為二一水西逕須

昌城南入浦一水南流注於汶汶水又西流入浦

故淮南子曰汶出弗其西流合浦今淮南子云汶出弗其流合於

濟高誘云弗其山名在朱虛縣東余按誘說是乃東汶非經所謂入沛者也孫云沛蓋其誤證耳

水經注箋卷第二十五

漢 桑 欽撰 後魏酈道元 注

明 李長庚訂 孫汝澄

朱謀埠箋 李克家全校

泗水 沂水

泗水出魯卞縣北山

地理志曰出濟陰乘氏縣又云出卞縣北經言北

山皆為非矣山海經曰泗水出魯東北余昔因公

事公歷徐沆路逕洙泗因令尋其源流水出卞縣

故城東南桃墟西北春秋昭公七年謝息納季孫

之言以孟氏成邑與晉而遷于桃杜預曰魯國卞縣東南有桃虛世謂之曰陶墟舜所處也井曰舜井皆為非也墟有澤澤方一十五里御覽引此注云陶墟舜所

陶墟也井曰舜井皆為此深水微渟當作渟三丈如

減澤西際阜俗謂之媯亭山蓋有陶墟舜井之言

因復有媯亭之名矣阜則有三石穴廣圓三四尺

穴有通否水有盈漏數夕之中則傾陂竭澤矣御覽

引此注云阜側有三石穴廣圓三四尺穴有通否水有盈漏滿則數夕之中傾陂竭澤矣左右

民居識其將漏預以木為曲狀約鄣穴口魚鼈暴

鱗不可勝載矣自此連岡通阜西北四十許里岡

之西際便得泗水之源也博物志曰泗出陪尾

斯阜者矣石穴吐水五泉俱導泉穴各徑尺餘水

源南側有一廟栝栢成林時則謂之原泉祠非所

究也泗水西逕其縣故城南春秋襄公二十九年季

武子取卞曰聞守卞者將叛臣率徒以討之是也

南有姑蔑城春秋隱公元年公及邾儀父盟于蔑

者也水出二邑之間西逕郟城北春秋文公七年

經書公伐邾三月甲戌取須句遂城郟杜預曰魯

邑也卞縣南有郟城備邾難也泗水自卞而會於

洙水也

西南逕魯縣北
泗水又西南流逕魯縣分爲二流水側有一城爲
二水之分會也北爲洙瀆春秋莊公九年經書冬
浚洙京相璠曰杜預並言洙水在魯城北浚深之
爲齊備也南則泗水夫子教于洙泗之間今於城
北二水之中卽夫子領徒之所也從征記曰洙泗
二水交於魯城東北十七里闕里背洙泗牆南北
一百二十步東西六十步四門各有石闕北門去
洙水百步餘後漢初闕里荆棘自闕從講堂至九
里絕水爲相因修饗祠以誅魯賊彭豐等郭緣生

言泗水在城南非也余按國語宣公夏濫于泗淵
里葦斷罟棄之韋昭云泗在魯上當作城北史記冢
記王隱地道記咸言葬孔子於魯城北泗水上今
泗水南有夫子冢春秋孔演圖曰鳥化爲書孔子
奉以告天赤爵銜書上化爲黃玉刻曰孔提命作
應法爲赤制說題辭曰孔子卒以所受黃玉葬魯
城北卽子貢廬墓處也譙周云孔子死後魯人就
冢次而居者百有餘家命曰孔里孔叅子曰夫子
墓塋方一里在魯城北六里泗水上諸孔氏封五
十餘所人名昭穆不可復識有銘碑三所獸碣具

存皇覽曰弟子各以四方奇木來植故多諸異樹
不生棘木刺草今則無復遺條矣

聖賢冢墓記云孔子冢塋中樹

以百數皆異種世世無能名其樹者其樹皆弟子持其方樹來種之有柞枌雜離女貞五味堯檀之屬

泗水自城北南逕魯城西南合沂水沂水出魯城東南尼丘山西北山即顏母所祈而生孔子也山東一十里有顏母廟山南數里孔子父葬處禮所謂防墓崩者也平地發泉流逕魯縣故城南水北東門外即爰居所止處也國語曰海鳥曰爰居止於魯城東門之外三日臧文仲祭之展禽譏焉故莊子曰海鳥止郊魯侯觴之奏以廣樂具以太

牢三日而死此養非所養矣門郭之外亦戎夷死處呂氏春秋曰昔戎夷違齊如魯天大寒而後門與弟子宿於郭門外寒愈甚謂弟子曰子與我衣我活我與子衣子活我國士也為天子

當作天下

不肖人不足愛弟子曰不肖人惡能與國士并衣

哉戎歎曰不濟夫解衣與弟子半夜而死沂水北

對稷門昔圍人犖有力能投蓋于此門服虔曰能

投千鈞之重過門之上也杜預謂走接屋之桷反

覆門上也春秋僖公二十年經書春新作南門左

傳曰書不時也杜預曰本名稷門僖公更高大之

今猶不與諸門同故名高門也其遺基猶在地八丈餘矣亦曰雩門春秋左傳莊公十年公子偃請擊宋師竊從雩門蒙臯比而出者也門南隔水有雩壇壇高三丈曾點所欲風舞處也高門一里餘道西有道見君碑是魯相陳君立昔曾參居此臯不入郭縣即曲阜之地少昊之墟有大庭氏之庫春秋豎牛之所攻也故劉公幹魯都賦曰戢武器於有災之庫有災字誤王海引此注作有炎是也古史考云大庭氏姜姓以火德王號曰炎放戎馬於巨野之坳周武王封姬旦於曲阜曰魯秦始皇二十三年以為薛郡漢高后元年為

魯國阜上有季氏宅宅有武子臺今雖崩夷猶高數丈臺西百步有大井廣三丈深十餘丈以石壘之石以磬制春秋宣公十二年孫按左傳是定公十二年公山不狃帥費攻魯公入季氏之宮登武子之臺也臺之西北二里有周公臺高五丈周五十步臺南四里許則孔廟即夫子之故宅也宅大一頃所居之堂後世以為廟漢高祖十三年過魯以太牢祀孔子自秦燒詩書經典淪缺漢武帝時魯恭王壞孔子舊宅得尚書春秋論語孝經時人已不復知有古文謂之科斗書漢書秘之宋本作漢時秘之希有見有

于時聞堂上有金石絲竹之音乃不壞矣廟屋三

間夫子在西門東向

宋本作西面東向

顏母

舊本作微母

在中

間南面夫人隔東一間東向夫子牀前有石視一枚作甚朴云平生時物也魯人藏孔子所乘車於

廟中是顏路所請者也獻帝時廟遇火燒之永平

中鍾離意為魯相到官出私錢萬三千文付戶曹

孔訢治夫子車身入廟拭几席劔履男子張伯餘

堂下草土中得玉璧七枚伯懷其一以六枚白意

意令主簿安置几前孔子寢堂牀首有懸甕意召

孔訢問何等甕也對曰夫子甕也背有丹書人勿

敢發也意曰夫子聖人所以遺甕欲以懸示後賢

耳發之中得素書文曰後世修吾書董仲舒護吾

車拭吾履發吾筭會稽鍾離意壁有七張伯藏其

一意即召問伯果服焉魏黃初二年文帝令郡國

修起孔子舊廟置百夫吏卒

舊本作置百尺吏卒吳本改作百夫據按

曹植撰孔羨奉家祀碑云以議郎孔羨為宗聖侯邑百戶奉孔子之祀令魯郡修起舊廟置百戶吏

卒以守廟有夫子像列二弟子執卷立侍穆穆有

詢仰之容漢魏以來廟列七碑二碑無字栝栢猶

茂廟之西北二里有顏母廟廟像猶嚴有修栝五

株孔廟東南五百步有雙石闕即靈光之南門北

百餘步卽靈光殿基東西二十四丈南北十二丈
高丈餘東西廊廡別舍中間方七百餘步闕之東
北有浴池方四十許步池中有釣臺方十步池臺
悉石也遺基尚整故王延壽賦曰周行數里仰不
見日者也是漢景帝程姬子魯恭王之所造也殿
之東南卽泮宮也在高門直北道西宮中有臺高
八十尺臺南水東西一百步南北六十步臺西水
南北四百步東西六十步臺池咸結石爲之詩所
謂思樂泮水也沂水又西逕圓丘北丘高四丈餘
沂水又西流昔韓雉射龍於斯水之上曰韓
雉見申羊於魯有龍飲於沂韓雉曰吾聞也出見
虎搏之見龍射之今弗射是不得行吾聞也遂射
之沂水又西右注泗水者也

又西過瑕丘縣東屈從縣東南流瀛水從東來注之
瑕丘魯邑春秋之負瑕矣襄公七年

孫按左傳是
哀公七年

季康子伐邾囚諸負瑕是也應劭曰瑕丘在縣西
南昔衛大夫公叔文子升於瑕丘蘧伯玉從文子
曰樂哉斯丘死則我欲葬焉伯玉曰吾子樂之則

瑗請前刺其欲害民良田也瑕丘之名蓋因斯以
表稱矣曾子弔諸負夏

公叔文子升於瑕丘曾子
弔諸負夏俱出檀弓上篇

鄭玄皇甫謐並言衛地魯衛雖殊土則一也濼水出東海合鄉縣漢和帝永寧九年封馬光子復為侯國其水西南流入邾春秋襄公二年是哀公二年季孫斯伐邾取濼東田及沂西田是也濼水又逕魯國鄒山東南而西南流春秋左傳所謂嶧山也邾文公之所遷今城鄒山之陽依巖咀以墉固故邾婁之國曹姓也叔梁紇之邑也孔子生於此後乃縣之因鄒山之名以氏縣也王莽之鄒亭京相璠曰地理志嶧山在鄒縣北繹邑之所依為名也山東西二十里高秀獨出積石相臨殆無土

壤石間多孔穴洞達相通往往有如數間屋處其

俗謂之嶧孔遭亂輒將處當作居人入嶧外寇雖眾

無所施害永嘉中大尉郗鑒將鄉曲逃此山胡賊

攻守不能得今山南有大嶧名曰郗公嶧山北有

絕巖秦始皇觀禮於魯登於嶧山之上命丞相李

斯以大篆勒銘山嶺名曰晝門御覽引此注作盡門俱誤唯山東通

志作書詩所謂保其鳧嶧者也濼水又西南逕蕃

縣故城南又西逕薛縣故城北地理志曰夏車正

奚仲之國也竹書紀年梁惠成王三十一年邳遷

于薛改名徐州城南山上有奚仲冢晉太康地記

奚仲冢在城南二十五里山上百姓謂之神靈也
齊封田文於此號孟嘗君有惠喻惠喻前當作惠譽即馮煖焚券事

也今郭側猶有文冢結石為郭作制巖固瑩麗可

尋行人往還莫不逕觀以為異見矣潞水又西逕

仲虺城北晉太康地記曰奚仲遷於邳仲虺居之

以為湯左相其後當周爵稱侯後見侵削霸者所

絀為伯任姓也應劭曰邳存薛宋本作邳在薛徐廣史記

音義曰楚元王子邳以呂后二年封上邳侯也孫

按史記楚元王子劉郢客封上邳侯有下故此為上矣晉書地道記

曰仲虺城在薛城西三十里潞水又西逕至胡陸

縣入于泗故京相璠曰薛縣潞水首受蕃縣西注

山陽胡陸是也經言瑕丘東誤耳

又南過平陽縣西

縣即山陽郡之南平陽縣也竹書紀年曰梁惠成

王二十九年齊田盼及宋人伐我東鄙圍平陽者

也王莽改之曰屯平矣泗水又南逕故城西世謂

之漆鄉應劭十三州記曰漆鄉邾邑也杜預曰平

陽東北有漆鄉潞今見有故城西南方二里所未

詳也

又南過高平縣西洸水從北西來流注之

泗水南逕高平山山東西十里南北五里高四里
 與衆山相連其山最高頂上方平故謂之高平山
 縣亦取名焉泗水又南逕高平縣故城西漢宣帝
 地節三年封丞相魏相爲侯國高帝八年封將軍
 陳錯爲橐侯史記漢書功臣表並作橐侯陳錯爲
將從擊陳豨有功舊本水經注亦作
橐侯此注改作橐侯未知何據地理志曰縣故山
豈鄒君所見史漢別本有異乎陽之橐也舊本橐王莽改曰高平應劭曰章帝改
 接本志曰王莽更名章帝因之矣所謂泚水者泚
 水也蓋泚凍相入受通稱矣

又南過方輿縣東

漢地理志方輿縣屬山陽郡音灼音房豫

漢高帝建平四年縣女子田無嗇生子先未生二
 月兒啼腹中及生不舉葬之陌上三日人過聞啼
 聲母掘養之

荷水從西來注之

荷當作荷

荷水即沛水之所苞注以成湖澤也而東與泗水
 合於湖陵縣西六十里穀庭城下俗謂之黃水口
 黃水西北通巨野澤蓋以黃水公注于荷故因以
 名焉

又屈東南過湖陸縣南海涓涓水

宋本作涓涓水從東北來流

注之

地理志曰故湖陸縣也荷水在南王莽更曰湖陸
應劭曰尚書一名湖陵章帝封東平王蒼子爲湖
陵侯更名湖陵也泗水又東逕郟鑿所築城北又
東逕湖陵城東南昔桓温北入也范曄擒慕容忠
於此城東有度尚碑泗水又左會南梁水地理志
曰水出蕃縣今縣之東北平澤出泉若輪焉發源
成川西南流分爲二水北枝水西出逕蕃縣北西
逕滕城北春秋左傳隱公十一年滕侯薛侯來朝
爭長薛侯曰我先封滕侯曰我周之卜正也薛侯
姓也我不可以後之公使羽父請薛侯曰君辱在

寡人臣請友之曰山有木工則度之賓有禮主則
擇之周之宗盟異姓爲後寡人若朝于薛不敢與
諸任齒君若辱賜寡人則願以滕君爲請薛侯許
之乃長滕侯者也漢高祖封夏侯嬰爲侯國號曰

滕公鄧晨曰今沛郡公丘也其水又漑於丘焉

當作縣故城在滕西北按地理志卽滕也周懿王

子錯叔繡文公所封也

埤按左傳富辰曰管蔡邲
霍魯衛毛聃邴雍曹滕畢

原鄧卹文之昭也世本云周文王子錯叔繡封于
滕杜預世譜並同唯漢書地志沛郡公丘縣注謂

滕是周懿王子錯叔繡
所封故水經注仍其說齊滅之秦以爲縣漢武帝
元朔三年封魯恭王子劉順爲侯國世以此水漑

我良田遂及百秭故有兩溝之名焉南梁水自枝渠西南逕魯國蕃縣故城東俗以南隣於漵亦謂之西漵水南梁水又屈逕城南應劭曰縣古小邾邑也地理志曰其水西流注于沛沛在湖陸西而左注西宋本作泗泗沛合流故地記或言沛入泗泗亦言入沛互受通稱故有入沛之文闕駟十三州志曰西至湖陸入泗是也經無南梁之名而有洧洧之稱舊本作涓涓疑卽是水也戴延之西征記亦言湖陸縣之東南有洧涓水亦無記於南梁謂是吳王所道之瀆也余按湖陸西南止自宋本作有是水延

之蓋以國語云吳王夫差起師將北會黃池掘溝於商魯之間北屬之沂西屬于沛以是言之故是水爲吳王所掘非也余以水路求之止自泗川耳蓋北達沂西北逕於商魯而接於沛吳所浚廣耳非謂起自東北受沂西南注沛也假之有通非吳所趣年載誠眇人情厠近以今村古知一延之之不通情理矣泗水又南漵水注之又逕薛之上邳城西而南注者也

又南過沛縣東

昔許由隱於沛澤卽是縣也縣蓋取澤爲名宋滅

屬楚左泗水之濱於秦爲泗水郡治黃水注之黃
水出小黃縣黃鄉黃溝國語曰吳子會諸侯於黃
池者也黃水東流逕外黃縣故城南張晏曰魏郡
有內黃縣故加外也薛瓚曰縣有黃溝故縣氏焉
圈稱陳留風俗傳曰縣南有渠水於春秋爲宋之
曲棘里故宋之別都矣春秋昭公二十五年宋元
公卒於曲棘是也宋華元居於稷里宣公十五年
楚鄭圍宋晉解揚圍楚致命于此宋人懼使華元
乘閫夜入楚師登子反之床曰寡君使元以病告
弊邑易子而食析骸以爨城下之盟所不能也子

反退一舍宋楚乃平今城東闔上猶有華元祠祠
之不輟城北有華元冢黃溝自城南東逕蔡丘下
春秋僖公九年齊桓公會諸侯于葵丘宰孔曰齊
侯不務德而勤遠畧北伐山戎南伐楚西爲此會
東畧之不知西則否矣其有亂乎君務靖亂無勤
於行晉侯乃還卽此地也黃溝又東注大澤蒹葭
莞葦生焉卽世所謂大薺陂也陂水東北流逕定
陶縣南

又東逕山陽郡

成武縣之楚丘亭北黃溝又東逕郟城北成武縣

故城南王莽更之自成安也黃溝又東北逕郟城
北春秋桓公二年經書取郟大鼎于宋戊申納于
大廟左傳曰宋督攻孔父而取其妻殺殤公而立
公子憑以郟大鼎賂公臧獲伯諫爲非禮十三州
志曰今成武縣東南有郟城俗謂之北郟者也黃
溝又東逕平樂縣故城南又東右合泡水卽豐水
之上源也水土承大薺陂東逕貫城北又東逕巴
氏縣故城北王莽之巴善也縣有伊尹冢崔駰曰
殷帝沃丁之時時伊尹卒葬于薄皇覽曰伊尹冢
在濟陰巴氏平利鄉皇甫謐曰伊尹年百餘歲而

卒大霧三日沃丁葬以天子之禮親自臨喪以報
大德焉又東逕孟諸澤杜預曰澤在梁國睢陽縣
東北逕卬城縣故城南地理志曰山陽縣也王莽
更名之曰郟城矣故世有南郟北郟之論也又東
逕單父故城南昔宓子賤之治也孔子使巫馬期
觀政入其境見夜漁者問曰子得魚輒放何也曰
小者吾大夫欲長育之故也子聞之曰誠彼形此
子賤得之善矣惜哉不齊所治者小也王莽更名
斯縣爲利善矣世祖建武十三年封劉茂爲侯國
又東逕平樂縣右合泡水水上承濰水一作濰水水下同於

下邑縣界東北注一水上承淮水於杼秋縣界北
 流世又謂之瓠盧溝水積為渚渚水東北流二渠
 雙引左合澧水俗謂之二泡也自下澧泡並得通
 稱矣故地理志曰平樂侯國也泡水所出又逕豐
 西潭謂之豐水漢書稱高祖送徒麗山徒多亡到
 豐西澤有大蛇當徑拔劒斬之此即漢高祖斬蛇
 處也又東逕大偃水分為二又東逕豐縣故城南
 王莽之吾豐也水側城東北流右合枝水上承豐
 西大偃偃當偃作偃派流東北逕豐城北東注澧水澧水
 又東合黃水時人謂之經水蓋狂黃聲相近俗傳

失實也自下黃水又兼通稱矣水上舊有梁謂之

泡橋王智深宋史云宋太尉劉義恭於彭城遣軍

正舊本作遣軍王吳本改作軍正並誤當作軍主

六朝時每謂將帥為軍主如梁書韋粲令軍主

鄭逸逆擊侯稽玄敬北至城隄候魏軍魏軍於清

景是其例也西望見玄敬士眾魏南康侯杜道儁引趣泡橋沛

縣民逆燒泡橋又於林中打鼓儁謂宋軍大至爭

渡泡水水深酷寒凍溺死者殆半清水即泗水之

別名也沈約宋書稱魏軍欲渡清西非也泡水又

東逕沛縣故縣疑城南秦末兵起蕭何曹參迎漢

祖於此城高帝十一年封合陽侯劉仲子為侯國

城內有漢高祖廟廟前有三碑後漢立廟基以青石爲之階陛尚存劉備之爲徐州也治此袁術遣紀靈攻備備求救呂布布救之屯小沛招靈請備共飲布謂靈曰玄德布弟也布性不熹合鬪但熹解鬪乃植戟於門布彎弓曰觀布射戟小支中者當各解兵不中可留決鬪一發中之遂解此卽布射戟支處也述征記曰城極大四周塹通豐水豐水於城南東注泗卽泡水也地理志曰泡水自平樂縣東北至沛入泗者也泗水南逕小沛縣東縣治故縣南垞上東岍有泗水亭漢祖爲泗水亭長

卽此亭也故亭今有高廟廟前有碑延熹十年立廟闕崩禡畧無全者水中有故石梁處遺石尚存高祖之破黥布也過之置酒沛宮酒酣歌舞慷慨傷懷曰遊子思故鄉也泗水又東南流逕廣戚縣故城南漢武帝元朔元年封劉澤爲侯國王莽更之曰力聚也泗水又逕留縣而南逕垞城東城西南有崇侯虎廟道淪遺愛不知何因而遠有此圖泗水又南逕宋大夫桓魋冢西山抗泗水上而盡石鑿而爲冢今人謂之石郭者也郭有二重石作工巧夫子以爲不如死之速朽也

石枵事具檀弓

又東南過彭城縣東北

泗水西有龍華寺是沙門釋法顯遠出西域浮海東還持龍華圖首創此制法流中夏自法顯始也其所持天基二石仍在南陸東基堪中其石尚光潔可愛泗水又南淮水入焉而南逕彭城縣故城東周顯王四十二年九鼎淪沒泗淵秦始皇時而鼎見於斯水始皇自以德合三代大喜使數千人没水求之不得所謂鼎伏也亦云系而行之未出龍齒齧斷其系故語曰稱樂大早絕鼎系當是孟浪之傳耳泗水又逕龔勝墓南墓碣尚存又經亞

父冢東皇覽曰亞父冢在廬江縣郭東居巢亭中有亞父井吏民親事皆祭亞父於居巢廳上後更造祠於郭東至今祠之按漢書項羽傳歷陽人范增未至彭城而發疽死不言之居巢今彭城南有項羽掠馬臺臺之西南山麓上卽其冢也增不慕范蠡之舉而自絕於斯可謂褊矣推考書墓事近於此也

又東南過呂縣南

呂宋邑也春秋襄公元年晉師伐鄭及陳楚子辛救鄭侵宋呂留是也縣對泗水漢景帝三年有白

頸烏與黑烏羣鬪於縣白頸烏不勝墮泗水中死
者數千京房易傳曰逆親親厥妖白黑烏鬪時有
吳楚之反泗水之上有石梁焉故曰呂梁也昔宋
景公以弓工之弓彎弧東射矢集彭城之東飲羽
於石梁卽斯梁也懸濤瀟濟實爲泗嶮孔子所謂
魚鼈不能游又云懸水三十仞流沫九十里今則
不能也蓋惟嶽之喻未便極天明矣晉太康地記
曰水出磬石書所謂泗濱浮磬者也泗水又東南
流丁溪水注之溪水北承泗水於呂縣東南流北
帶廣隰山高而注于泗川泗水冬春淺濫常排沙

通道是以行者多從此溪卽陸賦所云乘丁水之
捷岸排泗川之積沙者也晉太原九年左將軍謝
玄於呂梁遣督護聞人奭用工九萬擁水立七拖
以利運漕者拖當作埭晉書謝玄堰呂梁水植柵
立七埭爲派擁二岸之流以利漕運
又東南過下邳縣西

泗水歷縣逕葛嶧山東卽奚仲所遷邳嶧者也泗
水又東南逕下邳縣故城西東流沂水流納注
焉故東海屬縣也應劭曰奚仲自薛徙居之故曰
下邳也漢徙齊王韓信爲楚王都之後乃縣焉王
莽之閏儉東陽郡治文穎曰秦嘉東陽郡今下邳

是也晉灼曰東陽縣本屬臨淮郡明帝分屬下邳
 後分屬廣陵故張晏曰東陽郡今廣陵郡也漢明
 帝置下邳郡矣城有三重其大城中有司馬石苞
 鎮東將軍胡質司徒王渾監軍石崇四碑南門謂
 之白門魏武擒陳宮於此處矣中城呂布所守也
 小城晉中興北中郎將荀美郝曇所治也昔太山
 吳伯武少孤與弟文章相失二十餘年遇於縣市
 文章欲歐伯武心神悲慟因相詢問乃兄弟也俗風
通云泰山吳文章少與兄伯武相失二十年後會
 下邳市爭鬪伯武毆之文章不忍報更相借問乃
 親也文章後縣為沂泗之會也又有武原水注
 官陳留太守

之水出彭城武原縣西北會注陂南逕其城西王
 莽之樂亭也縣東有徐廟山山因徐徙以即名之
 崔山上有石室徐廟也武原水又南合武水謂之
 泗水南逕剛亭城又南至下邳入泗謂之武原水
 口也又有桐水出西北東海容丘縣東南至下邳
 入泗泗水東南至下邳縣故城東王莽之從德也
 城之西北有漢太尉陳球墓墓前有二碑是弟子
 管寧華歆等所造初平四年曹孟德破徐州破之拔
 取慮睢陵夏丘等縣以其父墓被毀於此屠其
 男女十萬泗水為之不流自是數萬人無行跡亦

為暴矣泗水又東南得睢水口泗水又逕宿預城
 之西又逕其城南故下邳之宿留縣也王莽更名
 之曰康義矣晉元皇之為安東也督運軍儲而為
 邱閣也魏太和中南徐州治後省為戍梁將張惠
 紹北入水軍所次憑固斯城更增修郭塹其四面
 引水環之今城在泗水之中也
 又東南入于淮

泗水又東逕陵柵南西征記曰舊陵縣之治也泗
 水又東南逕淮陽城城一本無北臨泗水昔葛丘
 訢飲馬斬蛟眇目於此處也韓詩外傳東海有葛丘

馬馬為蛟所取訢拔劍入水三日三夜殺二蛟而
 出雷神隨而擊之眇其左目吳越春秋作椒丘訢
 云訢為齊王使吳過淮津飲馬於淮水神取其馬
 訢大怒袒裼持劍入水求神突戰連日乃出眇其
 一目泗水又東南逕魏陽城北城枕泗川陸機行思
 賦曰行魏陽之枉渚故無魏陽疑即泗陽縣故城
 也王莽之所謂淮平亭矣蓋魏文帝幸廣陵所由
 或因變之未詳也泗水又東逕角城北而東南流
 注于淮考諸地說或言泗水於睢陵入淮亦云於
 下相入淮皆非實錄也

沂水出泰山蓋縣艾山

鄭玄云出沂山亦或云臨樂山水有三源南源所

導世謂之柞泉屯水所發俗謂之魚窟山

御覽引此注云

臨樂山水有二源南源所導世謂之柞泉北水所發俗所謂魚窟泉

俱東南流合成

一川右會洛預水水出洛預山東北流注之沂水

東南左合桑預水水比出桑預山東流

一作于沂注

水沂水又東南螳螂水入焉出魯山東南流右注

沂水水又東逕蓋縣故城南東會連綿之水水發

連綿山南流逕蓋城東而南入沂沂水又東逕浮

來之山春秋經書公及莒人盟于浮來者也即公

來山也在邳鄉西故號曰邳來之間也浮來之水

注之其水左控三川右會甘水而注于沂沂水又

南逕爆山西山有二峰相去一里雙巒齊秀員峙

若一沂水又東南逕東苑縣故城西與沂水合孟

康曰縣故鄴邑今鄴亭是也漢武帝元朔二年封

城陽共王弟吉為東苑侯

孫按史漢年表俱作東苑侯索隱曰屬邳邪

魏文帝黃初中立為東苑郡

晉書地志云太康元年分邳邪置東苑郡

統縣八一日東苑故魯鄴邑也曰朱虛營陵安丘蓋臨胸劇廣此云黃初中立所未詳也

東燕

錄謂之圍城劉武帝北伐廣固登之以望王難

字誤當作五龍廣固有五龍口塞其口則城必陷詳具二十六卷

魏南青州治左

氏傳曰莒魯爭鄆為日多

宋本矣今城北鄆亭是

也京相璠曰琅邪姑幕縣南四十里員亭故魯鄆

邑世變其字非也郡國志東苑有鄆亭今在圍城東北四十里猶謂之故東苑城矣小沂水出黃孤山西南流逕其城北西南注于沂沂水又南與閭山水合水出閭山東南流右佩二水總歸于沂沂水南逕東安縣故城東而南合時密水水出時密山莒地莒人歸共仲于魯及密而死是也密水東流逕東安城南漢封魯孝王子強為東安侯

漢地理志

東海郡有東安縣王子子強為東安侯

密水又東南流入沂沂水又南桑泉水北出五女山東南流巨圍

水注之水出巨圍之山東南注于桑泉水桑泉水

又東南堂阜水入焉其水導源堂阜春秋莊公九年管仲請囚鮑叔受之及堂阜而稅之杜預曰東莞蒙陰縣西北有夷吾亭者是也堂阜水又東南注桑泉水桑泉水又東南逕蒙陰縣故城北王莽之蒙恩也又東南與叟崗水合水有二源雙會東導一川俗謂之汶水也東逕蒙陰縣注桑泉水又南東廬川水注之水出鹿嶺山東南流左則二川臻湊右則諸葛泉源斯奔亂流逕城陽之盧縣故蓋縣之廬上里也漢武帝元朔二年封城陽其王

弟劉稀為侯國

漢書王子侯表云城陽其王弟稀封雷侯按盧與雷古字通用周

禮廬維續讀作
雷雍是也

王莽更名之曰著善矣又東南注于

桑泉水桑泉水又東南右合蒙陰二水水出蒙陰

山東北流昔琅邪承宮避亂此山立性好仁不與

物競人有認其黍者捨之而去東觀漢記承宮將妻子入華蓋蒙陰

山谷耕種禾黍人有認其黍者亦不與競捨之而去其水東北流入沂沂水

又南逕陽都縣故城東縣故陽國也齊同盟齊利

其地而遷之者也漢高帝六年封將軍丁復為侯

國沂水又南與蒙山水合水出蒙山之陰東流逕

陽都縣南東注沂水沂水又左合溫水水上承溫

泉陂而西南入于沂水者也

沂水南逕中丘城西春秋隱公七年夏城中丘左

傳曰書不時也沂水又南逕臨沂縣故城東郡國

志曰琅邪有臨沂縣故屬東海郡有洛水注之水

出太山南武陽縣之冠石山地理志曰冠石山洛

水所出應劭地理風俗志曰武水出焉蓋水異名

也東流逕蒙山下有蒙祠洛水又東南逕顓臾城

北郡國志曰縣有顓臾城季氏將伐之孔子曰昔

者先王以為東蒙主社稷之臣也何以伐為冉有

曰今夫顓臾固而便近於費者也洛水又東南流

水經注卷之五

逕費縣故城南地理志東海之屬縣也爲魯季孫
之邑子路將墮之公山弗擾師襲魯弗克後季氏
爲陽虎所執弗擾以費畔卽是邑也漢高帝六年
封陳賀爲侯國王莽更名之曰順從也許慎說文
云沂水出東海費縣東西入泗從水斤聲呂忱字
林亦言是矣斯水東南所注者沂水在西不得言
東南趣也皆爲謬矣故世俗謂此水爲小沂水洛
水又東南逕祊城南春秋隱公八年鄭伯請釋太
山之祀而祀周公使宛歸泰山之祊而易許田杜
預釋地曰祊鄭祀泰山之邑也在琅邪費縣東南

洛水又東南流注于沂沂水又南逕開陽縣故城
東縣故邾國也春秋左傳昭公十八年邾人襲邾
盡俘以歸邾子曰余無歸矣從孥于邾是也後更
名開陽矣春秋哀公三年經書季孫斯叔孫州仇
帥師城啓陽者是矣縣故琅邪郡治也

又東過襄賁縣東屈從縣西南流又屈南過郟縣西
魯連子稱陸子謂齊湣王曰魯費之衆臣甲舍于
襄賁者也王莽更名章信也郟故國也少昊之後
春秋昭公十七年郟子朝魯公與之宴昭子叔孫
婁問曰少昊鳥名官何也郟子曰吾祖也我知之

黃帝炎帝以雲火紀官太皞以龍紀少皞瑞鳳鳥
統歷鳥官之司議政斯在孔子從而學焉既而告
人曰天子失官學在四夷者也

孫按左傳郊子曰昔者黃帝氏以雲

紀炎帝氏以火紀共工氏以水紀太皞氏以龍紀我高祖少皞氏摯之立也鳳鳥適至故紀於鳥自顯頊以來不能紀遠乃紀於近為民師而命以民事則不能故也竹書紀年晉烈

公四年越子未旬滅郊以郊子鵠歸

今竹書紀年晉烈公六年

於越子朱勾伐郊以郊子鵠歸

縣故舊魯也東海郡治秦始皇以

為郊郡漢高帝二年更從今名即王莽之沂平也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳
子辭水道不可以行晉乃還是也地理志曰良城
王莽更名承翰矣沂水於下邳縣北西流分為二
水一水於城北西南入泗一水逕城東屈從縣南
亦注泗謂之小沂水水上有橋徐泗間以為圯昔
張子房遇黃石公於圯上即此處也建安二年曹
操圍呂布於此引沂泗灌城而擒之

洙水出泰山蓋縣臨樂山

地理志曰臨樂山洙水所出西北至蓋入泗水或
作池字蓋字誤也洙水自山西北逕蓋縣漢景帝

中元五年封后兄信為侯國又西逕泰山東平陽縣春秋宣公八年冬城平陽杜預曰今泰山平陽縣是也河東有平陽故此加東矣晉武帝元康九年改為新泰縣也

西南至卞縣入于泗

洙水西南流盜泉水注之泉出卞城東北卞山之陰尸子曰孔子至於暮矣而不宿於盜泉渴矣而

不飲惡其名也

史記鄒陽傳注引尸子曰孔子至勝母縣暮矣而不宿而淮南子及

鹽鐵論並云里名勝母會子不入

故論撰考識曰水名盜泉仲尼

不漱即斯泉矣西北流注于洙水洙水又西南流

于卞城西西南泗水亂流西南至魯縣東北又分

為二水水側有故城兩水之分會也洙水西北流

逕孔里此是謂洙泗之間矣春秋之浚洙非謂始

導矣蓋深廣之耳洙水又西南枝津出焉又南逕

瑕丘城東而南入石門門又結石為水門跨於水

上也西南流世謂之杜武溝洙水又西南逕南平

陽縣之顯閭亭西邾邑也春秋襄公二十一年經

書邾庶其以漆閭丘來奔者杜預曰平陽北有顯

閭亭十三州記曰山陽南平陽縣又有閭丘鄉從

征記曰杜謂顯閭丘也今按漆鄉在縣東北漆鄉

東北十里見有閭丘鄉顯閭非也然則顯閭自是別亭未知孰是又南泚水注之呂忱曰泚水出東

平上水當作承汶水於岡縣西闡亭東爾雅曰汶別

為闡其曰洛之波矣一作其由洛之有波矣泚水西南流逕

盛鄉城西京相璠曰岡縣西南有盛鄉城者也又

南逕太山寧陽縣故城西漢武帝元朔三年封魯

共王子劉恬為侯國王莽改之曰寧順也又南泚

水枝津注之水首受洙西南流逕瑕丘城北又西

逕寧陽城南又西南入于泚水泚水又西南逕太

山郡乘丘縣故城東趙肅侯二十年韓將舉與齊

魏戰于乘丘即此縣也史記世家趙肅侯二十三年韓舉與齊魏戰死于桑

丘漢地志太山郡有桑丘乃史誤也漢武帝元朔五年封中山靖王

子劉將夜為侯國也泚水又東南流注于洙水又

南至高平南入于泗水西有茅鄉城東去南平堯

云當作高平三十里京相璠曰今高平縣西三十里有

故茅鄉城者也

... 十 ... 十一 ... 十二 ... 十三 ... 十四 ... 十五 ... 十六 ... 十七 ... 十八 ... 十九 ... 二十 ... 二十一 ... 二十二 ... 二十三 ... 二十四 ... 二十五 ... 二十六 ... 二十七 ... 二十八 ... 二十九 ... 三十 ... 三十一 ... 三十二 ... 三十三 ... 三十四 ... 三十五 ... 三十六 ... 三十七 ... 三十八 ... 三十九 ... 四十 ... 四十一 ... 四十二 ... 四十三 ... 四十四 ... 四十五 ... 四十六 ... 四十七 ... 四十八 ... 四十九 ... 五十 ... 五十一 ... 五十二 ... 五十三 ... 五十四 ... 五十五 ... 五十六 ... 五十七 ... 五十八 ... 五十九 ... 六十 ... 六十一 ... 六十二 ... 六十三 ... 六十四 ... 六十五 ... 六十六 ... 六十七 ... 六十八 ... 六十九 ... 七十 ... 七十一 ... 七十二 ... 七十三 ... 七十四 ... 七十五 ... 七十六 ... 七十七 ... 七十八 ... 七十九 ... 八十 ... 八十一 ... 八十二 ... 八十三 ... 八十四 ... 八十五 ... 八十六 ... 八十七 ... 八十八 ... 八十九 ... 九十 ... 九十一 ... 九十二 ... 九十三 ... 九十四 ... 九十五 ... 九十六 ... 九十七 ... 九十八 ... 九十九 ... 一百

水經注箋卷第二十六



漢 桑 欽撰

後魏 酈道元 注

明 李長庚訂

孫汝澄

朱謀埠箋

李克家全校

沐水 巨洋水

淄水

汶水 濰水

膠水

沐水出琅邪東莞縣西北山

漢地理志術水出琅邪郡東莞縣南至下邳入

泗過郡三行七百一十里青州寢

大棄山與小太山連麓而異名也

大棄字誤宋本作大弁按山東

古志亦作大弁山與小太山連麓則此大棄乃寫譌也

引控衆流積以成川

東南流逕邳鄉南南去縣八十許里城有三面而不周於南故俗謂之半城沐水又東南流左右峴水水北出大峴山東南流逕邳鄉東東南流注于沐水也

東南過其縣東

沐水左與箕山之水合水出東諸縣西箕山劉澄之以為許由之所隱也更為巨謬矣其水西南流注于沐水也

又東南過莒縣東

地理志曰莒子之國盈姓也少昊後列女傳曰齊

人杞梁殖襲莒戰死其妻將赴之道逢齊桓公公將弔之杞梁妻曰如殖有罪君何辱命焉如殖無罪有先人之弊廬在下妾不敢與郊弔公旋車弔

諸室妻乃哭於城下七日而城崩

列女傳云齊莊公襲莒杞梁殖

戰而死莊公歸遇其妻使弔於路杞梁妻曰妾有先人之敝廬在莊公乃還車詰其室成禮然後去此云桓公故琴操云殖死妻援琴作歌曰樂莫樂

字之譌也 今新相知悲莫悲今生別離哀感皇天城為之墜

即是城也其城三重並悉崇峻唯南開一門內城方十二里郭周四十許里尸子曰莒君好鬼巫而國亡無知之難小白奔焉樂毅攻齊守險全國秦

始皇縣之漢興以為城陽國封朱虛侯章治莒王

莽之莒陵也光武合城陽國為琅邪國以封皇子

京雅好宮室窮極伎巧壁帶飾以金銀明帝時京

不安莒移治閭陽矣後漢書作章帝時沐水又南

表公謝云表公當作袁公水東出清山尋坤維而注沐水

又南潯水注之水出於巨公之山西南流舊竭以

溉渚田東西二十里南北十五里潯水又西南流

入沐水水又南與葛陂水會水發三注山西南流

逕辟城城南世謂之辟陽城史記建元以來王子

侯者年表曰漢武帝元朔二年封城陽共王子劉

侯劉壯為侯國也漢書王子侯表云元朔二年五月甲戌封城陽共王子壯為壁

侯謚曰節侯舊本元符誤其水於邑積以為陂謂之辟陽湖西

南流注于沐水也

又南過陽都縣東入于沂

沐水自陽都縣又南會武陽溝水水東出倉山山

上有故城世謂之監官城非也即古有利城矣漢

武帝元朔四年封城陽共王子劉釘為侯國也其

城因山為基水導山下西北流謂之武陽溝又西

至即丘縣注于沐水水又南逕東海郡即丘縣故

春秋之祝丘也桓公五年經書齊侯鄭伯如紀城

祝丘左傳曰齊鄭朝紀欲襲之漢立為縣王莽更之曰就信也郡國志曰自東海分屬琅邪闕駟曰郎祝魯之音蓋字承讀變矣沐水又南逕東海厚丘縣王莽更之祝其亭也分為二瀆西南出今無水世謂之枯水當作枯沐一瀆南逕建陵縣故城東漢景帝八年封石綰為侯國孫云按史記年表景帝六年衛綰封建陵侯王莽更之曰付亭也沐水又南逕陵山西魏正元中齊王之鎮徐州也立大塌遏水西流兩瀆之會置城防之曰曲沐戍自流三十里西注沐水舊瀆謂之新渠自厚丘西南出左會新渠南入淮陽宿

預縣注泗水地理志所謂至下邳注泗者也經言於陽都入沂非矣沐水左瀆自大堰水斷故瀆東南出桑堰水注之水出襄賁縣泉流東注沐瀆又南左合橫溝水水發瀆右東入沐之故瀆又南暨于堰舊本作暨于渴蓋竭字之誤也吳改作堰其水西南流逕司吾山

東又逕司吾縣故城西春秋左傳楚執鍾吾子以為司吾縣王莽更之息吾也又西南至宿預注泗水也沐水故瀆自下堰東南逕司吾城東又東南

歷祖口祖當作祖下同城中祖水出於楚之祖地春秋襄

公十年經書公與晉及諸侯會吳于祖春秋作祖杜預云祖

楚地音莊加反京相璠曰宋地今彭城偃陽縣西

北有祖水溝去偃陽八十里東南流逕偃陽字縣

故城東北地理志曰故偃陽國也春秋左傳襄公

十年夏四月戊午會于祖晉荀偃士句請伐偃陽

而封宋向戌焉荀瑩曰城小而固勝之不武弗勝

為笑固請丙寅圍之弗克孟氏之臣秦董父輦重

如役偃陽人啓門諸侯之士門焉縣門發鄴克家云左

傳作人紇抉之以出門者狄虎彌建大車之輪而

蒙之以甲以為櫓左執之右拔戟以成一隊孟獻

子曰詩所謂有力如虎者也主人縣董父登之

及堞而絕之墜則又縣之蘇而復上者三主人辭

焉乃退帶其斷以徇於軍三日諸侯之師久於偃

陽請歸智伯怒曰七日不克爾乎取之以謝罪也

荀偃士句攻之親受矢石遂滅之以偃陽子歸獻

子據左傳子字衍于武宮謂之夷俘偃陽妘姓也漢以為

縣漢武帝元朔三年封齊孝王子劉就為侯國王

莽更之輔陽也郡國志曰偃陽有祖水祖水而南

亂于沂而注于沐謂之祖口城得其名矣東南至

煦縣入游注海也孫云煦縣當作胸縣

巨洋水出朱虛縣泰山北過其縣西

泰山卽東小泰山也巨洋水卽國語所謂具水矣
袁宏謂之巨昧王韶之以爲巨曩亦或曰胸瀾皆
一水也而廣其目焉其水北流逕朱虛縣故城西
漢惠帝二年封齊悼惠王子劉章爲侯國地理風
俗記曰丹山在西南丹水所出東入海丹水由朱
虛丘阜矣故言朱虛城西有長坂遠峻名爲破車
峴城東北二十里有丹山世謂之凡山縣在西南
非山也丹危字相類音從字變也山導丹水有二
源各導一山世謂之東丹西丹水也西丹自穴山
北流逕劇縣故城東東丹水注之出方山山有三

水一水卽東丹水也北逕縣合西丹水而亂流又
東北出逕洿薄澗北洿水亦出方山流入平壽縣
積而爲渚水盛則北注東南流屈而東北流逕平
壽縣故城西而北入丹水謂之魚合口丹水又東
北逕望臺東東北注海蓋亦縣所氏者也
又北過臨胸縣東

巨洋水自朱虛北入臨胸縣熏冶泉水注之水出
西谿飛泉側瀨於窮坎之下泉谿之上源麓之側
有一祀目之爲冶泉祀按廣雅金神謂之清明斯
地蓋古冶官所在故水取稱焉水色澄明而清冷

特異淵無潛石淺鏤沙文中古壇參差相對後
 人微加功飾以為嬉遊之苑南北邃岸凌空疎木
 交合先公以太和中作信游岱余總角之年持節
 東州至若炎夏火流關早倦想提琴命友嬉娛永
 日桂筍尋返當作桂筍委浪琴歌既洽懽情亦
 暢是焉棲寄實可憑胡佳饒鮮荀匪
 直芳齊芍藥實亦潔並飛鱗其水東北流入巨洋
 謂之熏冶泉又逕臨胸縣故城東城古伯氏駢邑
 也漢武帝元朔二年封菑川懿王子劉奴為侯國
 應劭曰臨胸山名也故縣氏之胸亦水名其城側

川臨胸是以王莽用表厥稱焉其城上下泚水悉
 是劉武皇北伐廣固營壘所在矣巨洋又東北逕
 委粟山東孤阜秀立形若委粟又東北洋水注之
 水西出石膏山西北石澗口東南逕逢山下祠西
 洋水又南東歷逢山下即石膏山也麓三成壁立
 直上山上有石鼓鳴則年凶郭緣生續述征記曰
 逢山在廣固南三十里有祠并石鼓齊地將亂石
 人輒打石鼓聞數十里洋水歷其陰而東北流世
 謂之石溝水東北流出於委粟山北而東注于巨
 洋謂之石溝口然是水下流亦有時通塞及其春

夏水泛川瀾無輟亦或謂之爲龍泉水地理志石
膏山洋水是出也今於此縣唯是瀆當之似符羣
證矣巨洋又東北得邳泉口泉源西出平地東流
注于巨洋巨洋又北會建德水水西發逢山阜而
東流入巨洋水也

又北過劇縣西

巨洋水又東北合康浪水水發縣西南嶼山無事
樹木而負峭孤峙嶮岼分立左思齊都賦曰嶼嶺
其左是也康浪水北流注於巨洋巨洋又東北逕
劇縣故城西古紀國也春秋莊公四年紀侯不能

下齊以與弟季大去其國違齊難也後改曰劇故
魯連子曰胸劇之人辯者也漢文帝十八年別爲
菑川國後并北海漢武帝元朔二年封菑川懿王
子劉錯爲侯國王莽更之愈縣也城之北側有故
臺臺西有方地晏謨曰西去齊城九十七里耿弇
破張步於臨淄追至巨洋水上

舊本作巨味

僵尸相屬

卽是水也巨洋又東北逕晉龍驤將軍幽州刺史
辟閭渾墓東而東北流渾側有一墳甚高大時人
咸謂之爲焉陵

謝云一作馬陵

而不知誰之丘壟也巨洋

水又東北逕益縣故城東

孫云漢志北海郡有益縣

王莽更之

滌蕩也晏謨曰南去齊城五十里司馬宣王伐公孫淵北徙豐人住於此城遂改名爲南豐城也又東北積而爲潭枝津出焉謂之百尺溝西北流逕北益都城也漢武帝元朔三年封菑川懿王子劉胡爲侯國又西北流而注于巨淀矣

謝云當作注于巨洋

又東北過壽光縣西

巨洋水自湖東北流逕縣故城西王莽之翼平亭也漢光武建武二年封更始子鯉爲侯國城之西南水東有孔子石室故廟堂也中有孔子像弟子問經旣無碑誌未詳所立巨洋又東北流堯水注

之水出劇縣南有崩山卽故義山也俗入以其山角因名爲角崩山亦名爲角林山皆世俗音譌也水卽蕤水矣地理志曰劇縣有義山蕤水所出也北逕嶼山東俗亦名之爲青水矣堯水又東北逕東西壽光二城間應劭曰壽光縣有灌亭杜預曰在縣東南斟灌國也又言斟亭在平壽縣東南平壽故城在白狼水西今北海郡治水上承營陵縣之下流東北逕城東西入別畫湖亦曰朕懷湖湖東西二十里南北三十里東北入海斟亭在漑水東水出桑犢亭東覆甌山亭故高密郡治世謂之

故郡城山謂之塔山水曰鹿孟水亦曰戾孟水皆非也地理志曰桑犢故亭北海之屬縣矣有覆旣

山漑水所出北逕斟亭西北今日狼水按地理志

北海有斟縣京相璠曰故斟尋國禹後西北去灌

亭九十九十當作九里宋本亦誤耳漑水又北逕寒亭西

郡國志曰平壽有疑作斟灌東今按郡國志云北

城有薛瓚漢書集注云按汲郡古文相居斟灌東

郡灌是也明帝以封周後改曰衛斟尋在河南非

平壽也又云太康居斟尋羿亦居之桀又居之尚

書序曰太康失國兄弟五人徙于洛汭此即太康

之居為近洛也余考瓚所據今河南有尋也衛國

有觀土國語曰啟有五觀謂之姦子五觀蓋其名

也所處之邑其名曰觀皇甫謐曰衛也又云夏相

徙南丘依同姓之諸侯于斟灌斟尋氏即汲冢書

云相居斟灌也既依斟尋明斟尋非一居矣竊后

既仗善射篡相韓浞亦因逢蒙弑羿即其居以生

澆因其室而有豷左傳魏莊子曰寒浞殺羿因羿

字通故春秋襄公四年魏絳曰澆用師滅斟灌及

斟尋氏處澆於過處豷于戈是以伍員言於吳子

曰過澆殺斟灌以伐斟尋是也有夏之遺臣曰靡

事羿羿之死也逃于隔氏今隔縣也收斟灌尋二國之餘燼殺韓浞而立少康滅之有窮遂亡也是蓋寓其居而生其稱宅其業而表其邑縱遺文泐禡亭郭有傳未可以彼有灌目謂此專此為宋本云未可以彼有灌目謂專此為非捨此尋名而專彼為是以上推傳應氏之據亦可按矣堯水又東北注巨洋伏琛晏謨並言堯嘗頓駕於此故受名焉非也地理志曰蕤水自劇東北至壽光入海泂其逗孫云疑作逕趣卽是水也

又東北入于海

巨洋水東北逕望海臺西東北流伏琛晏謨並以爲平望亭在平壽縣故城西北八十里古縣又或言秦始皇升以望海因曰望海臺未詳也按史記漢武帝元朔二年封菑川懿王子劉賞為侯國按史記劉賞封平望侯又東北注于海也

淄水出泰山萊蕪縣原山

淄水出縣西南山下世謂之原泉地理志曰原山淄水所出故經有原山之論矣淮南子曰水出自飴山蓋山別名也東北流逕萊蕪谷屈而西北流逕其縣故城南從征記曰城在萊蕪谷當路咀絕

兩山間道由南北門漢未有范史雲爲萊蕪令言
萊蕪在齊非魯所得引舊說云齊靈公滅萊萊民
播流此谷邑落荒蕪故曰萊蕪禹貢所謂萊夷也
夾谷之會齊侯使萊人以兵劫魯侯宣尼稱夷不
亂華是也余按太無萊柞舊本作萊柞誤並山名也郡縣
取目焉漢高祖置左傳曰與之無山及萊柞是也
應劭十三州記曰太山萊蕪縣魯之萊柞邑淄水
又西北轉逕城西又東北流與一水合水出縣東
南俗謂之家桑谷水從征記名曰聖水列仙傳曰
鹿皮公者淄川人也少爲府小吏才巧舉手成器

岑山上有神象人不能到小吏白府君請木工斤
斧二十人作轉輪造縣閣意思橫生數十日梯道
成上其巔作祠屋留止其傍其二間以自固食芝
草飲神泉七十餘年淄水來山下呼宗族得六十
餘人命上山半水出盡漂一郡沒者萬計小吏辭
遣家室令下山著鹿皮衣升閣而去後百餘年下
賣藥齊市也據列仙傳所載改正其水西北流注淄水淄水
又北出山謂之萊蕪口東北流者也

又東北過臨淄縣東

淄水自山東北流逕牛山西又東逕臨淄縣故城

南東得天齊水口水出南郊山下謂之天齊淵五泉並出南北三百步廣十步山即牛山也左思齊

都賦曰牛嶺鎮其南者也水在齊八祠中齊之為

名起於此矣封禪書云秦始皇東游海上禮祠名山大川及八神八神者一曰天主祠

天齊天齊淵水居臨菑南郊山下者二曰地主祠大山梁父三曰兵主祠蚩尤在東平陸監鄉齊之

西境也四曰陰主祠三山五曰陽主祠之眾六曰月主祠之萊山七曰日主祠成山八曰四時主祠

瑯琊地理風俗記曰齊所以為齊者即天齊淵名也

其水北流注於淄水又東逕四豪冢北水南山下

有四冢方基員墳咸高七尺東西直列是田氏四

王冢也淄水又東北逕蕩陰里孫按泗水南吟云遙望蕩陰里西

水東有冢一基三墳東西八十步是列士公孫接

田開疆古冶子之墳也晏子惡其勇而無禮投桃

以斃之死葬陽里即此也晏子春秋曰晏子惡三

餽之二桃曰三子計功而食桃矣田開疆曰吾伏兵而

窮而再搏乳虎可以食桃矣古冶子曰吾嘗從君

濟於河龍銜左驂以入砥柱之流吾潛行逆流百

步順流九里殺龍而出可以食桃無與人同矣二

子向不反桃抽劍而起二子皆挈領而死古冶子

亦自挈淄水又北逕其城東城臨淄水故曰臨淄

王莽之齊陵縣也爾雅曰水出其前左為營丘武王以其地封太公望賜之以四履都營丘為齊或以為都營陵史記周成王封師尚父于營丘東就

國道宿行遲萊侯與之爭營丘逆旅之人曰吾聞
 時難得而易失客寢安殆非就封者也太公聞之
 夜衣而行至營丘陵亦丘也獻公自營丘徙臨淄
 余按營陵城南無水唯城北有一水世謂之白狼
 水西出丹山俗謂凡山也東北流山爾雅出前左
 之文不得以為營丘矣營丘者山名也詩所謂子
 之營兮遭我乎徂之間兮漢地理志引齊詩曰子
 之營兮遭我乎嶮之間
 今注云齊詩也嶮字亦作徂亦作嶮作者多以丘陵號同又去萊差
 近咸言太公所封考之春秋經書諸侯城緣陵左
 傳曰遷杞也毛詩鄭注並無營字瓚以為非近之

今臨淄城中有丘在小城內周迴三百步高九丈
 北降丈五淄水出其前故有營丘之名與爾雅相
 符城對天齊淵故城有齊城之稱是以晏子言始
 爽鳩氏居之逢伯陵居之太公居之又曰先君太
 公築營之丘季札觀風聞齊音曰泱泱乎大風也
 哉表東海者其太公平回巴入齊過淄自鏡回巴
 當作
田巴新序云田巴臨淄
 水而觀形自知醜惡郭景純言齊之營丘淄水
 逕其南及東也非營陵明矣獻公之徙其猶晉氏
 深翼居絳非謂自營陵而之也其外郭即獻公所
 徙臨淄城也世謂之虜城言齊湣王伐燕燕王噲

死虜其民寶居因郭以名之

當作虜其民寶居郭因以名之

秦始皇

皇三十四年滅齊為郡治臨淄漢高六年封子肥

於齊為王國王莽更名濟南也戰國策曰田單為

齊相過淄水有老人涉淄而出不能行坐沙中單

乃解裘於斯水之上也

又東過利縣東

淄水自縣東北流逕東安平城北又東逕巨淀縣

故城南征和四年漢武帝幸東萊臨大海三月耕

巨淀即此也縣東南則巨淀湖蓋以水受名也淄

水又東北逕廣饒縣故城南漢武帝元鼎中封菑

川靖王子劉國為侯國淄水又東北馬車瀆水注

之受巨淀

克家云當作首受巨淀

淀即濁水所注也呂忱曰

濁水一名溷水出廣縣為山世謂之治嶺山東北

流逕廣固城西城在廣縣西北四里四周絕澗咀

水深隍晉永嘉中東萊人曹嶷所造也水側山際

有五龍口義熙五年劉武帝伐慕容超於廣固也

以藉嶮難攻兵力勞弊河間人玄文說裕云昔趙

攻曹嶷望氣者以為繩水帶城非可攻拔若塞五

龍口城當必陷石虎從之嶷請降降後五日大雨

雷電震開後慕容恪之攻段龕十旬不拔塞城

宋本

作塞 而龕降 十六國春秋云段蘭之子段龕 擁衆東屯廣固慕容恪破之 降後

無幾又震開之舊基猶存宜城修築裕塞之超及
城內男女皆悉腳弱病者大半超遂出奔為晉所
擒也然城之所跨實憑地嶮其不可固城者在此
濁水東北流逕堯山東從征記曰廣固城北三里
有堯山祠堯因巡狩登此山後人遂以名山廟在
山之左麓廟像東面華宇修整帝圖嚴飾軒冕之
容穆然山之上頂舊有上祠今也毀廢無復遺式
盤石上尚有人馬之跡徒黃石而已唯刀劍之蹤
逼真矣至於燕鋒代鏑魏鈇齊銘與今劍莫殊以

密模寫知人云所制矣

莊子云天子之劍以燕魏

為脊周宋為鐔韓魏為夾宋本作齊鏃疑當作齊
鐔以密模寫謂以蠟模搨其迹也樹提加經云庶
人然脂諸侯然蜜天子然漆晉書山
濤傳有蜜章亦謂以蠟封奏章也 西望胡公陵

孫暢之所云青州刺史傅弘仁言得銅棺隸書處

濁水又東北流逕東陽城北東北流合長沙水水

出逢山北阜世謂之陽水也東北流逕廣縣故城

西舊青州刺史治亦曰青州城陽水又東北流石

井水注之水出南山頂洞開望若門俗謂是山為

磬 當作勞 頭山其水北流注井井際廣城東側三面

積石高深一匹有餘長津激浪瀑布而下彭蠡之

音驚川聒谷滿濟之勢狀同淇井北流入陽水余
生長東齊極遊其下於中闊絕乃積綿載後因王
事復出海岱郭金紫惠同石井賦詩言意彌日嬉
娛尤慰羈心但恨此水時有通塞耳陽水東逕故
七級寺禪房南水北則長廡徧駕舊本作徧駕迥閣承
阿林之際則繩坐疏班錫鉢間設所謂修修釋子
耿耿禪棲者也陽水又東東疑逕陽城東南義熙
中晉青州刺史羊穆之築此以在陽水之陽卽謂
城之東陽城世以濁水爲西陽水故也水流亦有
時窮通信爲靈矣昔在宋世是水絕而復流劉晔

賦通津焉魏太和中此水復竭輟流積年先公除

州卽任未朞

北史酈範字世則范陽涿鹿人太武時給事東宮太武踐祚追錄先朝舊

勳賜爵永寧男爲征南大將軍慕容白曜司馬及定三齊範多進策白曜皆用其謀遂表爲青州刺史進爵是水復通澄映盈川所謂幽谷枯而更溢

窮泉輟而復流矣海岱之士又頌通津焉平昌耆

民

舊本作在民

孫道相頌曰唯彼繩泉竭踰三齡祈盡

珪璧竭窮斯牲道從隆替降由聖明耆民

舊本作耆民

河間趙焜頌云敷化未朞玄澤潛施枯源揚瀾涸
川滌陂北海郭欽曰先政輟津我后通洋但頌廣
文煩難以具載陽水又北屈逕漢城陽景王劉章

廟東東注于巨洋後人塌斷令北注濁水時人通
謂濁水爲陽水故有南陽北陽水之論二水渾流
世謂之爲長沙水也亦或通名之爲繩水故晏謨
伏琛爲齊記並云東陽城旣在繩水之陽宜爲繩
陽城非也世又謂陽水爲洋水余按羣書盛言洋
水出臨朐縣而陽水道源廣縣兩縣雖隣川土不
同於事疑焉濁水又北逕臧氏臺西又北逕益城
西又北流注巨淀地理志曰廣縣爲山濁水所出
東北至廣饒入巨淀巨淀之右又有女水注之水
出東安平縣之蛇頭山從征記曰水西有桓公冢

甚高大墓方七十餘丈高四丈員墳圍二十餘丈
高七丈餘一墓方七丈二墳晏謨曰依陵記非葬
禮如承世故與其母同墓而異墳伏琛所未詳也
冢東山下女水原有桓公祠侍其衡

三字未詳奏魏武

王所立曰近日路次齊郊瞻望桓公墳壟在南山
之阿請爲立祀爲塊然之主郭緣生述征記曰齊
桓公冢在齊城南二十里因山爲墳大冢東有女
水或云齊桓公女冢在其上故以名水也女水道
川東北流甚有神焉化隆則水生政薄則津竭燕
建平六年水忽暴竭玄明惡之寢病而亾燕太上

四年女水又竭慕容超惡之燕祚遂淪女水東北
 流逕東平安縣故城南續述征記曰女水至安平
 城南伏流一十五里然後更流注北楊水城故鄴
 亭也春秋魯莊公三年紀季以鄴入齊公羊傳曰
 季者何紀侯弟也賢其服罪請鄴以奉五祀公羊傳曰
 紀季者何紀侯之弟也何以不名賢乎紀季服罪
 也其服罪奈何魯子曰請後五廟以存姑姊妹
 田成子單之故邑也史記齊襄王入臨淄封田單
 為安平君集解云安平城在
 青州臨淄縣東十九里古紀之鄴邑也

後以為縣博陵有平故此加
 東也世祖建武七年封菑川王子劉茂為侯國又
 逕安平城東東北逕壟丘東東北入淀地理志曰

菟頭山女水所出東北至臨淄入巨淀又北為馬
 車瀆北合淄水又北時繩之水注之時水出齊城
 西南北二十五里平地出泉即如水也孫云如水當作水
 亦謂之源水因水色黑俗又目之為黑水西北逕
 黃山東又北歷愚山山東有愚公冢時水又屈而
 逕杜山北有愚公谷齊桓公時公隱於谿隣有認
 其駒者公以與之山即杜山之通阜以其人狀愚
 故謂之愚公韓非子曰齊桓公入山問父老此為少年謂牛不生駒遂持而去
 傍隣謂臣愚遂各為愚公谷故山水有石梁亦謂
 為石梁水又有瀆水注之水出時水東去臨淄城

按瀆柳本
 作瀆是也

保介此
字字實補
遺字注
三引此文

水經注卷二十一

卷二十一

十一

四百三十八

十八里所謂澧中也俗以澧水爲宿留水西北入于時水孟子去齊三宿而後出澧故世以此而變

水名也水南山西有王歟墓史記王蠋齊之畫邑人也昔樂毅

伐齊賢而封之歟不受自縊而死水側有田引水

溉跡尚存時水又西北逕西安縣故城南本渠也

齊大夫雖稟之邑矣左傳云初公孫無知雪于雍廩九年春齊人殺無知杜預

云雍廩齊大夫王莽更之曰東寧時水又西至石洋堰分

爲二水謂之石洋口枝津西北至梁鄒入沛時水

又北逕西安城西又北京水系水注之水出齊城

西南世謂寒泉也東北流直中門西京相璠杜預

並言中門卽齊城南面西第一門矣爲中池昔齊

懿公遊申池邴戎庸職二人害公於竹中左傳作邴歌問

職二人害齊懿公于竹中今池無復髮鬢然水側尚有小小竹

木以時遺生也左思齊都賦注申池在海濱齊數

也余按春秋襄公十八年晉伐齊戊戌伐雖門之

荻已亥焚雍門壬寅焚東北二郭甲辰東侵及沂

而不言北掠于海且晉獻子尚不辭死以逞志何

容對仇敵而不徵暴草木于海隅乎左傳襄十八年齊侯伐我

比前中行獻子將伐齊夢與厲公訟弗勝公以戈擊之首隊于前池日問梗陽之巫對曰今茲主必

捷有功官臣偃無敢復濟十二月己亥焚雍門及

水經注卷二十一

卷二十一

十一

四百三十八

西郭南郭劉難士弱率諸侯之師焚申池之竹木又炎夏火流非遠遊之

辰懿公見弑蓋是白龍魚遯見困近郊矣張衡東京賦云

白龍魚服見困豫且注引說苑伍子胥曰昔白龍下清冷之淵化為魚豫且射中其目此遯字當作

服左氏捨近遺遠考古非議杜預泛言有推據耳

系水傍城北流逕陽門西水次有故封處所謂齊

之稷下也當戰國之時以齊宣王喜文學遊說之

士鄒衍淳于髡田駢接子慎到之徒七十六人皆

賜列第為上大夫不治而論議是以齊稷下學士

復盛且數百十人劉向別錄以稷為齊城門名也

談說之士期會於稷門下故曰稷下也鄭志曰張

逸問贊云我先師棘下生何時人鄭玄答云齊

氏時善學者所會處也齊人號之棘下生無常人

也余按左傳昭公二十二年莒子如齊盟于稷門

之外漢以叔孫通為博士號稷嗣君史記音義曰

欲以繼蹤齊稷下之風矣然棘下又是齊城內地

名左傳定公八年陽虎劫公伐孟氏入自上東門

戰于南門之內又戰于棘下者也蓋亦儒者之所

萃焉故張逸疑而發問鄭玄釋而辯之雖異名于

見大歸一也城內有故臺有營丘有故景王祠即

章廟矣晉起居注云齊有大蛇長三百步

負小蛇長百餘步逕於市中市人悉觀自北門所
入處也北門外東北二百步有齊相晏嬰冢宅左
傳晏子之宅近市景公欲易之而嬰弗更為誡曰
吾生則近市死豈易志乃葬故宅後人名之曰清
節里系水又北逕臨淄城西門北而西流逕梧宮
南昔楚使聘齊齊王饗之梧宮卽是宮矣其地猶
名梧臺里臺甚層秀東西一百餘步南比如減卽
古梧宮之臺臺東卽闕子所謂宋愚人得燕石處
闕子曰宋之愚人得燕石於梧臺之東歸而藏之
以爲寶周客聞而觀主人齋戒七日端冕以發革
櫃十重緹巾十襲客見之掩口
笑曰此燕石耳與瓦礫不殊 臺西有石柱碑一作

石柱碑猶存漢靈帝熹平五年立其題云梧臺里

系水又西逕葵丘北春秋莊公八年襄公使連稱
管至父戍葵丘京相璠曰齊西五十里有葵丘地
若是無戍之僖公九年齊桓會諸侯于葵丘宰孔
曰齊侯不務修德而勤遠略葵丘不在齊也引胡
廣汾陰葵丘山陽西北葵城宜在此非也余原左
傳連稱管至父之戍葵丘以瓜時而往還之期請
代弗許將爲齊亂故令無寵之妹候公於宮因無
知之紬當作遂害襄公若出遠無代寧得謀及婦
人而爲公室之亂乎是以杜預稽春秋之旨卽傳

安之注于臨淄西不得捨近託遠苟成已異於異可殊即義為負然則葵丘之戍即此地也率按左傳齊桓

公葵丘之會宰孔曰齊侯不務修德而勤遠略故北伐山戎南伐楚西為此會也且天子使孔賜桓

公以文武之胙知與王都近矣故胡廣有山陽西北葵城之說而杜預說連稱管至父葵丘之戍云

在臨淄縣西有地名葵丘時水西左迤為潭又西

逕高陽僑郡南魏所立也又西北流注于時時水

又東北流繩水注之水出營城東世謂之漢溱水

也西北流逕營城北漢景帝四年封齊悼惠王子

劉信都為侯國繩水又西逕樂安南博昌縣故城

南應劭曰昌水出東萊昌陽縣道遠不至取其嘉

名闕駟曰縣處勢平故曰博昌繩水西歷貝丘京

相璠曰博昌縣南近繩水有地名貝丘在齊西北

四十里春秋莊公八年齊侯田于貝丘見公子彭

生豕立而泣齊侯墜車傷足於是處也繩水又西

北入時水從征記又曰水出臨淄縣北逕樂安博

昌南界西入時水者自下通謂之為繩也昔晉

侯與齊侯宴齊侯曰有酒如繩指喻此水也時水

又屈而東北逕博昌城北時水又東北逕齊利縣

故城北又東北逕巨淀縣故城北又東北逕廣饒

縣故城北東北入淄水地理風俗志曰淄入濡淮

南子曰白公問微言曰若以水投水如何孔子曰
淄繩之水合易牙嘗而知之謂斯水矣

淮南所引
孔子白公

語出列子說符篇及呂氏春秋審應覽俱作淄繩
音緇乘列子曰口將爽者先辨淄繩張湛注云淄
水出魯郡茌蕪縣繩水西自北海郡
千乘縣界流至壽光縣二水相合

又東北入于海

淄水入馬車瀆亂流東北逕琅槐故城南又東北
逕馬井城北與時繩之水互受通稱故邑流其號
又東北至皮丘沈入于海故晏謨伏琛並言淄繩
之水合於皮丘沈西地理志曰馬車瀆至琅槐入
于海也蓋舉縣言也

汶水出朱虛縣泰山

山上有長城西接岱山東連琅邪巨海千有餘里
蓋田氏之所造也竹書紀年梁惠成王二十年齊
築防以為長城竹書又云晉烈公十二年王命韓
景子趙烈侯及我師伐齊入長城據竹書紀
年校正史記
所謂齊威王越趙侵伐我長城者也伏琛晏謨並
言水出縣東南嶧山山在小泰山東者也

北過其縣東

汶水自縣東北逕嶧城北地理風俗記曰朱虛縣
東四十里有嶧亭城故縣也又東北逕管寧冢東

故晏謨言柴阜西南有魏獨行君子管寧墓墓前
 有碑又東北逕柴阜山北山之東有徵士邠原冢
 碑誌存焉汶水又東北逕漢青州刺史孫嵩墓西
 有碑碣汶水又東逕安丘縣故城北漢高帝八年
 封將軍張說為侯國地理志曰王莽之誅鄧也孟
 康曰今渠丘亭莒渠丘城是也伏琛晏謨齊記並
 言亭在丘城東北十里非城也城對牟山之西
 南有孫賓碩兄弟墓碑誌並在也
 又北過淳于縣西又東北入于縣

故夏后氏之斟灌國也周武王以封淳于公號曰

按二尚作五

淳于國春秋桓公六年冬州公如曹傳曰淳于公

如曹度其國危遂不復也其城東北則兩川交會

也春秋桓公五年冬州公如曹六年春正月寔來傳曰自曹來朝書曰寔來不復其國也杜預注云淳于州國所都城陽淳于縣也

維水出琅邪箕縣

琅邪山名也越王句踐之故國也句踐并吳欲霸

中國徙都瑯邪秦始皇二十六年滅齊以為郡城

即秦王之所築也遂登琅邪大樂之山作層臺於

其上謂琅邪臺臺在城東南十里孤立特顯出于

衆山上下周二十里餘傍濱巨海秦王樂之因留

三月乃徙黔首二萬戶於琅邪山下復十二年所
作臺基三層層高三丈上級平敞方二百餘步高
五里刊石立碑紀秦功德臺上有神淵淵主靈焉
人汗之則竭齋潔則通神廟在齊八祠中漢武帝
亦嘗登之漢高帝呂后七年以爲王國文帝三年
更名爲郡王莽改曰填夷矣濰水導源濰山許慎
呂忱云濰水出箕屋山淮南子曰濰水出覆舟山
蓋廣異名也東北逕箕縣故城西又西析泉水注
之水出析泉縣北松山東南流析泉縣東又東南
逕仲固山東北流入于濰地理志曰至箕縣北入

濰者也濰水又東北逕諸縣故城西春秋文公十
二年季孫行父城諸及鄆傳曰城其下邑也王莽
更名諸拜矣濰水又東北涓水注之出馬耳山山
高百丈上有二石並舉望齊馬耳故世取名焉東
去常山三十里涓水發于其陰北逕婁鄉城東春
秋昭公五年經書夏莒牟夷以牟婁防茲來奔者
也又分諸縣之東爲海曲縣故俗人謂此城爲東
諸城涓水又北注于濰水

東北過東武城縣西

孫云當作東武縣按
史記郭蒙封東武侯

縣因岡爲城城周三十里漢高帝六年封郭蒙爲

侯國

舊作郭嘉考之史記漢書年表俱作郭蒙

王莽更名之曰祥善矣

又北左合扶淇之水水出西南常山東北流注濰
晏謨並以濰水為扶淇之水以扶淇之水為濰水
非也按經脉誌濰自箕縣北逕東武縣西北流合
扶淇之水晏謨伏琛云東武城西北二里濰水者
即扶淇之水也濰水又北右合盧水即久台水也
地理志曰水出琅邪橫縣故山王莽之合丘也山
在東武縣故城東南世謂之盧山也西北流逕昌
縣故城西東北流齊地記曰東武城東南有盧水
水側有勝火木方俗音曰檉子其木經野火燒死

炭不滅故東方朔云不灰之木者也

東方朔神異經云南荒外

有火山其中生不燼之木晝夜火燃不滅火中有鼠重千斤毛長二尺如絲而白水沃即死可績為布

其水又東北流逕東武縣故城東而西北入濰
地理志曰久台水出東南逕東武入濰者也尚書
所謂濰淄其道矣

又北過平昌縣東

濰水又北逕石泉縣故城西王莽之養信也地理

風俗記曰平昌縣東南四十里有石泉亭故縣也

濰水又北逕平昌縣故城東荆水注之水出縣南

荆山阜東北流逕平昌縣故城東漢文帝封齊悼

惠王肥子永爲侯國

孫云按史記齊悼惠王子劉卬封平昌侯

城之東

南角有臺臺下有井與荆水通物墜於井則取之

荆水昔常有龍出入于其中故世亦謂之龍臺城

也荆水又東北流注于濰水又北浯水注之水出

浯山世謂之巨平山也地理志曰靈門縣有高原

山與浯一山

按漢地理志云靈門縣有高原山浯壺山浯水所出注云原古柘字

水所出東北入濰今是山西接浯山許慎說文言

水出靈門山世謂之浯汶矣其水東北逕姑幕縣

故城東縣有五色土王者封建諸侯隨方受之故

薄姑氏之國也闕駟曰周成王時薄姑與四國作

亂周公滅之以封太公是以地理志曰或言薄姑

也王莽曰李睦矣應劭曰左傳曰薄姑氏國太公

封焉薛瓚漢書注云博昌有薄姑城未知孰是浯

水又東北逕平昌縣故城北古竭此水以溢溉田

南注荆水浯水又東北流而注于濰水也

又北過高密縣西

應劭曰縣有密水故有高密之名也然今世所謂

百尺水者蓋密水也水有二源西源出奕山亦曰

鄆日山晏謨曰山狀鄆日是有此名伏琛曰山上

鄆日故名鄆日山也其水東北流東源出五孛山

西北流同瀉一壑俗謂之百尺水古人竭以溉田
數十頃北流逕高密縣西下注濰水自下亦兼通
稱焉亂流歷縣西碑產山西又東北水有故堰舊
鑿石豎柱斷濰水廣六十許步掘東岍激通長渠
東北逕高密故城南明帝永平中封鄧震爲侯國
後漢書鄧禹封高密侯永平元年卒帝分禹封爲
三國長子震爲高密侯襲爲昌安侯珍爲夷安侯
縣南十里蓄以爲塘方二十餘里古所謂高密之
南都也溉田一頃許陂水散流下注夷安澤濰水
自堰北逕高密縣故城西漢文帝十六年別爲膠
西國宣帝平始元年更爲高密國王莽之章牟也

濰水又北昔韓信與楚將龍且夾濰水而陣於此
信夜令爲萬餘囊盛沙以遏濰水引軍擊且僞退
且追北信決水水大至且軍半不得渡遂斬龍且
於是水水西有鴈阜阜上有漢司農卿鄭康成冢
石碑猶存又北逕昌安縣故城東漢明帝永平中
封鄧襲爲侯國也郡國志曰漢安帝延光元年復
也

又北過淳于縣東

濰水又北左會汶水北逕平城亭西又東北逕密
鄉亭西郡國志曰淳于縣有密鄉地理志皆北海

之屬縣也應劭曰淳于縣東北六十里有平城亭
又四十里有密鄉亭故縣也濰水又東北逕下密
縣故城西城東有密阜地理志曰有三石山祠余
按應劭密者水名是有下密之稱俗以之名阜非
也

又東北逕都昌縣東

濰水東北逕逢萌墓萌縣人也少有大節恥給事
縣亭遂浮海至遼東復還在不其山隱學明帝安
車徵萌以佯狂免逢萌事具後漢書逸民傳又北逕都昌縣故
城東漢高帝六年封朱軫為侯國北海相孔融為

黃巾賊管亥所圍於都昌也太史慈為融求救劉

備持的突圍其處也吳志云北海相孔融數遣人訊問大史慈之母并致餉遺

後融出屯都昌為黃巾賊管亥所圍慈請于融帶鞍
家母令慈往赴其難時賊圍甚密慈請于融帶鞍
攝弓上馬將兩騎自隨各作一的持之開門直出
外圍下馬植的射之徑入閉門明晨復如此射的
賊或起或卧又明晨出射無復起者慈乃鞭馬
直突圍馳詣劉備于平原得救兵來賊遂解去

又東北入于海

膠水出黔陬縣膠山北過其縣西

齊記曰膠水出五弩山蓋膠山之殊名也北逕祝

茲縣故城東漢武帝元鼎中封膠東康王子延為

侯國又逕扶縣故城西地理志琅邪之屬縣也漢

文帝元年封呂平為侯國漢志琅邪郡縣膠水所出呂平封扶柳侯膠

水又北逕黔陬故城西袁崧郡國志曰縣有介亭

地理志曰故介國也春秋僖公九年介葛盧來朝

聞牛鳴曰是生三犧皆用之間之果然晏謨伏琛

並云縣有東西二城相去四十里有膠水非也斯

乃拒艾水也水出縣西南拒艾山即齊記所謂黔

艾山也東北流逕拒縣故城西王莽之秩國也宋本

作秩世謂之王城又謂是水為洋洋水矣又東北

逕晏伏所謂黔陬城西四十里有膠水者也又東

入海地理志曰琅邪有推縣拒艾水出焉宋本作推縣

按前漢地理志云琅邪有拒縣注云根艾水東入海如淳云拒音巨東入海即斯水

也今膠水北逕晏伏所謂西黔陬城東高密郡側

有黔陬縣地理志曰膠水出郟縣郟今地志作却音夫又音扶

王莽更之純德矣疑即縣所未詳也

又北過夷安縣東

縣王莽更名之曰原亭也應劭曰故萊夷邑也太

史公曰晏平仲萊之夷維之人也漢明帝永平中

封鄧珍為侯國西去濰水四十里膠水又北逕膠

陽東晏伏並謂之東亭自亭結路南通夷安地理

風俗記曰淳于縣東南五十里有膠陽亭故縣也

水經注

卷二十一

三三

洛

又東北逕左會一水世謂之張奴水水發夷安縣東南阜下西北流歷膠陽縣注于膠水之左東北為澤水渚百許里謂之夷安潭潭之澤周四十里亦濰水枝津之所注也膠水又東北逕下密縣故城東又東北逕膠東縣故城西漢高帝元年別為國景帝封子寄為王國王莽更之郁秩也今長廣郡治伏琛晏謨言膠水東北迴達于膠東城北百里流注于海

又北過當利縣西北入于海

縣故王莽更之東萊亭也又北逕平度縣漢武帝

元朔二年封菑川懿王子劉衍為侯國王莽更名之曰利盧也縣有土山膠水北歷土山注于海海

南土山以北悉鹽坑

坑王篇作鹹音九云鹽澤也此史楊義臣以遼東還兵入

豆子鹹詩賦譌寫作鹹又省作坑

相承修煮不輟北眺巨海杳冥

無極天際兩分白黑方別所謂之溟海者也故地理志曰膠水北至平度入海者也

水經注卷第二十七

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

沔水上

沔水出武都沮縣東狼谷中

沔水一名沮水關駟曰以其初出沮洳然故曰沮

水也縣亦受名焉導源南流泉街水注之出河池

縣東南流入沮縣會于沔

沔水又東南逕沮水戍而東南流注漢曰沮口

所謂沔漢者也尚書曰嶓冢導漾東流為漢山海經所謂漢出鮒嶠山也孫按山海經曰漢水出鮒魚之山帝顓頊葬于陽九

殞葬於陰東北流得獻水口庾仲雍云是水南至關城

合西漢水漢水又東北合沮口同為漢水之源也

故如淳曰北方人謂漢水為沔水故孔安國曰漾

水東流為沔蓋與沔合也至漢中為漢水是互相

通稱矣

沔水又東逕白馬戍南瀼水入焉

水北發武都氏中南逕張魯城東魯沛國張陵孫

陵學道於蜀鶴鳴山傳業衡衡傳於魯魯至行寬

惠百姓親附供道之費米限五斛故世號五斛米

道初平中劉焉以魯為督義司馬往漢中斷絕谷

道當作閣道用遠城治因即嶠嶺周迴五里東臨瀘谷

杳然百尋西北二面連峰接崖莫究其極從南為

盤道登陟二里有餘瀼水又南逕張魯治東水西

山上有張天師堂于今民事之庾仲雍謂山為白

馬塞堂為張魯治東對白馬城一名陽平關瀼水

南流入沔謂之瀼口其城西帶瀼水南面沔川城

側二水之交故亦曰瀼口城矣

沔水又東逕武侯壘南

諸葛武侯所居也南枕沔水水南有亮壘背山向
水中有小城迴隔難解

沔水又東逕沔陽故城南

原本此十字是注文謝云據宋本作經文今從之

城舊漢祖在漢中言蕭何所築也漢建安二十四
年劉備拜劉璋北定漢中始立壇即漢王位于此
城其城南臨漢水北帶通遠南面崩水三分之一
觀其遺畧厥狀時傳南對定軍山曹公南征漢中
張魯降乃命夏侯淵等守之劉備自陽平關南渡
沔水遂斬淵首保有漢中諸葛亮之死也遺令葬
于其山因即地勢不起墳壘唯深松茂栢攢蔚川

阜莫知墓營所在山東名高平是亮宿營處有亮

廟亮薨百姓野祭步兵校尉習隆中書郎向充其

表云臣聞周人思邵伯之德其棠為之不伐越人

懷范蠡之功鑄金以存其像

舊本作越人今按襄陽記載習隆向充表

云越王思范蠡之功鑄金以存其像

亮德軌遐邇勳蓋來世王室之

不壞實賴斯人而使百姓巷祭戎夷野祀非所以
存德念功追述在昔者也今若盡順民心則黷而

無典建之京師又逼宗廟此聖懷所以惟疑也臣

謂宜近其墓立之沔陽斷其私祀以崇正禮始聽

立祀斯廟蓋所啓置也鍾士季征蜀枉駕設祠營

東卽八陣圖也遺基略在崩禡難識

沔水又東逕西樂城北

在山上周三十里甚險固城側有谷謂之容裘谷

道通益州山多羣獠諸葛亮築以防違宋本作防遏梁

州刺史楊亮以卽嶮之固保而居之為苻堅所敗

後刺史姜守潘猛亦相仍此城城東容裘谿注之

俗謂之洛水也水南遵宋本作導巴嶺山東北流水左

有故城憑山卽嶮四面咀絕昔先主遣黃忠據之

以拒曹公谿水又北逕西樂城東而北流注于漢

漢水又左得度口水

出陽平北山水有二源一曰清檢出佳鱧二曰澗

檢出好鮒常以二月八月取之美珍常味爾雅云鮒大者

鱧小者鮒郭注云鱧似鮒而大白色音畫華陽國志鮒字作鱧或是蜀語或寫誤耳廣雅云鮒一名鱧今之鱧也

度水南逕陽平縣故城東又南逕沔陽縣

故城東而南流注于漢水又東右會溫泉水口水

發山北平地方數十步泉源沸湧冬夏湯湯望之

則白氣浩然言能瘥百病云洗浴者皆有硫黃氣

赴集者常有百數池水通注漢水

漢水又東黃沙水左注之

水北出遠山山谷邃嶮人跡罕交谿曰五丈谿水

側有黃沙屯諸葛亮所開也其水南注漢水南有女郎山山上有女郎冢遠望山墳鬼鬼狀高及卽其所裁有墳形山上直路下出不生草木世人謂之女郎道下有女郎廟及擣衣石言張魯女也有小水北流入漢謂之女郎水

漢水又東合褒水

水西北出衙嶺山東南逕大石門歷故棧道下谷俗謂千梁無柱也諸葛亮與兄瑾書云前趙子龍退軍燒壞赤崖以北閣道緣谷一百餘里其閣梁一頭入山腹其一頭立柱於水中今水大而急不

得安柱此其窮極不可強也又云頃大水暴出赤崖以南橋閣悉壞時趙子龍與鄧伯苗一戍赤崖屯田一戍赤崖口但得緣崖與伯苗相聞而已後諸葛亮死于五丈原魏延先退而焚之謂是道也自後案舊修路者悉無復水中柱逕涉者浮梁振動無不搖心眩目也褒水又東南逕三交城城在三水之會故也一水北出長安一水西北出仇池一水東北出太白山是城之所以取名矣褒水又東南得丙水口水上承丙穴穴出嘉魚常以三月出十月入地穴口廣五六尺去平地七八尺泉懸

注魚自穴下透入水穴口向丙故曰丙穴下注褒水故左思稱嘉魚出於丙穴良木攢於褒谷矣褒水又東南歷小石門門穿山通道六丈有餘刻石言漢明帝永平中司隸校尉犍為楊厥之所開逮靈帝建和二年漢太中大夫同郡王升嘉厥開鑿之功琢石頌德以為石牛道來攻本蜀論云來攻字誤

當作來敏蜀志云來敏字敬達義陽新野人涉獵書籍善左氏春秋尤精倉雅訓詁為太子家令累遷光祿大夫秦惠王欲伐蜀而不知道作五石牛以金置尾下言能屎金蜀王負力令五丁引之成道秦使張儀司馬錯尋路滅蜀因曰石牛道厥蓋因而

廣之矣蜀都賦曰岨以石門其斯之謂也門在漢中之西褒中之北褒水又東南歷褒口即褒谷之南口也北口曰斜所謂北出褒褒水又南逕褒縣故城東褒中縣也本褒國矣漢昭帝元鳳六年置褒水又南流入于漢漢水又東逕萬石城下城在高原上原高十餘丈四面臨平形若覆瓮水南過水為岨西北並帶漢水其城宿是流雜聚居故世亦謂之流襍城

漢水又東逕漢廟堆下

昔漢女所遊側水為釣臺後人立廟於臺上世人

水經注卷之二十七 三百三十五
觀其頽基崇廣因謂之漢廟堆傳呼乖實又名之
爲漢武堆非也

又東過南鄭縣南

縣故褒之附庸也周顯王之世蜀有褒漢之地至
六國楚人兼之懷王衰弱秦略取焉周赧王二年
秦惠王置漢中郡因水名也耆舊傳云南鄭之號
始於鄭桓公桓公死於犬戎其民南奔故以南爲
稱卽漢中郡治也漢高祖入秦項羽封爲漢王蕭
何曰天漢美名也遂都南鄭大城周四十二里城
內有小城南憑北結環雉金墉漆井皆漢所修築

地沃川嶮魏武方之雞肋曰釋騏驥而不乘焉皇
皇而更求遂留杜子緒鎮南鄭而還晉咸康中梁
州刺史司馬勲斷小城東面三分之一以爲梁州
漢中郡南鄭縣治也自齊宋魏咸相仍焉水南卽
漢陰城也相承言呂后所居也有廉水出巴嶺山
北流逕廉川故水得其名廉水又北注漢水漢水
右合池水水出旱山山下有祠列石十二不辨其
由蓋社主之流百姓四時祈禱焉俗謂之獠子水
夾漈諸田散流左注漢水

漢水又東得長柳渡

長柳村名也漢太尉李固墓碑銘尚存文字剝落不可復識漢水又東逕胡城南義熙十五年城上有密雲細雨五色昭章人相與謂之慶雲休符當出曉乃雲霽當作曉而雲霽及角城崩舊本作乃覺城崩吳本改作及角半許淪水出銅鍾十二枚刺史索邈奉送洛陽歸之宋府南對扁鵲城當是越人舊所逕涉故邑流其名耳漢水出于二城之間右會磐余水水出南山巴嶺上泉流兩分飛清派注南入蜀水北注漢津謂之磐余口庾仲雖曰磐余去胡城二十里漢水又左會文水

水卽門水也出胡城北山石穴中長老云杜陽有仙人宮石穴宮之前門故號其川為門川水為門水東南流逕胡城北三城奇對隔谷羅布深溝固壘高臺相距門水右注漢水謂之高橋谿口漢水又東黑水注之

水出北山南流入漢庾仲雖曰黑水去高橋三十里諸葛亮牋云朝發南鄭暮宿黑水四五十里指謂是水也道則百里也

又東過城固縣南又東過魏興安陽縣南泔水出自旱山北注之

常璩華陽國記曰蜀以城固為樂城縣也安陽縣故隸漢中魏分漢中立魏興郡安陽隸焉泔水出

西南而東北入漢左谷水出西面克家云當作西南而東

北入漢左宋本作右谷水出漢北即智水也六朝壻字皆書作智

此智水智鄉即聳水聳鄉也後世傳寫誤作智字北發聽山山下有穴水

穴水東南流歷平川中謂之智鄉水曰智水川有

唐公祠唐君字公房城固人也學道得仙入雲臺

山合丹服之白日升天雞鳴天上狗吠雲中唯以

鼠惡留之鼠乃感激以月晦日吐腸胃更生故時

人謂之唐鼠也公房升仙之日壻之行未還不獲

同階雲路約以此川為居言無繁霜蛟虎之患其

俗以為脫一壻字因號為壻鄉故水亦即名焉百姓為

之立廟於其處也刊石立碑表述靈異也壻水南

歷壻鄉谿出山東南流逕通關勢南山高百餘丈

上有匈奴城舊本作上有匈奴如城吳改作匈奴城未有所因壻疑當作上有丘如城

方五里濬塹三重高祖北定三秦蕭何守漢中欲

修北道通關中故名為通關勢壻水又東逕七女

冢冢夾水羅布如七星高十餘丈周廻數畝元嘉

六年大水破墳墳崩出銅不可稱計得一磚刻云

項氏伯無子七女造塚世人疑是項伯冢水北有

七女池池東有明月池狀如偃月皆相通注謂之
張良渠蓋良所開也壻水逕樊噲臺南臺高五六
丈上容百許人又東南逕大城固北城乘高勢北
臨壻水水北有韓信臺高十餘丈上容百許人相
傳高祖齋七日置壇設九賓禮以禮拜信也壻水
東迴南轉又逕其城東而南入漢水謂之三水口
也漢水又東會益口水出北山益谷東南流注于
漢水

漢水又東至瀟城南與洛谷水合

水北出洛谷谷北通長安其水南流右則瀟水注
之水發西谿東南流合爲一水亂流南出際其城

西南注漢水

漢水又東逕小城固南

州治大城固移縣北故曰小城固城北百二十里
有興勢坂諸葛亮出洛谷茂興勢置烽火樓處通

煦

孫云當
作通臨

漢水東歷上濤而逕於龍下蓋伏石驚

湍流屯激怒故有上下二濤之名龍下地名也有
丘郭墳墟舊謂此館爲龍下亭自白馬迄此則平
川夾勢水豐壤沃利方三蜀矣度此溯洄從漢爲
山行之始

漢水又東逕石門灘

山峽也東會酉水水北出秦嶺西谷南歷重山與

寒泉合水東出寒泉湧山頂望之交橫似若瀑布

頽波激石散若雨灑勢同厭源風雨之池雷次宗

云厭原山西北有洪井井北五六里其水西流入

于酉水酉水又南注漢謂之酉口

漢水又東逕媯虛為灘

世本曰舜居媯汭在漢中西城縣或言媯墟在西

北舜所居也或作媯墟故舜所居也後或姓姚或

姓媯媯姚之異事妄未知所從余按應劭之言是

地於西城為西北也

漢水又東逕猴經灘舊本作猴徑灘徑與

山多猴猿好乘危綴飲故灘受斯名焉

漢水又東逕小大黃金南

山有黃金峭水北對黃金谷有黃金戍傍山依峭

嶮折七里氏掠漢中咀與阻同此為戍與鐵城相對

一城在山上容百餘人一城在山下可置百許人

言其嶮峻故以金鐵制名矣昔楊難當令魏興太

守薛健據黃金姜寶據鐵城宋遣秦州刺史蕭思

話話令陰平太守蕭祖攻拔之賊退酉水矣

漢水又東合蘧蔕漢口

古亢家二云當作蘧蔕漢口

水北出就谷在長安西南其水南流逕巴谿戍西又南逕陽都坂東坂自上及下盤折一十九曲西連寒泉嶺漢中記曰自西城涉黃金峭寒泉嶺陽都坂峻岬百重絕壁萬尋既造其峰謂已踰崧岱復瞻前嶺又倍過之言陟羊腸超煙雲之際顧看向塗杳然有不測之險山豐野牛野羊騰巖越嶺馳走若飛觸突樹木十圍皆倒山殫良咀地窮坎勢矣其水南歷蘧蔕溪謂之蘧蔕水而南流注于漢謂之蔕口

漢水又東合洋水

川流漫漶廣幾里許洋水導源巴山東北流逕平陽城漢中記曰本西鄉縣治也自城固南城南入三百八十里距南鄭四百八十里洋川者漢戚夫人之所生處也高祖得而寵之夫人思慕本鄉追求洋川高帝為驛致長安宋本作追求洋川米帝為驛致蠲復其鄉更名曰縣又故目其地為洋川用表夫人誕載之休祥也城即定遠矣漢順帝永光七年封班超以漢中郡南鄭縣之西鄉為定遠侯即此也洋水又東北流入漢謂之城陽水口也

漢水又東歷敖頭

舊立倉儲之所傍山通道水陸險湊魏興安康縣治有戍統領流襍

漢水又東合直水

水北出子午谷巖嶺下又南枝分東注旬水又南徙閣下山上有戍置於崇阜之上下臨深淵張子房燒絕棧閣示無還也又東南歷直谷逕直城西而南流注漢

漢水又東逕直城南

又東逕千渡而至蝦蟆嶺歷漢陽漁口而屆于彭

谿龍竈矣益溪澗灘磧之名也

漢水又東逕晉昌郡之寧都縣南

縣治松谿口又東逕魏興郡廣城縣治王谷谷道南出巴獠有鹽井食之令人瘦疾

漢水又東逕魚脯谿口

舊西城廣城二縣指此谷而分界也

又東過西城縣南

漢水又東逕鱉池而鯨灘鯨大也蜀都賦曰流漢湯湯驚浪雷奔望之天廻卽之雲昏者也漢水又東逕嵐谷北口嶂遠谿深澗峽峻邃氣蕭蕭以瑟

九系江... 卷二十七 三十九

漢水又東右得大勢

勢岨急谿故亦曰急勢也依山為城城周二里在峻山上梁州督護吉挹所治苻堅遣偏軍韋鍾伐挹挹固守二年不能下無援遂陷

漢水右對月谷口

山有坂月川於中黃壤沃衍而桑麻列植佳饒水田故孟達與諸葛亮書善其川土沃美也

漢水又東逕西城縣故城南

地理志曰西城故漢中郡之屬縣也漢末為西城

郡建安二十四年劉備以申儀為西城太守儀據

郡降魏魏文帝改為魏興郡治故西城縣之故城

也氏略漢川梁州弘治於此

舊本作私治於此謂氏略漢川梁州而私

治於西城也吳改作弘治孫云當作移治

城內有舜祠漢高帝廟置民

九戶歲時奉祠焉

漢水又東為鱸湍

洪波湊盪滿浪雲頽古者舊言有鱸魚奮鰭遡流

望濤直上至此則爆鯁失濟

爆鯁當作暴鯁

故因名湍矣

漢水又東合旬水

水北出旬山東南流逕平陽戍下與直水枝分東

注逕平陽戍入甸水甸水又東南逕甸陽縣與柞水合水西出柞谿南流逕重巖堡西屈而東流逕其堡南東南注于甸水甸水又東南逕甸陽縣南縣北山有懸書崖高五十丈刻石作字今人不能上不知所道山下石壇上有馬跡五所名曰馬跡山甸水東南注漢之甸口

漢水又東逕木蘭南

石岸有城名陵城周迴數里左岸壘石數十行重壘數十里中謂是處為木蘭塞云吳朝遣軍救孟達於此矣

漢水又東左得育漢克家云當作育溪

與晉甸陽二縣分界於是谷漢水又東注一作谷

甲水口水出秦嶺山東南流逕金井城南又東逕

上庸郡北與關柞宋本作柞水合水出上洛陽亭縣北

清泥西山南逕陽亭聚西俗謂之平陽水南合豐

鄉川水水出弘農豐鄉東山西南流逕豐鄉故城

南京相璠曰南鄉浙縣有故豐鄉春秋所謂豐浙

也孫云左傳作豐柞於地理屬弘農今屬南鄉又西南合

關柞水關柞水又南入上津注甲水甲水又東南

逕魏興郡之與陽南宋本作興陽南碑按晉書地志魏興郡六縣有南陽而無

興陽是宋本亦晉武帝太康中立甲水又東右入
誤矣當作海陽漢水漢水又東為龍淵淵上有胡鼻山石類胡人
鼻故也下臨龍井渚淵深數丈

漢水又東逕魏興郡之錫縣故城北

應劭曰錫音陽

為白石灘縣故春秋之錫穴地也故屬漢水

當中

王莽之錫治也縣有錫義山方圓百里形如城四面有門上有石壇長十數丈世傳列仙所居今有道士被髮餌术恒數十人山高谷深多生薇蕨草其草有風不偃無風獨搖漢水又東逕長利谷南入谷有長谷故城舊縣也

漢水又東歷姚方

蓋舜後枝居是處故地留姚稱也

水經注箋卷第二十八

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

沔水中

沔水又東過襄陽縣北

沔水又東逕方山北山上有鄒恢碑魯宗之所立也山下潭中有杜元凱碑元凱好尚後名作兩碑竝述已功一碑沈之峴山水中一碑下之於此潭曰百年之後何知不深谷為陵也山下水曲之隈

云漢女昔遊處也故張衡南都賦曰遊女弄珠於漢臯之曲漢臯卽方山之異名也

汜水又東合檀谿水

水出縣西柳子山下東為鴨湖湖在馬鞍山東北

武陵王愛其峯秀改曰望楚山谿水自湖兩分北

渠卽谿水所導也北逕漢陰臺西臨流望遠按眺

農圃情邈灌疏意寄漢陰故因名臺矣莊子云子貢南游於

楚反於晉過漢陰見一丈人方為圃畦鑿隧而入井抱甕而出灌子貢教之鑿木為耜挈水若抽為

圃者笑曰有機穡者必有機事吾非不知羞而不為也又北逕檀谿謂之檀

谿孫云谿下側有沙門釋道安寺卽谿之名以表

寺目也谿之陽有徐元直崔州平故宅悉人居故

習鑿齒與謝安書云每省家舅縱目檀谿念崔徐

之友宋本作交未嘗不撫膺躊躇惆悵終日矣谿水傷

城北注昔劉備為景升所謀乘的顛馬西走墜於

斯谿世語云劉備屯樊城劉表欲因宴會取備備

出備呼所乘馬曰的顛今曰可西去城里餘北

流注于汜一水東南出應劭曰城在襄水之陽故

曰襄陽也是水當卽襄水也城北枕汜水卽襄陽

縣之故城也王莽之相陽矣楚之北津戍矣今大

城西壘是也其土古鄢都盧羅之地秦滅楚置南

郡號此為北部建安十三年魏武平荊州分南郡

立為襄陽郡荊州刺史治邑居隱賑隱賑當作殷賑薛綜西京

賦注云殷賑謂富饒也冠蓋相望一都之會也城南門道東

有三碑一碑是晉太傅羊祜碑一碑是鎮南將軍

杜預碑一碑是安南將軍劉儼碑竝是學生所立

城東門外二百步劉表墓太康中為人所發見表

夫妻其尸儼然顏色不異猶如平生墓中香氣遠

聞三四里中經月不歇今墳冢及祠堂猶高顯整

頓城北枕沔水水中常苦蛟害襄陽太守鄧遐負

其氣果拔劍入水蛟繞其足遐揮劍斬蛟流血丹

水自後患除無復蛟難矣昔張公遇害亦亾劍於

是水後雷氏為建安從事逕踐瀨溪所留之劍忽

於其懷躍出落水初猶是劍後變為龍雷次宗豫章記云雷

孔章為豐城令於縣掘得二劍以一進司空張華

後華遇害此劍飛入襄城水中孔章臨亾戒其子

恒以所留之劍自隨後其子為建安從事經

淺瀨劍忽於腰間躍出遂見二龍相隨而去故吳

均劍騎詩云劍是兩蛟龍張華之言不孤為驗矣

沔水又逕平魯城南

城魯宗之所築也故城得厥名矣東對樊仲山甫

所封也漢晉春秋稱桓帝幸樊城百姓莫不觀有

水經注卷之六 襄陽 三百七十四
溫因與之言問其姓名不告而去城周四里南半
淪水建安中關羽圍于禁於此城會沔水泛溢三
丈有餘城陷禁降龐德奮劍乘舟投命於東岡魏
武曰吾知于禁三十餘載至臨危授命更不如龐
德矣城西南有曹仁記水碑杜元凱重刊其後書
伐吳之事也

又從縣東屈西南沔水從北來注之
襄陽城東有東白沙白沙北有三洲東北有宛口
卽沔水所入也

沔水中有魚梁洲

龐德公所居士元居漢之陰在南

世故謂是

地爲白沙曲矣司馬德操宅洲之

一衡對字權

情自接泛舟褰裳率爾休暢豈待還桂柁於千里
貢深心於永思哉水南有層臺號曰景升臺蓋劉
表治襄陽之所築也言表盛遊於此常所止憩表
性好鷹嘗登此臺歌野鷹來曲其聲韻似孟達上
堵吟矣

沔水又逕桃林亭東

又逕峴山東山上有桓宣所築城孫堅死於此又
有桓宣碑羊祜之鎮襄陽也與鄒潤甫嘗登之及

祜薨後人立碑於故處望者悲感杜元凱謂之墮
 淚碑山上又有征南將軍胡羆碑又有征西將軍
 周訪碑山下水中杜元凱碑處

沔水又東南逕蔡洲

漢長水校尉蔡瑁居之故名蔡洲

襄陽者舊傳云蔡瑁字德珪性

豪自喜少為魏武所親瑁家在蔡洲上屋宇甚好四牆皆以青石結角婢妾數百人別業四五十處

洲大岸西有洄湖停水數十畝長數里廣減百步

水色常淥楊儀居上洄楊顛居下洄

襄陽者舊傳云楊儀字威

公為蜀相諸葛亮長史亮出軍儀常規畫分部籌度糧穀不稽思慮須臾便了楊顛字子昭為丞相亮主簿後嘗為東曹屬典選舉及顛死亮泣三日曰椽曹非楊顛於朝中多損益矣與蔡洲

相對在峴山南廣昌里又與襄陽湖水合水上承

鴨湖東南流逕峴山西又東南流注白馬陂水又

東入侍中襄陽侯習郁魚池郁依范蠡養魚法作

大陂陂長六十步廣四十步池中起釣臺池北亭

郁墓所在也列植松篁於池側沔水上郁所居也

又作石伏逗引大池水於宅北作小魚池池長七

十步廣十二步西枕大道東北二邊限以高堤楸

竹夾植蓮芡覆水是遊宴之名處也山季倫之鎮

襄陽每臨此池未嘗不大醉而還恒言此是我高

陽池故時人為之歌曰山公出何去往至高陽池

日暮倒載歸酪酏無所知其水下入沔沔水西又有孝子墓河南秦氏性至孝事親無倦親沒之後負土成墳常泣血墓側人有咏蓼莪者氏為泣涕悲不自勝於墓所得病不能食虎常乳之百餘日卒今林木幽茂號曰孝子墓也其南有蔡瑁冢冢前刻石為大鹿狀甚大頭高九尺制作甚工

沔水又東南邑城北

宋本作東南
逕邑城北

習郁襄陽侯之封邑也故曰邑城矣

襄陽耆舊傳
習郁字文通

為黃門侍郎

封襄陽公

沔水又東合洞口

水出安昌縣故城東北大父山西南流謂之白水又南逕安昌故城東屈逕其縣南縣故蔡陽之白水鄉也漢元帝以長沙卑濕分白水上唐二鄉為春陵縣光武即帝位改為章陵縣置園廟焉魏黃初二年更從今名故義陽郡治也白水又西南流而左會昆水水導源城東南小山山西流逕今山北又西南流逕縣南西流注于白水水北有白水陂其陽有漢光武故宅基址存焉所謂白水鄉也蘇伯河望氣處也光武之征秦豐幸舊邑置酒極歡張平子以為真人南巡觀舊里焉東觀漢記曰明

帝幸南陽祀舊宅召校官子弟作雅樂奏鹿鳴上
自御塤箎和之以娛賓客又於此宅矣白水又西
合澧水水出于襄鄉縣東北陽中山西逕襄鄉縣
之故城北按郡國志是南陽之屬縣也澧水又西
逕蔡陽縣故城東西南流注于白水又西逕其城
南建武十六年世祖封城陽王祉世子本爲侯國
應劭曰蔡水出蔡陽東入淮今於此城南更無別
水唯是水可以當之川流宋本西注苦其不東且
淮源岨礙山河無相入之理蓋應氏之誤耳洞水
又西南流注于沔水

又東過中廬縣東淮水自房陵縣淮山東流注之
縣卽春秋廬戎之國也縣故城南有水出西山山
有石穴出馬謂之馬穴山漢時有數百匹馬出其
中馬形小似巴滇馬三國時陸遜攻襄陽於此穴
又得馬數十匹送建業蜀使至有家在滇池者識
其馬毛色云其父所乘馬對之流涕其水東流一
百四十里逕城南名曰浴馬港言初得此馬洗之
於此因以名之亦云乘出沔次浴之又曰洗馬旣
渡沔宿處名之曰騎亭然候水諸蠻北邊是水南
壅淮川以周田溉下流入沔

沔水東南逕黎丘故城西

其城下對繕州秦豐居之故更名秦洲王莽之敗

也秦豐阻兵於黎丘黎丘城在觀城西二里建武

三年光武遣征南岑彭擊豐四年朱祐自觀城淪

豐於黎丘是也後漢書作圍沔水又南與疎水合

水出中廬縣西南東流至卽縣北界東入沔水謂

疎口也水中有物如三四歲小兒鱗甲如鯪鯉射

之不可入七八月中好在積中自曝膝頭似虎掌

瓜常沒水中出膝頭小兒不知欲取弄戲便殺人

或曰人有生得者摘其臯厭可以小使名爲水唐

者也

後漢郡國志注引盛氏荊州記云生得者摘其臯厭可小小使名爲水廬十道志引襄沔

記云或有生得者摘其臯厭可小小使之名曰水虎孫云臯厭者水虎之勢也可爲媚藥善使內也

又南過卽縣東北一作

沔水之左有騎城周迴二里餘高一丈六尺卽騎

亭也縣故楚邑也秦以爲縣漢高帝十二年封黃

極忠爲侯國孫云按史記年表黃極忠封卽侯漢書音義曰巨已及索隱曰卽縣屬南

郡縣南有黃家墓墓前有雙石闕彫制甚工俗謂

之黃公闕黃公名尚爲漢司徒沔水又東逕豬蘭

橋橋本名荻蘭橋宋本作橋之左右豐蒿荻於橋

東劉季和襄陽耆舊傳云劉洪字季和沛國相人也晉大安中持節南蠻校尉荊州刺史

討平逾賊張昌時荆部守宰多缺洪皓補選敘功
銓德隨才補授甚為論者所稱勸課農桑寬刑省
賦歲用有年
百姓愛悅 大養豬襄陽太守曰此中豬屎臭可

易名豬蘭橋百姓遂以為名矣橋北有習郁宅宅
側有魚池池不假功自然通洫長六七十步廣十
丈常出名魚

沔水又南得木里水會

楚時於宜城東穿渠上口去城三里漢南郡太守

伍寵王海二十一卷
引此注作王寵又鑿之引蠻水灌田謂之木

里溝逕宜城東而東北入于沔謂之木里水口也

又南過宜城縣東夷水出自房陵東流注之

夷水蠻水也桓温父名夷改曰蠻水按晉書桓温
父名奕

城太守此云名夷
蓋嫌音之同也 夷水導源中廬縣界康狼山山

與荆山相隣其水東南流歷宜城西山謂之夷谿

又東南逕羅川城故羅國也又謂之鄢水春秋所

謂楚人伐羅渡鄢者也夷水又東南流與零水合

零水即泔水也謝云泔一作
泔疑作泔上通梁州沒陽縣之

默城山司馬懿出沮之所由其水東逕新城縣之

泔鄉縣縣分房陵丘謂之泔水又東歷軫鄉謂之

軫水晉武帝平吳割臨沮之北鄉中廬之南鄉立

上黃縣治軫鄉泔水又東歷宜城西山謂之泔谿

東流合於夷水謂之沔口也與夷水亂流東出謂之淇水逕蠻城城南在宜城南三十里春秋莫敖自羅敗退及鄢亂次以濟淇水是也夷水又東注于沔昔白起攻楚引西山谷水卽是水者也舊竭去城一百許里水從城西灌城東入注爲淵今廢斗陂是也水潰城東北角百姓隨水流死於城東者數十萬城東皆臭因名其陂爲臭池後人因其渠流以結陂田城西陂謂之新陂覆地數十頃西北又爲土門陂從平路渠以北木蘭橋以南西極土門山東跨大道水流周通其水自新陂東入城

城故鄢郢之舊都秦以爲縣漢惠帝三年改曰宜城其水歷大城中逕漢南陽太守秦頡墓北墓前有二碑頡郡人也

宋本作郡人也

以江夏都尉出爲南陽

太守逕宜城中見一冢東向頡住車視之曰此居

處可作冢後卒於南陽喪還至昔住車處車不肯

進故吏爲市此宅葬之孤墳向

宋本作尚

塹冢前有二

碑城南有宋玉宅玉邑人雋才辯給善屬文而識音也其水又逕金城前縣南門有古碑猶存其水又東出城東注臭池臭池溉出陂水散流又入朱湖陂朱湖陂亦下灌諸田餘水又下入木里溝木

里溝是漢南郡太守王寵所鑿故渠引鄆水也灌田七百頃白起渠溉三千頃膏良肥美更爲沃壤也縣有太山山下有廟漢末多士其中刺史二千石卿長數十人朱軒華蓋同會於廟下荊州刺史行部見之雅歎其盛號爲冠蓋里而刻石銘之此碑於永嘉中治始當作爲人所毀其餘文尚有可傳者其辭曰峨峨南岳烈烈離明寔敷僖又君子以生惟此君子作漢之英德爲龍光聲化鶴鳴此山以建安三年崩聲聞五六十里雉皆屋雒縣人惡之以聞侍中龐季云山崩川竭國土將亾之占也

十三年魏武平荊州沔南彫散

沔水又逕郿縣故城南

古郿子之國也秦楚之間自商密遷此爲楚附庸

滅之以爲邑縣南臨沔津津南有石山上有古

烽火縣北有大城卽楚昭王爲吳所迫絕郢徙

都之所謂鄆都盧羅之地也左傳云吳人敗楚舟

遷郢於都而秦以爲縣改紀其政

沔水又東敖水注之

水出新市縣東北又西南太陽山宋本作又西

南流逕新市縣北又西南而右合枝水水出大洪

山而西南流逕襄陽郡當作都縣界西南逕狄城東南左注敖水敖水又西南流注于沔寔曰敖口沔水又南逕石城西城因山為固晉太傅羊祜鎮荊州立晉惠帝元康九年分江夏西部置竟陵郡治此

沔水又東南與白水合

水出竟陵縣東北耶屈山一名盧屈山西流注于沔魯定公四年吳師入郢昭王奔隨濟于成白謂是水者也又東過荆城東

沔水自荆城東南流逕當陽縣之章山東

山上有故城太尉陶侃伐杜曾所築也禹貢所謂內方山至于大別者也既濱帶沔流寔會尚書之

文矣晉書杜曾與第五猗分據漢沔時陶侃新破杜波乘勝討曾進軍圍石城曾潛襲侃侃敗

沔水又東右會權口

水出章山東南流逕權城北古之權國也春秋魯莊公十八年楚武王克權權叛圍而殺之遷權於那處是也東南有那口城權水又東入于沔

沔水又東南與陽口合

水上承江陵縣赤湖江陵西北有紀南城楚文王自丹陽徙此平王城之班固言楚之郢都也城西

南有赤坂岡岡下有瀆水東北流入城名曰子胥瀆蓋吳師入郢所開也謂之西京湖又東北出城西南注于龍陂陂古天井水也廣圓二百餘步在靈谿東江隄內水至淵深有龍見于其中故曰龍陂陂北有楚莊王釣臺高三丈四尺南北六丈東西九丈陂水又逕郢城南東北流謂之楊水又東北路北路克家云路當作流曰湖水注之湖在大港北港南曰中湖南隄下曰昏官湖三湖合爲一水東通荒谷荒谷東岸有冶父城春秋傳曰莫敖縊於荒谷羣帥囚於冶父謂此處也春秋水盛則南通大江否

則南迄江隄北逕方城西方城卽南蠻府也又北與三湖會故盛弘之曰南蠻府東有三湖源同一水蓋徙治西府也宋元嘉中通路自湖下注楊水以廣運漕楊水又東歷天井北井在方城北里餘廣員二里其深不測井有潛室見輒兵西岸有天井臺因其基舊隄臨際水湄遊憩之佳處也楊水又東北流得東赤湖水口湖周五十里城下陂池皆來會同湖東北有大置臺高六丈餘縱廣八丈一名清暑臺秀宇層明通望周博遊者登之以暢遠情楊水又東入華容縣有靈港水西通赤湖水口

地多下湖

舊本作水口已下多湖吳改之未善

周五十里城下陂池

皆會來同

克家云當作皆來會同

又有子胥瀆蓋入鄧所開

也水東入離湖湖在縣東七十五里國語所謂楚

靈王闕為石郭陂漢以象帝舜者也

今國語無此石郭象舜語

湖側有章華臺臺高十丈基廣十五丈左丘明曰

楚築臺於章華之上韋昭以為章華亦地名也王

與伍舉登之舉曰臺高不過望國之氛祥大不過

容宴之俎豆蓋譏其奢而諫其失也言此瀆靈王

立臺之日漕運所由也其水北流注于楊水楊水

又東北與祥谿水合水出江陵縣北蓋諸池散流

咸所會合積以成川東流逕魯宗之壘南當驛路

水上有大橋隆安三年桓玄襲殷仲堪於江陵仲

堪北奔縊於此橋祥谿

當作祥谿

又東注船官湖湖水

又東北入女觀湖湖水又東入于楊水楊水又北

逕竟陵縣西又北納巾吐柘柘水即下楊水也巾

水出縣東一百九十里西逕巾城下城下置巾水

成晉元熙二年竟陵郡上巾水成山得銅鍾七口

言之上府巾水又西逕竟陵縣北西逕楊水謂之

申口水西有古竟陵大城古鄖國也鄖公辛所治

所謂鄖鄉矣昔白起拔郢東至竟陵即此也秦以

為縣王莽之守平矣世祖建武十三年更封劉隆
為侯國城傍有甘魚陂左傳昭公十三年公子黑
肱為令尹次于魚陂者也楊水又北注于沔謂之
楊口中夏口也曹太祖之追劉備於當陽也張飛
按三山於長坂備得與數騎即趣漢津遂濟夏口是
也沔水又東得澹口其水承大澹馬骨諸湖水周
三四百里及其夏水來同浩宋本若滄海洪潭克
云疑作巨浪縈連江沔故郭景純江賦云其傍側
洪濤當作有珠澹丹灑是也

又東南逕江夏雲杜縣東夏水從西來注之

即堵口也為中夏水縣故邛亭左傳所為若敖聚
於邛是也禹貢所謂雲土夢作又故縣取名焉縣
有雲夢城城在東北

沔水又東逕左桑

昔周昭王南征船人膠舟以進之昭王渡沔中流
而沒死於是水齊楚之會齊侯曰昭王南征之不
復寡人是問屈完曰君其問諸水濱庾仲雍言村
老云百姓佐昭王喪事於此成禮而行故曰佐喪
左桑字失體耳

沔水又東合巨亮水口

水北承亮湖南達于沔

沔水又東得合驛口

庾仲雍言須導村者舊云朝廷驛使合王喪於是因以名焉今須導村正有大斂口言昭王於此殯斂矣

沔水又東謂之橫桑

言得昭王喪處也

沔水又東謂之鄭潭

言鄭武公與王同溺水於是今謂世數旣懸爲不近情矣斯乃楚之鄭鄉守邑大夫僭言公故世以

爲鄭公潭耳

沔水又東得歿沔

言昭王濟自是歿沔故有歿沔之稱王尸豈逆流乎但千古芒昧難以昭知推其事類似是而非矣沔水又東與力口合

有澠水出竟陵郡新陽縣西南河地山東流逕新陽縣南縣治雲杜故城分雲杜立澠水又東南流注宵城縣南大湖又南入于沔水是曰力口

沔水又東南澗水入焉

沔水又東逕沌水口水南通縣之太白湖湖水東

大通江又謂之沌口

沔水又東逕沌陽縣北

處沌水之陽也沔水又東逕林鄣故城北晉建興

二年太尉陶侃為荊州鎮此也

又南至江夏沙羨縣北南入于江

庾仲雍曰夏口一曰沔口矣尚書禹貢云漢水南

至大別入江春秋左傳定公四年吳師伐郢楚子

常濟漢而陳自小別至于大別京相璠春秋土地

名曰大別漢東山名也在安豐縣南杜預釋地曰

二別近漢之名無緣乃在安豐也案地說言漢水

東行觸大別之陂南與江合則與尚書杜預相符

但今不知所是矣

沔水與江合流又東過彭蠡澤

尚書禹貢匯澤也鄭玄曰匯回也漢與江鬪轉東

城當作其澤矣

又東北出居巢縣南

古巢國也湯伐桀桀奔南巢即巢澤也尚書周有

巢伯來朝春秋文公十二年夏楚人圍巢巢羣舒

國也舒叛故圍之永平元年漢明帝更封菑丘侯

劉般為侯國也江水自濡湏口又東左會柵口水

遵巢湖東逕烏上城北又東逕南譙僑郡城南又
 東絕塘逕附農山北又東左會清谿水水出東北
 馬子硯疑作之清谿也東逕清谿城南屈而西南
 流歷山西南流注柵水謂之清谿口柵水又東左
 會白石山水水發白石山西逕李鵠城南西流注
 柵水柵水又東南積而為竇湖中有洲湖東有韓
 縱山山上有城山北湖水東出為後塘北湖湖南
 即塘也塘上有潁川僑郡故城也湖疑竇湖水東
 出謂之竇湖口湖水東出逕刺史山北歷韓縱山
 南逕流二山之間出王武子城北城在刺史山上

湖水又東逕右塘穴北為中塘塘在四水中水出
 格虎山北山上有虎山有郭僧坎城水北有趙祖
 悅城並故東關城也昔諸葛恪帥師作東興隄以
 過巢湖傍山築城使將軍全端留略等各以千人
 守之魏遣司馬昭督鎮東諸葛誕率眾攻東關三
 城將毀隄遏諸軍作浮梁陳於隄上分兵攻城恪
 遣冠軍丁奉等登城鼓譟奮擊朱異等以水軍攻
 浮梁魏征東胡遵軍士爭渡梁壞投水而死者數
 千塘即東興堤城亦關城也柵水又東南逕高江
 產城南胡景城北又東南逕張祖禧城南東南流

屈而北逕鄭衛尉城西魏事已

已字下當有父字

難用取

悉推舊訪新略究如此又北委折蒲浦出焉柵水又東南流注于大江謂之柵口水

又東過牛渚縣南又東至石城縣

晉志宣城郡有石城縣

經所謂石城縣者即宣城郡之石城縣也牛渚在姑熟烏江兩縣界中也於石城東北減五百許里安得逕牛渚而方界石城也蓋經之謬誤也

分為二其一東北流其一又過毗陵縣北為北江

地理志曰毗陵縣舊會稽之屬縣丹徒縣也北二百步有故城本毗陵郡治也舊去江三里岸稍毀

遂至城下城北有楊州刺史劉繇墓淪于江江即

北江也經書在北江則可又言東至餘姚則非考

其逕流知經之誤矣地理志曰江水自石城東出

逕吳國南為南江江水自石城東入為貴口東逕

石城縣北晉太康元年隸宣城郡東合天谿谿水

首受江北逕其縣故城東又北入南江

南江又東與貴長池水合

水出縣南郎山北流為貴長池池水又北注于南

江

南江又南東逕宣城之臨城縣南

又東合注涇水

南江又東與桐水合

又東逕安吳縣號曰安吳谿又東旋谿水注之水
出陵陽山下逕陵陽縣西為旋谿水昔縣人陽子
明釣得白龍處後三年龍迎子明上陵陽山山去
地千餘丈後百餘年呼山下人令上山半與語谿
中子安問子明釣車所在後二十年子安歿山下
有黃鶴栖其冢樹鳴常呼子安故縣取名焉列仙傳云
陵陽子明者鉅人也於旋溪釣得白龍子明懼龍解
鉤拜而放之後得白魚腹中有書教子明服食之
法子明遂上黃山採五石脂沸水而服之三三年龍
來迎去止陵陽山上百餘年山去地千餘丈大

山下人令上山半告言谿中子安當來問子明釣
車在否後二十餘年子安歿人取葬石山下有黃
雀來栖其塚邊樹晉咸康四年改曰廣陽縣漢水
上鳴呼子安云

又北合東谿水出南里山北逕其縣東桑欽曰
淮水出縣之東南北入大江其水又北歷蜀由山
又北左合旋谿北逕安吳縣東晉太康元年分宛
陵立縣南有落星山山有懸水五十餘丈下為深
潭潭水東北流左入旋谿而同注南江之北即宛
陵縣界也

南江又東逕寧國縣南

晉太康元年分宛陵置南江又東逕故彰縣南孫

故鄣當作安吉縣北光祚之末天下大亂此保險守節
漢朝嘉之中平二年分故彰之南鄉以爲安吉縣
縣南有釣頭泉懸湧一仞乃流于川川水下合南
江

南江又東北爲長瀆歷河口

江南東注于具區謂之五湖口五湖謂長塘湖太
湖射貴湖脫上湖二字滬湖也郭景純江賦曰注五湖
以漫漭蓋言江水經緯五湖而苞注太湖也是以
左丘明述國語曰越伐吳而戰於五湖是也又云
范蠡滅吳返至五湖而辭越斯乃太湖之攝通稱

也虞翻曰是湖有五道故曰五湖韋昭曰五湖今
太湖也尚書謂之震澤爾雅以爲具區方員五百
里湖有苞山春秋謂之夫椒山有洞室入地潛行
北通琅邪東武縣俗謂之洞庭旁有青山一名夏
架山山有洞穴潛通脫一庭字庭山上有石鼓長丈餘

鳴則有兵故吳記曰太湖有苞山在國西百餘里
居者數百家出弓弩材旁有小山山有石穴南通
洞庭深遠莫知所極三苗之國左洞庭右彭蠡今
宮亭湖也以太湖之洞庭對彭蠡則左右可知也
余按二湖俱以洞庭爲目者亦分爲左右也但以

趣矚為方耳既據三苗宜以湘江為正是以郭景
純之江賦云爰有包山洞庭巴陵地道潛達徬通
幽岫窈窕山海經曰浮玉之山北望具區茗水出
于其陰北流注于具區謝康樂云山海經浮玉之
山在句餘東五里便是句餘縣之東山乃應入海
具區今在餘姚鳥道山北舊本作口北何由北望具區
也以為郭於地理甚昧矣言洞庭南口有羅浮山
高三千六百丈浮山東石樓下有兩石數扣之清
越所謂神鉦者也事備羅浮山記會稽山宜直湖
南又有山陰谿水入焉山陰縣西四十里有二谿

東谿廣一丈九尺冬煖夏冷西谿廣三丈五尺冬
冷夏煖二谿北出行三里至徐村合成一谿廣五
丈餘而溫涼又雜蓋山海經所謂茗水也北逕羅
浮山而下注于太湖故言出其陰入于具區也湖
中有大雷小雷三山亦謂之三山湖又謂之洞庭
湖楊脩五湖賦曰頭首無錫足蹄松江負鳥程於
背上懷太吳以當胸岞嶺崔嵬穹窿紆曲孫云按五湖賦
岞嶺作岞嶺大雷小雷湍波相逐用言湖之苞
極也太湖之東吳國西十八里有岞嶺山俗說此
本在太湖中禹治水移進近東又西南有兩小山

皆有石如卷竿山云山字誤當作俗云禹所用孫云當作開牽

山也太湖中有淺地長老云是竿嶺山躡自此以求差深言是牽山之溝此山去太湖三十餘里

東則松江出焉

上承太湖更逕笠澤在吳南松江左右也國語曰越伐吳吳禦之笠澤越軍江南吳軍江北者也虞氏曰松江北去吳國五十里江側有丞胥二山山各有廟國南五十里魯哀公十三年越使二大夫疇無餘謳陽等伐吳吳人敗之獲二大夫大夫歿故立廟於山上號曰丞胥二王也胥山上今有壇

石長老云胥神所治也下有九折路南出太湖闔閭造以遊姑胥之臺以望太湖也松江自湖東北流逕七十里

江水奇分謂之三江口

奇分當作岐分爾雅水岐為渚

吳越春秋稱范蠡去越乘舟出三江之口入五湖之中者也此亦別為三江五湖雖稱相亂不與職方同庾仲初楊都注曰今太湖東注為松江下七里有水口分流東北入海為婁江東南入海為東江與松江而三也吳記曰一江東南行七十里入小湖為次谿自湖東南出謂之為谷水吳記曰

谷水出吳小湖逕由卷縣故城下神異傳曰由卷縣秦時長水縣也始皇時縣有童謠曰城門當有血城陷沒爲湖有老嫗聞之憂懼且往窺城門門侍按神記將欲縛之嫗言其故嫗去後門侍驚犬以血塗門嫗又往見血走去不敢顧忽有大水長欲沒縣主簿令幹入白令令見幹曰何忽作魚幹又曰明府亦作魚遂乃淪陷爲谷矣因目長水城水曰谷水也吳記曰谷中有城故由卷縣治也卽吳之柴僻亭故就李鄉橋李之地秦始皇惡其勢王令囚徒十餘萬人汗其土表以汗惡名改曰囚卷

亦曰由卷也吳黃龍四年有嘉禾生卷縣改曰禾興後太子諱和改爲嘉興春秋之橋李城也谷水又東南逕嘉興縣城西谷水又東南逕鹽官縣故城南舊吳海昌都尉治晉太康中分嘉興治太康地道記吳有鹽官縣樂資九州志曰縣有秦逕山秦始皇逕此美人死葬于山上山下有美人廟谷水之右有馬罽城故司鹽都尉城吳王漚煮海爲鹽於此縣也是以漢書地理志曰縣有鹽官東出五十里有武原鄉故越地也秦於其地置海鹽縣地理志曰縣故武原鄉也後縣淪爲柘湖又徙治

武原鄉改曰武原縣王莽名之辰武漢安帝武原之地又淪爲湖今之當湖也後乃移此縣南有秦望山秦始皇所登以望東海故山得其名焉谷水於縣出爲散浦以通巨海光熙元年有毛民三人集於縣蓋汎於風也

又東至會稽餘姚縣東入于海

謝靈運云具區在餘姚然則餘暨是餘姚之別名也今餘暨之南餘姚西北浙江與浦陽江同會歸海但水名已殊非班固所謂南江也郭景純曰三江者岷江松江浙江也然浙江出南蠻中不與岷

江同作者述誌多言江水至山陰爲浙江今南江枝分歷烏程縣南通餘杭縣則與浙江合故闕駟十三州志曰江水至會稽與浙江合浙江自臨平湖南通浦陽江又於餘暨東合浦陽江自秦望分派東餘姚縣又爲江也東與車箱水合水出車箱山乘高瀑布四十餘丈雖有水旱而澍無增減江水又東逕黃橋下

臨江有漢蜀郡太守黃昌宅橋本昌創建也昌爲州書佐妻遇賊相失後會於蜀復修舊好江水又東逕緒山南虞翻嘗登此山四望誠子孫可居江

北世有祿位居江南則不昌也然佳江北者相繼代興時有江南者輒多淪替仲翔之言為有徵矣

孔曄會稽記云昔虞翻嘗登此山望四郭誠子孫曰可留江北居後世祿位當過于我聲名不及爾然和繼代興居江南必不昌江水又經官倉倉即日南太守虞

國舊宅號曰西虞以其兄光居縣東故也是地即

其雙鴈送故處孔曄會稽記云虞國為日南太守有惠政出則雙鴈隨軒及還會稽

鴈亦隨焉其卒也猶棲於墓不去

江水又東逕餘姚縣故城南

縣城是吳將所築宋本作吳將朱然所築也南臨江津北背巨

海夫子所謂滄海浩浩萬里之淵也縣西去會稽

一百四十里因其句餘山宋本作句章山以名縣山在餘

姚之南句章之北也江水又東逕穴湖塘湖水沃

其一縣並為良疇矣

江水又東注于海

是所謂三江者也故子胥曰吳越之國三江環之

民無所移矣但東南地卑萬流所湊濤湖泛決觸

地成川枝津交渠世家分夥故川舊瀆難以取悉

雖龐依縣地緝綜所纏亦未必一得其實也

水經注箋卷第二十九

漢 桑欽撰 後魏酈道元 注

明 李長庚訂 孫汝澄

朱謀偉箋 李克家全校

沔水下 潛水 湍水 均水

粉水 白水 泚水

又東過堵陽縣堵水出焉自上粉縣北流注之

堵水自建平郡界故亭谷東歷新城郡郡故漢中

之房陵縣也世祖建武元年封鄧晨為侯國也漢

末以為房陵郡魏文帝合房陵上庸西城立以為

新城郡以孟達為太守治房陵故縣有粉水縣居其上故曰上粉縣也堵水之傍有別谿岸側土色

鮮黃

舊本作鮮黃孫云當作蟹黃按內經黃如蟹黃者生

乃云可噉有言飲

此水者令人無病而壽豈其信乎又有白馬山山石似馬望之逼真側水謂之白馬塞孟達為守登之而歎曰劉封申耽據金城千里而更失之乎為上堵吟音韻哀切有惻人心今水次尚歌之堵水又東北逕上庸郡故庸國也春秋文公十六年楚人秦人巴人滅庸庸小國附楚楚有災不救舉羣蠻以叛故滅之以為縣屬漢中郡漢末又分為上

庸郡城三面際水堵水又東逕方城亭而東北歷崇山下而北逕堵陽縣南北流注于漢謂之堵口漢水又東謂之澇灘冬則水淺而下多大石又東為淨灘夏水急盛川多湍洑行旅苦之故諺曰冬澇夏淨斷官使命言二灘阻礙

又東過鄖陽縣南

漢水又東逕鄖鄉縣南之西山上有石蝦蟇倉卒看之與真不別

漢水又東逕鄖鄉縣故城南

謂之鄖鄉灘縣故黎也即長利之鄖鄉矣地理志

曰鄖有關李奇以爲鄖子國晉太康五年立以爲縣

漢水又東逕琵琶谷口

梁益二州分境於此故謂之琵琶界也

又東北流又屈東南過武當縣東北

縣西北四十里漢水中有洲名滄浪洲庾仲雍漢記謂之千齡洲非也是世俗語訛音與字變矣地說曰水出荆山東西流爲滄浪之水是近楚都故漁父歌曰滄浪之水清兮可以濯我纓滄浪之水濁兮可以濯我足余按尚書禹貢言導漾水東流

爲漢又東爲滄浪之水不言過而言爲者明非他

水決入也蓋漢沔水自下有滄浪通稱耳纏絡鄢

郢地連紀鄢咸楚都矣漁父歌之不違水地滄浪

洲傳宋本作按考洲傳埤謂洲字亦譌當作經傳宜以尚書爲正耳

漢水又東爲恨子潭

潭中有石積洲長六十丈廣十八丈世亦以此洲

爲恨子葬父於斯故潭得厥目焉所未詳也

漢水又東南逕武當縣故城北

世祖封鄧晨子堂爲侯國內有一碑文字磨滅不

可復識俗相傳言是華君銘亦不詳華君何代之

士

漢水又東平陽川水注之

水出縣北伏親山南歷平陽川逕平陽故城下又南流注于沔

沔水又東南逕縣城東

又東曾水注之水導源縣南武當山一曰太白山亦曰叅上山山形特秀又曰僊室荊州圖副記曰山形特秀異於眾嶽峰首狀博山香爐亭亭遠出藥食延年者萃焉晉咸和中歷陽謝允舍羅邑宰隱遁斯山故亦曰謝羅山曾水發源山麓逕越山

陰東北流注于沔謂之曾口

沔水又東逕龍巢山下

山在沔水中高十五丈廣員一里二百三十步山形峻峭其上秀林茂木隆冬不凋

又東南逕涉都縣東北

宋本作涉都城

故鄉名也按郡國志筑陽縣有涉都鄉者也漢武帝元光元年

孫云按史記年表是元封元年

封南海守降侯子嘉

為侯國均水於縣入沔謂之均口也

又東南過鄧縣之西南

縣治故城南臨沔水謂之鄧頭漢高帝五年封蕭

何爲侯國也薛瓚曰今南鄉鄼頭是也茂陵書曰
在南陽王莽更名南度者也

又南逕穀城東又南過陰縣之西

沔水東逕穀城南而不逕其東矣城在穀城山上
春秋穀伯綏之邑也

春秋桓公六年夏穀伯綏來朝

墉闔頽毀基

塹亦存沔水又東南逕陰縣故城西故下陰也春
秋昭公十九年楚工尹赤遷陰于下陰是也縣東
有縣令濟南劉熹字德怡魏時宰縣雅好博古學
教立碑載生徒百有餘人不終業而夭者因葬其
地號曰生墳

水又東南得洛谿口

水出縣西北集池陂東南流逕洛陽城北抗洛谿
谿水東南注沔水也

又南過筑陽東筑水出自房陵縣東過其縣南流注
之

沔水又南汎水流注之水出梁州閬陽縣魏遣夏
侯淵與張郃下巴西進軍宕渠劉備軍汎口卽是
水所出也張飛自別道襲張郃於此水郃敗棄馬
升山走還漢中汎水又東

脫一

逕字巴西歷巴渠北新

城上庸東逕汎陽縣故城南晉分筑陽立自縣以

上山潑水急枉渚崩湍水陸徑絕

又東逕學城南

梁州大路所由也舊說昔者有人立學都於此值世荒亂生徒罔依遂共立城以禦難故城得厥名矣汎水又東流注于沔謂之汎口也沔水又南逕闕林山東本郡陸道之所由山東有二碑其一卽記闕林山文曰君國者不躋高堙下先時或斷山岡以通平道民多病守長冠軍張仲踰乃與邦人築斷故山道於宋本此銘其一郭先生碑先生名輔字甫成有孝友悅學之美其女爲立碑於此蓋

宋本無年號皆不知何代人也

沔水又南逕筑陽縣東

又南筑水注之杜預以爲彭水也水出梁州新城郡魏昌縣界縣以黃初中分房陵立筑水東南流逕筑陽縣水中有孤石挺出其下澄潭時有見此石根如竹根而黃色見者多凶相與號爲受石西

雜俎引此事所未詳也筑水又東逕筑陽縣故城

南縣故楚附庸也秦平鄢郢立以爲縣王莽更名之曰宜禾也建武元年世祖封吳財爲侯國筑水又東流注于沔謂之筑口沔水又南逕高亭山東

山有靈焉士民奉之所請有驗

沔水又東爲漆灘

新野郡山都縣與順陽筑陽分界於斯灘矣

又東過山都縣東北

沔南有固城城側沔川卽新野山都縣治也舊南

陽之赤鄉矣秦以爲縣漢高后四年封衛將軍王

恬啓爲侯國沔北有和城卽郡國志所謂武當縣

之和聚山都縣舊嘗治此故亦謂是處爲故縣灘

沔水北岸數里有大石激

激當作礮其字从石

名曰五女激

或言女父爲人所害居固城五女思復父怨故立

激以攻城城北今淪於水亦云有人葬沔北墓宅

將爲水毀其人五女無男皆悉巨富共修此激以

全墳宅然激作甚工又云女嫁爲陰縣恨子家貨

萬金而自少小不從父語父臨亡意欲葬山上恐

兒不從故命言葬我著渚下石積上恨子曰我由

來不奉教今從語遂盡散家財作石冢積土繞之

成一洲長數百步元康中始爲水所壞今石皆如

半榻許數百枚聚在水中恨于是前漢人襄陽太

守胡烈有惠化補塞隄決民賴其利景元四年九

月百姓刊石銘之樹碑於此沔水又東偏淺冬月

可涉渡謂之交湖兵戎之交多自此濟晉太康中
得鳴石於此水撞之聲聞數里

沔水又東逕樂山北

昔諸葛亮好爲梁甫吟每所登遊故俗以樂山爲
名

沔水又東逕隆中

歷孔明舊宅北亮語劉禪云先帝三顧臣於草廬
之中咨臣以當世之事卽此宅也車騎沛國劉季
和之鎮襄陽也與犍爲人李安共觀此宅命安作
宅銘云天子命我于沔之陽聽鼓鞀而永思庶先

哲之遺光

蜀志注云劉弘命犍爲李興爲文其祠甚美王隱晉書云李興密之子也一名

安後六十餘年永平之五年習鑿齒又爲其宅銘
焉

潛水出巴郡宕渠縣

潛水蓋漢水枝分潛出故受其稱耳今受當作今爰有

大穴潛水入焉通岡山下西南潛出謂之伏水或

以爲古之潛水鄭玄曰漢別爲潛其穴本小水積

成澤流與漢合大禹自通漢疏通卽爲西漢水也

故書曰沱潛旣道劉澄之稱白水入潛然白水與

羌水合入漢是猶漢水也縣以延熙中分巴立宕

渠郡蓋古賓國也今有賓城縣有渝水夾水上下
皆賓民所居漢祖入關從定三秦其人勇健好歌
儻高祖愛習之今巴渝儻是也縣西北有不曹水
南逕其縣下注潛水孫云按漢志巴郡賓縣
有車騎將軍馮緄桂陽太守李温冢二子之靈常
以三月還鄉水暴長郡縣吏民莫不於水上祭今
所謂馮李也

又南入于江

庾仲雍云墊江有別江出晉壽縣卽潛水也其南
源取巴西是西漢水也

湍水出酈縣北芬山南流過其縣東又南過冠軍縣
東

湍水出弘農界翼望山水甚清徹東南流逕南酈
縣故城東史記所謂下酈也漢武帝元朔元年封
左將黃同爲侯國孫云按史記是元封元年湍水又南菊水注

之水出西北石澗山芳菊谿亦言出祈谷蓋谿澗
之異名也前漢地理志弘農郡祈縣注云黃水出黃谷鞠水出祈谷俱東至酈入湍水鞠

水卽今所謂菊潭也湍音專源傍悉生菊草潭澗滋液極成甘

美云此谷之水土食挹長年司空王暢太傅袁隗
太尉胡廣並汲飲此水以自綏養是以君子留心

甘其臭尚矣菊水東南流入于湍湍水又逕其縣東南歷冠軍縣西北有楚塢高下相承八重周十里方塘蓄水澤潤不窮湍水又逕冠軍縣故城東縣本穰縣之盧陽鄉宛之臨駝聚漢武帝以霍去病功冠諸軍故立冠軍縣以封之水西有漢太尉長史邑人張敏碑碑之西有魏征南軍司張詹墓墓有碑碑背刊云白楸之棺易朽之裳銅鐵不入凡器不藏嗟矣後人幸勿我傷自後古墳舊冢莫不夷毀而是墓至元嘉初尚不見發六年大水蠻饑始被發掘說者言初開金銀銅錫之器朱漆雕

刻之飾爛然有二朱漆棺棺前垂竹簾隱以金釘墓不甚高而內極寬大虛設白楸之言空負黃金之實雖意固南山

當作錮南山語出張釋之傳

寧同壽乎湍水

又逕穰縣爲六門陂漢孝成之世南陽太守邵信臣以建昭五年斷湍水立穰西石碣至元始五年更開三門爲六石門故號六門塢也溉穰新野昆陽三縣五千餘頃漢末毀廢遂不修理晉太康三年鎮南將軍杜預復更開廣利加于民今廢不修矣六門側猶有六門碑是部曲主安陽亭侯鄧達等以太康五年立湍水又逕穰縣故城北又東南

逕魏武故城之西南是建安三年曹公攻張繡之所築也

又東過白牛邑南

湍水自白牛邑南建武中世祖封劉嵩為侯國湍水又東南逕安衆縣故城南縣本宛之西鄉漢長沙定王子康侯丹之邑也湍水東南流湍水注之

水出涅陽縣西北岐棘山東南逕涅陽縣故城西

漢武帝元朔四年封路最為侯國係云按史記朝鮮相路人漢兵

至百先降道死其子最元封四年封涅陽侯王莽之所謂前亭也應劭

曰在涅水之陽矣縣南有二碑碑字紊滅不可復

識云是左桃伯碑列士傳云羊角哀左伯桃相與為死友欲什于楚山阻遇雪饑

寒無計伯桃推衣糧與角哀入樹中而死楚平王賢角哀而嘉伯桃之義以公卿禮葬之涅水

又東南逕安衆縣竭而為陂謂之安衆港魏太祖破張繡於是處與荀彧書曰繡過吾歸師迫我死

地蓋於二水之間以為汭涉之艱阻也涅水又東

南流注于湍水

又東南至新野縣東入于清

湍水至縣西北東分為鄧氏陂漢太傅鄧禹故宅其奉朝請西亭侯鄧晨故宅隔陂鄧颺為晨宅略存焉

均水出浙縣北山南流過其縣之東

均水發源弘農郡之盧氏縣熊耳山山南即脩陽

葛陽二縣界也雙峰齊秀望若熊耳因以為名齊

桓公邵陵之會西望熊耳即此山也太史公司馬

遷皆嘗登之縣即浙縣之比鄉故言出浙縣北也

前漢地理志弘農郡有析縣後漢郡國志析縣改屬南陽郡均水又東南流注

逕其縣下南越南鄉縣又南流與丹水合

又南當涉都邑縣北南入于沔

均水南逕順陽縣西漢哀帝更為博山縣明帝復

曰順陽應劭曰縣在順水之陽今於是縣則無聞

於順水矣章帝建初四年封衛尉馬康為侯國晉

太康中立為順陽縣西有石山南臨汭水汭水又

南流注于沔水謂之汭口者也梁書曰齊建武末魏王托跋宏寇沒

南陽等五郡明帝遣太尉陳顯達率眾復爭之師入汭均口馮道根說顯達曰汭均水迅急難進易

退魏若守隘則首尾俱急不如悉棄船艦於鄴城方道步進建營相次鼓行而前如是則立破之矣

顯達不聽及敗走多不知山路道根每及險要輒停馬指示之眾賴以全尋為汭均口戍副李子田

析蹟云水經注順陽縣西有石山南臨汭水汭水又南流注於沔謂之沔口與均水實一水故謂之

汭均故地理志謂之清水言熊耳之山清水出焉

又東南至順陽入于沔

粉水出房陵縣東流過郢邑南

粉水導源東流注上粉縣取此水以漬粉則皓耀
鮮潔有異衆流故縣水皆取名焉

又東過穀邑南東入于沔

粉水至筑陽縣西而下注于沔水謂之粉水粉水
有文將軍冢墓隧前有石虎石柱甚修麗閭丘羨
之爲南陽葬婦墓側將平其域夕忽夢文諫止羨
之不從後羨之爲楊佺期所害論者以爲文將軍
之崇也

白水出朝陽縣西東流過其縣南

王莽更之曰朝陽也爲屬信縣

孫云按漢志
莽曰厲信

應劭

曰縣在朝水之陽今朝水逕其北而不出其南也

蓋邑郭淪移川渠狀改故名舊傳遺稱在今也

又東至新野縣西東入于涓

涓當
作涓

泚水出泚陽東北太胡山東南流逕其縣南泚水從
南來注之

太胡山在泚陽北如東三十餘里廣員五六十里

張衡賦南都所謂天封太胡者也

今張衡南都賦
云天封大狐列

仙之隙胡與
狐字互通

應劭曰泚水出泚陽縣東入蔡經云

泄水從南來然泚陽無泄水蓋悞引壽春之泚泄

耳余以延昌四年蒙除東荊州刺史州治泚陽縣

故城城南有蔡水出南磐石山故亦曰磐石川西北流注于泚非泄水也呂氏春秋曰齊令章子與韓魏攻荆荆使唐蔑應之夾泚而軍欲視水之淺淺荆人射之而莫知也有菡一作芻者曰兵盛則水淺矣章子夜襲之斬蔑於是水之上也泚水又西澳水注之水北出茈丘山東流屈而南轉又南入于泚水按山海經云澳水又北入視不注泚水山中經云奧水出奧山東流注于視水余按呂忱字林及難字爾雅並言灤水在泚陽脉其川流所會診其水土津注宜是灤水音藥也泚水又西南歷長岡月城北舊泚

水又會馬仁陂水水出濩陰北山泉流競湊水積成湖蓋地百頃謂之馬仁陂陂水歷其縣下西南竭之以溉田疇公私引列水流遂斷故瀆尚存泚水又南逕會口與緒水枝津合泚水又南與澧水會澧水源出于桐栢山與淮同源而別流西注故亦謂水為派水澧水西北流逕平氏縣故城東北王莽更名其縣曰平善城內有南陽都鄉正衛彈勸碑澧水又西北合澳水水出湖南北山西流北屈逕平氏城西為宋本作而北入澧水澧水又西注泚水泚水自下亦通謂之為派水昔漢光武破甄阜

梁丘賜於泚水西斬之於斯水也泚水又南趙澧
二渠出焉泚水又西南流謝水注之水出謝城北
二源微小至城漸大城周廻側水詩所謂申伯番
番既入于謝者也世祖建武十三年封樊重少子
丹爲謝陽侯卽其國也然則是水卽謝水也岸下
深浚流徐平時人目之爲渟澹水城成一作又以
渟澹爲目非也其城之西舊棘陽縣治故亦謂之
棘陽城也謝水又東南逕新都縣左注泚水又西
南流逕新都縣故城西王莽更之曰新林郡國志
曰以爲新野之東鄉故新都者也

又西至新野縣南入于渚

泚水於岡南西南流成在岡上泚水又西南與南
長坂門二水合其水東北出湖陽東隆出當作山

之西側有漢日南太守胡著碑子珍騎都尉尚湖

陽長公主卽光武之伯姊也廟堂皆以青石爲階

陛廟北有石堂琬之玄孫桂陽太守瑒以延熹四

年遭母憂於墓次立石祠勒銘于梁石字傾頽而

梁字當作無毀盛弘之以爲樊重之母畏雷室蓋

傳疑之謬也陸山孫云疑南有一小山山坂一作

有兩石虎相對夾隧道雖處蠻荒全無破毀作制

甚工信為妙矣世人因謂之為石虎山其水西南流逕湖陽縣故城南地理志曰故蓼國也竹書紀

年曰楚共王會宋平公于湖陽者矣東城中有二

碑似是樊重碑悉載故吏人名司馬彪曰仲山甫

封於樊因氏國焉爰自宅陽徙居湖陽漢志南陽郡有比陽

湖陽二縣此宅陽乃比陽之誤按樊宏傳云樊氏仲山甫之後南陽湖陽人也能治田殖

至三百頃起廬舍高樓連閣波陂灌注竹木成林

六畜放牧後漢書樊宏傳云所起廬舍皆有重堂高閣陂渠灌注又池魚牧畜有求必給

魚羸梨菓檀棘桑麻閉門成市兵弩器械皆至百

萬其興工造作為無窮之巧不可言富擬封君世

祖之少數歸外氏及之長安受業齋送甚至世祖

卽位追爵敬侯詔湖陽為重立廟置吏奉祠巡祠

章陵常幸重墓其水四周城溉城之東南有若令

樊萌中常侍樊安碑城南有數碑無字又有石廟

數間依于墓側棟宇崩毀惟石壁而已亦不知誰

之胄族矣其水南入大湖湖陽之名縣藉茲而納

稱也湖水西南流又與湖陽諸陂散水合謂之板

橋水又西南與醴渠合又有趙渠注之二水上承

派水南逕新都縣故城東兩瀆雙引南合板橋水

板橋水又西南與南長水會水上承唐子襄鄉諸

水經注卷第三十
一六
陂散流也唐子陂在唐子山西南有唐子亭漢光武自新野屠唐子鄉殺湖陽尉於是地陂水清深光武後以爲神淵西南流於新野縣與板橋水合西南注于泚水又西南流於清水也

水經注箋卷第三十

漢 桑 欽撰

後魏酈道元 注

明 李長庚訂

孫汝澄

朱謀埠箋

李克家全校

淮水

淮水出南陽平氏縣胎簪山東北過桐栢山

山海經曰淮出餘山在朝陽東義鄉西尚書導淮自桐栢地理志曰南陽平氏縣王莽之平善也風俗通曰南陽平氏縣桐栢大復山在東南淮水所出也淮均也春秋說題辭曰淮者均其勢也釋名

曰淮韋也韋繞楊州北界東至于海也爾雅曰淮
爲滸然淮水與醴水同源俱導西流爲醴東流爲
淮自潛流地下三十許里東出桐栢之大復山南
謂之陽口水南卽復陽縣也闕駟言復陽縣胡陽
之樂鄉也元帝元延二年置在桐栢大復山之陽
故曰復陽也東觀漢記曰朱祐少孤歸外家復陽
劉氏山南有淮源廟廟前有碑是南陽郭苞立又
二碑並是漢延熹中守令所造文辭鄙拙殆不可
觀故經云東北過桐栢也

淮水又東逕義陽縣

縣南對固成山山有水注流數丈洪濤灌山遂成
巨井謂之石泉水北流注于淮

淮水又逕義陽縣故城南

義陽郡治也世謂白茅城其城圓而不方闕駟言
晉太始中割南陽東鄙之安昌平林平氏義陽四
縣置義陽郡於安昌城又太康記晉書地道記並
有義陽郡以南陽屬縣爲名漢武帝元光四年封
北地都尉衛山爲侯國也

孫云按史記元狩四年封義陽侯有

九渡水注之水出雞翅山磳澗潛委汭遡九渡矣
其猶零陽之九渡水故亦謂之爲九渡焉於溪之

東山有一水發自山椒下數丈素湍直注頽波秀壑當作委壑可數百丈望之若霏幅練矣下注九渡水

東過江夏平春縣北

淮水又東油水注之

水出縣西南油溪東北流逕平春縣故城南漢和帝建初四年封子全為王國淮水又東曲岸北有一土穴徑尺泉流下注泝流波三丈入于油水亂流南屈又東北注于淮淮水又東北逕城陽縣故城南漢高帝十二年封定侯奚意為侯國孫云按史記奚

意封成陽侯索隱曰屬汝南

王莽之利新也魏城陽郡治

淮水又東北與大木水合

水西出大木山山即晉車騎將軍祖逖自陳留將家避難所居也其水東逕城陽縣北而東入于淮淮水又東北流左會湖水

傍川西南出窮溪得其源也

淮水又東逕安陽縣故城南

江國也嬴姓矣今其地有江亭春秋文公四年楚人滅江秦伯降服出次曰同盟滅雖不能救敢不矜乎春秋僖二年齊宋江黃盟于貫杜注云江國在汝南安陽縣地理志曰漢

乃縣之呂后八年封淮南厲王子劉勃為侯國孫

按史記年表文帝八年淮南厲王子勃封安陽侯王莽之均夏也

淮水又東得澗口水

源南出大潰山東北流翼帶三川亂流北注澗水又北逕賢首山西又北出東南屈逕仁順城南故義陽郡治分南陽置也晉太始初以封安平獻王孚長子望本治在石城山上因梁希侵逼徙治此城齊司州刺史馬鮮卑不守魏置郢州也昔常珍奇自懸瓠遣三千騎援義陽行事龐定光屯于澗水者也後魏書常珍奇者汝南人為宋劉駿司州刺史與薛安都等推立劉子勛子勛敗遣

使馳告長社鎮請降顯祖以珍奇為豫州刺史河內公歲餘珍奇密懷南叛尚書元石自出攻之珍奇乘虛於懸瓠反叛燒城東門斬三百餘人屯於澗水石馳往討擊大破之澗水東南

流歷金山北山無樹木峻峭層峙澗水又東逕義

陽故城北城在山上因倚陵嶺周廻三里是郡昔

所舊治城城南一十五步對門有天井周一百餘

步深一丈東逕鍾武故城南本江夏之屬縣也王

莽之當利縣矣又東逕石城山北山甚高峻史記

曰魏攻冥阬音義曰冥阬或言在鄆縣菑山也按

呂氏春秋九塞其一也澗水逕鄆縣故城南建武

中世祖封鄧邯為鄆縣按宋本作蘇林曰音育宋本

作音 澗水又東逕七井岡南又東北注于淮淮水
 又東至谷口谷水南出鮮金山北流至瑟水注之
 水出西南具山東北逕光淹城東而北逕青山東
 羅山西東北流注于谷水谷水東北入于淮
 又東逕新息縣南

淮水東逕故息城南春秋左傳隱公十一年鄭息
 有違言息侯伐鄭鄭伯敗之者也

淮水又東逕浮光山北

亦曰扶光山即弋山也逕新息縣故城南應劭曰
 息後徙東故加新也王莽之新德也光武十九年

封馬援為侯國外城北門內有新息長賈彪廟廟
 前有碑面南又有魏汝南太守程堯碑魏太和中
 蠻田益宗劾域立東豫州以益宗為刺史淮水又
 東合慎縣水水出慎陽縣西而東逕慎陽縣故城
 南縣取名焉

孫按史記索隱曰慎陽屬汝南如淳曰音震闕駟曰合作慎陽永平五年

失印更刻遂誤以水為心漢高帝十一年封欒說為侯國穎陰

劉陶為縣長政化大行道不拾遺以病去官童謠
 歌曰悒然不樂思我劉君何時復來安此下民是
 思如此應劭曰慎水所出東北入淮慎水又東流
 積為焦陂陂水又東南流為上慎陂又東為中慎

陂又東南為下慎陂皆與鴻郟陂水散流其陂首受淮川左結鴻陂漢成帝時翟方進奏毀之建武中汝南太守鄧晨欲修復之知許偉君曉知水脉召與議之偉君言成帝用方進言毀之尋而夢上天天帝怒曰何故敗我濯子淵是後民失其利時有童謠曰敗我陂翟子威及子覆陂當復明府興復廢業童謠之言將有徵矣

漢書汝南舊有鴻陂大陂郡以為饒成帝時關東數水陂溢為害翟方進為相奏決去陂水有童謠曰壞陂誰翟子威飯我豆食羹芋魁反乎覆陂當復誰

遂署都水掾起塘四百餘里百姓得其利陂水散流下合慎水而東南逕息城北又東

逕南入淮謂之慎口淮水又東與申陂水合水上承申陂於新息縣北東南流分為二水一水逕潁丘西又屈逕其南南派為蓮湖水南流注于淮淮水又左迤流結兩湖謂之東西蓮湖矣

淮水又東右壑水

宋本右下有合字

水出白沙山東北逕柴亭西俗謂之柴水又東北流與潭溪水合水發潭谷東北流右會柴水柴水又東逕黃城西故弋陽縣也城內有二城西即黃城也柴水又東北入於淮謂之柴口也

淮水又東北申陂枝水注之

水首受陂水於深丘北東逕釣臺南臺在水曲之中臺北有琴臺又東逕陽亭南東南合淮

淮水又東逕淮陰亭北又東逕白城南

楚白公勝之邑也又東北去白亭一十里

淮水又東逕長陵戍南又東青陂水注之

分青陂東瀆東南逕白亭西又南於長陵戍東東

南入于淮

淮水又東北合黃水

水出黃武山東北流木陵關水注之水導木陵山

西北流注于黃水黃水又東逕晉西陽城南又東

逕南光城南光郡治又東北逕高城南故弦高國

也又東北逕弋陽郡

漢郡國志汝南郡弋陽縣侯國有黃亭故黃國嬴姓東

有虞丘郭南有子相廟黃水又東北入于淮謂之

黃口淮水又東北逕襄信縣故城南而東流注之

者也

又東過期思縣北

縣故蔣國周公之後也春秋文公十年楚王田于

孟諸期思公復遂為右司馬楚滅之以為縣漢高

帝十二年以封賁赫為侯國城之西北隅有楚相

孫叔敖廟

碑

淮水又東北潁水注之一作

水出弋陽縣南垂山西北流歷陰山關逕二城間舊有賊難軍所謂頓防西北出山又東北流逕新城戍東又東北得詔虞水口西北去弋陽虞丘郭二十五里水出南山東北流逕詔虞亭東而北入潁水又東北注淮俗曰白鷺水

東過原鹿縣南汝水從西北來注之

縣卽春秋之鹿上也左傳僖公二十一年宋人爲鹿上之盟以求諸侯於楚建武十五年世祖更封侍中執金吾陰鄉侯陰識爲侯國者也

又東過廬江安豐縣東北決水從北來注之

廬江故淮南也漢文帝十六年別以爲國應劭曰故廬子國也決水自舒蓼北注不於北來也安豐東北注淮者窮水矣又非決水皆誤耳

淮水又東谷水入焉

水上承富水東南流世謂之谷水也東逕原鹿縣故城北城側水南谷水又東逕富陂縣故城北俗謂之成閭亭非也地理志曰汝南郡有富陂縣建武二年世祖改封平鄉侯王霸爲富陂侯十三州志曰漢和帝永元九年分汝陰置多陂塘以溉稻

故曰富陂縣也谷水又東於汝陰城東南注

注下當有

字之

淮水又東北左會潤水

水首受富陂東南流為高塘陂又東積而為陂水東注焦陵陂陂水北出為鰲陂陂水潭漲引瀆北注汝陰四周隍塹下注潁水焦湖東注謂之潤水逕汝陰縣東逕荆亭北而東入

淮水又東北窮水入焉

水出六安國安豐縣窮谷春秋左傳楚救潛司馬沈尹戌與吳師遇于窮谷者也川流泄注于決水

之北北灌安豐之左世謂之豐豐水

當作安豐水

亦曰

窮水音戎並聲相近字隨讀轉流結為陂謂之窮陂塘堰雖淪猶用不輟陂水四分農事川康北流注于淮京相璠曰今安豐有窮水北入淮淮水又東為安豐津水南有城故安豐都尉治後立霍丘戍淮淮中有洲俗號關洲蓋津關所在故斯洲納稱焉魏書國志有曰司馬景王征母丘儉使鎮西將軍豫州刺史諸葛誕從安豐津先至壽春儉敗與小弟秀藏水草中安豐津都尉部民張屬斬之傳首京都即斯津也

水經注卷三十一
又東北至九江壽春縣西泚水洪水合北注之又東
潁水從西北來流注之

淮水又東左合泚口又東逕中陽亭北爲中陽渡
水流淺積可以厲也

淮水又東流與潁口會東南逕倉陵北又東北流逕
壽春縣故城西

縣卽楚考烈王自陳徙此秦始皇立九江郡治此
兼得廬江豫章之地故以九江名郡漢高帝四年
爲淮南國孝武元狩六年復爲九江焉文穎曰史
記貨殖傳曰淮以北沛陳汝南南部爲西楚彭城

以東東海吳廣陵爲東楚衡山九江江南豫章
沙爲南楚是爲三楚者也

淮水又北左合椒水

水上承淮水東北流逕蠅地南又歷其城東亦謂
之清水東北流注于淮水謂之清水口者左合椒
水焉

又東過壽春縣北肥水從縣東北流注之

淮水於壽陽縣西北肥水從城而北入于淮謂之
肥口淮水又北夏肥水注之水上承沙水於城父
縣右出東南流逕城父縣故城南王莽之思善也

縣故焦夷之地春秋左傳昭公九年楚公子棄疾
遷許于夷實城父矣取州來淮北之田以益之伍
舉授許夷田杜預曰此時改城父爲夷故傳實之
者也言夷田在濮水西者也然則濮水卽沙水之
兼稱得夏肥之通曰矣漢桓帝永壽元年封大將
軍梁冀孫桃爲侯國者也夏肥水自縣又東逕思
善縣之故城南漢章帝章和三年分城父立夏肥
水又東爲高坡常作又東爲天淙陂水出分爲二
流南爲肥水北爲雞陂夏肥東流左合雞水水出
雞陂東爲黃陂又東南流積爲茅陂又東爲雞水

呂氏春秋曰宋人有取道者其馬不進謂之雞水
是也雞水又會肥水而亂流東注俱入于淮
淮水又北逕山硤中謂之硤石

對岸山上結二城以防津要西岸山上有馬跡世
傳淮南王乘馬昇僊所在也今山之東南石上有
大小馬跡一十餘所仍今存焉淮水又北逕下蔡
縣故城東本州來之城也吳季札始封延陵後邑
州來故曰延州來矣春秋襄公二年蔡成公自新

蔡遷于州來謂之下蔡也左傳襄公二年吳洩庸

如蔡納聘而稍納師師
畢入衆知之蔡侯告大夫殺公子驪以說哭而遷
墓冬蔡遷于州來史記楚昭王伐蔡蔡告急于吳

吳爲蔡遠約遷以自近易以相救昭侯私許之吳人來救蔡因遷蔡于州來注云州來在淮南下蔡

縣淮之東岸又有一城下蔡新城也二城對據翼

帶淮濱淮水東逕八山北山上有老子廟淮水歷

潘城南置潘溪戍戍東側潘溪吐川納淮更相引

注又東逕梁城臨側淮川川左有湄城淮水左迤

爲湄湖淮水又右納洛川於西曲陽縣北水分閭

漢北絕橫塘北逕蕭亭東又北鵲甫溪水入焉水

出東鵲甫谷西北流逕鵲甫亭南西北流注于洛

水北逕西曲陽縣故城東王莽之延平亭也應劭

曰縣在淮曲之陽下邳有曲陽故是加西也洛澗

北歷秦墟下注淮謂之洛口經所謂淮水逕壽春

縣北肥水縣東北注者也蓋經之謬矣考川定土

卽實爲非是曰洛澗非肥水也

淮水又北逕莫耶山西

山南有陰陵縣故城漢高祖五年項羽自垓下從

數百騎夜馳渡淮至陰陵迷失道左陷大澤漢令

騎將灌嬰以五千騎追及之於斯縣者也按地理

志王莽之陰陸也後漢九江郡治時多虎災百姓

苦之南陽宋均爲守退貪殘進忠良虎悉衰渡江

范曄漢書宋均字叔庠南陽安衆人爲九江太守退姦貪進忠善去檻奔虎皆東渡江去據謝承漢

書云南陽宗資祖父均趙明誠金石錄云宗資墓在南陽有天鹿辟邪知宋均當作宗均也又東過當塗縣北過水從西北來注之克家云過水當作過水

淮水自莫耶山東北逕馬頭城北魏馬頭郡治也

故當塗縣之故城也後魏地形志馬頭郡屬南兗州呂氏春秋曰

禹娶塗山氏女不以私害公自辛至甲四日復往

治水故江淮之俗以辛壬癸甲為嫁娶日也禹娶

在山西南縣即其地也地理志曰當塗侯國也魏

不害以宰守尉捕淮陽反者公孫勇者漢以封之

史記年表云魏不害以圍守尉捕淮南反者公孫勇者等封當塗侯在武帝時此宰字誤當作圍漢地志云圍縣屬淮陽郡王莽更名山聚也

淮水又東北濠水注之

水出莫耶山東北之溪溪水西北引瀆逕禹墟北

又西流注于淮

淮水又北沙水注之

經所謂蕩蕩渠也淮之西有平阿縣故城王莽之

平寧也建武十三年世祖更封耿阜為侯國郡國

志曰平阿縣有當塗山淮出于荆山之左當塗之

右奔流二山之間西揚濤北注之春秋左傳哀公

十年大夫對孟孫曰禹會諸侯于塗山執玉帛者

萬國杜預曰塗山在壽春東北非也余按國語曰

吳伐楚隳會稽獲骨焉節專車吳子使來聘且問之客執骨而問之敢問骨何爲大仲尼曰丘聞之昔禹致羣神於會稽之山防風氏後至禹殺之其骨專車此爲大也蓋丘明親承聖旨錄爲實証矣又按劉向說苑辯物王肅之敘孔子廿二世孫孔猛舊本無廿二字王肅家語序云孔子廿二世孫猛所出先人書家語並出此事故塗山有會稽之名考校羣書及方士一作士之目疑非此矣蓋周穆之所會矣淮水於荆山北過水自南注之又東北逕沛郡義城縣東司馬彪曰後隸九江也

又東過鍾離縣北

世本曰鍾離羸姓也應劭曰縣故鍾離子國也楚滅之以爲縣春秋左傳所謂吳公子光伐楚拔鍾離者也王莽之蠶富也豪水出陰陵縣之陽亭北小屈有石穴不測所窟言穴出鍾乳所未詳也豪水東北流逕其縣西又屈而南轉東逕其城南又北歷其城東逕小城而北流注于淮

淮水又東逕夏丘縣南

又東渙水西入九里注之渙水又東南流逕離丘縣故城南又東逕承匡城又東逕襄邑縣故城南

故宋之承匡襄牛之地宋襄公之所葬故號襄陵

矣漢地理志襄邑注引圖稱云襄邑宋地本承匡襄陵鄉也宋襄公所葬故曰襄陵秦始皇以承

匡卑濕故徙縣於襄陵謂之襄邑竹書紀年梁惠成王十七年宋

景鼓衛公孫倉會齊師圍我襄陵以竹書紀年校正十八

年惠成王以韓師諸侯師于襄陵縣齊侯使楚景

舍來求成公會齊宋之圍即於此也西有承匡城

春秋會于承匡者也秦始皇以承匡卑濕徙縣於

襄陵更爲襄邑也王莽以爲襄平也漢桓帝建和

元年封梁冀子胡狗爲侯國陳留風俗傳曰縣南

有渙水故傳曰睢渙之間出文章天子郊廟御服

出焉尚書所謂厥篚織文者也渙水又東南逕巴

吾縣故城南又東逕鄆城北春秋襄公元年經書

晉韓厥帥師伐鄭魯仲孫蔑會齊曹邾杞次于鄆

杜預曰陳留襄邑縣東南有鄆城渙水又東南逕

鄆宋本鄆作鄆城北新城南又東南左合明溝溝水自蓬

洪陂東南流謂之明溝下入渙水又逕亳城北帝

王世記曰穀熟爲南亳即湯都也十三州志曰漢

武帝分穀熟置春秋莊公十三年宋公子御說奔

于亳者也渙水東逕穀熟城南漢光武建武二年

封更始子歆爲侯國又東逕楊亭北春秋左氏傳

襄公十二年楚子囊秦庶長無地伐宋帥于楊梁以報晉之取鄭也京相璠曰宋地矣今睢陽東南三十里有故楊梁今日陽亭也俗名之曰緣城非矣西北去梁國八十里渙水又東逕沛郡之建平縣故城南漢武帝元年封杜延年為侯國王莽之田平也又東逕鄆縣故城南春秋襄公十年公會諸侯及齊世子光于鄆鄆字誤按三傳皆作會于 鄆漢地志沛郡鄆縣注 鄆本作為鄆王莽曰贊治 今其地鄆聚是也王莽之鄆治矣漢水當作渙水又東南逕費亭南漢建和元年封中常侍沛國曹騰為侯國騰字季興譙人也永

初中定桓帝策封亭侯此城即其所食之邑也渙水又東逕銍縣故城南昔吳廣之起兵也使葛嬰下之渙水又東苞水注之出譙城北自汧陂陂水東流逕鄆縣南又東逕鄆縣故城南漢志沛郡有鄆縣又有鄆

縣孟康曰鄆音多漢景帝中元年封周應為侯國王莽更

之曰留城也音多又東逕嵇山北嵇氏故居嵇本

姓奚會稽人也先人自會稽遷于譙之銍縣故為

嵇氏取稽字之上以為姓蓋志本也嵇氏譜曰譙

有嵇山家于其側遂以為氏縣魏黃初中文帝以

鄆城父山桑銍置譙郡故隸譙焉苞水東流入渙

渙水又東南逕斬縣故城南漢志斬縣亦屬沛郡地理志曰

故垂鄉也漢高帝破黥布於此縣舊都尉治王莽

之斬城也水上有古石梁處遺基尚存渙水又東

逕穀陽縣右會八丈故瀆瀆上承浚水南流注于

渙渙水又東逕穀陽戍南又東南逕穀陽故城東

北右與解水會水上承縣西南解塘東北流逕穀

陽城南即穀水也應劭曰城在穀水又東北流注

于渙渙水又東南逕白石戍南逕鉉城南浚水注

之水首受斬水於斬縣東南流逕穀陽縣八丈故

瀆出焉又東合長直故溝溝上承斬水南會于浚

浚水又東南流于浚縣故城北縣有垓一聚一作垓下

聚漢高祖破項羽所在也王莽更名其縣曰育城

應劭曰浚水所出音絞經之絞也浚水又東南入

于淮故應劭曰浚水南入淮淮水又東至嶢石山

潼水注之水首受潼縣西南潼陂縣故臨淮郡之

屬縣王莽改曰成信矣南逕沛國夏丘縣絕斬逕

夏丘縣故城西王莽改曰歸思也又東南流逕臨

潼戍西又東南至嶢石西南入淮

淮水又東逕浮山

山北對嶢石山梁氏天監中立堰於二山之間逆

天地之心乖民神之望自然水潰淮矣梁書康絢傳曰魏降

人王足陳計求堰淮水以灌壽陽高祖然之發徐揚人率二十戶取五丁以築之假絢節都督淮上

諸軍事并護堰作人及戰士有衆二十萬於鍾離南起浮山北抵曉石依岸以築土合脊於中流天

監十四年堰將合淮水漂疾復決潰用鐵數千萬斤沈于堰所伐樹爲井榦填以巨石加上其上土

卒死者十七八明年四月堰乃成其長九里下闊百四十丈天監十五年九月淮堰壞死者十餘萬

口

淮水又東逕徐縣南歷澗水注之

導徐城西北徐陂陂水南流絕斬水逕歷澗水西

東南流注于淮

淮水又東池水注之

水出東城縣東北流逕東城縣故城南漢以數千

騎追羽帥二十八騎引東城因四墮出斬將而去

卽此處也史記孝惠八年封淮南厲王子劉賜爲

侯國孫云按史記孝文八年封淮南厲王地理志

王莽更名之曰武城也池水又東北流歷二山間

東北入于淮謂之池口也

淮水又東斬水注之

水首受睢水於穀熟城東北東逕建城縣故城北

漢武帝元朔四年封長沙定王子劉拾爲侯國王

莽之多聚也斬水又東南逕斬縣疑脫縣有大澤

鄉陳涉起兵于此燹火爲狐鳴處也南則淩水出焉
斬水又東南北入丈八故溝出焉克家云當作八丈故瀆

又東流南北長直故瀆出焉又東入夏丘縣東絕

潼水逕夏丘縣故城北又東南逕潼縣南又東流

入徐縣東絕歷澗又東逕大徐縣故城南又東流

注于淮

淮水又東歷客山逕盱眙縣故城西

地理志曰都封治克家云本志作都尉治漢武帝元朔元年

封江都易王子劉蒙之爲侯國王莽更名之曰匡

武淮水又東逕廣陵廣當作歷淮陽城北臨泗水阻

于二水之間述征記淮陽太守治自後置戍縣亦
有時廢興也

又東北至下邳淮陰縣西泗水從西北來流注之

淮泗之會卽角城也左右兩川翼夾二水決入之

所謂泗口也

又東過淮陰縣北中瀆水出白馬湖東北注之

淮水右岸卽淮陰也城西二里有公路浦昔袁術

向九江將東奔袁譚路出斯浦因以爲名焉又東

逕淮陰縣故城北北臨淮水漢高帝六年封韓信

爲侯國王莽之嘉信也昔韓信去下鄉而釣於此

處也城東有兩冢西者卽漂母冢也周廻數百步
高十餘丈昔漂母食信於淮陰信王下邳蓋投金
增陵以報母矣東一陵卽信母冢也縣有中瀆水
首受江于廣陵郡之江都縣縣城臨江應劭地理
風俗記曰縣爲一都之會故曰江都也縣有江水
祠俗謂之伍相廟也子胥但配食耳歲三祭與五
岳同舊水道也昔吳將伐齊北霸中國自廣陵城
東南築邗城城下掘深溝謂之韓江亦曰邗溟溝
按揚州志引水經注淮陰縣有自江東北通射陽
中瀆水謂之邗江亦曰韓溟溝
湖孫云按左傳吳城邗溝通江淮地理志所謂築水也地理志江
都有渠水

而北至末口淮自永和中江都水斷其水上承
陽引江入埭六十里至廣陵城楚漢之間爲東陽
郡高祖六年爲荊國十一年爲吳城卽吳王濞所
築也景帝四年更名江都武帝元狩三年更曰廣
陵王莽郡曰江平縣曰定安城東水上有梁謂之
洛橋中瀆水自廣陵北出武廣湖東陸陽湖西二
湖東西相直五里水出其間下注樊梁湖舊道東
北出至博芝射陽二湖西北出夾耶乃至山陽矣
至永和中患湖道多風陳敏因穿樊梁湖北口下
注津湖逕渡渡十二里方達北口直至夾耶興寧

中復以津湖多風又自湖之南北口沿東岸二十里穿渠入北口自後行者不復由湖故蔣濟三州論曰淮湖紆遠水陸異路山陽不通陳穿溝更鑿馬瀨百里渡湖者也自廣陸當作廣陵出山陽白馬湖逕山陽城西卽射陽縣之故城也應劭曰在射水之陽漢高祖六年封楚左令尹項纏爲侯國也王莽更之曰監淮亭世祖建武十五年封子荆爲山陽公治此十七年爲王國城本北中郎將庾希所鎮中瀆又東謂之山陽浦又東入淮謂之山陽口者也

又東兩小水流注之

淮水左逕泗水國南故東海郡也徐廣史記音義

曰泗水國名漢武帝元鼎三年初置都鄆四年常

山憲王子思王商爲國地理志曰王莽更泗水郡

爲順水陵縣爲生麥漢地理志王莽改泗水國爲水順改凌縣爲生麥凌

水注之水出凌縣東流逕其縣故城東而東南流

注于淮寔曰口也應劭曰凌水出縣西南入淮卽

經所謂之小水者也

又東至廣陵淮浦縣入于海

應劭曰浦岸也蓋側淮瀆故受此名淮水出縣故

城王莽更名之口淮敬淮水於縣枝分北為游水
 歷胸縣與沐合又匡匡字譌未詳胸山西山側有胸縣
 故城秦始皇三十五年於胸縣立石海上以為秦
 之東門崔琰述初賦曰倚高艦以周眇兮觀秦門
 之將將者也東北海中有大洲謂之郁洲山海經
 所謂郁山在海中者也言是山自蒼梧徙此云山
 上猶有南方草木今郁州治故崔季珪之敘述初
 賦言郁洲者故蒼梧之山也心悅而惟之聞其上
 有僊士石室也乃往觀所符見一道人獨處休休
 然不談不對顧非已及也即其賦所云吾夕日符

濟于郁洲者也游水又北逕東海利城縣故城之

東故利鄉也漢武帝元朔四年封城陽共王子嬰

為侯國孫云按史記劉嬰封利鄉侯王莽更之曰流泉游水又

北歷羽山西起行地理志曰羽山在祝其縣東南

尚書曰堯時曰四岳得舜進十六族殛鯀于羽山

是為檣杵與驩兜三苗共工同其罪故世謂之四

凶鯀既死其神化為黃龍黃龍字誤晉語作黃龍韋昭注云能似熊宋庠

音釋云能乃來反字林云能足似鹿又為鼈類東海人祭禹廟不用熊白及鼈為膳汲冢晉春秋云

平公疾夢朱羆窺屏則又變能為羆矣入于羽淵是為夏郊三代祀

之故連山易曰有崇伯鯀伏于羽山之野者是也

游水又北逕祝其縣故城西春秋經書夏公會齊侯于夾谷左傳定公十年公及齊平會于祝其實夾谷也服虔曰地二名王莽更之曰猶亭縣之東有夾口浦游水左逕瑯琊卽丘縣故城之西地理志曰莒子始起于此後徙莒有鹽官故世謂之南莒也游水又東北逕贛榆縣北東側巨海有秦始皇碑在上去海一百五十步潮水至加其上三丈去則三尺所見東北傾石長一丈八尺廣五尺厚三尺八寸一行一十二字游水又東北逕紀鄆故城南春秋昭公十九年齊伐莒莒子奔紀鄆莒

之婦人怒莒子之害其夫老而託紡焉取其

夜縋縋絕鼓譟城上人亦譟莒共公懼啓西門而

出齊遂入紀故紀子帛之國穀梁傳曰吾伯姬婦


謝云婦字衍歸于紀者也杜預曰紀鄆地二名東海

榆縣東北有故紀城卽此水也游水東北入海舊


吳之燕岱常泛巨海憚其濤嶮更泔湖是瀆由是

出地理志曰游水自淮浦北入海爾雅曰淮別爲

游游水亦枝稱者也



水經注箋卷第三十一



漢 桑 欽撰

後魏酈道元 注

明 李長庚訂

孫汝濟

朱謀埒箋

李克家全校

洧水

洧水

灑水

濯水

瀕水

瀕水

瀕水

洧水出南陽魯陽縣西之堯山

堯之末孫劉累以龍食帝孔甲孔甲又求之不得

累懼而遷于魯縣立堯祠於西山謂之堯山故張

衡南都賦曰奉先帝而追孝立唐祠於堯山堯山

在太和川太和城東北滙水出焉張衡南都賦曰
其川瀆則澶澧灤灑發源巖穴布濩漫汗漉沆洋
溢總括急趣箭馳風疾者也滙水又歷太和川東
逕小和川又東溫泉水注之水出北山七泉奇發
炎熱特甚闕駟曰縣有湯水可以療疾矣湯側又
有寒泉焉地勢不殊而炎涼異致雖隆火盛日肅
若冰谷矣渾流同谿南流注滙水又東逕胡木山
東流又會溫泉口水出北山阜炎勢奇毒痼疾之
徒無能澡其衝漂救養者白氏六帖作救瘵咸去湯十許
步別池然後可入湯側有石銘云皇女湯可以療

萬疾者也故杜彥達云然如沸湯可以熟米飯而

一作飲之愈百病道士清身沐浴一日三飯一作飲多少

自在四十日後身中萬病愈三蟲死學道遭難逢
危終無悔心可以牢神存志卽南都賦所謂湯谷

湧其後者也然宛縣有紫山山東有一水東西十

五里南北二百步湛然沖滿無所通會冬夏常溫

世亦謂之湯谷也盛弘之荊州記云南陽郡城北有紫山紫山東有一水無所會

通冬夏常溫因名湯谷非魯陽及南陽之縣故也張平子廣

言土地所苞明非此矣滙水又東房陽川水注之

水出南陽雒縣西房陽川北流注于滙滙水之北

有積石焉世謂女靈山其山平地介立不連岡以
 成高峻石孤峙不託勢以自遠四面壁絕極能靈
 舉遠望亭亭狀若單楹插霄矣北面有如頽落劣
 得道步當作通步好事者時有板陟耳泄水又與波水
 合水出霍陽西川大嶺東谷俗謂之歇馬嶺川曰
 廣陽川非也卽應劭所謂孤山波水所出也馬融
 廣成頌曰浸以波澁其水又南逕蠻城下蓋蠻州
 邑也俗謂之麻城非也波水又南分三川於白亭
 東而俱南入泄水泄水自下兼波水之通稱也是
 故闕駟有東北至定陵入汝之文泄水又東逕魯

陽縣故城南城卽劉累之故邑也有魯縣居其陽
 故因名焉王莽之魯山也昔在於楚天子守之與

韓構難戰有返景之誠

淮南子云魯陽公與韓邁難戰酣日暮援戈而麾之

日爲之反三舍

內有南陽都鄉正衛爲碑泄水右合魯陽

關水水出魯陽關外分頭山橫嶺下夾谷東北出
 入泄泄水又東北合牛蘭水水發縣北牛蘭山東
 南逕魯陽城東水側有漢陽侯焦立碑牛蘭水又
 東南與栢樹谿水合水出魯山北峻谷中東南流
 逕魯山西而南合牛蘭水又東南逕魯山南闕駟
 曰魯陽縣今其地魯山是也水南注于泄泄水東

逕應城南故應鄉也應侯之國詩所謂應侯順德者也彭水注之俗謂之小滙永水出魯陽縣南彭山蟻塢東麓北流逕彭山西下有彭山廟廟前有彭山碑漢桓帝元嘉三年杜仲長立彭水逕其西北漢安邑長尹儉墓東冢西有石廟廟前有兩石闕闕東有碑闕南有二獅子相對南有石碣二枚石柱西南有兩石羊中平四年立彭水又東北充直應城南而入滄滄水又左合橋水水出魯陽縣北恃東宋本作北恃山東南逕應山北又南逕應山西地理志曰故父城縣之應鄉也周武王封其弟奭

國應劭曰韓詩外傳稱周成王與弟戲以桐葉為圭曰吾以封汝周公曰天子無戲言王乃應時而封故曰應侯鄉亦曰應鄉按呂氏春秋云成王以桐葉為圭封叔虞非應侯也汲郡古文殷時已有應國非成王矣戰國范睢所封邑也謂之應水滄水又東逕鞏縣故城北左傳昭公元年冬楚公子圍使伯州犁城犂是也出于魚齒山下春秋襄公十八年楚伐鄭次于魚陵涉於魚齒之下甚雨楚師多凍徒役幾盡晉人聞有楚師師曠曰不害吾驟歌北風又歌南風南風不競多死聲楚必無功

矣所涉卽渚水也水南有漢中常侍長樂太僕吉
侯苞冢冢前有碑基西枕岡城開四門門有兩石
獸墳傾墓毀碑獸淪移人有掘出一獸猶全不破
甚高壯頭去地減一丈許作制甚工左膊上刻作
辟邪字門表塋上起石橋歷時不毀其碑云六帝
四后是謫是誼蓋任自安帝没于桓后于時闔闔
擅權五侯暴世割剥公私以事生歿夫封者表有
德碑者頌有功自非此徒何用許爲石至三春不
若速朽苞墓萬古祇彰誚辱嗚呼愚亦甚矣渚水
又東犇水注之俗謂之秋水非也水有二源東源

出其縣西南踐犢山東崖下水方五十許步不測
其潏東北流逕犇縣南又東北屈逕其縣東而北
合西流水西源出縣西南頗山北阜下東北逕犇
城西又屈逕其縣北東合二水亂流北注于渚漢
高祖入關破南陽太守呂齮於犇東

太守呂齮事
出荀悅漢紀

卽於是地渚水之陰也渚水又東南逕昆陽縣故
城北昔漢光武與王尋王邑戰於昆陽敗之走者
相騰踐奔殪百餘里會大雨如注渚川盛溢虎豹
皆股戰士卒爭赴溺死者以萬數水爲不流王邑
嚴尤陳茂輕騎皆乘尸而渡矣

東北過潁川定陵縣西北又東過堰縣南東入于汝
汝水東逕西不羹亭南亭北背汝水於定陵城北
東入汝堰縣在南不得過孫云堰字誤按漢志潁川郡有鄆縣

清水出弘農盧氏縣攻離山東南過南陽西鄂縣西
北又東過宛縣南孫按山海經云支離之山清水出焉南流注于漢注云今清水出鄆

縣西北山中

清水導源東流逕鄆縣故城北郭仲產曰鄆縣汝
城南在攻離山東鄆舊縣也三倉曰樊登鄆鄆有
二城北鄆也漢祖入關下浙鄆卽此縣也清水又
東南流雒縣之雒衡出東逕百章郭北又東魯陽

關水注之水出魯陽縣南分水嶺南水自嶺南流
北水從嶺北注故世俗謂此嶺為分頭也其水南
流逕魯陽關左右連山插漢秀木干雲是以張景
陽詩云朝登魯陽關峽路峭且深亦司馬芝與坊

遇賊處也

魏志司馬芝字子華河內溫人也少為書生避亂荊州於魯陽山遇賊同行者

皆棄老弱走芝獨坐守老母賊至以刃臨芝芝叩頭曰母老唯在諸君賊曰此孝子也殺之不義遂得免官至
大司農 關水歷雒衡山西南逕皇后城西建武

元年世祖遣侍中傅俊持節迎光烈皇后於清陽
俊發兵三百餘人宿衛皇后道路歸京師蓋稅舍
所在故城得其名矣山有石室甚飾潔相傳名皇

后浴室又所幸也關水又西南逕雒縣故城南昔秦文公之世有陽伯者逢二童曰晉曰彼兩童二

雒也得雌者霸雄者王二童翻飛化為雙雒光武

獲雒於此山以為中興之祥故置縣以名焉按列異傳

云陳倉人得異物獻之道遇二童子云此名為媼在地下食死人腦媼乃言彼二童子名陳實得雒

者王得雌者霸乃逐童子化為雒秦穆公大獵果獲其雌搜神記所引正同但云其雄者飛至南陽

秦表其地為雒縣後光武起於南陽此注晉曰以下似有缺文關水又屈而東南

流注于涓涓水又東南流逕博望縣西北故城東

郭仲產曰郡東北一百二十里漢武帝置校尉張

騫隨大將軍衛青西征為軍前導相望水草得以

不乏元光六年封騫為侯國地理志曰南陽有望

縣王莽改之曰宜樂也涓水又東南逕西鄂故城

東應劭曰江夏有鄂故加西也昔劉表之攻杜子

緒於西鄂也功曹伯孝長聞戰鼓之音懼而閉戶

蒙被自覆漸登城而觀言勇可習也九州春秋曰

州長杜子緒守拒時柏季長在城中聞兵勢恐入室牽被覆頭攻半日稍出而明日側立而聽一日

出問消息三四日負楯親清水又南涿水注之水

鬪謂子緒曰勇可習者也出弘農郡盧氏縣之熊耳山東南逕酈縣北東南

逕房陽城北漢哀帝四年封南陽太守孫寵為侯

國俗謂之房陽川又逕西鄂縣南水北有張平子

墓墓之東側墳有平子碑文字悉是古文篆額是
 崔瑗之辭盛弘之郭仲產並云夏侯孝若為郡薄
 其文復刊碑陰為銘然碑陰二銘乃是崔子玉及
 陳翁耳而非孝若悉是隸字二首並存嘗無毀壞
 又言墓次有二碑今唯見一碑或是余夏逕驛途
 疲而莫究矣水南道側有二石樓相去六七丈雙
 峙齊竦高可丈七八柱圓圍二丈有餘石質青綠
 光可以鑒其上鑿楹承拱魏都賦云樂楹豐施雕簷四柱窮
 巧綺刻妙絕人工題言蜀郡太守姓王字子雅南
 陽西鄂人有三女無男而家累千金父沒當葬女

自相謂曰先君生我姊妹無男兄弟今當安神玄
 宅翳靈后土冥冥絕後何以彰吾君之德各出錢
 五百萬一女築墓二女建樓以表孝思銘云墓樓
 東平林不近墳墓而不能測其處所矣洹水又東
 南流注于清水世謂之肄洹聲相近非也地理志
 曰熊耳之山出三水洹水其一焉東南至魯陽入
 沔是也清水又南逕顏山東山上有神廟俗名之
 為獨山也山南有魏車騎將軍黃權夫妻二冢地
 道潛通其冢前有四碑其二魏明帝立二是其子
 及臣吏所樹者也清水又西南逕史定伯碑南又

西為瓜里津水上有二梁謂之瓜里渡自宛道途東出赭陽而道方城建武三年世祖自赭陽西入

破虜將軍劉奉

後漢書作鄧奉

怨漢掠新野拒瓜里上親

搏戰降之夕陽下遂斬奉郡國志所謂宛有瓜里野津夕陽聚者也阻橋即桓溫故壘處溫以升平

五年與范汪眾軍北討列營涪水

按晉書溫遣諸將

討河北在永和五年而范汪傳云桓溫比伐令汪率文武出梁國以失期免為庶人卒于家本紀元

汪之廢則在升平二年與此注互異

又西南逕晉蜀郡太守鄧義山

墓南又南逕宛城東其地故申伯之國楚文王滅申以為縣也秦昭襄王使白起為將伐楚取鄧

以此地為南陽郡改縣曰宛王莽更名郡曰前隊

縣曰南陽劉善曰在中國之南而居陽地故以為

名大城西南隅即古宛城也荊州刺史治故亦謂

之荊州城今南陽郡治大城其東城城內有舊殿

基周二百步高八尺陛階皆砌以青石大城西北

隅有基周一百步高五丈蓋更始所起也地西三

里有古臺高三丈餘文帝黃初中南巡行所築也

涪水又屈而逕其縣南故南都賦所言涪水蕩其

冑者也王莽地皇二年朱鮪等共於城南會諸將

設壇燔燎立聖公為天子於斯水上世語曰張繡

反公與戰敗子昂不能騎進馬於公而昂遇害魏志

豐愍王昂字子脩弱冠舉孝廉隨太祖征為張繡所害魏書曰公征至宛臨

清水祠亡將士歔歔流涕衆皆哀慟清水又南梅

谿水注之水出縣北紫山南逕百里奚故宅奚宛

人也於秦為賢大夫所謂迷虞智秦者也紫谿又

逕宛西呂城東史記曰呂尚先祖為四嶽佐禹治

水有功虞夏之際受封於呂故因氏為呂尚也徐

廣史記音義曰呂在宛縣高后四年封昆弟子呂

恕為呂城侯疑即此也孫按史記呂后紀四年封呂忿為呂城侯正義曰故

呂城在鄧州南陽縣西三十里呂尚先祖封又按新蔡縣有大呂小呂

亭而未知所是也梅谿又南逕杜衍縣東故城在

西案漢高帝七年封郎中王翳為侯國王莽更之

曰閏衍矣土地墊下湍谿是注古人於安衆場之

今遊水是瀦謂之安衆港世祖建武三年上自宛

遣潁陽侯祭遵西擊鄧奉弟衆破之於杜衍進兵

涅陽者也梅谿又南謂之石橋水又謂之汝谿之

流而左注清水清水之南又有南就聚郡國志所

謂南陽宛縣有南就聚者也郭仲產言宛城南三

十里有一城甚卑小相承名三公城漢時鄧禹等

歸鄉餞離處也盛弘之著荊州記以為三公置余

水經注卷二十一 卷二十一
按清水左右舊有二澁所謂南澁北澁者水側之
澁聚在清陽之東北考古推地則近矣城側有范
蠡祠蠡宛人祠卽故宅也後漢末有范曾字子閔
爲大將軍司馬討黃巾賊至此祠爲蠡立碑文勒
可尋夏侯湛之爲南陽又爲立廟焉城東有大將
軍何進故宅城西有孔嵩舊居嵩字仲山宛人與
山陽范式有斷金契貧無養親賃爲阿街卒遣迎
式式下車把臂曰子懷道卒伍不亦痛乎嵩曰侯
嬴賤役晨門卑下之位古人所不恥何痛之有故
其讚曰仲山通達卷舒無方屈身廝役挺秀含芳

又屈南過清陽縣東

清水又南入縣逕小長安司馬彪郡國志曰縣有
小長安聚謝沈漢書稱光武攻清陽不下引兵欲
攻宛至小長安與甄阜戰敗於此清水又西南逕
其縣故城南桓帝延熹七年封鄧康爲侯國縣故
南陽典農治後以爲清陽郡省郡復縣避晉簡文
諱更名云陽焉清水又逕安樂郡北漢桓帝建和
六年封司徒胡廣爲清陽縣安樂鄉侯今於其國
立樂宅戍郭仲產襄陽記曰南陽城南九十里有
晉尚書令樂廣故宅廣字彥輔也善清言見重當

時成都王廣女婚長沙王猜之廣曰寧以一女而
易五男猶疑之終以憂殞其故居今置戍因以為
名

又南過新野縣西

此下原有廿二字重出今刪去

清水又南入新野縣枝津分派東南出苞隰衍注
左積為陂東西九里南北一十五里陂水所溉咸
為良沃清水又南與湍水會又南逕新野縣故城
西世祖之敗小長安也姊元遇害上即位感悼姊
沒追謚元為新野節義長公主即此邑也晉咸寧
二年封大司馬扶風武王少子歆為新野郡公割

南陽伍屬

屬下當脫一字

陽蔡陽穰鄧山都封為王

按晉書新

野莊王傳云歆字弘舒太康中封新野縣公邑千
八百戶惠帝本紀云永寧元年三月齊王冏起兵
討趙王倫而新野公歆皆舉兵應之四月倫伏誅
明帝為太安元年十二月成都王穎新野王歆同
會洛陽請廢冏還第知歆進封為新野王在
趙王倫伏誅之後也此注斷脫聊復備記之

文舒

更立中隔西即郡治東則民居城西傍清水又東
與朝水合水出西北赤石山而東南逕冠軍縣界
地名沙渠又東南逕穰縣故城南楚別邑也秦拔
鄢郢即以為縣秦昭王封相魏冉為侯邑王莽更
名曰豐穰也魏荊州刺史治朝水又東南分為二
水一水枝分東北為樊氏陂陂東西十里南北五

里俗謂之凡亭陂陂東有樊氏故宅樊氏既滅庾氏取其陂故彥曰陂汪汪下田良樊子失業庾公

昌後漢書注引此昔在晉世杜預繼信臣之業復作樊氏失業

六門之陂過六門之水下結二十九陂諸陂散流咸入朝水事見六門碑六門既陂諸陂遂斷朝水

又東逕朝陽縣故城北而東南注于清水又東南與棘水合水上承赭水赭水出棘陽縣北數源並

發南流逕小赭鄉謂之小赭水世祖建武二年成安侯臧宮從上擊赭也東源方七八步騰湧若沸

故世名之騰沸水南流逕于赭鄉謂之赭水建武

二年祭遵引兵南擊董訢於赭鄉以水氏縣故有

赭陽之名也地理志曰縣有赭水王莽曰陽城也漢哀帝改為順陽建武二年更封安陽侯朱祐為

赭陽侯赭水縣竭以為陂東西夾岡水相去五六里古今斷岡兩舌都水潭漲孫云古今斷岡兩舌當作左右斷岡兩舌

都水當作潞水岡外下垂陂陀而出者謂之舌蓋削去陂陀之土接水連岡築竭潞水以成潭漲也南北一十餘里水決南瀆下注為灣灣分為二西

為赭水東為榮源赭水參差流結兩湖並有東陂西陂之名二陂所導俱水枝分東南至合口入泚

是以地理志云泚水赭水皆言入蔡互受通稱故

也二湖流注合為黃水謂所受焉逕棘陽縣之黃
 淳聚又謂之為黃淳水者也故謝沈漢書甄阜等
 賅光武于小長安東乘勝南渡黃淳水前營皆阻
 兩川謂臨泚水絕後橋示無還心漢兵擊之二軍
 潰溺死黃淳水者二萬人又南逕棘陽縣故城西
 應劭曰縣在棘之陽是知斯水為棘水也漢高帝
 七年封莊得臣為侯國孫云按史記年表棘陽莊侯世得臣後漢兵
 起擊唐子鄉卿一作殺湖陽尉進拔棘陽鄧晨將賓
 客會光武于此縣也棘水又南逕新野縣歷黃郵
 聚世祖建武三年傅俊岑彭進擊秦豐先拔黃郵

者也謂之黃郵水大司馬吳漢破秦豐於斯水之
 上其聚落悉為蠻居猶名之為黃郵蠻棘水自新
 野縣東而南流入于涓水謂之為力口也棘力聲
 相近當為棘口也又是方俗之音故字從讀變若
 世以棘子木為力子之木也舊本誤以灑水東比流枝瀆右出殺入此
注今據宋本改正涓水又東南逕士林東戍名也戍有邸
 閣水左有豫章大陂下灌良疇三千許頃也
 西過鄧縣東南入于沔

縣故鄧侯吾離之國也楚文王滅之秦以為縣清
 水右合濁水俗謂之弱溝水上承白水於朝陽縣

東南流逕鄧縣故城南習鑿齒襄陽記曰楚王至鄧之濁水去襄陽二十里卽此水也濁水又東逕鄧塞者卽鄧城東南小山也先後名之爲鄧塞昔孫文臺破黃祖於其下濁水東流注于涓涓水又南逕鄧塞東又逕鄆城東古鄆子國也蓋鄧之南鄙也昔巴子請楚與鄧爲好鄆人奪其幣卽是邑也司馬彪以爲鄧之鄆聚矣

灑水出灑強縣南澤中東入潁

灑水出潁川陽城縣少室山東流注于潁水而亂流東南逕臨潁縣西北小灑水出焉東逕臨潁縣

故城北灑水又東逕灑陽城北又東逕灑強縣故城南建武元年世祖封揚化將軍堅鐔爲侯國灑水東爲陶樞陂余案灑陽城在灑水南然則此城正應爲灑陰城而有灑陽之名者明在南猶有灑水故此城以陽爲名矣潁水之南有二瀆其南瀆東南流行歷臨潁亭西東南入汝今無水也疑卽灑水之故瀆矣汝水於竒額城西別東派時人謂之灑水東北流枝瀆右出世謂之歿汝也別汝又東北逕召陵城北練溝出焉別汝又東汾溝出焉別汝又東逕征羌城北水南有汾陂俗音糞汾水

有別汝東注而爲此陂水積征羌城北四五里方三十里許瀆左合小瀝水水上承狼陂南流名曰鞏水清陵陂水自陂東注之東迴又謂之小瀝水而南流注于大瀝水大瀝水取稱蓋藉瀝汾注而惣受巨宋本作其日矣又東逕西華縣故城南又東逕汝陽縣故城北東注于潁

濯水出汝南吳房縣西北興山東過其縣北入于汝縣西北有堂谿城故房子國春秋定公五年吳王闔閭弟夫概奔楚封之於堂谿故曰吳房也漢高帝八年封莊侯楊武爲侯國建武中世祖封泗水

王歛子燁爲堂谿侯

後漢書泗水王劉歛字經孫光武族父也建武二年立歛

爲泗水王十年封

燁爲堂谿侯山谿有白羊淵淵水舊出山羊

克家云當作白羊

漢武帝元封二年白羊出北淵畜牧者

禱祀之俗禁拍手嘗有羊出水野母驚仆自此絕焉淵水下合濯水濯水東逕濯陽縣故城西東流入瀕水亂流逕其縣南世祖建武元年封吳漢孫且爲侯國其水又東入于汝水

瀕水出濩陰縣東上界山

山海經謂之視水也郭景純注或曰視宜爲瀕出崱山許慎云出中陽山皆山之殊目也而東與此

水合水出無陰縣草山宋本作旱山東北流注瀕瀕水

又東北殺水出西南大孰舊本作大熟之山東北流入

于瀕瀕水又東淪水注之水出宣山南東流注瀕

水孫云山海經出宣山東南流注瀕水瀕水又東得奧水口水西出

奧山東入于瀕水也

東過吳房縣南又東過濯陽縣南

應劭曰濯水出吳房縣東入瀕縣之西北即兩川

之交會也

又東過上蔡縣南東入汝

濩水出無陰縣西北扶予山東過其縣南

山海經曰朝歌之山濩水出焉東流于滎孫按山海經東

南流注于滎經書扶予者其山之異名乎滎水上承赭

水東流左與西遼水合又東東遼水注之俱導北

山而南流注于滎滎水又東北於無陰縣北左會

濩水之道稍西不出其縣南其故城在山之陽漢

光武建武中封岑彭為侯國漢以為陽山縣魏武

與張繡戰于宛馬名絕景為流矢所中公傷右臂

引還無陰即是地也城之東有馬仁陂郭仲產曰

陂在泚陽縣五十里蓋地百頃其所周溉出萬頃

隨年變種境無儉歲陂水三周其隍故瀆自隍西

南而會於泚，無水不得復逕其南也。且邑號無陰，故無出南之理。出南則為陽也，非直不究又不思。

矣。無水又東北，河水注之。水出雒衡東山南，逕建

城東。孫按漢書地理志：南陽郡雒縣注云：衡山澧水所出，東至鄧入汝。此河水誤，當作澧水。

建當為卷字，讀誤耳。郡國志云：葉縣有卷城，其水

又東流入于無。無水東北逕于東山，山西流入無。

無水之左，即黃城山也。水出黃城山東北，逕方城

郡。國志曰：葉縣有方城，郭仲產曰：苦菜于東之間

有小城，名方城。東臨谿水，尋此城致號之。由當因

山以表名也。苦菜即黃城也。及于東，通為方城矣。

世謂之方城。山水東流，注無水。故地理志曰：南陽

葉方城，邑西有黃城山，是長沮桀溺耦耕之所有。

東流水，則子路問津處。尸子曰：楚狂接輿耕於方

城，蓋於此也。盛弘之云：葉東界有故城，始犇縣東

至瀨水達。當作逕。泚陽界南北聯絡數百里。御覽及舊

本皆作聯絡數百號為方城，一謂之長城。云酈縣

有故城，一曰末詳里數，號為長城，即此城之西隅。

其間相去六里。御覽及宋本俱作相去六百里。若南北雖無基築

皆連山相接，而漢水流其南，故屈完答齊桓公云：

楚國方城以為城，漢水以為池。郡國志曰：葉縣有

長城曰方城指此城也。澠水又東北歷舞陽縣故城。南漢高祖元年按年表是六年封樊噲爲侯國也。

又東過西平縣北

縣故栢國也。春秋左傳所謂江黃道栢方睦於齊也。漢曰西平其西呂墟卽西陵亭也。西陵平夷故曰西平。漢宣帝甘露三年封丞相于定國爲侯國。王莽更之曰新亭。晉太康地理志曰縣有龍泉水可以砥礪刀劍特堅利故有堅白之論矣。是以龍泉之劍爲楚寶也。縣出名金。古有鐵官。

又東過鄆縣南

鄆縣故城去此遠矣不得過

又東過定潁縣北東入于汝

漢安帝永初二年分汝南郡之上蔡縣置定潁縣。延光中以陽翟郭鎮之爲尚書令封定潁侯卽此邑也。

澠水出蔡陽縣

澠水出縣東南大洪山山在隋郡之西南竟陵之東北槃基所跨廣圓一百餘里峰曰縣鈎處平縣衆阜之中爲諸嶺之秀山下有石門夾鄣層峻巖高皆數百許仞入石門又得鍾乳穴穴上素崖壁

立非人跡所及穴中多鍾乳凝膏下垂望齊冰雪
微津細液滴瀝不斷幽穴潛遠行者不極窮深而

穴內常有風熱

舊本作穴內常有風勢吳本改作風熱

火無能以經

久故也澗水出于其陰初流淺狹遠乃廣厚可以
浮舟楫巨川矣時人以澗水所導故亦謂之爲澗
山矣澗水東北流合石水石水出大洪山東北流
注于澗謂之小澗水而亂流東北逕上唐縣故城
南本蔡陽之上唐鄉舊唐侯國春秋定公三年唐
成公如楚有兩肅霜馬子常欲之弗與止之三年
唐人竊馬而獻之子常歸唐侯是也澗水又東均

水注之水出洪山東北流逕土山北山上

山上二字疑脫

誤

土山又東北流入于澗水澗水又屈而東南流

東南逕隋縣西

縣故隋國矣春秋左傳所謂漢東之國隋

孫云左傳作隨

爲大者也楚滅之以爲縣晉武太康中立爲郡有

澇水出縣西北黃山南逕澇西縣西又東南澇水

入焉澇水出桐栢山之陽呂忱曰本在義陽澇水

東南逕澇西縣西又東南流于澇澇水又東南逕

隋縣故城西春秋魯莊公四年楚武王伐隋令

孫云

左傳作今尹

鬪祁莫敖屈重除道梁澇軍臨于隋謂此

水也水側有斷蛇丘隋侯出而見大蛇中斷因舉而藥之故謂之斷蛇丘後蛇銜明珠報德世謂之

隋侯珠亦曰靈蛇珠高誘淮南子注云隨侯見大蛇傷斷以藥傅而塗之後蛇

於大江中銜珠以報之因曰隋侯之珠丘南有隋

季良左傳作季梁大夫池其水又南與義井水合水出

隋城東南井泉嘗湧溢而津津注冬夏不異相承謂

之義井下流合澁澁水又南流注于澗澗水又會

于支水水源亦出大洪山而東流注于澗澗水又

逕隋縣南隋城山北而東南注

又南過江夏安陸縣西

遼水孫云當作隨水出隋郡永陽縣東石龍山西北流南

迴逕永陽縣西歷橫尾山即禹貢之陪尾山也遼

水又西南至安陸縣故城西故鄖城也因岡為墉

峻不假築澗水又南逕石巖山北昔張昌作亂於

其下籠彩鳳以惑衆晉太安二年鎮南將軍劉弘

遣牙門皮初與張昌戰於清水昌敗追斬於江夏

舊本作斬於江夏吳本改作斬於江夏即春秋

左傳定公四年吳敗楚于柏舉從之及于清發蓋

澗水又東南流而右會富水出竟陵郡新市縣東

北大陽山水有二源也大富水出山之陽南流而

左合小富水水出山之東而南逕三王城東前漢末王匡王鳳王常所屯故謂之三王城城中有故碑文字闕落不可復識其水屈而西南流右合大

富水俗謂之大泌水也又西南流逕杜城西孫按漢志

江夏郡有雲杜縣杜城疑誤新市縣治也郡國志以為南新市

也中山有新市故此加南分安陸立縣又王匡中興初舉兵於縣號曰新市兵者也富水又東南流於安陸界左合土山水世謂之章水水出土山南逕隨郡平林縣故城西俗謂之將波城與新市接界故中興之始兵有新市平林之號又南流石入

富水富水又東入于澗澗水又逕新城南永和五年晉大司馬桓溫築澗水又會溫水溫水出竟陵之新陽縣東澤中口徑二丈五尺垠岸重沙端淨可愛靖以察之則淵泉如鏡聞人聲則揚湯奮發無所復見矣其熱可以燂雞洪濶百餘步冷若寒泉東南流注于澗水又右得澗水水出江夏郡之曲陵縣西北澗出東南流逕其縣南縣治石澗故城城圓而不方東入安陸注于澗水

又東南入于夏

澗水又南分為二水東通澗水西入于沔謂之澗

口也

水經注箋卷第三十二

漢 桑欽撰

後魏 酈道元 注

明 李長庚訂

孫汝澄

朱謀埠箋

李克家全校

滲水

蘄水

決水

泚水

泄水

肥水

施水

沮水

漳水

夏水

羌水

涪水

灑水

涔水

滲水出江夏平春縣西

滲水北出大義山南至厲鄉西潑水入焉水源東

出大紫山分爲二水一水西逕厲鄉南水南有重
山卽烈山也山下有一穴父老相傳云是神農所
生處也故禮謂之烈山氏水北有九井子書所謂
神農旣誕九井自穿謂斯水也盛弘之荊州記云
神農九井在厲山
北重塹周之廣一頃二
十畝內有地云神農宅又言汲一井則衆水動井
今堙塞遺迹髣髴存焉亦云鄉故賴國也有神農
社賜水西南流入于溲卽厲水也賜厲聲相近宜
爲厲水矣一水出義鄉西南入隋又注溲溲水又
南逕隋縣注安陸也
南過安陸入于溲

蘄水出江夏蘄春縣北山

山卽近柳也

宋本作
蘄柳也

水首受希水枝津西南流歷

蘄山出蠻中故以此蠻爲五水蠻水卽謂巴水也
又赤亭水西歸水蠻左馮居岨藉山川世爲抄暴
宋世沈慶之於西陽上下誅伐蠻夷卽五水蠻也
南過其縣西

晉改爲蘄陽縣縣從江州置大陽戍後齊安郡移
治於此也

又南至蘄口南入于江

蘄水南對蘄陽州入于大江謂蘄口洲上有蘄陽

縣徒

決水出廬江雩婁縣南大別山

俗名之為檀山峴蓋大別之異名也其水歷山委注而絡其縣也

北過其縣東

縣故吳也春秋左傳襄公二十六年楚子秦人侵吳及雩婁聞吳有備而還是也晉書地道記云在安豐縣之西南即其界也故地理志曰決水出雩

孫云當作決水出雩婁

又北過安豐縣東

決水自雩婁縣北逕雞備亭春秋昭公二十三年

吳敗諸侯之師于雞父者也安豐縣故城今邊城郡治也王莽之夫風也世祖建武八年封大將軍

涼州牧竇融為侯國晉立安豐郡決水自縣西北流逕蓼縣故城東又逕其北漢高帝六年封孔藋

為侯國也

史記功臣表高帝六年封孔藋為蓼侯漢書功臣表作孔聚

世謂之

決水也水又西北灌水注之其水導源廬江金蘭

縣西北東陵鄉大蘇山即注水也

孫云當許慎曰作灌

出雩婁縣俗謂之澮水也楮先生所謂神龜出于

江灌之間嘉林之中蓋謂此水也

今龜筮傳云神龜出于江淮之

間嘉林之中此注作江灌蓋所見之本各異耳灌水東北逕蓼縣故城西

而北注泱水也故地理志曰泱水北注蓼入漻灌

水於蓼亦入泱孫按漢地理志云泱水北至蓼春入淮又有灌水亦北至蓼入泱

秋宣公八年冬楚公子滅舒蓼臧文仲聞之曰臯

陶庭堅不祀忽諸德之不逮民之無援哀哉按左傳文

公五年冬楚公子燮滅蓼臧文仲聞之有臯陶廢堅不祀之歎至宣公八年夏楚人滅舒蓼自是兩

事泱水又北右會陽泉水水受泱水東北流逕陽

泉縣故城東故陽泉鄉也漢靈帝中封大尉黃琬

為侯國又西北流左入泱水謂之陽泉石也當作陽泉

口

又北入于淮

俗謂之決口非也斯決灌之口矣余往因公至于

淮津舟車所屈次于泱水訪其民宰與古名全違

脉水尋經方知泱水宋本作決口蓋灌漚聲相倫習俗

害真耳

泱水出廬江濳縣西南霍山東北

濳者山水名也開山圖濳山圍繞大山為霍山爾雅

大山宮小山曰霍郭注云宮謂圍繞之郭景純曰濳水出焉縣即其

稱矣春秋昭公二十七年吳因楚喪圍濳是也地

理志曰泱水出泱山不言霍山泱字或作泱水孫

按漢志泚山泚水所出北至壽春入芍陂師古曰泚音比又音布凡反

又東北逕博安縣泄水出焉

東北過六縣東

泚水東北右會踰鼓川水水出東南踰川西北流

左注泚水泚水又西北逕馬亭城西宋本作馬亭又西

北逕六安縣故城西縣故咎陶國也夏禹封其少

子奉其祀今縣都陂中有大冢民傳曰公琴者即

臯陶冢也楚人謂冢為琴矣漢高帝元年別為衡

山國五年屬淮南文帝十六年復為衡山國武帝

元狩二年別為六安國王莽之安風也漢書所謂

以舒屠六晉太康三年廬江郡治泚水又西北分

為二水出焉又北逕五門亭西西北流逕安豐縣

故城西晉書地道記安豐郡之屬縣也俗名之曰

安城矣又北會濡水亂流西北注之

北入于淮

水之決會謂之泚口也

泄水出博安縣

博安縣地理志之博鄉縣也王莽以為揚陸矣泄

水自縣上承北水於麻步川西北歷山濡谿謂之

濡水也

北過芍陂西與泚水合

泄水自濡谿水

宋本作濡谿口

安豐縣北流注于淠一謂

之其濡口

西北入于淮

亂流同國也

宋本作同歸也

肥水出九江成德縣廣陽鄉西

呂忱字林曰肥水出良餘山俗謂之連枷山亦或

以為獨山也北流分為二水施水出焉肥水又北

逕獲城東又北逕荻江東又會

宋本作在會

施水枝津

首受施水於合肥縣城東西流逕成德縣注于肥

水也

肥水別北過其縣西北入芍陂

肥水自荻丘北逕成德縣故城西王莽更之曰平

阿也又北逕芍陂東又北逕苑馬塘東芍陂瀆上

承井門與芍陂更相通注故經言入芍陂矣肥水

東北又合閻潤水

謝據宋本作肥水又北右合閻潤水

上承施水於

合肥縣北流逕復道縣西水積為陽湖陽湖水自

塘西北逕苑亭南夾橫塘西注宋太始初豫州

司馬劉順帥眾八千據其城地以拒劉劭杜叔寶

以精兵五千送糧苑亭劉劭破之此塘

宋書殷琰傳云晉安

王子勛及殷琰佐之宋太宗遣劉劬討之劉順柳
倫等馬步八千東據宛唐去壽陽三百里劬率眾
軍去順數里而營順等糧盡趙叔寶發車千五百
乘載米餉順自以五千精兵防送之劬遣呂安國
黃回將精兵間路出順後於橫塘之合戰大破
之燒其米車驅牛二千餘頭而還順眾夜潰奔壽

陽水分為澗二洛澗出焉閻漿水注之水受芍陂

陂水上承澗水於五門亭南別為斷神水又東北

逕五門亭東亭為眾水之會也宋本作二水之會斷神水

又東北逕神迹亭東又北謂之豪水雖廣異名事

實一水又東北逕白芍亭東積而為湖謂之芍陂

陂周一百二十許里在壽春縣南八十里言楚相

孫叔敖所造魏太尉王陵與吳將張休文戰於芍

陂即此處也陂有五門吐納川流西北為香門陂

水北逕孫叔敖祠下謂之芍陂瀆又北分為二水

一水東注黎漿黎漿水東逕黎漿亭南文欽之叛

吳軍北入諸葛緒拒之於黎漿即此水也魏志諸葛緒在

壽春被徵為司空遂舉兵反殺揚州刺史樂綝遣人至吳求救吳遣全禕等與文欽俱來吳將朱異

以誕被圍再以大眾來迎誕等渡黎漿水此云諸葛緒拒之於黎漿所未詳也東注肥水

謂之黎漿水口

又北過壽春縣東

肥水自黎漿北逕壽春縣故城東為長瀨津津側

有謝堂北亭迎送所薄水陸舟車是焉萃止又西

水經注

北左合東谿谿水引瀆北山西南流逕導公寺西寺側因谿建刹五層屋宇閒敞崇虛携覺也携覺字誤

當作又西南流注于肥肥水又西逕東臺下臺即

壽春外郭東北隅阿之榭也東側有一湖三春九

夏紅荷覆水引瀆城隍水積成潭謂之東臺湖亦

肥南播也肥水西逕壽春縣城北右合北谿水導

北山泉源下注漱石頽隍水上長林插天高柯負

日出於山林精舍右山淵寺左道俗嬉遊多萃其

下內外引汲泉同七淨谿水泂注西南逕陸道士

解南精廬臨側川谿大不為廣小足閒居亦勝境

也谿水流注于肥水

北入于淮

肥水又西分為二水右即肥之故瀆過為船官湖

以置舟艦也肥水左瀆又西石橋門北亦曰草市

門外有石梁渡此洲宋本作北洲洲上有西昌寺寺三

面阻水佛堂設三像真容妙相相服精偉舊本作相服精

是蕭武帝所立也寺西即船官坊倉光都水史記

齊世家云蒼兕兕蒼兕兕撓爾舟楫王是營是作湖北

對八公山山無樹木唯重阜耳宋本作童阜山上有淮

南王劉安廟劉安是漢高帝之孫厲王長子也折

九經注疏卷三十一
節下士篤好儒學養方術之徒數十人皆爲俊異
焉多神仙祕法鴻寶之道忽有八公皆鬚眉皓素
詣門希見門者曰吾王好長生今先生無住衰之
術未敢相聞八公咸變成童王甚敬之八士並能
鍊金化丹出入無間乃與安登山埋金於地白日
昇天餘藥在器雞犬舐之者俱得上昇其所昇之
處踐石皆陷人馬跡存焉故山卽以八公爲目余
登其上人馬之跡無聞矣唯廟像存焉廟中圖安
及八士像皆坐牀帳如平生被服纖麗咸羽扇裙
帔巾壺枕物一如常居廟前有碑齊永明十年所

建也山有隱室石井卽崔琰所謂念下壽春登北
嶺淮南之道室八公石井在焉亦云左吳與王春
傅生等尋安同詣玄洲還爲著記號曰八公記都
不列其雞犬昇空之事矣按漢書安反伏誅葛洪
明其得道事備抱朴子及神仙傳肥水又左納葛
陂瀆瀆水自黎漿分水引瀆壽春北逕芍陂門右
北入城昔鉅鹿時苗爲縣長是其留犢處也

魏略云時

苗爲壽春令始至乘輿黃犢後歲餘牛生犢及去任留犢與主簿曰是淮土所生也

瀆東有

東都街街之左道北有宋司空劉武廟宋元徽二
年建于東鄉孝義里廟前有碑時年碑功方創齊

永明元年方立沈約宋書言大始元年豫州刺史
殷琰叛明帝假勔輔國將軍討之琰降不犯秋毫
百姓來蘇生爲立碑文過其實建元四年故吏顏
幼明爲其廟銘故佐一作龐挺爲廟讚夏侯敬友
爲廟頌並附刊于碑側瀆水又北逕相國城東劉
武帝伐長安所築也堂宇廳館仍故以相國爲名
又北出城注肥水又西逕金城北又西左合羊頭
谿水水受芍陂西北歷羊頭谿謂之羊頭澗水北
逕尉湖左會烽水瀆瀆受淮於烽村南下注羊頭
谿側逕壽春城西又北歷象門自沙門北出金城

西門逍遙樓下北注肥瀆肥水北注舊瀆之橫塘
爲玄康南路馳道左通船官坊也肥水逕玄康城
西北流水北出際有曲水堂亦嬉遊所集也又西
北流昔在晉世謝玄北禦苻堅祈謝云疑八公山
及置陣於肥水之濱堅望山上草木咸爲人狀此
卽故戰敗處非八公之靈有助蓋苻氏將亾之惑
也肥水又西北注于淮是曰肥治也宋本作肥口
施水亦從廣陽鄉東南入于湖

施水受肥於廣陽鄉東南流逕合肥縣應劭曰夏
水出城父東南至此與肥合

孫按漢志夏水出父城東南至此與淮合

故曰合肥闕駟亦言出沛國城父東至此合爲肥

余案川川字誤當作川流派別無泂注之理方知應闕

二說非實證也蓋夏水暴長施合於肥故曰合肥

也非謂夏水自城父東逕合肥縣城南居四水中

東又有逍遙津水上舊有梁孫權之攻合肥也張

遼敗之於津北橋不撤者兩版權與甘寧躡馬趨

津谷利自後著鞭助勢遂得渡梁凌統被鎧落水

後到追吳志云孫權征合肥未下儼軍還兵皆就路權與凌統其津渚

寧等在津北爲魏將張遼所襲統等以死打權權乘駿馬越津橋得去凌統傳云統率親近三百人

陷圍扶扞權出復還職左右盡死統被甲潛行及權痛親近無反者悲不自勝江表傳云權乘駿馬

上津橋橋徹丈餘無板谷利在馬後使權持鞭

控利於後著鞭以助馬勢遂得超度權既免即拜

利都亭侯施水又東分爲二水枝水北出焉下注陽淵

施水又東逕湖口戍東注巢湖謂之施口也

沮水出漢中房陵縣淮水東南過臨沮縣界

沮水出東汝陽郡沮陽縣西北景山即荆山首也

高峰霞舉峻崦層雲山海經云金玉是出亦沮水

之所導故淮南子曰沮出荆山高誘云荆山在左

馮翊懷德縣蓋以洛水有漆沮之名攷也斯謬證

耳柱預云水出新城郡之西南發阿山蓋山異名

也沮水東南流逕沮陽縣東南縣有潼水東逕其

縣南下入沮水水又東南逕汝陽郡北即高安縣
界郡治錫城縣居郡下城故新城之下邑義熙初
分新城立西表悉重山也沮水南逕臨沮縣西青
谿水注之水出縣西青山山之東有濫泉即青谿
之源也口徑數丈其深不測其泉甚靈潔至於炎
陽有亢陰雨無時以穢物投之輒能暴雨其水導
源東流以源出青山故以青谿爲名尋源浮谿竒
爲深峭盛弘之云稠木傍生凌空交合危樓傾岳
疑作阜恒有落勢風泉傳響於青林之下巖後流聲
於白雲之上遊者常若疑作若目不周翫情不給賞

是以林徒棲託雲客宅心泉側多結道士精廬焉
青谿又東流入于沮水沮水又屈逕其縣南晉咸
和中爲沮陽郡治也沮水又東南逕當陽縣城北
縣城因岡爲阻北抗沮川其故城在東一百四十
里謂之東城在綠林長坂南長坂即張翼德橫矛
處也沮水又東南逕驢城西磨城東又南逕麥城
西昔關雲長詐降處自此遂叛吳志呂蒙僞稱病
篤乃露檄召還潛
遣蒙伏精兵驍驍中作商賈服到南郡襲羽盡得
羽及將士家屬羽在樊城聞之疑士無關心羽自
知孤窮乃走麥城西至漳鄉衆傳云子胥造驢磨
皆委羽而降權以是父子俱獲傳云子胥造驢磨
二城以攻麥邑沮水又南逕楚昭王墓東對麥城

故王仲宣之賦登樓云西接昭丘是也沮水又南與漳水合焉

又東南過枝江縣東南入于江

沮水又東南逕長城東又東南流注于江謂之沮口也

漳水出臨沮縣東荆山東南過蓼亭又東過章鄉南荆山在景山東一百餘里新城沛鄉縣界雖羣峰競舉而荆山獨秀漳水東南流又屈西南逕編縣南縣舊城東北一百四十里高陽城西南移治新茂故城城南臨漳水又南歷臨沮縣之彭鄉

關羽保麥城詐降而遜潘璋斬之於此漳水又南逕當陽縣又南逕于麥城東王仲宣登其東南隅臨漳水而賦之曰夾清漳之通浦倚曲沮之長洲是也漳水又南滄水注之山海經曰滄水出東北宜諸之山而流注于漳水

孫云按山海經滄水南流注于漳漳水東南流

又南至枝江縣北鳥扶邑入于沮

地理志曰禹貢東條荆山在臨沮縣之東北漳水所出東至江陵入楊水注于沔非也今漳水於當陽縣之東南一百里餘而右會沮水也

夏水出江流于江陵縣東南

江津豫章口東有中夏口是夏水之首江之汜也
屈原所謂過夏首而西浮顧龍門而不見也龍門
卽郢城之東門也

又東過華容縣南

縣故容城矣春秋魯定公四年許遷于容城是也
北臨中夏水自縣東北逕成都郡故城南晉永嘉
中西蜀阻亂割華容諸城爲潁王都夏水又逕交
阯太守胡寵墓北漢太傅廣身陪陵而此墓側有
廣碑故世謂廣冢非也其文言是蔡伯喈之辭歷

范西戎墓南王隱晉書地道記曰陶朱冢在華容
縣樹碑云是越之范蠡晉太原地記盛弘之荊州
記劉澄之記並言在縣之西南郭仲產言在縣東
十里檢其碑題云故西戎今范君之墓碑文缺落
不詳其人稱蠡是其先也碑是永嘉二年立觀其
所述最爲究悉似親逕其地故違衆說從而正之
水又東逕監利縣南晉武帝太康五年立縣土甲
下澤多陂池西南自州陵東界逕于雲杜沌陽爲
雲夢之藪矣韋昭曰雲夢在華容縣按春秋魯昭
公三年鄭伯如楚子產備田具以田江南之夢郭

景純言華容縣東南巴丘湖是也杜預云枝江縣
 安陸縣有雲夢蓋跨川亘隰兼苞勢廣矣夏水又
 東夏楊水注之水上承楊水於競陵縣之柘口克家
云競陵當東南流與中夏水合謂之夏楊水又東
作竟陵北逕江夏惠懷縣北而東北注

又東至江夏雲杜縣入于沔

應劭十三州記曰江別入沔為夏水源夫夏之為
 名始於分江冬竭夏流故納厥稱既有中夏之目
 亦苞大夏之名矣當其決水之所出謂之堵口焉
 鄭玄注尚書滄浪之水言今謂之夏水來同故世

變名焉劉澄之著永初山川記云夏水古文以為
 滄浪漁父所歌也因此言之水應由沔今按夏水
 是江流沔非沔入夏假使沔注夏其勢西南非尚
 書又東之文余亦以為非也自堵口下沔水宋本作沔
 水通兼夏日而會于江謂之夏沔也故春秋左傳
 稱吳伐楚沈尹射奔命夏沔也杜預曰漢水曲入
 江即夏口矣

羌水出羌中參糧係按漢志引水經云羌水出羌中參谷

彼俗謂之天池白水矣地理志曰出隴西羌道東
 南流逕宕昌城東西北去天池五百餘里水又東

南逕宕昌婆川城東南北注羌水昔姜維之寇隴
 右也聞鍾會入漢中引還知雍州刺史諸葛緒屯
 橋頭從此谷將出北道緒邀之此路維更從此道
 渡橋頭入劔閣緒追之不及羌水又東南陽部水
 注之水發東北陽部谿西南逕安民戍又西南注
 羌水又東南逕武階城西南又東南葭蘆城西羊
 湯水入焉水出西北陰平北界湯谿東南逕北部
 城北又東南逕三部城南東南右妾水一作合傍
 西南出即水源所發也羌水又逕葭蘆城南逕餘
 城南又東南左會五會水謝按宋本水有二源出

南北五部谿西南流合為一水屈而東南注羌水
 羌水又東南流至橋頭合白水東南去白水縣故
 城九十里

又東南至廣魏白水縣與漢水合又東南過巴郡閬
 中縣又南至墊江縣東南入于江堯家云廣魏字誤
 涪水出廣魏涪縣西北

涪水出廣漢屬國剛氏游徼外東南流逕涪水西

孫按漢書地理志廣漢郡剛氏道注此王莽之統

涪水出潺山水源有金銀礪當作洗取火合之以

成金銀潺水歷潺亭而下注涪水涪水又東南逕
緜竹縣北臧宮溯涪至平陽公孫述將王元降遂
拔緜竹涪水又東南與建始水合水發平洛郡西
谿西南流屈而東西流入于涪涪水又東南逕江
油戍北鄧艾自陰平景谷步道懸兵束馬入蜀逕
江油廣漢者也涪水又東南逕南安郡南又南與
金堂水會水出廣漢新都縣東南流入涪涪水又
南枝出焉西逕廣漢五城縣爲五城水又西至成
都入于江

南至小廣魏與梓潼合

小廣魏卽廣漢縣地王莽更名曰廣信也

梓潼水出其縣北界西南入于涪

故廣漢郡也公孫述改爲梓潼郡劉備嘉霍峻守

葭萌之功又分廣漢以北別爲梓潼郡以峻爲守

縣有五女蜀王遣五丁迎之至此見大蛇入山穴

五丁引之山崩壓五丁及五女因是一作山爲五

婦山又曰五婦候華陽國志云周顯王時秦惠王

之蜀遣五丁迎女還到梓潼見一大蛇入穴中一

人攬其尾五人相助大呼拙蛇山崩時壓殺五人

及秦五女并將從而山分爲五嶺蜀王痛馳水所
傷因命曰五婦冢山川平石上爲望婦候
出一曰五婦水亦曰潼水也其水導源南逕梓潼

縣王莽改曰子同矣自縣西逕涪城東又南入于涪水謂之五婦水口也

又西南至小廣魏縣南入于墊江

孫云小廣魏當作小廣漢衍一縣字

亦言涪水至北入漢水亦謂之爲內水北逕墊江

昔岑彭與臧宮自江州從涪水上公孫述令延岑

盛兵於沈水

一作沅水光武紀作沈水

宮左步右騎夾船而進

勢

當作聲

動山谷大破岑軍斬首溺水者萬餘人水

爲濁流

據後漢書臧宮傳校

沈水出廣漢縣下入涪水也

涪水出漢中南縣東南旱山北至沔陽縣南入于沔

孫云南縣當作南鄭縣按漢志南鄭縣有旱山

涪水卽黃水也東北流逕城固南城北城在山上

或言韓信始立或言張良創築未知定所制矣義

熙九年索遐爲果州刺史自城固治此故謂之南

城城周七里今澗

當作澗

帶谷絕壁百尋北谷口造

城東門傍山尋澗五里有餘盤道登陟方得城治

城北水舊有桁北渡涪水水北有趙軍城城北又

有桁渡沔取北城城卽大城固縣治也黃水右岸

有悅歸館涪水歷其北北至沔陽左沔爲三水口

也

水經注箋卷第三十三

漢 桑欽撰 後魏酈道元注

明 李長庚訂 孫汝澄

朱謀煒箋 李克家全校

江水一

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼

外江水所導也益州記曰大江泉源即今所聞始

發羊膊嶺下緣崖散漫小大百數殆未濫觴矣東

南下百餘里至白馬嶺而歷天彭關亦謂之為天

谷也秦昭王以李冰為蜀守冰見氏道縣有天彭山兩山相對其形如闕謂之天彭門亦曰天彭闕江水自此已上至微弱所謂發源濫觴者也荀子曰江出汶山其始發源可以濫觴及其至江之津不方舟不避風不可涉也漢延平中岷山崩壅江水三日不流楊雄反離騷云自岷山投諸江流以弔屈原名曰反騷也

江水自天彭關東逕汶關而歷氏道縣北

漢武帝元封四年分蜀郡北部置汶山郡以統之縣本秦始皇置後為昇遷縣也益州記曰自白馬嶺回行二千餘里至龍涸又八十里至西陵縣又

南下六十里至石鏡又六十餘里而至北部始百許步又西百二十餘里至汶山故郡乃廣二百餘步又西南百八十里至濕坂江稍大矣故其精則井絡纏曜江漢晒靈河圖括地象曰岷山之精上為井絡帝以會昌神以建福故書曰岷山導江泉流深遠盛為四瀆之首廣雅曰江貢也風俗通曰出珍物可貢獻釋名曰江共也小水流入其中所公共也東北百四十里岷山中江所出東注于大江岷山邛崃山也在漢嘉嚴道縣一曰新道山南有九折坂夏則凝冰冬則毒寒王子陽按轡處也

漢書王尊字子贛涿郡高陽人自郢令遷益州刺史先是琅邪王陽為益州行部至邛郯九折阪歎曰奉先人遺體奈何數乘此險後以病去及尊為刺史至其阪問曰此非王陽所畏道邪吏曰是尊叱其馭曰驅之王陽為孝子王尊為忠臣平恒言是中江所出矣郭景純江賦曰流二江於崕崕又東百五十里曰崕山北江所出東注于大江山海經曰崕山江水出焉東注大江其中多怪蛇江水又逕汶江道汶出徼外崕山西王輪坂下而南行又東逕其縣而東注于大江故蘇代告楚曰蜀地之甲浮船於汶乘夏水而下江五日而至郢謂是水也

又有湔水入焉

水出綿道亦曰綿夷縣之玉壘山呂忱云一曰半

浣水也下注江

孫云綿夷字誤按漢志蜀郡有綿虎縣注云玉壘山湔水所出東南

至江陽入江應劭曰虎音斯師古曰湔音子于反

江水又東別為沱

開明之所鑿也

華陽國志曰七國時杜宇稱帝于蜀號望帝其相開明決玉壘山以

除水害帝遂禪位于開明

郭景純所謂玉壘作東別之標者也

縣即汶山郡治劉備之所置也渡江有笮橋

江水又歷都安縣

縣有桃關漢武帝祠李冰作大堰於此堰於江作壩壩有左右口謂之湔壩江入郫江檢江以行舟

益州記曰江至都安堰其右檢其左其正流遂東
郫江之右也因山頽水坐致竹木以溉諸郡又羊
摩江灌江西於玉女房下作三石人於白沙郵郵
在堰官上立水中刻要江神水竭不至足盛不沒
要是以蜀人旱則藉以為漑雨則不遏其流華陽國志
云秦孝文王時李冰為蜀守壅江作壩穿郫江檢
江別支流雙過郡下以行舟船岷山多梓柏大竹
積隨水流坐致竹木功省用饒又灌漑三郡開
田旱則引水浸潤雨則杜塞水門故記曰水旱從
人不知饑饉時無荒年天下謂之天府又自前堰
上分穿羊摩江灌江西於玉女房下白沙郵作三
石人立三水中與江神要故記曰水旱從人不知
水竭不至足盛不沒

饑饉沃野千里世號陸海謂之天府也俗謂之都

安之堰亦曰湔堰又謂金隄左思蜀都賦云西踰

金隄者也諸葛亮北征以此堰農大一作國之所

資以征丁千二百人主護之有堰官益州刺史皇

甫晏至都安屯觀坂從事何旅曰今所安營地名

觀坂自上觀下反上之象其徵不祥不從果為牙

門張弘所殺據華陽國志江水又逕臨邛縣王莽之監

邛也縣有火井鹽水昏夜之時光興上照華陽國志作光

映上江水又逕江鄉縣王莽更名邛原也鄩江水

出焉江水又東北逕郫縣下縣民有姚精者為叛

夷所殺掠其二女二女見夢其兄當以明日自沈

江中喪後日當至可伺候之果如所夢得二女之
尸於水郡縣表異焉江水又東逕成都縣縣以漢
武帝元鼎二年立縣有二江雙流郡下故揚子雲
蜀都賦曰兩江珥其前者也風俗通曰秦昭王使
李冰爲蜀守開成都兩江溉田萬頃神歲取童女
二人爲婦冰以其女與神爲婚徑至神祠勸神酒
酒杯恒澹澹冰厲聲以責之因忽不見良久有兩
牛鬪於江岸傍有間冰還流汗謂官屬曰吾鬪疲
極當相助也南向腰中正白者我綬也主簿刺殺
北面者江神遂歿蜀人慕其氣決凡壯健者因名

冰兒也秦惠王二十七年遣張儀與司馬錯等滅
蜀遂置蜀郡焉王莽改之曰導江也儀築成都以
象咸陽晉太康中蜀郡爲王國更爲成都內史益
州刺史治地理風俗記曰華陽黑水惟梁州漢武
帝元朔二年改梁曰益州以新啓犍爲犍犸越雋
州之疆壤益廣故稱益云初治廣漢之雒縣後乃
徙此故李固與弟囿書曰固今年五十七鬢髮已
白所爲容身而遊滿腹而去周觀天下獨未身益
州耳昔嚴夫子常言經有五涉其四州有九遊其
八欲類此子矣初張儀築城取土處去城十里因

以養魚今萬頃池是也城北又有龍隄池城東有
千秋池西有柳池西北有天井池津流徑通冬夏
不竭西南兩江有七橋直西門郾江冲里橋西南
石牛門曰市橋吳漢入蜀自廣都令輕騎先往焚
之橋下謂之石犀淵李冰昔作石犀五頭以厭水
精穿石犀渠於南江命之曰犀牛里後轉犀牛二
頭在頭中宋本作一頭在市橋一頭沈之於淵也
大城南門曰江橋橋南曰萬里橋西上曰夷橋下
曰荻橋南岸道東有文學始文翁爲蜀守立講堂
作石室於南城永初舊水經作永年華陽國志後
作永初謝云宋本作永平

學堂遇火後守更增二石室後州奪郡學移夷里
道西故錦官也言錦工織錦則濯之江流而錦至
鮮明濯以佗江則錦色弱矣遂命之爲錦里也蜀
有迴復水江神嘗溺殺人文翁爲守祠之勸酒不
盡拔劒擊之遂不爲害江水東逕廣都縣漢武帝
元朔二年置王莽之就都亭也李冰識察水脉穿
縣鹽井江西有望穿鑿山渡水結諸陂池故盛養
生之饒卽南江也又從冲里橋北折曰長升橋城

北十里曰升遷

華陽國志云兩江有七橋直西門
郾江曰冲治橋西南石牛門曰市

橋城南曰江橋南渡流曰萬里橋西上
曰夷里橋下曰笮橋西出折曰長昇橋有送客觀

司馬相如將入長安題其門曰不乘高車駟馬華陽

國志作赤車駟馬不過汝下也後入邛蜀果如志焉李冰

泐水造橋土應七宿故世祖謂吳漢曰安軍宜在

七橋連星間華陽國志云安軍宜在七星間漢自廣都乘勝進逼

成都與其副劉尚南北相望夾江為營浮橋相對

公孫述使謝豐揚軍市橋出漢後襲破漢墜馬落

水緣馬尾得出入壁命將夜潛渡江就尚擊豐斬

之於是水之陰江北則左對繁田文翁又穿湔澗

以溉灌繁田一千七百頃江水又東絕綿洛逕五

城界至廣都北岸南入于江謂之五城水口斯為

比江水又東至南安為壁玉津故左思云東越玉

津也

又東南過犍為武陽縣青衣水洙水從西南來合而

注之孫云洙水當作沫水

縣故大夜郎國漢武帝開道置以為縣太初四年

益州刺史任安城武陽建元六年置王莽更名西

順縣曰戢成光武謂之士大夫郡華陽國志曰更始時犍為遠奉

貢職及公孫述有蜀郡拒守述伐之郡功曹朱遵逆戰死之而任君業閉戶費貽素隱光武嘉之曰

士大夫也有鄴江入焉出江源縣首受大江東南流

至武陽縣注于江縣下注上舊有大橋廣一里半

謂之安漢橋水盛歲壞民苦治功後太守李嚴鑿

大杜山華陽國志作天社山尋江通道此橋遂廢縣有赤水

下注江建安二十九年有黃龍見此水九日方去

此縣藉江為大堰開六水門用灌郡下北山昔者

王喬所升之山也華陽國志犍為東接江陽南接朱提北接蜀郡西接廣漢王喬

升其北山彭祖家其彭蒙江水又與文井江會李冰所導也自

祚道與濛谿分水至蜀郡臨邛縣與布僕水合水

出徼外成都西沈黎郡漢武元封四年以蜀都西

部邛祚邛理旄牛道天漢四年置都尉主外羌在

邛來山表自蜀西渡邛祚其至險有弄棟孫云漢志益州

林縣八渡之難揚母閣路之岨後漢志注云嚴道有邛棘九折

坂其道至險有長嶺若棟八渡之難揚母閣之峻水從縣西布僕來分為

二流一水逕其導又東逕臨邛縣入文井水文井

水又東逕江都縣縣濱文井江江上有長提隄跨

四十里有朱亭亭南有青城山山上有嘉穀山下

有蹲鴟即芋也所謂下有蹲鴟至老不饑卓氏之

所以樂遠徙也文井江又東至武陽縣天社山亦

入江其一水南逕越雋邛都縣東南至雲南都

宋本之蜻蛉縣郡本雲山地華陽國志作雲川地蜀建興

三年置僕水又南逕永昌郡永龍縣而與貪水合

水靖蛉縣謝云靖蛉上上承靖蛉水逕葉榆縣又

東南至邪龍入于僕僕水又逕寧州建寧縣州故

庾降都督屯故南入謂之屯下劉禪建興三年分

益州郡置歷雙栢縣卽水入焉水出秦藏縣前漢地志

作秦牛蘭山南流至雙栢縣東注僕水又東至來

唯縣入勞水水出徼外東逕其縣與僕水合僕水

東至交州交阯郡菴冷一作陵縣南流入于海江水

自武陽東至彭亾聚昔岑彭與吳漢滯江水入蜀

軍次是地知而惡之會日暮不移遂爲刺客所害

亦謂之平謨水曰外水此地有彭冢言彭祖冢焉

江水又東南逕南安縣西有熊耳峽連山競險接

嶺爭高漢河平中山崩地震江水逆流懸漑有灘

名壘坻亦曰監漑李冰所平也華陽國志南安縣郡東四百里治青

衣江會縣漑有名灘一日雷縣治青衣江會衿帶

二水矣卽蜀王開明故治也來敏本蜀論曰荆人

鼈令歿孫云漢志詳其尸隨水上荆人求之不得

鼈令至汶山下復生起見望帝望帝居宇也從

天下女子朱利自江源出爲宇妻後主於蜀號曰

望帝望帝立以爲相時巫山峽而蜀水不流帝使

鼈令鑿巫峽通水蜀得陸處望帝自以德不若遂

以國禪號曰開明縣南有峨眉山有濛水即大渡水也水發蒙漢

孫云蒙漢當作蒙溪按漢志青衣注禹貢蒙山谿大渡水東南至南

安入東南流與泚水合水出徼外逕汶江道呂忱

曰泚水出蜀許慎以為泚水也從水我聲南至南

安入大渡水大渡水又東入江

按許氏說文云泚水出蜀汶江徼外

東南故山海經曰濛水出漢陽西入江瀡陽四

經作聶陽西

又東南過犍道縣北若水淹水合從西來注之又東

注水北流注

孫云注水疑誤北流注下當有之字

縣本犍人居之地理風俗記曰夷中最仁有仁道

故字從人秦紀謂犍僮之富者也其邑高后六年

城之漢武帝感相如之言使縣令南通犍道費功

無成唐蒙南入斬之乃鑿石開閣以通南中迄于

建寧二千餘里山道廣丈餘深三四丈其塹

舊本作塹

之迹猶存王莽更口犍治也山多猶猢猻似猴而短

足好遊巖樹一騰百步或三百丈順往倒返乘空

若飛縣有蜀王真蘭

華陽國志云江有真蘭李冰燒之後漢志云有玉岳蘭

其神作大難江中崖峻岨險不可穿鑿李冰乃積

薪燒之故其處懸巖猶有赤白玄黃五色焉赤白

照水玄黃從焚來至此而止言畏崖嶼不更上也

後漢志云越嵩舊木有熨人崖有五色赤白映益
水玄黃魚從楚來至此而止埤疑當作從熨來益
部者舊傳曰張員妻黃氏女也名帛華陽國志云
熨道黃帛張

貞妻也員乘船覆沒求尸不得帛至沒處灘頭仰天

而歎遂自沈淵積十四日帛持員手於灘下出時

人爲說曰符有光浴熨道有張帛者也華陽國志
云符有先

絡熨道有張帛江陽郡
志內先氏之女名絡

江水又與符里水合

水出寧州南廣郡南廣縣縣故犍爲之屬縣也漢

武帝太初元年置劉禪延熙中分以爲郡導源汾

關山北水流有大步水注之宋本作
大涉水出南廣縣北

流注符里水又北逕熨道入江謂之南廣口孫按
漢志

汾關山符黑水所
出北至熨道入江渚水則未聞也

又東過江陽縣南洛水從三危山東過廣魏洛陽南

東南注之孫云廣魏洛陽
當作廣漢洛縣

洛水出洛縣漳山亦言出梓潼縣栢山山海經曰

三危在燉煌南與嶠山相接山南帶黑水又山海

經不言洛水所道經曰出三危山所未詳常璩云

李冰道洛通山水流發暴一作
瀑口逕什邡縣漢高

帝六年封雍齒爲侯國王莽更名曰美信縣也洛

水又南逕洛縣故城南廣漢郡治也漢高祖之爲

漢王也發巴淪之士比定三秦六年乃分巴蜀置

廣漢郡於乘鄉王莽之就都縣曰廣信也漢地志高帝置

廣漢郡莽曰就都又改廣漢縣曰廣信陳雜縣曰吾雒漢安帝永初二年移

治涪城後洛縣先是洛縣城南每陰雨常有哭聲

聞於府中積數十年沛國陳寵為守以亂世多死

亡暴骸不葬故也乃悉收葬之哭聲遂絕劉備自

將攻洛龐士元中流矢死於此蜀志云先王克涪進圍雒縣龐士元

率眾攻城為流矢所中卒益州舊以蜀郡廣漢犍為三蜀土地

沃美人士雋又為一州稱望縣有沈鄉去江七里

江士遊之所居詩至孝母好飲江水嗜魚吟以

鷄鳴遡流汲江子坐取水溺歿婦恐姑知稱詩遊

學冬夏衣服實投江流於是至孝上通洞泉泉出

其舍側而有江之甘焉詩有田濱江澤鹵澤鹵舊作澤齒

據史記當作馮鹵謂鹹地也泉流所溉盡為沃野又湧泉之中

旦日常出鯉魚一雙以膳焉可謂孝悌發於方寸

徽美著於無窮者也江士遊後漢書作姜士遊廣漢姜詩妻者同郡龐盛之女

也詩事母至孝妻奉順尤篤舍側湧泉味如江水每旦輒出雙鯉以供母華陽國志云孝子江陽符

長姜詩字士遊洛水又南逕新都縣蜀有二都謂成都廣

都此其一焉與綿水合水西出綿竹縣又與湔水

合亦謂之郫江也又言是洛水謝云宋本呂忱曰

水經注卷之三十三

一日湔然此二水俱與洛會矣又逕犍爲牛鞞水昔羅尚乘牛鞞水東征李雄謂此水也縣以漢武帝元封二年置又東逕資中縣又逕安漢縣謂之綿水也自上諸縣咸以溉灌故語曰綿洛爲沒沃也綿水至江陽縣方山下入江謂之綿水口曰中水江陽縣枕帶雙流據江洛會也漢景帝六年封趙相蘇嘉爲侯國江中有大門小門焉季秋之月則黃鱗魚歿漚也黃鱗以下字有譌誤按華陽國志云江中有大關小關季春黃龍堆沒關即平昔世祖微時過江陽縣有一子望氣者言江陽有貴兒象王莽求之而撩煞之後世祖怨爲

子立祠於縣謫其民罰布數世

華陽國志云江陽有貴兒氣王莽求

之而縣人殺之世祖謫其民不使冠帶者數世

楊雄琴清英曰尹吉甫子

伯奇至孝後母譖之自投江中衣苔帶藻忽夢見水僊賜其美藥惟養親揚聲悲歌船人聞之而學之吉甫聞船人之聲疑似伯奇援琴作子安之操江水逕安漢縣北

縣雖迫山川土地特美蠶

一作蠶桑

魚鹽家有焉江陽

郡治也故犍爲岐江都尉建安十八年劉璋立

江水東逕樊石灘又逕大附灘

頻歷二險也

又東過符縣北邪東南鰓部水從符關東北注之孫力

漢志有邪龍縣

縣故巴夷之地也漢武帝建初六年以唐蒙為中

郎將從萬人出巴符關者也漢武元鼎二年立王

莽之符信矣縣治安樂水會水源南通寧州平夷

郡鼈漢志作鼈縣北逕安縣界之東又逕符縣下孫云

安縣疑有脫落按漢志捷為有南安縣有符縣北入江縣長趙祉遣吏光

尼和以永建元年十一月詣巴郡沒歿成濡灘子

賢求喪不得女絡年二十五歲有二子五歲以還

至二年二月十五日尚不得喪絡乃乘小船至父

沒處哀哭自沈見夢告賢曰至二十一日與父俱

出至日父子果浮出江上郡縣上言為之立碑以

旌孝誠也華陽國志作先尼和沒死女絡以不

喪自沈父沒處後漢書云孝女叔先父泥和為捷為功曹墮湍水物故雄怨痛不得尸

喪百許日後自投水却後六日與父相持浮於江上搜神記云捷為叔

先泥和其女名雄其鰓部之水所未聞矣或是

水之殊目非所究也

又東北至巴郡江州縣東强水涪水漢水白水宕渠

水水合南流注之宋本作五水合强水即羌水也宕渠水即潛水渝水矣巴水出晉

昌郡宣漢縣巴嶺山郡隸梁州晉太康中立治漢

中縣南去郡八百餘里故蜀巴西南流歷巴中逕
巴郡故城南李嚴所築大城北西南入江庾仲雍
所謂江州縣對二水口右則涪內水左則蜀外水
卽是水也江州縣故巴子之都也春秋桓公九年
巴子使韓服告楚請與鄧好是也及七國稱王巴
亦王焉秦惠王遣張儀等救苴侯於巴儀貪巴苴
之富因執其王以歸而置巴郡焉巴治江州漢獻
帝初平元年分巴爲三郡於江州則永寧郡治也
至建安六年劉璋納騫涪之訟華陽國志作獲爲
巴郡以嚴顏爲守顏見先主人蜀歎曰獨坐

放虎自衛此卽拊心處巴漢世郡治江州巴水北
北府城是也後乃徙南城劉備初以江夏費觀爲
太守領江州都督後都護李嚴更城周一十六里
造倉龍白虎門求以五郡爲巴州治丞相諸葛亮
不許竟不果地勢側嶮皆重屋累居數有火害又
不相容結舫水居者五百餘家承三江之會夏水
增盛壞散顛沒歿者無數縣有官橘官荔枝園夏
至則熟二千石常設廚膳命士大夫共會樹下食
之縣北有稻田出御米也縣下又有清水穴巴人
以此水爲粉則皜曜鮮芳貢粉京師因名粉水故

世謂之爲江州墮林粉粉水亦謂之爲立水矣江水北岸有塗山南有夏禹廟塗君祠廟銘存焉常璩仲雍並言禹娶於此余按羣書咸言禹娶在壽春當塗不於此也

又江水東至枳縣西延江從牂牁郡北流西屈注之東逕陽關巴子梁江之兩岸猶有梁處巴之三關斯爲一也延熙中蜀車騎將軍鄧芝爲江州都督治此江水又東右逕黃葛峽山高峻今無人居江水又左逕明月峽東至梨鄉歷鷄鳴峽江之兩岸有枳縣治華陽記曰枳縣在江州巴郡東四百里

治涪陵水會庾仲雍所謂有別江出武陵者也水乃延江之枝津分水北注逕涪陵入江故亦云涪

陵水也其水南道

宋本作南逕

武陵郡昔司馬錯泝舟

此水取楚黔中地延熙中鄧芝伐徐巨射玄援於是縣援自拔矢卷木葉塞射瘡芝歎曰傷物之生吾其歿矣江水又東逕涪陵故郡北後乃并巴郡遂罷省江水又東逕文陽灘險難上江水又東逕漢平二百餘里左自涪陵東出百餘里而屈于積石東爲桐柱灘

又逕東望峽東歷平都

峽對豐民洲舊巴子別都也華陽記曰巴子雖都
江平州又治平都卽此處也有平都縣爲巴郡之
隸邑矣縣有天師治兼建佛寺甚清靈縣有兩肆
四日一會

江水又逕虎鬚灘

灘水廣大夏斷行旅

江水又東逕臨江縣南

王莽之鹽江縣也華陽記曰縣在枳東四百里東
接胸忍縣有鹽官自縣北入鹽井谿有鹽井營戶

公注谿井水

孫云當作注
鹽井谿水

江水又東得黃華水口

江浦也

左逕石城南

庾仲雍曰臨江至石城黃華口一百里

又東至平洲

洲上多居民

又東逕壤塗而歷和灘又東逕石城

是地巴東之西界益州之東故得是名也又東
過魚復縣南夷水出焉

江水又東右得將龜谿口

華陽記曰胸忍縣出靈龜咸熙元年獻龜於相府
言出自此谿也

江水又東南會北集渠

二谿水涪陵縣界謂之于陽谿北流逕巴東郡之
南浦僑縣西谿夾側鹽井三口相去各數十步以
木為桶徑五尺修煮不絕谿水北流注於江謂之
南集渠口亦曰于陽谿口北水出新浦縣北高粱
山分谿南水宋本作南流逕其縣西又南一百里入胸
忍縣南入于江謂之北集渠口別名班口又曰分
水口胸忍尉治此

江水又右逕池谿口

蓋江汜決入也

江水又東逕右龍

水至于博陽二村之間有盤石廣四百丈長六里
而後殆于岨塞江川夏沒冬出基亘通渚

又東逕羊腸虎臂灘

楊亮為益州至此舟覆微當作微其波瀾蜀人至今

猶名之為使君灘

江水又東彭水注之

水出巴渠郡獠孫云當中東南流逕漢豐縣東清

水注之水道源出西北巴渠縣東北巴嶺南獠中
卽巴渠水也西南流至其縣又西入峽檀井谿水
出焉又西過山至漢豐縣東而西注彭谿謂之清
水口彭谿又入逕胸忍縣西六十里南流至于江
謂之彭谿口

江水又東右逕胸忍縣故城南

常璩曰縣在巴東郡西二百九十里縣治故城跨
其山阪南臨大江之南岍有方山山形方峭枕側
江濱

江水又東逕瞿巫灘

卽下瞿灘也又謂之博望灘左則湯谿水注之水

源出縣北六百餘里上庸界南流歷之縣

孫云當作其縣

翼帶鹽井一百所巴川資以自給粒大者方寸中

夾隆起形如張傘故因名之曰傘子鹽有不成者

形亦必方異於常鹽矣王隱晉書地道記曰入湯

口四十三里有石煮以爲鹽石大者如升小者如

拳煮之水竭鹽成蓋蜀火井之倫水火相得乃佳

矣湯谿下與檀谿水合上承巴渠水巴渠南歷檀

井谿之檀井水下入湯水湯水又南入于江名曰

湯口

江水又逕東陽灘

江上有破石故亦通謂之破石灘荀延光沒處也

舊本作荀延光未詳吳改作荀亦無所據常璩曰水道有東陽下瞿數

灘山有大小石城靈壽木及橘園也故地理志曰

縣有橘官有民市埤按漢志巴郡胸忍縣注云容

民市蓋傳寫之譌

江水又逕魚復縣之故陵

舊郡治故陵谿西二里故陵村谿即永谷也地多

木瓜樹有子大如甕白黃實甚芬香爾雅之所謂

楸也

江水又東為落牛灘逕故陵北

江側有六大墳庾仲雍曰楚都丹陽所葬亦猶枳

之巴陵矣故以故陵為名也有魚復尉戍此江之

左岸有巴鄉村村人善釀故俗稱巴鄉清郡出名

酒村側有谿谿中多靈壽木中有魚其頭似羊豐

肉少骨美於餘魚谿水伏流逕平頭山內通南浦

故縣陂湖其地平曠有湖澤中有菱芡鯽鴈不異

外江凡此等物皆入峽所無地密惡蠻不可輕至

江水又右逕夜清而東歷朝陽道口

有縣治治下有市十日一會

江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣西南高陽山東東北流逕其縣南東北流丙水注之水發縣東南柏枝山山下有丙穴

穴方數丈中有嘉魚常以春末遊渚冬初入穴抑

亦褒漢丙穴之類也

蜀都賦嘉魚出於丙穴劉淵林注云丙穴在漢中沔陽縣

北有魚穴二所常以三月取之任豫益州記云嘉魚之鱗似鱒蜀人謂之拙魚從石孔隨泉出大者

五六其水北流入高陽谿谿水又東北流注于江

謂之陽元水口

江水又東逕南鄉峽東逕永安宮南

劉備終於此諸葛亮受遺處也其間平地可二十

許里江山迥濶入峽所無城周十餘里青山面江

頽墉四毀荆棘成林左右民多墾其中

江水又東逕諸葛亮圖壘南

石磧平曠望兼川陸有亮所造

宋本云所作

八陣圖東

跨故壘皆累細石為之自壘西去聚石八行行間

相去二丈因曰八陣既成自今行師庶不覆敗皆

圖兵勢行藏之權自後深識者所不能了今夏水

漂蕩歲月消損高處可二三人下處磨滅殆盡

江水又東南逕赤岬西

是公孫述所造因山據勢周迴七里一百四十步東高二百丈西北高一千丈南連碁白帝山甚高大不生樹木其土悉赤土人云如人袒胛故謂之赤岬山淮南子曰徬徨於山岬之旁注曰岬山脅也郭仲產曰斯名將因此而興矣

江水又東逕魚復縣故城南

故魚國也春秋左傳文公十六年庸與羣蠻叛楚莊王伐之七遇皆北唯裨儵魚人逐之是也地理志江關都尉治公孫述名之為白帝取其王巴蜀

章武二年劉備為吳所破改白帝為永安巴東郡

治也漢獻帝初平元年分巴為三都以魚復為故

陵郡趙胤訴劉璋改為巴東郡治趙胤當作寒胤按華陽國志云

獻帝初平元年征東中郎將趙穎建議分巴為二郡穎欲得巴舊名故白益州牧劉璋以墊江以上為巴郡江南權義為太守治安漢以江州至臨江為永安郡劉忍至魚復為固陵郡建安六年手魚復寒胤白璋爭巴名璋乃改永安為巴郡以固陵為巴東郡徙義為巴西太守是為三巴

山城周迴二百八十步北緣馬嶺接赤岬山其間

平處南北相去八十五丈東西十七丈又東傍東

瀼谿即以為隍西南臨大江闕之眩目唯馬嶺小

差委迤猶斬為路羊腸數四然後得上益州刺史

鮑陋鎮此為譙道福所圍城裏無泉乃南開水門
鑿石為函道上施木天公直下至江中有似猿臂
相牽引汲然後得水水門之西江中有孤石為淫
預石冬出水二十餘丈夏則沒亦有裁處宋本作出矣
李膺益州記云灑預堆夏水漲沒數十丈其狀如
馬舟人不敢進又曰猶豫言舟子取途不決水脉
故猶豫也樂府作淫豫其歌曰淫豫
夫如馬瞿塘不可下坤元錄作允豫縣有夷谿即
狼山清江也經所謂夷水出焉

江水又東逕廣谿峽

斯乃三峽之首也其間三十里頽巖倚木厥勢殆
交北岸山上有神淵淵北有白鹽崖高可千餘丈

俯臨神淵生人見其高白故因名之天旱燃木岸

上推其灰燼下穢淵中尋則降雨常璩曰縣有山

舊本錯以三十一卷清水注并灑水注
三百六十六字寫入此間今改正之澤水神旱

時鳴鼓請雨則必應嘉澤蜀都賦所謂應鳴鼓而

興雨也峽中有瞿塘黃龍二灘夏水迴復汭沂所

忌瞿塘灘上有神廟尤至靈驗刺史二千石逕過

皆不得鳴角伐鼓商旅上水恐觸石有聲乃以布

裹篙足今則不能爾猶饗薦不輟此峽多緩緩不

生北岸非唯一處或有取之放著北山中初不聞

聲將同貉獸渡汶而不生矣考工記曰橘踰淮而
北為枳鸚鵡不踰濟

貉踰汝則此蓋自昔禹鑿以通江郭景純所謂巴

東之峽夏后疏鑿者又東出江關入南郡界

江水自關東逕弱關捍關

捍關廩君浮夷水所置也

後漢書巴郡南郡蠻本有五姓俱事鬼神未有

君長乃共擲劍於石穴約能中者為君巴氏子務

相獨中之又令各乘土船約能浮者以為君唯務

射殺鹽水神女為飛蟲蔽日光者於是君平夷城

四姓皆弱關在建平秭歸界昔巴楚數相攻伐藉

險置關以相防捍秦兼天下置立南郡自巫上皆

其城也又東過巫縣南鹽水從縣東南流注之

江水入東烏飛水注之

克家云入東當作又東

水出天門郡漢中縣界北流逕建平郡沙渠縣南

又北流逕巫縣南西北歷山道三百七十里注于

江謂之烏飛口

水經注箋卷第三十四

漢 桑欽撰 後魏酈道元 注

明 李長庚訂 孫汝澄

朱謀埠箋 李克家仝校

江水二

江水又東逕巫縣故城南

縣故楚之巫郡也秦省郡立縣以隸南郡吳孫休
分爲建平郡治巫城城緣山爲墉周十二里一百
一十步東西北三面皆帶傍溪谷南臨大江故謂
之夔國也

江水又東巫溪水注之

溪水道源梁州晉興郡之宣漢縣東入南

當作逕又南

建平郡泰昌縣南又逕北井縣西東轉歷其縣北井南有鹽井井在縣北故縣名北井建平一郡之所資也鹽水下通巫溪溪水是兼鹽水之稱矣溪水又南屈逕巫縣東縣之東北三百步有聖泉謂之孔子泉其水飛清潔石穴並高泉下注溪水溪水又南入于大江

江水又東逕巫峽

杜宇所鑿以通江水也郭仲產云按地理志巫山在縣西南而今縣東有巫山將郡縣居治無恒故也

江水歷峽東逕新崩灘

此山漢和帝永元十三年崩晉太元二年又崩當崩之日水逾流百餘里湧起數十丈今灘上有石或圓如篔或方似屋若此者甚衆皆崩崖所隕致怒湍流故謂之新崩灘其頽巖所餘北

當作北

之諸

嶺尚為竦桀其下十餘里有大巫山非唯三峽所無乃當抗峰岷峨偕嶺衡疑其翼附羣山並桀青雲更就霄漢辨其優劣耳神血涂所處

今山海經作孟涂

山海經曰夏后啓之臣血涂是司神于巴巴人訟于血涂之所其衣有血者執之是請生居山上在丹山西郭景純云丹山在丹陽屬巴丹山西卽巫山者也又帝女居焉宋玉所謂天帝之季女名曰瑤姬未行而亾封于巫山之臺精魂爲草寔爲靈芝所謂巫山之女高唐之姬旦爲行雲暮爲行雨朝朝暮暮陽臺之下旦早視之果如其言故爲立廟號朝雲焉其間首尾一百六十里謂之巫峽蓋因山爲名也自三峽七百里中兩岸連山略無闕處重巖疊嶂隱天蔽日自非停午夜分不見曦月

至於夏水襄陵沿泝阻絕王命急宣有時朝發白帝暮到江陵其間千二百里雖乘奔御風不以疾也春冬之時則素湍淩潭迴清倒影絕巘多生檉柏懸泉瀑布飛漱其間清榮峻茂良多趣味舊本作趣每至晴初霜旦林寒澗肅常有高猿長嘯屢引

淒異

世說注引荊州記作屬引清遠

空谷傳響哀轉久絕故漁者

歌曰巴東三峽巫峽長猿鳴三聲淚沾裳

江水又東逕石門灘

灘北岸有山山上合下開洞達東西緣江步路所由劉備爲陸遜所破是逕此門謝云一作走逕此門追者甚

急備乃燒鎧斷道孫桓爲遜前驅奮不顧命斬上夔道吳志作斬截其要徑備踰山越險僅乃得免忿恚而歎曰吾昔至京桓尚小兒而今迫孤乃至於此遂發憤而薨矣

又東過秭歸縣之南

縣故歸鄉地理志曰歸子國也樂緯曰昔歸典叶聲律宋忠曰歸卽夔歸鄉蓋夔鄉矣古楚之嫡嗣有熊摯者以廢疾不立而居于夔爲楚附庸後王命爲夔子春秋僖公二十六年楚以其不祀滅之者也袁崧曰屈原有賢姊聞原放逐亦來歸喻令

自寬全鄉人冀其見從因名曰秭歸卽離騷所謂女嬃嬋媛以詈余也縣城東北依山卽坂周廻二里高一丈五尺南臨大江古老相傳謂之劉備城蓋備征吳所築也縣東北數十里有屈原舊田宅雖畦堰廢漫猶保屈田之稱也縣北一百六十里有屈原故宅累石爲屋基名其地曰樂平里宅之東北六十里有女嬃廟擣衣石猶存故宜都記曰秭歸蓋楚子熊繹之始國而屈原之鄉里也屈原宅于今具存指謂此也

江水又東逕城北

其城憑嶺作圍二百一十步夾溪臨谷據山枕江
北對丹陽城城據山跨阜周八里二百八十步東
北兩面悉臨絕澗西帶亭下溪南枕大江嶮峭壁
立信天固也楚子楚衍熊繹始封丹陽之所都也
地理志以爲吳子之丹陽論者云尋吳楚悠隔縹緲
縷荆山無容遠在吳境是爲非也又楚子先王陵
墓在其間蓋爲徵矣

江水又東南逕夔城南

跨據川阜周迴一里百一十八步西北皆枕深谷
東帶鄉溪南側大江城內西北角有金城東北角

有員土獄西南角有石井口徑五尺熊摯始治巫
城後疾移此蓋夔徙也春秋左傳僖公二十六年
楚令尹子玉城夔者也孫按左傳作滅夔服虔曰在巫之
陽秭歸歸鄉矣

江水又東逕歸鄉縣故城北

袁崧曰父老傳言原旣流放忽然暫歸鄉人喜悅
因名曰歸鄉抑其山秀水清故出雋異地嶽流疾
故其性亦隘詩云惟岳降神生甫及申信與余謂
袁松此言可謂因事而立證恐非名縣之本旨矣
縣城南面重嶺北背大江東帶鄉口溪溪源出縣

東南數百里西南入縣逕狗峽西峽崖龕中石隱起有狗形形狀具足故以狗名峽鄉口溪又西北逕縣下入江謂之鄉口也

江水又東逕信陵縣南

臨大江東傍深溪溪源北發梁州上庸縣界南流逕縣下而注大江也

江水又東過夷陵縣南

江水自建平至東界峽盛弘之謂空冷峽峽甚高峻即宜都建平二郡界也其間遠望交嶺表有五六峰參差互出上有奇石如二人像襜袂相對俗

傳兩郡督郵爭界於此宜都督郵厥勢小東傾議者以為不如也

江水歷峽東逕宜昌縣之墻窰下

江之左岸絕岸壁立數百丈飛鳥所不能棲有一火爐墻在崖間當作火爐望見可長數尺父老傳

言昔洪水之時人薄舟崖側以餘燼墻之巖側至今猶存故先後相承謂之墻窰也洽聞記云空船

火燼長數尺名曰插窰相傳堯時洪水行者泊舟崖側炊爨以餘燼插之鄭常蓋亦據此注耳

江水又東流頭灘

其水並浚激奔暴魚鼈所不能游行常苦之其

九經注疏 卷三十四
歌曰灘頭白勃堅相持倏忽淪沒別無期袁崧曰
自蜀至此五千餘里下水五日上水百日也

江水又東逕宜昌縣北

分夷道狼山

孫云當作狼山

所立也縣治江之南岸北枕

大江與夷陵對界宜都記曰渡流頭灘十里便得

宜昌縣

江水又東逕狼尾灘而歷人灘

袁崧曰二灘相去二里人灘水至峻峭南岸有青
石夏沒冬出其石嶽峯數十步中悉作人面形或
大或小其分明者鬚髮皆具因名曰人灘也

江水又東逕黃牛山

下有灘名曰黃牛灘南岸重嶺疊起最外高崖間

有色

孫云當作有石

如人負刀牽牛人黑牛黃成就分明

既人跡所絕莫得究焉此巖既高加江湍紆迴雖

途逕信宿猶望見此物故行者謠曰朝發黃牛暮

宿黃牛言水路行深迴望如一矣

御覽引此云言水路紆深迴環

望如一矣

江水又東逕西陵峽

宜都記曰自黃牛灘東入西陵峽全峽口一百許
里山水紆曲而兩岸高山重嶺非日中夜半不見

日月絕壁或千許丈其石彩色形容多所像類林木高茂略盡冬春猿鳴至清山谷傳響泠泠不絕所謂三峽此其一也崧言常聞峽中水疾書記及口傳悉以臨懼相戒曾無稱有山水之美也及余來踐躋此意旣至欣然始信之耳聞不如親見矣其疊嶂秀峰竒構異形固難以辭敘林木蕭森離離蔚蔚乃在霞氣之表仰矚俯映彌習彌孫云疑脫佳字流連信宿不覺忘返目所履歷未嘗有也旣自欣得此竒觀山水有靈亦當驚知己於千古矣

江水歷禹斷江

南峽北有北谷村兩山間有水清深潭而不流又者舊傳言昔是大江及禹治水此江小不足瀉水禹更開今峽口水勢奔衝此江遂絕于今謂之斷江也

江水出峽東南流逕故城州

州附北岸洲頭曰郭洲長二里廣一里上有步闡故城方圓稱洲周廻略滿故城洲上城周疑缺一字里吳西陵督步騭所築也孫皓鳳皇元年騭息闡復爲西陵督據此城隆晉遣大傅羊祜接援未至爲陸抗所陷也

江水又東逕故城北

宋本作陸抗故城北

所謂陸抗城也城即此

當作山

為墉四面大險江南

岸有山孤秀從江中仰望壁立峻絕袁崧為郡嘗

登之矚望焉故其記云今自山南上至其嶺嶺容

十許人四面望諸山略盡其勢俯臨大江如縈帶

焉視舟如鳧矣北對夷陵縣之故城城南臨大

江秦令白起伐楚三戰而燒夷陵者也應劭曰夷

山在西北蓋因山以名縣也王莽改曰居利吳黃

武元年更名西陵也後復夷陵縣北三十里有石

穴名白馬穿

舊本作石

名

嘗有白馬出穴食

食字下疑有不

麥字乃成文理白帖引荆州記正同但云昔有馬從穴出因復還入潛行乃出漢中人逐之

入穴潛行出漢中漢中人失馬亦嘗出此穴相去

數千里袁崧言江北多連山登之望江南諸山數

十百里莫識其名高者千仞多奇形異勢自非煙

寨雨霽不辨見此遠山矣余嘗往返十許過正可

見其遠峰耳

江水又東逕白鹿巖

沿江有峻壁百餘丈援所不能遊有一白鹿陵峭

登嵯乘巖而上故世名此巖為白鹿云

江水又東歷荆門虎牙之門

荆門在南上合下開閹徹山南有門像虎牙在此
石壁色紅間有白文類牙形並以物像受名此三
山楚之西塞也水勢急峻故郭景純江賦曰虎牙
桀豎以屹萃荆門鬪竦而盤薄圖淵九迴以懸騰
溢流雷响而電激者也江賦云荆門闕竦而盤薄
圖淵九迴以懸騰溢流雷
响而電激漢建武十一年公孫述遣其大司徒任滿翼
江王田戎將兵萬據嶮爲浮橋橫江以絕水路營
壘跨山以塞陸道光武遣吳漢岑彭將六萬人擊
荆門漢等率舟師攻之直衝浮橋因風縱火遂斬
滿等矣

又東南過夷道縣北夷水從很山縣南東北注之漢地

地理志武陵郡有很山縣孟康云音恒

夷道縣漢武帝伐西南夷路由此出故曰夷道矣

王莽更名江湖宋本作江南桓溫父名彝改曰西道魏

武臨江分南郡置臨江郡劉備曰宜都郡治在縣

東四百步故城吳丞相陸遜所築也爲二江之會

也北有湖里淵淵上橘柚蔽野桑麻閭日西望很

山諸嶺重峰疊秀青翠相臨時有丹霞白雲遊曳

其上城東北有望堂地特峻下臨青江遊矚之名

處也縣北有女觀山厥處高顯回眺極目古老傳

言昔有思婦夫官於蜀屢愆歸期歸期舊本作愁期當是秋期之

譌毛詩秋以為期也登此山絕望憂感而歎山木枯悴鞠為

童枯鄉人哀之因名此山為女觀焉葬之山頂今

孤墳尚存矣又東過枝江縣南沮水從北來注之

江水又東逕上明城北

北此北字衍晉大元中苻堅之寇荊州也刺史桓沖徙

渡江南使劉波築之移州治城也其地夷敞北據

大江江汜枝分東入大江江汜當作江沱縣治洲上故以

枝江為稱地理志曰江沱出西南東入江是也江沱

當作江沱按地理志蜀郡郫縣注禹貢江沱在西南東入大江其民古羅徙羅故

居宜城西山楚文王又徙之于長沙今羅縣是矣

縣西三里有津鄉津鄉里名也春秋莊公十九年

巴人伐楚楚子禦之大敗於津鄉應劭曰南郡江

陵有津鄉今則無聞矣郭仲產云尋楚禦巴人枝

江是其塗便此津鄉縣即其地也津鄉縣舊本作

譌吳改作縣亦無所據漢晉地志無津鄉縣也或是似字之譌盛弘之曰縣舊治

沮中後移出百里洲西去郡一百六十里縣左右

有數十洲槃布洲中當作江中其百里洲最為大也中

桑田甘果映江依洲自縣西至上明東及江津其

中有九十九洲楚諺云洲下石當作洲故不出王

者桓玄有開鼎當作問鼎之志乃漕一洲以充百數僭

號數旬宗滅身屠及其傾敗洲亦消毀今上在西

忽有一洲自生沙流迴薄成不淹時其後未幾龍

飛江漢矣此今上是盛弘之荆州記中語謂宋文帝自鎮西將軍宜都王入繼武帝於江

陵進璽紱也隋志云盛弘之居縣東二里有縣人

劉凝之故宅凝之字志安兄盛公高尚不仕凝之

慕老萊嚴子陵之為人立屋江湖非力不食妻藥

州刺史郭詮女亦能安貧宋元嘉中夫妻隱于衡

山終焉不返矣縣東北十里土臺北岸有逸洲長

十餘里義熙初武烈王斬桓謙處武烈王當是武陵王按宋書高

祖討桓玄敗走江陵乃奉武陵王遵為大將軍承制大赦天下玄走至枚回洲斬首傳京師義熙

元年正月劉毅等至江津破桓謙桓振江陵平縣東南二十里富城洲上

有道士范儕精廬自言巴東人少遊荆土而多盤

桓縣界惡衣糞食蕭散自得言來事多驗而辭不

可詳人心欲見歛然而對貌言尋求終弗遇也雖

逕跨諸洲而舟人未嘗見其濟涉也後東遊廣陵

卒於彼土儕本洲孫云疑無定止處宿憇一小巷

而已疑作小菴弟子慕之於其昔遊共立精舍以

存其人縣有陳留王子香廟頌子香於漢和帝之

時出為荊州刺史有惠政天子徵之道卒枝江亭

中常有三白虎出入人間送喪踰境百姓追美其
棠以永元十八年立廟設祠刻石銘德號曰枝江
白虎王君其子孫世令猶謂之爲白虎王
江水又東會沮口

楚昭所謂江漢沮漳楚之望也

又南過江陵縣南

縣江有洲號曰枝迴洲沈約宋書作枚迴洲斬桓玄處江水自此

兩分而爲南北江也北江有故鄉洲元興之末桓
玄西奔毛祐之與參軍費恬射玄於此洲玄子昇
年六歲輒拔去之王昭之云玄之初奔也經日不

得食左右進麤粥咽不下昇抱玄曾撫之玄悲不

自勝至此益州都護馮遷斬玄於此洲斬昇於江

陵矣下有龍洲洲東有寵洲二淵當作之間世擅

多魚矣漁者投罟歷網往往繼絕荆州記作投罟

往維絕有潛客泳而視之見水下有兩石牛嘗爲罟

害矣故漁者莫不擊浪浮舟鼓枻而去矣其下謂

之郟里洲洲有高沙湖湖東北有小水通江名曰

曾口

江水又東逕鸞尾洲

北合靈溪溪水無泉源上承散水合承大溪南流

注江江溪之會有靈溪成背阿面江西帶靈溪故
成得其名矣

江水東得馬牧口

江水斷洲通會

江水又東逕江陵縣故城南

禹貢荆及衡陽惟荊州蓋卽荆山之稱而制州名
矣故楚也子韋曰我先君僻處荆山以供王事遂
遷紀郢今城楚船官地也春秋之渚宮矣秦昭襄
王二十九年使白起拔鄢郢以漢南地而置南郡
焉周書曰南國名也南氏有二臣力鈞勢敵競進

爭權君弗能制南氏用分爲二南國也

出周書
史記解按

韓嬰敘詩云其地在南郡南陽之間呂氏春秋所
謂禹自塗山巡省南土者也是郡取名焉後漢景

帝以爲臨江王榮國王坐侵廟垣地爲宮被徵升
車出北門而軸折父老竊流涕曰吾王不還矣自

後北門不開蓋由榮非理終也漢景帝二年改爲

江陵縣王莽更名南順縣曰江陵舊城關羽所築

羽北圍曹仁呂蒙襲而據之羽曰此城吾所築不
可攻也乃引而退杜元凱之攻江陵也城上人以

瓠繫狗頸示之元凱病瘵故也及城陷殺城中老

小血流沾足論者以此薄之江陵城地東南傾故緣以金隄自靈溪始桓溫令陳遵造遵善於防攻孫云防攻當作方功謂以方計土功也使人打鼓遠聽之知地勢高

下依傍創築略無差矣城西有栖霞樓俯臨通隍吐納江流城南有馬牧城西側馬廵此洲始自枚廵下迄於此長七十餘里洲上有奉城故江津長所治舊主度州郡貢於洛陽因謂之奉城亦曰江津戍也戍南對馬頭岸昔陸抗屯此與羊祜相對大弘信義談者以爲華元子反復見於今矣北對大岸謂之江津口故洲亦取名焉江水自此始也

江水舊本作九江疑火乃家語曰江水至江津非大字之譌足改爲水未安方舟避風不可涉也故郭景純云濟江津以起漲言其深廣也

江水又東逕郢城南

子囊遺言所築城也地理志曰楚別邑故郢矣王莽以爲郢亭城中有趙臺卿冢岐平生自所營也冢圖賓主之容用存情好敘其宿尚矣

江水又東得豫章口

夏水所通也西北有豫章岡蓋因岡而得名矣或言因楚王豫章臺名所未詳也

水經注箋卷第三十五

漢 桑欽撰

後魏酈道元注

明 李長庚訂

孫汝澄

朱謀壘箋

李克家全校

江水三

又東至華容縣西夏水出焉

江水左迤為中夏水右則中郎浦出焉江浦右迤

南派曲而極水曲之地勢世謂之江曲者也

又東南當華容縣南湧水出焉

江水又東涌水注之

水自夏水南通於江謂之涌口春秋所謂閭敖游涌而逸於二水之間者也

左傳云楚武王克陸遷權于那處使閭敖尹之

及文王即位與巴人伐申而驚其師巴人叛楚而伐那處取之遂門于楚閭敖游涌而逸楚子殺之其族為亂巴人因之以伐楚

江水又逕南平郡孱陵縣之樂鄉城北

吳陸抗所築後王濬攻之獲吳水軍督陸景於此渚也

又東南油水從東南來注之又東右合油口

又東逕公安縣北

劉備之奔江陵使築兩鎮之曹公聞孫權以荊州

借備臨書落筆杜預克定江南置華容置之謂之

江安縣南郡治矣以華容之南鄉為南郡晉太康

元年改曰南平也縣有油水水東有景口口即武

陵郡界景口東有淪口淪水南與景水合又南通

澧水及諸陂湖北是淵也孫云淵當作淪相接悉是南蠻

府屯也故側江有大城相承云倉儲城即邸閣也

江水左會江口

江浦也對黃州

江水又東得故市口

水與高水通也

九經注疏卷三十五
江水又右逕楊岐北山

山抗宋本作枕大江山東有城故華容縣尉舊治也

大江又東左合子夏口

江水左迤北出通於夏水故曰子夏也當作故曰夏口也

大江又東左得侯臺水口

江浦也

大江右得龍穴水口

江浦右迤也北對虎洲又洲北有龍巢地名也昔

禹南濟江黃龍夾舟舟人五色無主禹笑曰吾受

命於天竭力養民生死命也何憂龍哉於是二龍

弭鱗掉尾而去焉故水地取名矣

江水自龍巢而東俞口

夏水泛盛則有冬無之江水北岸上有小城故監

縣尉治也

又東得清揚土塢一口

江浦也

大江右逕石首山北又東逕赭婁

赭婁洲名在大江中次北湖洲下

江水左得飯筐上口

秋夏水通下口間相距三十餘里赭婁下即楊子

洲在大江中二洲之間常苦蛟害者宋本荆飲飛

濟此遇兩蛟斬之自後年有所患矣呂氏春秋云荆有次飛者

得寶劍于干途還返涉江至於中流有兩蛟夾繞其船次飛攘臂拔劍赴江刺蛟殺之而復上船舟中之人皆得活荆

王聞之作之執珪江之右岸則溝宋本水口口上

即錢官也水自牛皮山東北通江北對清水洲洲

下接生江洲南即生江口水南通澧浦江水右會

飯筐上口江浦所入也

江水又右得上檀浦

江澹也

江水又東逕竹畦南宋本作竹畦南

江中有觀詳澹澹東有太洲洲東分為爵洲洲南

對湘江口也

又東至長沙下雋縣北澧水沅水資水合東流注之

凡此諸水皆注于洞庭之陂是乃湘水非江川也

湘水從南來注之

江水右會湘水所謂江水會者也

江水又東左得二夏浦

夏浦俗謂之西江口又東逕忌置山南山東即隱

口浦矣江之右岸有城陵山山有故城東接微落

山亦曰暉落磯江之南畔名黃金瀨瀨東有黃金

浦良父口夏浦也

又東逕彭城口

水東有彭城磯故水受其名即玉潤水宋本作出玉潤水

巴丘縣東玉山玉溪北流注于江

江水自彭城磯東逕如山北

北對隱巖二磯之間大江之中有獨石孤立大江

中山東江浦世謂之白馬口

江水又左逕白螺山南

右歷鴨蘭磯北江中也東得鴨蘭治浦二口夏浦

也

江水左逕止烏林南止當作上

村居地名也又東逕烏黎口江浦也即中烏林矣

又東逕烏林南吳黃蓋敗魏武於烏林即是處也

江水又東左得子練口

北通練浦又東合練口江浦也南直練洲練名所

以生也江之右岸得蒲磯口即陸口也水出下雋

縣西三山溪其水東逕陸城北又東逕下雋縣南

故長沙舊縣王莽之閏雋也宋元嘉十六年割隸

巴陵郡陸水又屈而西北流又逕其縣北北對金

城吳將陸渙所屯也陸水又入蒲圻縣北逕呂蒙

城西昔孫權征長沙零桂所鎮也陸水又逕蒲巉山北入大江謂之刀環口又東逕蒲巉山北對蒲圻洲亦曰擎洲又曰南洲洲頭卽蒲圻縣治也晉太康元年置洲上有白面洲洲南又有滌口水出豫章艾縣東入蒲圻縣至沙陽西北魚嶽山入江山在大江中楊子洲南孤峙中洲江水左得中陽水口又東得白沙口

一名沙屯卽麻屯口也本名蔑默口江浦矣南直蒲圻洲水北入百餘里吳所屯也又逕魚嶽山北下得金梁洲洲東北對淵淵宋本一作洲一名淵步洲江

濱從洲頭以上悉壁立無岸歷專政宋本一作岐至白沙

方有浦上甚難江中有沙陽洲沙陽縣治也縣本

江夏之沙羨矣晉太康中改曰沙陽縣宋元嘉十

六年割隸巴陵郡江之右岸有雍口亦謂之流口

東北流之長洋港東北流逕石子岡岡上有故城

卽州陵縣之故城也莊辛所言左州侯國矣又東

逕州陵新治南王莽之江夏也港水東南流注于

江謂之洋口南對龍穴洲沙陽洲之下尾也洲裏

有駕部口宋景平二年迎文帝於江陵法駕頓此

因以爲名文帝車駕發江陵至此黑龍躍出負帝

所乘舟左右失色上謂長史王曇首曰乃夏禹所以受天命矣我何德以堪之故有龍穴之名焉
江水東右得聶口

江浦也左對聶洲

江水左逕百人山南

右逕赤壁山北昔周瑜與黃蓋詐魏武大軍所起

也

吳志云曹公軍次江北周瑜等在南岸瑜部將黃蓋取蒙衝鬪艦數十艘實以薪草膏油灌其

中裏以帷幕上建牙旗先書報曹公欺以欲降引次俱前蓋放諸船同時發火時風盛猛悉延燒岸上營落煙炎張天軍遂退敗

江水東逕大軍山南

山東有山屯夏浦江水左迤也江中有石浮出謂之節度石右則塗水注之出江州武昌郡武昌縣秦山西北流逕汝南僑郡故城南咸和中寇難南逼戶口南渡因置斯郡治于塗口塗水歷縣西又西北流注于江

江水又東逕小軍山南

臨側江津東有小軍浦

江水又東逕雞翅山北

山東卽土城浦也

又東北至江夏沙羨縣西北沔水從北來注之

沌水出承陽縣之白湖東南流為沌水逕陽縣南注于江謂之沌口有陽都尉治晉永嘉六年王敦

以陶侃為荊州鎮此明年徙林鄣晉書周顛為荊州刺史方入境

為賊所破王敦於是表拜陶侃為使持節寧遠將軍南蠻校尉荊州刺史領西陽江夏武昌鎮于沌口晉本紀云愍帝建興二年杜弢別帥王直襲荊州刺史陶侃於林鄣侃奔澠中

江水又東逕歎父山南對歎州

亦曰歎步矣江之右岸當鸚鵡洲南有江水右迤

謂之驛渚三月以末水下通樊口水

江水又東逕魯山南

右翼際山也地說曰漢與江合于衡北翼際山傍

者也山上有吳江夏太守陸渙所治城蓋取二水

之名地理志曰夏水過郡入江夏也舊治安陸漢

高帝六年置吳乃徙此城中有晉征南將軍荊州

刺史胡奮碑又有平南將軍王世將刻石記征杜

曾事有劉琦墓及廟也山左即沔水口矣沔左有

却月城然亦曰偃月壘戴監軍築故曲陵縣也後

乃沙羨縣治也昔魏將黃祖所守遣董襲陸統攻

而禽之禰衡亦遇害於此衡恃才倜儻肆狂矜於

無妄之世保身不足遇非其死可謂咎悔之深矣

江之右岸有船官浦歷黃鵠磯西而南矣直鸚鵡

洲之下尾江水澁曰當作狀浦是曰黃軍浦昔吳

將黃蓋軍師所屯故浦得其名亦商舟之所會矣

船官浦東即黃鵠山林澗甚美譙郡戴仲若野服

居之山下謂之黃鵠岸岸下有灣目之為鵠灣鵠

山東北對夏口城魏黃初二年孫權所築也依山

傍江開勢明遠憑墉藉阻高觀枕流上則遊因一作

遊流川下則激浪崎嶇寔舟人之所艱也對岸則

入沔津故城以夏口為名亦沙羨縣治也

江水左得湖口水通大湖又東合灑口水上承沔水

於安陸縣而東逕灑陽縣北東南注于江江水又東

湖水自北南注謂之嘉吳江右岸頗得二夏浦北對

東城洲西浦側有雍伏戍江之左岸東會龍驤水口

出北山蠻中江之有宋本武口水宋本上通安陸之延頭

宋永嘉二年衛將軍荊州刺史謝晦阻兵上流為

征北檀道濟所敗走奔於此為戍主光順之所執

處也南至武城俱入大江南直武洲洲南對楊桂

水口江水南出也通金女大文桃班三治吳舊地

宋本所在荊州界盡此

江水東逕若城南

庾仲雍江記曰若城至武城口三十里者也南對

郭口夏浦而不常泛矣東得苦菜夏浦浦東有苦菜夏江逕其北故浦有苦菜之名焉山上有菜苦可食江水左得廣武口江浦也江之右岸有李姥浦浦中偏無蚊蚋之患矣北對崢嶸洲冠軍將軍劉毅破桓玄於此洲玄乃挾天子西走江陵矣又東過邾縣南

江水東逕白虎巖北山臨側江濱又東會赤溪夏浦二口江水右迤也又東逕具巖宋本作巖此庾仲雍謂之沛岸矣江右岸有秋口江浦也又東得烏石水出烏石山南流注于江

江水右得黎巖北

亦曰黎岸也山東有夏浦又東逕上磧北山名也仲雍謂之大小竹磧也北岸烽火洲即舉洲也北對舉口仲雍作莒字得其音而忘其事非也舉水出龜頭山西北流逕龍戍南梁定州治蠻田超秀為刺史舉水又西流左合垂山之水水北出垂山之陽與戈陽孫云疑作弋陽漢志汝南郡有弋陽縣泝水同發一山

故是水合之水之東有南口戍又南逕方山戍西流注于舉水又西南逕梁司豫二州東蠻田魯生為刺史治湖陂城亦謂之山城也舉水又西南

逕顏城南又西南逕齊安郡西倒水注之出黃武
 山南逕白沙戍西又東南逕梁達城戍西東南合
 舉水舉水又南東歷赤亭下又謂之赤亭水又分
 為二水南流注于江謂之舉洲南對舉洲春秋左
 傳定公四年吳楚陣于柏舉京相璠曰漢東地矣
 夏有汜水或作舉疑即此也左水東南流入于江
 澣曰文方口江之右岸有鳳鳴口江浦也浦側有
 鳳鳴戍

江水又東逕邾縣故城南

楚宣王滅邾徙居于此故曰邾也漢高帝三年項

羽封吳芮為衡山王都此

漢地理志邾縣屬江夏郡衡山王吳芮所都也

晉咸和中庾翼為西陽太守分江夏立四年豫州
 刺史毛寶西陽太守樊俊其鎮之為石虎將張格
 度所陷自爾丘墟焉城南對蘆洲舊吳時客舍於
 洲上方便謂所止焉亦謂之羅洲矣

鄂縣北江水右得樊口

庾仲雍江水記云谷里袁口江津南入歷樊山上
 下三百里通新興馬頭二治樊口之北有灣昔孫
 權裝大船名之曰長安亦曰大船載坐直之士三
 千人與群臣泛舟江津屬值風起權欲西取蘆洲

谷利不從乃拔刀急止令取樊口薄船舶至岸而

敗江表傳曰孫權於武昌新裝大船名爲長安泛之釣臺沂時風大盛谷利令舵工取樊口權口

當張頭取羅州利拔刀向舵工曰不取樊口者斬工即轉舵入樊口風遂猛不可行乃還故名

其處爲敗舶灣因鑿樊山爲路以上人即名其處

爲吳造峴在樊口上一里今厥處尚存

江水又左逕赤鼻山南

山臨側江川

又東逕西陽郡南郡治即西陽縣也

晉書地道記以爲弦子國也

江之右岸有鄂縣故城

舊樊楚也世本稱熊渠封其中子之名某者爲鄂

王史記世家云熊渠立其長子康爲句亶王中子紅爲鄂王少子執疵爲越章王晉太康

地記以爲東鄂矣九州記曰鄂今武昌也孫權以

魏黃初元年中自公安徙此改曰武昌縣鄂縣徙

治於袁山東又以其年立爲江夏郡分建業之民

千家以益之至黃龍元年權遷都建業以陸遜輔

太子鎮武昌孫皓亦都之皓還東令滕牧守之晉

惠帝永平中始置江州傅綜爲刺史治此城後太

尉庾亮之所鎮也今武昌郡治城南有袁山即樊

山也武昌記曰樊口南有大姥廟孫權常獵於山

下依夕見一姥問權獵何所得曰正得一豹母曰

何不豎豹尾忽然不見依夕字誤當作依希按大平廣記引武昌記曰孫權

獵於武昌樊山下見一老母問權何獲曰只得一豹母曰何不豎其尾忽然不見權稱尊號立廟于

山應劭漢官序曰豹尾過後執金吾罷屯解圍大

子鹵簿中後屬車施豹尾於道路豹尾之內為省

中蓋權事應在此故為立廟也輿服志漢官篇曰豹尾過後罷屯解

圍胡廣曰施於道路豹尾之內又孫皓亦嘗登之

使將害常侍王蕃而其首虎以爭之江表傳曰孫皓於殿上斬

王蕃出登來山使親近將蕃首作虎跳狼爭咋齒之北背大江江上有釣臺

權常極飲其上曰墮臺醉乃已張昭盡言處吳志云孫

權於武昌臨釣臺飲酒大醉使人以水洒羣臣曰

今日酣飲惟醉墮臺中乃止耳張昭正色不言出

外車中坐權呼還問何為怒對曰昔紂為糟丘酒

池長夜之飲當時亦不以為惡也權默然慙遂罷

酒城西有郊壇權告天位于此顧謂公卿曰魯子

敬嘗言此可謂明於事勢矣城東故城言漢將灌

嬰所築也江中有節度石三段廣百步高五六丈

是西陽武昌界分江於斯石也又得東五丈又得

次浦江浦也東逕五嶼北有五山泐次江陰故得

是名矣仲雍謂之五圻江水左則巴水注之

水出雩婁縣之下靈山即大别山也與決水同出

一山故世謂之分水山亦或曰巴山南歷蠻中吳時舊立屯於水側引巴水以溉野又南逕巴水戍南流注于江謂之巴口

又東逕鞞縣故城南漢地理志江夏郡鞞縣故弦子國也孟康音汰又音徒系一又舊

本作鞞宋本作鞞皆誤也

故弦國也春秋僖公五年秋楚滅弦弦子奔黃者

也漢惠帝元年封長沙相利倉為侯國漢功臣表曰惠帝二

年封長沙相黎朱蒼為鞞侯城在山之陽南對五洲也江中有

五洲相接故以五洲為名宋孝武帝舉兵江洲建牙洲上有紫雲陰之即洲也

東會希水口出瀉縣霍山西麓山北有瀉縣故城

地理志曰縣南有天柱山即霍山也有祠南嶽廟

音潛齊立霍州治此西南流分為二水枝津出焉

希水又南積而為湖謂之希湖湖水又南流逕鞞

縣東而南流注于江是曰希口水者也然水流急

濬霖雨暴病孫云疑作暴瀉漂濫無常行者難之

大江右岸有厭里口安樂浦

從此至武昌尚方作部諸屯相接枕帶長江又東

得桑步步下有章浦本南陽郡治今悉荒蕪

江水左得赤水浦

夏浦也

江水又東逕南陽山南

又曰苟巖

宋本作苟巖

亦曰南陽巖仲雍謂之南陽圻

一名洛至圻一名石姥水勢迅急

江水又東逕西陵縣故城南

史記秦昭王遣白起伐楚取西陵者也漢章帝建初二年封陰堂為侯國

江水東歷孟家澆

孫云疑作澆

江之右岸有黃石山水逕

其北

即黃石巖也一名石茨圻有西陵縣也縣北則三

洲也山連逕江則東山偏高謂之西塞東對黃公

九巖所謂九圻者也於行小難兩山之間為闕塞

也從此濟於土復土復者北岸地名也

又東過蘄春縣南蘄水從北東注之

克家云疑作從北來

江水又得常口

宋本作韋口

江浦也浦東有韋山江水

東逕山北北崖有東湖口江波左迤流結成湖故

謂之湖口矣江水又東得空石口江浦在右臨江

有空石山南對石穴洲洲上有蘄陽縣治也又東

蘄水注之江水又東逕蘄春縣故城南世祖建武

三十年封陳俊子浮為侯國也江水又東得銅零

口江浦也大江右逕蝦蟆山北而東會海口水南通大湖北達于江水左右翼山江水逕其北東合臧口江浦矣江水又左逕長風山南得長風口江浦也江水又東逕積布山南俗謂之積布磯又曰積布圻庾仲雍所謂高山也此卽西陽一作南陽尋陽二郡界也右岸有土復曰江浦也夾浦有江山山東口有護江浦也庾仲雍謂之朝二浦也又東過下雉縣北刊水從東陵西南注之

江水東逕琵琶山南山下有琵琶灣也又東逕望夫山南又東得苦菜水水口夏浦也江之右岸富

水注之水出陽新縣之青湓山西北流逕陽縣故

豫章之屬一作屬縣矣地多女鳥玄中記曰新陽男子

於水次得之遂與其居生二女悉衣羽而去豫章

間養兒不露其衣言是鳥落塵於兒衣中則令兒

病故亦謂之飛夜遊女矣搜神記云豫章新喻縣男子見田中有六七女

皆衣毛衣姓得一女所解之衣藏之此女不得去

男子取以為婦生二女後於積稻下得其毛衣遂

飛去本草引玄中記云姑獲鳥衣毛為飛鳥脫毛

為女又云是產婦死後化作一名隱飛一名夜行

遊女鬼神類也又西北逕下雉縣王莽更名之潤兒矣當所在也江水口右東得蘭溪水口並江浦也

又東左得青林口

卽水出廬江郡之東陵鄉江夏有西陵縣故是言東矣尚書云江水過九江至于東陵者也西南流水積爲湖湖西有青林山宋太始元年明帝遣沈攸之西伐子勛宋書晉安王子勛謀反伐柵青山覩一童子甚麗問伐者曰取此何爲答欲討賊童子曰下旬當平何勞伐此在衆人之中忽不復見故謂之青林湖湖有鯽魚食之肥美辟寒暑湖水西流謂之青林水又西南歷尋陽分爲二水一水東流過大雷一水西南流注于江經所謂刊水也右對馬頭

岸自富口迄此五千

孫云當作五十

餘里岸阻江山

入
家
家
家
家
家

家
家
家
家
家

一

三
十
九

水經注箋卷第三十六



漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

青衣水

桓水

若水

沫水

延江水

沅酉水

存水

温水

青衣水出青衣縣西蒙山東與沫水合也

縣故有青衣羌國也竹書紀年梁惠成王十年瑕

陽人自秦道岷山青衣水來歸漢武帝天漢四年

分沈黎郡西部都尉青衣之王漢

此有譌誤按華陽國志云天漢

四年罷沈黎置兩部都尉一治旄牛主外羌一治青衣漢民公孫述之有蜀也

青衣不服世祖嘉之建武十九年以為郡安帝延

光元年置蜀郡屬國都尉青衣王子心慕漢制上

求內附順帝陽嘉二年改曰漢嘉得此良臣也郡

志云漢嘉故青衣陽嘉二年改謝云嘉縣有蒙山

青衣克家云疑所發東逕其縣與沫水會於雋郡

孫云當作之靈關道青衣水又東邛水注之水出

漢嘉嚴道邛來山東至蜀郡臨邛縣東入青衣水

至犍為南安縣入于江

青衣水逕平鄉謂之平鄉江益州記曰平鄉江東

逕峨眉山在南安縣界去成都南千里然秋日清

澄望見兩山相峙如峨眉焉青衣水又東流注于

大江

桓水出蜀郡岷山西南行羌中入于南海

尚書禹貢岷嶓既藝沱潛既道蔡蒙旅平和夷底

績鄭玄曰和上夷所居之地也和讀曰桓地志曰

桓水出蜀郡蜀山西南行羌中者也尚書又曰西

傾因桓是來馬融王肅云西治傾山唯因桓水是

來言無他道也余按經據書岷山西傾俱有桓水

桓水出西傾山更無別流所導者唯斯水耳浮於

潛漢而達江沔故晉地道記曰梁州南至桓水西
底黑水東限扞關今漢中巴郡汶山蜀郡漢嘉江
陽朱提涪陵陰平廣漢新都梓潼犍爲武都上庸
魏興新城皆古梁州之地自桓水以南爲夷書所
謂和夷底績也然所可當者唯斯水與江耳桓水
蓋二水之別名爲兩江之通稱矣鄭玄注尚書言
織皮謂西戎之國也西傾雍州之山也雍戎二野
之間人有事於京師者道當由此州而來桓是隴
坂名其道盤桓旋曲而上故名曰桓是今其下民
謂是坂曲爲盤也斯乃玄之別致恐乖尚書因桓

之義非浮潛入渭之文余考校諸書以具聞見今
略緝綜川流泂注之緒雖今古異容本其流俗粗
陳所由然自西傾至葭萌入于西漢卽鄭玄之所
謂潛水者也自西漢溯流而屈于晉壽界阻漾枝
津南歷岡穴迤邐而接漢泂此入漾書所謂浮潛
而逾沔矣歷漢川至南鄭縣屬于褒水溯褒暨于
衙嶺之南溪川皮當作支灌于斜川屈于武功而北
達于渭水此乃水陸之相關川流之所經復不乖
禹貢入渭之宗實符尚書亂河之義也

若水出蜀郡旄牛徼外東南至故關爲若水也

山海經曰南海之內黑水之間有木名曰若木若水出焉又云灰野之山有樹焉青葉赤華厥名若木生崑崙山西附西極也淮南子曰若木在建木西木有十華其光照下地故屈原離騷天問曰羲和未陽若華何光是也然若木之生非一所也黑水之間厥木所植水出其下故水受其稱焉若水沿流間關蜀土黃帝長子昌意德劣不足紹承大位降居斯水為諸侯焉娶蜀山氏女生顓頊於若水之野有聖德二十登帝位承少皞金官之政以水德寶歷矣當作鷹歷若水東南流鮮水注之一名州

江大度水出徼外至髦牛

孫云漢志作髦牛

道南流入于

若水又逕越嶲大祚縣入繩繩水出徼外山海經曰巴遂之山繩水出焉東南流分為二水其一水枝流東出逕廣柔縣東流注于江其一水南逕髦牛道至大祚與若水合自下亦通謂之為繩水矣祚夷也汶山曰祚南中曰昆彌蜀曰邛漢嘉越嶲曰祚皆夷種也

南過越嶲邛都縣西直南至會無縣淹水東南流注

孫云注下當有之字

邛都縣漢武帝開邛祚置之縣陷為池今因名為

邛池南人謂之河河中有蛙華陽國志云邛都河中有奉水以章休盛也後復

反叛元鼎六年漢兵自越嶠山又有溫水穴冬夏常熱嶠水伐之以為越嶠郡

治邛都縣王莽遣任貴為領戎大尹守之更名為

集嶠也縣故邛都國也越嶠水即繩若矣似隨水

地而更名矣又有溫水冬夏常熱其源可燁雞豚

下湯沐洗能治宿疾昔李驤敗李流於溫水是也

若水又逕會無縣縣有駿馬河水出縣東高山山

有天馬徑厥跡存焉馬日行千里民家馬牧之山

下或產駿駒言是天馬子河中有貝子胎銅

璞也今華陽國志云河中有銅胎字之誤耳以羊祠之則可取也又

有孫水焉水出臺高縣即臺登縣也孫水一名白

沙江南流逕邛都縣司馬相如定西夷橋孫水即

是水也又南至會無入若水若水又南逕雲南郡

之遂父縣孫按漢志遂父蜻蛉水入焉水出蜻蛉

縣西東逕其縣下縣以氏焉有石豬圻長谷中有

石豬子母數千頭長老傳言夷昔牧此華陽國志

此豬於一朝化為石迄今夷人不敢往牧貪水出焉

蜻蛉水又東注于繩水繩水又逕三絳縣西又逕

姑復縣北對三絳縣淹水注之三絳一曰小會無

故經曰淹至會無注若水水又與母血水合水出益州郡弄棟縣東農山母血谷北流逕三絳縣南北入繩繩水又東涂水注之水出建寧郡之牧靡南山縣山並卽草以立名山在縣東北烏句山南五百里山生牧靡可以解毒百卉方盛鳥多誤食鳥喙口中毒必急飛往牧靡山啄牧靡以解毒也李奇云牧靡卽升麻也酉陽雜俎引此云建寧郡烏句山南五百里生牧靡草可以解毒百卉方盛鳥多誤食鳥喙中毒必急飛往此山啄牧靡以解涂水導源臈谷西北流至越嶲入繩漢地理志益州有牧靡縣注云南繩山臈涂水所出西北至越嶲入繩水又逕越嶲郡之馬湖縣謂之馬湖江又左合卑

水縣而東流注馬湖江也

又東北至犍為朱提縣西瀘江水

朱提山名也應劭曰在縣西南以氏為孫云當作縣以氏焉

犍為屬國也在郡南千八百許里建安二十年立

朱提郡郡治縣故城郡西南二百里得所綰堂琅

縣西北行上高山羊腸繩屈八十餘里或攀木而

升或繩索相牽而上緣陟者若將階天故袁休明

巴蜀志云高山嵯峨巖石磊落傾側縈迴下臨峭

壑行者拔緣牽援繩索三蜀之人及南中諸郡以

為至險有瀘津東去縣八十里水廣六七百步深

十數丈多瘴氣鮮有行者晉明帝大寧二年李驥
等侵越巂攻臺登縣寧州刺史王遜遣將軍姚岳
擊之戰于堂琅驤軍大敗岳追之至瀘水赴水死
者千餘人遜以岳等不窮追怒甚髮上衝冠恰裂
而卒案永昌郡有蘭倉水出西南博南郡宋本漢
明帝永平十二年置博南山名也縣以氏之其水
東北流出博南山漢武帝時通博南山道渡蘭倉
津土地絕遠行者苦之歌曰漢德廣開不賓渡博
南越倉津渡蘭倉爲作人華陽國志山高四十里
蘭倉水出金沙越人收以爲黃金又有光珠穴

出光珠又有琥珀珊瑚黃白青珠也蘭倉水又東
北逕不韋縣與類水合水出巂唐縣漢武帝置類
水西南流曲折又北流東至不韋縣注蘭倉水又
東與禁水合水自永昌縣而北逕其郡西水左右
甚饒犀象山有鈎蛇長七八丈尾末有岐蛇在山
澗水中以尾鈎岸上人牛食之此水傍瘴氣時宋本
特惡氣中有物不見其形其作有聲中木則折中
人則害名曰鬼彈惟十一月十二月差可渡正月
至十月逕之無不害人故郡有罪人徙之禁防不
過十日皆死也禁水又北注瀘津水又東逕不韋

縣北而東北流兩岸皆高山數百丈瀘峰最爲高
秀孤高三千餘丈是山於晉太康中崩震動郡邑
水之左右馬步之徑裁通而時有瘴氣三月四月
逕之必死非此時猶令人悶吐五月以後行者差
得無害故諸葛亮表言五月渡瀘并日而食臣非
不自惜也顧王業不可偏安於蜀故也益州記曰
瀘水源出曲羅舊下三百里曰瀘水兩峰有殺氣
暑月舊不行故武侯以夏渡爲艱瀘水又下合諸
水而揔其目焉故有瀘江之名矣自朱提至棘道
有水步道有黑水羊官水至嶮難三津之阻行者

苦之故俗爲之語曰槽溪赤水盤蛇七曲盤羊鳥
籠氣與天通看都濩泚住柱呼尹庾降賈子左擔
七里又有牛叩頭馬搏頰坂其艱嶮如此也

未詳華陽國志云庾降賈子左擔七里按庾降屯
名也華陽志云建寧郡治故庾降都督屯也李亨亮
蜀記云蜀山自綿谷葭萌道徑險窄
北來擔負者不容易肩謂之左擔道

又東北至棘道縣入于江

若水至棘道縣又謂之馬湖江繩水瀘水孫水淹
水大渡水隨決入而納通稱是以諸書錄記群水
或言入若又言注繩亦咸言至棘道入江正是異
水泐注通爲一津更無別川可以當之水有孝子

石西宋本縣人有隗叔通者性至孝為母給江膾

水天為出平石至江膾中今猶謂之孝子石可謂

至誠發中而休應自天矣華陽國志云孝子隗通為母汲江膾水供給天

為出平石生江中

沫水出廣柔徼外漢地理志蜀郡有廣柔縣

縣有石紐鄉禹所生也開山圖注云女狄暮汲石紐山下泉中得月精如雞

子吞之遂孕十四月而生禹揚雄蜀本紀云禹本汶山郡廣柔縣人也生于石紐括地志云茂州汶

川縣石紐山在縣西七十三里今夷人共營之地方百里不敢居

牧有罪逃野捕之者不逼能藏三年不為人得則

其原之言大禹之神所祐之也

東南過旄牛縣北又東至越雋靈道縣出蒙山南

靈道縣一名靈關道漢制夷狄曰道縣有銅山山

又有利慈郡國志云越雋郡靈關道注云有利慈晉太始九年

黃龍二見于慈池縣令董玄之率吏民觀之以白

刺史王濬濬表上之晉朝改護龍縣也沫水出岷

山西東流過漢嘉郡南流衝一高山山上合下開

水逕其間山即蒙山也

東北與青衣水合

華陽國記曰二水於漢嘉青衣縣東合為一川自

下亦謂之為青衣水水又東逕開邦縣故平鄉也

晉初置沫水又東逕臨邛南而東出于江源縣也

東入于江

昔沫水

孫云當作若沫水

自蒙山至南安而溷崖水脉漂

疾破害舟船歷代為患

據華陽國志校

蜀郡太守李冰發

卒鑿平溷崖河神鼻怒冰乃操刀入水與神鬪遂

平溷崖通正水路開處即冰所穿也

延江水出犍為南廣縣又東至犍山晉建興元年置平

營縣故犍為郡治也縣有犍山晉建興元年置平

夷郡縣有營水出營邑西不狼山東與溫水合溫

水一曰煖水出犍為符縣而南入營水營水亦出

符縣南與溫水會闕駟謂之闕水俱南入營水營

水於其縣而東注于延水延水又與漢水合出犍

為漢陽道王莽之新通也山關谷東至營邑入延

江水也

山關谷當作山關谷漢地理志曰犍為郡漢陽縣都尉治山關谷漢水所出東至營

延入

至巴郡涪陵縣注更始水

更始水即延江被分之始也延水北入涪陵水涪

陵水出縣東故邑郡之南鄙王莽更名巴亭魏武

分巴丘為涪陵郡

兩漢地理志巴郡俱有涪陵縣晉地志云蜀置涪陵郡領縣五

因之今云魏武分巴丘為涪陵郡所未詳也

張堪為縣會公孫述擊堪

水經注卷

卷三十六

六

同心義士選習水者後渡堪於小別江即此水也

後漢書張堪為謁者使送秀輪兼帛并領騎七千詣大司馬吳漢伐公孫述在道追拜蜀郡太守時漢軍餘七日糧陰具船欲遁去堪馳往見漢說述必敗已而果拔成都其水北至枳

縣入江更始水東入巴東之南浦縣其水注引瀆

水石門空岫陰深濶閭密傾崖上合恒有落勢

行旅避瘴將有逕之處無不危心於其下又謂之

西鄉水亦謂之西鄉溪溪水間關二百許里方得

出山又通波注遠復二百餘里東南又宋本遷陵

縣也

又東南至武陵西陽縣入于酉水

武陵先賢傳曰潘京世長為郡主簿太守趙偉甚

器之間京貴郡何以名武陵京答曰鄙郡本名義

陵在辰陽縣界與夷相接數為所破光武時移治

東山之上遂爾易號傳曰止戈為武詩云高平曰

陵於是名焉酉水北岸有黥陽縣許慎曰溫水南

入黥漢地志云溫水南至營入黥水蓋營水以下津流泂注之通

稱也故縣受名焉西鄉溪口在遷陵縣故城上五

十里左合酉水酉水又東際其故城北又東逕酉

陽故縣南而東出也兩縣相去水道可四百許里

於酉陽合也

酉水東南至沅陵縣入于沅漢地理志武陵郡有沅陵縣酉陽縣

存水出犍為郁郛縣漢地志作郁郛縣注云郛音莫亞反

王莽之孱郛孫云漢志莽曰孱郛也益州大姓雍閭反結壘

於山繫馬柳柱柱生成林今夷人名曰雍無梁林

梁夷言馬也周水自縣東南流逕牧靡縣北又東

逕且蘭縣北而東南出也

東南至鬱林定周縣為周水

周水又東逕牂柯郡之無斂縣北而東南與無斂

水合矣水首受牂柯水東逕無斂縣為無斂水又

東注于存水存水又東逕鬱林定周縣為周水蓋

水變名也

又東北至潭中縣注于潭

溫水出牂柯夜郎縣

縣故夜郎侯國也唐蒙開以為縣王莽名曰同亭

矣溫水自縣西北流逕談臺談臺當作談蒙附漢地志牂柯郡有談蒙

縣與迷水合水西出益州郡之銅濬縣談虜山晉地

道記同濬縣有同虜山東逕談蒙縣右注溫水溫水又西逕

昆澤縣南又逕味縣縣故滇國都也諸葛亮討平

南中劉禪建興元年分益州郡置建寧郡於此水

側皆是高山山水之間悉是木耳夷居語言不同

嗜欲亦異

華陽國志云夷人大種曰昆小雖曰山種曰叟皆曲頭木耳環鐵裹結

居土差平和而無瘴毒温水又西南逕滇池於當

之西北池周三百許里上源深廣下流淺狹似如

倒池

當作倒流

故曰滇池也長老傳下流淺

宋本作長老傳曰無

下流淺三字

言池中有神馬家馬交之則生駿駒日行

五百里晉太元十四年寧州刺史費統言晉寧郡

滇池縣兩神馬一白一黑盤戲河水之上有滇州

元封三年立益州郡治滇池劉禪建寧郡治也温

水又西會水澤與葉榆僕水合

漢地理志益州有葉榆縣注云葉榆

澤在東會水首受青蛉南至邪龍入僕行五百里

温水又東南逕牂柯之

毋單縣建興中劉禪割屬建寧郡橋水注之水上

承俞元之南池

漢地理志益州俞元縣注云池在南橋水所出東至毋單入温縣

治龍池洲周四七里一名河水與邪龍分浦後

立河陽郡治河陽縣縣在河源洲上又有雲平縣

並在洲中橋水東流毋單縣注于温温水又東南

興古郡之母掇縣東王莽更名有掇也與南橋水

出縣之橋山東流梁水注之梁水上承河水與俞

元縣而東南逕興古之勝休縣王莽更名勝焚縣

梁水又東逕毋掇縣左注橋水橋水又東注于温

温水又東南逕律高縣南劉禪建興三年分牂柯

置興古治宛温縣

孫云漢志并柯郡宛温疑誤

晉書地道

記治此温水又東南逕梁水郡南温水去合梁水

故自下通得梁水之稱是以劉禪分興古之盤南

置郡於梁水縣也温東南

克家云當作温水又東南

逕鐔封縣

北又逕來唯縣東而僕水右出焉

又東至鬱林廣鬱縣為鬱水

秦桂林郡也漢武帝元鼎六年更名鬱林郡王莽

以為鬱平郡矣應劭地理風俗記曰周禮鬱人掌

裸器凡祭祀賓客之裸事和鬱鬯以實樽蕤鬱芳

草也百草之華煮以合釀黑黍以降神者也或謨

今鬱金香是也一曰鬱人所貢因氏郡矣温水又

東逕增食縣有文象水注之其水導源牂柯句町

縣應劭曰故句町國也王莽以為從化文象水蒙

水與盧唯水來細水伐水並自縣東歷廣鬱至增

食縣注于鬱水也

漢地志鬱林郡有廣鬱縣增食縣

又東至領方縣東與斤南水合

縣有朱厓水出臨塵縣東北流驩水注之水源上

承牂柯水東逕增食縣而下注朱厓水朱厓水又

東北逕臨塵縣王莽之監塵也縣有斤南水浸離

水並逕臨塵東入領方縣流注鬱水

漢地志云鬱林郡臨塵縣

朱涯水入領方又有斤南水浸離水行七百里而增食縣有驪水首受牂柯東界入朱涯水行五百七十

東北入于鬱

鬱水即夜郎豚水也漢地志云廣鬱縣鬱水首受夜郎豚水東至四會入海

漢武帝時有竹王興於豚水有一女子浣于水濱

有三節大竹流入女子足間推之不去聞有聲持

歸破之得一男兒遂雄夷濮華陽國志云長養有才武遂雄夷狄氏

竹為姓所捐破竹於野成林今竹王祠竹林是也

王嘗從人止大石上命作羹從者白無水王以劔

擊石出水今竹王水是也後唐蒙開牂柯斬竹王

首夷獠咸怨華陽國志作夷濮阻城咸怨以竹王非血氣所生

求為立祠華陽國志祠字作祠帝封三子為侯及死配父廟

今竹王三郎祠其神也豚水東北流逕談藁縣東

逕牂柯郡且蘭縣謂之牂柯水水廣數里縣臨江

上故且蘭侯國也一名頭蘭牂柯郡治也楚將莊

躋泝沅伐夜郎徑牂柯繫船因名且蘭為牂柯矣

漢武帝元鼎六年開王莽更名同亭在桂浦關漢地

志牂柯郡有桂浦關牂柯亦江中兩山名也左思吳都賦云

吐浪牂柯者也元鼎五年武帝伐南越發夜郎精

兵下牂柯江同會番禺是也牂柯水又東南逕毋

斂縣西母斂水出焉又東驤水出焉又逕鬱林廣
鬱縣爲鬱水又東北逕領方縣北又東逕布山縣
北鬱林郡治也吳陸緒謂子績曰從今以後六十
年車同軌書同文至太康元年晉果平吳又逕中
留縣南與溫水合又東入阿林縣潭水注溫宋本作之
水出武陵郡鐔成縣玉山東流逕鬱林郡潭中縣
漢地理志鐔成縣注云康谷水南入海玉山潭水所出東至阿林入鬱過郡二行千二百二十里周
水自西南來注之潭水又東南流與剛水合水西
出牂柯母斂縣王莽之有斂也東至潭中入潭潭
水又逕中留縣東阿林縣西右入鬱水地理志曰

橋水東至中留入潭又云領方縣而有橋水漢地理志

鬱林郡領方縣有斤員水入鬱又有橋水都尉治余診其川流更無殊津

正是橋溫亂流故兼通稱作者咸言至中留入潭

潭水又得鬱之兼稱而字當爲南南橋水也蓋書

字誤矣鬱水右則留水注之水南出布山縣下逕

中留入潭潭水東逕阿林縣又東逕猛陵縣漢地理志猛

陵屬蒼梧郡浪水注之孫云浪水與作浪水按山海經

水南至鬱林潭中縣與鄰水合又東逕蒼梧廣信縣灘水注之鬱

林又東封水注之出臨賀郡馮乘縣西謝沐縣東

界牛屯山謂之臨賀晉地理志臨賀郡吳置統縣

安富

東南流萌渚嶠西又東南左合嶠水庾仲初

云水出萌渚嶠南流入于臨臨水又逕臨賀縣東

又南至郡左會賀水水出東北與安縣西北有羅

山東南流逕興安縣西盛弘之荊州記云興安縣

水邊有平石上有石履言越王渡溪脫履於此賀

水又西南流至臨賀郡東右注臨水郡對二水之

交會故郡縣取名焉臨水又西南流逕郡南又西

陽縣東為封谿水故地理志曰縣在封水

漢地志蒼梧郡封陽縣

又西南流入廣信縣南流

注于鬱水謂之封谿水口者也鬱水又東逕高要

縣牢水注之牢水南出交州合浦郡治合浦縣漢

武元鼎六年平越所置也王莽更名曰桓合縣曰

桓亭孫權黃武七年改曰珠官郡郡不產穀多採

珠寶前政煩苛珠徒交趾會稽孟伯周為守有惠

化去珠復還

謝承後漢書孟嘗字伯周為合浦太守郡境舊採珠以易米食先時二千

石貪穢使民采珠積以自入珠忽徙去合浦無

珠餓死盈路孟嘗行化一年之間去珠復還郡

統臨允縣王莽之大允也牢水自縣北流逕高要

孫云當

南海郡西浪

縣入于鬱水鬱水南逕廣川

宋本

會浦

水出焉又南右納西隨三水又南逕西

水上承日南郡盧容縣西古郎究浦內漕口馬援

水

一

極

所漕水東南曲屈通即湖湖水承金山即究究水
 北流左會盧容壽泠二水盧容水出西南區粟城
 南高山山南長嶺連接天障嶺西盧容水湊隱山
 遠西衛北而東逕區粟城北又東右與壽泠水合
 水出壽泠縣界漢地理志交趾郡有麓泠縣音糜
 零後漢郡國志同晉志作糜泠唯
 沈約宋書州郡志作壽泠晉武帝太康十年分西
 卷立壽泠縣屬日南郡今注但作壽泠從宋志也
 魏正始九年林邑進侵至壽泠縣以為界疆即此
 縣也區粟城南長嶺東壽泠縣以水湊故水得其
 名隱山繞東逕區粟故城南考古志並無區粟之
 名應劭地理風俗記曰日南故秦象郡漢武帝元

鼎六年置日南郡治西捲縣林邑記曰城去林邑
 步道四百餘里交州外城記曰從日南郡南去到
 林邑國四百餘里準逕相符然則城故西捲縣也
 地理志曰水入海有竹可為杖王莽更之曰日南
 亭林邑記曰其城治二水之間三方際山南北瞰
 水東西澗浦流湊城下城西折十此十字
 字譌角周圍六
 里一百七十步東西度六百五十步磚城二丈上
 起磚墻一丈開方隙孔墼上倚板板上五重層閣
 閣上架屋屋上架樓樓高者七八丈下者五六丈
 城開十三門凡殿南向屋宇二千一百餘間市居

周匝繞岨峭地險林邑故兵器戰具悉在區粟多

城壘自林邑王范胡達始晉書武帝太康中林邑王范逸始來貢獻逸有

奴曰文隨商賈往來見上國制度至林邑遂教逸作宮室城邑及器械逸死文遂篡其位文死子佛嗣義熙中佛死子胡達立上

疏貢金盤椀及金鉦等物秦餘徙民染同夷化

日南舊風變易俱盡巢棲樹宿負郭接山榛棘蒲

薄騰林拂雲幽煙冥緬非生人所安區粟建八尺

表日影度南八寸自此影以南在日之南故以名

郡望北辰星落在天際日在北故開北戶以向日

此其大較也范泰古今善言曰隋志宋車騎將軍范泰撰古今善言

三十日南張重舉計入洛正旦大會明帝問日南

郡北向視日邪重曰今郡有雲中金城者必不皆

有其實日亦俱出於東耳至於風氣暄暖日影仰

當官民居止隨情面向東西南北迴背無定人性

凶悍果於戰鬪便山習水不闕平地古人云五嶺

者天地以隔内外况綿途於海表顧九嶺而彌邈

非復行路之逕岨信幽荒之冥域者矣壽冷水自

西南宋本自城西南東與盧容水合東注郎究究水所積

下潭為湖謂之狼湖浦口有秦時象郡墟城猶存

自湖南望外通壽冷從郎湖入四會漕元嘉二十

年以林邑頑凶歷代難化恃遠負眾慢威背德北

寶既臻南金闕貢乃命偏將與龍驤將軍交州刺
史檀和之陳兵日南修文服遠二十三年揚旌從

四會漕口入郎湖軍次區粟

梁書林邑傳云區粟者林邑北界城名也

進逼圍城以飛梯雲橋懸樓登壘鉦鼓大作虎士

電怒風烈火揚城摧衆陷斬區粟王范扶龍首十

五以上戮截無赦樓閣雨血填尸城觀自四會南

入得盧容浦口晉太康三年省日南部屬國都尉

以其所統盧容縣置日南郡及象林縣之故治晉

書地道記曰郡去盧容浦口二百里故秦象林郡

孫云當作象郡

象林縣治也永和五年征西桓温遣督護

滕峻率交廣兵伐范文於舊日南之盧容縣爲文

所敗卽是處也

晉書云范文襲九真害士庶十八九征西督護滕峻率交廣之兵伐

文於盧容爲文所敗舊本作膠峻交會譌也

退次九真更治兵文被創

死子佛代立七年峻與交州刺史楊平復進軍壽

泠浦入頓郎湖討佛于日南故治佛蟻聚連壘五

十餘里峻平破之佛逃竄川藪遣大帥面縛請罪

軍門遣武陳延勞佛子與盟而還康泰扶南記曰

從林邑至日南盧容浦口可二百餘里從口南發

往扶南諸國常從此口出也故林邑記曰盡紘滄

之徼遠極流服之無外地濱滄海衆國津逕鬱林

水一作南倉通壽冷卽一浦也浦上承交阯郡南都

官塞浦林邑記曰浦通銅鼓外越安定黃岡心口

蓋藉度銅鼓卽越駱也有銅鼓因得其名馬援取

其鼓以鑄銅馬至鑿口馬援所鑿內通九真浦陽

晉書地道記九德郡有浦陽縣交州記曰鑿南塘

者九真路之所經也去州五百里建武十九年馬

援所開林邑記曰外越紀粟望都紀粟出浦陽渡

便州至與宋本由渡故縣至咸驩咸驩屬九真咸

驩宋本巴南麀麀宋本浦岡鳴咆命疇警嘯聒野孔雀

飛翔蔽日籠山渡治日謝云一至九德按晉書地

道記有九德縣交州外城記曰九德縣屬九真郡

在郡之南與日南接蠻盧輦居其地死子寶綱代

孫黨服從吳化定為九德郡又為隸之林邑記曰

九德九夷所極故以名郡郡名所置周越裳氏之

夷國周禮九夷遠極越裳白雉象牙重九譯而來

自九德道宋本類口水源從西北遠荒逕寧州界

來也九德浦內逕越裳究九德究南陵究按晉書

地道記九德郡有南陵縣晉置也宋書州郡志交

州九德郡南陵縣晉武帝立太康地志無王隱志有竺枝扶南記山溪瀨中謂之究

地理志曰郡有小水五十二并行大川皆究之謂

也林邑記曰義熙九年交阯太守杜慧度造九真水日與林邑王范胡達戰擒斬胡達二子虜獲百餘人胡達限五月慧度自九真水歷都粟浦復襲九真長圍跨山重柵斷浦驅象前鋒接刃城下連日交戰殺傷乃退地理志曰九真郡漢武帝元鼎六年開治胥浦縣王莽更之曰驩城也晉書地道記曰九真郡有松原縣林邑記曰松原以西鳥獸馴良不知畏弓寡婦孤居散髮至老南移之嶺嶂不踰仞倉庚懷春於其北翡翠熙景乎其南雖嚶謹接響城隔殊非獨步難遊俗姓塗分故也自南

陵究出于南界蠻進得橫山大和三年范文侵交州於橫山分界度比景廟由門浦至古戰灣吳赤烏十一年魏正始元年交州與林邑於灣大戰初失區粟也渡盧容縣日南郡之屬縣也自盧容縣至無戀無戀未詳漢地志九真郡越烽火至比景有無編縣恐是無編之譌

縣日中頭上影當身下與影爲比如淳曰故以比影名縣闕駟曰比讀蔭庇之庇影在已下言爲身所庇也林邑記曰渡庇景至朱吾朱吾縣浦今之封界朱吾以南有文狼人野居無室宅依樹止宿魚食生肉採香爲業與人交市若上皇之民矣縣

南有文狼究下流逕通晉書地道記曰朱吾縣屬
日南郡去郡二百里此縣民漢時不堪二千石長
吏調求引屈都乾爲國林邑記曰屈都夷也朱吾
浦內通無勞湖無勞究水通壽冷浦元嘉元年交
州刺史阮彌之征林邑楊邁出婚不在奮威將軍
阮謙之領七千人先襲區粟以過四會未入壽冷
三日三夜無頓止處凝海直岸遇風大敗楊邁攜
婚都部伍三百許船來相救援謙之遭風餘數船
艦夜於壽冷浦裏相遇閭中大戰謙之手射楊邁
施工船敗縱橫崑崙單舸接得楊邁謙之以風溺

之餘制勝理難自此還渡壽冷至温公浦升平三
年温放之征范佛於灣分界陰陽折

宋本
作折入新羅

灣至焉下一名阿賁浦入彭龍灣隱避風波卽臨

邑

克家云當
作林邑

之海渚元嘉二十三年交州刺史檀

和之破區粟已飛旌蓋海將指典冲於彭龍灣上
鬼塔與林邑大戰還渡典冲林邑入浦令軍水進
持重故也浦西卽林邑都也治典冲去海岸四十
里處荒流之微表國越裳之疆南秦漢象郡之象
林縣也東濱滄海西際徐狼南接扶南北連九德
後去象林林邑之號建國起自漢末初平之亂人

懷異心象林功曹姓區有子名連攻其縣殺令自
號爲王值世亂離林邑遂立後乃襲代傳位子孫
三國鼎爭未有所附吳有交土與之鄰接進侵壽
泠以爲疆界自區連以後國無文史失其纂代世
數難詳宗胤滅絕無復種裔外孫范熊代立人情
樂推後熊死子逸立有范文日南西卷縣夷師雅
夷奴也晉書作夷帥文爲奴時山澗牧羊於澗水
中得兩鱧魚隱藏挾歸規欲私食卽知檢求文大
慙懼起託云將礪石還非爲魚也卽至魚所見是
兩石信之而去文始異之石有鐵文入山中就石

冶鍊鍛作兩刀舉刃向鄣因祝曰鱧魚變化冶石
成刀斫石鄣破者是有靈神文當治此爲國君王
斫不入者是刃無神靈進斫石鄣如龍淵干將之

斫蘆臺御覽作蘆臺由是人情漸附今斫石尚在魚刀

猶存傳國子孫如斬蛇之劍也雅嘗使文遠行商
賈北到上國多所聞見以晉愍帝建興中南至林
邑教王范逸制造城池繕治戎甲經始廟略宋本作廟

略王愛信之使爲將帥能得衆心文讒王諸子或

徙或奔王乃獨立成帝咸和六年死無胤嗣文迎

王子於外國海行取水置毒柳子中當作柳子飲而殺

之遂脅國人自立爲王取前王妻妾置高樓上有
從已者取而納之不從已者絕其飲食乃死江東
舊事云范文本揚州人少被掠爲奴賣墮交州年
十五六遇罪當得杖畏怖因逃隨林邑賈人渡海
遠去沒入于王大被幸愛經十餘年王死文害王
二子詐殺侯將自立爲王威加諸國或夷椎蠻語
口食鼻飲或雕面鏤身係云疑
缺一字脫裸種漢魏流赭
咸爲其用建元二年攻日南九德九真百姓奔迸
千里無煙乃還林邑林邑西去廣州二千五百里
城西南角高山長嶺連接天鄣嶺北接澗大源淮

水出船解遠界三重長洲隱山遶西衛山

舊本迴
作北迴

東其嶺南開澗小源淮水出松根界上山壑流隱

山繞南曲街迴東合淮流以注典沖其城西南際

山東北瞰水重壑流浦周繞城下東南壑外因傍

薄城東西橫長南北縱狹北邊兩端迴折曲入城

周圍八里一百步塼城二丈上起塼城一丈開方

隙孔上倚板板上層閣閣上架屋屋上構樓高者

六七丈下者四五丈飛觀鴟尾迎風拂雲緣山瞰

水騫翥崑崙但制造壯拙稽古夷俗城開四門東

爲前門當兩淮渚濱於曲路有古碑夷書銘讚前

王胡達之德西門當兩重壑北迴上山山西卽淮
流也南門度兩重壑對溫公壘升平二年交州刺
史溫放之殺交阯太守寶別駕阮卽遂征林邑水
陸累戰佛保城自守重求請服聽之今林邑東城
南五里有溫公二壘是也北門濱淮路斷不通城
內小城周圍三百二十步合堂瓦殿南壁不開兩
頭長屋脊出南北南擬背曰西區域內石山順淮
面陽開東向殿飛檐鴟尾青隙丹墀榱勝一椽題字
多諸古法閣殿上柱高城上宋本餘五牛屎爲泥
墻壁青光迴度當作曲掖綺牖紫窓椒房嬪媵無

別宮觀路寢永巷其在殿上臨踞東軒逕與下語

子弟臣侍皆不得上屋有五十餘丘與區同連薨接

棟檐宇如承宋本作神祠舊本作鬼塔小大八廟

層臺重榭狀似佛刹郭無市里邑寡人居海岸蕭

條非生民所處而首渠以永安養國十世豈久存

哉元嘉中檀和之征林邑其王楊邁舉國夜奔竄

山藪據其城邑收寶巨億軍還之後楊邁歸國家

國荒殍當作時人靡存躊躇崩擗憤絕復蘇卽以

元嘉二十三年死初楊邁母懷身夢人鋪楊邁金

席與其兒落金席上光色起昭晰艷曜華俗謂上

金為紫磨金夷俗謂上金為楊邁金父胡達死襲
王位能得人情自以靈夢為國祥慶其太子初名
咄後楊邁死咄年十九代立慕先君之德復故

宋本改作名楊邁昭穆二世父子其名知林邑之將亾矣

其城隍壑之外林棘荒蔓榛梗冥鬱藤盤筍秀叅

錯際天其中香桂成林氣清煙澄桂父縣人也棲

居此林服桂得道

列仙傳云桂父象林人也色黑而時白時黃時赤南海人尊事之常服桂及葵以龜膈和之千九

十斤桂今荆州之南尚有桂丸焉時禽異羽翔集

間關兼比翼鳥不比不飛鳥名歸飛鳴聲自呼此

戀鄉之思孔悲桑梓之敬成俗也豫章俞益期性

氣剛直不下曲俗容身無所遠適在南與韓康伯

書曰惟檟柳樹最南遊之可觀但性不耐霜不得

北植不遇長者之目令人恨深嘗對飛鳥戀土增

思寄意謂此鳥其背青其腸

當作腹赤丹心外露鳴

情未達終日歸飛飛不十千路由

宋本萬里何由

歸哉九真太守任延始教耕犁俗化交土風行象

林知耕以來六百餘年火耨耕藝法與華同名白

田種白穀七月火作十月登熟名赤田種赤穀十

二月作四月登熟所謂兩熟之稻也更

火經上卷

卷三十六

三

湖四百三

九經注疏 卷二十六
耘功重收穫利輕熟速故也米不外散恒爲豐國
桑蠶年八熟繭三都賦所謂八蠶之綿者矣其小
水崖幕歷常吐飛溜或雪霏沙漲清寒無底分溪
別壑津濟相通其水自城東北角流水上懸起高
橋渡淮北岸卽彭龍區粟之通達也檀和之東橋
大戰楊邁被創落象卽是處也其水又東南流逕
船官口船官川源徐卽宋本外夷皆裸身男以行
當作筒掩體女以樹葉蔽形外名猥媠所謂裸國
者也雖習俗裸袒猶恥無蔽惟依暝夜與人交市
閩中鯁金便知好惡明朝曉看皆如其言自此外

行得至扶南按竺芝扶南記曰扶南去林邑四千
水步道通檀和之令軍入邑浦據船官口城六里

者也自船官下注大浦之東湖大水連行湖宋本

上西流潮水日夜長七八尺從此以西朔望并潮

一上七口水長丈六七七日之後日夜分爲再潮

水長一二尺春夏秋冬厲然一定高下定渡當作

水無盈縮是曰海運亦曰象水也又兼象浦之名

晉功臣表所謂金邊清逕象渚澄源者也其川浦

渚有水蟲彌微攢木食船數十日壞源潭湛瀨有

鮮魚色黑身五丈頭如馬首伺人入水便來爲害

山海經曰離耳國雕題國皆在鬱水南林邑記曰漢置九郡儋耳預焉民好徒跣耳廣垂以爲飾雖男女褻露不以爲羞暑褻薄日自使人黑積習成常以黑爲美離騷所謂玄國矣然則儋耳卽離耳也王氏交廣春秋曰朱崖儋耳二郡與交州俱開皆漢武帝所置大海中南極之外對合浦徐文縣孫按漢地理志合浦郡有徐聞縣清明無風之日逕望朱崖州如困廩大從徐文對渡北風舉帆一日一夜而至周迴二千餘里徑度八百里人民可十萬餘家皆殊種異類被髮雕身而女多姣好白皙長髮美髻犬

羊相聚不服德教儋耳先廢朱崖數叛元帝以賈捐之議罷郡楊氏南裔異物志曰儋耳俱在朱崖分爲東蕃故山海經曰在鬱水南也鬱水又南自壽冷縣注于海昔馬文淵積石爲塘達于象浦建金標爲南極之界俞益期牋曰馬文淵立兩銅柱於林邑岸北有遺兵十餘家不及居壽冷岸南而對銅柱悉姓馬自婚姻今有二百戶交州以其流寓號曰馬流言語飲食尚與華同山川移易銅柱今復在海中正賴此民以識故處也林邑記曰建武十九年馬援樹兩銅柱於象林南界與西屠國

分漢之南疆也土人以之流寓號曰馬流世稱漢子孫也山海經曰鬱水出象郡而東南注南海入項陵東南者也應劭曰鬱水出廣信東入海言始則可終則非矣

水經注箋卷第三十七

漢 桑 欽撰 後魏 酈道元 注

明 李長庚訂 孫汝澄

朱謀埠箋 李克家全校

淹水 葉榆水 夷水 油水

澧水 沅水 浪水

淹水出越嶲遂久縣徼外

呂忱曰淹水一曰復水也

東南至靖蛉縣

縣有禺同山其山神有金馬碧雞光景儵忽民多

見之漢宣帝遣諫大夫王褒祭之欲致其雞馬褒道病而卒是不果焉王褒碧雞頌曰敬移金精神

馬縹碧之雞王褒碧雞頌曰持節使者敬移金精神馬影影碧雞歸來歸來漢德無疆

黃龍見方白虎仁歸來歸來可故左太冲蜀都賦以爲倫歸來翔兮何事南荒也

曰金馬騁光而絕影碧雞儵忽而耀儀

又東過姑復縣南東入于若水

淹水逕縣之臨池澤而東北逕雲南縣西東北注

若水也

益州葉榆河出其縣北界屈從縣東北流

縣故滇池葉榆之國也漢武帝元封二年使唐蒙

開之以爲益州郡郡有葉榆縣縣西北十里有吊

鳥山衆鳥千百爲群共會鳴呼啁嘶每歲七八月

至十六七日則止一歲六至雉雀來吊夜然火而

取之其無噤不食似特悲者以爲義脫一則不取鳥字

也俗言鳳凰死於此山故衆鳥來吊因名吊鳥郭義

恭廣志樛榆縣屬永昌郡有吊鳥山在縣西北八
十里有阜山衆鳥千百羣共會鳴呼啁嘶每歲七
月八月晦望至集六日則止歲凡六至雉雀來吊
特悲九州要記云雲南葉榆廢邑吊鳥山有鳥千
百羣飛啁啾一歲必一度大集是鳳凰死也李彤
四部云吊鳥山俗傳鳳死於上每歲七月至九月
羣鳥常來縣之東有葉榆澤葉榆水所鍾而爲此
川藪也

過不韋縣

縣故九隆哀牢之國也有牢山其先有婦人名沙

臺後漢書作沙壹

居于牢山捕魚水中觸沉木若有感因

懷孕產十子後沉木化為龍出水九子驚走一子

不能去背龍而坐龍因控之

後漢書作龍因賦之

其母鳥語

謂背為九謂坐為隆因名為九隆及長諸兄遂相

共推九隆為王後牢山下有一夫一婦生十女九

隆皆以為妻遂因孳育皆畫身像龍衣皆著尾

九隆死世世不與中國通漢建武二十三年王遣

兵乘革船南下水攻漢鹿崩民

後漢書云建武二十三年其王賢粟

遣兵乘單船南下江漢擊附塞夷鹿麥注云單音蒲佳反縛竹木為單以當船也麥音多

鹿崩

民弱小將為所擒於是天大震雷疾雨南風漂起

水為逆流波湧二百餘里革船沉沒溺死數千人

後數年復遣六王將萬許人攻鹿崩鹿崩王與戰

殺六王哀牢者老共埋之其夜虎掘而食之明日

但見骸骨驚怖引去乃懼謂其耆老小王曰哀牢

犯微自古有之今此攻鹿崩輒被天誅中國有受

命之王乎何天祐之明也即遣使道

一作詰

越雋奏

獻求乞內附長保塞徼漢明帝永平十二年置為

永平郡

永平當作永昌漢郡國志明帝永平十二年益州置永昌郡罷益州西部都尉

郡治不韋縣蓋秦始皇徙呂不韋子孫於此故以不韋名縣北去葉榆六百餘里榆水不逕其縣自不韋北注者盧倉禁水耳榆水自縣南逕遂久縣東又逕姑復縣西與淹水合又東南逕永昌邪龍縣縣以建興三年劉禪分隸雲南於不韋縣爲東北

東南出益州界

葉榆水自邪龍縣東南逕秦臧縣也南與濮水同注填澤於連然雙栢縣也孫云秦藏漢志作秦臧濮作僕填作滇連然雙栢二縣名榆水自澤又東北流滇池縣南又東逕同並

縣南又東逕漏江縣伏流山下復出蝮口謂之漏

江左思蜀都賦曰漏江沃流潰其阿汨若湯谷之

揚濤沛若濛汜之湧波諸葛亮之平南中也戰於

是水之南榆水又逕賁古縣北東與盤江合盤水

出律高縣東南盤町山盤町當作監町漢地志云益州律高縣西石空山出

錫東南監町山出錄東逕梁水郡北梁水字誤當

錯注云監音呼賜反賁古縣南水廣百餘步深處十丈甚有

瘴氣朱哀之反李恢追至盤江者也華陽國志李恢字德昂建

寧人蜀漢時宮安漢將軍建寧太守時牂柯郡丞

朱褒領太守恣難建興三年諸葛亮南征別遣馬

忠伐牂柯李恢向益州已而禽孟獲平四郡改益

建武十九年伏波將軍馬援上言從麋泠出賁古擊益州臣所將越駱萬餘人便習戰鬪者二千兵以上弦毒矢利以數發矢往如雨所中輒死愚以行兵此道最便蓋承藉水利用為神捷也盤水又東逕漢興縣山溪之中多生邛竹桄榔樹樹出麪而夷人資以自給故蜀都賦曰邛竹緣嶺又曰麪有桄榔博物志云蜀中有樹名桄榔皮裏出屑如麪用作餅餌謂之桄榔麪魏王花木志曰桄榔出興古國者樹高七八丈其大者一樹出麪百斛臨海異物志云桄榔木外皮有毛似餅摺而散生紆纒漬之不腐盤水北入榆水諸葛亮入南戰於盤中宋本作是也

入牂牁郡西隨縣北為西隨水又東出進桑關

進桑縣牂牁之南部都尉治也水上有關故曰進

桑關也故馬援言從麋泠水宋本作道出進桑王

國至益州賁古縣轉輸通利蓋兵車資運所由矣

自西隨至交阯崇山接險水路三千里榆水又東

南絕溫水而東南注于交阯

過交阯麋泠縣北分為五水絡交阯郡中至東界復

合為三水東入海東界一作南界

尚書大傳曰堯南撫交阯於禹貢荊州之南垂幽

荒之外故越也周禮南入蠻雕題交阯有不粒食

者焉春秋不見於傳不通於華夏在海島人民鳥語秦始皇開越嶺南立蒼梧南海交趾象郡漢武

帝元鼎二年始并百越啓七郡於是乃置交趾刺

史以督領之初治廣信所以獨不稱州時又建朔

方郡舊本已始開北至遂交趾於南比至當作比

缺一為子孫交宋本趾也麋泠縣漢武帝元鼎六

年開都尉治交趾外域記曰越王令二使者與宋

作主交趾九真二郡民後漢遣伏波將軍路博德

討越王路將軍到合浦越王令二使者齎牛百頭

酒千鍾及二郡民戶口簿詣路將軍乃拜二使者

為交趾九真太守主諸雒將主民如故交趾郡及

州本治於此也州名為交州後朱戴雒將于名詩

索麋泠雒將女名徵側為妻後漢書徵側者鹿泠

蘇人詩側為人索妻有膽勇將妻起賊攻破州郡服諸

雒將皆屬徵側為王治麋泠縣得交趾九真二郡

民二歲調賦後漢遣伏波將軍馬援將兵討側詩

走入金溪究三歲乃得爾時西蜀並遣兵共討側

等悉定郡縣為令長也山多大蛇名曰髯蛇長十

丈圍七八尺常在樹上伺鹿獸鹿獸過便低頭繞

之有頃鹿死先濡令濕訖便吞頭角骨皆鑽皮出

山夷始見蛇不動時便以大竹籤籤蛇頭至尾殺而食之以爲珍異故楊氏南裔異物志曰鬻惟大蛇旣洪且長采色駁瑩其文錦章食豕吞鹿腴成養創賓享嘉宴是豆是觴言其養創之時肪腴甚肥搏之以婦人衣投之則蟠而不起走便可得也此二水左水東北逕望海縣南建武十九年馬援征徵側置又東逕龍淵縣北又東合南水自麋泠縣東逕封溪縣北交州外域記曰交阯昔未有郡縣之時土地有雒田其田從潮水上下民墾食其田因名爲雒民設雒王雒侯主諸郡縣縣多爲雒

將雒將銅印青綬後蜀王子將兵三萬來討雒王雒侯服諸雒將蜀王子因稱爲安陽王後南越王尉他舉衆攻安陽王安陽王有神人名畢通下輔佐爲安陽王治神弩一張一發殺三百人南越王知不可戰却軍任武寧縣按晉太康記縣交阯

一本作縣屬交阯

越遣太子名始降服安陽王稱臣事之

安陽王不知通神人遇之無道通便去語王曰能持此弩王天下不能持此弩者亾天下通去安陽王有女名曰眉珠見始端正珠與始交通始問珠令取父弩視之始見弩便盜以鋸截弩訖便逃歸

報越王越進兵攻之安陽王發弩弩折遂敗安陽
 王下船逕出於海今平道縣後王宮城見有故處
 晉太康地記縣屬交阯越遂服諸雒將馬援以西
 南治遠路逕千里分置斯縣治城郭穿渠通道漑
 灌以利其民縣有猩猩獸形若黃狗又狀猶狔人
 面頭顏端正善與人言音聲麗妙如婦人好女對
 語交言聞之無不酸楚其肉甘美可以斷穀窮年
 不厭又東逕浪泊馬援以其地高自西里進屯此
 又東逕龍淵縣故城南又東左合此水建安二十
 三年立州之始蛟龍蟠編於水南北二津故改龍

淵以龍編為名也盧循之寇交州也交州刺史杜
 惠度率水步晨出南津以火箭攻之燒其船艦一
 時潰散循亦中矢赴火而死於是斬之傳首京師
 惠度以斬循勳封龍編侯劉欣期交州記曰龍編
 縣功曹左飛曾化為虎數月還作吏既言其化亦
 化無不在牛哀易虎不識厥兄當其革狀安知其
 譌變哉其水又東逕曲易縣孫云曲易當作曲易漢志交阯郡有曲易
縣師古曰東流注于浪鬱克家云浪鬱當作浪鬱經言於郢
 東界復合為三水此其一也其次一水東逕封谿
 縣南又西南逕西于縣南又東逕羸陞縣北又東

逕北帶縣南又東逕稽徐縣涇水注之水出龍編縣高山東南流入稽度縣注于中水中水又東逕

羸樓縣南孫云羸樓音蓮萋交州外域記曰本縣交趾郡

治也林邑記曰縣本自交趾南行都官塞浦出焉

其水自縣東逕安定縣北帶長江江中有越王所

鑄銅船潮水退時人有見之者交州記云越人鑄銅為船在安定江

潮退時見其水又東流隔水有泥黎城言阿育王所築

也又東南合南水南水又東北逕九德郡北交州

外城記曰克家云當作外域交趾郡界有扶巖究在郡之

北隔渡一江卽是水也江水對交趾朱鸞縣又東

逕浦陽縣北又東逕無功縣北孫云無功漢志作無切建武

十九年九月馬援上言臣謹與交趾精兵萬二千

人與大兵合二萬人船車大小二千艘自入交趾

於今為盛十月援南入九真至無功縣賊渠降進

入餘發孫云餘發縣名渠帥朱伯棄郡亾入深林巨藪犀

象所聚羣牛數千頭時見象數十百為羣援又分

兵入無編縣王莽之九真亭至居風縣帥不降並

斬級數十百九真乃清謝云當作靖其水又東逕勾漏

縣縣帶江水江水對安定縣林邑記所謂外越安

定縣紀粟者也縣江中有潛牛形似水牛上岸鬪

角軟還入江水角堅復出又東與北水合又東注
鬱亂流而逝矣此其三也平撮通稱同歸鬱海故
經有入海之文矣

夷水出巴郡魚復縣江

夷水卽狼山清江也水色清照十丈分沙

後漢書注引此

注云分沙石

蜀人見其澄清因名清江也昔廩君浮土

舟於夷水據捍關而王巴是以法孝直有言魚復
捍關臨江據水實益州禍福之門夷水又東逕建
平沙縣縣有巫城南岸水山道五百里其水歷縣
東出焉

東南過狼山

縣

按前漢地志狼山屬武陵郡後漢郡國志狼山屬南郡晉地理

志狼山屬宜都郡

夷水自沙渠入縣水流淺狹裁得通船東逕難留

城南城卽山也獨立峻絕西面上里餘得石穴把

火行百許步得二大石積並立穴中相去一丈俗

名陰陽石陰石常濕陽石常燥每水旱不調居民

作威儀服飾往入穴中旱則鞭陰石應時雨多雨

則鞭陽石俄而天晴相承所說往往有效但捉鞭

者不壽人頗惡之故不爲也東北面又有石室可

容數百人每亂民入室避賊無可攻理因名難留

城也昔巴蠻有五姓未有君長俱事鬼神乃共擲劍於石穴約能中者舉以爲君巴氏子務相乃中之又令各乘土舟約浮者當以爲君唯務相獨浮因共立之是爲廩君乃乘土舟從夷水下至鹽陽鹽水有神女謂廩君曰此地廣大魚鹽所出願留共居廩君不許鹽神暮輒來宿旦化爲蟲羣飛蔽日天地晦冥積十餘日廩君因伺便射殺之天乃開明廩君乘土舟下及夷城夷城石岸嶮曲其水亦曲廩君望之而歎山岨爲崩廩君登之上有平石方二丈五尺因立城其傍而居之四姓臣之死

精魂化而爲白虎故巴氏以虎飲人血遂以人祀鹽水卽夷水也又有鹽石卽鹽陽石也盛弘之以是推之疑卽廩君所射鹽神處也將知是陰石是對陽石立名矣事旣鴻古難爲明徵夷水又東逕石室在層巖之上石室南向水出其下懸崖千仞自水上逕望見每有陟山嶺者扳木側足而行莫知其誰村人駱都小時到此室邊採蜜見一僊人坐石牀上見都凝矚不轉都還招村人重往則不復見鄉人今名爲僊人室袁崧云都孫昔尚孝

當作夷水又東與溫泉三水合大溪南北夾岸有

溫泉對注夏煖冬熱上常有霧氣瘍疾百病浴者
多愈父老傳此泉先出鹽于今水有鹽氣夷水有
鹽水之名此亦其一也夷水又東逕狼山縣故城
南縣卽山名也孟康曰音恒出藥草恒山今世以
銀爲音也舊武陵之屬縣南一里卽清江東注矣
南對長楊溪溪水西南潛穴穴在射堂射宋本東
作村
六七里谷中有石穴清泉潰當作
潰流三十許步復
入穴卽長楊之源也水中有神魚大者二尺小者
一尺居民釣魚先陳所須多少拜而請之拜訖投
釣餌得魚過數者水輒波湧暴風卒起樹木摧折

水側生異花路人欲摘者皆當先請不得扳

宋本
作輒

取水源東北之風井山迴曲有異勢穴口大如盆

袁崧云夏則風出冬則風入春秋分則靜余往觀

之其時四月中去穴數丈須臾寒慄

當作
慄

卒至六

月中尤不可當往人有冬過者置笠穴中風吸之

經月還步楊溪得其笠則知潛通矣其水重源顯

發北流注于夷水此水清冷甚於大溪縱暑伏之

辰尚無能澡其津流也縣北十餘里有神穴平居

無水時有渴者誠啓請乞輒得水或戲求者水終

不出縣東十許里至平樂村又有石穴出清泉中

有潛龍每至大旱平樂村左近村居輦草穢著穴
中龍怒須臾水出蕩其草穢傍側之田皆得澆灌
從平樂順流五六里東亭村北山甚高峻上合下
空空微東西廣二丈許高起如屋中有石林甚整
頓傍生野韭人往乞者神許則風吹別分隨偃而
輪孫云當作
榭下同不得過越不偃而輪輒凶往觀者去
時特平暨處自然恭肅矣

又東過夷道縣北

夷水又東逕虎灘岸石有虎像故因以名灘也夷
水又東逕釜瀨其石大者如釜小者如刀斗形色

亂真雜石中耳夷水又東北有水注之其源百里
與丹水出西南望州山山形竦峻峰秀甚高東北
白巖壁立西南小演通行登其頂平可有三畝許
上有故城城中有水登城望見一州之境改名望
州山俗語訛今名武鍾山山根東有湧泉成溪卽
丹水所發也下注丹水天陰欲雨輒有赤氣故名
曰丹水矣丹水又逕亭下有石穴甚深未嘗測其
遠近穴中蝙蝠大者悉一作大
者如鳥多倒懸玄中記曰
蝙蝠百歲者倒懸得而服之使人神僊穴口有泉
冬溫夏冷秋則入藏春則出遊民至秋闌斷水口

得魚大者長四五尺骨軟肉美異於餘魚丹水又

逕其下積而為淵淵有神龍每旱村人以苒草脫

字投淵上流魚則多死龍怒當時大雨宜都山川記云鄉下村有

淵淵有神龍每旱百姓輒以苒草投淵上流魚死龍怒應時大雨丹水又東北流

兩岸石上有虎跡甚多或深或淺皆悉成就自然

成當作非人工丹水又北注于夷水水色清澈與

大溪同夷水又東北逕夷道縣北而東注

東入于江

夷水又逕宜都北東入大江有涇渭之比亦謂之

恨山北溪水所經皆石山路無土岸其水虛映俯

視遊魚如乘空也淺處多五色石冬夏激素飛清

傍多茂木空岫靜夜聽之恒有清響百鳥翔禽哀

鳴相和巡頽浪者不覺疲而忘歸矣

油水出武陵孱陵縣西界東過其縣北據宋本補五字

縣有白石山油水所出東逕其縣西與泥水合水

出高城縣泥山東逕其縣下東至孱陵縣入油水

也縣治故城王莽更名孱陵也劉備孫夫人權妹

也又更修之其城背油向澤

又東北入于江

油水自孱陵縣之東北逕公安縣西又北流注于

水經注卷之二十七

大江

澧水出武陵充縣西歷山東過其縣南

澧水自縣東逕臨澧零陽二縣故界水之南岸白石雙立厥狀類人高各三十丈周四丈古老傳言昔充縣尉與零陽尉共論封境因相傷害化而為石東標零陽西碣充縣廢省臨澧即其地縣臨封縣之故治臨側澧水即為縣名晉太康四年置澧水又東茹水注之水出龍茹山水色清澈漏石分沙莊辛說楚襄王所謂飲茹溪之流者也茹水

東流澧水

克家云當作東流入澧水

又東過

澧水東

澧水東流 澧水東流

冬夏沸湧

常若湯焉澧水南流注于澧水澧水又

東合零溪水

源南出陵陽之山 歷溪北

注澧水澧水又東九渡水注之來南出九渡山山

下有溪又以九渡為名山巖賦飲此水而逕越他

津皆不飲之九渡水北逕繼久樓下傍有石形極

方峭世名之為僊樓水自下歷溪曲折逶迤傾注

行者間關每所褰泝山水之號蓋亦因事生焉九

渡水又北流注于澧水澧水又東婁水入焉水源

出巴東界東逕天門郡婁中縣北又東逕零陽縣
 注于澧水澧水又東逕零陽縣南蘊郡零溪以著
 稱矣澧水又逕澧縣孫按下文當右會渫渫水出
 建平郡東逕渫陽縣南晉太康中置渫水又左合
 黃水黃水出零陽縣西北連巫山溪出雄黃頗有
 神異採常以冬月祭祀鑿石深數丈方得佳黃故
 溪水取名焉黃水北流注于渫水渫水又東注澧
 水謂之渫口澧水又東逕澧陽縣南南臨澧水晉
 太康四年立天門郡治也吳永安六年武陵郡有
 嵩梁山高峰孤竦素壁千尋望之茗亭有似香爐

其山澗闊玄朗如門高三百丈廣二百丈孫休以
 為嘉祥分武陵置天門郡澧水又東歷層步出高
 秀特宋本作又東歷層步山高秀特出山下有峭澗泉流所發南
 流注于澧水

又東過作唐縣北漢郡國志武陵郡有作唐縣

作唐縣後漢分孱陵縣置澧水入縣左合涔水水
 出西北天門郡界南流逕涔評屯屯竭涔水溉田
 數千頃又東南流注于澧水澧水又東澧水出焉
 澧水又南逕故郡城東東轉逕作唐縣南澧水又
 東逕安南縣南晉太康元年分孱陵立澧水注之

水上承澧水於作唐縣東逕其縣北又東注于澧
謂之澹口王仲宣贈孫文始詩曰悠悠澹澧者也

澧水又東與赤沙湖水會湖水北通江而南注澧

謂之決口克家云疑澧水又東南注于流水宋本作沅

水曰澧口蓋其枝瀆耳離騷曰沅有芷兮澧有蘭

又東至長沙下雋縣西北東入于江

澧水流注于洞庭湖俗謂之曰澧江口也

沅水出牂柯且蘭縣為旁溝水又東至鐔成縣為沅

水東逕無陽縣舊本此六字作注文據

無水出故且蘭南流至無陽故縣漢地理志武陵郡有無陽縣

云無水首受故且蘭南入沅八百九對無水因以

氏縣無水又東南入沅謂之無口沅水東逕無陽

縣南臨運水水源出東南岸許山西北逕其縣南

流注于熊溪熊溪南帶移山山本在水北夕中風

雨旦而山移水南故山以移為名蓋以蒼梧郁州

佐山之類也熊溪下注沅水沅水又東逕辰陽縣

縣有龍溪水南出于龍橋宋本作嶠之山北流入于沅

水又一沅水注之南出扶陽之山北流會于沅沅

水又東與序溪合水出義陵郡義陵縣酈梁山西

北流逕義陵縣王莽之建平縣也治序溪其城劉

備之秭歸焉出五溪綏撫蠻夷亮率諸蠻所築也

秭歸以下有脫誤按蜀志云先主東征吳遣侍中馬良入武陵招納五溪蠻夷渠帥皆受印號咸如所指所治序溪最為沃壤良田數百頃特宜稻修

作無廢又西北入于沅沅水又東合柱水水導源

柱溪北流注沅沅水又東逕辰陽縣南東合辰水

水出縣三山谷東南流獨母水水源南出龍門山

歷獨母溪北入辰水辰水又逕其縣北舊治在辰

水之陽故即名焉楚辭所謂夕宿辰陽者也王莽

更名會真矣今漢地志作會亭辰水又右會沅水名之為

辰溪口武陵有五溪謂雄溪楠溪力溪無溪酉溪

宋書說五溪曰雄溪楠溪酉溪無溪辰溪而無力溪二字辰溪其一焉夾溪悉

是蠻左右所居故謂此蠻五溪蠻也水又經沅陵

縣西有武溪源出武山與酉陽分山水源石上有

盤瓠跡猶存矣盤瓠者高辛氏之畜狗也其毛五

色高辛氏患犬戎之暴乃募天下有能得犬戎之

將軍吳將軍頭者妻以少女下令之後盤瓠遂銜

吳將軍之首於闕下帝大喜未知所報女聞之以

為信不可違請行乃以配之盤瓠負妻入南山上

石室中所處嶮絕人跡不至帝悲思之遣使不得

進經二年生六男六女盤瓠死因自斃夫妻織績

木皮染以草實好五色不裁置皆有... 賜以名山其後滋蔓號曰蠻夷今武陵郡夷即盤
瓠之種落也其狗皮毛嫡孫世寶錄之武水南流
注于沅沅水又東施水注之水南出施山溪源有
陽欺崖崖色純素望同積雪下有二石先有人居
處其間細泉輕流望川競注故不可以言也施水
北流會于沅沅水又東逕沅陵縣北漢故項侯吳
陽之邑也王莽改曰沅陸縣北枕沅水沅水又東
逕縣故治北移縣治縣之舊城置都尉府因岡倚
阿勢盡川陸臨沅對酉二川之交會也酉水導源

益州巴郡臨江縣故武陵之充縣酉源山東南流

陽故縣南又東逕遷陵故縣界陽故縣上缺一無

陵郡有無陽遷陵二縣相近後漢志省無陽晉太

康地志有舞陽云即無陽也後漢晉宋地志武陵

郡有遷陵南齊地志無遷陵矣與西鄉溪合即延江之枝津更始

之下流謂之西鄉溪口酉水又東逕遷陵縣故城

比王莽更名曰遷陸也酉水東逕酉陽故縣南縣

故酉陵也酉水又東逕沅陵縣北又東南逕潘承

明壘西承明討五溪蠻營軍所築吳志潘濬字承

蠻夷叛亂盤結孫權假濬節督諸軍討其城跨山
之斬獲萬數自是羣蠻衰弱一方寧靜
枕谷酉水又南注沅水闕駟謂之受水其水所決

入名曰酉口沅水又逕竇應明城側應明以元嘉初伐蠻所築也沅水又東溪水南出茗山一作沅水又合

東溪溪水南出茗山山深迴嶮人獸咀絕溪水北瀉沅川水

沅水又東與諸魚溪水合水北出諸魚山山與天

門郡之澧陽縣分嶺溪水合南流會于沅沅水又

東夷水入焉水南出夷山北流注沅夷山東接胡

頭山後漢書作壺頭山下同山高一百里廣圓三百里山下

水際有新息侯馬援征武溪蠻停軍處胡頭徑曲

多險其中紆折千灘援就壺頭希效早成道遇瘴

毒終沒於此忠以舊本作公獲謗信可悲矣後漢書世祖遣馬援

征五溪蠻夷二年次下雋有兩道可入從壺頭則路

近而水充則塗夷而運遠援以為從克則棄

日費糧進壺頭益其喉咽克賊自破乃進營

壺頭賊守隘水疾船不得上會暑甚士卒多

疫死後帝追收新息侯印綬妻孥惶懼不敢

以喪還劉澄之曰沅水自胡頭枝分跨三十三渡

逕交阯龍編縣東北入于海脉水尋梁乃其關究

但古人許以傳疑聊書所聞耳

又東北過臨沅縣南

臨沅縣與沅南縣分水後漢郡國志武陵郡有沅南縣建武二十六年置

沅南縣西有夷望山孤竦中流浮嶮四絕昔有蠻民避寇居之故謂夷望也南有夷望溪水南出重

山遠注沅沅水又東得關下山東帶關溪瀉注沅
 瀆沅水又東歷臨沅縣西為明月池白壁灣灣狀
 半月清潭鏡澈上則風籟空傳下則泉響不斷行
 者莫不擁楫嬉游徘徊愛玩沅水又東歷三石澗
 鼎足均峙秀若削成其側茂竹便娟致可玩也又
 東帶綠蘿山頽巖臨水懸蘿釣渚漁詠幽谷浮響
 若鍾御覽引水經注云綠蘿蒙幕積巖臨水實釣
渚魚詠之勝地其迭響若鍾音信為神仙之
 所居沅水又東逕平山西南臨沅水寒松上蔭清
 泉下注栖託者不能自絕於其側沅水又東逕臨
 沅縣南縣南臨沅水因以為名荆州記臨沅縣南
臨沅水水源出洋

柯且蘭縣至郡
界分為五器

王莽更之監沅縣也縣南有晉徵

士漢壽詩

宋本
作人

龔玄之墓銘太元中車武子立縣

治武陵郡下本楚之黔中郡矣秦昭襄王二十七

年使司馬錯以隴蜀軍攻楚割漢北與秦至三十

年又取楚巫黔及江南地以為黔中郡漢高祖二

年割黔中故治為武陵郡王莽更之達平都也

宋本

作建
平郡

南對沅南縣後漢建武中所置也縣在沅水

之陰因以沅南為名縣治故城昔馬援討臨鄉所

築也沅水又東歷小灣謂之枉渚渚東里許便得

枉人山山西帶循溪一百餘里茂竹便娟披溪蔭

渚長川逕引遠注於沅沅水又東入龍陽縣有澹
水出漢壽縣西楊山南流東折逕其縣南縣治索
城卽索縣之故城也漢順帝陽嘉中改從今名闕
駟以爲興水所出東入沅而是水又東歷諸湖方
南注沅亦曰漸水也水所入之處謂之鼎口沅水
又東歷龍陽縣之汜洲舊本作沱洲洲長二十里吳丹
陽太守李衡植柑于其上臨死勅其子曰吾洲里
有木奴千頭不責衣食歲絹千疋太史公曰江陵
千樹橘可當封君此之謂矣吳末衡柑成歲絹千
疋今洲上猶有陳棗餘柑蓋其遺也沅水又東逕

龍陽縣北城側沅水沅水又東合壽溪內通大溪
口有木連理根各一岸而凌空交合其上承諸湖
下注沅水

又東至長沙下雋縣西北入于江
沅水下注洞庭湖方會於江

浪水出武陵鐔城縣北界沅水谷

孫云山海經注浪音銀鐔城漢志作

鐔成

山海經曰禱過之山浪水出焉而南流注于海是
也

南至鬱林潭中縣與鄰水合

水出無陽縣故鐔城也晉義熙中改從今名俗謂之移溪溪水南歷鐔中

克家云當作潭中

注于浪水

又東至蒼梧猛陵縣為鬱溪又東至高要縣為大水鬱水鬱林之阿林縣東逕猛陵縣猛陵縣在廣信之西南王莽之猛陸也浪水於縣左合鬱溪亂流逕廣信縣地理志曰蒼梧郡治武帝元鼎六年開王莽之新廣郡縣曰廣信亭王氏交廣春秋曰元封五年交州自羸樓縣移治於此建安十六年吳遣臨淮步騭為交州刺史將武吏四百人之交州道路不通蒼梧太守長沙吳臣擁眾五千騭有疑

於臣先使諭臣臣迎之於零陵遂得進州臣既納騭而後有悔騭以兵少恐不存立臣有都督區景勇略與臣同士為用騭惡之陰使人請臣臣往告景勿詰騭騭請不已景又往乃於廳事前中庭俱斬以首狗象即此也鬱水又逕高要縣晉書地理志曰縣東去郡五百里刺史夏避毒徙縣水居也縣有鵠奔亭廣信蘇施妻始珠鬼訟於交州刺史何敞處事與蒼亭女鬼同

搜神記云九江何敞為交州刺史行部到蒼梧

高要宿鸕鵡奔亭夜半有一女子自稱蘇娥字始珠廣信人嫁施氏夫死有雜繒帛百二十匹及婢一人名致富欲之傍縣賣繒賃牛車一乘到此亭為亭長龔壽所殺刺致富亦死掘樓下合理之取財

物去無所告訴故來自歸于明使君敞乃遣吏捕
問具服并其父母兄弟皆斬之謝承後漢書所記
事同但作鶴
巢亭為異
王氏交廣春秋曰步騭殺吳臣區景

使嚴舟船會兵二萬下取南海蒼梧人衡毅錢博
宿臣部伍與軍途騰於蒼梧高要峽口兩軍相逢
於是遂交戰毅與眾投水死者千有餘人

又東至南海番禺縣西分為二其一南入于海
鬱水分浪南注

其一又東過縣東南入于海

浪水東別逕番禺山海經謂之賁禺者也交州治
中合浦姚文式問云何以名為番禺答曰南海郡

昔治在今州城中與番禺縣連接今入城東南偏
有水圻陵城倚其上聞此縣人名之為番山縣名

番禺儻謂番山之禺也漢書所謂浮牂柯下離津
同會番禺蓋乘斯水西入越也秦并天下略定楊
越置東南一尉西北一候開南海以謫徙民至二

世時南海尉任囂召龍川令趙他曰聞陳勝作亂
豪桀叛秦吾欲起兵阻絕新道番禺負嶮可以為
國會病綿篤無人與言故召公來告以大謀囂卒

他行南海尉事則拒關門設守以法誅秦所置吏
以其黨為守自立為王高帝定天下使陸賈就立

他為越王剖符通使至武帝元鼎五年遣伏波將軍路博德等攻南越王五世九十二歲而亡以其地為南海蒼梧鬱林合浦交阯九真日南也建安中吳遣步騭為交州騭到南海見土地形勢觀尉他舊治處負山帶海博敞渺目高則乘土當作桑土高貢所謂桑土既蠶蓋交廣歲有八蠶故也 下則沃衍林麓鳥獸于何不有海怪魚鼈鼉鼉鮮鱐珍怪異物千種萬類不可勝記他因岡作臺北面朝漢圓基千步直峭百丈頂上三畝復道廻環逶迤曲折朔望升拜名曰朝臺前後刺史郡守遷除新至未嘗不乘車升履於

焉逍遙騰登高遠望觀巨海之浩茫觀原藪之殷

阜乃曰斯誠海島膏腴之地宜為都也宋本建安

二十二年遷州番禺築宋本立城郭綏和百越遂

用寧集交州治中姚文式問答云朝臺在州城東

北三十里裴淵廣州記曰城北有尉他墓墓後有

大岡謂之馬鞍岡秦時占氣者言南方有天子氣

始皇發民鑿破此岡地中出血今鑿處猶存以狀

取目故岡受厥稱焉王氏交廣春秋曰越王趙他

生有奉制稱藩之節死有秘異宋本神密之墓他

之葬也因山為墳其壠塋可謂奢大葬積珍玩矣

時遣使發掘其墓求索棺柩鑿山破石費日損力
卒無所獲他雖奢僭慎厥終一作其身乃令後人不
知其處有似松喬遷景牧豎固無所殘矣鄧德明
南康記曰昔有盧耽仕州爲治中少棲僊術善解
雲飛每夕輒凌虛歸家曉則還州嘗於元會至朝
不及朝列化爲白鵠至閣前迴翔欲下威儀以石
擲之得一隻履耽驚還就列內外左右莫不駭異
時步騭爲廣州意甚惡之便以狀列聞遂在誅滅
舊本作遂廣州記稱吳平晉盧循爲刺史循鄉人
至誅滅語循鰕鬚長一赤循以爲虛責其人乃至東海取

鰕鬚長四赤速送示循循始復謝厚爲遣其一水
南入者鬱川分派逕四會入海也其一卽川東別
逕番禺城下漢書所謂浮牂柯下離津同會番禺
蓋乘斯水而入于越也浪水又東逕懷化縣入于
海水有鰕魚裴淵廣州記曰鰕魚長二丈大數圍
皮皆鱗物生子子小隨母覓食驚則還入母腹吳
錄地理志曰鰕魚子朝索食暮入母腹南越志曰
暮從臍入旦從口出腹裏兩洞腸貯水以養子腸
容二子兩則四焉其餘又東至龍川水爲涅水屈
北入員水浪水枝津衍注自番禺東歷增城縣南

越志曰縣多鷄鷄鷄山雞也光色

孫云當作毛色鮮明

五色眩耀利距善鬪世以家鷄鬪之則可擒也又

逕博羅縣西界龍川左思所謂目龍川而帶荆者

也趙他乘此縣而跨據南越矣

員水又東南一千五百里入南海

東歷揭陽縣王莽之南海亭而注于海也

水經注箋卷第三十八

漢 桑 欽撰

後魏 酈道元 注

明 李長庚訂

孫汝澄

朱謀埠箋

李克家全校

資水

漣水

湘水

灘水

溱水

資水出零陵都梁縣路山

資水出武陵郡無陽縣界唐糺山蓋路山之別名

也謂之大谿水東北逕邵陵郡武岡縣南縣分都

梁之所置也縣左右二岡對峙重岨齊秀間可二

里舊傳後漢伐五谿蠻蠻保此岡故曰武岡縣卽其稱焉大谿逕建興縣南又逕都梁南漢武帝元朔五年以封長沙定王子敬侯定之邑也縣西有小山山上有淳水宋本作淳水既清且淺其中悉生蘭草綠葉紫莖芳風藻川蘭馨遠馥俗謂蘭爲都梁山因以號縣受名焉

東北通夫夷縣

夫水出縣西南零陵縣界少延山東北流逕扶陽縣南本零陵之夫夷縣也漢武帝元朔五年以封長沙定王子敬侯義之邑也夫水又東注邵陵水

謂之邵陵浦口水也

謝耳伯云當作浦水口

東北過邵陵縣之北

縣治郡下南臨大谿水逕其北謂之邵陵水魏咸

熙二年吳寶鼎元年孫皓分零陵北部立邵陵郡

於邵陵縣縣故邵陵也谿又東得高平水口水出

武陵郡沅陵縣首望山西南流高平縣南又東入

邵陵縣界南入于邵水邵水又東會雲泉水水出

零陵永昌縣雲泉山西北流逕邵陵南縣故昭陽

也孫云昭陽疑作昭陵按漢志長沙國有昭陵縣雲泉水又北注邵陵水

謂之邵陽水口孫云當作邵陵自下東北出益陽縣其間

逕流山峽名之爲茱萸江蓋水變名也

又東北過益陽縣北

縣有關羽瀕所謂關侯灘也南對甘寧故壘昔關羽屯軍水北孫權令魯肅甘寧拒之於是水寧謂肅曰羽聞吾咳嗽之聲不敢渡也渡則成擒矣羽夜聞寧處分曰興霸聲也遂不渡茱萸江又東逕益陽縣北又謂之資水應劭曰縣在益水之陽今無益水亦或資水之殊目矣然此縣之左右處處有深潭漁者咸輕舟委浪謠詠相和羅君章所謂其聲綿邈者也水南十里有井數百口淺者四五

尺或三五丈深者亦不測其深古老相傳昔人以杖撞地輒便成井或云古人采金沙處莫詳其實也

又東與沅水合於湖中東北入于江也

湖卽洞庭湖也所入之處謂之益陽江口

漣水出連道縣西資水之別

水出邵陵縣界南逕連道縣縣故城在湘鄉縣西一百六十里控引衆流合成一谿東入衡陽湘鄉縣歷石魚山下多玄石山高八十餘丈廣十里石色黑而理若雲母開發一重輒有魚形鱗鱗首尾

宛若刻畫長數寸魚形備足燒之作魚膏腥因以名之漣水又逕湘鄉縣南臨漣水本屬零陵長沙

定王子昌邑

孫拔漢書王子侯表哀帝建平四年封長沙王子昌為湘鄉侯疑非定王

也漣水又屈逕其縣東而入湘南縣也

東北過湘南縣南又東北至臨湘縣西南東入于湘

漣水自湘南縣東流至衡陽湘西縣界入于湘水

也於臨湘縣為西南者矣

湘水出零陵始安縣陽海山

即陽朔山也應劭曰湘出零陵山蓋山之殊名也

山在始安縣北縣故零陵之南部也魏咸熙二年

孫皓之甘露元年立始安郡湘漣同源分為二水

南為漣水北則湘川東北流羅君章湘中記曰湘

水之出於陽朔則觴為之舟至洞庭日月若出入

於其中也

東北過零陵縣東

越城嶠水南出越城之嶠嶠即五嶺之西嶺也秦

置五嶺之戍是其一焉北至零陵縣下生湘水湘

水又逕零陵縣南又東北逕觀陽與觀水合水出

臨賀郡之謝沐縣界西北逕觀陽縣西縣蓋即水

為名也又西北流注于湘川謂之觀口也

又東北過洮陽縣東

洮水出縣西南大山東北逕其縣南即洮水以立

稱矣漢武元朔五年封長沙定王子靖侯狗彘為

侯國舊本作洮陽侯狗彘按漢書表作狩燕而史記年表作狗彘恐史記譌也孫按索隱引漢表

作將王莽更名之曰洮治也其水東流注于湘水

又東北過泉陵縣西

營水出營陽冷道縣南流山西流逕九疑山下磐

碁磐碁疑誤當作蟠碁蒼梧之野峰秀數郡之間羅巖九舉

各導一谿岫壑負岨異嶺同勢遊者疑焉故曰九

疑山大舜窆其陽商均葬其陰山南有舜廟前有

石碑文字缺落不可復識自廟仰山極高直上可

百餘里古老相傳言未有登其峰者山之東北冷

道縣界又有舜廟縣南有舜碑碑是零陵太守徐

儉立營水又西逕營道縣馮水注之水出臨賀郡

馮乘縣東北馮岡其水導源西北流縣馮谿以託

名焉馮水帶約衆流渾成一川謂之北渚歷縣北

西至關下關下地名也是商州改裝之始馮水又

左合萌渚之水南出于萌渚之嶠五嶺之第四

嶺也其山多錫亦謂之錫方矣渚水北逕馮乘縣

西而北注馮水馮水又逕營道縣而右會營水營

水又西北屈而逕營道縣西王莽之九疑亭也營
水又東北逕營浦縣南營陽郡治也魏咸熙二年
吳孫皓分零陵置在營水之陽故以名郡矣營水
又北都谿水注之水出春陵縣北二十里仰山南
逕其縣西縣本泠道縣之春陵鄉蓋因春谿爲名
矣漢長沙定王分以爲縣武帝元朔五年封王中
子買爲春陵節侯縣故城東又有一城東西相對
各方百步古老相傳言漢家舊城漢稱猶存知是
節侯故邑也城東角有一碑文字缺落不可復識
東南三十里尚有節侯廟都谿水又南逕新縣東

縣東傍都谿谿水又西逕縣南左與五谿俱會縣
有五山山有一谿五水會于谿門

初學記引此注
作會于縣門

故曰都谿也都谿水自縣又西北流逕泠道縣北
與泠水合水南出九疑山北流逕其縣西南縣指
泠谿以卽名王莽之泠陵縣也泠水又北流注於
都谿水又西北入于營水谿水又北流注于營陽
峽又北至觀陽縣而出於峽矣大小二峽之間爲
泠泝之極艱矣營水又西北逕泉陵縣西漢武元
朔五年以封長沙定王子節侯賢之邑也王莽名
之曰溥潤

孫云漢志
作溥潤

零陵郡治故楚矣漢武帝元

鼎六年分桂陽置太史公曰舜葬九疑實惟零陵或作零郡郡取名焉王莽之九疑郡也下邳陳球

為零陵太守桂陽賊胡蘭攻零陵激流灌城球輒

於內因地勢反決水淹賊相拒不能下後漢書陳球字伯真

下邳人官侍御史時桂陽黠賊寇鈔荆部以球為零陵太守賊虜消難而州兵朱蓋等反與桂陽賊

胡蘭轉攻零陵球弦大弓羽矛為矢引機發之遠射千步多所殺傷賊復激流灌城球於內輒反決

水淹賊會中郎將度尚將救兵至遂共斬破蓋等縣有白土鄉零陵先賢

傳曰鄭產字景載泉陵人也為白土晉夫宋本作曹夫

漢末多事國用不足產子一歲輒出口錢民多不

舉子產乃勅民勿得殺子口錢當自代出產言其

郡縣為表上言錢得除更名白土為更生鄉也晉

書地道志曰縣有香茅氣甚芬香言貢之以縮酒

也營水又北流注于湘水湘水又東北與應水合

水出邵陵縣歷山崕嶸嶮峻嶧嶧嶧嶧萬尋澄淵湛于

下應水湧於上東南流逕應陽縣南晉分觀陽縣

立蓋即應水為名也應水又東南流逕有鼻墟南

王隱曰應陽縣本泉陽之北部東五里有鼻墟言

象所封也山下有象廟言甚有靈能興雲雨余所

聞也聖人之神曰靈賢人之精氣為鬼象生不惠

死靈何寄乎應水又東南流而注于湘水湘水又

東北得沱口水出永昌縣北羅山東南流逕石鷺山東其山有石糾而狀鷺因以名山其石或大或小若母子焉及其雷風相薄則石鷺羣飛頡頏如真鷺矣羅君章云今鷺不必復飛也其水又東南逕永昌縣南又東流注于湘水又東北逕祁陽縣南又有餘谿水注之水出西北邵陵郡邵陵縣東南流注于湘其水濁揚清汎濁水色兩分湘水又北與宜谿水合水出湘東郡之新寧縣西南新平故縣東宋書州郡志云湘東郡吳孫亮太平二年分長沙東部都尉立晉世七縣宋孝武太元二年省酃及新平但有臨新平孫云當作新寧故新平丞新寧茶陵湘陰陰山五縣

也衆川瀉浪共成一津西北流東岍山下有龍穴宜水逕其下天旱則擁水注之便有雨降宜水又西北注于湘湘水又西北得春水口水上承營陽春陵縣西北潭山又北逕新寧縣東又西北流注于湘水也

又東北過重安縣東又東北過酃縣西泰水從東南來注之孫云泰水當作承水

承水出衡陽重安縣西邵陵縣界和薑山東北流至重安縣逕舜廟下廟在承水之陰又東合略塘相傳云此塘中有銅神今猶時聞銅聲於水水輒

變淥作銅腥魚爲之死承水又東北逕重安縣南

漢長沙頃王子虔邑也孫云王子虔漢表作鍾武節侯虔故零陵

之鍾武縣王莽更名曰鍾桓也武水入焉水出鍾

武縣西南表山東流至鍾武縣故城南而東北流

至重安縣注于承水至湘東臨承縣北漢地志承陽在承水

之陽故名讀若丞屬長沙國後漢志作丞陽屬零陵郡晉志宋志俱作丞陽屬湘東郡東注

于湘謂之承口臨承即故鄴縣也縣即湘東郡治

也郡舊治在湘水東故以名郡魏正元三年吳主

孫亮分長沙東部立縣有石鼓高六赤湘水所逕

鼓鳴則土有兵革之事羅君章云扣之聲聞數十

里此鼓今無復聲觀陽縣東有裴巖其下有石鼓

形如覆船扣之清響遠徹其類也湘水北又歷印

石石在衡水縣南江水又有盤石或大或小臨水

而石悉有跡其方如印纍然行列無文字如此可

二里許因名爲印石也湘水又北逕衡山縣東山

在西南有三峰一名紫蓋一名容峰容峰最爲竦

傑自遠望之蒼蒼隱天故羅含云望若陣雲非清

霽素朝不見其峰丹水湧其左澧泉流其右山經

謂之响屨山爲南嶽也山下有舜廟南有祝融冢

楚靈王之世山崩毀其墳得營丘九頭圖治洪水

九經注疏卷之八
血馬祭山得金簡玉字之書容峰之東有仙人石

室學者經過往往聞諷誦之音矣衡山東南二面

臨映湘川自長沙至此江湘七百里中有九背故

漁者歌曰帆隨湘轉望衡九面羅含湘中記云衡山九背皆有舜廟

逢望衡山如陣雲沿湘千里九背九背乃不復見

率按此注所引漁歌九面正與轉字相叶即羅含九背之義宋本自誤作九回耳山上有飛泉下注下映青林直注

山下望之若幅練在山矣湘水又東北逕湘南縣

東又歷湘西縣南分湘南置也衡陽郡治魏正元

二年吳孫亮分長沙西部立治湘南太守何承天

徙郡湘西矣十三州志曰日華水出桂陽郴縣華

山西至湘南縣入湘地理志曰郴縣有來水出

山漢地理志郴縣耒山耒水所出西至湘南入湖湘水

又北逕麓山東其山東臨湘川西傍原隰息心之

士多所萃焉

又東北過陰山縣西沘水從東南來注之又北過澧

陵縣西澧水從東注之

續漢書五行志曰建安八年長沙醴陵縣有大山

常鳴如牛吼聲宋本作如鳴聲積數年後豫章賊攻沒縣

亭殺掠吏民因以為候湘水又北逕建寧縣而傍

湘水縣北有空冷峽驚浪雷奔濬同三峽湘水又

北逕建寧縣故城下晉太始中立

又北過臨湘縣西瀏水從縣西北流注之

縣南有石潭山湘水逕其西山有石室石牀臨對

清流水又北逕昭山西山下有旋泉深不可測故

言昭潭無底也亦謂之曰湘州潭湘水又北逕南

津城西西對橘洲或作吉字為南津洲尾水西有

橘洲子戍孫云疑作橘子洲戍故郭尚存湘水又北左會瓦

官水口湘浦也又逕船官西湘州商舟之所次也

北對長沙郡郡在水東州城南舊治在城中後乃

移此湘水左逕麓山東上有故城山北有白露水

口湘浦也又右逕臨湘縣故城西縣治湘水濱臨

川側故即名焉王莽改號撫陸故南境之地也秦

滅楚以當作立長沙郡即青陽之地也秦始皇二十

六年荆王獻青陽以西漢書鄒陽傳越水長沙還

舟青陽注張晏曰青陽地名也蘇林曰青陽長沙

縣也漢高祖五年以封吳芮為長沙王是城即芮

築也漢景帝二年封唐姬子發為王都此王莽之

鎮蠻郡也於禹貢則荊州之域晉懷帝以永嘉元

年分荊州湘中諸郡立湘州治此城之內郡廨西

陶侃廟云舊是賈誼宅地中有一井是誼所鑿極

小而深上斂下大其狀似壺傍有一腳石牀纔容一人坐形流俗相承云誼宿所坐牀又有大棋樹亦云誼所植也城之西北有故市北對臨湘縣之新治縣治西北有北津城縣北有吳芮冢廣踰六十八丈登臨寫目爲屢郭之佳憩也郭頌世語云魏黃初末吳人發芮冢取木於縣立孫堅廟見芮尸容貌衣服並如故吳平後預發冢人於壽春見南蠻校尉吳綱曰君形貌何類長沙王吳芮乎但君微短耳綱瞿然曰是先祖也自芮卒至冢發四百年至見綱又四十餘年矣湘水左合誓口又北

得石榔口並湘浦也右合麻溪水口湘浦也湘水又北逕三石山東山枕側湘川北卽三石水口也湘浦矣水北有三石戍戍城爲二水之會也湘水又逕瀏口戍西北對瀏水

又北瀉水從西南來注之

瀉水出益陽縣馬頭山東逕新陽縣南晉太康元年改曰新康矣瀉水又東入臨湘縣歷瀉口戍東南注湘水湘水又北合斷口又北則下營口湘浦也湘水又宋本作之左岸有高口水出益陽縣西北逕高口戍南又西北上鼻水自鼻洲上口受湘西入

焉謂之上鼻浦高水南北與下鼻浦合水自鼻洲
下口首受湘川西通高水謂之下鼻口高水又西
北右屈爲陵子潭東北流注湘爲陵子口湘水自
高口戍東又北右會鼻洲左合上鼻口又鼻宋本
作北
右對下鼻口又北得陵子口湘水右岸銅官浦出
焉湘水又北逕銅官山西臨湘水山土紫色內含
雲母故亦謂之雲母山也

又北過羅縣西澗水從東來流注之

湘水又北逕錫口戍東又北左派謂之錫水西北
流逕錫口戍北又西北流屈而東北注玉水焉水

出西北玉池東南流注于錫浦謂之玉池口錫水

又東北東湖水注之水上承玉池之東湖也南流

于錫謂之三陽逕水南有三戍又東北注于湘湘

水自錫口北出又得望屯浦湘浦也湘水又北津

北謂之門逕也湘水紆流西北東北合門水謂之

門逕口又北得三谿水口水東承太湖西通湘浦

三水之會故得三谿之目耳又北東會大對水口

西接三津逕湘水又北逕黃陵亭西又合黃陵水

口其水上承太湖湖水西流逕二妃廟南世謂之

黃陵廟也言大舜之陟方也二妃從征溺于湘江

神遊洞庭之淵出入瀟湘之浦瀟者水清深也湘

中記曰湘川清照五六丈下見底石如樗蒲矣五

色鮮明白沙如霜雪赤崖若朝霞是納瀟湘之石

矣謝云石當作名故名宋本為立祠於水側焉荊州牧劉

表刊石立碑樹之於廟以旌不朽之傳矣黃水又

西流入于湘謂之黃陵口昔王子山有異才年二

十而得惡夢作夢賦二十一溺死于湘浦即斯川

矣張華博物志云王子山與父叔師到泰山從鮑子真學筭到魯賦靈光殿歸渡湘水溺死王文

考名延壽一字子山也南郡宜城人子山夢賦序曰臣弱冠嘗夜寢見鬼物與臣戰遂得東方朔與

臣作罵鬼之書臣遂作賦一篇叙夢後人夢者讀誦以却鬼數數有驗臣不敢藏其詞具古文苑中

湘水又北逕自宋本沙戍西又北右會東町口澗

水也湘水又左合決湖口水出西陂東通湘渚湘

水又北汨水注之水東出豫章艾縣桓山西南逕

吳昌縣北與純水合水源出其縣東南純山西北

流又東逕其縣南又北逕其縣故城下縣是吳主

孫權立純水又右會汨水汨水又西逕羅縣北本

羅子國也故在襄陽宜城縣西楚文王移之於此

秦長沙立郡因以為郡古兗家云郡疑作縣謂之羅水汨水

又西逕玉笥山羅含湘中記云屈潭之左有玉笥

山道士遺言此福地也一日地腳山汨水又西為

水經注卷之二十一

屈潭卽羅淵也屈原懷沙自沈於此故淵潭以屈

為名

魏烈湘中記云屈潭之左玉筍山昔賈誼史屈平之放樓於此山而作九歌焉

遷皆嘗逕此弭楫江波投弔於淵淵北有屈原廟

廟前有碑又有漢南太守程堅碑寄在原廟汨水

又西逕汨羅戍南西流注于湘春秋之羅汨矣世

謂汨羅口湘水又北枝分北出逕汨羅戍西又北

逕壘石山東又北逕壘石戍西謂之苟導逕矣而

北合湘水自汨口而

宋本作西

北逕壘石山西而北對

青草湖亦或謂之為青草山也西對懸城口湘水

又北得九口並湘浦也湘水又東北為音

右合宋本作會苟逕北口與勞口合又北得同拌口皆

湘浦右迤者也

又北過下雋縣西微水從東來流注之

湘水左會水青口資水也世謂之益陽江湘水左

逕鹿角山東右逕謹亭戍西又北合查浦又北得

萬浦咸湘浦也側湘浦北有萬石戍湘水左則沅

水注之謂之橫房口東對微湖世或謂之麋湖口

也右屬微水卽經所謂微水經下雋者也西流注

于江謂之麋湖口也水又北逕金浦戍北帶金浦

水湖澁也湘水左則澧水注之世謂之武陵江凡

水

水

此四水同注洞庭北北會大江名之五渚戰國策
 曰秦與荆戰大破之取洞庭五渚也湖水廣圓五
 百餘里日月若出沒于其中山海經云洞庭之山
 帝之二女居焉沅澧之風交湘之浦出入多飄風
 暴雨中山經云洞庭之山帝之二女居之是常遊
 于江淵澧沅之風交瀟湘之淵是在九江之
 間出入必以湖中有君山編山君山有石穴潛通
 飄風暴雨
 吳之包山郭景純所謂巴陵地道者也是山湘君
 之所遊處故曰君山矣昔秦始皇遭風於此而問
 其故博士曰湘君出入則多風秦王乃赭其山漢
 武帝亦登之射蛟於是山東北對編山山多麋竹

兩山相次去數十里迴峙相望孤影若浮湖之右
 岸有山世謂之笛島頭石石北右會翁湖口水上
 承翁湖左合洞浦所謂三苗之國左洞庭者也

又北至巴丘山入于江

山在湘水右岸山有巴陵故城本吳之巴丘邸閣
 城也晉太康元年立巴陵縣於此後置建昌郡宋
 元嘉十六年立巴陵郡城跨岡嶺濱咀三江巴陵
 西對長洲其洲南麇湘浦北對大江故曰三江也
 三水所會亦或謂之三江口矣夾山列關謂之射
 獵又北對養口咸湘浦也水色青異當作黑東北入

于大江有清濁之別謂之江會也

灘水亦出陽海山

灘水與湘水出一山而分源也湘灘之間陸地廣百餘步謂之始安嶠嶠即越城嶠也嶠水自嶠之陽南流注灘名曰始安水故庾仲初之賦揚都云判五嶺而分流者也灘水又南與瀉水合出西北邵陵縣界而東南流至零陵縣西南逕越城西建安十六年交州刺史賴恭自廣信合兵小零陵越城迎步騭即是地也瀉水又東南流注于灘水書所謂出零陵下灘水者也灘水又南合彈

水出于彈丸山山有湧泉奔流衝激山岨

舊本作岨

朝詩賦中多用岨字及谿中有石若丸自然珠圓狀彈丸矣

故山水即名焉漢水

孫云當作溪水謂彈丸谿水

東流注于灘

水灘水又南逕始興縣東魏文帝咸熙二年吳孫

皓分零陵南部立始興縣灘水又南右會洛谿谿

水出永豐縣西北洛谿山東流逕其縣北縣本蒼

梧之北鄉孫皓割以為縣洛谿水又東南逕始安

縣而東注灘水灘水又東南流入熙平縣逕羊瀨

山山臨水石間有色

孫云當類羊作有石

又東南逕雞瀨

山山帶灘水山石色狀雞故一山以物象受名矣

灑水又南得熙平水口水源出縣東龍山西南流
逕其縣南又西與北鄉谿水合水出縣東北北鄉
山西流逕其縣北又西流南轉逕其縣西縣本始
安之扶鄉也孫皓割以爲縣谿水又南注熙平熙
平水又西注于灑水縣南有朝夕塘水出西南塘
水從山下注塘一日再增再減盈縮以時未嘗愆
期同於潮水因名此潭爲朝夕塘矣灑水又西逕
平樂縣界左合平樂谿口水出臨賀郡之謝沐縣
南歷山西北流逕謝沐縣西南西南流至平縣

當作平樂縣

東南左會謝沐衆谿派流湊合逕平樂

南孫皓割蒼梧之境立以爲縣北隸始安谿水又
西南流注於灑水謂之平水

南過蒼梧荔浦縣

灑水出縣西北魯山之東逕其縣西與濡水合出
永豐縣西北濡山東南逕其縣西又東南流入于
荔浦縣注於灑谿又注于灑水之上有灑水關灑
水又南左合靈谿水口出臨賀富川縣北符靈岡
南流逕其縣東又南注于灑水也
又南至廣信縣入于鬱水

溱水出桂陽臨武縣南繞城西北屈東流

溱水導源縣西南北流逕縣西而北與武谿合山
海經曰肆水出臨武西南注于海入番禺西肆水
蓋溱水之別名也武谿水出臨武縣西北桐柏山
東南流右合溱水亂流東南逕臨武縣西謂之武
谿縣側臨谿東因曰臨武縣王莽更名大武也谿
之宋本東南流左會黃泠谿水谿水出郴縣黃泠
宋本山西南流又宋本合武谿武水又南入里山山名
藍豪廣圓五百里悉曲江縣界崖當有峻岨巖嶺
干天交柯雲蔚霾天晦景謂之瀧中孫云瀧懸湍
迴注崩浪震山名之瀧水音雙

卷之三 江縣安轟邑東屈西南流

瀧水又南出峽謂之瀧口西岸有任將軍城南海

都尉任囂所築也囂死尉他自龍州孫云當作龍

海郡有始居之東岸有任將軍廟瀧水又南合泠

水泠水東出泠君山山羣峰之孤秀也晉太元十

八年崩千餘丈於是懸澗瀑挂傾流注壑頽波所

入灌於瀧水瀧水右合林水林水出縣東北洄山

王歆始興記曰林水源裏有室室前磐石上列羅

十瓮中悉是餅銀米伐遇之不得取取必迷悶晉

太元初民封驅之家僕密竊三餅歸發看有大蛇

螫之而死湘州記曰其夜駟之夢神語曰君奴不
謹盜銀三餅卽日顯戮以銀相備視則奴死銀在
矣林水自源西流于瀧水又與雲水合水出縣北
湯泉泉源沸湧浩氣雲浮以腥物投之俄頃卽熟
其中時有細赤魚游之不爲灼也西北合瀧水又
有藉水上承滄海水有島嶼焉其水吐納衆流西
北注于瀧水瀧水又南歷靈鷲山山本名虎郡山
疑作虎亦曰虎市山以虎多暴故也晉義熙中沙
門釋僧律葺宇巖阿猛虎遠跡蓋律仁感所致因
改曰靈鷲山瀧水又南逕曲江縣東又言縣皆號

曲江曲山名也東連岡是矣瀧中有碑文曰按地
理志曲江舊縣也王莽以爲除虜始興郡治魏文
帝咸熙二年孫皓分桂陽南部立縣東傍瀧谿號
曰北瀧水水左卽東谿口也水出始興東江州南
康縣界石閣山西流而與連水合水出南康縣涼
蟄山連谿山卽大庾嶺也五嶺之最東矣故曰東
嶠山斯則改裝之次其下船路名漣谿漣水南流
注于東谿謂之漣庾仲初謂之大庾嶠水也東谿
亦名東江又曰始興水又西邪階水注之水出縣
東南邪階山水有別源曰巖頭重嶺矜瀧湍奔相

屬祖源一作祖源雙注合為一川水側有鼻天子城鼻

天子所未聞也幽明錄始興有鼻天子冢又有鼻

部東五里有鼻墟象所封也埤按山海經堯子丹朱亦自稱帝丹朱知象卦有鼻亦應借稱鼻天子

矣故路史謂鼻天子即象也邪階水又西北注于東江江水又

西逕始興縣南又西入曲江縣邸水注之水出浮

嶽山山躡一處則百餘步動若在水也因名浮嶽

山南流注于東江東江又西與利水合水出縣之

韶石北山南流逕韶石下其一作石高百仞廣圓五

里兩石對峙相去一里小大畧均似雙闕名曰韶

石古老言昔有二仙分而憩之自爾年豐彌歷一

紀利水又作靈石下靈石一名逃石高三十丈

廣圓五百丈者舊傳言石本桂陽武城縣兩漢地志桂陽

郡但有臨武而無武城疑字誤也因夜迅雷之變忽然遷此彼人

來見歎曰石乃逃來因名逃石以其有靈運徙又

曰靈石其傑處臨江壁立霞駁有若續焉水石驚

瀨傳響不絕商舟淹留聆翫不已利水南注東江

東江又西注於北江謂之東江口溱水自此有始

興大江之名而南入澧陽縣也

過澧陽縣出淮浦關與桂水合漢地理志澧陽縣屬桂陽郡

溱水南逕澧陽縣西舊益縣也王莽之基武矣縣

東有滇石山廣圓三十里挺嶠大江之北盤趾長川之際其陽有石室漁叟所憩昔欲於山北開達

郡之路輒有大蛇斷道不果是以今行者宋本舊本俱作

今者吳本增一行字必於石室前汎舟而濟也漆水又西南

歷臯口太尉二山之間是曰滇陽峽兩岸傑秀壁

立虧天昔嘗鑿石架閣令兩岸相接以拒徐道覆

晉書曰盧循徐道覆聞劉裕北伐循自始興寇長

沙道覆寇南康廬陵豫章皆陰之進逼建康劉裕遣將軍孫處沈田子自海道襲番禺拔之裕及循戰及大雷大破之循南走番禺道覆走保始興裕遣將軍劉藩克始興誅道覆循亦自殺

漆水出峽左則滇水注之水

出南海龍川縣西逕滇陽縣南右注漆水故應劭

曰滇水西入漆是也漆水又西南注水入焉孫云

當作淮水漢志南海郡中宿縣有淮浦山海經所謂淮水出桂陽西

北東南注肆入郭浦西者也漆水又西南逕中宿

縣會一里水其處隘名之為觀岐連山交枕絕岸

一作崖壁竦下有神廟背阿面流壇宇虛肅廟渚攢

石巉巖亂峙中川時水洊至鼓怒沸騰流木淪沒

必無出者世人以為河伯下林當作晉中朝時縣

人有使者至洛事訖將還忽有一人寄其書云吾

家在觀前石間懸藤即其處也但扣藤自當有人

取之使者謹依其言果有二人出外取書并延入

水府衣不霑濡言此似不近情然造化之中無所
不有稊滿西遊與河宗論寶以此推之亦爲類矣
溱水又西南逕中宿縣南吳孫皓分四會之北鄉
立焉

南入于海

溱水又南注于鬱而入于海

水經注箋卷第三十九

漢 桑欽撰

後魏酈道元 注

明 李長庚訂

孫汝澄

朱謀埜箋

李克家仝校

匯水

深水

鍾水

耒水

沫水

漉水

瀏水

澗水

贛水

廬水

匯水出桂陽縣廬聚

水出桂陽縣西北上驛山廬溪爲廬溪水東南流
逕桂陽縣故城謂之匯水地理志曰匯水出桂陽

南至四會是也匯水又東南流出桂陽南至四會
 是嶠之溪溪水下流歷峽南出是峽謂之貞女峽
 峽西岍高巖名貞女山山下際有石如人形高七
 尺狀如女子故名貞女峽古來相傳有數女取螺
 於此遇風雨晝晦忽化為石斯誠巨異難以聞信
 但啓生石中摯呱空桑抑斯類矣物之變化寧以
 理求乎隨巢子淮南子並云禹娶塗山氏治鴻水通轅轅山化為熊塗山氏見之慙而去至嵩高山山下化為石禹曰歸我子石破北方而生啓李彤四部云嵩山南有啓母祠郭景純云陽城西有啓母石也出覽云有仇氏女子採桑得嬰兒見於空桑之中命曰伊尹孫子兵書云伊尹名摯溪
 水又合涯水涯水又東南入陽山縣右合漣口水

源出縣西北一百二十里石塘村村之流水側有
 豫章木本逕可二丈其株根猶存伐之積載而斧
 跡若新羽族飛翔不息其傍衆枝飛散遠集鄉亦
 不測所如唯見一枝獨在含涯水矣漣水東南流
 注于涯涯水又東南流而又與斟水合水導源近
 出東巖下穴口若井一日之中十溢十竭信若潮
 流而注涯水涯水又南逕孫按漢志桂陽郡有含涯縣南逕下巖脫含涯
 二縣故城西耆舊傳曰往昔縣長臨縣輒遷擢超
 級大史逕觀言摯摯字似誤當作城勢使然掘斷連岡流血
 成川城因傾陲遂卽傾敗閣下大鼓飛上臨武乃

之桂陽追號聖鼓自陽山達乎桂陽之武步驛所
至循聖鼓道也其道如塹迄于鼓城矣淮水又逕
陽山縣南縣故合淮縣之桃鄉孫皓分立爲縣也
淮水又南東流也

東南過合淮縣

應劭曰淮水東北入沅瓚注漢書沅在武陵去淮
遠又隔湘水不得入沅淮水東南左合翁水水出
東北利山湖湖水廣圓五里潔踰凡水西南流注
于淮謂之翁水口口已下東岍有聖鼓枝卽陽山
之鼓枝也橫在川側雖衝波水宋本作所激未嘗移動

百鳥翔鳴莫有萃者船人上下以蒿種者

當作以蒿種者

輒有瘧疾淮水又東南左合陶水東出堯山山盤
紆數百里有赭嵒迭起冠以青林與雲霞亂采山
上有白石英山下有平陵有大堂基者舊云堯行
宮所陶水西逕縣北右注淮水淮水又逕合淮縣
西王歆始興記曰縣有白鹿城城南有白鹿岡咸
康中郡民張魴爲縣有善政白鹿來游故城及岡
並卽名焉

南出淮浦關爲桂水

關在中宿縣淮水出關右合溱水謂之淮口山海

經謂之湟水徐廣曰湟水一名漚水出桂陽通四會亦曰漚水也漢武帝元鼎元年路博德爲伏波將軍征南越出桂陽下湟水卽此水矣桂水其別名也

深水出桂陽盧聚

呂忱曰深水一名邃水導源盧溪西入營水亂流營波同注湘津許慎云深水出桂陽南平縣也經書桂陽者縣也本隸桂陽郡後割屬始興縣有盧溪盧聚山在南平縣之南九疑山東也

西北過零陵營道縣南又西北過營浦縣南又西北

過泉陵縣西北七里至燕室邪入于湘

水上有燕室丘亦因爲聚名也其下水深不測號

曰龍泉

鍾水出桂陽南平縣都山宋本作部山北過其縣東又東

北過宋渚亭又北過鍾亭與雞水合

部山卽部龍之嶠也五嶺之第三嶺也鍾水卽嶠水也庾仲初曰嶠水南入始興漚水注于海北入

桂陽湘水注于江是也雞水卽桂水也雞桂聲相

近故字隨讀變經仍其非矣桂水出桂陽縣北界

山山壁高聳三面特峻石泉懸注瀑布而下北逕

南平縣而東北流屈鍾亭右會鍾水通爲桂水也
故應劭曰桂水出桂陽東北入湘
又北過魏寧縣之東又東北入于湘

魏寧故陽安也晉太康元年改曰晉寧縣在桂陽
郡東一百二十里縣南西二面崕帶清溪桂水南

宋本
作無

出縣東理蓋縣邑流移今古不同故也

耒水出桂陽郴縣南山

耒水發源出汝城縣東烏龍白騎山西北流逕其
縣北西流三十里中有十四瀨各數百步濬流奔
急竹節相次亦爲行旅滯涉之艱難也又西北逕

晉寧縣北又西左合清溪水口水出縣東黃皮山
西南流歷縣南又西北注于耒水汝縣在郡東三
百里餘山又在縣東耒水無出南山理也
又北過其縣之西

縣有綠水出縣東侯公山西北流而南屈注于耒
謂之程鄉溪郡置酒官醞於山下名曰程酒獻同

鄴也

荆州記云長沙郡鄴縣有鄴湖周迴三里
取湖水爲酒酒極其美又詳本卷鄴縣注耒

水又西黃水注之水出縣西黃岑山山則騎田之
嶠五嶺之第二嶺也黃水東北流案盛弘之云衆
山水出注于大溪號曰橫流溪溪水甚小冬夏不

乾俗亦謂之為貪泉飲者輒冒於財賄同於廣州石門貪流矣廉介為二千石則不飲之昔吳隱之挹而不辭貪豈謂能汗其真乎蓋亦惡其名也晉安

帝紀云吳隱之為廣州刺史界有一水名貪泉古老言飲此水者廉士皆貪隱之始踐其境酌水飲之因賦詩曰古人云此水一飲懷千金若使夷齊飲終當不易心清操逾厲

劉澄之謂為一涯溪通四會殊為孟浪而不悉也庾仲初云

嶠水南入始與孫云當漆水注海即黃岑水入武

溪者也北水入桂陽湘水注于大江即是水也又

側千秋水注之水出西南萬歲山山有石室室中

有鍾乳山上悉生靈壽木溪下即千秋水也水側

民居號萬歲村其水下合黃水黃水又東北逕其

縣東右合其宋本泉水水出縣南湘陂村村有圓

水廣圓可二百步一邊暖一邊冷冷處極清綠淺

則見石深則見底暖處水白且濁玄素既殊涼暖

亦異厥名除泉其猶江乘之半湯泉也江乘地記云縣東南

三十五里有湯泉半冷半水盛則瀉黃溪水耗則

津徑輟流柳舊縣也桂陽郡治也漢高帝二年分

長沙置地理志曰桂水所出因以名也王莽更名

南平縣曰宣風項羽遷義帝所築也縣南有義帝

冢內有白虎因呼為白虎郡東觀漢記曰茨充字

子何為桂陽太守民情懶少鹿當作驪履足多剖裂

茨教作履今江南知織履皆充之教也齊民要術云茨充焉

桂陽令俗不種桑無蠶織絲麻之利類皆以麻梟頭貯衣民情窳少麓履足多剖裂血出盛冬皆焚

燎炙充教民益種桑柘養蠶織履復令種苧麻數年之間大賴其利黃溪東有馬嶺

山高六百餘丈廣圓四十許里漢末有郡民蘇耽

栖遊此山桂陽列僊傳云耽郴縣人少孤養母至

孝言語虛無時人謂之癡常與眾兒共牧牛更直

為帥錄牛無散每至耽為帥牛輒徘徊左右不逐

目還眾兒曰汝直牛何道不走耶耽曰非汝曹所

知即面辭母云受性慈惠當違供養涕泗又曰年

將大疫歿者略半穿二井飲水可得無恙如有

哭聲甚哀後見耽乘白馬還此山中百姓為立壇

祠民安歲登民因名為馬嶺山無恙以下有缺文今按洞神傳云耽

初去時云今年大疫死者略半家中井水飲之無恙果如所言闔門元吉母年百餘歲終鄉人共葬

之聞山上有人哭聲服除乃止神仙傳云耽母既終葬後州東北半脾山紫雲蓋上有號哭聲如蘇

君之神也因見白馬常在嶺上遂改牛脾山為白馬嶺黃水又北流注于耒

水謂之郴口耒水又西逕華山之陰亦曰華石山

孤峰特聳枕帶雙流東則黃溪耒水之交會也耒

水東流注不得北過其縣西也兩岍連山石泉

懸溜行者輒徘徊留念情不極已也

又北過便縣之西

縣故惠帝封長沙王子吳淺為侯國王莽之便屏也縣界有溫泉水在郴縣之西北左右有田數十畝資之以溉常以十二月下種明年三月穀熟度此水冷不能生苗溫水所溉年可三登其餘波散流入于耒水也

又西北過耒陽縣之東

耒陽舊縣也蓋因水以制名王莽更名南平亭東傍耒水水東肥南有郡故城縣有漢水東出侯計山其水清澈冬溫夏冷西流謂之肥州川之北石

盧塘塘池八頃其深不測有大魚常至五月輒一

奮躍水湧數丈波襄四陸細魚奔途隨水登岸不可勝計又云大魚將欲鼓作諸魚皆浮聚水側往

當作注

西北逕蔡洲洲西即蔡倫故宅傍有蔡子池

倫漢黃門郎順帝之世擣故魚網為紙用代簡素

自其始也

盛弘之荊州記云棗陽縣百許步蔡倫宅其中具存其傍有池名蔡子池倫漢

順帝時人始以魚網造紙縣人今猶多能作紙蓋倫之遺業也東觀漢記云黃門蔡倫作尚方作紙所謂蔡侯紙是也

又北過鄴縣東

縣有鄴湖湖中有洲洲上民居彼人資以給釀酒

甚醇美謂之鄴酒歲常貢之湖邊尚有鄴縣故治
此西北去臨承縣一十五里從省隸十三州志曰
大別水南出耒陽縣太山北至鄴縣入湖也
北入于湘

耒水西北至臨承縣而右注湘水謂之耒口也
沘水出茶陵縣上鄉西北過其縣西

水出江州安城郡廣興縣太平山西北流逕茶陵
縣之南漢武帝元朔四年封長沙定王子節侯訢
之邑也王莽更名聲鄉矣沘水又屈而過其縣西
北流注也地理志謂之泥水者也

又西北過攸縣南

攸水出東南安城郡安復縣封侯山西北流逕其
縣北縣北帶攸溪蓋卽溪以名縣也漢武帝元朔
四年封長沙定王子則爲攸輿侯卽地理志所謂
攸縣者也攸水又西南流入茶陵縣入于沘水也
又西北過陰山縣南

縣本陽山縣也縣東北猶有陽山故墟卽長沙孝
王子宗之邑也言其勢王故壑山壙谷改曰陰山
縣縣上有容水自侯曇山下注沘水謂之容口沘
水又西北逕其縣東又西逕歷口縣有歷水水有

大穴容一百石出於此水因以名曰容水下注

沫水謂之歷口沫水又西北與洋湖水會水出縣

西北樂藪置不作孫云當作岡下洋湖湖去置七里湖水下

注沫謂之洋湖口沫水東北有峨山縣東北又有

武陽龍尾山並僊者羽化之處上有僊人及龍馬

跡於其處得遺咏雖神栖白雲屬想芳流藉念泉

鄉遺味在茲覽其餘誦依然息遠匪直邈想震蹤

愛其文咏可念故端牘抽札以詮其咏其略曰登

武陽觀樂藪峨嶺千蕤洋湖口命蜚螭駕白駒臨

天水心跡躡千載後不知如蓋勝賞神鄉秀情超

拔矣

又西北入于湘

漉水出醴陵縣東漉山西過其縣南

醴陵縣高后四年封長沙相侯越為國縣南臨淶

水水東出安城鄉翁陵山余謂漉淶相近後人藉

便以淶為稱雖翁陵名異而即麓是同

屈從縣西西北流至漉浦注入于湘

瀏水出臨湘縣東南瀏陽縣西北過其縣東北與滂

溪水合

瀏水出縣東江州豫章縣首禪山導源西北流逕

其縣南縣平宋本作馮溪以卽名也又西北注于臨湘

縣也

西入于湘

澗水出豫章艾縣

春秋左氏傳曰吳公子慶忌諫夫差不納居于艾

是也王莽更名治翰

西過長沙羅縣西

羅子自枝江徙此世猶謂之為羅侯澗水又西流

積而為陂謂之町湖也

又西累石山入于湘水

累石山在北亦謂之五木山山方尖如五木狀故

俗人藉以名之

五木者樗蒲之戲也李翱五木經云樗蒲五木玄白判厥二作雉背

雉作牛注云樗蒲古戲其投有五以木為之故呼五木晉書云劉毅於東府聚樗蒲一擲應至數百

萬餘劉裕按五木久之四子俱黑其一子轉躍未定裕厲聲叱之卽成盧山在羅口北

澗水又在羅水南流注于湘謂之東町口者也

贛水出豫章南野縣西北過贛縣東

山海經曰贛水出聶都山東北流注于江入彭澤

西也班固稱南野縣彭水所發東入湖漢水庾仲

初謂大庾嶠水北入豫章注于江者也地理志曰

豫章水出贛縣西南而北入江蓋控引衆流總成

一川雖稱謂有殊言歸一水矣故後漢郡國志曰

贛有豫章水雷次宗云似因此水為其地名雖十

川均流而此源最遠故獨受名焉按雷次宗豫章

此源最遠所謂十川者贛廬牽淦時謂餘鄱僚循

為十也此源謂贛水也凡水俱入于贛水諸本作

北源劉澄之曰縣東南有章水西有貢水西是為

謬也縣治二水之間二水合贛字因以名縣焉劉

氏專以字說水而不知遠失其水實矣豫章水導

源東北流逕南野縣北贛川石阻水急行難傾波

委注六十餘里逕贛縣東縣即南康郡治晉太康

五年分廬江立豫章水右會湖漢水水出雩都縣

導源西北流逕金雞石其石孤竦臨水者老云時

見金雞出于石上故石取名焉湖漢水又西北逕

贛縣東西入豫章水也

又西北過廬陵縣西

廬陵縣即王莽之桓亭也十三州志曰稱廬水西

出長沙安復縣安復當作安成漢地志長沙安成

縣有廬水東至廬陵入湖漢莽曰

用武帝元光六年封長沙定王子劉蒼為侯國即

王莽之用成也吳寶鼎中立以為安城郡東至廬

陵入湖漢水也

漢和帝永平九年分廬陵立漢獻帝初平一作二

年吳長沙桓王立廬陵郡治此豫章水又逕其郡

南城中有井其水色半清半黃黃者如灰汁取作

飲粥悉皆金色而甚芬香異物志云廬陵城中有

半黃黃者灰汁取作糜粥皆作金色土人名灰汁為金因名為金井

又東北過漢平縣南又東北過新淦縣西

牽水西逕宋本宜春縣漢武帝元光六年封長沙

定王子劉成為侯國王莽之循曉也牽水又東逕

吳平縣舊漢平也晉太康元年改為吳平矣牽水

又東逕新淦縣即王莽之偶亭而注于豫章水湖

漢及贛通稱也又淦水出其縣下注于贛水孫

漢志豫章郡新淦縣注應劭曰淦水所出西入湖漢

又北過南昌縣西

盱水出南宮縣西北流逕南昌縣南西注贛水又

有濁水注之孫云南宮當作南城按漢志南城縣

縣注云蜀水東至南昌入湖漢水出康樂縣故陽樂也濁水又東

逕望蔡縣縣因汝南上蔡民萍居此土晉太康元

年改為望蔡縣濁水又東逕建成縣漢武帝元光

四年封長沙定王子劉拾為侯國王莽更名之曰

多聚也縣出然石異物志曰石色黃白而理疎以

水灌之便熱以鼎著其上炊足以熟置之則冷灌之則熱如此無窮元康中雷孔章入洛賁石以示張公張公曰此謂然石於是乃知其名濁水又東至南昌縣東流入于贛水贛水又歷白社西有徐孺子墓吳嘉禾中太守長沙徐熙於墓隧種松太守南陽謝景於墓側立碑永安中太守梁郡夏侯嵩於碑傍立思賢亭松大合抱亭世修治至今謂之聘君亭也贛水又北歷南塘塘之東有孺子宅際湖南小洲上孺子名稚南昌人高尚不仕太尉黃瓊辟不就桓帝問尚書令陳蕃徐稚袁閔誰爲

先後蕃荅稱袁生公族不鏤自雕至於徐稚傑出薄域故宜爲先桓帝備禮徵之不至

後漢書桓帝問陳蕃曰徐

稚袁閔韋著孰爲後先蕃對曰閔生出公族聞道漸訓著長於三輔禮義之俗所謂不扶自植不鏤自雕至於稚者爰自江南卑薄之域而角立傑出宜當爲先

太原郭林宗有母

憂稚往弔之置生芻於廬前而去衆不知其故林

宗曰必孺子也詩云生芻一束其人如玉吾無德

以堪之年七十二卒贛水又逕谷鹿州舊作大編

處

北堂書鈔云豫章城西南有舸舫洲去度支步可二里是呂蒙作舸鹿大編處埒按此谷鹿洲

舸舫洲也音鈞鹿贛水又北逕南昌縣城西於

春秋屬楚卽令尹子蕩師于豫章者也秦以爲廬

江南部漢高祖六年始命灌嬰以爲豫章郡治此
卽灌嬰所築也王莽更名縣曰宜善郡曰九江焉
劉歆云湖漢等九水入彭蠡故言九江矣陳蕃爲
太守署徐稚爲功曹蕃在郡不接賓客唯稚來特
設一榻去則懸之此卽懸榻處也建安中更名西
安晉又名爲豫章城之南門曰松陽門門內有樟
樹高七丈五尺大二十五圍枝葉扶疎垂蔭數畝
應劭漢官儀曰豫章郡樹在庭中故以名郡矣此
樹嘗中枯逮晉永嘉中一旦更茂豐蔚如初咸以
爲中宗之祥也禮丰威儀曰君政訟平豫章常爲

生太興中元皇果興大業於南故郭景純南郊賦
云弊樟擢秀於祖邑是也以宣王祖爲豫章故也

晉書宣帝曾祖量字公度官豫章太守 贛水北出際西北歷度支步

是晉度支校尉立府處步卽水渚也贛水又逕郡
北爲津步步有故守賈萌廟萌與安侯張普爭地

爲普所害卽日靈見津渚故民爲立廟焉 太平御覽引安

成記云賈萌爲豫章太守與安侯張普爭境戰于新茨之野爲普所害謝承漢書云賈萌爲豫章太守王莽篡漢舉兵誅莽不克而死 水之西岍有盤石謂之石頭津

步之處也西行二十里曰散原山 此作散原山而水經注二十七

卷內有云勢同厭原風雨 壘嶂四周杳邃有趣晉

隆安末沙門竺曇顯建精舍於山南僧徒自遠而

至者相繼焉西北五六里有洪井飛流懸注其深

無底舊說洪崖先生之井也北五六里有風雨池

言山高瀨激激著樹木樹木宋本無此二字霏散遠灑若

雨御覽引豫章記云去洪井六七里有風雨池山橋小出激著樹木星散遠灑如風雨焉西

有鸞岡洪崖先生乘鸞所憩泊也岡西有鵠嶺云

王子喬控鶴所逕過也有二崖孫云當作二峰號曰大蕭

小蕭言蕭史所遊萃處也雷次宗云此乃繫風捕

影之論據實本所未辯聊記竒聞以廣井魚之聽

矣又按謝莊詩莊常遊豫章觀井賦詩言鸞岡四

周有水謂之鸞陂似非虛論矣謝莊豫章洪崖井詩云幽願平生積

野好歲月彌拾簪神區外整褐靈鄉垂林遠炎天隔山深白日虧遊陰騰鵠嶺飛清起鳳池隱曖松

霞被容與澗煙移將遂丘中性結駕終在斯東太湖十里二百二十六

步北與城齊南緣迴折至南塘水通大江增減與

江水同漢永元中太守張躬築塘以通南路兼遏

此水冬夏不增減水至清深魚甚肥美每於夏月

江水溢塘而過居民多被水害至宋景平元年太

守蔡君西起隄開塘為水門水盛則閉之內多則

洩之自是居民少患矣贛水又東北逕王步步側

有城云是孫奮為齊王鎮此城之渚吳志孫奮字子揚權仲姬

之子也太元二年立為齊王居武昌權薨諸葛恪秉政徙奮豫章後以殺傳相謝慈等坐廢為庶人太平二年封章安侯孫皓時被誅今謂之王步蓋齊王之渚步也

郡東南二十餘里又有一城號曰齊王城築道相

通蓋其離宮也贛水又北逕南昌左尉廨西漢成

帝時九江梅福為南昌尉居此後福一旦捨妻子

去九江傳云得僊贛水又北逕龍沙西沙甚潔白

高峻而陔有龍形北堂書鈔引豫章記云龍沙郡北帶江沙甚潔白高峻而陂有

龍形連亘五里中舊俗九月九日升高處也昔有人

於此沙得故冢刻塼題云西去江七里半筮言其

吉卜言其凶而今此冢垂沒於水所謂筮短龜長

也左傳晉獻公欲以驪姬為夫人卜之不吉筮之吉公曰從筮卜人曰筮短龜長不如從長弗聽

立之生奚齊及卓子贛水又逕椒丘城下建安四年孫策所

築也雷次宗豫章記云建安四年孫策破劉勲於潯陽欲謀取豫章太守華歆於郡下流一百

四十里臨江築椒丘城以備之贛水又歷釣圻邸閣下度交校尉

治太尉陶侃移置此也舊夏月邸閣前洲沒去浦

遠景平元年校尉豫章因運出之力於渚次聚石

為洲長六十餘丈洲裏可容數十舫贛水又北逕

鄒陽縣王莽之豫章縣也餘水注之水東出餘汗

縣王莽名之曰治干也餘水北至鄒陽縣注贛水

贛水又與鄱水合水出鄱陽縣東西逕其縣南武

水

水

水

水

陽鄉也地有黃金可采王莽改曰鄉亭孫權以建安十五年分爲鄱陽郡水又西流注于贛又有僚水入焉其水導源建昌縣漢元帝永光二年分海昏立僚水東逕新吳縣漢中平中立僚水又逕海昏縣王莽更名宜生謂之上僚水又謂之海昏江分爲二水縣東津上有亭爲濟渡之要其水東北逕昌邑而東出豫章大江謂之慨口雷次宗豫章記昌邑城東昔漢昌邑王之封海昏也乘流東望輒憤慨而還世因名焉其一水枝分八于循水也

又北過彭澤縣西

循水出艾縣而東北逕豫章寧縣故西安也

漢地理志

豫章艾縣有倫水東北入湖此注作循誤也

晉太康元年更從今名循

水又逕

疑行

東北逕永循縣漢靈帝中平二年立循

水又東北注贛水其水總納十川同漆

宋本一作漆

瀆

俱注于彭蠡也

北入于江

大江南贛水總納洪流東西四十里而清潭遠漲綠波凝淨而會注于江川

廬江水出三天子都北過彭澤縣西北入于江

山海經三天子都一曰天子鄣王彪之廬山賦敘
 曰廬山彭澤之山也雖非五嶽之數穹窿嵯峨實
 峻極之名山也孫放廬山賦曰尋陽郡南有廬山
 九江之鎮也臨彭蠡之澤按宋本平敞之原山圖
 曰山四方周四百餘里疊鄣之巖萬仞懷靈抱異
 苞諸僊迹豫章舊志曰廬俗字君孝本性匡父東
 野王共鄱陽令吳芮佐漢定天下而亡漢封俗於
 鄒陽曰越廬君俗兄弟七人皆好道術遂寓精於
 洞庭之山故世謂之廬山漢武帝南巡觀山以為
 神靈封俗大明公御覽引此注云遂寓精爽於宮
庭之山漢武帝南巡此山親觀

神靈封俗大明公

遠法師廬山記曰殷周之際匡俗先生

奚道僊人共遊此山時人謂其所止為神僊之廬

因以名山矣又按周景式曰廬山匡俗字子孝本

東里子出周武王時生而神靈屢逃徵聘廬於此

山時人敬事之俗後僊化空廬猶存弟子覩室悲

哀哭之旦暮同烏號世稱廬君故山取號焉斯耳

傳之談非實證也故豫章記以廬為姓因廬以氏

周氏遠師或託廬墓為辭假憑廬以託稱憑廬似

憑廬本二證既違三情互爽按山海經創志大禹

記錄遠矣故海內東經曰廬江出三天子都入江

彭澤西是曰廬江之名山水相依互舉殊稱明不
因匡俗始正是好事君子強引此類用成章句耳
又按張華博物志曹著傳其神自云姓徐受封廬
山後吳猛經過山神迎猛猛語曰君王此山近六
百年符命已盡不宜久居非據猛又贈詩云仰矚
列僊館俯察王神宅曠載暢幽懷傾蓋付三益此
乃神道之事亦有換轉理難詳矣吳猛隱山得道
者也尋陽記曰廬山上有三石梁長數十丈廣不
盈尺杳然無底吳猛將弟子登山過此梁見一翁
坐桂樹下以玉杯承甘露漿與猛又至一處見數

人爲猛設玉膏猛弟子竊一寶欲以來示世人梁
卽化如指猛使送寶還手牽弟子令閉眼相引而
過其山川明淨風澤清曠氣爽節和土沃民逸嘉
遜之士繼響窟窟巖龍潛鳳采之賢往者忘歸矣秦
始皇漢武帝及太史公司馬遷咸升其巖望九江
而眺鍾彭焉廬山之北有石門水水出嶺端有雙
石高竦其狀若門因有石門之目焉水導雙石之
中懸流飛瀑御覽引此注作懸流飛瀑近三百許步下散漫千
數步上望之連天若曳飛練於霄中矣下有磐石
可坐數十人冠軍將軍劉敬宣每登陟焉其水歷

澗逕龍泉精舍南太元中沙門釋慧遠所建也其

水下入江南嶺卽彭蠡澤西天子鄣也峰磴險峻

人跡罕及晉廬山諸道人遊石門詩序云石門在精舍南十餘里一名障山基連大嶺體

絕衆阜關三泉之會並立而開流傾岩玄暎其上蒙形表於自然故因以爲名此雖廬山之一隅實斯地之奇觀皆傳之於舊俗而未覩者衆將由懸瀨險峻人獸迹絕逕迴曲阜路阻行艱故罕經焉

嶺南有大道順山而下有若畫焉傳云匡先生所

遊舊本至江道巖上有宮殿故基者三以次而上

最上者極於山峰山下又有神廟號曰宮亭廟故

彭湖亦有宮亭之稱焉余按爾雅云大山曰宮宮

之爲名蓋起於此不必一由三宮也山廟甚神能

分風擘流住舟遣使行旅之人過必敬祀而後得

去故曹毗詠云分風爲貳擘流爲兩昔吳郡太守

張公直自守徵還道由廬山子女觀祠婢指女戲

妃像人其妻夜夢致聘怖而遽發明引中流而舩

不行合舩驚懼曰愛一女而合門受禍也公直不

忍遂令妻下女於江其妻布席水上以其亾兄女

代之而舩得進公直方知兄女怒妻曰吾何面於

當世也復下已女於水中將渡逕見二女於岸側

傍有一吏立曰吾廬君主簿敬君之義悉還二女

故于寶書之於感應焉山東有石鏡照水之所出

照水未詳

有一圓石懸崖明淨照見人形晨光初曜則

延曜入石豪細必察故名石鏡焉又有二泉常懸

注若白雲帶山廬山記曰白水在黃龍南卽瀑布

也水出山後

宋本作山腹

桂流三四百丈飛湍林表望

若懸素注處悉巨井其深不測其水下入江淵廬

山之南有上霄石高壁緬然與霄漢連接秦始皇

三十六年嘆斯嶽遠遂記爲上霄焉上霄之南大

禹刻石誌其丈尺里數今猶得刻石之號焉湖中

有落星石周廻百餘步高五丈上生竹木傳曰有

星墜此因以名焉又有孤石介立大湖中周廻一

里竦立百丈轟然高峻特爲瓌異上生林木而飛

禽罕集言其上有玉膏可采所未詳也耆舊云昔

禹治洪水至此刻石紀功或言秦始皇所勒然歲

月已久莫能辨之也

水經注箋卷第四十

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

漸江水 斤江水

漸江水出三天子都

山海經謂之浙江也地理志云水出丹陽黟縣南

蠻中北逕其縣山海經云浙江出三天子都在其東漢地理志丹陽黟縣注云漸

江水出南蠻夷中東入海而郭景純注山海經云浙江出新安黟縣南蠻中東入海今錢唐浙江是

也黟即南有博山山上有石特起十丈上峯若劔

杪時有靈鼓潛發官長舊本作正長臨縣以山鼓為候

一鳴官長一年若長雷發聲則官長不及當作浙不反

江又北歷黠山縣居山之陽故縣氏之漢成帝鴻

嘉二年以為廣德國封孫雲客王於此前漢書成帝紀曰鴻

嘉二年六月立中山憲王孫雲客為廣德王晉太康中以為廣德縣分

隸宣城郡會稽陳業潔身清行遯跡此山孔暉會稽志云

陳業上虞人為會稽太守潔身清行志懷霜雪貞亮之信同操柳下遭漢中微委官棄祿遁跡黠歛

以求其志高遜妙蹤天下所聞浙江又北逕歛縣東與一小谿合

水出縣東北翁山西逕故城南又西南入浙江又

東逕遂安縣南谿廣二百步上立杭以相通水甚

清深潭不掩鱗故名新安分歛縣立之晉太康中

又改從今名浙江又左合絕谿谿水出始新縣西

東逕縣故城南為東西長谿谿有四十七瀨濬流

驚急奔波聒天孫權使賀齊討黠歛山賊賊固繫

之林歷山山甚峻絕又工禁五兵齊以鐵棧椽山

升出不意人以白楛擊之氣禁不行遂用奇功平

賊吳志云賀齊為威武中郎將討丹陽黠歛諸賊賊屯林歷山四面壁立數十丈徑路危狹不容

刀楯齊陰募輕捷士為作鐵棧密於隱險賊所不

備處以戈拓斬山為緣道夜令潛上百數人四面

流布鳴鼓角齊勒兵待之賊謂大軍悉已得上驚

懼走遂大破之○抱朴子云賀將軍討山賊賊中

有善禁者每交戰刀劍不得拔弓弩還自回賀曰吾聞金有刃者可禁蟲有毒者可禁不能禁無刃

物矣乃多作勁木白楮選有力者五千於是立始
人先登捉楮擊賊賊不知備所殺萬計於是立始
新之尉宋本作尉於歙之華鄉令齊守之後移出新

亭晉太康元年改曰新安郡谿水東注浙江浙江

又東北逕建德縣南縣北有烏山山下有廟廟在

縣東七里廟渚有大石高十丈孫云當作一丈五尺宋本作十

圍水瀨濬激而能致雲雨浙江又東逕壽昌縣南

自建德至此八十里中有十二瀨瀨皆峻嶮行旅

所難縣南有孝子夏先墓先少喪二親負土成墓

數年不勝卒浙江水又北逕新城縣桐谿注之水

出吳興郡於潛縣北天目山山極高峻崖嶺竦疊

西臨後澗山上有霜木皆是數百年樹謂之翔鳳

林東面有瀑布下注數畝深沼名曰蛟龍池池水

南流逕縣西為縣之西谿谿水又東南與紫谿合

水出縣西百丈山即潛山也山水東南流各為紫

谿中道挾水有紫色磐石石長百餘丈望之如朝

霞又名此水為赤瀨蓋以倒影在水故也紫谿又

東南流逕白山之陰山甚峻極北臨紫谿又東南

連山挾水兩峯交峙及項對石往往相捍十餘里

中積石磊砢相挾而上澗下白沙細石狀若霜雪

水木相映泉石爭輝名曰樓林紫谿東南流逕桐

廬縣東為桐谿孫權藉谿之名以為縣目割富春之地立桐廬縣自縣至於潛凡十有六瀨第二是嚴陵瀨瀨帶山山下有石室漢光武帝時嚴子陵之所居也故山及瀨皆即人姓名之山下有盤石周迴十數丈交枕潭際蓋陵所游也桐廬谿又東北逕新城縣入浙江縣故富春也孫權省并桐廬咸和元年復立為縣浙江又東北入富陽縣故富春也晉后名春改曰富陽也晉書宣穆張皇后諱諱春字口陽而春秋曰東今為湖浦浙江又東北陽秋富春日富陽也王莽之誅歲也江南有山孫武

皇之先所葬也漢末墓上有光如雲氣屬天黃武四年孫權以富春為東安郡分置諸縣以討士宗吳志云黃武五年秋分三郡惡地十縣置東安郡治富春以全琮為太守平討山越又全琮傳云是時丹陽吳會山民復為寇賊攻沒屬縣權分三郡險地為東安郡琮領太守招誘降附數年中得萬餘人此云以討士宗疑是字誤浙江又東北逕亭山西山上有孫權父冢

北過餘杭東入于海

浙江逕縣左合餘干孫云疑作餘杭大谿江北即臨安縣

界水北對郭文宅宅傍山面谿宅東有郭文墓晉建武元年驃騎王導迎文置之西園文逃此而終

臨安令改葬之

晉書郭文宇文舉河內軹人少愛山水尚嘉遯鹿裘表葛巾區種菽麥

採竹葉木實買鹽以自供王導聞其名迎置西園七年未嘗出入一旦逃歸臨安後以病卒

武十六年縣民郎雅亂賀齊討之孫權分餘杭立

臨水縣晉改曰臨安縣因岡為城南門允高謝安

蒞郡遊縣逕此門以為難為亭長浙江又東逕餘

杭故縣南新縣北秦始皇南遊會稽途出是地因

立為縣王莽之進睦也漢末陳渾移築南城縣後

谿南大塘即渾立以防水也縣南有三碑是顧颺

范甯等碑縣南有大壁山孫云疑作大滌山郭文自陸渾

遷居也浙江又東逕烏傷縣北王莽改曰烏孝郡

國志謂之烏傷異苑曰東陽顏烏以淳孝著聞後

有羣烏銜鼓集顏烏所居之邨烏口皆傷一境以

為顏烏至孝故致慈烏欲令孝聲遠聞又名其縣

曰烏傷矣異苑云羣烏銜鼓集顏所居村烏口皆

鼓之故令襲者遠聞即於鼓處立縣名浙江又東

為烏傷王莽改為烏孝以章其行迹云北流至錢塘縣穀水入焉水源西出太末縣縣是

越之西部姑蔑之地也秦以為縣王莽之末治也

吳寶鼎中分會稽立東陽郡穀水東逕獨松故塚

下塚為水毀其塼文筮言吉龜言凶百年墮水中

今則同龜繇矣穀水又東逕長山縣南與永康水

合縣西宋本東陽郡治也縣漢獻帝分烏傷立郡

吳寶鼎中分會稽置城君當作居山之陽或謂之長

仙縣也言赤松采藥此山因而居之故以為名後

傳呼乖謬字亦因改谿水南出永康縣縣赤烏中

分烏傷上浦立劉敬叔異苑曰孫權時永康縣有

人入山遇一大龜即束之以歸龜便言曰游不量

時為君所得擔者怪之載出欲上吳王夜宿越里

纜船於大桑樹宵中樹忽呼龜曰元緒奚事爾也

龜曰行不擇日今方見烹雖盡南山之樵不能潰

我樹曰諸葛元遜識性淵長必致相困令求如我

之徒計將安泊龜曰子明無多辭既至建業權將

煮之燒柴萬車龜猶如故諸葛恪曰然以老桑乃

熟獻人仍說龜言權使伐桑取煮之即爛故野人

呼龜曰元緒其水飛湍北注至縣南門入穀水穀

水又東定陽谿水注之上承信安縣之蘇姥布縣

本新安縣晉武帝太康三年改曰信安水懸百餘

丈瀨勢飛注狀如瀑布瀨邊有如石牀牀上有石

牒長三尺許有似雜采帖也東陽記云信安縣有

懸室坂晉中朝時有民王質伐木至石室中見童

子四人彈琴而歌質因留倚柯聽之童子以一物

如棗核與質質舍之便不復饑俄頃童子曰其歸承聲而去斧柯漼然爛盡既歸質去家已數十年親情凋落無復向時比矣其水分納衆流混波東逝逕定陽縣夾岍緣谿悉生支竹及芳枳木連雜以霜菊金橙白沙細石狀如凝雪石溜湍波浮響無輟山水之趣尤深人情縣漢獻帝分信安立谿亦取名焉谿水又連逕長山縣北北對高山山下水際是赤松羽化之處也炎帝少女追之亦俱絕矣後人立廟於山下列仙傳云赤松子神農時雨師也服水玉以教神農能入火自燒常止西王母石室中隨風雨谿水又東入

炎帝少女追之亦得仙俱去

于穀水又東逕烏傷縣之雲黃山山下臨谿水水際石壁傑立高一百許丈又與吳寧谿水合水出

吳寧縣下逕烏傷縣入穀謂之烏傷谿水閩中有

徐登者女子化為丈夫與東陽趙昞並善越方孫

越方卽封禪書所謂越巫越祝者也時遭兵亂相遇於谿各示所能

登先禁谿水為不流昞次禁枯柳柳為生莢二人

相示而笑登年長昞師事之後登身故昞東入章

安百姓未知昞乃升茅屋支鼎舊本作梧鼎而爨主人

驚怪昞笑而不應屋亦不損又嘗臨水求渡船人

不許昞乃張蓋坐中長嘯呼風亂流而濟於是百

姓神服從者如歸章安令惡而殺之民立祠於永寧而蚊蚋不能入晒秉道懷術而不能全身避害事同萇弘宋元之龜左傳定三年諸侯城成周三齊高張皆將不免萇叔違天高子違人天之所懷不可支也家之所為不可好也哀三年萇弘事劉文公趙鞅以為討六月周人殺萇弘韓非子云關龍逢斬萇弘分施尹子奔於棘莊子云萇弘死於蜀裁其血三年而化為碧史記宋元王得神龜衛平請剝之以為大寶詳龜策傳厄運之來故難救矣穀水又東入錢塘縣而左入浙江故地理志曰穀水自太末東北至錢塘入浙江是也浙江又東逕靈隱山山在四山之中有高崖洞穴左右有石室三所又有孤石壁立大三十圍其上

開散狀似蓮花昔有道士長往不歸或因以稽留為山號山下有錢塘故縣浙江逕其南王莽更名之曰泉亭地理志曰會稽西部都尉治錢塘記曰防海大塘在縣東一里許郡議曹華信家議立此塘以防海水始開幕有能致一斛土者即與錢一千旬月之間來者雲集塘未成而不復取於是載土石者皆棄而去塘以之成故改名錢塘焉縣南江側有明聖湖父老傳言湖有金牛古見之神化不澗湖取名焉縣有武林山武林水所出也闕駟云山出錢水東入海吳地記言縣唯浙江今無此

水縣東有定已

孫云已疑作包

諸山皆西臨浙江水流於

兩山之間江川急濬兼濤水晝夜再來來應時刻

常以月晦及望尤大至二月八月最高峨峨二丈

有餘吳越春秋以為子胥文種之神也昔子胥死

於吳而浮尸於江吳人憐之立祠於江上名曰胥

山吳錄曰胥山在太湖邊去江不百里故曰江上

文種城於越而伏劍於山陰越人哀之葬於重山

文種既葬一爭子胥從海上負種俱去游夫江海

故潮水之前揚波者伍子胥後重水者大夫種是

以枚乘曰濤無記焉然海水上潮江水逾流似神

而莽亦云處焉秦始皇三十七年將遊會稽至錢

塘臨浙江所不能渡故道餘杭之西津也

史記秦始皇

過丹陽至錢塘臨浙江水波惡乃西百二十里從狹中渡上會稽

浙江北合詔息

湖湖本名乍湖因秦始皇帝巡狩所憩故有詔息

之名也浙江又東合臨平湖異苑曰晉武時吳郡

臨平坼崩出一石鼓打之無聲以問張華華曰可

取蜀中桐材刻作魚形扣之則鳴矣於是如言聲

聞數十里劉道民詩曰事有遠而合蜀桐鳴吳石

傳言此湖草穢壅塞天下亂是湖開天下平孫皓

天璽元年吳郡上言臨平湖自漢末穢塞今更開

通又於湖邊得石函函中有小石青白色長四寸
廣二寸餘刻作皇帝字於是改天冊爲天璽元年
孫盛以爲元皇中興之符徵五湖之石瑞也錢塘
記曰桓玄之難湖水色赤熒熒如丹湖水上通浦
陽江下注浙江名曰東江行旅所從以出浙江也
又逕會稽山陰縣有苦竹里里有舊城言勾踐封
范蠡子之邑也浙江又東與蘭谿合湖南有天柱
山湖口有亭號曰蘭亭亦曰蘭上里太守王羲之
謝安兄弟數往造焉吳郡太守謝勗封蘭亭侯蓋
取此亭以爲封號也太守王廙之移亭在水中晉

司空何無忌之臨郡也起亭於山椒極高盡眺矣

亭宇雖壞基陞尚存浙江又逕

脫一
越字

王允常冢北

冢在木客村者彥云勾踐使工人伐榮楯欲以獻
吳久不得歸工人憂思作木客吟後人因以各地
勾踐都琅琊欲移允常冢冢中生分風飛沙射人
人不得近勾踐謂不欲遂止浙江又東北得長湖
口湖廣五里東西百三十里泂湖開水門六十九
所下溉田萬頃北瀉長江湖南有覆斗山周五百
里北連鼓吹山山西枕長谿谿水下注長湖山之
西嶺有賀臺越入吳還而成之故號曰賀臺吳又

有秦望山在州城正南為衆峯之傑陟境便見史
記云秦始皇登之以望南海自平地以取山頂七
里懸磴孤危徑路險絕記云拔蘿捫葛然後能升
山上無高木當由地迥多風所致山南有巉峴峴
裏有大城越王無餘之舊都也故吳越春秋云勾
踐語范蠡曰先君無餘國在南山之陽社稷宗廟
在湖之南又有會稽之山古防山也亦謂之為茅
山又曰棟山越絕云棟猶鎮也蓋周禮所謂揚州
之鎮矣山形四方上多金玉下多玦石山海經曰
夕水出焉南流注于湖南山經云會稽之山四方
其上多金玉其下多玦石

勺水出焉南流注于吳

吳越春秋稱覆釜山之中有金簡玉

字之書黃帝之遺識也山下有禹廟廟有聖姑像

禮樂緯云禹治水旱天賜神女聖姑即其像也山

上有禹冢昔大禹即位十年東巡狩崩于會稽因

而葬之有鳥來為之耘春拔艸根秋啄其穢是以

懸宮禁民不得妄害此鳥犯則刑無赦山東有礪

去廟七里深不見底謂之禹井云東遊者多探其

穴也秦始皇登稽山刻石紀功尚存山側孫暢之

述征書云丞相李斯所篆也又有石山石形似

引此作石賈山上有金簡玉字之書言衍夏禹發

石形似賈云云

之得百川之理也。又有射的山，遠望山的狀若射。
射故為射的，射的之西有石室，名之為射堂。年登
不常，占射的以為貴賤之準。明則米賤，闇則
米貴。故諺云：射的白斛米，百射的玄斛米。北有
石峴山，山東北有孤石，高二十餘丈，廣八丈，望之
如帆。因以為名。北臨大湖水，深不測，傳與海通。何
次道作郡，常於此水中得烏賊魚。南對精廬，上蔭
修水。當作下瞰寒泉，西連稽山，皆一山也。東帶若
邪谿，吳越春秋所謂歐冶錕孫云疑以成五劍。然
水上承嵯峴麻谿，谿之下孤潭，周數畝，甚清。

孤石臨潭，垂崖俯視，援狹驚心，寒水被潭，森沈駭
觀。上有一櫟樹，謝靈運與從弟惠連常游之。作連
句題刻樹側。麻潭下注若邪谿，水至清，照衆山倒
影，窺之如畫。漢世劉寵作郡，有政績，將解任去，治
父老人持百錢出送，寵各受一文。然山栖遯逸之
士，谷隱不羈之民，有道則見物以感，遠為貴，荷泉
致意，故受者以一錢為榮，豈藉費也。義重故耳。谿
水下注大湖，邪谿之東又有寒谿，谿之北有鄭公
泉，泉方數丈，冬溫夏涼。漢太尉鄭弘宿居潭側，因
以名泉。弘少以苦節自居，恒躬采伐，用貿糧膳。每

出入谿津常感神風送之雖憑舟自運無杖楫之勞邨人貪藉風勢常依隨往還有淹留者徒輩相謂汝不欲及鄭風邪其感致如此湖水自東亦注江通海水側有白鹿山山北湖塘上舊有亭吳黃門郎吳哀明居於弘訓里太守張景數往造焉使開瀆作埭埭之西作亭亭埭皆以楊為名孫恩作賊從海來揚亭被燒後復修立厥名猶在東有銅牛山山有銅穴三十許丈穴中有大樹神廟山上有治官山北湖下有練塘里吳越春秋云勾踐鍊治銅錫之處采炭於南山故其間有炭瀆勾踐臣

吳王封勾踐於越百里之地東至炭瀆是也縣南

九里有侯山山孤立長湖中晉車騎將軍孔敬康

少時遯世栖迹此山孔躡會稽志云孔愉字敬康會稽山陰人累官尚書左僕

射以論議守正為王導所徵出為會稽內史在郡三年乃營山陰湖南侯山下數畝地為宅草屋數

間便棄官居之湖北有三小山謂之鹿野山在縣南六里

按吳越春秋越之麋苑也山有石室言越王所游

息處矣縣湖北有陳音山楚之善射者曰陳音越

王問以射道又善其說乃使簡士習射北郊之外

吳越春秋范蠡進善射者陳音楚人也王曰善子之道願子悉以教吾國人音曰道出於天事在於人人之所習無有不神乃使音教士習射北郊之外三月軍士皆能用弓弩之巧按吳越

春秋音死葬於國西山上。今陳音山乃在國南五里。湖北有射堂及諸邸舍連衍相屬。又於湖中築塘直指南山。北即大越之國。秦改爲山陰縣。會稽郡治也。太史公曰：禹會諸侯計於此，命曰會稽者，會計也。始以山名，因爲地號。夏后少康封少子杼以奉禹祠爲越。世歷殷周，至於允常，列於春秋。允常卒，勾踐稱王都於會稽。吳越春秋所謂越王都，埤中在諸暨北界山陰康樂里有地名邑中者，是越事吳處。故北其門以東爲右，西爲左。故雙闕在北門外，闕北百步有雷門，門樓兩層。勾踐所造時。

有越之舊木矣。州郡館宇屋之大瓦亦多是越時。故物勾踐霸世徙都瑯邪，後爲楚伐始還浙東。城東郭外有靈汜，下水甚深，舊傳下有地道通於震澤。又有勾踐所立宗廟在城東明里中。其滂南又有玉笥竹林、雲門天柱、精舍並疏山、剡基、架林、栽宇、澗、延流、盡泉、石之好，水流逕通浙江。又北逕山陰縣西，西門外百餘步有怪山，本瑯琊郡之東武。縣山也，飛來徙此，壓殺數百家。吳越春秋稱怪山者，康武當作東武海中山也。一名自來山，百姓怪之，號曰怪山。亦云越王無疆爲楚所伐去瑯琊山東武。

人隨居山下遠望此山其形似龜故亦有龜山之

稱也越起靈臺於山上又作三層樓以望雲物絕

書云龜山高四十六丈五尺三寸周五百三十二

步今東武里一曰怪山往古此山一夜自來民怪

之故謂之怪山一云勾踐起怪游川土明秀亦為

勝地故王逸少云從山陰道上猶如鏡中行也浙

江之上又有大吳王小吳王邨並是闔閭夫差伐

越所舍處也今悉民居然猶存故曰昔越王為吳

所敗以五千餘眾栖于稽山卑身待士施必及下

呂氏春秋曰越王之栖於會稽也有酒投江民飲

其流而戰氣自倍所投即浙江也許慎晉灼並言

江水至山陰為浙江江之西岸有朱室堤宋本

踐百里之封西至朱室為此也吳越春秋云勾踐

吳封地百里於越東至炭瀆西止周宗南浙江又

造於山北薄於海此注作朱室所未詳也東北逕重山西大夫文種之所葬也山上有白樓

亭亭本山下縣令殷朗移置今處沛國桓儼避地

會稽聞陳業履行高潔往候不見儼後浮海南入

交州臨去遺書與業不因行李繫白樓亭柱而去

升陟遠望山湖滿目也未建中陽羨周嘉上書以

縣遠赴會至難求得分置遂以浙江西為吳以東

為會稽漢高帝十一年亦一作吳也後分為三世

號二吳吳興吳郡會稽其一焉浙江又東逕禦兒鄉萬善歷曰吳黃武六年正月獲彭綺是歲由奉西鄉有產兒隨便能語謝云宋本作云天明河欲清脚折金乃生是因詔爲語兒鄉非也禦兒之名遠矣蓋無智之徒因藉地民生情穿鑿耳國語曰勾踐之地北至禦兒是也安得引黃武證地哉韋昭曰越北鄰在嘉興浙江又東逕柴辟南舊吳楚之戰地矣備候於此故謂之辟塞是以越絕稱吳故從由拳辟塞渡會夷湊山陰是也浙江又逕固陵城北昔范蠡築城於浙江之濱言可以固守謂

之固陵今之西陵也浙江又東逕祖塘謂之祖瀆昔太守王朗拒孫策數戰不利孫靜果說策曰朗負阻守難可卒拔祖瀆去此數十里陸游會稽志祖瀆屬蕭山

縣是要道也若從此出攻其無備破之必矣策從

之破朗於固陵有西陵湖亦謂之西城湖湖西有

湖城山東有夏架山湖水上承妖臯谿而下注浙

江又逕永興縣南縣在會稽東北一百二十里也

闔閭弟夫槩之故邑也王莽之餘衍也漢末童謠

云天子當興東南三餘之間故孫權改曰元興縣

濱浙江又東合浦陽江江水之導源烏傷縣又東

逕諸暨縣與洩谿合谿廣數丈中道有兩高山夾
谿造雲壁立凡有三洩洩懸三十餘丈廣十丈中
二洩不可得至登山遠望乃得見之下洩懸百餘
丈水勢高急聲震水外上洩懸二百餘丈望若雲
垂此是瀑布土人號爲洩也陸游會稽志引水經
注云浦陽浙江東逕
諸暨縣與泄溪合溪廣數丈中道有兩高山夾溪
造雲壁立凡有三泄水勢高急聲震水外上洩高
二百餘丈望若雲垂此是瀑布土人號爲泄爾又
按輿地志云五泄溪在諸暨縣西五十里山峻而
有五級故以爲名下泄垂三十丈廣十丈中三泄
不可踰堦登他山望始見之上泄垂百餘丈聲如
江水又東逕諸暨縣南縣臨對江流江南有射
山北帶烏山故越地也夫槩王之故邑先名上

諸暨亦曰勾吳矣故國語曰勾踐之地南至勾吳
王莽之疎虜也夾水多浦浦中有大湖春夏多水
秋冬涸淺江水又東南逕剡縣與白石山水會山
上有瀑布懸水三十丈下注浦陽江浦陽江水又
東流南屈又東迴北轉逕剡縣東王莽之盡忠也
縣開東門向江江廣二百餘步自昔者舊傳縣不
得開南門開南門則有賊盜江水翼縣轉注故有
東渡西渡焉東南二渡通臨海並汎單船爲浮航
西渡通東陽併二十五船爲橋航江邊有查浦浦
東行二百餘里與句章接界浦裏有六里有五百

家並夾浦居列門向水甚有良田有青谿餘洪谿大發谿小發谿江上有谿六谿列溉散入江夾谿

上下崩崖若傾東有簞山

會稽志云簞山在嵎縣東三十一里孔擘云山

遙望之如鋪簞也

南有黃山與白石三山為縣之秀峯山

下眾流前導湍石激波浮嶮四注浦陽江又東逕

石橋廣八丈高四丈下有石井口徑七尺橋上有

方石長七尺廣一丈二尺橋頭有磐石可容二十

人坐谿水兩傍悉高山山有石壁二十許丈谿中

相攻聳響外發未至橋數里便聞其聲江水北逕

嵎山山下有亭亭帶山臨江松嶺森蔚沙渚平野

浦陽江又東北逕始寧縣嵎山之成工嶠嶠壁立

臨江欹路峻狹不得併行行者牽木稍進不敢俯

視嶠西有山孤峯特上飛禽罕至嘗有采藥者公

山見通谿尋上於山頂樹下有十二方石地甚方

潔

會稽志引此注作地甚光潔

還復更尋遂迷前路言諸仙之

所憩讌故以壇讌名山嶠北有嵎浦浦口有廟廟

甚靈驗行人及樵伐者皆先敬焉若相侵竊必為

蛇虎所傷北則嵎山與嵎山接二山雖曰異縣而

峯嶺相連其間傾澗懷煙泉谿引霧吹哇風馨觸

岫延賞是以王元琳謂之神明境事備說康樂山

居記浦陽江自嶧山東北逕太康湖車騎將軍謝玄田居所在會稽志引水經注作謝玄舊居右濱長江左傍連山

平陵脩通澄湖遠鏡於江曲起樓樓側悉是桐梓

森聳可愛居民號為桐亭樓樓兩面臨江盡升眺

之趣蘆人漁子汎濫滿焉湖中築路東出趣山路

甚平直山中有三精舍高薨凌虛垂簷帶空俯眺

平林煙杳在下會稽志引此注云俯眺平煙杳然在下水陸寧晏足

為避地之鄉矣江有琵琶圻圻有古冢隨當作水陸

甓有隱起字云筮吉龜凶八百年落江中謝靈運

取甓詣京咸傳觀焉乃如龜繇故知冢已八百年

矣浦陽江又東北逕始寧縣西本上虞之南鄉也

漢順帝永建四年陽羨周嘉上書始分之舊治水

西常有波湖之患晉中興之初治今處縣下有小

江源出岷山謂之岷浦逕縣下西流注于浦陽菰

山下注此浦浦西通山陰浦而達于江江廣百里

謝云宋本作江廣百丈黃本作江廣一百固誤吳改作百里亦非也狹處二百步高

山帶江重蔭被水江閱漁商川交樵隱故桂棹蘭

棹望景爭途江南有故城太尉劉牢之討孫恩所

築也江水東逕上虞縣南至王莽之會稽也本司

鹽都尉治也地名虞賔晉太康地記曰舜避丹朱

於此故以名縣百官從之故縣北有百官橋亦云
禹與諸侯會事訖因相虞樂故曰上虞二說不同
未詳孰是縣南有蘭風山山少木多石驛路帶山
傍江路邊皆作欄干山有三嶺枕帶長江茗茗孤
危望之若傾緣山之路下臨大川皆作飛閣欄干
乘之而渡謂此三嶺爲三石頭丹陽葛洪遯世居
之基井存焉琅邪王方平性好山水又愛宅舊本
作爰
宅蘭風垂釣於此以誅終朝行者過之不識問曰
賣魚師得魚賣否方平答曰釣亦不得復不賣
亦謂是水爲上虞江縣之東郭外有漁浦湖中有

大獨小獨二山又有覆舟山覆舟山下有漁浦王
廟廟今移入裏山北一作三山孤立水中湖外有

青山黃山澤蘭山重岫疊嶺參差入雲澤蘭山頭
有深潭山影臨水水色青綠山中有諸塢有石槌
一所右臨白馬潭潭之深無底傳云創湖之始邊塘
屢崩百姓以白馬祭之因以名水湖之南卽江津
也江南有上塘陽中三里隔在湖南常有水患太
守孔靈符遏蜂山前湖以爲埭埭下開瀆直指南
津又作水槌二所以舍此江得無淹潰之害縣東
有龍頭山山崖之間有石井冬夏常冽清泉南帶

長江東連上陝江之道南有曹娥碑娥父盱迎濤
 溺死娥時年十四哀父尸不測宋本作不得乃號踴江
 介因解衣投水祝曰若值父尸衣當沈若不值衣
 當浮裁落便沈娥遂於沈處赴水而死縣今度尚
 使外甥邯鄲子禮為碑文以彰孝烈江濱有馬目
 山洪濤一上波隱是山勢淪岫亭間歷數縣行者
 難之縣東北上亦有孝子楊威母墓威少失父事
 母至孝常與母入山采薪為虎所逼自計不能禦
 於是抱母且號且行虎見其情遂偃耳舊本作耳而
 去自非誠貫精微孰能理感于英獸矣又有吳瀆

破山導源注於胥江上虞江東逕周市而注未與
 地理志曰縣有仇亭柯水東入海仇亭在縣之東
 北一十里江北柯水疑即江也又東北逕永興東
 與浙江合謂之浦陽江地理志又云縣有蕭山潘
 水所出東入海又疑是浦陽江之別名也自外無
 水以應之浙江又東注于海故山海經曰浙江在
 其東在閩西北入海韋昭以松江浙江浦陽江為
 三江

斤江水出交趾龍編縣東北至鬱林領方縣東注于

鬱

地理志云逕臨塵縣至領方縣注于鬱

容容夜納湛乘牛渚須無無濡營進皇無地零侵黎

至臨塵入鬱

無會重瀨夫省無變由蒲王都融勇外此皆出日南

郡西東東入于海漢地理志曰南郡有小木十六并

會諸水蓋十
六水之名也

容容水在南垂名之以次轉北也右三十水從江

已南至日南郡也

嵩高為中嶽在潁川陽城縣西北

春秋說題辭曰陰含陽故石凝為山國語曰禹封

九山山土之聚也爾雅曰山大而高曰崧合而言

之為崧高分而名之為二室西南為少室東北為

太室嵩高山記曰山下巖中有一石室云有自然

經書自然飲食又云山有玉女臺言漢武帝見因

以名臺

輿地志少室山石室內有自然經書自然
飲食紀異志嵩山有玉女擣帛石立秋前

一日中夜
常聞杵聲

泰山為東嶽在泰山博縣西北

岱宗也王者封禪於其山示增高也有金策玉檢

之事焉

應劭漢書注云王者功成治定也成功於
天登封太山刻石紀號有金冊石函金泥

玉檢之封焉

霍山為南嶽在廬江濳縣西南

天柱山也爾雅云大山宮小山曰霍開山圖曰其

山上侵神氣下固窮泉郭璞爾雅注云霍山在濳縣別名天柱山漢武以衡

山遼遠識緯以霍山為岳故祭之

華山為西嶽在弘農華陰縣西南

古文之惇物山也禹貢云終南惇物至于鳥鼠墀按禹叙雍州不言華山故以惇

物當之然西傾朱圉鳥鼠至於太華已記之矣漢書云惇物山垂山也豈垂華字相亂邪

雷首山在河東蒲坂縣東南

砥柱在河東大陽縣東河中

王屋山在河東垣曲縣東北也

昔黃帝受丹訣於是山也抱朴子云黃帝陟王屋而授丹經到鼎湖而飛

流珠登崆峒而問廣成

太行山在河內野王縣西北

王烈得石髓處也神仙傳王烈字長休邯鄲人嘗之太行山見山破石裂數百丈

兩畔皆青石石中一穴有青泥流出如髓烈取泥試凡之須臾成石嚼之氣如粳米飯用糶少許示

稽叔夜

恒山為北嶽在中山上曲陽縣西北

碣石山在遼西臨渝縣南水中也

大禹鑿其石右夾而納河秦始皇漢武帝皆嘗登

之海水西侵歲月逾甚而苞其山故言水中矣

析城山在河東濩澤縣西南

太嶽山在河東永安縣

漢地理志河東郡魏縣有霍太山在東

壺中山在河東北屈縣東南

禹貢云壺口雷首至于太嶽漢地理志壺口在

河東北屈縣東南此云壺中字譌也

龍門山在河東皮氏縣西

禹貢浮于積石至于龍門西河孔安國曰龍門山在

河東之西界

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

隴山在扶風汧縣之西也

禹貢無關山漢志扶風汧縣有吳山在西古文以為

汧山周禮雍州之鎮曰嶽山鄭云吳嶽也

隴山終南山惇物山在扶風武功縣西南也

須山在隴西臨洮縣西南

漢地理志臨洮縣有頃山在縣西南讀曰傾此作須

譌

禹貢中條山也

禹貢西傾因桓是來馬融王肅禹貢說云岍為北條西傾中條嶓冢

南條凡三條也

嶓冢山在隴西氐道縣之南

南條山也

鳥鼠同穴山在隴西首陽縣西南

鄭玄曰鳥鼠之山有鳥焉與鼠飛行而處之又有
止而同穴之山焉是二山也鳥名為鷓而黃
黑色鼠如家鼠而短尾穿地而共處鼠內而鳥外
孔安國曰共為雌雄杜彥達曰同穴止宿養子互
相哺食長大乃止張晏言不相為牝牡故因以名
山沈約宋書沙州甘谷嶺北有雀鼠同穴或在山
嶺或在平地雀色白鼠色黃地生黃紫花草便
有雀鼠穴此雖非本
注存之以廣異聞

積石在隴西河關縣西南

山海經云山在鄧林東河所入也

都野澤在武威縣東北

縣在姑臧城北三百里東北即休屠澤也古文以
為豬野也禹貢原隰底
績至于豬野其水上承姑臧武始澤澤

水二源東北流為一水姑臧縣故城西東北流水

側有靈源池

宋本作
靈淵池

王隱晉書曰漢末博士燉煌

侯瑾善內學語弟子曰涼州城西泉水當竭有霞

闕其上至魏嘉平中武威太守條茂起學舍築闕

於此泉太守填水造起門樓與學闕相望泉源徒

發重導於斯故有靈淵之名也澤水又東北流逕

焉城東城即休屠縣之故城也本匈奴休屠王都

謂之焉城河又東北與橫水合水出姑臧城下武

威郡涼州治地理風俗記曰漢武帝元朔三年改
雍曰涼州以其金行土地寒涼故也遷于冀晉徙
治此王隱晉書曰涼州有龍形故曰臥龍城南北
七里東西三里本匈奴所築也乃張氏之世居也
又增築四城箱各千步東城殖園果命曰講武場
北城殖園果命曰玄武圃皆有宮殿中城內作四
時宮隨節游幸并舊城爲五街衢相通二十二門
大繕宮殿觀閣采綺妝飾擬中夏也其水側城北
流注馬城河河水又東北清澗水入焉俗亦謂之
爲五澗水也水出姑臧城東而西北流注馬城河

河水又與長泉水合水出姑臧東楫次縣王莽之
播德也西北歷黃沙阜而東北流注馬城河又東

北逕宣威縣故城南楫次當作楫次按漢地理志

音子如反次音咨又東北逕平澤晏然二亭東又

東北逕武威縣故城東漢武帝太初四年匈奴渾

邪王殺休屠王以其衆置武威縣武威郡王莽更

名張掖地理志曰谷水出姑臧南山北至武威入

海屆此水流兩分一水北入休屠澤俗謂之爲西

海一水又東逕一百五十里入豬野世謂之東海

通謂之都野矣

合離山在酒泉會水縣東北

合黎山也

禹貢導弱水至于合黎餘波入于流沙漢地理志張掖郡刪丹縣注云桑欽以

為導弱水自此西至酒泉合黎

流沙地在張掖居延縣東北

居延澤在其縣故城東尚書所謂流沙者也形如

月生五日也弱水入流沙流沙與水流行也亦言

出鍾山西行極崦嵫之山在西海郡北山有石赤

白色以兩石相打則水潤打之不已潤盡則火出

山石皆然炎起數丈逕日不滅有大黑風自流沙

出奄之乃滅其石如初言動火之事發疾經年故

不敢輕近耳流沙又逕浮渚歷壑市之國又逕于

鳥山之東朝雲國西歷崑山西南出于過瀛之山

大荒西經云西南海之外流沙出焉逕夏后開開

上三嬪于天得九辯與九歌焉

山海經曰赤水之南流沙之西有人

珥兩青蛇乘兩龍名曰夏后開開又歷負丘不死

之西入于南海

據宋本補六字

三危山在燉煌縣南

山海經曰三危之山三青鳥屬之是山也廣圓百

里在鳥鼠山西即尚書所謂竄三苗于三危也春

秋傳曰允姓之姦居于瓜州瓜州地名也杜林曰

燉煌古瓜州也州之貢物地出好瓜民因氏之瓜
州之戎并於月氏者也漢武帝後元分酒泉置南
七里有鳴沙山故亦曰沙州也

朱圉山在天水北冀縣南

禹貢西傾朱圉鳥鼠至于太華漢地志朱圉山在冀

縣南梧中聚莽曰冀治

即冀縣山有石鼓開山圖謂之天鼓山九州害起
則鳴有常應又云石鼓山有石鼓於星為河鼓星
動則石鼓鳴石鼓鳴則秦土有殃鳴淺殃萬物鳴
深則殃君王矣

岷山在蜀郡蒲氏道西

漢書以為瀆山者也

漢書郊祀志曰自華以西名

山鴻冢瀆山瀆山蜀之岷山也

蟠冢山在弘農盧氏縣南

是山也穀水出其北林也

中山經云傅山之西有林焉名曰蟠冢穀水出

焉東流注于洛墻音番

荆山在南郡臨沮縣東北

東條山也

漢地理志云禹貢北條荆山在馮翊襄德縣南其南條荆山在臨沮縣東

北此云東條所未詳也

卞和得玉璞於是山楚王不理懷璧

哭於其下後玉人理之所謂和氏之璧焉

和氏璧事具韓

非子

內方山在江夏竟陵縣東北

禹貢注章山也漢地志云江夏竟陵縣有章山在縣東北古文以為內方山

大別山在廬江安豐縣西南禹貢內方至于大別孔傳云二山在荊州漢所

經也孫云荊州大別山在江夏郡此廬江大別疑非一山

外方山崧高是也禹貢熊耳外方桐栢至于涪尾漢地志云密高山在潁川密高縣古

文以為外方山

桐栢山在南陽平氏縣東南漢地志桐栢大復山在平氏縣東南淮水所出

陪尾山在江夏安陸縣東北漢地志橫尾山在安陸縣東北古文以為陪尾

山也

衡山在長沙湘南縣南

禹治洪水血馬祭衡山於是得金簡玉字之書按

省玉字得通水理也吳越春秋禹登衡山血白馬以祭夢玄夷使者告以神書

發覆釜山得金簡玉字通水之理

九江地在長沙下雋縣西北雲夢澤在南郡華容縣

之東東陵地在廬江金蘭縣西北前後漢志廬江郡無金蘭縣孫按漢

志廬江郡注云金蘭西北有東陵鄉水經三十二卷注中有金蘭縣

敷淺原地在豫章歷陵縣西彭蠡澤在豫章彭澤縣

北

尚書所謂彭蠡既豬陽鳥攸居也

中江在丹陽蕪湖縣南東至會稽陽羨縣入于海震

澤在吳縣南五十里北江在毗陵北界東入于海

嶧陽山在下邳縣之西

羽山在東海祝其縣南也

縣即王莽之猶亭也尚書殛鯀於羽山謂是山也

山西有禹淵當作羽淵禹父之所化其神為黃能以入

淵矣故山海經曰洪水滔天鯀竊帝之息壤以堙

水不待帝命帝令祝融殺鯀羽郊者也

陶丘在濟陰定陶縣之西南

陶丘丘再成也

荷澤在定陶縣東雷澤在濟陰成陽縣西北荷水在

山陽湖陸縣南蒙山在太山蒙陰縣西南大野澤在

山陽鉅野縣東北大邳地在河南成臯縣北

爾雅曰山一成謂之邳然則大邳山名非地之名

也禹貢東過洛汭至于大伾鄭玄注云大伾在脩武武德之界張楫云成臯縣山也臣瓚漢書注云脩武武德無此山而成臯山又不

一成今黎陽縣山臨河是大伾也

明都澤在梁郡睢陽縣東北益州池水在蜀郡汶江

縣西南其一在郫縣西南皆還入江荊州沱水在南

郡枝江縣三溼地之南在邛縣之北孫云沱當作沱漢志蜀郡汶江

縣注江沱在西南東入江南郡枝江縣注江沱出西東入江邛縣誤漢志南郡有邛縣疑轉寫謬也

尚書曰導漢水過三溼地說曰沔水東行過三溼

合流觸大辨山波故馬融鄭玄王肅孔安

以為三澁水名也許慎言澁者埤增水邊土人所

止也按春秋左傳曰文公十有六年楚軍次于勾

澁以伐諸庸宣公四年楚令尹子越師于漳澁定

公四年左司馬戎敗吳師于雍澁昭公二十三年

司馬遠越縊於蓬澁左傳作遠澁服虔或謂之邑又謂

之地京相璠曰杜預亦云水際及邊地名也今南

陽清陽二縣之間清水之濱有南澁北澁矣而諸

儒之論水陸相半又無山源出處之所津途關路

唯鄭玄及劉澄之言在竟陵縣界經云邛縣北池

然池流多矣孫云池當作沱而論者疑焉而不能辨其新

在

右禹貢山水澤地所在凡六十

